


Sc. 19. Pl. 6.



1513





PRÆLECTIONES
THEOLOGICÆ,
DE SACRAMENTIS
PŒNITENTIÆ,
E T


EXTREMÆ UNCTIONIS,
Quas in Scholis Sorbonicis habuit
HONORATUS TOURNELY

SACRÆ FACULTATIS PARIENSIS
*Doctor, Socius Sorbonicus, Regius & Eme-
ritus Professor, Sacrosanctæ Capellæ Regiæ
Palatii Parisiensis Canonicus.*



VENETIIS,
Apud NICOLAUM PEZZANA.

M D C C X X X I.
SUPERIORUM PERMISSU, AC PRIVILEGIO.





THEOLOGIÆ CANDIDATIS PRÆFATIO.



UAM dives ac multiplex sit in reparandis humanæ nostræ naturæ prolapsionibus divina bonitas & clementia, quis tam ingratus & beneficiorum Dei immemor, Dilect. Cand. qui non lubens agnoscat & fateatur? Deperditam primi parentis lapsu, quam in ortu suo acceperat, innocentiam, plenè reparat aquæ Baptismus, tam promptus quàm facilis: si verò pro humana fragilitate quis à baptismali iustitia peccando exciderit, an illico desperata & conclamata est æterna illius salus? absit. Præsens ac paratissimum adest in Pœnitentia & Ecclesiæ clavibus remedium. *Accipite Spiritum sanctum*, ait Christus suos alloquens Apostolos: *quorum remisistis peccata, remittuntur eis.* *Multiplex misericordia Dei*, inquit S. Leo Epist. 62. aliàs 91. *ita lapsibus subvenit humanis, ut non solum per Baptismi gratiam, sed etiam per Pœnitentia medicinam spes vitæ reparetur æterna.* Longè ante ipsum, cùm nondum ad Montanistas defecisset Tertullianus, dixerat: *Hac venena providens Deus, clausa licèt ignoscens ianua, & intinctionis sera obstruita, aliquid adhuc patere permisit.* Collocavit in vestibulo pœnitentiam secundam, quæ pulsantibus patefaciat. Hanc secundam appellat post naufragium tabulam, spem secundam.

*Isa. 20.
v. 11.
r. 1. p.
605.*

*Lib. de
Pœnit.
c. 8. p.
126.*

Observeat S. Augustinus L. de duabus animabus c. 14. *posse quidem aliquem dicere, non se peccare; at nullam esse barbariem qua dicere audeat non esse pœnitendum, si peccaverit.* Tam altè scilicet ac intimè istud mortalium animis insitum est, sola pœnitentia suppremi numinis criminum ultoris iram ac iustitiam mitigari posse.

*r. 8. p.
90.*

Non absimilis quædam in Hæreticis pœnitentiæ nostræ hostibus videtur esse barbaries ac duritia, qui vel aliquod irremissibile crimen agnoscunt; vel ex animo pœnitentibus, veniam, quæ pœnitentiæ

fructus est, denegant. Ita ne verò extitisse homines tam duos & in semetiplos immisericordes, ut nescio quo desperatæ mentis furore, unicam, quæ post lapsum superest, salutis recuperandæ viam spemque sibi miserè præcluserint? Fuere sanè, Dilect. Cand.

Nam primùm Montanistę, facta distinctione peccatorum quæ in proximum, & quæ in Deum committuntur, illa condonari posse, hæc verò numquam posse affirmarunt. *Mundantur*, aiebat Tertullianus Montanista factus, L. de pud. c. 2. *delicta, quæ quis in fratrem, non in Deum admiserit*. Quasi quæ in fratrem committuntur, in Deum ipsum ea prohibentem non committerentur. Non dissimulandum tamen, duos ab illis delictorum, quibus divina majestas læditur, statutos ordines fuisse: alterum minùs gravium, & gravissimorum alterum; atque ista dumtaxat ab omni spe veniæ clavium ministerio consequendę ab illis exclusæ penitus fuisse, etiam post exantlatos severioris poenitentię labores. Sunt, pergit idem Tertullianus c. 19. *graviora & exitiosa quæ veniam non capiunt, homicidium, idololatria, fraus, negatio, blasphemia, utique & mechia & fornicatio, & si qua violatio templi Dei*.

Postea Novatiani, initio lucę ab Ecclesia defectionis, cùm nondum benè præconcepta atque animo informata gereret omnia erroris sui capita lectę parens Novatianus, solis idololatriis in persecutione lapsis veniam denegasse visi sunt. Verùm cùm intellexissent laborare dogma suum, nec satis coherere secum, nisi longius progredirentur, subindè omnibus indiscriminatum post Baptismum delictis, veniam ab Ecclesia concedi non posse contenderunt. Ita testatur S. Pacianus in Epistola 3. ad Sympron. *Tractatus omnis Novatianorum*, inquit, *quem ad me confertis, undique propositionibus destinatis, hoc continet; quodd post Baptismum poenitere non liceat; quodd mortale peccatum Ecclesia donare non possit; imò quodd ipsa pereat recipiendo penitentes*. En quodd præcipit contumax ac superbus error; *Abyssus abyssum invocat*. Plus sapit & arridet animo hæretico, dicere Ecclesiam periisse, quàm deposito errore, illam audire ac sequi ducem & magistram, *quæ columna est ac firmamentum veritatis, adversus quam, ipso sponlore Christo, porte inferi non prevalebunt*.

Lapso equidem dura, atque aspera poenitentia etiam ab Ecclesia diu castigandos esse, non dissitebantur veteres illi poenitentię obtreçtatores, verùm incassum & sine ullo fructu, sine spe veniæ ab Ecclesia obtinendę. O *frustranda fraternitatis irrisio*! exclamabat ea occasione S. Cyprianus Epist. 52. ad Antonian. O *miserorum lamentantium caduca deceptio*! O *hæretica institutionis inefficax & vana traditio*! Hortari ad satisfactionis poenitentiam, & subtrahere de satisfactione medicinas

nam; dicere fratribus nostris, Plange & lacrymas funde, diebus ac noctibus ingemisce, & pro ablucendo & purgando delicto tuo largiter ac frequenter operare; sed extra Ecclesiam post omnia ista morieris. Quaecumque ad pacem pertinent facies, sed nullam pacem, quam quæris, accipies. Quis non statim pereat? Quis non ipsa desperatio-
ue deficiat?

Profecto ingenii humani industriam omnem, laborem & æmulationem torpelcere & extingui penitus necesse est, ubi nullum conanti præmium, merces nulla proponitur. Quid ipsemet Christus Annon proposito sibi gaudio sustinuit crucem? Hebr. 12. v. 2. *Homines*, ait S. Ambrosius L. 1. de Pœnit. c. 16. *ad aliquod studium aut præmiis aut fructibus incitantur; omne verò studium torpescit declaratione.* Si agricolæ messis ac vindemiæ colligendæ, si militis victoria reportandæ, si nautæ portus obtinendi spem auferas, obsolescit omnis agrorum cultura, sagum & arma miles abjicit, quiescit nauta. Ita certè funditus ruit ac è medio tollitur pœnitentia, quæ omni caret spe veniæ ab Ecclesia impetrandæ; cuius fructus omnis, ait sanctus Ambrosius, *intercipitur*. Atque inde quàm proclive est ad omnem morum licentiam fræna laxari!

At si quis fortè dixerit: Ego occultè & in corde apud Deum pœnitentiam ago: audiat ille Augustinum respondentem Serm. 392. aliàs Hom. 49. inter 50. *Ergo sine causa dictum est, Quæ solveritis in terrâ, soluta erunt in Cælo? Ergo sine causa sunt claves data Ecclesiæ? Frustramus Evangelium, frustramus verba Christi.*

Audiant hæc etiam Novatores nostri Lutherani & Calvinistæ, ac tandem desistant Pœnitentiam è numero Sacramentorum Christi expungere, camque cum Baptismo ejusque memoria tam imperitè confundere: desinant non aliam in Ecclesiâ dimittendorum peccatorum agnoscere potestatem, quàm quæ verbi Dei prædicatione constet, aut saltem mera & simplici declaratione peccati à Deo jam condonati. *Ergo sine causa dictum est, Quæ solveritis in terrâ, soluta erunt in Cælo? Frustramus Evangelium, frustramus verba Christi.* Dominus etenim à mortuis excitatus insufflavit in Discipulos suos, dicens: *Accipite Spiritum sanctum: quorum remisistis peccata, remittuntur eis; & quorum retinueritis, retenta sunt, quod tam insigni facto & verbis tam perspicuis, ajunt Patres Tridentini, potestatem remittendi ac retinendi peccata ad reconciliandos fideles post Baptismum lapsos, Apostolis & eorum legitimis successoribus fuisse communicatam universorum Patrum consensu semper intellexit, & Novatianos remittendi potestatem olim pertinaciter negantes, magna ratione Ecclesiâ Catholica tanquam hæreticos explosit atque condemnavit.*

Tournely de Sacram. Pœnitentiæ.

a 3 Por-

T. 2. f. 413.

T. 5. p. 1504.

Jn. 20. v. 23.

Sess. 14. de pœnit. c. 1.

Porro inter peccata vel in proximum, vel in Deum, ut Montanistis; aut gravissima, aut minus gravia, ut Novatianis aliquando placuit, Christus non distinguit, neque etiam distinguit unquam Ecclesia: absoluta & generalis est sententia, *Quorum remiseritis peccata, remittuntur eis. Quaecumque solveritis super terram, erunt soluta & in Cælo.* Neminem ex animo poenitentem à spe veniæ excludit Christus; nullum irremissibile crimen esse voluit. Omnibus delictis, aiebat Tertullianus adhuc Catholicus, Lib. de poenit. cap. 4. seu carne, seu spiritu, seu facto seu voluntate commissis, qui poenam per iudicium destinavit, idem etiam & veniam per poenitentiam spondit . . . Non enim comparatur Deus non poenitenti, si non ignosceret poenitenti.

Crudeles illos poenitentię ac humanę salutis hostes debellandos hic aggredimur, Dilecti. Cand. ac satis, ut opinor, intelligitis, quàm grave ac salutare sit præsens istud argumentum; quàm sublime, arduum ac periculi plenum clavium ministerium, ad quod aliquando tractandum destinati estis, unde & vestra, & aliorum salus omnino pendet. Sedet in tribunali poenitentię Sacerdos, animorum nostrorum iudex idem ac medicus: ad utrumque verò munus quot & quantę requiruntur dotes? In iudice accurata legum notitia; animus in detegenda fraude solers ac perspicax, in tuenda iustitia constans & inflexus, ab omni personarum studio & affectu alienus, prehensionibus, ne à vero deflectat, inaccessus; uno verbo, sit veri amans, legum ac disciplinę cultor & tenax. Animorum verò medicus, quàm industrius, quàm sagax, prudens ac flexilis, ut occultas morborum causas solerter extricat, idonea pro varietate morborum, & personarum conditione adhibeat remedia; flectat duros & contumaces; impositam fluctuantium conscientiam sublevet, & ad salutaria remedia, quamlibet aspera & amara, ultro admittenda suaviter adducat! Quàm verè & appositè Gregorius Magnus regimen animarum *artium artem appellavit*: quę quidem ars eo momenti majoris ac necessitatis est, quòd sine dispendio salutis æternę ignorari à ministris Ecclesię non possit. Decretoria quidem est ac plena timoris hæc Christi sententia, *Nisi poenitentiam habueritis, omnes simul peribitis*: at quantum solatii ista continet, *Si impius egerit poenitentiam ab omnibus peccatis suis, quę operatus est . . . vita vivet & non morietur: omnium iniquitatum eius non recordabor.* Et, *Si fuerint peccata vestra ut coccinum, quasi nix dealbabitur; & si fuerint rubra quasi vermiculus, velut lana alba erunt.* Numquid, ait rursus Deus apud

Ezc-

Ezech. voluntatis mea est mors impii... & non ut convertatur à viis suis, & vivat? Et S. Petrus; Dominus patienter agit propter vos, nolens aliquos perire, sed omnes ad poenitentiam reverti. C. 18. v. 12. P. 1. 3. v. 9.

Verum, quod rei caput est, dignosci à vobis imprimis oportet, Dilecti. Cand. quæ sit poenitentia natura & ratio, quæ vis & efficacia; quæ partes, affectiones & conditiones, ut fructum ferre possit; quæ verus, & præsentis ejus disciplina, ne fortè quis zelo præpostero antiquam revocando, Ecclesiam perturbet; quàm multi autem sunt qui hæc ignorant, ac falsa poenitentia specie delusi miserè pereunt? Quàm multi, ait S. Augustinus Serm. 7. de temp. nunc in Append. quasi poenitentia ducti, assidue se dicunt esse peccatores, & tamen illos adhuc delectat peccare? Professio est, non emendatio: accusatur anima, non sanatur; pronuntiatur offensæ, non tollitur. Poenitentiam certam non facit, nisi odium peccati & amor Dei. Quem facti poenitet, ait egregiè Lactantius L. 6. Instit. c. 24. erroneum suum pristinum intelligit; ideoque Græci melius & significantius dicunt, quàm nos possumus respicientiam dicere: respiciet enim ac mentem suam quasi ab insania recipit, quem errati piget, castigatque se ipsum dementia, & confirmat animum ad rectius vivendum, tum illud ipsum maxime cavet, ne rursus in eisdem laqueis inducatur. T. 1. p. 113. P. 37. 2.

Observat S. Gregorius Magnus in cap. 15. L. 1. Reg. tria in uno quoque veraciter poenitente considerata esse, videlicet conversionem cordis, seu contritionem, confessionem oris, & vindictam peccati, id est, satisfactionem; quæ quidem tres sunt quasi partes, quibus Sacramenti Poenitentia constat naturæ vel integritas. Est autem earum quælibet, ut legitima sit, certis quibusdam legibus ac conditionibus adstricta, quas si quis ignoraverit, in tractando clavium ministerio cæcutiat oportet. T. 3. p. 12. P. 36.

I. Contritio inter illas partes ordine, natura & præstantia primum haud dubiè locum obtinet, cum fieri nunquam possit, ut remittatur offensæ quæ Dei majestas læsa fuit, sine intimo animi dolore ac detestatione offensæ Deo irrogatæ; quod ratio & natura ipsa contritionis importat. Qui enim est? animi dolor ac detestatio de peccato commisso, cum proposito non peccandi de cætero, quibus verbis Tridentina Synodus paucis ea omnia complectitur, quæ ad veræ contritionis naturam pertinent. C. 1. Trid. sess. 14. c. 4.

Dolor est animi, intimus scilicet & internus, verus ac sincerus, qui non in sensu, non in fictis lacrymis, aut inani verborum strepitu, non in motivo cujusdam naturalis commodi vel incommodi; non in quadam imaginationis superficie positus est, sed in intima voluntate ab omni peccati affectu aliena, quam ex mali fuga, ac bonorum operum fructu potissimè dignoscetis. Scindite corda vestra, & non vestimenta vestra, Cap. 1. v. 11.

clamabat ad carnales Judæos Propheta Joel. Et Joan. Baptista, *Pro-*
Mat. 3. *genies viperarum, quis demonstravit vobis fugere à ventura ira? Fa-*
v. 2. *cite ergo fructum dignum pœnitentia.* Etenim tunc benè peccatorem
T. 3. p. 2. *converlum cernimus, ait S. Gregorius Magnus in 1. Lib. Reg. cum*
307. *digna afflictionis austeritate delere nititur, quod loquendo confitetur.*
T. 3. p. 9. *In fructu, non in foliis aut ramis pœnitentia cognoscenda est.* Et certè;
 ut idem sanctus Doctor advertit c. 9. 1. par. Curæ pastor, fit aliquan-
 do ut aliud in imis intentio supprimat, aliud tractantis animo superfi-
 cies cogitationis ostendat. Nam sæpe sibi de semens ipsa mentitur, &
 fingit se de bono opere amare quod non amat, de mundi autem glo-
 ria non amare, quod amat.

Dolor ille intimus, verus ac sincerus, detestationem includit de
 peccato commisso: id est, ait Synodus Trid. *non solum cessationem à*
Ex. 1. 1. *peccato, & vitæ novæ propositum & inchoationem, sed veteris etiam*
odiu continet: juxta illud, *Proiecite à vobis omnes iniquitates vestras,*
in quibus prævaricati estis; & facite vobis cor novum & spiritum no-
vum. Et certè, pergit sancta Synodus, qui illos Sanctorum clamores
Ps. 50. *consideraverit, Tibi soli peccavi, & malum coram te feci. Laboravi in*
2. (al. 6.) *gemitu meo, lavabo per singulas noctes lectum meum. Recogitabo tibi*
Isaia 38. *omnes annos meos in amaritudine animæ meæ;* facile intelliget, eos ex
 vehementi quodam antè actæ vitæ odio, & ingenti peccatorum de-
 testatione manasse.

Præterea, dolor ille seu contritio universalis esse debet, atque ad
 omnia præterita peccata extendi, cum firmo proposito non peccandi
Cap. 3. *de cetero; aliàs falsa & ficta esset contritio, vana & harvata pœnitentia,*
v. 10. *de qua meritò Deus apud Jeremiam conqueritur, Non est, inquit, re-*
versa ad me prævaricatrix in toto corde suo, sed in mendacio. Quapro-
 pter Deus apud Isaiam c. 1. v. 16. ait: *Lavamini, mundi estote, auferite*
malum cogitationum vestrarum: quiescite agere perverse, discite bene-
facere. Et verò, *Quid prodest si peccata luxuria quis desecat, & tamen*
aduc avaritiæ estibus anhelet? Quid prodest, si iræ culpas iam lugeat,
tamen aduc invidia facibus tabescat? verba sunt S. Gregorii Magni.

Observate autem hic diligenter, Cand. Dilect. ex Concilio Tri-
Ho. 39. *dentino, contritionem aliam esse perfectam, aliam verò im-*
in T. 1. *perfectam, seu minùs perfectam, quæ attritio solet appellari. Un-*
p. 1609. *de porro utriusque discrimen ac specifica distinctio desumen-*
 da sit, operosa prosectò est questio, de qua nondum Eccle-
 sia pronuntiavit: an repeti illa distinctio debeat ex motivo ve-
 ræ ac propriè dictæ charitatis, seu amoris Dei propter seip-
 sum, quo sola contritio perfici necessariò debeat, non attri-
 tio, an ex majori vel minori charitatis, quæ utrique commu-
 nis sit, intensiōe seu perfectione graduum; an demùm ex distin-

distinctis specie motivis, tùm charitatis, tùm spei: ita ut ad contritionem amor verè charitatis requiratur, attritioni verò, ut idonea sit ad Sacramentum Pœnitentiæ dispositio, amor, qui spei dicitur, sufficiat, totidem istæ sunt controversiæ, de quibus inter se disputant Scholæ Theologi. His verò jam sepositis, duo hic certissima sunt & explorata, à quibus nemini Catholico licet discedere.

Primum, *etsi contritionem aliquando charitate perfectam esse contingat, hominemque Deo reconciliare priusquam Sacramentum Pœnitentiæ actu suscipiatur; ipsam nihilominus reconciliationem ipsi contritioni sine Sacramenti voto, quod in illa includitur, nō esse adscribendam.* Expressa est Conc. Trid. Sess. 14. cap. 4. de Pœnitentia declaratio.

Alterum, *illam contritionem imperfectam, quæ attritio dicitur, quoniam vel ex turpitudinis peccati consideratione, vel ex gehennæ & poenarum metu commaniter concipitur, si voluntatem peccandi excludat, cum spe veniæ; declarat, (sancta Synodus) non solum non facere hominem hypocritam, & magis peccatorem, verum etiam donum Dei esse, & Spiritus sancti impulsus, non adhuc quidem inhabitantis, sed tantum morientis, quo pœnitens adiutus, viam sibi ad iustitiam parat. Et quamvis sine Sacramento Pœnitentiæ per se ad iustificationem perducere peccatorem nequeat, tamen eum ad Dei gratiam in Sacramento Pœnitentiæ impetrandam disponit.* Ibidem Sess. 14. cap. 4.

I nunc, & eorum, si potes, opinionem approba, qui 1. contritionem charitate perfectam præviā esse debere Sacramento Pœnitentiæ asserunt. Si ita esset, cur dixisset Concilium, *contingere aliquando eam esse charitate perfectam*? Dicere potius debuisset, necesse esse ut semper sit charitate perfecta. Si porro ita esset, tota ferè superflua & inutilis redderetur Sacramenti vis & efficacia; & absolutio Sacerdotis simplex evaderet peccati jam dimissi declaratio, non vera relaxatio. Imò Sacramenta ipsa, quæ viam salutis certam & apertam demonstrare nobis ex sese nata sunt; quàm obscuram, incertam & perplexam redderent! hærente semper in animis scrupulo isto, an charitas perfecta quæ Sacramento prævia esse debet, eum habuerit perfectionis & intensiōis gradum, qui soli Deo cognitus est; sine quo tamen Sacramentum debetè ac cum fructu percipi non potest. 2. Non minùs à vero aberrant, qui cum timore poenæ semper conjunctam volunt, saltem implicitam & in intimis animi medullis latitantem, voluntatem peccandi. Ergo immeritò dixit Synodus: *Si voluntatem peccandi excludat ad gratiam in Sacramento impetrandam disponit.* Supponunt manifestè Concilii Patres, per attritionem metu poenarum conceptam excludi aliquando, non tantum exteriorem peccati actum, sed etiam interiorem illius com-

P R Æ F A T I O.

committendi voluntatem; alioqui quomodo ad gratiam in Sacramento percipiendam posset attritio hominem disponere? Non ergo solam manum, ut ajunt, timor cohibet, sed etiam interiore animum: nam quo tandem modo cum iis gehennæ timor confisteret, quæ gehennam accerunt? *Volentem peccare animum interiore non finit* ait S. Aug. Serm. 161. aliàs 18. de verbis Apostoli. Et Lib. 2. contra Epistolam Petil. c. 83. n. 184. *Intra claustra cogitationis coerces cupiditatem: hominem continet & custodit. Per timorem*, ait alibi sanctus Doctor, *continent se à peccato: fit consuetudo iustitiæ, & incipit quod durum erat amari; & dulcescit Deus, & iam incipit homo propterea iuste vivere, non quia timet pœnas, sed quia amat iustitiam.* En progressus timoris servilis, qui ab odio & cohibitione peccati, ducit ad amorem iustitiæ. *Timor*, ait rursus eximius Doctor Tract. 9. in Epist. S. Joan. *locum preparat charitati: cum autem ceperis charitas habitare, pellitur timor qui ei preparavit locum. Quantum illa crescit, ille decrescit... maior charitas, minor timor... si autem nullus timor, non est quæ intret charitas.* 3. denique, nobis turpiter ad invidiam imponunt, qui clamitant, magnum dilectionis Dei præceptum à nobis violari, qui solo pœnarum timore, sine ullo amore Dei, peccatorem ad gratiam in Sacramento percipiendam disponi asseveramus. Mera hæc est, mihi credite, calumniæ. Novimus primum illud esse ac maximum Legis mandatum, *Diliges Dominum tuum ex toto corde tuo, & ex tota anima tua.* Novimus cum Clero Gallicano in Comitibus generalibus anni 1700. satis adimpleri non posse utrique Sacramento necessarium *vita novæ inchoanda, ac servandi mandata divina propositum, si pœnitens primi ac maximi mandati, quo Deus toto corde diligitur, nullam curam gerat, nec sit saltem animo ita preparato, ut ad illud exequendum, divina opitulante gratia, sese excites ac provocet.* Novimus ex Concilio Tridentino, eos qui se ad iustificantem gratiam præparant, *incipere debere diligere Deum, tanquam omnis iustitiæ fontem.* Neque porro satis intelligimus, qui fieri possit ut excludatur voluntas peccandi, firmumque vitæ melioris, & omnium mandatorum Dei observandorum propositum concipiatur, sine aliquo prævio Dei amore, saltem inchoato & incipientē. Quin, iudice ipsomet Angelico Doctore, timor, si verus est ac supernaturalis, amorem supponit. *Timor mali*, ait, *nasceitur ex amore boni, atque in ipso fundatur.* Verum, Dilect. Cand. longè fatius est & ad salutem animæ longè opportunius, amorem Dei ejulque vim & efficaciam in se experiri, quàm de illo contentiosius disputare. *Si unusquis-*

P R Æ F A T I O.

quisque vestrum inquiratur, ait egregiè S. Gregorius Magnus, an diligat Deum, tota fiducia & secura mente respondet, Diligo... Veritas autem dicit: Si quis diligit me, sermonem meum servabis. Probatio ergo dilectionis, exhibitio est operis... verè etenim Deum diligimus, si ad mandata eius nos à nostris voluptatibus coarctamus. Nam qui adhuc per illicita desideria desinit, profectò Deum non amat, quia ei in sua voluntate contradicit. Jamdiu est ex quo pronuntiavit S. Augustinus Lib. de morib. Eccl. cap. 8. Deum nobis esse summum bonum; neque infra remanendum nobis esse, neque ultra querendum: alterum enim periculosum, alterum nullum est.

Tr. 1. p. 69.

II. Ad animi dolorem seu contritionem, & ipsa oris sacramentalis confessio accedat necesse est, qua penitens post excussos diligenter omnes conscientie sue sinus ac recessus, se reum agnoscat ac demisso animo fateatur. Divinam iustitiam fleat vera, humilis ac sincera delictorum confessio. Statim ac David ex intimo animi sui dolore culpam confessus est, Deus ab ipso peccatum transtulit. Si vis iustificari, ait S. Amb. Lib. 1. de Pœnit. cap. 6. fatere delictum tuum: Solvit enim criminum nexus verecunda confessio peccatorum. Et Tertull. L. de Pœnit. cap. 9. Tantum relaxat confessio delictorum, quantum dissimulatio exaggerat: confessio enim satisfactionis consilium est, dissimulatio contumacia.... satisfactio confessione disponitur, confessione penitentia nascitur, penitentia Deus mitigatur.

Confessio.

Tr. 1. p. 416.

P. 117.

Confessionis sacramentalis antiquam, & ipsi Ecclesie coram originem, usum in Ecclesia constantem ac perpetuum, necessitatem, conditiones ac proprietates, fructus, sigillum, & alia huiusmodi benè multa vobis, Dilect. Cand. in his Prælectionibus nostris exposituri sumus. Prompto itaque ac diligenti animo, pro dignitate argumenti, in hunc Tractatum incumbite. Excipere Fidelium confessiones, salebrosus opus ac lubricum: in quo ministrum, nisi cautus & sagax fuerit in vera confessione à falsa & fucata discernenda, offendere ac labi facillimum est. Quàm multi enim occultè retento alicujus peccati affectu, sibi tamen de sua confessione, & absolutione Sacerdotis blandientes securius, Deo se reconciliatos confidunt. Audite Gregorium Magnum jam à nobis laudatum. Tria, inquit Comment. in caput 15. L. 1. Reg. in unoquoque consideranda sunt veraciter penitente: videlicet conversio mentis, confessio oris, & vindicta peccati. Nam qui corde non convertitur, quid prodest ei si peccata confiteatur? peccatum quod diligitur, confitendo minimè deletur. Nonnulli quidem sunt qui peccata confitendo aperiunt, sed non convertendo nequaquam desistantur: hi profectò confitendo nihil agunt, quia quod loquendo ejiciunt, amando introducunt.

Tr. 1. p. 167.

III. Se-

Sat. 9. a.
Elic.

Matth.
16. v.
24.
Coloss. 1.
v. 24.

T. 6. p.
1362.

Scff. 14.
c. 8.

III. Sequitur satisfactio, Pœnitentiæ pars integrans, quæ post condonatam culpam & pœnam æternam, tota destinatur ad pœnam temporalem, quæ luenda superest, relaxandam; neque enim fieri potest ut inulta remaneant, quæ læsa fuere, divinæ justitiæ jura. Omnino necesse est membra Christo capiti conformari: Si quis vult venire post me, ait Christus, tollat crucem suam & sequatur me. Unde Apostolus dicebat: Adimpleo ea quæ desunt passionum Christi in carne mea, pro corpore eius quod est Ecclesia: seu adimpleo ea quæ supersunt, vel reliquias passionum Christi, non quidem in ipso Christo, sed in corpore eius quod est Ecclesia, quia scilicet post solum à Christo redemptionis nostræ infinitum ac supereffluens pretium, cui deesse nihil potest, hoc unum restat, ut merita ipsius interventu nostræ privatæ satisfactionis, nobis communicentur & applicentur; Si tamen compatimur, ut cum ipso glorificemur, ait Apostolus Rom. 8. v. 17. Non sufficit, inquit bat S. Augustinus Serm. de diversis 351. alias Hom. 50. inter 50. mores in melius commutare, & à factis malis recedere, nisi etiam de his quæ facta sunt, satisfiat Deo per penitentia dolorem, per humilitatis gemitum, per contriti cordis sacrificium, cooperantibus elemosynis.

Inde penitentia laboriosus Baptismus appellatus, cujus quidem appellationis causam & rationem hanc reddit Synodus Tridentina, Quia divinæ iustitiæ ratio exigere videtur, ut aliter ab eo in gratiam recipiantur, qui ante Baptismum per ignorantiam deliquerint; aliter verò qui semel à peccati & demonis servitute liberati, & accepto Spiritus sancti dono, scienter templum Dei violare, & Spiritum sanctum contristare non formidaverint. Et divinam clementiam decet, ne ita nobis absque ulla satisfatione peccata dimittantur, ut occasione accepta leviora putantes, velut iniurii & contumeliosi Spiritui sancto in graviora labamur, thesaurisantes nobis iram in die iræ.

Scitum dignissima est, Dilect. Candid. quam oculis vestris subiciemus, Ecclesiæ veteris circa pœnitentes publicos severissima disciplina, in plures gradus distincta, & ad diuturnam temporis mensuram non raro protracta. Nullibi profectò melius exprimitur, quanta sit offensæ Deo per peccatum irrogatæ gravitas & magnitudo. Et quamquam subsequenibus temporibus, ignavia & infirmitate pœnitentium, Ecclesia coacta quodammodo fuerit de priori sua disciplinæ severitate plurimum remittere, non tamen mutato disciplinæ modo, mutata idcirco fuit ipsius mens atque sententia, quæ ab eodem semper & immutabili Spiritu edocta etiamnum exigit, ut quæ pœnitentibus imponuntur pœnarum satisfactiones, quamdam habeant, quantum humana patitur infirmitas, cum numero

P R Æ F A T I O.

mero & gravitate delictorum proportionem. *Alto vulnere deligens & longa medicina non desit; pœnitentia crimine minor non fit*, ajebat S. Cyprianus Tract. de lapsis. Et S. Ambrosius in Plal. 118. Serm. 8. n. 26. *In ipsa Ecclesia*, inquit, *ubi maxime misereri decet, teneri quàm maxime debet forma iustitiæ, ne quis à communionis consortio absentes, brevi lacrymula, atque ad tempus parata.... communionem facilitate Sacerdotis extorqueat, quam quidem communionem & pacem mox laudatus S. Cyprianus, novum appellat genus cladis; malum fallens, blandam perniciem, pacem periculosam ac præposteram, periculosam dantibus, & accipientibus nihil profuturam.*

Multa hic prudentia & sapientia opus est, Dilect. Cand. quam rerum usus & experientia longè melius quàm verba, docebunt. Non rarò exigunt personarum ac temporum ratio & circumstantiæ, ut inflectatur ac mitigetur Canonum rigor ac severitas: qua tamen in re illud semper atque ante omnia certum & exploratum esse oportet, veram esse ac sinceram pœnitentis conversionem. *In actione quippè pœnitentiæ*, quod Augustini monitum est, *non tam consideranda est mensura temporis, quàm doloris*, neque enim divinæ gratiæ tempora & momenta definire nostrum est. Corinthio gravissimi sceleris reo, durissimam, quam priùs imposuerat, pœnam, S. Paulus subindè mitigavit, *ne fortè*, inquit 2. Cor. 2. v. 7. *abundantiori tristitia absorbeat.*

Ut plerumque se res habent, duo hic extremè opposita fugienda sunt: alterum est, nimia eorum facilitas & indulgentia, qui quibuslibet veniam & absolutionem promiscuè laxant & impertiunt, qui vel nullam, vel ita tenuem ac levem pro gravibus delictis pœnam imponunt, ut prò nulla habenda ferè sit: alterum verò, eorum inconsulta severitas, qui qualibet occasione supra modum austeram, difficilem ac diuturnam exigunt. Isti in desperationem ducunt, & à frequentando Sacramento timidos repellunt; illi periculosam securitatem audacioribus inspirant. Isti priorem disciplinam, austeram quidem ac maxime rigidam, intempestivo zelo ad usum revocandam exoptant; illi etiam presenti ac receptæ disciplinæ nervos incidunt.

IV. Denique, totius actionis pœnitentiæ consummatio ac fructus est absolutio, quam Sacerdos nomine Christi tanquam iudex pronuntiat. Quamvis autem absolutio Sacerdotis, ut Tridentina Synodus decernit, *non sit solum nudum ministerium declarandi remissa esse peccata, sed ad instar actus iudicialis, quo à Sacerdote, velut à iudice, sententia pronuntiaur*; quamvis

P. 187.

To 1. p.

1605.

P. 172.

Euch. e.

65 T. C.

1212.

Abso- luto.

Seff 122

166.

vis

vis functionem remittendi peccata Sacerdos exerceat, *est* tamen absolutio, ut eadem Synodus admonet, *alieni beneficii dispensatio*. Non ergo ad arbitrium promiscuè, sed ex voluntate Christi ac regulis ab ipso præscriptis concedenda. S. Hieronymus ad ista verba, *Tibi dabo claves regni Cælorum; Locum istum*, inquit, *Episcopi & Presbyteri non intelligentes, aliquid sibi de Phariseorum assumunt supercilio, ut vel damnent innocentes, vel solvere se noxios arbitrentur*. Non ita est: eos solvere dumtaxat debent, quos in Cælo solvit Christus; hoc est, eos qui digni sunt, & ex animo verè poenitentes; non alios qui vel ex inveterato habitu peccant, à quo seipso extricare minimè curant; vel aliena, quæ suffurati sunt; bona restituere recusant; aut læsam proximi famam reparare, aut cum inimicis reconciliari, aut proximam peccandi occasionem declinare &c. Regulas illas egregiè proposuit sanctus Carolus Borromæus, quas Clerus Gallicanus typis mandari jussit, ut in manibus omnium Sacerdotum, qui excipiendis confessionibus præpositi sunt, ad exemplum & imitationem reponerentur.

Sed jam finis sit, Dilectissimi Candidati: his concludo Gregorii Magni verbis, quibus regulam præscribit salutaris ac legitime absolutionis. *Tunc vera est*, ait Hom. 26. in Evang. *absolutio præsentis, cum aeterni arbitrium sequitur iudicis*. . . *Causæ ergo pensandæ sunt, & tunc ligandi atque solvendi potestas exercenda*. Videndum est quæ culpa præcessit, aut quæ sit poenitentia secuta post culpam, ut quos omnipotens Deus per compunctionis gratiam visitat, illos pastoris sententia absolvat.



I N D E X

Q U Æ S T I O N U M.

Q U Æ S T I O P R I M A. *De nomine & definitione Penitentiae, ac Hereticis à quibus impugnata est auctoritas Ecclesiae in dimittendis peccatis.* Pag. 2
ARTICULUS PRIMUS. *De nomine & definitione Penitentiae. Variæ Penitentiae nomina.* ibid.

Definitio Penitentiae.

ARTICULUS II. *De Hereticis à quibus impugnata fuit auctoritas Ecclesiae dimittendi peccata per Sacramentum Penitentiae.* 6

Montanista. 7

Novatiani. 7

Massaliani, Meletiani, Apostolici, Luciferiani, Petrus de Osmâ. 9

Poclesta, Hussita, Lutherani, Calvinista, De Dominis. 11

Q U Æ S T I O S E C U N D A. *De existentia, necessitate, & materia Sacramenti Penitentiae.* 14

ARTICULUS PRIMUS. *De existentia & necessitate Sacramenti Penitentiae.*

Utrum Christus Ecclesiae suae auctoritatem concesserit dimittendi qualibet peccata per verum & propriè dictum Sacramentum Penitentiae. ibid.

Probat per adversis Novatianos, Christum Ecclesiae auctoritatem dedisse remittendi omnia peccata, nullumque esse hac in vita crimen irremissibile. ibid.

CONCLUSIO. *Christus Ecclesiae suae concessit auctoritatem dimittendi peccata, nullumque esse hac in vita crimen irremissibile.* ibid.

Solvuntur Objectiones Hereticorum ex Scripturis. 19

Solvuntur Objectiones ex dictis nonnullorum SS. Patrum, qui videntur agnovisse aliquod esse irremissibile peccatum. 25

Probat per adversis Lutheranos & Calvinistas, Penitentiam esse verum Sacramentum à Baptismi memoria distinctum, & omnibus post Baptismum lapsis necessarium. 32

PRIMA CONCLUSIO. *Penitentia verum est & propriè dictum Sacramentum, lapsis post Baptismum absolute necessarium.* ibid.

SECUNDA CONCLUSIO. *Penitentiae Sacramentum distinctum est à Baptismo ejusque memoria.* 33

Solvuntur Objectiones Novatorum. 36

ARTICULUS II. *An sacramentatis absolutio verè & propriè coram Deo peccata dimittat, vel declaret solummodo ea esse dimissa.* 39

CONCLUSIO. *Absolutio sacramentatis verè & propriè dimittit coram Deo peccata, non verò declarat tantum esse dimissa.* 41

Solvuntur Objectiones. 45

ARTICULUS III. *De materia Sacramenti Penitentiae.* 50

Quae sit materia remota Sacramenti Penitentiae. 51

CONCLUSIO. *Peccatum originale non est materia remota seu circa quam Sacramenti Penitentiae, sed actualè duntaxat quod sequitur Baptismum: mortale quidem, necessaria; veniale autem, libera & sufficiens.* ibid.

Quae sit materia proxima Sacramenti Penitentiae. Novatorum error. Scholasticorum opinionem varia. 52

PRIMA CONCLUSIO. *Neque terrores conscientiae incussus, & fides ex Evangelio vel absolutione concepta, sensu Lutheri; neque mortificatio & vivificatio, sensu Calvinii, sunt materia proxima, seu partes Sacramenti Penitentiae. Conclusio est de fide.* 54

SECUNDA CONCLUSIO. *Adversus impositio non est materia proxima Sacramenti Penitentiae.* 55

TER-

Q U Æ S T I O N U M.

TERTIA CONCLUSIO. *Tres actus Pœnitentiæ, nempe contritio, confessio & satisfactio, sunt materia proxima Sacramenti Pœnitentiæ, seu partes ex quibus componitur.* 36

Que sint partes essentielles vel integrantes diuinae Sacramenti Pœnitentiæ. 39

CONCLUSIO. *Contritio & confessio sunt partes essentielles Sacramenti Pœnitentiæ; satisfactio verò pars integralis.* ibid.

QUÆSTIO TERTIA. *De prima Pœnitentiæ parte, seu contritione uniuersum sumpta.* 61

QUÆSTIO QUARTA. *De contritione perfecta.* 74

ARTICULUS PRIMUS. *In quo consistat ratio essentialis & specifica contritionis & charitatis perfecta.* ibid.

Opiniones Scholæ. 72

PRIMA CONCLUSIO. *Omnis amor Dei essentialiter verus, debet esse super omnia; nec eo præciè charitas & contritio perfecta distinguitur ab imperfecta, quod illa non sit super omnia, illa uirò sit super omnia.* 75

SECUNDA CONCLUSIO. *Charitas & contritio perfecta non constituitur nec distinguitur essentialiter ab imperfecta, per intensiorem gradum: sed charitas ex proprio suo motu perfecta, in quocumque gradu essentialiter perfecta est, ac par homini sanctificando.* 80

TERTIA CONCLUSIO. *Distinctio specifica amoris Dei perfecti ab imperfecto, & contritionis perfecta que hominem Deo ex se reconciliat, ab attritione, reperitur ex distinctis specie motuum formalibus charitatis & spei: motuum autem formale & specificum charitatis est Deus, quatenus in se absoluit bonum & perfectum: motuum uerò formale spei, Deus est quatenus nobis bonus, seu nostra suprema beatitudo abiens, ardua & obiens difficult. Ergo ille Dei amor perfectus est, qui elicitur ex motu proprio charitatis; imperfectus uerò semelius perfectus, qui est ex motu proprio spei: prior amor dicitur amicitie & benevolentie, posterior concupiscentie.* 85

Solvuntur Objectiones aduersus secundam Conclusionem. 89

Solvuntur Objectiones aduersus tertiam Conclusionem. 92

ARTICULUS II. *An perfecta contritio non tantum in casu necessitatis, sed ordinariè hominem prius Deo reconciliat, quàm percipiatur actu Pœnitentiæ Sacramentum.* 98

CONCLUSIO. *Perfecta contritio non tantum in casu necessitatis, sed ordinariè hominem Deo reconciliat, antequam Sacramentum actu percipiatur.* 99

Solvuntur Objectiones. 100

ARTICULUS III. *An perfecta contritio sit dispositio necessariò prærequisita ad percipiendum Sacramentum Pœnitentiæ.* 105

CONCLUSIO. *Contritio perfecta qua iustificat ante Sacramentum, non est dispositio necessariò requisita ad Sacramentum Pœnitentiæ debet percipiendum.* 106

ARTICULUS IV. *An, & quale votum seu desiderium Sacramenti necessariū sit, & includatur in contritione perfecta.* 109

CONCLUSIO. *Votum seu desiderium Sacramenti Pœnitentiæ includitur in contritione perfecta: debere illud esse explicitum, in his quibus lex Baptismi & Pœnitentiæ promulgata est, probabiliter nobis videtur.* 110

QUÆSTIO QUINTA. *De contritione imperfecta, seu attritione.* 111

ARTICULUS PRIMUS. *Utrum attritio concepta ex gehinnæ & penarum timore bona sit, honesta & laudabilis. Varia timoris species distinguuntur, & ap-*

Q U Æ S T I O N U M.

Et aperitur status questionis.

Errores.

CONCLUSIO. Contritio imperfecta, seu attritio, concepta ex motivo timoris pœnæ æternæ, quo peccatores ad fugam peccati & penitentiam moventur, bona est, laudabilis, donum Dei: unde non semper adjunctam habet, uti volunt Recentiores nonnulli, ætalem peccandi voluntatem conditionatam, saltem implicitam ac intus latitantem; nec peccati etiam omissionis vult est, qui ita timet.

Solvuntur Objectiones.

ARTICULUS II. An Concilium Tridentinum definiens amorem Dei necessarium esse in attritione, ut hominem disponat ad Sacramentum Penitentiae cum fructu percipiendum.

CONCLUSIO. Concilium Tridentinum nihil definiit adveniens sententias Theologorum qui pugnant vel pro necessitate contritionis perfectæ, vel pro sufficientia contritionis imperfectæ, ex solo penarum timore conceptæ.

ARTICULUS III. An amor Dei, & qualis necessarius sit in attritione ut sit dispositio sufficiens ad gratiam in Sacramento Penitentiae obtinendam.

PRIMA CONCLUSIO. Contritio imperfecta, seu attritio, aliquem saltem inchoatum & initialem Dei amorem includere debet, quo nempe penitens diligere incipiat Deum tanquam fontem totius iustitiæ.

SECUNDA CONCLUSIO. Sufficit ad justificationem in Sacramento Penitentiae obtinendam, amor Dei, qui dicitur spei, quo Deus diligitur quis nobis bonus, nostra beatitudo ac finis ultimus; qui est comparatè ad amorem charitatis, sit imperfectus aut minùs perfectus, in se tamen castus est, gratius, bonus & honestus. Hec postrema pars est adversus Lutheranos & Quietistas.

Solvuntur Objectiones adversus primam Conclusionem.

Solvuntur Objectiones adversus secundam Conclusionem.

Objectiones contra secundam Conclusionem partem.

QUESTIO SEXTA. De confessione, quæ secunda pars est Sacramenti Penitentiae.

ARTICULUS PRIMUS. De nomine & definitione confessionis.

ARTICULUS II. De divino confessionis præcepto.

Novatorum error.

Varie Scholasticorum opiniones circa vim probationis quæ inferitur ex Scripturis pro necessitate confessionis.

Utrum necessitas confessionis sacramentalis efficaciter probari possit ex Scriptura.

CONCLUSIO. Necessitas sacramentalis confessionis efficaciter probatur ex cap. 20. S. Joannis.

Solvuntur Objectiones Dallæ adversus probationem ex Scriptura, pro demonstranda necessitate confessionis iure divino.

Utrum necessitas confessionis sacramentalis secreta seu auricularis probari possit ex constanti S. S. Patrum doctrina & traditione.

CONCLUSIO. Antiquum & perpetuum fuisse in Ecclesia Christi confessionis sacramentalis secreta seu auricularis usum, efficaciter demonstratur ex constanti traditione S. S. Patrum.

PRIMUM ARGUMENTUM. S. S. Patres docent occulta peccata Sacerdotibus esse aperienda.

SECUNDUM ARGUMENTUM. S. S. Patres docent secretam confessionem regulam fuisse imponendam penitentiae, sive publicæ sive privatae, pro iudicio prouident Sacerdotis.

TERTIUM ARGUMENTUM. S. S. Patres docent omnia peccata clauibus Ecclesie esse subicienda, & Sacerdotes veros esse iudices quorum iudicio & ministerio illa remittuntur.

QUARTUM ARGUMENTUM. Ab exemplis confitemium peccata sua.

Tournely de Sacram. Penitentiae.

b

Solvuntur

I N D E X

| | |
|---|-------|
| <i>Solvuntur Objectiones adversus probationem ex Traditione SS. Patrum.</i> | 175 |
| <i>Proponuntur & solvuntur nonnullae quaestiones circa obligationem confitendi peccata ex iure ac praecepto divino.</i> | 188 |
| ARTICULUS III. De praecepto ecclesiastico confessionis. | 190 |
| <i>Quis sit in mente Concilii Lateranensis, proprius Sacerdos. Aperitur quaestio- nis status, ac variae recensentur opiniones.</i> | 191 |
| CONCLUSIO. Proprius Sacerdos in Canone Omnis utriusque sexus, est Paro- chus, salvo tamen iure S. Pontificis & Episcoporum. | 195 |
| <i>Solvuntur Objectiones.</i> | 203 |
| <i>Proponuntur & solvuntur nonnullae quaestiones circa praeceptum ecclesiasticum confessionis.</i> | 207 |
| ARTICULUS IV. De conditionibus confessionis. | 209 |
| <i>De integritate confessionis.</i> | 210 |
| <i>De integritate confessionis ex parte materiae. Utrum omnia & singula peccata cum circumstantiis speciem mutantibus sint necessarii in confessione declaranda, non in genere tantum, sed quoad speciem & numerum.</i> | 211 |
| CONCLUSIO. Omnia & singula peccata mortalia cum circumstantiis speciem mutantibus figillatim quoad speciem & numerum, non in genere tantum sunt in confessione declaranda. | ibid. |
| <i>An necesse sit aperire in confessione circumstantias in eadem specie aggravantes.</i> | 213 |
| CONCLUSIO. Circumstantiae in eadem specie aggravantes necessarii aperienda sunt, ut integra sit confessio. | 214 |
| <i>An necesse sit aperire in confessione personam complicitis.</i> | 215 |
| PRIMA CONCLUSIO. Persona criminis particeps necessario debet declarari, cum aliter stare non potest integritas confessionis, ejusque faciendae urget prae- ceptum. | 216 |
| SECUNDA CONCLUSIO. Criminis socium, vel simpliciter reum, in confes- sione declarare, propter solam aut penitentis, aut complicitis, aut rei utili- tatem, per se quidem licitum est: utrum vero expediat in praxi, generatim nec probamus, nec improbamur; sed ex subjectis circumstantiis judicabit vir prudens. | 218 |
| <i>De integritate confessionis ex parte ministri, ubi penitens casus habet reserva- tor.</i> | 220 |
| <i>De integritate confessionis ex parte temporis.</i> | 221 |
| <i>De secreto confessionis, & confessione per Litteras.</i> | ibid. |
| <i>De secreto confessionis ex parte contentis. An publica confessio peccatorum in usu aliquando fuerit.</i> | ibid. |
| PRIMA CONCLUSIO. Confessio publica non semper comae fuit penitentiae; nec ulla Ecclesia lege confessioni publicae subdita fuisse ea omnia peccata, quae publica penitentia castigantur. | 223 |
| SECUNDA CONCLUSIO. Publicorum peccatorum publicam aliquando fuisse confessionem, vetera ostendunt monumenta. | 224 |
| TERTIA CONCLUSIO. Nulla unquam ecclesiastica lege imposita fuit necessitas publicè declarandi occulta peccata. | ibid. |
| QUARTA CONCLUSIO. Ex consilio prudentis Sacerdotis inter occulta pec- cata quaedam aliquando selecta fuisse quae penitens publicè aperiret, vetera nonnulla ostendunt monumenta. | 226 |
| <i>De confessione per Litteras, & absolutione absentibus data.</i> | 227 |
| PRIMA CONCLUSIO. Si sola spectetur natura & institutio Sacramenti Pen- itentiae, exclusa prohibitione Ecclesiae non videtur iure divino irrita fuisse confessio facta per Litteras aut per internum absentis Sacerdoti, sive ab- solutio ab eo missa ad penitentem absentem. | 228 |
| SECUNDA CONCLUSIO. Utrum ante prohibitionem Clementis VIII. lici- tum aliquando fuerit absentis ministro per Litteras confiteri, & ab eo ab- soluti, | |

Q U E S T I O N U M.

solvi, res plane incerta, nec satis firma veterum exemplorum auctoritate confirmata nobis videtur. 230

TERTIA CONCLUSIO. *Clement VIII. Decreto suo anni 1602. non tantum illicitam, sed etiam invalidam declaravit tum confessionem per Litteras, tum absolutionem absentibus datam.* 232

QUARTA CONCLUSIO. *Clementis VIII. Decretum & divi vultu & collectivum intelligendum est, ita ut damnetur aut confessionem factam absenti per Litteras & internuntium, aut absolutionem datam absentibus, & utramque simul.* 233

De secreto confessionis ex parte ministri, seu de sigillo. 234

Quo jure necessarium sit confessionis sigillum. ibid.

Quam arcta sit lex & obligatio sigilli confessionis. 235

Quae sit materia sigilli confessionis. 241

Quas personas obliget lex sigilli. 242

Quae sint poenae à Canonibus impositae infractoribus sigilli confessionis. ibid.

QUAESTIO SEPTIMA. *De satisfactione, quae tertia pars est Sacramenti Penitentiae.* 242

ARTICULUS PRIMUS. *De necessitate humanae satisfactionis.* 243

CONCLUSIO. *Necessaria exigenda est à penitentibus poenalis satisfactio, non tantum ad novae vitae custodiam, ad infirmitatis medicamentum, & aliorum exemplum, ut Novatoribus videtur; sed etiam ad praeiorum vindictam & castigationem, seu ad veram satisfactionem, non Ecclesiae tantum, sed Deo exhibendam, tum ad reparandam injuriam ipsi per peccatum illatam, tum ad redimendam poenam temporalem, quae, dimissa culpa & poena aeterna, luenda nobis superest, siue hac in vita, siue in altera.* 244

Solvuntur Objectiones. 249

ARTICULUS II. *Proponuntur & solvuntur nonnullae questiones circa materiam, effectum, subjectum, & ministrum satisfactionis.* 254

ARTICULUS III. *De tempore quo impleri debeat satisfactio. An praecedere debeat, an sequi absolutionem.* 259

PRIMA CONCLUSIO. *Necesse non est ad substantialem integritatem Sacramenti Penitentiae, ut satisfactio impleatur ante absolutionem; sed perinde est siue antecedat, siue illam sequatur.* 260

SECUNDA CONCLUSIO. *Verisimilius est, quo tempore in usu fuit poenitentia publica, sacramentalem à peccatis absolutionem lege communi & ordinaria datam fuisse post expletam satisfactionem.* 263

Solvuntur Objectiones adversus duplicem Conclusionem. 267

QUAESTIO OCTAVA. *De disciplina veteris Ecclesiae circa poenitentiam: seu de poenitentia publica.* 272

ARTICULUS PRIMUS. *De tempore quod olim praefixum fuit agenda poenitentiae publicae, tum à Christo ad Montanum; tum à Montano ad schisma & haeresim Novatianam, tum ab haeresi Novatiana ad quartum & postea ibid.*

PRIMA CONCLUSIO. *A nascente Ecclesia ad Montani haeresim, quae circa medium secundum saeculum caput extulit, nullum certum tempus peragendae poenitentiae legitur praefixum: brevius illud fuisse conjicimus.* 273

SECUNDA CONCLUSIO. *A Montano ad haeresim Novatianam, est in specie nullum determinatum sit à Patribus agenda poenitentiae tempus, paulo tamen diuturnum illud fuit; & severius cum poenitentibus agere tum capie Ecclesia.* ibid.

TERTIA CONCLUSIO. *Post Novatum severissima fuit Ecclesiae circa poenitentem disciplina, in quatuor solemniter gradus, scilicet, auditionem, substrationem, & consentientiam distincta; atque praefinitum ejus per plures annos; pro conditione criminum, peragendae tempus.* 274

QUARTA CONCLUSIO. *In Ecclesia Orientali post quartum saeculum, in Occidentali vero post septimum, multum remissa est disciplina prior, ac fere abro-*

| | |
|---|-------|
| abrogata videntur solennes penitentia publicae stationes. | 275 |
| ARTICULUS II. De variis penitentia publicae gradibus seu stationibus. | 276 |
| De fletu. | ibid. |
| De auditione. | 277 |
| De substatione. | 278 |
| De confessione. | ibid. |
| ARTICULUS III. De peccatis quae publica penitentia addicta olim fuerunt. | 279 |
| PRIMA CONCLUSIO. Omnia mortalia peccata nusquam subdita fuisse legi penitentiae publicae, sed canonicae dumtaxat, nempe idololatria, homicidium & adulterium, eorumque species manifestae, quibus successu temporis nonnulla alia addita fuerunt. | 279 |
| SECUNDA CONCLUSIO. Peccata canonica omnino occulta, quae sunt vel nullo teste, vel solo complice, penitentia publica subdita non fuisse ex necessitate & vi Canonum, sed ex consilio dumtaxat Sacerdotis, aut voluntate penitentis: non ita si vel omnino publica, hoc est delata & probata apud Iudicem Ecclesiasticum, vel saltem semipublica, id est cum scandalo multorum patratum fuissent; ista enim publica poena castigari oportebat, cum hoc tamen discrimine, quod qui convicti fuissent rei, si renuissent se penitentiae legibus subiacere, vi & excommunicatione cogerentur; alii vero monitis & praecepto Sacerdotis, ac denegatione absolutionis sacramentalis compelli dumtaxat poterant, non aperta communionis & Eucharistiae privatione. | 283 |
| Solvuntur Objectiones adversus primam Conclusionem. | 286 |
| Solvuntur Objectiones adversus secundam Conclusionem. | 293 |
| ARTICULUS IV. De personis penitentiae publicae olim obnoxiiis. An majores Clerici hac lege afflicti aliquando fuerint? | 299 |
| CONCLUSIO. Nec tribus primis saeculis, nec sequentibus, majores Clerici penitentia publica subditi fuisse. | 300 |
| ARTICULUS V. De unitate penitentiae publicae. | 303 |
| PRIMA CONCLUSIO. Qui publica penitentia propter gravissima peccata perfuncti, in alia mortalia quidem, sed minis gravia incidebant, secreta penitentia expiabantur. | 304 |
| SECUNDA CONCLUSIO. Publica penitentia semel tantum olim concedebatur: qui vero post illam semel adimpletam in eadem, aut etiam graviora peccata incidebant, non omnino desperati, & ab omni spe veniae dejecti jacebant, sed toto vitae suae tempore a sacramento exclusi, secreta penitentia castigabantur, & in fine tantum veniam & absolutionem obtinebant. | ibid. |
| QUAESTIO NONA. De forma Sacramenti Penitentiae, seu de absolutione. | 306 |
| ARTICULUS PRIMUS. Utrum forma sacramentalis absolutionis deprecatoria vel absoluta esse debeat, & qualis olim usurpata fuerit ab Ecclesia tunc Graeca, tum Latina. | 307 |
| PRIMA CONCLUSIO. Forma sacramentalis absolutionis ex institutione Christi ac naturae Sacramenti, debet esse actus Iudicii: quibus autem verbis exprimi debeat, an deprecatoriis, an absolutis, sua institutione Christus non determinavit, sed Ecclesiae suae reliquit determinandum: unde perinde est ad substantiam Sacramenti, si vel deprecatoria, vel indicativa sit forma absolutionis, prout Ecclesia placuerit eam figere ac determinare, cujus determinationi omnino standum est ac obsequendum. | 308 |
| SECUNDA CONCLUSIO. Forma sacramentalis absolutionis indicativa quae jam dudum utitur Occidentalis Ecclesia, his verbis exprimitur, Ego te absolvo à peccatis tuis, in nomine Patris &c. Haec conveniens est, optima, sola apud nos, essentialis & necessaria. | 309 |
| TERTIA CONCLUSIO. Forma deprecativa sacramentalis absolutionis fuit in usu apud Latinos usque ad saeculum duodecimum, quo innovent forma indicativa deprecatoria accessit; donec tandem adultio saeculo decimo tertio sola indicativa in Occidente prevaluit. | 313 |

Q U Æ S T I O N U M.

QUARTA CONCLUSIO. *Valuit & etiamnum valet apud Græcos forma sacramentalis absolutionis verbis deprecatoriis expressa.* 314

ARTICULUS II. *Utrum sacramentalis absolutio quorundam criminum reis denegata olim fuerit, aut sit deneganda.* 315

Utrum famis aliquorum gravissimorum criminum reis, penitentiam agentibus, aut ea defunctis, sacramentalis absolutio denegata olim fuerit. ibid.

CONCLUSIO. *Sanis gravissimorum criminum reis, penitentiam agentibus aut ea defunctis, nusquam denegata est sacramentalis absolutio ab Ecclesiis Orientalibus, neque à Romana, Carthagenensi, Hispanica & aliis illustrioribus.* ibid.

Solvuntur Objectiones. 317

Utrum infirmis penitentiam & absolutionem in fine vitæ petentibus denegata alia quando fuerit, aut sit deneganda sacramentalis absolutio à peccatis. 324

PRIMA CONCLUSIO. *Infirmis in ultimo vitæ discrimine constitutis, ac penitentiam & sacramentalem à peccatis absolutionem petentibus, prioribus secularis non denegavit Ecclesia.* 325

SECUNDA CONCLUSIO. *Infirmis, qui inchoatam confessionem subita vimorbi oppressi perficere non possunt, vel aliqua dumtaxat doloris signa dederunt, concedenda est absolutio sacramentalis; iis verò deneganda, qui vel sunt peccatores publici ab Ecclesia excommunicati, vel in ipso criminis actu vocis & sensuum usum amittunt, nec ullo signo animi dolorem possunt testari; iis verò concedenda, qui inopinato casu oppressi, & omni vocis & sensuum usu privati sunt, si aliunde viri Catholici ac probata vitæ habeantur.* 327

Solvuntur Objectiones. 333

ARTICULUS III. *Proponuntur ac solvuntur alie nonnullæ questiones circa absolutionem dandam vel protrahendam.* 337

QUÆSTIO DECIMA. *De ministro Sacramenti Penitentiae.* 342

ARTICULUS PRIMUS. *Quis sit à Christo institutus Sacramenti Penitentiae minister idoneus.* 343

CONCLUSIO. *Soli Episcopi & Sacerdotes habent à Christo derivatam absolvendi à peccatis auctoritatem: non Diaconi, non Laici.* ibid.

Solvuntur Objectiones. 344

ARTICULUS II. *An præter Ordinis potestatem requiratur in Sacerdote iurisdic-tio, ut valide absolvas.* 347

CONCLUSIO. *Præter Ordinis potestatem requiritur in Sacerdote, ut valide absolvas, iurisdic-tio à priori potestate distincta.* 348

Solvuntur Objectiones. ibid.

ARTICULUS III. *De approbatione Episcopi necessaria in Sacerdote ut valide absolvas.* 350

CONCLUSIO. *Nullus Sacerdos, siue Regularis siue Sæcularis, potest valide absolvere, nisi habeat aut parochiale Beneficium, aut sit ab Episcopo approbatus.* 351

ARTICULUS IV. *De absolutione à casibus reservatis.* 353

QUÆSTIO UNDECIMA. *De effectibus Sacramenti Penitentiae.* 355

ARTICULUS PRIMUS. *De effectu Penitentiae quoad peccata mortalia.* ibid.

ARTICULUS II. *De effectu Penitentiae quoad peccata venialia.* 357

ARTICULUS III. *De virtutum & meritum reviviscencia per Penitentiam.* 358

CONCLUSIO. *Bona iustorum opera & merita virtutum, per peccatum mortificata, beneficio penitentiae subsequenter reparantur ac reviviscunt.* ibid.

ARTICULUS IV. *De reditu peccatorum per Penitentiam dimissorum.* 361

CONCLUSIO. *Peccata per Penitentiam dimissa non redeunt simpliciter, seu formaliter, sed tantum secundum quid ac virtualiter.* 362

Solvuntur Objectiones. 363

QUÆSTIO ULTIMA. *De indulgentiis.* 366

ARTI-

INDEX

| | |
|---|-------|
| ARTICULUS PRIMUS. De nomine, definitione, ac natura indulgentiarum. | 367 |
| PRIMA CONCL. Indulgentia, nec culpa, nec aeterna poena reatum tollunt. ib. | |
| SECUNDA CONCLUSIO. Indulgentia remittunt poenam temporalem, aut in- iunctam, aut per Canones injungendam. | ibid. |
| TERTIA CONCLUSIO. Indulgentia liberant hominem a poena temporali, non solum coram Ecclesia, sed etiam coram Deo. | 369 |
| QUARTA CONCLUSIO. Indulgentia propria est absolutio iudiciaria, habens annexam solutionem ex thesauro. | 370 |
| QUINTA CONCLUSIO. Indulgentia ab omni poena temporali & laboriosis peni- tentia operibus vix unquam hominem penitus eximunt. | 371 |
| ARTICULUS II. De potestate ac usu Ecclesiae perpetuo in concedendis indul- gentiis. | 373 |
| CONCLUSIO. Ecclesia accepit à Christo potestatem conferendi indulgentias, qua constanter ac perpetuo usa fuit. | ibid. |
| ARTICULUS III. Defundamento indulgentiarum, seu Ecclesiae thesauro. | 376 |
| PRIMA CONCLUSIO. Fide catholica certum est, thesaurum Ecclesiae præcipue ac primario coalescere ex meritis & satisfactionibus Christi infinitis ac super- abundantibus. | 377 |
| SECUNDA CONCLUSIO. Sanctorum merita & satisfactiones aliquo modo uti- am pertinent ad thesaurum Ecclesiae. | ibid. |
| TERTIA CONCLUSIO. Merita & passiones Sanctorum ad Ecclesiae thesau- rum concurrunt ac pertinent, non modo via suffragii & impetrationis, sed etiam solutionis. | 379 |
| Solvuntur Objectiones. | 380 |
| ARTICULUS IV. De valore indulgentiarum. | 382 |
| CONCLUSIO. Tantum valent indulgentia, quantum sonant, clare non errant: id est, si concurrant quatuor istae conditiones; ex parte dantis, auctoritas, & causa legitima; ex parte accipientis, charitas, & executio eorum quae in Litteris indulgentiarum præcipiuntur. | ibid. |
| ARTICULUS V. De iis à quibus dari possunt indulgentiae. | ibid. |
| ARTICULUS VI. De iis quibus indulgentiae concedi possunt: an tantum vivis, an etiam mortuis. | 385 |
| PRIMA CONCLUSIO. Indulgentiae mortuis concedi non possunt per modum iu- dicii & absolutionis. | 386 |
| SECUNDA CONCL. Mortuis conceduntur indulgentiae per modum suffragii. ib. | |
| ARTICULUS VII. De dispositionibus necessariis ad lucrandas indulgentias. | 390 |
| ARTICULUS VIII. De causis propter quas dari possunt indulgentiae. | 391 |
| ARTICULUS IX. De variis indulgentiarum speciebus. | 394 |

FINIS INDICIS.

NOI REFORMATORI

Dello Studio di Padoa.

HAvendo veduto per la Fede di Revisione, & Approbatione del P. F. Tomaso Maria Gennari Inquisitore nel Libro intitolato *Prælectiones Theologicae de Sacramenti Pœnitentiae & Extremae unctionis, quas habuit Honoratus Tournely*, non v'esser cos'alcuna contro la Santa Fede Cattolica, & parimente per Attestato del Segretario Nostro, niente contro Principi, & buoni costumi, concedemo Licenza à Nicolò Pezzana, che possi esser stampato, osservando gl'ordini in materia di Stampe, & presentando le solite copie alle Pubbliche Librarie di Venezia, & di Padoa. Dat. 3. Giugno 1729.

{ Gio: Francesco Morosini Kav. Ref.
{ Andrea Soranzo Proc. Ref.
{ Pietro Grimani Kav. Proc. Ref.

Agostino Gadaldini Seg.
CANO-

CANONES CONCILII TRIDENTINI

De Sacramento Penitentiae Sess. 14.

Canone 1. Si quis dixerit, in Catholica Ecclesia Penitentiam non esse veram & propriè Sacramentum, pro Fidelibus, quoties post Baptismum in peccata labuntur, ipsi Deo reconciliandis, à Christo Domino nostro infirmum; anathema sit.

Can. 2. Si quis Sacramenta confundens, ipsum Baptismum Penitentiae Sacramentum esse dixerit, quasi hæc duo Sacramenta distincta non sint; atque idè Penitentiam non rectè secundam post naufragium tabulam appellari; anathema sit.

Can. 3. Si quis dixerit, verba illa Domini Salvatoris: Accipite Spiritum sanctum: quorum remisistis peccata, remittuntur eis: & quorum retinueritis, retenta sunt: non esse intelligenda de potestate remittendi & retinendi peccata in Sacramento Penitentia, sicut Ecclesia Catholica ab initio semper intellexit; detorserit autem, contra institutionem hujus Sacramenti, ad auctoritatem prædicandi Evangelium; anathema sit.

Can. 4. Si quis negaverit, ad integram & perfectam peccatorum remissionem requiri tres actus in penitente, quasi materiam Sacramenti Penitentia, videlicet, contritionem, confessionem & satisfactionem, quæ tres Penitentia partes dicuntur; aut dixerit, duas tantum esse Penitentia partes; terrores scilicet inussos conscientia, agnito peccato, & fidem conceptam ex Evangelio, vel absolutionem, quæ credit quis sibi per Christum remissa peccata; anathema sit.

Can. 5. Si quis dixerit, eam contritionem, quæ paratur per discussionem, collectionem & detestationem peccatorum, quæ quis recogitat annos suos in amaritudine animæ suæ, ponderando peccatorum suorum gravitatem, multitudinem, feditatem, amissionem æternæ beatitudinis, & æternæ damnationis incursum, cum proposito malioris vitæ, non esse verum & utilem dolorem; nec preparare ad gratiam, sed facere hominem hypocritam & magis peccatorem: demum illam esse dolorem coactum, & non liberum ac voluntarium; anathema sit.

Can. 6. Si quis negaverit confessionem sacramentalem, vel infirmam, vel ad salutem necessariam esse jure divino; aut dixerit modum secretè confitendi soli Sacerdoti, quem Ecclesia Catholica ab initio semper observavit & observat, alienum esse ab institutione & mandato Christi, & inventum esse humanum; anathema sit.

Can. 7. Si quis dixerit, in Sacramento Penitentia ad remissionem peccatorum necessarium non esse jure divino, confiteri omnia & singula peccata mortalia, quorum memoria cum debita & diligenti præmeditatione habetur, etiam occulta, & quæ sunt contra duo ultima Decalogi præcepta, & circumstantias, quæ peccati speciem mutant, sed eam confessionem tantum esse utilem ad erudiendum & consolandum penitentem, & olim observatam fuisse tantum ad satisfactionem canonicam imponendam; aut dixerit, eos qui omnia peccata confiteri student, nihil relinquere velle divine misericordie ignoscendum, aut demum, non licere confiteri peccata venialia; anathema sit.

Can. 8. Si quis dixerit, confessionem omnium peccatorum, qualem Ecclesia servas, esse impossibilem, & traditionem humanam, à piis abolendam; aut ad eum non teneri omnes & singulos utriusque sexus Christi Fideles, juxta Concilii Lateranensis constitutionem, semel in anno; & ob id suadendum esse Christi Fidelibus, ut non confiteantur tempore Quadragesimæ; anathema sit.

Can. 9.

Can. 9. Si quis dixerit, absolutionem sacramentalem Sacerdotis non esse a-
ctum iudiciale, sed nudum ministerium pronuntiandi, & declarandi remis-
sa esse peccata confitenti; modò tantum credat, se esse absolutum; aut Sacer-
dos non serio, sed joco absolvat; aut dixerit, non requiri confessionem peniten-
tis, ut sacerdos eum absolvere possit; anathema sit.

Can. 10. Si quis dixerit, Sacerdotes, qui in peccato mortali sunt, potesta-
tem ligandi & solvendi non habere; aut non solum Sacerdotes esse ministros ab-
solutionis, sed omnibus & singulis Christi Fidelibus esse dictum: *Quicumque*
ligaveritis super terram, erunt ligati & in Celo; & quicumque solveritis su-
per terram, erunt soluti & in Celo; & Quorum remiseritis peccata, remis-
suntur eis; & quorum retinueritis, retenta sunt; quorum verborum virtute
quilibet absolvere possit peccata, publica quidem per correptionem dumtaxat,
si correptus acquieverit; secreta verò per spontaneam confessionem; anathema sit.

Can. 11. Si quis dixerit, Episcopus non habere jus reservandi sibi casus,
nisi quoad externam poenitentiam, atque ideo easum reservationem non prohibere,
quo minùs Sacerdos à reservatis verò absolvat; anathema sit.

Can. 12. Si quis dixerit, totam poenam simul cum culpa remitti semper à
Deo, satisfactionemque poenitentium non esse aliam quàm fidem, qua apprehen-
dunt Christum pro eis satisfecisse; anathema sit.

Can. 13. Si quis dixerit, pro peccatis, quoad poenam temporalem, minime
Deo per Christi merita satisfieri penit ab eo infligis & patienter toleratis vel
à Sacerdote injungis, sed neque spontè susceptis, ut jeuniis, orationibus, e-
leemosynis, vel aliis etiam pietatis operibus, atque ideo optimam poenitentiam
esse tantum novam vitam; anathema sit.

Can. 14. Si quis dixerit, satisfactiones, quibus poenitentes per Christum
Iesum peccata redimunt, non esse cultus Dei, sed traditiones hominum, doctri-
nam de gratia, & verum Dei cultum; atque ipsum beneficium mortis Chri-
sti obscurantes; anathema sit.

Can. 15. Si quis dixerit, claves Ecclesie esse datas tantum ad absolven-
dum, non etiam ad ligandum; & propterea Sacerdotes, dum imponunt poenas
confitentibus, agere contra finem clavium, & contra institutionem Christi; &
fictionem esse, quodd virtutis clavium, sublata poena aeterna, poena temporalis
plerumque exolvenda remaneat; anathema sit.





PRÆLECTIONES
THEOLOGICÆ
D E
SACRAMENTO
PŒNITENTIÆ.



Scia in regenerationis omnibus gratitudo erga Deum esset, ait Conc. Trid. Sess. 14. cap. 1. de Pœnitentia, ut iustitiam, in Baptismo, ipsius beneficio & gratia susceptam, constanter tuerentur; non fuisset opus, aliud ab ipso Baptismo Sacramentum ad peccatorum remissionem esse institutum. Quoniam autem Deus dives in misericordia,

Ta. 14.
Conc. P.
815.

cognovit figmentum nostrum, illis etiam vitæ remedium contulit, qui sese postea in peccatiservitutem, & dæmonis potestatem tradidissent; Sacramentum videlicet Pœnitentiæ, quo lapsis post Baptismum, beneficium mortis Christi applicatur. Fuit quidem pœnitentia universis hominibus, qui se mortali aliquo peccato inquinassent, quovis tempore ad gratiam & iustitiam assequendam necessaria, illis etiam qui Baptismi Sacramento ablui petivissent, ut perversitate abjecta & emendata, tantam Dei offensionem cum peccati odio, & pio animi dolore detestarentur Porro nec ante adventum Christi pœnitentia erat Sacramentum, nec est post adventum illius cuiquam ante Baptismum. Verba sunt Concilii, ex quibus facile est unicuique colligere, pœnitentiam sub duplici ratione considerari posse, nempe 1. ut est virtus, quæ omni tempore necessaria fuit lapsis in aliquod mortale peccatum, ut illius veniam ac remissionem à Deo impetrare possent. 2. ut est verum Sacramentum à Christo Domino institutum, iis dumtaxat necessarium, qui post legem Evangelicam vivere, ac post susceptum Baptismum novis se criminibus coinquinarent.

Unam verò Sacramenti rationem in Pœnitentia in præsentî disputatione sic considerabimus, ut nullus ignorare possit in quo posita sit pœnitentiæ virtus; utraque enim hæc, tum virtutis, tum Sacramenti ratio, sic jam conne-

Tournely de Sacram. Pœnitentiæ.

A

x2

DE SACRAMENTO POENITENTIAE.

xa est in Poenitentia, ut ordinariè nec virtus prodesse possit sine Sacramen-
to, vel ordine ad illud, nec Sacramentum sine virtute consistere, cujus om-
nes dotes in se complecti debet & continere, utrum sit & utile ad salutem.

Præsentem itaque hunc Tractatum in duodecim Quaestiones distribuemus.

Prima erit de nomine & definitione Poenitentiae, ac Hæreticis à qui-
bus impugnata est auctoritas Ecclesiae, dimittendi peccata per Sacra-
mentum Poenitentiae.

Secunda, de existentia, necessitate, & materia Sacramenti Poenitentiae.

Tertia, de prima Poenitentiae parte, seu de contritione universim sum-
pta, prout abstrahit à perfectâ vel imperfectâ.

Quarta, de contritione perfectâ.

Quinta, de contritione imperfectâ, seu attritione.

Sexta, de confessione, quæ est secunda Poenitentiae pars.

Septima, de satisfactione, quæ tertia est pars Poenitentiae.

Octava, de Disciplina veteris Ecclesiae circa satisfactionem, seu de
poenitentia publica.

Nona, de absolutione, seu forma Sacramenti Poenitentiae.

Decima, de ministro Sacramenti Poenitentiae.

Undecima, de effectibus Sacramenti Poenitentiae.

Duodecima, de Indulgentiis.

QUÆSTIO PRIMA.

*De nomine & definitione Poenitentiae, ac Hæreticis à quibus impugnata
est auctoritas Ecclesiae in dimittendis peccatis.*

ARTICULUS PRIMUS.

De nomine & definitione Poenitentiae.

Varia Poenitentiae nomina.

INter varia Poenitentiae nomina, alia sunt simplicia, alia verò compo-
sita, quæ ejus encomia & effectus exprimunt.

Apud Latinos pervulgatum est Poenitentiae vocabulum, quod à pena,
seu punitione deducunt Isidorus Hispalensis L. 6. Originum, & in Exhor-
tatione ad poenitentiam; & auctor Libri de vera & falsa poenitentia apud

Tom. 6. S. Augustinum Tomo 6. ultimæ editionis in Appendice cap. 19. Poenitere,
Append. inquit, idem est ac penam tenere, ut nempe homo semper puniat in se ul-
p. 241. B. ciscendo, quod commisit peccando.

Apud Græcos idem planè significat *μετάνοια*, quod apud Latinos Poenitentia.
Si solum vocis etymon spectes, *μετάνοια* est *mentis mutatio seu resipiscencia;*
μετανοει quippè apud Græcos, idem est ac post, seu secundò cogitare.

Hac grammaticali ethymologia abusi Novatores Lutherani & Calvinistæ
docuerunt totam Poenitentiae rationem in sola mentis mutatione, ac propo-
sito melioris vitæ ineundæ positam esse, non in dolore seu detestatione præ-
teriti peccati, ac punitione illius per opera laboriosa & satisfactoria. Dal-

Irus

leustamen L. 3. de penis & satisfactionibus c. 2. Bellarmino concedit, in communi Scriptura usu, Poenitentiam duo proprie complecti, dolorem nempe ex peccati, cuius nos penitet; sensu ortum; & vite emendanda verum, non fictum, serium, non leve; aut inane propositum: at nomine Poenitentia significari vindictam seu satisfactionem pro peccato praterito susceptam, omnino ille pernegat.

Græci nomine exomologesis frequenter utuntur, ut significant, & confessionem, & totam Poenitentia actionem. Exomologesis, ait Tertull. L. de Penit. c. 9. prosterndi & humiliandi hominis disciplina est.... de ipso quoque habitu atque victu mandat, sacco & cineri incubare, corpus sordibus obscurare, animum maioribus deicere..

pagina
127. A.

Generatim igitur Poenitentia significat mutationem mentis, consilii, seu dolorem & tristitiam de re praterita sive bona, sive mala: de qua Apostolus 2. ad Corinth. 7. v. 10. ait: *Quæ secundum Deum tristitia est, poenitentiam in salutem stabilem operatur; sæculi autem tristitia mortem operatur.* Huiusmodi poenitentia quedam est commotio & perturbati animi affectio.

Cum verò legimus in Scripturis; Deum rei alicujus penitere, v. g. fecisse hominem &c. figurata locutio est ad mores nostros accommodata: Poenitentia quippe ista, non activè seu ratione affectus, hoc est, doloris, mutationis, tristitiæ &c. sed effectivè, debet intelligi, id est, propter effectus quos ita operatur Deus, ac si verè ipsum peniteret; delevit enim opus suum, quod solent facere ii quos facti penitet.

Proprie apud divinos & Ecclesiasticos Scriptores Poenitentia tria significat. 1. prioris vitæ mutationem, seu resipiscentiam. 2. odium & detestationem, seu intimum animi dolorem vitæ prioris. 3. poenam seu punitiorem quam in vindictam & expiationem malè actæ vitæ, peccator vel ultro sibi imponit, vel impositam lubenti animo sustinet. Tria hæc simul complectitur Lactantius Institutionum Lib. 6. cap. 24. *Is, inquit, quem facti poenitet, errorem suum pristinum intelligit: ideoque Græci melius & significantiùs peridrosis dicunt, quam nos possumus resipiscentiam dicere; resipiscit enim ac mentem suam quasi ab insania recipit, quem errari piget, castigatque seipsum dementia, & confirmat animum ad rectius vivendum; tum illud ipsum maxime cavet, ne rursus in eosdem laqueos inducatur...*

An. 318.
p. 379.
§. 10.

I. Poenitentia significat mentis in melius mutationem, seu resipiscentiam. Hanc haud dubiè indigitat Deus apud Isaiam c. 1. v. 16. *Auferte, inquit, malum cogitationum vestrarum ab oculis meis: quiescite agere perversè, discite benefacere.* &c. Hanc pariter designat S. Petrus Act. 2. v. 38. *Poenitentiam agite, inquebat Judæis, & baptizetur unusquisque vestrum.* Hanc & S. Paulus 2. ad Corinth. 7. v. 10. *Quæ secundum Deum, ait, tristitia est, poenitentiam in salutem stabilem operatur.* Versu autem sequenti enumerat effectus hujus poenitentia seu resipiscentia, nempe sollicitudinem, defensionem, indignationem, timorem, desiderium, emulationem, vindictam.

II. Significat animi dolorem, seu detestationem prateriti peccati. Joelis 2. v. 12. *Convertimini ad me, inquit Deus, in toto corde vestro... scindite corda vestra & non vestimenta vestra.* Act. 2. v. 37. de Judæis qui Christum cruci affixerant dicitur: *His auditis, compuncti sunt corde, & dixerunt ad Petrum & ad reliquos Apostolos: Quid faciemus, viri fratres? Quibus S. Petrus: Poenitentiam agite, & baptizetur unusquisque vestrum in nomine Jesu.*

A. e.

III. Si

III. Significat punitionem, seu penam quam in vindictam scelerum homo penitens ex se repetit. Job ultimo v.6. *Ago penitentiam in favilla & cinere.* Joelis 2. v.13. *Convertimini ad me in toto corde vestro, in ieiunio, fletu & planctu.* Matth. 11. v.21. & Lucæ 10. v.13. *Si in Tyro & Sydone facta essent virtutes quæ facta sunt in vobis, olim in cilicio & cinere penitentiam egissent.* Hoc sensu Penitentiam describens Tertullianus in Libro quem de hoc argumento conscripsit, cap.9. ait, *eam de ipso quoque habitu atque vestitu mandare, sacco & cineri incubare, corpus sordibus obscurare, animum meroribus deicere, illa quæ peccavit, tristi translatione mutare, ieiuniis preces alere, ingemiscere &c.* Unde quando idem Auctor L. 2. contra Marcionem cap.24. observat juxta Græcum vocabulum penitentiam non ex delicti confessione, sed ex animi demutatione esse dictam, non negat usu Ecclesiastico Penitentia nomine significari delicti confessionem, & animi dolorem ex ipsius sensu conceptum; sed contendit dumtaxat adversus Marcionem, penitentia nomen, quando Deo accommodatur, non arguere in ipso aut delicti confessionem, aut cognitionis & providentia defectum, sicut objiciebat Marcio, sed simplicem prioris sententia conversionem, quæ sine ulla ex parte Dei imperfectione esse potest, ad solam, inquit, invidiam & exprobrationem eius, (hominis) qui beneficii ingratus extiterit.

Hoc triplici sensu à Scriptoribus Ecclesiasticis nomen Penitentia usurpari, multa demonstrant Veterum testimonia in decursu hujus Tractatus suo loco referenda.

Morinus L. 1. de administratione Sacramenti Penitentia cap. 1. n. 12. observat apud Græcos recentiores *μετάνοια* nomen in aliam omnino significationem translatum fuisse, nempe ad significandam humilem quandam salutacionem, quæ cum demissione ac incurvatione corporis præstatur, quæ cum molesta sit & laboriosa, in penam seu Penitentiam ab ipsis imponitur; unde non frequenter apud eos legimus, sex vel octo *μετάνοιας*, Penitentias, id est, humiles prostrationes, in punitionem delicti, imponi.

Græci penas omnes in Penitentiam impositas, ab annis nongentis & amplius generali nomine appellant *ἐντροπή*, penam, multam. Elegantem esse ac pervulgatam hujus vocis apud Græcos sive prophanos, sive sacros usum, nonnullis exemplis probant Gaspar Suicerus in suo Thesaurò Ecclesiastico Tom. 1. pag. 1195. & Morinus loco mox citato n. 4.

Pervulgatum quoque est apud Græcos nomen *Exomologesis*, quo significant 1. gratiarum actionem. 2. delicti confessionem seu declarationem. 3. integram penitentia actionem. 4. tertium penitentia gradum, qui dicebatur substratio, de quibus suis erit infra, ubi de Confessione sacramentali, dicendi proprius locus. Lege Suicerum To. 1. pag. 1143.

A Latinis nonnunquam Poenitentia dicitur manus impositio, quia nempe solebant penitentes frequentibus Episcoporum & Cleri totius manuum impositionibus in decursu penitentia subiacere, atque etiam per solemnem & publicam illam manuum impositionem Ecclesie reconciliari: cuius rei infinita penè suppetunt exempla. Unicum hic sufficiat ex Concilio Carthaginensi IV. an. 398. Can. 76. Is, inquit, qui penitentiam in infirmitate petit, si casu, dum ad eum sacerdos invitatus venit, oppressus infirmitate obmutuerit, vel in precessem versus fuerit, dent testimonium qui eum audierunt,

Pagina
127. A.

Pagina
394. C.

Pagina
393. C.

Pag. 4.

Ibid. n.
13.

nonnulli
inter.
quæ
ad est
objur-
gare,
punire
unde
inter.
plur
objur-
gatio. 2.
Cor. 2.

Tom. 2.
Conc. p.
1205. E.

DE SACRAMENTO POENITENTIAE.

runt, & accipiat poenitentiam. Et si continuo creditur moriturus, reconciliatur per manus impositionem, & infundatur ori ejus Eucharistia.

Nos in presenti Tractatu, nomine Poenitentiae intelligimus simpliciter, ritum illum exteriorum, quo ministerio clavium dimittuntur peccata, quique verum est Sacramentum his constans partibus, contritione, confessione, satisfactione, & absolutione, de quibus sigillatim deinceps disseremus.

Poenitentiae nomina composita tot fere sunt, quot illius apud Veteres encomia. Dicitur a Tertulliano L. de Poenitentia cap. 4. a S. Cypriano Epistola 9. & a Conc. Trid. Sess. 6. cap. 14. *secunda post naufragium tabula*. Utenim confecta navi, unum vitae servandae perflugium reliquum est, si forte tabulam aliquam de naufragio liceat arripere; ita post amissam Baptismi gratiam, nisi quis ad Poenitentiae tabulam confugiat, sine dubio de ejus salute desperandum est.

Dicitur etiam a multis, *Baptismus laboriosus*; quia perinde ac Baptismus, animam purgat a sordibus peccati, ob intimum quem includit, animi dolorem de peccatis, ac toleratos in eorum vindictam, labores.

Dicitur a S. Chrysostomo Homil. 7. de Poenitentia, *remedium quod peccatum tollit; donum caeleste, virtus admirabilis, gratia legum cursum superans*. Et Hom. 8. *Poenitentia, inquit, est medela delictorum, consumptio iniquitatum, effusio lacrymarum, fiducia apud Deum, armatura contra diabolum, gladius ejus caput abscindens, spes salutis, desperationis prostratio &c.*

Definitio Poenitentiae.

Cum Poenitentia spectari possit, vel ut virtus, vel ut Sacramentum, utroque respectu definienda est.

Poenitentia quatenus virtus, definiri seu describi recte potest, *Virtus quae homo movetur ad odium & detestationem sui peccati, ad firmum melioris vitae propositum, & sui vindictam in compensationem injuriae Deo illatae*. Colligitur haec definitio, tum ex Conc. Trid. Sess. 14. cap. 1. tum ex Catechismo Romano parte 2. de Poenitentiae Sacramento n. 7. tum ex SS. Patribus. Singula autem illius definitionis partes per se sunt manifestae; & quidem de odio & detestatione peccati, de proposito melioris vitae, & poena in vindictam peccati sustinenda, patet ex jam dictis, quibus ex dicendis inferius lux major & confirmatio accedit. Additur verò, *in compensationem injuriae Deo illatae*, quae verba innuunt, quod probat S. Th. 3. parte q. 85. art. 3. poenitentiam pertinere ad virtutem justitiae commutativae, qua reparatur injuria Deo per peccatum illata.

Poenitentia quatenus Sacramentum, definitur *Sacramentum à Christo Domino institutum, quo, per iuridicam Sacerdotis absolutionem, homini contrito & confessio remittuntur peccata post Baptismum commissa*.

Dicitur 1. *Sacramentum à Christo Domino institutum*: quae ratio generica est, & Poenitentiae, sicut & aliis novae Legis Sacramentis, perinde convenit.

Dicitur 2. *quo per iuridicam Sacerdotis absolutionem remittuntur peccata*: quibus verbis & minister, & modus ministerii, & effectus Sacramenti Poenitentiae significatur. Minister, nempe Sacerdos; modus ministerii iuri-

Tournely de Sacram. Poenitentiae.

A 3 dicus,

dicus, ex vera scilicet potestate remittendi peccata, non verò declarandi tantum ea esse remissa; effectus denique, nempe remissio peccatorum, quam ex se semper aptum est conferre Sacramentum Poenitentiae, si adsint in poenitentia necessariae conditiones.

Dicitur 3. *quo remittuntur peccata post Baptismum commissâ*: quæ postrema verba innunt, Sacramentum Poenitentiae baptisatis dispensari solummodo posse, atque in ea dumtaxat peccata vim suam exercere, quæ post Baptismum patrata sunt; præcedentia enim per Baptismum perfecte deleta & expuncta supponuntur.

Dicitur 4. *quo remittuntur peccata homini contrito & confesso*: quibus verbis, duz materiales, vel quasi partes, contritio nempe & confessio ex parte poenitentis omnino necessariae designantur. Contritionem verò hic generatim sumimus, prout abstrahit à perfecta & imperfecta, & includit odium peccati, propositum melioris vitæ ac satisfactionis persequendæ; quæ tria ad poenitentiam, ut virtus est specialis, pertinent: unde facile colliges, dotes omnes virtutis poenitentiae necessario includi ac præsupponi in ipso Poenitentiae Sacramento.

ARTICULUS II.

De Hæreticis à quibus impugnata fuit auctoritas Ecclesiæ dimittendi peccata per Sacramentum Poenitentiae.

Duplex generatim statui potest Hæreticorum ordo qui auctoritatem hanc impugnare: alii indirectè tantum & quasi per latus, alii verò directè & aperta fronte eam aggressi sunt.

Inter primos computandi sunt

I. si omnes qui sublato boni & mali discrimine, nullum in perfectis agnoscant peccatum, quantumvis turpia & obscena patrarent. Tales fuere veteres Gnostici, id est spirituales & perfecti, qui sua falsa & e mentita spiritali scientia & perfectione ita superbiebant, ut per contemptum ceteros Christianos *Psychicos*, id est, *carnales*, *animales*, ac *de saeculo* appellarent.

Docebant, teste S. Irenæo Lib. 1. contra hæreses cap. 6. alias 1. *intimoræ tē omnia quæ vetantur..... de quibus Scripturæ confirmant, quoniam qui faciunt ea, Regnum Dei non hereditabunt*; & quæ, ait cap. 25. alias 24. *non tantum dicere & audire non est fas nobis, sed ne quidem in mentis conceptionem venire*, (adeo sunt turpia & obscena) *eos qui sunt ipsorum perfecti, operari*: quia impossibile est illos inde corruptelam contrahere: unde à nonnullis *Borboritæ* dicti sunt, quasi cœnosi, propter nefandam turpitudinem, qua se inter mysteriorum suorum celebrationem polluebant. Ita S. Augustinus Lib. de hæresibus cap. 6. Theodoretus L. 1. hæreticarum fabularum cap. de Borborianis.

Gnosticorum deliria & turpitudines sub finem quarti sæculi excitaverunt in Hispania Priscillianistæ, teste S. Aug. hæresi 70. & Severo Sulpicio in fine secundum libri Historiæ sacræ; & sæculo superiori, ex Anabaptistis, sceleratissimi illi homines, qui se Spirituales appellabant, & vulgò *Libertini* dicebantur, libertatem christianam in hoc collocantes, quod homini rege-

nera-

Ed. po-
st. p. 12.
n. 1.
ibid. p.
104. n.
4.

nerato omnia licita forent. Adversus istos Calvinus Opusculum scripsit sub hoc titulo, *Adversus fanaticam & furiosam sectam. Libertinorum, qui se spirituales vocant, instructio*. Nostris quoque diebus jamdiu obsoletum commentum istud revocarunt crassiores Quietistæ, ab Innocentio XI. proscripti solemnī Constitutione data anno 1687. die 20. Novembris. Apud illos. verò Hæreticos, cum nullus foret peccati sensus, nullus quoque esse potuit locus Poenitentiae.

II. Cajani, non modò Ecclesiam, sed & ipsi Christo potestatem denegaverunt purgandi certa quædam peccata. *En confurgit mihi*, ait sanctus Hieronymus Epist. 82. aliàs 83. ad Oceanum; *Cajana heresis, atque olim emortua vipera contritum caput levat, quæ non ex parte, ut antè consueverat, sed totum Christi subruit Sacramentum. Dicit enim esse aliqua, quæ Christus non potest purgare sanguine suo.* Ed. po. str. Te. part. 2. p. 645.

III. Quicumque ex Veteribus fatalem ex syderibus peccandi necessitatem induxere, ii. pariter tollendo peccata, Poenitentiam ipsam de medio sustulisse censendi sunt. Ita Manichæi, & ii. qui Mathematici vocabantur, de quibus S. Cæsarius Arelatenſis Sermone 253. relato in Appendice Tomi 5. Operum S. Augustini postremæ editionis pag. 415.

IV. Qui lapsis pacem & communionem temerè laxabant, nulla peracta poenitentia, ii quoque indirectè saltem ac per latus, Poenitentia necessitatem impetebant; atque, ut conqueritur S. Cyprianus Epist. 40. apud Pamelium, in recenti verò editione Anglicana 43. *ruinam salutis & everſionem animarum inducebant.* Ità Felicissimus & alii quinque Presbyteri Felicissimo sociati, referente ibidem S. Cypriano.

V. In idem vitium incurere ii, qui non poenitentia, sed exacto pretio dimittenda esse peccata garriebant, de quibus S. Maximus Taurinensis Episcopus Hom. 10. ex vulgatis à Mabillonio, Musæi Italici Tom. I.

Inter alios verò qui directè impugnare auctoritatem Ecclesiæ in dimittendis peccatis, isti præcipui fuerunt.

Montanistæ..

A Montano. sectæ parente dicti Montanistæ; à Provincia Phrygiæ unde oriundus ille erat. Cataphryges; à Pepusa vico, ubi conventus suos celebrabant, Pepusiani. Ita Theodoretus L. 3. hæreticarum fabularum cap. 2. De variis Montani deliramentis, & ipsi additis duabus vesano spiritu correptis mulieribus, Priscilla & Maximilla, lege fragmentum Apollinaris Hierapolitani apud Eusebium L. 5. Hist. c. 16.

Quoad præsens nostrum argumentum, Montanistæ docuerunt.

I. Inter peccata alia esse quæ in proximum, & alia quæ in Deum committuntur: priora non tantum remitti posse, sed etiam debere ab Ecclesia, fatebantur, teste Tertulliano in Libro de pudicitia, quem Montano addictus scripsit. *Mundantur*, inquit cap. 2. *delicta, quæ quis in fratrem; non in Deum admiserit.* A quo autem mundari seu remitti illa peccata censabant Montanistæ? ab Ecclesia sanè: neque enim illi contendebant aliquid esse tam grave peccatum, quod remitti à Deo non posset.

II. Distinguebant peccata contra Deum, in ea quæ remissibilia, & quæ

A. 4. irre-

Ed. Val. les. pag. 179.

Pagina. 256. C.

ibid. irremissibilia vocabant. *Causas*, inquit *ibid.* Tertullianus, *poenitentis, delicta condicimus. Hec dividimus in duos exitus: alia erant remissibilia, alia irremissibilia.... secundum hanc differentiam delictorum, poenitentis quoque conditio discriminatur: alia erit, quae veniam consequi possit, in delicto scilicet remissibili; alia, quae consequi nullo modo possit, in delicto scilicet irremissibili.*

III. Peccata irremissibilia, in doctrina Montanistarum, non erant quolibet, ut nos appellamus, mortalia peccata, sed inter mortalia gravissima, nempe idololatria, homicidium, mœchia &c. Sunt, inquit idem *Pagina 173. B.* Tertull. c. 19. *graviora & exitiosa quae veniam non capiunt, homicidium, idololatria, fraus, negatio, blasphemia, utique & mœchia & fornicatio, & si qua alia violatio templi Dei.* Idem jam dixerat cap. 1. *Inter illa verò peccata, quae remissibilia vocat Tertullianus & mediocria, seu, ut ait, quotidiana incurfionis, sunt multa mortalia, quae ideo remissibilia seu venialia dicit, quòd sint leviora aliis gravissimis peccatis. Joannes, inquit c. 19. commendavit quòd sint quadam delicta quotidiana incurfionis, quibus omnes sumus obiecti. Cui enim non accidit, aut irasci inique & ultra solis occasum; aut & manum immittere, aut facile maledicere, aut temerè jurare, aut fidem pacti destruere; aut verecundia, aut necessitate mentiri? In negotiis, in officiis, in questu, in visu, in auditu quanta tentamur? ut si nulla sit venia istorum, nemini salus competat.* Peccata hæc, ut dixi, non sunt illa levissima quae nunc vocari solent absolute venialia, sed plerumque mortalia, leviora tamen si comparentur aliis; quae propterea remitti posse ab Ecclesia concedebant Montanistæ: aliis verò gravissimis, veniam à solo Deo, non ab Ecclesia indulgeri posse contendebant. Catholici è contra, nullum crimen excipiebant, quòd ab Ecclesia remitti non posset.

Quòd verò his peccatis, quae remissibilia vocabant, veniam ab Ecclesia indulgeri posse existimarent Montanistæ, patet ex eodem cap. 19. *Pagina 171. A.* Lib. de pudicitia. *Poenitentia, inquit Tertull. Dei clementiam ad se invitat, salva tamen illa poenitentis specie, quae aut levioribus delictis veniam ab Episcopo consequi poterit, aut maioribus & irremissibilibus à solo Deo.*

IV. Pro gravissimis illis peccatis, quae remitti ab Ecclesia non posse contendebant Montanistæ, poenitentiam agendam esse non negabant, quamquam nullam ab Ecclesia veniam illa consecutura foret. Ita colligitur ex Tertulliano c. 3. citati jam Libri. Ibi quippè respondens huic objectioni Catholicorum, *Pagina 156.* *Frustra scilicet agi poenitentiam, quæ caret venia, ait: Merito utique ita opponunt, quoniam huius quoque poenitentia fructum, id est veniam, insus potestate usurpaverunt.... Quantum autem ad nos qui solum Dominum meminimus delicta concedere, & utique mortalia, non frustra agetur. Ad Dominum enim remissa, & illi exinde prostrata, hoc ipso magis operabitur veniam, quòd eam à solo Deo exorat, quòd delicto suo humanam pacem sufficere non credit, quòd Ecclesie maxime erubescere, quam communicare. Adfuit enim pro foribus ejus, & de nota sua exemplo ceteros admonet, & lachrymas fratrum sibi quoque advocat, & redit plus utique negotiata, compassionem scilicet, quam communicationem.* Et cap. 19. *Hec erit, inquit, poenitentia, quam & nos debere quidem agnoscimus multò magis, sed de venia Deo reservamus.* Ex his itaque patet, Montanistas gravissimorum criminum reis poenitentia actionem coram Ecclesia non recusasse, nec illam omnino inutilem dixisse, imò potius necesse.

necessariam ad veniam obtinendam, non quidem ab Ecclesia, sed à Deo. Eiusmodi autem poenitentes intra fores Ecclesiae consiliebant: si qui verò adhuc magis horrenda perpetrassent, ii longius à foribus Ecclesiae propellebantur. *Reliquas autem*, inquit idem Tertull. cap. 4. ejusdem Libri, *libidinum furias impias, & in corpora & in sexus ultra iura naturae, non modò dimine, verum omni Ecclesia tecto submovemus; quia non sunt delicta, sed monstra.* P. 557. B.

Quo ergo sensu, inquires, Tertullianus citati Libri cap. 21. concedit habere Ecclesiam facultatem dimittendi etiam gravia peccata?

Resp. Tertullianum eò loci nomine Ecclesiae abusum fuisse, nec intellexisse visibilem Fidelium cœtum sub regimine Pastorum, sed ipsam invisibilem Trinitatem, à qua sola contendit obtineri posse illorum peccatorum veniam. *Ecclesia propriè & principaliter*, inquit ibidem, *est ipse spiritus in quo est Trinitas unus divinitatis . . . Et ideo Ecclesia delicta donabit &c.* P. 574. C. Nomine igitur Ecclesiae intelligit ibi Tertullianus SS. Trinitatem.

Novatiani.

A Novato & Novatiano dicti sunt Novatiani; dicti quoque Cathari, id est, puri. Novatus Carthagenensis, Novatianus Romanus fuit Presbyter, duo plane distincti homines, sicut testantur Veteres, S. Cyprianus Epistola 43. & 49. Eusebius in Chronico, Cornelius S. Pontifex apud Eusebium Lib. 6. Hist. cap. 43. S. Pacianus Epistola 2. & 3. ad Sympronianum, S. Hieronymus in Catalogo Scriptorum Ecclesiasticorum, & alii. Sectæ auctor fuit Novatus, assertor & propagator Novatianus. Novati inquietam & turbulentam indolem, superbiam, fastum, seditiam graphicè depingit sanctus Cyprianus Epistola 49. quæ est ad Cornelium: Novatiani verò mores ac vitia perstringit Cornelius S. P. in sua ad Fabium Epistola apud Eusebium L. 6. Hist. c. 43. & S. Cyprianus Epistola 57. ad Cornelium.

Novatus furtim Carthagine Romam se recepit, ubi Novatiano invidiæ stimulis agitato propter electionem Cornelii in summum Pontificem, sese adiunxit; atque cum factò schismate se in Pseudoepiscopum Romanum ordinari à temulentis Episc. opis curasset Novatianus, schismati errorem ambo addiderè, nempe ipem omnem veniæ ab Ecclesia obtinendæ lapsis auferendo.

Novatus (legi debet Novatianus) inquit Eusebius loco mox indicato, *Ecclesia Romana Presbyter, arrogantia adversus eos elatus, quasi nulla spes salutis ipsis posthac superesset, tametsi omnia expleverit quæ ad sinceram conversionem puramque confessionem pertinent, propria cuiusdam sectæ eorum qui tumore mentis elati seipsos Catharos, (idest, puros) cognominant, auctor extitit.* P. 241. Incoigitur verfabatur capitalis error Novatianorum, quòd negarent Ecclesiam habere potestatem dimittendi peccata iis, qui in persecutione lapsi fuerant. Quòd si qui Novatianum non erroris, sed nimis dumtaxat severitatis arguerunt, ut imprimis Atticus quidam apud Socratem L. 7. Hist. cap. 25. ii errore facti laborarunt; rati Novatianum ex rigore & amore dumtaxat disciplinæ, non ex desperatione indulgentiæ per Ecclesiam obtinendæ, lapsos in persecutione ita rejecisse. Verùm ut penitus cognoscatur Novatiana hæresis, tres veluti ipsius gradus sunt distinguendi.

1. Initio defectionis ab Ecclesia, cum nondum Hæresiarchæ animo bene præ-

præconcepta ac præformata haberent erroris sui omnia capita, solis idololatriæ in persecutione lapsis veniam denegasse videntur, non aliis. Itacnem videturcolligi posse tum ex Eusebio Lib. 6. c. 43. & Socrate Lib. 4. cap. 28. ubi occasionem & exordium erroris Novatiani non aliud fuisse significant, quàm quòd à Cornelio qui cum lapsis communicabat recessissent, & iisdem lapsis veniam ab Ecclesia dari non posse contenderent; tum ex S. Cypriano Epistola 52. ad Antonianum versùs finem, ubi ex praxi ipsa & agendi ratione Novatianorum erga mœchos & adulteros, quos ad pacem admittebant, arguit & probat debere eos pari conditione idololatrias excipere, ut nempe post poenitentiam veniam obtineant; tum ex testimonio Attici Episcopi Constantinopolitani apud Socratem Libro 7. Hist. cap. 25. Ego, inquit, illum (Novatum) laudo, quòd cum iis qui sacrificaverant communicare noluerit. Idem enim & ipse fecissim. Novatianos verò minimè probo, qui ob levia delicta laicos à communione excludunt.

P. 367.
B.

Dissimulari tamen non debet, S. Ambrosium L. 1. de Pœnit. cap. 3. observare Novatianum existimasse omnia pariter peccata non posse ab Ecclesia remitti; atque distinctionem peccatorum remissibilem & irremissibilem à discipulis Novatiani postmodum excogitatam fuisse.

II. Cum Novatiani intellexissent non satis coherere dogma magistri sui cum praxi & disciplina quam erga mœchos & adulteros observabant, omnibus plane delictis post Baptismum commissis veniam non posse ab Ecclesia indulgeri apertè docuerunt. Testantur id innumeri fere Scriptores: Eusebius loco citato, & apud ipsum L. 7. c. 8. Dionysius Alexandrinus, Atticus apud Socratem loco mox citato, S. Ambrosius L. 1. de Pœnitentia c. 1. & 2. S. Pacianus Epistola 3. ad Sympronianum, ubi sic loquitur: *Tractatus omnis Novatianorum, quem ad me confertis undique propositionibus destinasti, hoc continet: Quòd post Baptismum punire non liceat; quòd mortale peccatum Ecclesia donare non possit, imò quòd ipsa pereat recipiendo peccantes.* Idem prius testantur Philastrius Lib. de hæresibus c. 34. S. Epiphanius hæresis 59. Theodoretus L. 3. hæreticarum fabularum c. 5. S. Augustinus L. de Agone Christiano c. 31.

Biblioth.
P. P. T. 4.
N. 109. C.

III. denique, nonnulli Novatiani magistri sui dogmà paulò emolliendum ac temperandum sibi esse duxerunt, concedendo saltem Ecclesiæ potestatem dimittendi leviora peccata. Ita significat sanctus Ambrosius Lib. 1. de Pœnit. cap. 3: *Aliunt (Novatiani) inquit, se, exceptis gravioribus criminibus, relaxare veniam levioribus.* Non hoc quidem auctor vestri erroris Novatianiur.... In eo igitur patrem vestrum propria damnatis sententia, qui distinctionem peccatorum facitis, quæ solvenda à nobis putetis, & quæ sine remedio esse arbitramini.

Edit.
p. 37. T.
1. p. 395.
B.

Quares 1. an Novatiani negaverint peccatorum gravissimorum veniam à Deo posse concedi?

P. 245.
B.

Resp. nusquam eos istud negasse: testis Socrates L. 4. Hist. c. 28. *Novatus, inquit, scripsit ad omnes ubique Ecclesias, ne eos qui demonibus immolaverunt, ad sacræ mysteria admitterent; sed ut bortarentur quidem eos ad poenitentiam, indulgentiam autem criminum relinquerent Deo, penes quem ius arbitriumque est crimina remittendi.* Testis S. Ambrosius Lib. 1. de Pœnit. c. 2. *T. 1. p. Aliunt, inquit, se Domino deferre reverentiam, cui soli remittendorum criminum potestatem reservant.*

T. 1. p.
391. D.

Quæ-

Quæres 2. utrum Novatiani lapsis in graviora crimina negarent poenitentiz actionem?

Resp. non negasse. Patet ex Socrate mox citato, ex S. Ambrosio citato Libro cap. 1. & ex sancto Cypriano Epistola 52. ubi respiciens ad illam Novationorum praxim, exclamat: *O frustranda fraternitatis irrisio! o miserarum lamentantium caduca deceptio! o heretica institutionis inefficax & vana traditio, hortari ad satisfactionis poenitentiam, & subtrahere de satisfactione medicinam; dicere fratribus nostris, Plange & lacrymas funde, & diebus & noctibus ingemisce,.... sed extra Ecclesiam post omnia ista morieris.* Edis. Rigale. 1. p. 74.

Massaliani, Meletiani, Apostolici, Luciferiani, Petrus de Osma.

Massaliani, qui & Eucheite, ab oratione dicuntur, ait S. Joannes Damascenus L. de hæresibus, tantam precibus vim tribuebant, ut per eas solas sine Baptismo & Poenitentia homines à peccatis mundari affirmarent. *Tanta est eorum arrogantia,* ait S. Damascenus, *ut eos qui apud ipsos sensum illum Spiritus sancti perceperint, beatos prædicent, veluti perfectos, & ab omni culpa liberos, peccatoque superiores. . . Illos item qui variis criminibus obnoxii ad se confugiunt, nullo poenitentia edito fructu, nulla Sacerdotum auctoritate muniti, nulla habita ratione graduum, quos Ecclesiastici Canones poenitentibus præscribunt, omni se statim peccati labe mundaturos pollicentur.* Edis. 1. p. 91. D.

Meletiani à Meletio dicti, ait S. Augustinus L. de hæresibus cap. 48. *no- lentes orare cum conversis, id est, eis qui in persecutione ceciderunt, schisma fecerunt.* S. Epiphanius hæresi 68. Meletium excusare videtur, quasi pro- trahendam dumtaxat voluerit, non omnino negandam lapsis in persecutione poenitentiam. T. 2. p. 17. G. T. 1. f. 718. A.

Apostolici, sic dicti, eo quòd, ait S. Augustinus L. de hæresibus cap. 40. *in suam communionem non reciperent utentes coniugiis, & res proprias possiden- tes. Nullam enim spem lapsis relinquebant,* teste S. Epiphanio hæresi 61. *Ideo sunt heretici,* pergit S. Augustinus, *quoniam se ab Ecclesia separantes, nullam spem putant eos habere, qui utuntur his rebus, quibus ipsi carent. Encratitis (id est, Continentibus) similes sunt, nam & Apotactite appellantur, (id est, Renuntiatores.)* T. 2. p. 11. B.

Luciferiani à Lucifero Caralitano Episcopo nomen duxerunt. Existima- bant illi non esse in suis gradibus recipiendos Episcopos & Clericos qui Arianz hæresi consenserant, & ea subinde damnata, ad Ecclesie fidem re- dierant; sed ad Laicorum dumtaxat sortem & communionem amandan- dos. Ita S. Hieronymus in Dialogo adversus Luciferianos; unde abstinebant illi à conventibus & communione eorum, qui tales Episcopos poeniten- tes recipiebant.

Petrus de Osma Theologus Salmaticensis anno 1478. damnatus fuit à Sixto IV. S. Pontifice, ob multas, quasasseruerat propositiones, inter quas hæc erat, *Peccata mortalia quoad culpam & penam æterni sæculi, sola cor- dis contritione sine confessione & ordine ad claves remittuntur.*

Wiclefite, Hussite, Lutherani, Calvinistæ, De Dominis.

De variis illorum Hæreticorum calumniis & mendaciis quibus catholicum dogma deformant, atque Catholicis ab eorum planè mente alienas opiniones affingunt, lege Bellarminum L. 1. de Pœnit. c. 1. 2. 3. 4. 5. & 6.

Quantum verò ad eorum sententiam circa Sacramentum Pœnitentiæ.

I. Joannes Wiclef & Joannes Hus docuerunt, Sacerdotem verè non absolvere; malum Sacerdotem nec absolvere, nec alia Sacramenta verè conferre. Ita Thomas Valdensis Tomo 2. de Sacramentis c. 141. Ita quoque colligitur ex Concilio Constantiensi.

II. Lutherus visus est aliquando Pœnitentiam inter vera Sacramenta ponere. In Libro de Captivitate Babylonica, non procul ab initio, ait: *Principio neganda mihi sunt septem Sacramenta, & tantum tria pro tempore ponenda, Baptismus, Pœnitentia, Panis.* Verùm in fine ejusdem Libri, hanc suam sententiam revocare videtur. *Si rigide, inquit, loqui velimus, tantum duo sunt in Ecclesia Sacramenta, nempe Baptismus & Panis. . . . Nam Pœnitentiæ Sacramentum, quod ego his duobus accensui, signo visibili & divinitus instituto caret; & aliud non esse dixi, quam viam ac reditum ad Baptismum.* Eandem Lutheri inconstantiam secutus est Melancthon in locis communibus ann. 1543. editis. Nihilominus si ad Lutheranorum praxim attendamus, videntur illi Pœnitentiæ Sacramentum retinere: utuntur enim parvo

P. 165.

Catechismo quem composuit Lutherus, in quo, referente bonæ memoriæ Illustrissimo & doctissimo Meldensium Episcopo Libro 3. Variationum cap. 48. Minister audita confessione omnium peccatorum quorum recordatur pœnitens, cum sic interrogat: *Namquid credis remissionem quam tibi do, esse remissionem Dei? Respondet pœnitens: ita. Tum Minister, Et ego ex Christi mandato remitto tibi peccata tua, in nomine Patris, & Filii, & Spiritus sancti.*

Aufbo-
urg.

III. Qui in Apologiam Confessionis Augustanæ jurarunt, ii proculdubio Pœnitentiam inter Sacramenta reponere teneantur; apertè enim in illa Apologia dicitur: *Verè igitur sunt Sacramenta, Baptismus, Cœna Domini, Absolutio quæ est Sacramentum Pœnitentiæ.*

IV. Multi inter Lutheranos è numero Sacramentorum Pœnitentiam expungere, quam à memoria Baptismi non distingui voluerunt. Ita Melancthon loco citato, Kemnitius in examine Conc. Trid. ad Canonem decimum de Baptismo, & ad Canonem primum de Pœnitentia. Contendit ille primam originem Sacramenti Pœnitentiæ, quale fuit à Catholicis excogitatum, ductam esse ex spectaculis acerbæ ac publicæ pœnitentiæ, quam magna severitate vetus Ecclesia in manifestis & atrocibus criminibus servabat.

Calvinistæ post parentem suum Calvinum L. 4. Institutionis cap. 19. paragraph. 17. negant Pœnitentiam Sacramentum esse à Baptismo distinctum, cuius memoria, propter apprehensionem fidei, peccata Baptismum subsequentiā remittit. *Apissime dixeris, ait Calvinus, si Baptismum vocaveris, pœnitentiæ Sacramentum, cum in confirmationem gratiæ & fideiæ sigillum iis datus sit, qui pœnitentiam meditantur.* Inde duo inferunt maximè commoda: primum, eadem facilitate peccata remitti post Baptismum, ac in Baptismo. Alterum, nullas superesse pœnas luendas peccatis remissis post Baptismum, utnol.

P. 541.

ut nullæ superfunt cùm peccata in Baptismo condonantur. Non negant quidem Calvinistæ cum Novatianis, quibus anathema dicunt, Ecclesiam habere potestatem dimittendi peccata post Baptismum; sed contendunt duntaxat, potestatem hanc per verum Penitentiae Sacramentum à Baptismo distinctum non exerceri.

Atque inde commune tùm Lutheranorum tùm Calvinistarum dogma fuit, Sacerdotis absolutionem non esse actum judicalem, sed nudum ministerium pronuntiandi & declarandi remissa esse peccata confitenti, modò credat se esse absolutum; quam doctrinam damnavit Conc. Trid. Sess. 14. c. 6. & Can. 9. Ista pariter Christi verba, *Quorum remiseritis peccata &c.* non intelligunt de potestate remittendi peccata in Sacramento Penitentiae; sed de auctoritate prædicandi Evangelium, adversus quam interpretationem editus est Canon 2. ejusdem Sessionis.

Marcus Antonius de Dominis Spalatensis Archiepiscopus & apostata Lib. 5. de Republica Ecclesiastica cap. 7. & 12. circa Penitentiam docet 1. sola peccata externa; publica, scandalosa & manifesta subjecta esse clavibus Ecclesiae, quæ proinde ab ea solvi possunt vel retineri; peccata verò occulta, quæ solum Deum habent testem, sola interiori penitentia sanari & remitti à Deo. Ita cap. 12. n. 51. Ibidem n. 41. docet 2. peccata illa externa, quæ clavibus Ecclesiae subiciuntur; verè ac propriè tanquoad culpam, quam quoad penam ab ea dimitti coram Deo, quia promissit Christus solvenda fore in Caelis, quæ soluta sunt in terra. Numero verò 51. exponens modum quo Ecclesia peccata dimittit, ait, *non quidem directè, sed indirectè tantum ea dimittere*, nempe ex divina promissione ac concessione, quatenus scilicet; soluto per Ecclesiam exteriori vinculo anathematis & excommunicationis, in quo tota ejus consistit auctoritas, *clavis*, inquit, *non errante, Deus peccata interius dimittit*. Numero verò sequenti, ait peccata, prout sunt offensa Ecclesiae, *directè* sub eo respectu ab illa dimitti, *indirectè* verò prout sunt offensa Dei. Sic ite putat ad concordiam adduci posse Novatores & Orthodoxos, circa questionem hanc, an Ecclesia verè dimittat peccata, aut dimissa tantum esse à Deo declaret. 3. Eodem n. 52. docet auctoritatem Ecclesiae in solvendis vel retinendis peccatis exterioribus & manifestis, sacramentalem non esse, seu verum Sacramentum; atque in eo discrimen statuit inter modum quo remittuntur peccata per Baptismum, & per reconciliationem, quòd *actio ministrantis Baptismum*, inquit, *fit sacramentalis & verum Sacramentum; actio autem reconcilians, neque est sacramentalis propriè, nec verum Sacramentum*. His historicè narratis, ad probationem dogmatis Catholici deveniendum nobis est.

QUÆSTIO SECUNDA.

De existentia, necessitate, & materia Sacramenti Poenitentiae.

TRES erunt hujus Quæstionis Articuli.

Primus, de existentia & necessitate Sacramenti Poenitentiae: an Christus Ecclesiae suae auctoritatem concesserit dimittendi peccata quolibet per verum & propriè dictum Poenitentiae Sacramentum, atque singulis Fidelibus necessitas incumbat subjiçendi se clavibus Ecclesiae.

Secundus, de natura hujus auctoritatis: an scilicet sacramentalis absolutio, verè & propriè coram Deo peccata dimittat, vel declaret solummodò ea esse dimissa.

Tertius, de materia Sacramenti Poenitentiae..

ARTICULUS PRIMUS..

De existentia & necessitate Sacramenti Poenitentiae..

Utrum Christus Ecclesiae suae auctoritatem concesserit dimittendi qualibet peccata per verum & propriè dictum Sacramentum Poenitentiae..

DUplex hic oppugnandus error, & opposita veritas orthodoxa confirmanda: Novatianorum scilicet, qui ab Ecclesia auferunt remittendorum saltem graviorum peccatorum auctoritatem; & Lutheranorum ac Calvinitarum, qui negant auctoritatem hanc exerceri per verum & propriè dictum Sacramentum omnibus post Baptismum necessarium..

Probatur adversus Novatianos, Christum Ecclesiae auctoritatem dedisse remittendi omnia peccata, nullumque esse hac in vita crimen irremissibile.

C O N C L U S I O.

Christus Ecclesiae suae concessit auctoritatem dimittendi peccata, nullumque est hac in vita crimen irremissibile..

Probatur 1. ex Scripturae testimoniis, tum iis quibus potestatem hanc se daturum promittit Christus, tum iis quibus eam de facto concedit, tum iis denique quibus constat Apostolos tradita sibi auctoritate usos fuisse.

I. Matthaei 16. v. 19. Christus sancto Petro ait: *Tibi dabo claves regni caelorum; & quodcumque ligaveris super terram, eris ligatus & in Caelis, & quodcumque solveris super terram, eris solutus.* Sub metaphora clavium, remittendi vel retinendi peccata, aperiendi vel claudendi Caelum potestas promittitur sancto Petro, & in ejus persona toti Ecclesiae. Ita locum hunc intellexit Tertullianus in Scorpiaco cap. 10. *Si adhuc*, inquit, *clausum*

P. 496. *putas Cælum, memento claves ejus hic Dominum Petro, & per eum Ecclesiae reliquisse.* Ita quoque exponunt innumeri alii Scriptores Catholici, quos

laudat

laudat Launojus Theologus Parisiensis T. 7. Epistolarum, Epistola quæ est ad Fromentinum. Non immeritò cum Maldonato in Tractatu de Penitentia The- si prima observari potest, citatis verbis Christum, singularem aliquam S. Petri prærogativam, seu primatum supra ceteros Apostolos designasse, cum nempe auctoritas dimittendi peccata, quæ omnibus communis futura erat, omnibus in persona S. Petri tanquam primatum obtinentis, promittitur.

Cap. 18. ejusdem S. Matthæi v. 18. eandem potestatem omnibus Apostolis distinctè promittit. *Amen dico vobis, quaecumque alligaveritis super terram, erunt ligata & in Cælo; & quaecumque solveritis super terram, erunt soluta* P. 76. *& in Cælo.* Quo testimonio usi sunt olim Patres Africani anno 252. in Epistola Synodica inter Epistolas S. Cypriani 54. ut decernerent nulli lapsò penitentiam agenti pacem & communicationem denegandam esse.

II. Apud S. Joannem cap. 20. v. 21. quam promiserat, de factò confert Apostolis dimittendi peccata auctoritatem. *Sicnt, inquit, misit me Pater, & ego mitto vos. Accipite Spiritum sanctum, quorum remiseritis peccata, remittuntur eis; & quorum retinueritis, retenta sunt.* Quo tam insigni factò, T. 14. ait Conc. Trid. Sess. 14. cap. 1. de Penitentia, *& verbis tam perspicuis, potestatem remittendi & retinendi peccata, ad reconciliandos fideles post Baptismum lapsos, Apostolis & eorum legitimis successoribus fuisse communicatam, universorum Patrum consensus semper intellexit; & Novatianos remittendi potestatem olim pertinaciter negantes, magna ratione Ecclesia Catholica tanquam hæreticos expulsi, atque condemnavit.* 816 A.

III. Concessa sibi à Christo dimittendi peccata auctoritate, usi sunt Apostoli.

Ufus est S. Paulus, qui 2. ad Corinth. 2. incestuosum quem satanæ traderat in carnis interitum, post duram penitentiam, benignè suscipit & Ecclesiæ restituit, ne fortè, inquit v. 7. *abundantiore tristitia absorbeat.* Propter quod, pergit Apostolus, *obsecro vos, ut confirmetis in illum charitatem, ac statim declarat, se in persona Christi hanc incestuoso veniam indulsisse. Nam & ego, inquit, quod donavi, si quid donavi, propter vos in persona Christi.* Quem locum contra Novatianos urgebat S. Ambrosius L. 1. de Penit. cap. 7. his verbis: *Ius sibi vindicavit Paulus acceptum, non usurpavit indebitum.* Et cap. 16. *Cum igitur Apostolus peccatum remiserit, qua vos auctoritate dimittendum negatis? Quis reverentior Christi, Novatiani, an Paulus? Sed noverat Paulus Dominum misericordem, noverat Dominum Jesum severitate magis Discipulorum offensum, quam misericordia.* Eo exemplo adeo se urgeri & premi sensit Tertullianus Montanista factus, ut c. 14. Lib. de pudicitia, coactus fuerit negare unum & eundem hominem esse, P. 565. cui S. Paulus 1. Corinth. 5. penitentiam injunxit, & cui 2. Corinth. 2. veniam concessit.

Eadem auctoritate dimittendi peccata usus est S. Joannes erga juvenem illum, quem è perditissima vita quam inter Latrones, quorum dux factus erat, degebat, revocatum, ac penitentia lachrymis purgatum Ecclesiæ reddidit. Hanc historiam ex Clemente Alexandrino referunt Eusebius L. 3. Hist. c. 23. S. Chrysostomus L. 1. ad Theodorum lapsum c. 11. Baronius ad ann. Christi 98. n. 18. & alii.

In his

In his porro testimoniis nulla fit peccatorum levium aut graviorum discretio, sed omnia pariter clavibus Ecclesiae subiciuntur: omnia pariter ligari & solvi possunt: nullum quoque discrimen peccati publici vel occulti, quantum ad necessitatem illud subijcendi Ecclesiae clavibus, sicut somniavit antea citatus Spalatensis. Nemo, inquit S. Augustinus Sermone 392. aliàs Homilia 49. inter 50. sibi dicat, *Occultè ago, apud Deum ago: novit Deus qui mihi ignoscat, quia in corde ago* (penitentiam). Ergo sine causa dictum est, *Quæ solveritis in terra, soluta erunt in Cælo?* Ergo sine causa sunt claves datae Ecclesiae? Frustramus Evangelium, frustramus Verba Christi.

T. 4. p. 1104. E.

Ad hæc accedunt infinita propemodum paternæ Dei erga nos clementiæ ac misericordiæ argumenta, quibus significat, nolle se ut quisquam pereat, nullum esse tam grave ac enorme crimen, cujus verè penitentibus veniam & indulgentiam non concedat.

Isaïæ 1. v. 16. *Lavamini, mundi estote... quiescite agere perverse, discite benedicere... & venite, & arguite me, dicit Dominus: si fuerint peccata vestra ut coccinum, quasi nix dealbabitur; & si fuerint rubra quasi vermiculus, velut lana alba erunt.*

Ezechielis 18. v. 21. *Si impius egerit penitentiam ab omnibus peccatis suis, quæ operatus est... vita vivet & non morietur: omnium iniquitatum eius non recordabor.* Rationem subijcit, cur tam amanter eos invitât ad penitentiam. Numquid, ait v. 23. *voluntatis meæ est mors impij... & non ut convertatur à viis suis, & vivat?* Quibus verbis consonat S. Petrus Epistola 2. c. 3. v. 9. *Nolens, inquit, aliquos perire, sed omnes ad penitentiam reverti.* Fuit hæc immensa Dei erga nos benignitas, velut rivulus à fonte, à vera & sincera, non ficta, non externa tantum Dei pro salute omnium voluntate.

S. Pacianus Epistola 1. ad Sympronianum illustriora collegit ac complexus est hujus divini erga nos indulgentiæ ac clementiæ exempla. Quid illa, inquit, tot similitudinum Dominicanarum argumenta respondent? Quod drachmam invenit mulier, & gratulatur inventam. Quod pastor ovem reportat errantem. Quod filio revertenti post prodacta omnia bona, & cum meretricibus & fornicariis esotata, pater blandus occurrit, & invidum fratrem ostensa ratione castigat? Filius (inquens) meus hic mortuus fuerat, & revixit, perierat, & inventus est. Quid ille in via vulneratus, à Levita & Sacerdotis præteritis? Nonne curatur? Revolve quæ Spiritus dicat Ecclesiis. Ephesos deserta dilectionis accusat; stuprum Thathyrenis imputat; Sardos in opere cessantes; Pergamenum docentes diversa reprehendit; Laodiceorum divitiis inuria; & tamen omnes ad penitentiam satisfactionis invitât. His exemplis & aliud adjungitur, immane scilicet & execrabile facinus Judæorum, qui Christum Dominum crucifixerunt: at non tantum pro iis oravit Christus, sed & Petrus Act. 2. ubi eis exprobravit, quod hunc per manus iniquorum affligentes interemissent; ne tamen desperarent v. 38. addit: *Penitentiam agite, & baptisetur unusquisque vestrum in nomine Jesu Christi, in remissionem peccatorum vestrorum; & accipietis donum Spiritus sancti.*

Ed referendæ tam frequentes comminationes Scripturæ in eos qui penitentiam non agunt. Lucæ 13. v. 3. *Nisi penitentiam habueritis, omnes simul peribitis.* At, ut rectè arguit Tertullianus L. de penit. cap. 8. non comminaretur (Deus) non penitentem, si non ignosceret penitenti.

P. 116. C.

Com-

Communis ac trita hæc est SS. Patrum doctrina.

S. Hilarius in caput 118. Matth. n. 10. *Neque fas est, inquit, nos ex præscripto legis, danda venie numero concludi; cum per Evangelii gratiam sine modo fuerit nobis à Deo indulta.* P. 701. D.

S. Ambrosius L. 2. de Penit. c. 4. n. 26. *Omnibus conversis, inquit, pollicetur veniam, quia scriptum est, Omnis quicumque invocaverit nomen Domini salvus erit.* Et L. 1. cap. 2. dixerat: *Domini nullum crimen excepit, qui peccata donavit omnia.* T. 1. p. 412. B. Ibid. p. 391. B.

S. Hieronymus Epistola ad Oceanum de Bigamia. *Frustra, inquit, mortuus est Christus, si aliquos vivificare non potest. Mentitur Joannes Baptista, & dicit Christum & voce demonstrans, Ecce Agnus Dei, qui tollit peccata mundi, si sunt adhuc in sæculo, quorum Christus peccata non tulit.* T. 4. p. 646.

Denique S. Augustinus cum L. 1. de Sermone Domini in monte dixisset, esse aliquod peccatum ad mortem, quod remitti non potest, Lib. Retractionum 1. c. 19. n. 7. ait, *Addendum fuit, si in hac tam scelerata mentis perversitate finierit hanc vitam. Quoniam de quocumque pessimo in hac vita constituto, non est utique desperandum; nec pro illo imprudenter oratur, de quo non desperatur.* T. 3. p. 1. p. 197. T. 1. p. 31. A.

Clarissima hæc Scripturæ ac Traditionis testimonia ut infirmarent ac eluderent Hæretici, multa absurda & ridicula confinxerunt, quæ à SS. Patribus, Ambrosio imprimis & Paciano, invictè confutata ac penitus contrita sunt.

Dicebant 1. peccata illa à Deo remitti, cui soli jus illud competit; atque Deo injuriosos esse, qui jus ipsius alteri tribuunt.

Responderebat S. Ambrosius, ipsosmet Novatianos, non verò Catholicos, Deo injuriosos esse: *Nulli enim, inquit L. 1. de Penit. c. 2. majorem injuriam faciunt, quam qui elus volunt mandata rescindere.... Nam cum ipse in Evangelio suo dixerit Dominus Jesus, Accipite Spiritum sanctum, quorum remiseritis peccata &c. quis est qui magis honorat, utrum qui mandatis obtemperat, an qui resistit?* T. 2. p. 391. D.

Responderebat S. Pacianus Epistola 1. ad Sympronianum: *Quod per suos Sacerdotes facit Christus, sua potestas est.* Et Epistola 3. *Quod ego facio, inquit, id non meo jure, sed Domini: Dei enim sumus adiutores. Quasi diceret, inquit, Christum esse causam principalem remissionis peccatorum, Sacerdotes verò ministerialem seu instrumentalem. Quare, pergit ibidem, si ve ad poenitentiam cogimus, seu veniam petentibus relaxamus, Christo id anctore tractamus.* Ibidem premit Novatianosa paritate & exemplo Baptismi quem ipsi conferebant, nec tamen se Deo injuriosos esse propterea fatebantur, quod in Baptismo peccata dimitterent. Quare igitur injuriam Deo inferre dici possunt, qui per Poenitentiam peccata remittunt, cum utrobique eadem sit auctoritas à Deo accepta? Eodem Baptismi exemplo Hæreticos premebat S. Ambrosius Lib. 1. de Penit. c. 8. aliàs 7. *Cur baptisatis, inquit, si per hominem remitti peccata non licet? In Baptismo enim utique remissio peccatorum omnium est: quid interest utrum per poenitentiam, an per lavacrum hoc ius sibi datum Sacerdotes vindicent? Unum in utroque mysterium est.* Et c. 3. aliàs 2. *Distinctionem, inquit, peccatorum facitis quæ solvenda à nobis putetis, & quæ sine remedio esse arbitramini: sed Deus distinctionem non facit, qui misericordiam suam promissis omnibus, & relaxandi licentiam Sacerdotibus suis sine ulla exceptione concessit.* T. 2. p. 402. B. Ibid. p. 393. C.

Dicebant 2. citata Scripturæ testimonia intelligenda esse de levioribus peccatis in proximum, non de gravioribus in Deum ipsum commissis.

Ibid. p. 393. C. Respondēbat S. Ambrosius L. 1. de Pœnit. c. 3. *Deum nullam fecisse distinctionem, qui misericordiam suam promissit omnibus, & relaxandi licentiam Sacerdotibus suis sine ulla exceptione concessit.*

Dicebant 3. testimonia Scripturæ laudata Ecclesiæ iudicio & auctoritati subijcere quidem peccata quæ præcedunt, non verò quæ sequuntur Baptismum.

Ibid. p. 400. B. Respondēbat S. Ambrosius L. 1. de Pœnit. c. 8. Ecclesiam per Pœnitentiam relaxare peccata post Baptismum commissa, sicut per Baptismum relaxat ea quæ præcesserunt. *In Baptismo, inquit, utique remissio peccatorum omnium est. Quid interest, utrum per Pœnitentiam, an per lavacrum hoc sui sibi datum Sacerdotes vindicent? Unum in utroque mysterium est. Sed dicis (pergit sanctus Doctor) quia in lavacro operatur mysteriorum gratia. Quid in Pœnitentia? Nonne Dei nomen operatur? Quid ergo: Ubi vultis, vindicatis vobis Dei gratiam; ubi vultis, repudiatis? Sed hoc insolentis arrogantia, non sancti timoris est, ut fastidio vobis sint, qui volunt agere Pœnitentiam.*

Dicebant 4. Apostolis quidem concessam esse à Christo potestatem dimittendi peccata, non aliis.

Biblioth. P. P. To. 4. pag. 307. A. Respondēbat S. Pacianus Epistola 1. jam citata, Ergo & baptizare solis licet Apostolis, & Spiritum sanctum dare solis, & solis gentium peccata purgare, quia totum hoc non aliis quam Apostolis imperatum est... Si ergo & lavacri, & chrismatis potestas maiorum longe chrismatum ad Episcopos inde descendit; & ligandi quoque sui adfuit, atque solvendi.

Dicebant 5. se non denegare Ecclesiæ auctoritatem ligandi, quæ potest imponere poenarum vincula; sed denegare auctoritatem solvendi, quam Deus sibi soli reservavit.

To. 1. p. 391. A. Respondēbat S. Ambrosius L. 1. de Pœnit. c. 2. ad eandem pertinere potestatem, ligare & solvere. Dominus, inquit, par sui esse voluit solvendi & ligandi, qui utrumque pari conditione permisit. Deinde ostendit solvendi magis, quam ligandi facultatem in Ecclesia agnoscendam, quia Deus ad misericordiam promptior est, quam ad severitatem.

Inutilem porro esse Pœnitentiam quæ caret spe veniæ, demonstrant SS.

Ibid. p. 390. C. Patres contra Novatianorum crudelitatem. *Nemo potest bene agere Pœnitentiam, ait S. Ambrosius cap. 1. nisi qui speraverit indulgentiam.* Etc. 16. *Frustra dicitis vos (Novatiani) predicare Pœnitentiam, qui tollitis fructum pœnitentiæ. Homines enim ad aliquod studium aut præmiis, aut fructibus incitantur; omne autem studium torpescit dilatione.*

Ibid. p. 413. D. Probat 2. Conclusio ex constanti ac perpetua Ecclesiæ universæ praxi atque Traditione, quæ his certissimis momentis demonstrari facile potest.

I. Ex communi Ecclesiarum omnium conspiratione in proscribendo impio ac crudeli Montanistarum & Novatianorum dogmate, quod statim ac caput extulit, ubique pari zelo ac studio compressum fuit. Sic, Eusebio teste L. 5. Hist. c. 16. 17. 18. & 19. adversus Montanistas insurrexere, Apollinarius Hierapolitanus, Miltiades, Apollonius, Serapio Antiochenus, Martyres Lugdunenses, (c. 3.) Africa & Phrygiæ Episcopi; uno verbo, omnes Ecclesiæ, sicut ipsemet testatur Apollinarius in Opere quod adversus illos con-

con-

conscriptit. Inde est quòd Tertullianus post suam ab Ecclesia Catholica ad Montanistas defectionem, sibi inconstantiam & novitatem opinionis obijciendam esse non dissimulet. *Erit, inquit cap. 1. Lib. de pudicitia, hic adversus Psychicos titulus, adversus meæ quoque sententia retro penes illos societatem, quo magis hoc mihi in notam levitatis oblectent.* Et reipsa verè scripserat idem Tertullianus Orthodoxus in Libro de Pœnit. cap. 4. *Omnibus delictis, seu carne, seu spiritu, seu factis, seu voluntate commissis, qui penam per judicium destinavit, idem etiam & veniam per poenitentiam spondit.* Narrat idem auctor L. de pudicitia c. 1. Romanum Pontificem (haud dubiè Zephyrinum) edictum emisisse contra Montanistas, quo iussit mœchis poenitentia functis venia concederetur.

P. 55. B.

P. 122.

D.

P. 55. A.

Non minori studio damnati ac proscripti sunt Novatiani. Romæ, à sexaginta Episcopis, quorum Decreto post serium examen lato Judicio acquirere ceteri per Orbem sparsi Episcopi, referente Eusebio L. 6. Hist. cap. 43. In Cappadocia, teste Firmiliano hujus Provinciae Metropolitano, in sua ad S. Cyprianum Epistola. In Africa, teste Epistola Synodica quæ extat inter Cyprianicas § 4. teste vel ipso S. Cypriano, qui Scriptis suis, præsertim toto Tractatu de lapsis, errorem Novatianum impugnât. Alexandria quoque damnatus ille error fuit, teste Dionysio Alexandrino, apud Euseb. L. 7. Hist. c. 8. Mitto alios innumeros, Ambrosium, & Pacianum imprimis, qui data opera Scriptis suis omnia hujus hæreseos capita, effugia, diverticula, egregiè confutarunt ac represserunt.

II. Eadem Ecclesiæ Traditio elucet maxime in praxi perpetua Ecclesiæ, quæ semper penitentes ad pacem & veniam admittit, ut innumeris momentis promptum esset ostendere, si res in dubio posset adhuc insonari.

III. Ex communi SS. Patrum sententia in explicandis sensu orthodoxo Scripturæ testimoniis à nobis adductis, sicut observat Conc. Trid. Sess. 14. cap. 1. Ab illis SS. Patrum sigillatim recensendis testimoniis hic superfedemus, quia recurrit sæpius in decursu hujus Tractatus eorum laudandum occasio.

IV. Traditionis hujus & constantis Ecclesiæ fidei tot sunt argumenta invicta, quot extant Decreta Conciliorum, Patrum statuta, Librorum Penitentialium sanctiones, quibus certus poenitentia agenda modus, ratio, mensura, & tempus, definitur pro diversa peccatorum specie & gravitate. Infinita autem ejusmodi sunt monumenta, tum vetera, tum recentiora, quæ cum omnibus obvia sint, hic prætermittimus, ut ad solvendas Hæreticorum objectiones citius properemus.

Solvuntur Objectiones Hæreticorum ex Scripturis.

Obijcies 1. L. 1. Regum c. 2. v. 25. dicitur: *Si peccaverit vir in virum, placari ei poterit Deus; si autem in Dominum peccaverit vir, quis orabit pro eo?* Ita Novatiani apud S. Ambrosium L. 1. de Pœnit. c. 9.

Resp. 1. cum S. Ambrosio, scriptum non esse, *Nullus orabit pro eo; sed, Quis orabit? Hoc est, inquit sanctus Doctor, quis sit ille, qui in tali causa orare possit, queritur, non excluditur.* . . . Quia nempe singularis vite aliquis debet orare pro eo qui peccavit in Dominum: quod enim major culpa, eò majora sunt querenda suffragia. Ita S. Ambrosius.

T. 2. p.

401. B.

C.

ib. B. C.

B 2

Resp.

Resp. 2. ex illo testimonio plùs inferri posse, quàm ipsimet contenderent Novatiani, si ad litteræ apices urgeatur: nempe in gravissimis peccatis, ne quidem orandum esse Deum ut ea dimittat; & consequenter omnino desperatos jacere, & sine ulla penitentia deserendos, qui horum criminum rei sunt, quod tamen ipsimet non concedebant Hæretici.

Resp. 3. non absolute, sed hypotheticè, & in facto singulari de quo agitur, Scripturam pronuntiare, nullum esse qui pro peccatis contra Deum commissis, exorare illum possit per visibile sacrificium. Scilicet eò loci increpat Heli filios suos Ophni & Phinees, de quibus dicitur v. 17. *Erat peccatum puerorum grande nimis coram Domino, quia retrahabant homines à sacrificio Domini*, per suam nimirum ingluviem, rapacitatem & incontinentiam. In ea igitur hypothesi, quòd nullus sit, aut Sacerdos qui offerat sacrificium, aut peccator qui postulet offerri pro se, si pollutum sit Tabernaculum, ficescant sacrificia, si ab iis retrahantur homines, ut de facto retraherentur per filios Heli, nullum supererat visibile remedium, quo placari posset divina iustitia; *Quis ergo orabit Deum pro peccatis?* En litteralis hujus loci sensus.

Objicies 2. hanc S. Joannis sententiam ex c. 5. v. 16. primæ ipsius Epistolæ. *Qui scit fratrem suum peccare peccatum non ad mortem, petat, & dabitur ei vita peccanti non ad mortem. Est peccatum ad mortem, non pro illo dico ut roget quis.* Ergo, concludunt Novatiani apud SS. Ambrosium & Pacianum, omne peccatum mortale est irremissibile.

Ibid. p. 402. Respondet 1. S. Ambrosius L. 1. de Penit. c. 10. S. Joannem absolute non excludere deprecantem; sed assignare quis ille debeat esse, qui pro gravi & ad mortem peccato Deum exorare possit, nempe non vulgaris, sed singularis virtutis homo. Coincidit hæc responsio cum priori jam adducta.

T. 4. p. 112. Respondet 2. S. Hieronymus Lib. 2. adversus Jovinianum, hunc S. Joannis locum versans, pro peccatis gravioribus, non quidem impossibilem, sed difficilem esse veniæ impetrationem. *Cernis, inquit, quòd si pro peccatis minoribus deprecemur, impetremus veniam; si pro majoribus, difficilis impetratio sit.*

T. 3. p. 197. Respondet 3. S. Augustinus Lib. 1. de Sermone Domini in monte cap. 22. peccatum ad mortem dici illud, cujus veniam, reus ea qua par est humilitate, nunquam deprecatur; pro quo frustra quis oraret, cum obduratione & impenitentia peccatoris irrita efficiat Sanctorum pro ejus conversione orationes: atque in exemplum peccati ad mortem, adducit peccatum Judæ proditoris; in exemplum verò peccati, quod non est ad mortem, peccatum S. Petri. Hæc tamen adjecta conditione mitigat sanctus Doctor L. 1. Retract. cap. 16. Verba paulò antea laudavimus.

T. 10. p. 770. B. Respondet 4. S. Pacianus Epist. 3. ad Sympronianum, S. Hieronymus Commentario in Jeremiam, ad ista verba capitis 14. *Noli orare pro populo isto; S. Augustinus Lib. 1. Retractionum cap. 19. & Lib. de correctione & gratia cap. 12. peccatum ad mortem esse illud, in quo quis cum impenitentia finali moritur, quod certè post hanc vitam non dimittitur; in inferno enim nulla redemptio. Ego dico, inquit S. Augustinus citato Lib. de correctione & gratia, peccatum ad mortem esse, fidem, quæ per dilectionem operatur, deserere usque ad mortem.* Et S. Hieronymus loco citato: *Jejunia, inquit, & preces, & elemosine,*

flamæ, & holocausta tunc proficiunt, cum recedimus à vitiiis, & stemus antiqua peccata. Sin autem in sceleribus permanentes, putaverimus votis atque sacrificiis redimere nos, Vehementer erramus.

Objicies 3. verba Christi apud S. Matth. c. 12. v. 31. *Omne peccatum & blasphemia remittetur hominibus, Spiritus autem blasphemia non remittetur. Et quicumque dixerit verbum contra filium hominis, remittetur ei; qui autem dixerit contra Spiritum sanctum, non remittetur ei, neque in hoc seculo, neque in futuro.* Verba hæc objiciunt Novatiani apud S. Ambrosium L. 2. de Poenit. c. 4. & S. Pacianum Epistola 3. ad Sympronianum.

Respondet S. Augustinus Sermone 71. de verbis Domini aliàs 11. cap. 12. & Epistola 185. aliàs 50. ad Bonifacium, & in Enchiridio cap. 82. blasphemiam in Spiritum sanctum esse finalem impenitentiam, quæ certè nusquam remittitur. Verùm videtur Christus aliquid discriminis statuere inter peccatum in filium hominis, & peccatum in Spiritum sanctum; quòd nempe istud non remittitur, aliud verò remittitur: at si de impenitentia finali textus ille deberet intelligi, par esset conditio peccati utriusque; neque enim magis remittitur peccatum in filium hominis, cum quo quis moritur nulla præviam poenitentia, quàm peccatum in Spiritum sanctum. Itaque

Resp. cum multis è SS. Patribus, blasphemiam in Spiritum sanctum eam esse, per quam cognita & manifesta veritas impugnatur, ac evidèntia Christi miracula demoni tribuuntur, qualis blasphemia rei erant Judæi illi qui apud S. Marcum c. 3. v. 29. de Christo dicebant, *Quoniam demonium habet;* & apud S. Matth. cap. 12. v. 24. *Non elicit demones nisi in Beelzebub principe demoniorum.* Blasphemiam in Spiritum sanctum, inquit S. Hieronymus ad citatum S. Matthæi locum, *ea est, per quam qui manifestè intelligit opera Dei, neque potest virtutem Dei negare, stimulat samen invidia calumniatur, & Christum, & opera Spiritus sancti, dicit esse Beelzebub.* Seu, ut loquitur S. Pacianus Epistola 3. citata, blasphemare in Spiritum sanctum, est non videre quod videas, & sancti Spiritus opera diabolo deputare; eamque gloriam Domini, qua diabolus ipse superatur, diaboli appellare virtutem. Similia docet S. Ambrosius L. 2. de Poenit. c. 4.

T. 4. p.
14. 50.

Biblior.
pp. T.
4. p. 311.
F.

T. 2. p.
421.

Dicitur illa blasphemia singulari quadam ratione peccatum in Spiritum sanctum; quia nempe per quamdam appropriationem, ut vocant Theologi, operatio miraculorum, & animorum illustratio Spiritui sancto tribuitur, qui docet omnem veritatem, Joannis capite 16. & qui dividit singulis prout vult, 1. Corinth. 12.

Blasphemiam autem illa dicitur non remitti, non quidem absolute, quasi, si de ipsa agatur, ut par est, poenitentia, non remittatur; sed quòd difficile sit eam remitti multis de causis. 1. propter apertum impedimentum quòd gratiæ objicitur. Non enim potest obtineri gratia, nisi cognita & admissa veritate per fidem in Christum mediatorem; qui autem veritatem illam negat, qui Christum rejicit, ille sibi unicam præcludit viam ad veritatem & ad gratiam: quemadmodum si ægrotus unicum, quo sanari potest, remedium repellat, desperatus non immeritò dicitur, qui difficile admodum deperditam sanitatem recuperare potest. 2. quia spreta & directè rejecta veritate, nihil aliud quàm error & impietas relinquitur. 3. quia, ut ait S. Pacianus citata Epistola 3. in cæteris peccatis aut errore labimur, aut frangimur metu, F.

Biblior.
pp. T.
4. p. 312.

Tournely de Sacram. Poenitentia.

B 3

ant



Edit.
post. T.
1. p. 705.
n. 15.

aut carnis infirmitate superamur. Hinc Apostolus 1. ad Timoth. 1. ait se misericordiam consecutum, quia ignorans fecerat in incredulitate: at in ea, de qua loquimur, blasphemia, nihil est quod ejus gravitatem elevare possit. Unde S. Athanasius exponens adducta in Objectione verba Christi, in Epistola 4. de Serapione n. 15. docet peccatum in filium hominis condonari, quia excusationem habet, ex infirmitate scilicet & abjectione naturae humanæ Christi, ad quam attendentes Judæi, pronum erat ut eum purum hominem suspicarentur: at peccatum in Spiritum sanctum non remittitur, quia excusationem non admittit. Igitur blasphemia in Spiritum sanctum dicitur irremissibilis, comparatè ad alia peccata quæ facilius condonantur.

Ita nōdum hunc dissolvit S. Joannes Chrysostomus Hom. 42. in Matth. ubi sic loquitur: *Spiritus ne, inquires, blasphemia non dimittet peccantibus?* Edit. quod omnino falsum esse patet. Nam & hoc peccatum dimissum scimus, cum Cammel multis eorum qui talia in Spiritum sanctum dixerant, ignotum esse constet. P. 191. A. Quid igitur est quod dicit? significare voluit multò minusceteris hoc esse ignoscibile ac veniale. Quamnam ob rem? Quia videlicet, quisnam esset Christus ignorabant: Spiritus autem sancti gratia multis & magnis signis se ipsam manifestaverat.

Observant verò Scripturæ Interpretes, istam loquendi rationem, *Non remittitur neque in hoc saculo, neque in futuro, hebraismus esse*, quo rem difficile fieri significatur. Sic cum Christus apud S. Lucam cap. 21. v. 33. dixit: *Cælum & terra transibunt, verba autem mea non transibunt*: sensus est, facilius esse Cælum & terram perire, quàm verba Dei, sicut exponit ipse S. Lucas c. 16. v. 17. *Facilius est, inquit, Cælum & terram præterire, quàm de Legē unum apicem cadere*. Pariter quando dicebat Christus Matth. 19. *facilius esse ut camelus intret per foramen acus, quàm dives ingrediatur in Regnum Cælorum*: sensus non est, impossibile omnino esse divitem salvum fieri, sicut impossibile est camelum transire per foramen acus; statim quippe Christus addit, *Quod impossibile est apud homines, apud Deum possibile est*: sed his & similibus loquendi modis rei difficultatem expressit Scriptura, non impossibilitatem.

Obijcies 4. celebrem hanc Apostoli sententiam Hebræorum 6. v. 4. *Impossibile est eos, qui semel illuminati sunt, gustaverunt etiam donum cœlestē, & participes facti sunt Spiritus sancti, gustaverunt nihilominus bonum Dei Verbum, virtutesque sæculi venturi, & prolapsi sunt, rursus renovari ad penitentiam, rursus crucifigentes sibi metipsos Dei Filium, & ostentui habentes*. Ex quibus verbis inferebant Novatiani, nullum post Baptismum supereffe lapsi remedium. Suspiciantur nonnulli, propter hæc verba quæ Novatianum errorem videntur prima fronte redolere, tardius inter Canonicas Scripturas receptam esse hanc ad Hebræos S. Pauli Epistolam.

Respondent multi recentiores, impossibile eò loci idem esse ac difficile. Verum responsionem hanc improbat Estius: tùm quia res quæ frequenter contingit, qualis est penitentia post lapsum, simpliciter impossibilis non solet appellari: tùm quia in eadem Epistola, quoties vocem hanc, *impossibile*, usurpat Apostolus, ut cap. 6. *impossibile est mentiri Deum*; cap. 10. *impossibile est sanguine hircorum & taurorum auferri peccata*; c. 11. *Sine fide impossibile est placere Deo*, veram impossibilitatem significare intendit.

Resp.

Resp. Apostolum non negare possibilem post Baptismum poenitentiam, sed ipsius Baptismatis repetitionem, quasi breviter dicat: Impossibile est semel baptizatos iterum baptizari; & Baptismatis gratiam, quatenus est gratia regenerationis & renovationis, quam per Baptismum ac poenitentiam antebaptismalem assecuti fuerant, iterum recuperare per eam poenitentiam quæ sequitur Baptismum: tum quia sicut homo semel nascitur, ita semel renascitur, & regeneratur; tum quia Baptismus perfectè remittit omnem culpam & penam temporalem, non ita poenitentia quæ sequitur Baptismum, quæ, remissa culpa, temporalem penam luendam relinquit; tum quia facile & absque labore in Baptismo conceditur gratia perfectè renovans & regenerans: non ita gratia reconciliationis, quæ nonnisi lachrymis, gemitibus, ac multo labore obtineri potest post Baptismum. Inde multi è SS. Patribus remissionem quæ fit in Baptismo, puram esse Dei gratiam dicere; remissionem verò quæ fit per poenitentiam, *esse meritum consistentis*, ut loquitur S. Pacianus Epistola 3. ad Sympronianum. Non quòd posterior hæc remissio ex gratia non sit; sed quòd, ut dictum est, nonnisi præviis lachrymis ac exanthlatis laboribus concedatur. Atque hinc nata veterum Christianorum nonnullorum consuetudo, improbanda quidem, qui Baptismum suum ad finem vitæ protrahebant, ut nempe perfectè purgati statim à morte ad Cælos evolarent, nec duris poenitentiarum laboribus, si forte lapsi fuissent, subjici tenerentur. Hæc itaque Apostoli propositio, *impossibile est renovari ad poenitentiam*, distinguenda: id est, impossibile est eos recuperare Baptismatis gratiam, quatenus est gratia regenerationis & renovationis, concedo: id est, obtinere veniam peccatorum per poenitentiam, & justificari per gratiam sanationis & reconciliationis, nego.

Biblior.
PP. 42.
310. H.

Quòd autem Apostolus loquatur eò loci de non iterando Baptismo semel percepto, probant, tum verba quibus utitur, *illuminationis, degustati doni cælestis, participationis Spiritus sancti &c.* quæ Baptismo apprime congruunt; tum multiè sanctis Patribus Græcis & Latinis. Ita quippe S. Athanasius Epistola 4. ad Serapionem, S. Ambrosius L. 2. de Penit. c. 2. S. Chrysostomus Hom. 9. in Epistolam ad Hebræos, S. Epiphanius hæresi 59. S. Augustinus in Expositione inchoata Epistolæ ad Romanos, S. Joannes Damascenus L. 4. orthodoxæ fidei c. 10.

Sed, inquires cum Eusio in hunc locum, *quorsum Apostolus tam sollicitè doceret Hebræos, non posse semel baptizatos iterum baptizari, cum nulla historia referatur aliquos fuisse tempore Apostolorum, qui Baptismi Sacramentum semel acceptum, repeterent, aut repetendum esse docerent?* Hæc ratione motus Eusius, reponit ibidem textum Apostoli non tam de Baptismi ceremonia, quàm de ejus effectu intelligendum esse.

P. 951.
col. 2.

Verùm S. Athanasius Epistola 4. ad Serapionem, & post eum S. Ambrosius Lib. 2. de Penit. cap. 2. docent non sine consilio S. Paulum scribentem ad Hebræos loqui de non iterando Christi Baptismate, & ejus effectu, ut occurreret falsæ illorum opinioni, Baptisma Christi, sicut legale, læpius iterari posse. Audiatur S. Athanasius. *Quod in Epistola ad Hebræos dictum est, inquit, non excludit à poenitentia peccatores; sed ostendit unicum, & non duplex esse Ecclesiæ Catholicæ Baptisma. Hebræis enim hæc scriptum; & ne illi poenitentia obtentu existimarent, iuxta Legis consuetudinem, multa esse &*

T. 1. p.
704. A.

B 4 quoti-

quotidie baptismata, ideo eos ad poenitentiam hortatur; unamque esse per Baptismum renovationem, nec secundam superesse, affirmat, ut & in alia dicit Epistola, *Unafides, unum Baptisma*. Neque enim, ait, impossibile est poenitere; sed impossibile est obtentu poenitentia nos renovare. Est autem ingens inter hac dicta, discrimen. Is enim quem poenitet, peccare quidem desinit, retinet tamen vulnere cicatrices: qui autem baptizatur, veterem exuit hominem, & renovatur superni genitus Spiritus gratia. Quibus verbis sanctus Doctor nostram exprefsit & confirmavit responfionem.

Inftabis: Eiusdem Epistolae cap. 10. v. 26. Apostolus ait: *Voluntarie peccantibus nobis post acceptam notitiam veritatis, iam non relinquuntur pro peccatis hostia: terribilis autem quaedam expectatio iudicii, & ignis amulatio*. Censet igitur Apostolus, peccata post Baptismum commissa remitti non posse.

Resp. 1. dist. ant. Non relinquuntur hostia pro peccatis, iis nempe qui per apostasiam Christo, cui nomen dederant, renuntiant, & in ea perseverant, concedo; cum enim Christus sit hostia pro peccatis nostris Deo Patri oblata, qui Christum rejiciunt, nullum aliud habent salutis suae perfugium: iis qui de priori sua apostasia poenitentiam agunt, nego. Loquivero Apostolum eo loci de peccato apostasiae, innuunt verba versus 25. *Non deferentes, inquit Apostolus, collectionem nostram, sicut consuetudinis est quibusdam*.

Resp. 2. appositè ad solutionem jam adductam, hostiam illam, quae voluntarie peccantibus non relinquuntur, esse secundum Baptismum, aut potius mortem & passionem Christi, quatenus in Baptismo representatur & operatur; quia nempe, ut dictum est, non eadem facilitate, nec eadem omnino gratia restituitur per poenitentiam, quae data fuerat per Baptismum. Utenim egregie dicit Concilium Tridentinum Sess. 14. c. 8. *Divina iustitiae ratio exigere videtur, ut aliter ab eo in gratiam recipiantur, qui ante Baptismum per ignorantiam deliquerint, aliter vero qui semel à peccati & demonis servitute liberati, & accepto Spiritus sancti dono scienter templum Dei violare, & Spiritum sanctum contristare non formidaverint. Et divinam clementiam decet, ne ita nobis absque ulla satisfactione peccata dimittantur, ut occasione accepta, peccata leviora putantes, velut iniurii & contumeliosi Spiritui sancto in graviora labamur*.

Obijcies 5. exempla Antiochi & Esau, qui peccatorum veniam obtinere non potuerunt, quamquam cum lachrymis & poenitentia eam exorarent. De priori dicitur 2. Machab. 9. v. 13. *Orabat hic sceleratus Dominum, à quo non esset misericordiam consecuturus*. De posteriori vero, Hebraeorum. 12. v. 17. *Non invenit poenitentiae locum, quamquam cum lachrymis inquisisset eam*.

Resp. falsam & mendacem fuisse tum Antiochi, tum Esau poenitentiam, nec proinde mirum, si veniam peccatorum non obtinuit. Antiochus etenim non à culpa per sinceram conversionem cordis liberari postulabat, sed à crudelissimo morbo quo vexabatur. Esau quidem flebat hereditatem quam amiserat, non vero peccata, eo enim ipso tempore quo simulabat se poenitere, invidia stimulis agitatus, fratris sui occidendi consilium animoolvebat. *Veniens, inquit ille Gen. 27. v. 41. dies luctus patris mei, & occidam fratrem meum*. Quod si poenitentiam illam, de qua loquitur Apostolus,

T. 14.
Canc. p.
810. E.

Isaui, non ad Esau, sed ad Isaac referre cum aliquibus Interpretibus malueris, evanescet omnino difficultas: sensus enim erit, Non potuit Esau impetrare etiam lachrymis penitentiam Isaac patris sui; hoc est, ut suam revocaret sententiam, qua benedixerat Jacob præ Esau. Responsum hanc insinuare videtur id quod ipse dicebat Isaac loquens de Jacob: *Benedixi ei: & erit benedictus*: id est, ratum habeo quod feci; approbo benedictionem datam, quidquid obloquatur Esau.

Objicies 6. Proverbiorum 1. v. 24. & 28. Sapientia sic loquitur: *Quia vocavi, & renuistis; extendi manum meam, & non fuit qui aspiceret Tunc invocabunt me, & non exaudiam; manē consurgent, & non invenient me*. Pariter Jeremiz 14. v. 12. *Cum ieiunaverint, non exaudiam preces eorum*.

Resp. ad primum, sermonem hic esse de iis qui post hanc vitam inutilē agunt penitentiam: v. enim 26. *Ego quoque*, inquit Deus, *in interitum vestro ridebo & subsannabo vos*. Et cap. 5. Sapientia v. 3. *Dicentes intra se Penitentiam agentes, & præ angustia spiritus gementes: Hi sunt quos habuimus aliquando in derisum*. Quibus concinit parabola David illius, qui in inferno positus auxilium Abrahami implorabat, nec impetrabat, Lucæ 16. Vel silaudata Proverbiorum verba intelligere placeat de iis qui in fine dumtaxat vitæ ad Deum confugiunt; sensus erit, non quidem esse impossibile, sed difficile admodum, ut fleatur Deus Penitentia eorum qui toto vitæ tempore sua abusi sunt benignitate ac misericordia.

Ad secundum, dicendum est, vel jejunia illa ficta fuisse, absque sincera animi conversione, quæ procul dubio Deus non exaudit; vel eo tantum fine & consilio suscepta, ut aliqua temporales molestiæ averterentur: de invocatione quippè Dei vera & sincera, verum est quod dixit Joel cap. 2. v. 32. *Omnis qui invocaverit nomen Domini, salvus erit*.

Solvuntur Objectiones ex dictis nonnullorum SS. Patrum, qui videntur agnovisse aliquod esse irremissibile peccatum.

Morinus L. 9. de Penit. cap. 28. scribit, antiquos Patres crimen unicum adeo execrabile iudicasse, ut nunquam veniam à Deo & Ecclesia possit obtinere: crimen verò illud suspicatur esse blasphemiam in Spiritum sanctum, seu fidei negationem & apostasiam. Verum in censura seu recognitione sui Operis initio præfixa, Auctor emollire & explicare tentat quod dixerat citato capite 28. *Non fuit*, inquit, *à me dictum de certa quadam specie peccati, quæ sit ex natura sua irremissibilis, cum nulla sit ejusmodi; sed de nonnullis gravium peccatorum circumstantiis, propter quas Deus impiis istis auxilia penitendi subtrahit*. P. 687.

At frigida professio videtur expositio hæc, & merum effugium: perinde enim est peccatum aliquod esse irremissibile esse, ac peccatum tam grave esse, ut nunquam penitentia gratiam Deus propter illud largiatur, cum impossibile sit peccatum sine Penitentia dimitti; quod agnovit ipse Morinus eodem citato capite 28. n. 16. ubi scribit, *ea reciprocatione quadam inter se connecti, nempe Deum peccato veniam denegare, & Deum gratiam penitendi non infirare, sine qua non potest à santo crimine ad pietatem converti*. Pagina 690. D.

Objicies

Objicies 1. auctoritatem Origenis & Theognosti apud S. Athanasium Epist. 4. ad Serapionem, ubi de duobus illis Scriptoris hęc habet S. Athanasius: *Prisci certè viri, Origenes, eruditissimus & laboriosus scriptor, & Theognostus admirandus ille & studiosus homo . . . alunt illum esse in Spiritum sanctum blasphemiam, cum ii, quibus in Baptismate donum Spiritus sancti tribuitur, ad peccata recidunt; ideoque illos remissionem non consecuturos alunt, quemadmodum & Paulus in Epistola ad Hebræos ait: Impossibile est &c. Idipsum ambo dicunt.* Deinde profert S. Doctor utriusque verba & momenta. Ergo Origenes & Theognostus existimarunt peccatum quodlibet mortale post Baptismum, esse blasphemiam in Spiritum sanctum, & quidem irremissibilem.

Resp. in hac Origenis & Theognosti sententia, qualis refertur à S. Athanasio, duo esse: primum, quodlibet peccatum mortale, quod post Baptismum committitur, esse blasphemiam in Spiritum sanctum; alterum, peccata illa, quę sequuntur Baptismum, esse irremissibilia.

Primum non obscure videntur citati Auctores innuere, atque ea in parte refelluntur à S. Athanasio, qui docet blasphemiam in Spiritum sanctum non esse quodcumque baptisati peccatum, sed singulare crimen quo divinitas impugnatur, & miracula Christi diabolo deputantur. Tota igitur difficultas est, quo sensu dixerint Origenes & Theognostus, baptisatorum peccata, quę placet ipsis appellare blasphemiam in Spiritum sanctum, esse irremissibilia: an absolutè & simpliciter, an comparatè dumtaxat ad peccata Ethnicorum.

Dico igitur omnino verisimile esse, eos irremissibilia dixisse baptisatorum peccata, non absolutè, sed comparatè dumtaxat ad peccata Ethnicorum, quia nempe difficilius, ut exposuimus antea, peccata relaxantur, quę post acceptam veritatis cognitionem & Spiritus sancti gratiam, nulla excusatione inminui possunt & elevari. Sensus hunc indigitare videtur Theognostus apud S. Athanasium citato loco n. 11. *Imperfectis*, inquit, *datur Venia; iis verò qui gustaverunt caeleste donum & initiati sunt, nulla Venia relinquitur excusatio vel deprecatio.* Id est, Ethnici aliquam possent peccatis suis obtendere causam excusationis, quam non possunt baptisati; ac fortè occultior ac profundior iste sensus est, quem S. Athanasius ait latere in verbis Origenis & Theognosti, *quique observatione & inquisitione opus habet*, ait idem S. Doctor.

Quòd verò Origenes in communi fuerit Catholicorum sententia, peccata scilicet post Baptismum dimitti per Poenitentiam; certo certius colligitur ex innumeris ipsius testimoniis. Unum hic sufficiat ex L. 3. contra Celsum. *7am Pagina 454. G. erga peccantes, inquit, quàm severa est disciplina, præcipue contaminatos libidine, quos è sua republica eliciunt nostri. . . respicientes haud secus quàm redieritis vos recipiunt tandem post longiore melioris mentis approbationem.*

Instabis: Atqui Origenes & Theognostus peccata post Baptismum dixere irremissibilia & absolutè & simpliciter in se, non verò comparatè. Probatur ex S. Athanasio, qui ex ista Origenis & Theognosti opinione, *Omne baptisatorum peccatum est blasphemia in Spiritum sanctum, directè sequi ostendit, omne baptisatorum peccatum veniam non posse obtinere, quod certè falsum esse To. 1. p. 704. D. demonstrat S. Doctor n. 13. ubi sic loquitur: Si eorum causa qui post lavacrum*

pe-

peccant dictum id fuisse, & illi veniam peccatorum obtinere non possent; cur (et-
go) hominem apud Corinthios poenitentem, in charitate confirmat Paulus, Gala-
tas verò retrosum abeuntes parit, donec formetur iterum in eis Christus? Cum
autem dicit, iterum, pristinam eorum in spiritu perfectionem declarat. Cur ve-
rò Novatum culpamus Poenitentiam tollentem, ac dicentem nullam superesse iis
veniam, qui post lavacrum peccaverint, si hæc verba de illis qui post lava-
crum peccaverint, dicta fuerint? Non ita porro arguisset S. Athanasius, nisi
persuasum habuisset, in mente Origenis & Theognosti quodcumque pecca-
tum mortale post Baptismum veram esse blasphemiam irremissibilem. Si
enim conjicere potuisset, Auctores illos irremissibilem appellare dumtaxat
blasphemiam, quia difficile remittitur, in vanum ac frustra & Apostoli pra-
xim objecisset, & Novati hæresim immeritò improbari dixisset; iste enim di-
mittendorum peccatorum facultatem Ecclesie omninò detrahebat.

Resp. Cum verba Origenis & Theognosti obscura forent, & à multis in
eum sensum trahi possent, quem judicat S. Athanasius, meritò sensum illum
rejicit ac refellit, ne cui sit offensionem: an verò hic revera sit eorum sen-
sus, certò non affirmat S. Doctor, sed dubitanter tantum proponit. Ego, in-
quit n. 12. ex iis quæ didici, arbitror utriusque sententiam, mediocri quadam in-
quisitione & observatione indigere, ne fortè profundior quadam in ipsis illorum
dictis mens lateat. In alium autem benigniorem sensum insecti posse eo-
rum verba, ostendunt quæ ex ipsismet laudavimus. Ibid. p.
703. D.

Objicies 2. S. Athanasius blasphemiam in Spiritum sanctum verè irremissi-
bilem esse putavit; & quod Origenes & Theognostus de omni peccato post
Baptismum affirmabant, hoc saltem de singulari peccato blasphemie in Spi-
ritum sanctum concessit S. Doctor, nempe illud veniam donari non posse.

Probatur verbis S. Athanasii in citata Epistola 4. ad Serapionem n. 12. Cum
autem, inquit, illos (Phariseos) de multis criminibus prius accusaret S. Alva-
tor, quod scilicet legem de parentibus latam propter pecuniam transgrederentur, Ibid. p.
704. C.
& Prophetarum dicta respuerent &c. . . . attamen hortabatur eos ut poeniten-
tiam agerent. Verum ubi ipsum dicerent in Beelzebub eicere demonia, non hoc
ultra peccatum simpliciter, sed blasphemiam dixit esse tantam, ut qui talia pro-
ferre ausi essent, nec penam effugere, nec veniam obtinere possent. Etn. 15. post-
quam exposuit quid sit peccatum in Filium hominis, de peccato in Spi-
ritum sanctum hæc addit: Verum postquam in insaniam versi fuerunt (Phari-
sæi), & quod in corpore est Verbum, omninò negaverunt, aut divinitatis ope-
ra diabolo eiusque demonibus attribuerunt, meritò pro talia impietate indepreca-
bili sunt supplicio obnoxii. Nam & diabolus pro Deo habuerunt; eumque qui
verè & reipsa Deus est, existimarunt nihilo plus in operibus posse quàm demones.
In decursu illius Epistolæ, ter aut quater blasphemiam hanc vocat indepre-
cabilem, indeprecabilem &c.

Resp. 1. dist. ant. S. Athanasius existimavit blasphemiam in Spiritum san-
ctum esse verè irremissibilem, quando juncta est cum finali impenitentia,
concedo: si de illa sincera, ut par est, agatur Poenitentia, nego. Seip-
sum exponit S. Doctor in Tractatu de communi essentia Patris, Filii, & Spi-
ritus sancti, n. 49. ubi explicat quid sit peccatum in Filium hominis, quid
verò in Spiritum sanctum. Sunt alii, inquit, qui in Spiritum sanctum impin-
gunt, qui scilicet in Christi deitatem blasphemias dicunt, aliumque, in Beel-
zebub. Ibid. p.
706. D.

zebulæ, principe demoniorum, elicit demonia. De istis intelligendum est, quod ait: Non remittetur, neque in presenti sæculo, neque in futuro. Quin & hoc observandum est, non dixisse Christum, blasphemanti & Poenitentiam agentem remissionem dandam non esse; sed blasphemanti, id est in blasphemia perseveranti. Quandoquidem nullum est peccatum irremissibile apud Deum, illi qui verè ex animo, & ut par est, Poenitentiam agunt. Nihil expressius dicere potuit S. Doctor, tum ut seipsum exponeret, tum ut communem Ecclesiæ doctrinam confirmaret.

At, inquires, commune istud est cuilibet mortali peccato in quo quis moritur, ut veniam post mortem non obtineat: attamen S. Athanasius singulare aliquid & proprium blasphemiae in Spiritum sanctum designare voluit, cum eam distinguens contra peccatum in Filium hominis, dixit esse irremissibilem.

Resp. reipsa voluisse S. Doctorem proprium aliquem blasphemiae characterem, ac singularem ejus gravitatem præ aliis peccatis indicare; qui character proprius in eo positus non est, quod nusquam remittatur blasphemiae peccatum, si de ipso, ut par est, agatur Poenitentia, sed in eo quod difficilius sit Poenitentiam de illo agere, & consequenter difficilius remittatur, propter causas quas in secunda responsione exponemus.

Resp. 2. dist. ant. S. Athanasius existimavit blasphemiam in Spiritum sanctum esse irremissibilem, comparatè ad peccatum in Filium hominis, hoc est, difficilius remitti, concedo: esse irremissibilem absolute in se, nego. Itaque S. Doctor in citata Epistola n. 15. comparat inter se peccatum in Filium hominis, & peccatum in Spiritum sanctum; ac contendit istud posterius præ alio longè gravius esse ac difficilius remitti, duplici de causa, tum quia nulla excusatio potest obtendi, seu ex parte ignorantiae, seu ex parte infirmitatis; tum quia longè deterior est dispositio blasphemantis in Spiritum sanctum, quàm peccantis in Filium hominis.

1. Qui peccant in Filium hominis, sive eum purum hominem existiment, sive phantasticum ei corpus affingant, excusationis causam utcumque habere possunt, tum ex parte infirmitatis naturæ humanæ Christi, quem cum viderent sitientem, laborantem, vel patientem, uno verbo omnibus nostris infirmitatibus subjacentem, cum purum esse hominem suspicari utcumque poterant, quamquam immeritò, nec sine gravi peccato; tum ex parte divinitatis Christi, seu prodigiorum quæ operabatur, ad quæ attendentes Pharisei, conjicere poterant, eum purum esse Deum, ac phantasticum dumtaxat & umbratile corpus gestare. Inde est, inquit S. Athanasius, quod etsi magnoperè peccent, possunt tamen celeriter Poenitentiam agendo veniam consequi, cum habeant, pergit ille, pro excusatione imbecillitatem corporis ex una parte, & magnitudinem operum hominis potestatem excusationis ex altera. At nulla talis excusatio locum habet in iis qui rei sunt blasphemiae in Spiritum sanctum, sicut ostendit S. Athanasius ibid. n. 20. p. 711. Non igitur tam celeriter, ut ait, hoc est, tam facile possunt illi veniam & indulgentiam obtinere.

Secunda ratio cur blasphemiam in Spiritum sanctum difficilius remittatur, desumitur ex parte pravae dispositionis illius, qui sciens & volens Christum rejicit, ejusque opera diabolo tribuit. *Qui enim negat Filium hominis,* ait

ait ibidem S. Athanasius n. 23. *quam rogans obtinere poteris propitiationem? aut quæ vita vel requies ei expectanda, qui repulit eum, qui dicit, Ego sum vita... Venite ad me omnes &c.* Qui igitur Christo, qui est unica salutis via, nuntium mittit, ille omnem sibi ad poenitentiam & salutem aditum præcludit: quod si in tam deplorando statu perseveret, in æternum certissimè peribit; potest tamen absolute, quamquam rarò ac difficilè, de illo peccato Poenitentiam agere, Deo gratiam liberaliter largiente.

Infabis: Eo ipso sensu S. Athanasius contendit singulare blasphemie peccatum esse irremissibile, quo Origenes & Theognostus, quos refellit, dicebant omne peccatum baptisatorum esse blasphemiam in Spiritum sanctum, quæ remitti non potest: atqui Origenes & Theognostus dicebant illud omne peccatum absolute & in se, non comparatè tantum, esse irremissibile; ergo S. Athanasius singulare peccatum blasphemie planè & absolute irremissibile esse contendit.

Resp. 1. nego maj. Quamquam enim constaret, Origenem & Theognostum reipia existimasse omne peccatum baptisatorum non posse remitti, consequens non foret S. Athanasium illud concessisse de singulari peccato blasphemie, cum expressè seipsum exponat sensu planè catholico.

Resp. 2. nego min. Constat enim ex antedictis, verba Origenis & Theognosti, quamquam obscura, posse benignè in sensum orthodoxum inflecti. Ideo autem S. Athanasius erroneum eorum sensum impugnavit, quòd, ut diximus, in hunc sensum perversum propter obscuritatem assumi poterant ab aliquibus, quorum offensioni occurrere voluit S. Doctor.

Objicies 3. Firmilianus Episcopus Cæsareæ in Cappadocia, in Epistola ad S. Cyprianum inter Cyprianicas 75. loquens de lapsis quibus penitentia fuerat imposita, *Non quasi, inquit, à nobis remissionem peccatorum consequantur, sed ut per nos ad intelligentiam delictorum suorum convertantur, & Domino plenius satisfacere cogantur.* Igitur, Firmiliano fatente, Ecclesia remissionem peccatorum non confert.

An. 256.

Pag. 14

Resp. nego conseq. Sensus enim Firmilianus non alius est, quam ut ostendat Episcopos & Sacerdotes propria sua auctoritate non dimittere peccata, sed eos certis regulis ac legibus adstrictos à Christo fuisse, à quo auctoritatem hanc accepere, quam erga dignos dumtaxat & ex animo penitentes exercere debent. Esse verò in Ecclesia potestatem dimittendi peccata, conceptis verbis in eadem Epistola agnoscit Firmilianus. *Potestas ergo, inquit, peccatorum remittendorum Apostolis data est, & Ecclesiis quas illi à Christo missi constituerunt, & Episcopis, qui eis ordinatione vicaria successerunt.*

P. 148.

Objicies 4. S. Papias in Epistola tertia ad Sympronianum, Novatiano probanti ex cap. 12. S. Matthæi, omnia peccata baptisatorum esse blasphemiam in Spiritum sanctum, adeoque verè irremissibilia; reponit, verba ista Scripturæ, *Non remittetur, neque in hoc sæculo, neque in futuro, de sola blasphemia in Spiritum sanctum, quæ singulare peccatum est, idque gravissimum, esse intelligenda: Hoc est ergo, inquit, quod non dimittitur; reliqua bonis penitentibus, frater Symproniane, donantur.* Hoc ergo de blasphemia concedebat, quod Novatianus de omni peccato.

Bibl. PP. T. 4. pag. 312. C.

Resp. ut supra ad Origenem, nempe duo fuisse in sententia Novatiani: primum, omne baptisatorum peccatum esse blasphemiam in Spiritum sanctum:

Sum:

Etiam: secundum, blasphemiam hanc verè esse irremissibilem. Utrumque ex professo refellit S. Pacianus, præsertim prius in loco qui objicitur, ubi probat blasphemiam in Spiritum sanctum esse singulare aliquod, non quodcunque baptifatorum peccatum: quod ergo Novatiani de omni peccato affirmabant, S. Doctor ad unam restringit blasphemiam in Spiritum sanctum; eamque veniæ seu indulgentiæ capacem pariter esse, probat adversus eosdem Hæreticos Epistola jam citata: *Cum enim*, inquit, *Christus dixit: Quacunque solveritis erunt soluta, nihil excepi, non magna, non modica peccata*. Igitur non existimavit S. Doctor, blasphemiam hanc absolute irremissibilem esse; sed comparatè dumtaxat, hoc est, non tam facile remitti ac cætera peccata, in quibus, ait ipse Pacianus, aut errore labimur,

Ibid. A.

Ibid. F.

aut metu frangimur, aut carnis infirmitate superamur. Obijcies 5. S. Ambrosius L. 2. de Poenit. c. 4. de Phariseis opera Christi diabolo tributibus, ait: *Hos ergo qui hæc loquuntur, negat ad veniam pertinere*. Et paulò post: *Responsum est igitur à Domino blasphemia Phariseorum; & ideo bis, potestatis suæ gratiam negat, quæ in remissionem peccatorum est, qui caelestem ejus potestatem diabolo fultam suffragio vindicarunt*.

To 2. p.

421. B.

C.

Ibid. D.

Resp. hoc sensu S. Ambrosium affirmare blasphemiam in Spiritum sanctum ad veniam non pertinere, quia rarò ac difficilè de illo peccato poenitentia, ut par est, agitur: absolute tamen de illo posse quemcunque hac in vita penitere, nec consequenter esse simpliciter irremissibile, ipsemet docet S. Ambrosius in eo ipso loco qui objicitur, ubi hujus peccati reos ad Poenitentiam, proposita ipse veniæ, invitatur & hortatur.

Ibid. p.

421. B.

Instabis 1. Si putasset S. Ambrosius blasphemiam in Spiritum sanctum dimitti posse, quare Novatiani contententibus omne peccatum esse irremissibile, solam excepiisset blasphemiam in Spiritum sanctum, de qua dictum est, *Non remittetur, neque in hoc seculo, neque in futuro?*

Resp. S. Doctorem solam excepiisse blasphemiam in Spiritum sanctum, ut directè & ad hominem, ut dicitur, impugnaret Novatianos, qui contendebant omne generatim peccatum post Baptismum relaxari non posse ab Ecclesia. Quod figmentum ut directè impugnet S. Ambrosius, ait blasphemiam in Spiritum sanctum esse singulare peccatum, non verò quodlibet peccatum baptifatorum; adeoque immeritò affirmare Novatianos 7. omne ac quodlibet peccatum post Baptismum commissum ab Ecclesia dimitti non posse: quæ arguendi ratio eò unicè tendebat, ut probaret quodlibet baptifati hominis peccatum non esse blasphemiam in Spiritum sanctum. Alterum verò, nempe utrùm blasphemia hæc verè & absolute sit irremissibilis, enucleatius ibi non expendit S. Doctor: sed dato & non concessio, quod volebant Novatiani, blasphemiam hanc esse irremissibilem, rectè ac directè concludit inde non sequi, quòd omne peccatum sit irremissibile, quia non omne peccatum blasphemia est in Spiritum sanctum. Ex aliis autem S. Doctoris testimoniis apertè constat, eum nullum agnovisse verè & absolute irremissibile peccatum.

Ibid. p.

421. C.

Instabis 2. Idem S. Ambrosius L. 1. de Spiritu sancto cap. 3. hoc ipsum S. Marthæ testimonium expendens, ait: *Quòd si quis corporis specie decipitur humani, remissis aliquid, sensit de carne Christi quàm dignum est, habet culpam: non est tamen exclusus à venia. Si quis verò sancti Spiritus dignitatem, maiestatem & potestatem abneget; non potest ibi exoratio esse venia.*

nia, ubi sacrilegii plenitudo est, quis qui Spiritum negavit, Deum Patrem negavit & Filium.

Resp. dist. ant. Nulla potest esse veniæ exoratio, ratione pravæ dispositionis, & propter majus impedimentum quod gratiæ opponitur, & propter defectum excusationis, denique loquendo comparatè ad alia peccata, concedo: absolutè, nego. Et verò Macedonianos, qui divinitatem in Spiritus sancti impugnabant, nusquam à spe veniæ consequendæ rejecit S. Ambrosius, si ad Ecclesiam animo poenitenti rediissent.

Instabis 3. Idem S. Doctor Libro de lapsu Virginis consecratæ cap. 8. *Inbe- thid. p. 315. D.*
re, inquit, poenitentia usque ad exitum vite, nec tibi præsumas ab humana die veniam dari; quia decipit te qui hoc tibi polliceri voluerit? Quia enim propriè in Dominum peccasti, ab illo solo te convenit in die Judicii expectare remedium.

Resp. mentem S. Ambrosii hanc esse, virginem illam, quæ stupri ac necati fectus convicta fuerat, de concessa sibi venia securam esse non debere, nisi post actam ad finem usque vitæ lux, pro more hujus temporis, lucuosam Poenitentiam: hanc autem veniam & à Deo & ab Ecclesia sperandam esse, expressè adversus Novatianos probat S. Doctor Libris quos de Poenitentia scripsit.

Obijcies 6. S. Hieronymus Epist. 149. ad Marcellam, exponit quid sit blasphemia in Spiritum sanctum, ac probat adversus Novatianum, peccatum quo quis in tormentis Christum abnegat, non esse veram blasphemiam, quæ non possit remitti; ipsam tamen blasphemiam in Spiritum sanctum eo ipso sensu concedit dimitti non posse, quo Novatianus contendebat quodlibet peccatum post Baptismum esse irremissibile. *Manifestum est, ait S. Doctor, peccatum in Spiritum sanctum idèò non posse dimitti, quòd habeat Te. 4. p. blasphemia; ut cum videas in virtutibus Deum, Beelzebub calumnieris infas- 1. p. 164*
elis. Doceat igitur (Novatianus) aliquem negatorem Beelzebub vocasse Christum, & ulro referam gradum, negatorem non posse veniam consequi post ruinam.

Resp. ut suprà ad SS. Pacianum & Ambrosium, hoc unum velle Hieronymum, dato & non concessio quòd blasphemia in Spiritum sanctum sit irremissibilis, malè omninò inferre Novatianos, omne peccatum esse irremissibile, cum peccatum quodlibet non sit, sicut falsò illi Hæretici supponebant, vera in Spiritum sanctum blasphemia. Unum igitur gratis & per figuram concessionis, ut dicitur, supponit S. Doctor, nempe blasphemiam in Spiritum sanctum dimitti non posse; alterum verò, de quo præsertim interrogatus fuerat à Marcella, & quod pugnaciter defendebant Novatiani, prorsus negat, scilicet omne baptisatorum peccatum esse illam blasphemiam in Spiritum sanctum; ex quo directè concludit adversus illos Hæreticos, non omne peccatum post Baptismum esse irremissibile, quidquid tandem sit de alia quæstione, an blasphemia in Spiritum sanctum verè non possit dimitti, quam quæstionem cur ea in Epistola non expendat S. Doctor, rationem reddit in fine: *Fuerat, inquit, prolixius disserendum; sed quoniam amicis, & qui ad nostrum hospitium convenerunt, præsentiam nostram negare non possumus, & tibi non statim respondere visum est arrogantis, latam disputationem brevi sermone comprehendimus.* *ib. p. 165*

Obijcies

Objicies denique: Romana, Hispanica & Carthaginensis Ecclesia quibusdam criminibus pacem seu veniam & absolutionem aliquando denegarunt, ut colligitur ex Tertull. L. de pudicitia cap. 1. & ex S. Cypriano Epist. 55.

Resp. dato & non concessio antecedente, de quo suo loco inferius, pacem & absolutionem denegatam non fuisse sensu Montanistarum & Novatianorum, nempe ex *desperatione indulgentiae*, & defectu potestatis in Ecclesia; sed ex *rigore dumtaxat disciplinae*.

Probatur adversus Lutheranos & Calvinistas, Poenitentiam esse verum Sacramentum à Baptismi memoria distinctum, & omnibus post Baptismum lapsis necessarium.

PRIMA CONCLUSIO.

Poenitentia verum est & propriè dictum Sacramentum, lapsis post Baptismum absolutè necessarium.

Prima pars probatur

I. Testimoniis Scripturæ & SS. Patrum adversus Novatianos antea laudatis, ex quibus certò constat datam esse à Christo Ecclesiæ potestatem dimittendi peccata: Ecclesia verò quæ societas est visibilis, potestatem hanc exercere non potest nisi per visibile ministerium, cui, ut mox dicemus, omnes veri Sacramenti dotes & conditiones apprimè conveniunt. Inde est quòd Ecclesiastici Scriptores, de Poenitentia & Baptismo, tanquam de duobus distinctis Sacramentis, loquantur.

Tertullianus L. de Præscriptionibus cap. 40. loquens de Sacramentis novæ Legis quæ diabolus æmulatur, *Tingit*, inquit, *& ipse quosdam utique credentes & fideles suos: expositionem delictorum de lavacro repromittit Membra signat illic in frontibus milites suos, celebrat & panis oblationem &c.* En quatuor Sacramenta non obscurè à Tertulliano distincta, nempe Baptismus, Confirmatio, Poenitentia, & Eucharistia.

S. Ambrosius L. 1. de Poenit. c. 8. *Quid interest*, inquit, *utrum per Poenitentiam an per Lavacrum hoc fuis (dimittendi peccata) sibi datum Sacerdotes vindicent?* *Unum in utroque mysterium est. Sed dicis quia in Lavacro operatur mysteriorum gratia. Quid in Poenitentia? Nomen Dei nomen operatur?* Idem argumentum læpius inculcat S. Pacianus Epist. 1. ad Sympronianum.

Eodem Libro cap. 16. illustre suppeditat testimonium S. Ambrosius, quo directè ostenditur adversus sententiam Spalatensis antea expositam; peccata etiam occulta Ecclesiæ clavibus esse subjienda, & per exteriorè Poenitentiam expianda. *Si quis igitur*, inquit, *occulta crimina habens, propter Christum tamen studiosè Poenitentiam egerit; quomodo ista recipis, si communio non refunditur? Volo veniam reus speret: petat eam lacrymis, petat gemitibus &c.*

S. Hieronymus in Epistola prima ad Heliodorum, comparat Poenitentiam cum Baptismo & Eucharistia. *Absit*, inquit, *ut de his quidquam sententiam loquar, qui Apostolico gradu succedentes, Christi corpus sacro ore conficiunt; per quos & nos Christiani sumus, qui claves Regni Cælorum habentes, quodammodo ante diem Judicii iudicant.*

S. de-

S. denique Augustinus L. 1. de adulterinis coniugiis cap. 28. *Qua Baptis-* To. 6. p. 404. E.
matris, inquit, eadem reconciliationis est causa.

Inde merito Conc. Trid. Sess. 14. Can. 1. sic decernit: *Si quis dixerit in Ca-* To. 14. Conc. p. 323. C.
tholica Ecclesia Pœnitentiam non esse verè & propriè Sacramentum, pro Fide-
bus, quoties post Baptismum in peccata labuntur, ipsi Deo reconciliandi, à
Christo Domino nostro institutum, anathema sit.

II. Probatur: Quia omnes conditiones requisitæ ad verum & propriè dictum novæ Legis Sacramentum, Pœnitentiæ conveniunt. Namque 1. est signum externum & sensibile, tum ex parte pœnitentis peccata sua declarantis, & internum animi dolorem significantis; tum ex parte Sacerdotis absolventis per certa & determinata verba. Et verò, ut jam dictum est, Ecclesiæ ministerium, pro ipsa conditione hominum quibus constat, debet esse sensibile: aliàs nec iudex in tribunali Pœnitentiæ posset discernere peccata, nisi reus ea declararet exterius; nec reus ipse posset esse certus de dimissis sibi peccatis, nisi Sacerdos verbis absolutionis sententiam pronuntiaret. Necessitatem & utilitatem maximam hujus ritus seu ministerii exterioris in dimittendis peccatis, ipsa veritatis evidentia superatus agnovit Calvinus L. 3. Institutionis cap. 12. paragr. 14. 2. Est signum perpetuum: quia cum Christus concessit Ecclesiæ auctoritatem dimittendi peccata, eam certo temporis spatio non circumscripsit. 3. Signum illud est à Christo institutum, cum nempè, ait Concilium Tridentinum Sess. 14. cap. 1. *à mortuis excitans, insufflavit in Discipulos suos, dicens: Accipite Spiritum sanctum, quorum remiseritis peccata, remittuntur eis; & quorum retinueritis, retenta sunt.* Ibid. p. 816. A. 4. Signum illud non est sterile, sed efficax, quod habet annexam gratiæ promissionem, nempè remissionem peccatorum.

Secunda Conclusionis pars probatur ex iisdem Scripturæ ac SS. Patrum testimoniis, quibus certum est Ecclesiæ datas esse claves Regni Cœlorum, hoc est, potestatem dimittendi peccata. Ista quippè reciproca sunt, Ecclesiæ nimirum datas esse claves Regni Cœlorum, & unicuique injunctam esse legem subjiciendi se clavibus Ecclesiæ, si fores Regni Cœlorum sibi roferari exoptet; aliàs frustra & incassum datæ essent claves Ecclesiæ, si nulla lege teneremur ad eas confugere. Nemo, ait S. Augustinus Sermone 392. aliàs Hom. 49. inter 50. sibi dicat, *Occultè ago, apud Deum ago; novis Deus* To. 5. p. 1504. E.
qui mihi ignoscat, quia in corde ago (pœnitentiam.) Ergo, concludit S. Doctor, sine causa dictum est: *Quæ solveritis in terra &c.* Ergo sine causa claves datæ sunt Ecclesiæ. Frustramus Evangelium Dei, frustramus verba Christi.

Idem est argumentum Haymonis Hom. in Dominica 15. post Pentecosten, An. 853.
ubi consutans eorum errorem, qui sufficere putabant anteriorem pœnitentiam quæ fit coram Deo: *Si vera esset, inquit, eorum opinio, nequaquam Dominus leprosos quos per semetipsum mundaverat, ad Sacerdotes mitteret.* Et infra: *Ut ostenderet ad iudicium Sacerdotum peccata esse liganda aut solvenda, Lazarum quem per semetipsum à mortuis suscitaverat, non prius abire permisisse, quam à discipulis solveretur.*

Inde S. Leo (ut alios innumeros omittam) Epistola 81. aliàs 91. ad Theodorum sic scribit: *Multiplex misericordia Dei ita lapsibus subvenit humanis, ut non solum per Baptismi gratiam, sed etiam per Pœnitentiæ medicinam* To. 1. p. 605.

Tournely de Sacram. Pœnitentiæ.

C

spei

spes vite reparetur aeterna... sic divinae bonitatis praesidiis ordinatis, ut indulgentia Dei nisi supplicationibus Sacerdotum nequeat obtineri. Mediator enim Dei & hominum homo Christus Jesus, hanc Praepositis Ecclesia tradidit potestatem, ut & consentientibus actionem poenitentiae darent; & eosdem salubri satisfactione purgare, ad communionem Sacramentorum per januam reconciliationis admitterent.

Denique constans est doctrina totius Traditionis, Poenitentiam tam esse lapsis post Baptismum necessariam, ad peccata subsequencia, quam Baptismum ad expungenda peccata praecedentia: unde secunda post naufragium tabula dicta est Poenitentia. Vide Conc. Trid. Sess. 14. cap. 2. & Can. 6. & 7.

SECUNDA CONCLUSIO.

Poenitentiae Sacramentum distinctum est à Baptismo ejusque memoria.

Probatur 1. ex Scripturis, in quibus Baptismus & Poenitentia exponuntur & proponuntur tanquam duo distincta remedia peccatorum.

Baptismi & Poenitentiae distinctum est mandatum. Baptismi quidem, Matth. 28. v. 20. *Euntes docete omnes gentes, baptizantes eos in nomine Patris &c.* Poenitentiae verò, Joan. 20. v. 22. *Accipite Spiritum sanctum, quorum remiseritis peccata &c.*

Ipsè S. Joannes Epistolae 1. cap. 1. loquens de remedio peccatorum in quæ baptisati prolabantur, non remittit ad memoriam Baptismi, ut eorum venia obtineatur, sed si *confiteamur peccata nostra*, inquit v. 9. *fidelis est & iustus Deus, ut remittat nobis peccata nostra.*

Ipsè quoque S. Petrus Act. 8. v. 22. Simonem magum non revocat ad memoriam Baptismi; sed, *Poenitentiam age*, inquit, *ab hac nequitia tua, & roga Deum.*

Sanctus etiam Paulus non remisit Corinthium incestuosum aut ad Baptismum, aut ad ejus memoriam, 1. Corinth. 5. v. 5. sed *illum tradidit satanae in interitum carnis, ut spiritus salvus esset in die Domini nostri Jesu Christi.* En quomodo ligavit incestuosum; tum postea 2. Corinth. 2. v. 7. eundem solvit.

Denique disertè Apostolus Hebr. 6. v. 4. negat eos qui baptisati sunt posse iterum renovari per Baptismum. *Impossibile est*, inquit, *eos qui semel sunt illuminati... & prolapsi sunt, rursus renovari*: quem textum de Baptismo non iterando communiter interpretantur SS. Patres; ergo nec Baptismus, nec ipsius memoria quidquam conferunt ad dimittenda peccata quæ sunt post Baptismum commissa. Nullum igitur in Scripturis fundamentum habet figmentum quod hic impugnamus: deberent tamen Novatores, si sibi constare vellent, expressum aliquod Scripturae testimonium proferre, quo dicatur, Baptismi memoriam sufficere ad expungenda peccata Baptismum subsequencia; profitentur enim illi, se nullum approbare dogma, nisi quod expressè & clarè continetur in sacris Litteris.

Probatur 2. Patrum testimoniis.

I. Docent Baptismum & Poenitentiam duo esse distincta peccatorum remedia.
Tertullianus L. de Penit. c. 7. *Hæc igitur*, inquit, *venena providens Deus,*

elusa licet ignoscencie janua, & intinctionis sera obstructa, aliquid adhuc patere permisit. Collocavit in vestibulo poenitentiam secundam, quæ pulsantibus patefaciat. Cap. 4. Poenitentiam vocat, secundam post naufragium tabulam. Cap. 7. secundam spem.

Pagina
123. A.
Pagina
125. D.

SS. Ambrosius & Pacianus locis antea citatis ex professo refellunt Novatianos, qui concessam à Christo Ecclesie auctoritatem in dimittendis peccatis, ad solum Baptismum limitabant; atque ostendunt Ecclesiam æquali jure & auctoritate peccata relaxare, five per Baptismum, five per Poenitentiam.

S. Augustinus Epistola 98. aliàs 23. ad Bonifacium n. 2. Semel, inquit, perceptam Christi gratiam parvulus non amittit, nisi propria impietate, si atatis accessu tam malus evaserit. Tunc etiam propria incipiet habere peccata, quæ non regeneratione auferantur, sed alia curatione sanentur. Et in Enchiridio ad Laurentium c. 46. Ideo, inquit, quisque renascitur, ut solvatur in eo, quidquid peccati est cum quo nascitur. Nam peccata quæ malè agendo posita committuntur, possunt & poenitendo sanari, sicut etiam post Baptismum fieri videmus.

To. 1. p.
264. E.

To. 6. p.
214. B.

II. Docent peccata post Baptismum commissa longè difficilius condonari, quàm peccata quæ Baptismum præcedunt. Ita communiter SS. Patres quos longo ordine appellat Morinus Lib. 3. de Penit. c. 3. 4. 5. & 6. Unus hic sufficit S. Augustinus Sermone de diversis 351. aliàs Hom. 50. inter 50. cap. 5. Non sufficit, inquit loquens de peccatis baptisatorum, mores in melius commutare, & à factis malis recedere, nisi etiam de his quæ facta sunt satisfas Deo per poenitentia dolorem, per humilitatis gemitum, per contriti cor. dat sacrificium, cooperantibus elemosynis. Et Conc. Trid. Sess. 14. cap. 2. loquens ex professo de discrimine Baptismi & Poenitentia, Per Baptismum, inquit, Christum induentes, nova prorsus in illo efficiuntur creatura, plenam & integram peccatorum omnium remissionem consequentes: ad quam tamen novitatem & integritatem per Sacramentum Poenitentia sine magnis nostris fletibus & laboribus, divina id exigente iustitia, pervenire nequaquam possumus, ut meritò Poenitentia laboriosus quidam Baptismus à SS. Patribus dictus fuerit.

To. 5. p.
1162. D.

To. 14.
Conc. p.
816. B.

III. Docent lapsos post Baptismum remittendos esse ut resurgant & sanentur, non ad Baptismum ejusque memoriam, sed ad labores Poenitentia, ad Ecclesie claves, ad Sacerdotum auctoritatem. Totus est eam in rem S. Cyprianus in Tractatu de lapsis, & passim in suis Epistolis, cujus verba, ut & aliorum plurimorum, referemus in decursu hujus Tractatus.

Inde meritò Conc. Trid. Sess. 14. Can. 2. Novatorum errorem his verbis proscibit: Si quis Sacramenta confundens, ipsum Baptismum Poenitentia Sacramentum esse dixerit, quasi hæc duo Sacramenta distincta non sint, atque ideo Poenitentiam non rectè secundam post naufragium tabulam appellari, anathema sit.

Ibid. p.
823. D.

Probaturn 3. ratione Theologica. ducta ex discrimine quod est inter Sacramentum Baptismi & Poenitentia, quod doctè & eleganter exponit Conc. Trid. Sess. 14. cap. 2. Scilicet, Sacramentum Poenitentia habet subjectum, ministrum, formam, materiam, & effectum omninò diversum & distinctum à Baptismo. Subjectum Poenitentia, est homo baptisatus; Baptismi. verò capax est. homo quilibet. Minister Poenitentia est solus Sacerdos.

Ibid. p.
813.

dos; Baptismi homo quilibet. Peccatum originale, & omnia actualia per Baptismum delentur; sola verò actualia quæ Baptismum sequuntur, per Pœnitentiæ Sacramentum. Materia autem Baptismi est aqua, sicut forma ista, *Ego te baptizo &c.* materia verò Sacramenti Pœnitentiæ sunt actus pœnitentis; forma, verba quibus Sacerdos absolvit. Igitur Baptismus & Pœnitentia duo sunt planè distincta Sacramenta.

Solvuntur Objectiones Novatorum.

Obijcies 1. Eadem est pœnitentia tùm in nova, tùm in veteri Lege; eadem ipsius vis & efficacia in dimittendis peccatis: atqui pœnitentia veteris Legis non fuit verum Sacramentum; ergo &c.

Resp. 1. dist. primam majoris partem. Eadem est in nova & veteri Lege pœnitentia, ratione virtutis, concedo: ratione Sacramenti, nego. *Omni tempore*, ait Conc. Trid. Sess. 14. cap. 1. *ad gratiam & iustitiam assequendam pœnitentia necessaria fuit, iis qui se mortali aliquo peccato inquinassent sed nec ante adventum Christi pœnitentia fuit Sacramentum, nec post adventum illis est qui baptisati non sunt.* Pœnitentia igitur ante Christum fuit simpliciter virtus: at post Christum virtus est simul & Sacramentum. Non enim dixit Deus Sacerdotibus veteris Legis, sicut novis, *Quæcumque solveritis, erunt soluta*: nulli dixit, *Tibi dabo claves regni colorum &c.* Unde quando Propheta Nathan Davidi pœnitenti ac confitenti suum peccatum dixit 2. Regum 12. v. 13. *Domine transulit peccatum tuum*; verè peccatum ille non dimisit; sed à Deo dimissum esse declaravit: Christi verò Sacerdotes, non tantum declarandi, sed verè dimittendi peccata facultatem habent.

Resp. 2. ad secundam partem, nego eandem esse vim & efficaciam pœnitentiæ veteris & novæ: pœnitentia enim in nova Lege, quatenus Sacramentum est, agit ex opere operato; in veteri autem Lege, quatenus simpliciter virtus, ex opere dumtaxat operantis veniam peccatorum impetrabat.

Obijcies 2. Multi è SS. Patribus istud S. Joan. testimonium, *Accipite Spiritum sanctum, quorum remiseritis peccata, remittuntur eis &c.* interpretantur non de remissione quæ fiat per modum iudicii in tribunali Pœnitentiæ; sed de remissione quæ sit vel per Evangelii prædicationem, quatenus scilicet illa prædicatione homines à vitiis retrahuntur, & ad virtutem excitantur, vel per administrationem Baptismi. Ita S. Cyrillus Commentario in citatum S. Joannis locum, S. Hieronymus in caput 44. Isaia. *Solvunt eos*, inquit, *apostoli sermone Dei, & testimoniis Scripturarum, & exhortatione virtutum.* S. etiam Augustinus Tractatu 121. in Joan. ubi ait, *charitatem Ecclesie, qua per*

2. pag. 808. G. *Spiritus sanctum diffunditur in cordibus nostris, participum peccata dimittet; eorum autem qui non sunt participes, retinere.*

Resp. nonnullos quidem è SS. Patribus, sensu mox adducto citatum S. Joannis locum interpretari; sed nullus eorum est, qui aliam expositionem rejiciat, nullus qui auctoritatem Ecclesie in dimittendis peccatis non confirmet hoc ipso S. Joannis testimonio. Nihil ergo periculi habet apud SS. illos Doctores prior expositio, qui aliam expressè laudant & confirmant sapius: at in Novatoribus, qui priori admissa, alteram repudiant, merito damnata est & proscripta prior expositio à Conc. Trid. Sess. 14. Can. 3. his verbis:

Tr. 14.
Conc. p.
813. D.
E.

Si quis dixerit, Verba illa Domini salvatoris, Accipite Spiritum sanctum, quorum remisistis peccata &c. non esse intelligenda de potestate remittendi & retinendi peccata in Sacramento Poenitentiae, sicut Ecclesia Catholica ab initio semper intellexit, detorserit autem contra institutionem huius Sacramenti, ad auctoritatem predicandi Evangelium, anathema sit. Qui Canon, ut rectè observat Eslus in 4. dist. 14. paragr. 6. non adversatur quibusdam SS. Patrum expositionibus, etsi minus propriis; sed in eos pronuntiatur, qui Verba Domini Joan. 20. commentitiis interpretationibus ad auctoritatem predicandi Evangelium, contra institutionem Sacramenti Poenitentiae detorquent, quod faciunt Novatores, & à SS. Patribus citatis nusquam factum legimus. Quæ verò sit mens SS. Hieronymi & Augustini, patet ex testimoniis antea citatis; S. verò Cyrillus expresse L. 12. in Joannem agnoscit duplicem distinctum modum quo Sacerdotes peccata dimittunt, nempe per Baptismum, & Poenitentiam. Remittunt, inquit, peccata vel retinent Spiritu afflatis homines, ductus ut arbitror modis. Vel enim dignos ad Baptismum vocant... vel cum filios Ecclesiae peccantes corripiunt, vel poenitentibus ignoscunt, sicuti Paulus erga fornicarium Corinthium.

Tom. 2.
p. 171.
col. 2. B.
C.

Tom. 4.
p. 1101. B.

Objicies 3. Omne Sacramentum novæ Legis debet constare rebus & verbis, juxta effectum S. Augustini Tractatu 80. in Joan. *Accedit verbum ad elementum, & fit Sacramentum.* Atqui in Poenitentia nihil tale occurrit; ergo &c.

Resp. nego min. Constabit enim ex dicendis postea, actus poenitentis esse partes veluti materiales huius Sacramenti; absolutionem verò Sacerdotis verbis exterius pronuntiatam, esse formam.

Instabis: In quolibet Sacramento tria hæc distingui possunt, scilicet, Sacramentum tantum, res Sacramenti, & Sacramentum simul & res Sacramenti; atqui in Poenitentia tria hæc distingui non possunt; ergo &c.

Resp. 1. Scholæ quidem Doctores tria hæc in Sacramento distinguere: verum Ecclesia circa quæstionem hanc nihil unquam pronuntiavit; & quamquam non possemus tria hæc in Sacramento Poenitentiae distinctè secernere, non idcirco tamen nutaret huius Sacramenti fides, quæ ab illis Scholæ subtilioribus quæstionibus non dependet.

Resp. 2. nego min. Namque confessio & absolutio dici possunt Sacramentum tantum, quæ cum sensibiles sint, gratiam & significant, & producant; res verò Sacramenti, est gratia, seu remissio peccatorum, quæ significatur, & non significat; contritio verò est Sacramentum simul, & res Sacramenti: est Sacramentum, quatenus sensibilis fit per confessionem; & aliquo sensu res est Sacramenti, quatenus ex se non cadit sub sensum, sed per confessionem exprimitur.

Objicies 4. Si ex citatis verbis Matth. 18. *Quicumque solveritis &c.* colligi possit potestatem solvendi à peccatis esse Sacramentum, pariter ex istis, *Quicumque alligaveritis &c.* colligetur potestatem ligandi verum esse Sacramentum: atqui istud postremum planè absurdum est, Sacramentum quippe gratiam confert; qui verò ligant peccata vinculo excommunicationis, an gratiam censentur conferre?

Resp. solvendi & ligandi facultatem duas esse ejusdem auctoritatis partes sacramentales, quarum una, nempe solvendi, verum est Sacramentum cui annexa est gratiæ seu remissionis peccatorum promissio: altera verò,

Tournely de Sacram. Poenitentiae.

C 3

nempe

nempè ligandi potestas, sacramentalis quidem est, quia ordinatur ad Sacramentum, non enim ligatur quis, nisi ut solvatur, & pœna, quam Ecclesia imponit, medicinalis est, ad veniam & indulgentiam destinata; non tamen verum est Sacramentum, quia per se gratiam non confert.

Objicies 5. contra secundam primæ Conclusionis partem. 1. Scripturæ veniam peccatorum tribuunt sinceræ conversioni seu contritioni cordis. Psal. 50. *Cor contritum & humilatum Deus non despicies.* Ezechielis 18. *Si impius egerit poenitentiam ab omnibus peccatis suis, vita vivet & non morietur.* 2. eandem vim assignant charitati, & operibus misericordiæ. 3. Christus sine Sacramento Poenitentia Lucæ 7. peccatricem, & Joan. 8. adulteram dimisit: pariter S. Petrus Act. 8. Simonem magum gravissimi post Baptismum criminis reum, non remittit ad aliquod Ecclesiæ Sacramentum. 4. Lex gratiæ nihil detrahit de virtute poenitentia ac fidei; sed ante Christum sola fides & Poenitentia sufficiebat ad consequendam peccatorum veniam.

Resp. ad primum, Scripturam, quæ peccatorum veniam tribuit sinceræ contritioni ac poenitentia, non negare, imò potius confirmare necessitatem Sacramenti Poenitentia, unum enim aliud non excludit: aliàs nequidem Baptismum in nova Lege necessarium esse inferre quis posset ex iisdem Scripturæ testimoniis, quod tamen non concedunt Novatores Lutherani & Calvinistæ. Merito igitur commendatur contritionis & sinceræ conversionis virtus, cum semper necessaria sit: at non idcirco excluditur efficacia & necessitas Sacramenti Poenitentia.

Eadem est responsio ad secundum.

Ad tertium. 1. Institutum non fuit Sacramentum Poenitentia ante Christi passionem. 2. Licet institutum fuisset, nonne potuisset Christus per potestatem excellentiæ sine illo peccata dimittere? virtus enim ipsius signis sensibilibus non est necessario alligata: S. verò Petrus Simonem magum non tantum ad Poenitentiam ut virtus est, sed etiam ut Sacramentum, remisit merito conjici potest, cum ipsi dixit, *Poenitentiam age ab hac nequitia tua.*

Ad quartum. Nihil detractum fuit de vi & efficacia fidei, charitatis aliarumque virtutum per Poenitentia Sacramentum; aliàs & detractum fuisset per Baptismum, quod non admittunt adversarii: sed solummodo præceptum novum additum est, nempè subjiciendi se clavibus Ecclesiæ.

Objicies 6. adversus secundam Conclusionem.

I. Baptismo omnis mundatio tribuitur Ephel. 5. v. 26.

II. Joannes prædicavit Baptismum poenitentia in remissionem peccatorum; ergo poenitentia Sacramentum non distinguitur à Baptismo.

III. S. Augustinus L. 2. de Gratia & peccato originali cap. 39. & 40. L. 3. ad Bonifacium c. 3. L. 6. contra Julianum c. 13. & 18. & L. 1. de nuptiis & concupiscentia c. 33. docet omnia peccata, etiam post Baptismum, dimitti per ipsum Baptismum.

Resp. ad primum, omnem mundationem respectu peccatorum antecedentium tribui Baptismo verè ac effectivè; respectu verò peccatorum subsequen-
tium, tribui eidem Baptismo fundamentaliter, præsuppositivè, dispositivè, quia nemo per Sacramentum Poenitentia mundari potest, nisi qui fuerit baptizatus; Baptismus enim janua est omnium Sacramentorum.

Ad

Ad secundum: Cum tota vis Baptismatis Joannis esset à Pœnitentia, meritò vocatur Baptismus pœnitentiæ: at longè superior est virtus Baptismatis Christi, quàm Joannis, ut docuimus in Tractatu de Baptismo.

Ad tertium; S. Augustinus remissionem peccatorum quæ sequuntur Baptismum non alio sensu Baptismo adscribit, quàm quòd sit dispositio quædam seu fundamentum præsuppositum ad obtinendam peccatorum veniam ministerio clavium Ecclesiæ. Seipsum sic exponit sanctus Doctor citato c. 33. L. 1. de nuptiis & concupiscentia. *Peccata, inquit, quæ posterius humana ignorantia vel infirmitate contrahuntur, in Baptismo remittuntur: non ut Baptisma, quoties peccatur, toties repetatur; sed quia eo ipso quòd semel datur, fit, ut non solum antea, verum etiam postea quorumlibet peccatorum Venia fidelibus impetretur. Quid enim prodesset vel ante Baptismum pœnitentia, nisi Baptismus sequeretur; vel postea, nisi præcederet? In ipsa quoque oratione Dominica, quæ quotidiana est nostra mundatio, quo fructu, quo effectu diceretur, Dimitte nobis debita nostra, nisi ab eis qui baptisati sunt, diceretur?*

P. 10 p.
192. A.

Instabis. S. Fulgentius L. de fide ad Petrum c. 30. appellat Baptismum Sacramentum fidei & pœnitentiæ.

Resp. dist. ant. appellat Sacramentum fidei & pœnitentiæ, respectu Infidelium adulatorum, qui ad Baptismum non admittuntur nisi præmissa de peccatis pœnitentia, ut ibidem testatur S. Fulgentius; concedo: respectu lapso- rum post Baptismum, nego.

ARTICULUS II.

An sacramentalis absolutio verè & propriè coram Deo peccata dimittat; vel declaret solummodo ea esse dimissa.

PREcedenti affinis est ista quæstio, de qua continuo spiritu hic agendum esse duximus. Quippè si Ecclesia potestatem habeat dimittendi peccata per verum & propriè dictum Pœnitentiæ Sacramentum, consequens illud esse videtur, ut decretoriè peccata illa dimittat, non verò declaret tantum esse à Deo dimissa. Inde est quòd Novatores Lutherani & Calvinistæ principium seu fundamentum ipsum negantes, hoc est, Ecclesiam dimittere peccata per verum Pœnitentiæ Sacramentum, consequenter affirmant Ecclesiam hanc habere dumtaxat facultatem, ut declaret dimissa esse à Deo peccata, non ut ea verè ac juridicè dimittat.

Multi Scholæ Theologi, ipso præeunte Scholasticorum principe Magistro Sententiarum L. 4. dist. 18. docuere sacerdotalem absolutionem declarativam dumtaxat esse peccati à Deo jam dimissi. *Sacerdotibus, inquit Magister citato loco littera E, potestatem concessit Christus solvendi & ligandi; id est, ostendendi homines ligatos vel solutos. Et postea: Hi ergo peccata dimittunt vel retinent, dum dimissa à Deo vel retenta indicant & ostendunt.* Magistrum sequuti sunt S. Bonaventura, Gabriel, Major, Alensis & alii non pauci.

Immeritò tamen Novatores hac Scholasticorum opinione, quasi errori suo consona foret, gloriantur, à quo multum sanè discrepat. Novatores quippe idcirco docent absolutionem nudam esse ministerium declarandi peccata esse dimissa, quia illis nec Pœnitentia verum est Sacramentum, nec confes-

fessio peccatorum necessaria, nec absolutio actus iudicii, qui coram Deo animam à peccatis mundet; sed ad unum poenitentis solatium, & ceterorum exemplum dumtaxat inservit: ipsa denique solvendi & ligandi potestas à Christo Ecclesiae concessa, in sententia Novatorum, posita est solummodo vel in prädicatione Evangelii, vel in imponendis, aut relaxandis penis exterioribus. At ab his erroribus longe absunt Scholæ Doctores, quoniam votis conspirantibus docent, Poenitentiam verum esse & propriè dictum Sacramentum, confessionem sacramentalem planè necessariam esse, absolutionem Sacerdotis esse actum iudicii, potestatem denique solvendi & ligandi non exteriùstantum, sed intus operari. Longè itaque dispari ac diverfa ratione ad hanc opinionem ducti sunt Scholastici, & Novatores: isti ex erroneo principio, illi ex certa quadam Scholæ opinione.

Scilicet in ea verlabantur illi opinione, contritionem ex charitate perfectam, necessariò praequiri in poenitente, ut à Sacerdote validè possit absolvi, ex quo sequitur, poenitentem jam iustificatum esse per contritionem perfectam, cum ad Sacerdotem absolvendus accedit, adeoque non alias Sacerdotis esse partes, quàm ut iudicè declaret peccata esse à Deo dimissa. *Nemo quippe verè compungitur de peccato, ait Magister ibid. litt. D. habens cor contritum & humiliatum, nisi in charitate: qui autem charitatem habet, dignus est vita aeterna.*

Cum verò ea Scholæ opinio quæ charitatem perfectam praequirat ad absolutionem, damnata non fuerit à Concilio Tridentino; nec consequenter damnata censi debet altera quæ ex ista nascitur, absolutionem scilicet declarativam esse remissionis peccatorum jam à Deo concessæ sensu exposito. Ita de sententia Magistri & aliorum Scholasticorum sensit Andreas Vega, qui Concilio Tridentino interfuit, Lib. 13. in Decretum huius Concilii de justificatione cap. 33. *Existimandum non est, inquit, eos cum illis (Novatoribus) sensisse, qui absolutionem Sacerdotum inanem credunt. Nam & ad augmentum gratiae, & ad remissionem poenae debita pro peccatis omnibus, ritè sua peccata confessis utilem eam esse tradiderunt, & hac ratione tueri eos possumus, ne videantur adversari definitionibus Ecclesiae.* Inde est quòd & Dominicus Soto in 4. dist. 20. q. 2. & Salmeron tomo 11. tractatu 18. qui eidem Concilio adfuerunt, eam opinionem refellunt quidem, verùm à Concilio damnatam nusquam affirmant; & Pallavicinus L. 12. Hist. Conc. Trid. c. 12. ait, *Concilium eorum tantum errorem damnavisse, qui dicebant absolutionem esse nudum ministerium declarandi remissa esse peccata.* Aliunde verò sæpius inculcat idem Historicus, solemne fuisse Patribus Tridentinis, opiniones Scholæ utrimque disputatas, illasque relinquere. Adde quòd multi gravesque Theologi, quos appellat Launojus Dissertatione de mente Concilii Tridentini circa contritionem & attritionem, parte 2. cap. 2. & 3. Magistri sententiam circa necessitatem charitatis perfectæ præviam ad absolutionem sacramentalem, propugnaverint etiam post Concilium Tridentinum, quam haud dubiè non propugnassent, si vel damnata illa fuisset; vel ex ea sequetur nexu necessario, absolutionem merè declaratoriam esse peccati jam condonati, adeoque otiosam & inanem: quas consecutiones nunquam admiserunt, imò expressè rejecerunt, qui Magistri sententiam amplexi sunt; neque aequitas patitur, ut consecutiones illæ, quas rejiciunt, ipsis imputentur, quam-

p. 634.
col. 1.

Tom. 2.
p. 341.
n. 5.

quamquam ex eorum sententia directe fluere nobis videantur: non itaque violatæ fidei, sed ratiocinii non satis directi & accurati argui illi possunt. Ita opinionem Magistri & aliorum nonnullorum Theologorum multi benignè interpretantur & excusant.

Sunt tamen non pauci, qui, quamquam fateantur opinionem hanc disferre ab errore Wiclefi & aliorum Novatorum, eam tamen erroneam appellare non dubitant, & à Concilio Tridentino proscriptam, qua parte scilicet affirmat, absolutionem Sacerdotis non remittere culpam, sed declarare à Deo remissam. Ita Vasques q. 84. de Penitentia dubio 2. Suares in 3. partem disputatione 19. sectione 2. Estius in 4. dist. 18. paragrapho 7. & alii benè multi recentiores, quibus suffragari videtur sacra Facultas Parisiensis in Censura qua anno 1638. die 1. Julii notavit doctrinam Libri de Virginitate, auctore Patre Seguenotio Oratoriano Presbytero: Censuræ verba paulò post referemus. His de sententia Magistri historicè præmissis, communis Theologorum doctrina probanda & confirmanda nobis superest.

CONCLUSIO.

Absolutio sacramentalis verè & propriè dimittit coram Deo peccata, non verò declarantantum esse dimissa.

Probatnr Scripturæ testimoniis adversus Montanistas & Novatianos Articulo 1. hujus secundæ Quæstionis citatis, ex quibus exploratum ac certum est

I. Ecclesiæ datas esse in persona S. Petri claves regni Cælorum. Matth. 16. v. 19. Atque claves non dantur ut declaretur osium esse apertum, sed ut re ipsa aperiatur.

II. datam esse Apostolis facultatem remittendi peccata. Joan. 20. v. 22. *Accipite Spiritum sanctum, quorum remiseritis peccata, remittuntur eis &c.* Non dixit Christus, Quorum declaraveritis dimissa esse peccata, sed, quorum remiseritis, veta scilicet & juridica potestate. Sic esse verba Christi sensu proprio & naturali intelligenda, suadent invictè hæc momenta. 1. Quia testatur Christus se eam Apostolis conferre auctoritatem, quam ipse à Patre acceperat: *Sicut misit me Pater, & ego mitto vos*, inquit. At Christus verè & propriè peccata remittebat, non declarabat dumtaxat esse remissa. 2. Ipsi Pharisei cum audierunt Christum dicentem paralytico, *Remittuntur tibi peccata tua*; statim ex verbi hujus, *remittuntur*, significatione obvia & naturali, inellexerunt Christum sibi arrogare auctoritatem verè dimittendi peccata; atque inde eorum querimonia & expositulatio apud S. Lucam cap. 5. v. 21. *Quis est hic (dicebant) qui loquitur blasphemias? Quis potest dimittere peccata, nisi solus Deus?* De sola declaratione remissi peccati à Christo facta conqueri illi & obmurmurare non potuissent, cum olim à Propheta Nathan talem Davidi declarationem factam fuisse non ignorarent; eorum igitur scandalum & obmurmuratio locum & occasionem habuit ex nativa & omnibus cognita verbi hujus, *remittere*, significatione, quæ, cum de peccatis agitur, indicat veram, propriam & decretoriam peccatorum remittendorum auctoritatem; quam significationem tantum abest ut cortexerit Chri-

Christus, quinimò potius confirmavit restituta per miraculum paralytico sanitate. *Quid est facilius*, inquit v. 23. *dicere, Dimittuntur peccata tua*; *an dicere, Surge & ambula*? 3. Siliceat Lutheranis & Calvinistis, verba hæc, *remittere peccata*, sic interpretari, *declarare esse dimissa*; quidni pariter licitum erit Socinianis, (quos tamen illi refellere omni studio nituntur, sed quibus sua licentia vel inviti arma subministrant,) Lutheranis & Calvinistis Christi divinitatem probantibus ex eo quòd peccata remittat, respondere, verbum, *remittere*, simplicem in Christo designare potestatem declarandi peccata esse à Deo remissa; quemadmodum ipsi Lutherani & Calvinistæ Catholicis, hoc ipsum verbum in præsentī argumento urgentibus, respondent? Videtur ex utraque parte par licentia, aut potius par impietas & temeritas. 4. Quia testatur Christus, eo ipso modo dimittenda esse peccata in Cœlis, quod remittuntur in terris: at in Cœlis non tantum declarantur esse remissa, sed verè & propriè remissa habentur.

III. Eadem est auctoritas solvendi, & ligandi, Matth. 18. v. 18. *Quaecunque alligaveritis super terram, erunt ligata & in Cælo; & quaecunque solveritis, erunt soluta.*

At, ut optimè ratiocinatur Estius in 4. dist. 18. parag. 3. ligare, idem non est quod annuntiare, vel ostendere ligatum; sed plus aliquid significat, nempe sententiam Ecclesiæ, qua pronuntiat hominem vinculo excommunicationis innodandum, poenis castigandum; ac, si contumax fuerit, eum habendum tanquam Ethnicum & publicanum. Christus igitur concessit Sacerdotibus potestatem veram dimittendi peccata; non quidem absolutam, principalem & independentem, qualem ipse habet, sed ministerialem, quæ non tantum ad penas peccatis debitas se extendit, sed ad culpam ipsam, unde poenæ debitum contrahitur: peccati enim nomine, magis ipsa culpa, quam poenæ reatus solet intelligi.

Probatur 2. constanti SS. Patrum Traditione.

Docent enim 1. Christum ipsum Sacerdotum ministerio delere peccata, sicut ipse est qui baptizat. Ita S. Pacianus Epistola 1. ad Sympronianum: 47. 306. *Quod per Sacerdotes suos facit Christus*, inquit, *sua potestas est.* Et Epistola 3. H. *Quod ego facio, id non meo iure, sed Domini; Dei enim adiutores sumus.* S. Leo Epist. 82. al. 91. *Huic operi*, inquit, *inaccessibiliter ipse Salvator intervenit.* 310. H. *Leo Epist. 82. al. 91. Huic operi*, inquit, *inaccessibiliter ipse Salvator intervenit.* 2. *nec unquam ab his abest, quæ ministris suis exequenda commisit.* S. Eligius 605. c. *Hom. 4. Quos Christus*, inquit, *invisibiliter absolvendo dignos sua reconciliatione iudicat; nos, visibiliter reconciliando, per officium nostri ministerii absolvimus.* Ex his sic arguimus: Idem faciunt ministri exterius absolvendo, 2. *quod Christus invisibiliter seu interius: at Christus non declarat tantum dimissa peccata, sed ea verè dimittit auctoritate primaria, suprema & independente; ergo ministri non tantum declarant, sed remittunt peccata auctoritate secundaria & ministeriali.*

Docent 2. Sacerdotes veros sedere iudices in tribunali Poenitentiae, qui pronuntiandi auctoritatem habent in cœlestibus negotiis. Ita SS. Hilarius Commentario in caput 18. S. Matth. Chrysostomus Hom. 5. de verbis Isaïæ, S. Hieronymus Epistola 1. S. Aug. Lib. 2. de Civit. Dei cap. 9. Gregorius Magnus Hom. 26. Verba inferius referemus, ubi de Confessione. Inde sic arguimus: Qui verisunt iudices, non declarant tantum aliquem damnatum esse,

esse, vel absolutum: sed damnant, vel absolvunt: at Sacerdotes veri sunt iudices; ergo non tantum declarant esse homini penitenti dimissa peccata, sed verè dimittunt. Conclusio hæc ipsius est S. Chrysostomi L. 3. de Sacerdotio cap. 6. *Corporis lepram, inquit, purgare; imò potius nullatenus purgare, sed purgator probare tantum, Judæorum Sacerdotibus licebat . . . Hi verò (Sacerdotes novæ Legis) non lepram corporis, sed immunditiam animæ, non purgatam probandi, sed prorsus purgandi potestatem acceperunt.* Ed. 10.
fr. T. 1.
p. 384. B

Docent 3. à Sacerdotibus solvi peccatorum nostrorum vincula. Ita S. Athanasius istud Evangelii, *Profecti in pagum invenietis pullum alligatum. Si nondum, inquit, soluta sunt vincula tua, trade te ipsum discipulis Jesu. Adfuit enim qui nos solvant, accepta ea à Salvatore potestate, Quodcumque ligaveritis super terram &c.* Ita S. Ambrosius L. 2. de Penit. c. 2. *Impossibile, inquit, videbatur per penitentiam peccata dimitti: concessit hoc Christus Apostolis, quod ab Apostolis ad Sacerdotum officia transmissum est.* Ita pariter S. Leo Epist. 82. al. 91. cap. 3. & alii quamplurimi. At solvere alicujus vincula, plus aliquid profectò importat, quàm declarare esse soluta. T. 1. p.
791. B.

T. 1. p.
419. A.

Docent 4. prius dimitti debere peccata in terris, Sacerdotum ministerio, quàm dimittantur in Cælis, juxta Christi verba, *Quæcumque solveritis in terris, erunt soluta & in Cælis.* Ita S. Hilarius in caput 16. S. Matth. O beatus Cæli janitor, exclamat, cuius arbitrio claves æterni aditus traduntur, cuius terrestre iudicium præiudicata auctoritas sit in Cælo; ut que in terris aut ligata sint aut soluta, statuti eiusdem conditionem obtineant & in Cælo. Ita S. Chrysostomus Hom. 7. de verbis Isaïæ. *A terra, inquit, iudicandi principalem auctoritatem sumis Cælum. Nam iudex sedet in terra, Dominus sequitur seculum.* Ita S. Leo Sermone de Transfiguratione Domini, & S. Bernardus Sermone 1. in Natali Apostolorum Petri & Pauli. *Sententia Petri, inquit, præcedit sententiam Cæli. Ex his sic arguimus: Illa peccata verè & propriè dimittuntur à Sacerdotibus, non verò declarantur tantum esse dimissa, quæ ante Sacerdotum sententiam non sunt à Deo dimissa: atqui peccata non dimittuntur à Deo, juxta doctrinam SS. Patrum, ante sententiam Sacerdotum; ergo peccata verè & propriè dimittuntur à Sacerdotibus.* Ed. 10.
fr. p. a.
690. E.

Ed. 10.
fr. T. 1.
p. 132
D. E.
T. 1. p.
370.
T. 1. p.
989. C.

Docent 5. eadem auctoritate à Christo accepta Sacerdotes remittere peccata per Poenitentiam & per Baptismum. Argumentum hoc urgent adversus Novatianos SS. Ambrosius & Pacianus citati Articulo 1. At in Baptismo non declarant tantum dimitti peccata, sed verè dimittunt: sicut enim verè baptisant, ita verè per Baptismum animam mundant à peccatis; ergo similiter verè à peccatis absolvent in Sacramento Poenitentia, non verò tantum declarant datam à Deo absolutionem.

Docent 6. absolutionis sacerdotalis tantam esse necessitatem, ut ejus defectu perire animas affirmare non dubitaverint. Atque sine graves illæ quærimoniae & exhortationes tum S. Cælestini & S. Leonis SS. Pontificum, adversus nonnullos severitatem, qui etiam in fine vitæ certis peccatoribus absolutionis beneficium denegabant; tum SS. Patrum adversus ignavos illos & timidos Pastores, qui persecutionis tempore fugiunt, ac sibi commissas oves omni ope spiritali & Sacramentorum subsidio destitutas derelinquunt, quod malum, quàm grave sit & luctuosum ostendunt S. Augustinus Epistola 228. aliàs 180. ad Honoratum, & Victor Vitenfis L. 2. de Perfe-

Persecutione Vandalica. An verò de illa sacerdotali absolutione tam solliciti fuissent Veteres? An ejus defectu periclitari hominis salutem afferuissent, si persuasum ipsis fuisset, eam meram esse declarationem peccati à Deo jam dimissi?

Probatur 3. ex Decretis Conciliorum.

Quotquot adversus Montanistas & Novatianos insurrexere Concilia; Conclusionem nostram aperte confirmant. Neque enim inter illos Hæreticos & Orthodoxos quaestio erat, an haberet Ecclesia auctoritatem declarandi remissa esse peccata, sed an revera ea remitteret.

In Concilio Constantiensi damnati sunt plures articuli Joannis Wiclef, & Joannis Hus, inter quos isti erant: *Quòd Sacerdos non possit peccatorem confessum & contritum absolvere. Quòd malus Sacerdos verè non absolvat, nec conferat alia Sacramenta.* Unde in Bulla Martini V. præscribitur interrogandos esse qui suspecti sunt, utrum credant, quòd Sacerdos possit peccatorem confessum & contritum absolvere. Et rursus, utrum credant quòd malus Sacerdos verè absolvat, & verè conferat alia Sacramenta.

Concilium Florentinum definit, quòd sicut per Baptismum spiritualiter renascimur, ita per Poenitentia Sacramentum spiritualiter sanamur; atque hujus Sacramenti effectum, ait esse absolutionem à peccatis.

Concilium Tridentinum Sess. 14. cap. 6. & Can. 9. supra memoratum Lutheranorum & Calvinistarum errore proscribit. Cap. 6. doctrinam Ecclesiae his verbis declarat & exponit: *Quamvis absolutio Sacerdotis alieni beneficii sit dispensatio, tamen non est solum nudum ministerium vel annuntiandum Evangelium, vel declarandi remissa esse peccata, sed ad instar actus judicialis, quo ab ipso, velut a iudice, sententia pronuntiatur.* Canone verò 9. sic definit: *Si quis dixerit absolutionem sacramentalem Sacerdotis non esse actum judiciale, sed nudum ministerium pronuntiandi & declarandi remissa esse peccata . . . anathema sit.* Lutheranos & Calvinistas ferit ille Canon.

Capite verò 4. videtur Concilium omnino evertere fundamentum opinionis Magistri & aliorum nonnullorum Scholasticorum: ait quippe, *contingere aliquando contritionem esse charitate perfectam, eamque Deo hominem reconciliare prius quam Sacramentum Poenitentiae actu percipiat.* Quæ particula, aliquando, aperte insinuat, contritionem perfectam non esse ordinariam dispositionem necessariò requisitam ad Sacramentum Poenitentiae, ut oportet, percipiendum; adeoque necesse non esse, hominem prius iustum esse ac Deo per charitatem perfectam reconciliatum, quam se clavis Ecclesiae subiciat; ex quo directè sequitur adversus Magistrum ejusque sequaces, absolutionem non declarare peccata jam dimissa, sed reipsa ea dimittere.

His accedit sacra Facultas Parisiensis, quæ die 1. Julii anni 1638. Censura sua confixit Librum Patris Seguenotii Presbyteri Oratoriani *De Virginitate*, in quo contritionis ex charitate perfectæ tantam esse necessitatem in Sacramento Poenitentiae ille contendebat, ut absolutio sacramentalis nihil aliud esset quam juridica peccati jam condonati declaratio. Quæ traditis auctor, ait Censura, de attritionis insufficiencia, & contritionis ex perfecta charitate absoluta necessitate ad recipiendum Sacramentum Poenitentiae, & quæ addis & approbas de absolutione, quòd nihil aliud sit, quam declaratio iuridica

dica peccati jam remissi, damnavit quoque Facultas, & censuit has propositiones esse quietis animarum perturbativas, communi & omnino iuxta praxi Ecclesie contrarias, efficacia Sacramenti Penitentiae imminutivas, & insuper temerarias & erroneas.

Probatum denique rationibus Theologicis.

I. Quia Sacramentum Penitentiae, ut & alia novae Legis, gratiam producit ex opere operato, ut definit Conc. Trid. Sess. 7. Can. 8. At si sacramentalis absolutio vim haberet declarandi dumtaxat peccata esse dimissa, & ea verè non remitteret, Sacramentum gratiam vi sua non produceret, sed jam supponeret concessam; gratia enim propria Sacramenti Penitentiae consistit in remissione peccatorum, & reconciliatione penitentis cum Deo: at gratiam ejusmodi non efficeret nec conferret, sed collatam solummodò declararet per Sacramentum Penitentiae; ergo gratiam vi sua non produceret; sententia ergo Magistrì & aliorum imminuit vim & efficaciam Sacramenti Penitentiae.

Neque est quòd respondeant, nihil detrahi efficaciae Sacramenti, cum & penam debeat, & augmentum conferat gratiae. Namque 1. poenae aeternae remissio non se jungitur à remissione culpae; si igitur Sacramentum culpam non remittit, nec etiam aeternam penam: temporalis autem poenae relaxatio, non est praecipuus Sacramenti effectus, de quo loquuntur SS. Patres; nec etiam de solo augmento gratiae loquuntur iidem SS. Doctores, sed de ipsa simpliciter gratia, qua solvuntur peccatorum vincula, qua peccatores Deo reconciliantur, ait Conc. Trid. Sess. 14. c. 3. Igitur sententia Magistrì multum detrahit virtuti & efficaciae Sacramenti Penitentiae.

II. Clavium potestas & usus in eo non reponitur, ut ostendat apertum esse ostium, sed ut verè aperiatur.

III. Eadem auctoritate peccata dimittit Sacerdos in Sacramento Penitentiae, cum ait, *Ego te absolvo*, qua in Sacramento Baptismi, cum dicit, *Ego te baptizo*: sed in Baptismo verè ministeriali auctoritate dimittit peccata, non ostendit tantum esse dimissa; ergo & in Sacramento Penitentiae.

IV. Si Sacerdos, inquit Estius in 4. dist. 18. paragrapho 3. *consentem verè non absolvit, jam profectò plus oneris, quàm utilitatis habebit preceptum confessionis*. Nam praecipua ejus utilitas ex institutione Christi, iuxta doctrinam quam hic resellimus, erit nuda absolutionis declaratio; qua utilitate gravitas illius praecipi minime videtur compensari. T. 2. p. 237. & 238.

V. Quia, pergit idem Theologus, hac absolutionis ostensio seu declaratio, *ibid.* vel nullum, vel exiguum usum habet. Non enim fit Deo, qui omnia novit, quisque, ut illa opinio vult, penitentem jam antea absolvit: neque fit Ecclesiae, quia non est hoc forum externum; neque ipsi Sacerdoti, quia declaratio fieri debet ad alium: ad neque etiam penitenti, nam ceteris paribus, ipse multò melius videt in corde suo veram contritionem, per quam jam ante affirmatur absolutus, quàm possit ex ejus confessione & signis exterioribus Sacerdos cognoscere; & proinde hac declaratione Sacerdotis non opus habet. Ita Estius.

Solentur Objectiones.

Obijcies 1. Solus Deus peccata dimittit. Isaia 43. v. 25. *Ego sum, ego sum ipse, qui deleo iniquitates tuas*. Luca 5. v. 21. *Quis potest dimittere peccata, nisi solus Deus?* Resp.

Resp. dist. ant. Solus Deus, ut causa primaria & independens, dimittit peccata, concedo: per exclusionem causæ instrumentalis, secundariæ & ministerialis, nego. *Quod enim per suos Sacerdotes*, ait S. Pacianus jam citatus Epistola 1. ad Sympronianum, *ipsemet facit Christus*. Quod refertur ex cap. 5. S. Lucæ, à Phariseis dictum quidem fuit, sed falsò; Apostolis quippe concessam esse dimittendi peccata auctoritatem ministerialem, ipse declarat Christus, Matth. 16. v. 19. Joan. 20. v. 21.

Instabis 1. Solus Deus potest actione sua animam attingere.

Resp. dist. ant. Actione sua immediata & directâ, quæ nullis sensibilibus signis est alligata, concedo. Solus Deus actione sua potest animam attingere, per exclusionem actionis & Sacramenti, & ministri Sacramentum conferentis, nego. Eadem enim actione qua Sacramentum gratiam producit, ut instrumentum à Christo institutum, eadem & minister ut causa conficiens & conferens Sacramentum.

Instabis 2. Verbum istud, *remittere*, significat aliquando meram peccati dimissi declarationem, ut Lucæ 7. v. 48. cum Christus dixit Magdalenz, *Remittuntur tibi peccata tua*; jam enim dimissa fuerant cum v. 47. dixerat Christus, *Remittuntur ei peccata multa, quoniam dilexit multum*.

Resp. 1. in hoc utroque citato versuumam & eandem exprimere remissionem peccatorum Magdalenz; adeoque utrobique verbum, *remittere*, in propria & nativa significatione usurpari. Versu enim 47. Simoni declarat Christus, Magdalenz dimitti peccata; & versu sequenti idem declarat & confirmat ipsi Magdalenz.

Resp. 2. quòd etsi verbum, *remittere*, significaret aliquando, *declarare peccata esse dimissa*, malè tamen inferri, in adductis Scripturæ testimoniis non alium habere sensum. Locì circumstantiæ, subjecta materia, loquentis mens atque consilium expendi maxime debent; at ea omnia invicem demonstrant, verbum illud, cum Christus dedit Apostolis ligandi atque solvendi potestatem, non meram declarationem, sed veram auctoritatem dimittendi peccata significare. Eodem ratiocinio probarent Sociniani, Christum improprie & metaphoricè Deum in Scripturis appellare, quia Scriptura sensu metaphorico & improprio Dei nomen aliquando usurpat; ut cum Judices deos appellat; cum Moyse vocant Pharaonis Deum: at eos non ferunt, & meritò quidem, Lutherani & Calvinistæ; nec nos pariter Lutheranos & Calvinistas eodem ratiocinandi vitio hic laborantes audire possumus.

Obijcies 2. Absolutio quæ supponit penitentem jam vita gratiæ viventem, & peccatis absolutum per contritionem & confessionem, verè non dimittit peccata, sed declarat dimissa: atqui talis est Sacerdotis absolutio.

Minor ostenditur duplici exemplo quo frequenter utuntur SS. Patres, nempe leprosi, qui prius à Christo fuit mundatus, & deinde missus ad Sacerdotes ut ab illis mundus declararetur; & Lazari, quem prius à morte ad vitam Christus suscitavit; quàm Discipulis solvendum à vinculis tradiderit. Multa hanc in rem adducit SS. Patrum testimonia Launojus, in Dissertatione de mente Concilii Trid. circa contritionem cap. 8. primæ partis & 2. partis secundæ. Duo hic sufficiunt.

Unum S. Augustini Sermone 67. de verbis Evangelii Matth. 11. aliàs 8. de vet-

de verbis Domini. *Quis enim, inquit loquens de peccatore, suscitabit, nisi qui* T. 4. p. 374. F.
remoto lapide clamavit, dicens, Lazare prodi foras? Quid est autem foras pro-
dire, nisi quod occultum erat foras prodere? Qui constituitur, foras prodit:
foras prodire non posset, nisi viveret: vivere non posset, nisi resuscita-
tus esset.

Alterum testimonium est S. Gregorii Magni Hom. 26. in Evangelia, *Edi.*
Tunc, inquit, vera est absolutio praesidentis, cum aeterni arbitrium sequitur in- post. T.
dicis. Quod bene quatruiduani mortui resuscitatio illa significat, quae videlicet i. pag.
demonstrat, quia prius mortuum Dominus vocavit & vivificavit, dicens, La- 1555. E.
zare veni foras; & postmodum is qui vivens egressus fuerat, a discipulis est
solutus.... Ecce illum discipuli jam viventem solvant, quem magister resuscitave- ibid. p.
rat mortuum. Ex his sequitur, ajunt Novatores, absolutionem, in mente 1555. A.
Patrum, versari dumtaxat circa externa vincula excommunicationis, &
penarum, quae Ecclesia solvit, postquam penitens interius a morte ad vi-
tam spiritalem a Deo revocatus est.

Resp. 1. nego absolutionem sacramentalem supponere poenitentem jam a peccatis absolutum.

Resp. 2. distinguo alteram minoris partem: Absolutio supponit poenitentem viventem vita gratiae inchoata & imperfecta, quae perficitur per Sacramentum, concedo: vita perfecta, cui nihil addat Sacramentum, nego. Eo igitur unice condidit exemplum Lazari, quod saepius a SS. Patribus laudatur, ut ostendat, pravias quasdam in poenitente necessarias esse dispositiones vitae, seu, ut loquitur S. Augustinus, quasdam *fidei & charitatis inchoationes*, quibus moveatur ad odium peccati, melioris vitae propositum, ac peccatorum sinceram & humilem declarationem; quae certè nec sine aliquo saltem inchoata & imperfecta vitae spiritualis sensu fieri possunt, nec inutile etiam ac otiosum reddunt Sacramentum, quo nimirum accedente, fit ut poenitens, quantum semivivus erat & adhuc peccatorum vinculis constructus, plenius fruatur vita, vinculis solvatur, omnesque perfectae vitae spiritualis motus exercere possit; quemadmodum Lazarus, etsi a Christo suscitatus, deambulare tamen liberiùs & viventis hominis functiones obire prius non potuit, quam a fasciis, quibus erat involutus, fuerit a Discipulis Christi expeditus.

Non aliam esse S. Augustini mentem, patet ex loco ipso qui non obijci-
 tur, ubi post adducta verba praecipue objectionem, quae culibet sta-
 tim occurrat, nempe, Si peccator vivit priusquam a Sacerdote solvatur, quid
 ergo iste operatur? Quid prodest Ecclesia, si jam confessor voce dominica re-
 suscitatus prodit? Cui objectioni sic respondet: Quid prodest Ecclesia consenti-
 ti, cui Dominus ait, *Quae solveritis in terra, soluta erunt & in Caelo? Ipsum La-* T. 4. p. 374. F.
zarem attende: cum vinculis prodit. Jam vivebat consentiendo, sed nondum liber G.
ambulabat, vinculis irretitus. Quid ergo facit Ecclesia cui dictum est, Quae ibid.
solveritis &c? nisi quod ait Dominus continuo ad discipulos, Solvite illum &
finite abire.

Et Concione 2. in Psal. 101. dilucidè rem totam rursus exponit. *Remis-* T. 4. p. 1103. B.
sio peccatorum, inquit, solutio est. Quid prodest Lazaro, quia processit de mo-
numento, nisi diceretur, Solvite eum & finite abire? Ipse quidem voce de se-
pulcro suscitatus, ipse clamando animam reddidit, ipse terrenam molem sepul-
cro impositam viciit, & processit ille vinculis: non ergo pedibus propriis, sed
virtu-

*virtute producentis. Fit hoc in corde poenitentis: cum audis hominem pariter peccatorum suorum, iam revixit: cum audis hominem confitendo proferre conscientiam, iam de sepulcro eductus est, sed nondum solutus. Quando solvitur? A quibus solvitur? Quae solveritis in terra, inquit, erunt soluta & in Caelo. Merito per Ecclesiam dari solutio peccatorum potest; suscitari autem mortuus, non nisi intus clamante Domino potest: hac enim Dominus interius agit. Inde patet duo hic docere sanctum Augustinum: primum, gratiam, per quam peccator excitatur ad odium peccati & poenitentiam, atque vitae cuiusdam inchoat & imperfectae motus exercet, esse à solo Deo intus operante: alterum, remissionem peccatorum, seu plenam & perfectam spiritualem vitam, esse & ab Ecclesia exterius ministrante, cui dictum est, *Quae solveritis &c.* & à Deo ipso qui ratam habet Ecclesiae sententiam.*

Non aliam pariter esse mentem S. Gregorii, manifestum est ex citata T. 1. p. Homilia, ubi ait: *Causae ergo pensandae sunt, & tunc ligandi atque solvendi potestates exercenda. Videndum est quae culpa praecessit, aut quae sit poenitentia, secunda post culpam; ut quos omnipotens Deus per compunctionis gratiam visitat, illos Pastoris sententia absolvat.* Quibus verbis significat sanctus Doctor, non alios esse absolvendos, quam qui digni videntur eo beneficio, qui nempe divina gratia excitati, sinceri doloris ac verae poenitentiae signa dedierint.

Obijcies 3. Non est penes Sacerdotes potestas solvendi vel ligandi quos voluerint, sed ad solum Deum illa pertinet.

Ita SS. Patres.

S. Cyprianus Tractatu de lapsis. *Solus Dominus, inquit, misereri potest: Veniam peccatis quae in ipsum commissae sunt, solus potest ille largiri.*

S. Hieronymus Commentario in caput 16. S. Matthaei exponens ista verba, *Tibi dabo claves regni Caelorum &c.* sic loquitur: *Locum istum Episcopi & Presbyteri non intelligentes, aliquid sibi de Phariseorum assumunt supercilio; ut vel damnent innocentes, vel solvere se noxios arbitrentur; cum apud Deum non sententia Sacerdotum, sed reorum vita quaeratur. Legimus in Levitico de leprosis; ubi iubentur, ut ostendant se Sacerdotibus, & si lepram habuerint, tunc à Sacerdote immundi fiant: non quod Sacerdotes leprosos faciant, & immundos, sed quod habeant notitiam leprosi & non leprosi, & possint discernere quid mundus quive immundus sit. Quomodo ergo ibi leprosum Sacerdos mundum vel immundum facit, sic & hic alligat vel solvit Episcopus & Presbyter, non eos qui insontes sunt vel noxii; sed pro officio suo, cum peccatorum audierit varietates, scit qui ligandus sit, quive solvendus.*

Duo sunt in hoc S. Hieronymi testimonio notatu digna. Primum, non sententiam Sacerdotum, sed reorum vitam apud Deum quaeri; alterum, Sacerdotes novae Legis non aliud efficere erga peccatores, quam quod faciabant Sacerdotes Levitici erga leprosos, quos à lepra non mundabant, sed vel mundos; vel immundos solummodo declarabant.

S. Ambrosius L. 3. de Spiritu sancto c. 18. *Per Spiritum sanctum, inquit, peccata donantur. Homines autem in remissionem peccatorum ministerium suum exhibent, non sui alicuius potestatis exercent.*

S. Chrysostomus Homil. 15. in cap. 5. S. Matthaei, ubi ait Apostolos à corruptione peccatorum liberare non posse. *Liberate, inquit, à putredine peccata;*

peccatorum; Christi propositum virtutis est; ut autem non ad illa iterum revertantur, *Ed. C.*
Apostolorum cura est ac laboris. *mel. p.*
145. B.

S. Augustinus Serm. 99. de verbis Evangelii S. Lucæ, aliis 23. ex Hom. 50. explicans illa verba, *Si cui dimiseritis peccata, dimittuntur ei.* Hoc est, inquit, *T. 5. p.*
115. D.
164. A.
Spiritus dimittit, non vos. Ibidem reprehendit eos qui arroganter dicunt, *T. 5. p.*
1. pag.
310. A.
Ego dimitto, ego mundo, ego sanctifico. Respondet illi, ait Aug. non ego, sed Christus. Et Tract. 3. in Joan. Servus, inquit, agere secundum Legem potest, *solvere à reatu Legis non potest.*

Resp. dist. ant. Non est penes Sacerdotes potestas solvendi vel ligandi quos voluerint, absoluta nulloque astricta legibus, quasi pro arbitrio suo indignos solvere possint, vel innoxios ligare, concedo: ministerialis dependens, certique legibus à Christo præscriptis astricta, nego. Non alia profectò est mens Ss. Patrum.

S. Cyprianus Tractatu de lapsis insurgit adversus eos Sacerdotes qui in-
tempestiva indulgentia, contra mandatum Christi, lapsis pacem restituant, *P. 173.*
164.
ante expiata delicta, inquit, *ante exomologesum factam criminis, ante purgatam con-*
fessionem quam pacem vocat *falsam, periculosam dantibus, & accipientibus*
nihil profuturam. Nusquam verò negavit sanctus Cyprianus legitimum u-
sum potestatis traditæ Sacerdotibus ad solvendum vel ligandum.

S. Hieronymus eorum Sacerdotum supercilium & arrogantiam redarguit,
qui putant tradita ligandi & solvendi potestate uti se posse ad arbitrium,
nulla facta consideratione meriti vel demeriti, seu prævia dispositionis pe-
nitentis. Hoc sensu merito ait, *audiendas esse peccatorum varietates*, ut co-
gnoscantur quæ ligandi sunt, quive solvendi, *sensentiam Sacerdotum apud Deum*
non queri, sed reorum vitam quia nempe nulla est illa sententia, proflus
inutilis & otiosa, nisi sit legibus à Christo præscriptis accommodata.
Tunc enim vera est absolutio præstantis, ait S. Gregorius Magnus Hom. 26. in
Evangelia, cum æterni arbitrium sequitur iudicis. Hoc etiam sensu merito
dixit, Sacerdotes novæ Legis, perinde ac veteres, non ligare *Infantes*
ne solvere noxios, quia nempe prius cognoscere & discernere debent qui
solvendi sunt vel ligandi, quam ut eos solvant vel ligent; sicut Levitici Sa-
cerdotes cognoscere prius debebant lepram, quam declarare talem esse le-
prosum vel non. Comparatio verò hæc claudicat, nec omni ex parte
æqua videtur: neque etiam eum in finem eam adducit sanctus Doctor, ut
probet Sacerdotes Evangelicos habere dumtaxat potestatem declarandi di-
missa esse peccata, sicut veteres declarabant tantumquam leprosi forent,
vel non; sed ut probet, non debere Sacerdotes quemquam solvere vel
ligare, nisi prius cognita peccatorum varietate, natura, conditione.

S. Ambrosius citato loco hoc unum vult, nempe Spiritum sanctum, tan-
quam primam & independentem causam, dimittere peccata; unde con-
cludit, illum esse verum Deum, quod sibi probandum susceperat.

Non alius quoque est S. Augustini sensus Tractatu 3. in Joan. Citata
verò Hom. perstringit arrogantiam Donatistarum, qui virtutem & effi-
caciâ Sacramentorum ex sua personali pietate pendere arbitrabantur;
quasi nullum foret Sacramentum, quod ab hæretico vel malo ministro
conficitur.

S. porro Chrysostomus non loquitur de potestate quam habent Apostoli
Tournely de Sacram. Poenitentia. D corum:

eorumque successores in Sacramento Poenitentiae, sed extra Sacramentum, quae potestas exercetur per predicationem & laudabilem vitae conversationem, non per sacramentalem absolutionem. Namque Episcopi & Sacerdotes per lucem bonorum operum, per exhortationem Scripturarum, possunt equidem detertere a vitiis, & ad virtutem impellere eos quos Deus sua gratia vocavit ad iustitiam: at verò profligatos & obduratos homines a peccatorum facibus non ita facile educere possunt, quia nempe talis conversio est opus dexterae Excelsi: innocentes autem homines, vel a malo ad bonum conversos, possunt suis monitis, consiliis & exemplis conservare in adepto iustitiae gradu; nam iustitiam partam, tueri longe facilius est, quam amissam reparare.

Obijcies 4. Contingit saepius absolutionem suo effectu frustrari, cum nempe sufficienter & debite, ut oportet, preparatus non est, qui ad Poenitentiam accedit.

Resp. dist. ant. per accidens & ex parte subjecti, concedo: per se & defectu virtutis in Sacramento, nego. Forma quippe Poenitentiae, ut & Baptismi, necessario non exprimit effectum quasi actu positum, sed tantum virtutem & efficaciam ad illum producendum, si adsint in percipiente Sacramentum idoneae dispositiones.

Obijcies 5. Qui accedit ad tribunal Poenitentiae, vel perfectam habet contritionem, vel imperfectam: si perfectam, prius reconciliatur cum Deo quam Sacramentum actu percipiat; adeoque absolutio merè declaratoria est peccati jam dimissi: si imperfectam, nullatenus reconciliatur; ergo absolutio sacramentalis proprie & verè nusquam peccata dimittit.

Resp. 1. falso supponi absolutionem sacramentalem non dimittere peccata illius, qui imperfectam habens contritionem ex amore Dei saltem inchoato & initiali, accedit ad tribunal Poenitentiae, sicut ex dicendis suo loco patebit.

2. Nego absolutionem merè declaratoriam esse, etiam cum peccata per contritionem perfectam prius remissa sunt, quàm actu percipiat Sacramentum.

Rationem reddit Concilium Tridentinum Sess. 14. cap. 4. quia in illa contritione includitur votum Sacramenti, cum obligatione parcata clavibus Ecclesiae subijcendi. Et si, ait Synodus, contritionem hanc aliquando charitate To. 14. perfectam esse contingat, hominemque Deo reconciliari priusquam hoc Sacramentum Conc. p. 817. D. actu suscipiatur; ipsi nihilominus reconciliatio ipsi contritioni sine Sacramenti voto, quod in illa includitur, non est ascribenda.

Addit Andreas Vega, etiam eo in casu absolutionem sacerdotalem utilem esse, & ad gratiam augmentam, & ad remissionem poenae pro peccatis omnibus rite confessis. Verùm de hoc argumento iterum dicemus, ubi de necessitate contritionis.

ARTICULUS III

De materia Sacramenti Poenitentiae.

Materiam & formam in Sacramentis distinguunt Theologi, per analogiam ad res physicas, sicut ostendimus in Tractatu de Sacramentis in genere.

Dupli-

Duplicem quoque distinguunt materiam: unam remotam, alteram proximam: unam quam vocant materiam *circa quam*, hoc est, objectum vel subiectum circa quod occupatur Sacramentum; sic peccata sunt materia *circa quam* occupatur efficacia Sacramenti Poenitentiae: alteram vocant materiam *ex qua*, id est, partes ex quibus Sacramentum conficitur; sic contritio; confessio & satisfactio sunt materia *ex qua* constat Sacramentum Poenitentiae. Inter illas autem partes, aliae dicuntur essentielles, sine quibus nullum est Sacramentum; aliae vero integrantes duntaxat, quae ad integritatem pertinent, non ad essentiam.

In aliquibus Sacramentis materia remota est aliquod elementum, vel substantia quaedam sensibilis, ut in Baptismo aqua, in Confirmatione oleum; in Poenitentia vero nulla talis occurrit substantia, sed actus poenitentis sunt materia; unde Concilium Florentinum in Decreto, & Tridentinum Sess. 14. cap. 3. ejusmodi actus appellant *quasi materiam* Sacramenti Poenitentiae.

Quaestio igitur hic movetur de materia, tum remota tum proxima Sacramenti Poenitentiae.

I. An peccata sint materia remota Sacramenti Poenitentiae, & qualia: an originale, an actuale duntaxat: an veniale sit materia sufficiens aut etiam necessaria.

II. Quenam sit materia proxima: an actus poenitentis, an manus impositio ex parte ministri, an quilibet aliud.

III. Quanam ex his partibus sint essentielles, quae vero integrantes tantum.

Qua sit materia remota Sacramenti Poenitentiae.

CONCLUSIO.

Peccatum originale non est materia remota seu *circa quam* Sacramenti Poenitentiae, sed actuale duntaxat quod sequitur Baptismum: mortale quidem, necessaria; veniale autem, libera & sufficiens.

Probatur prima pars. Tum quia ex dictis antea, Sacramentum Poenitentiae distinguitur a Baptismo; Baptismus autem ordinatur ex institutione Christi, ad delendum originale peccatum. Tum quia Poenitentia instituta est ad instar actus judicialis, ait Concilium Tridentinum Sess. 14. cap. 6. qui proinde erga illos exerceri duntaxat potest, qui sunt Ecclesiae subditi: tales non sunt infideles nondum baptisati. *Quid mihi de iis qui foris sunt iudicare?* ait Apostolus primae Corinthe. 7. v. 12. Tum quia, inquit hic S. Thomas art. 2. ad 3. propriè non est poenitentia, nisi de iis quae voluntate nostra commisimus: peccatum vero originale naturae peccatum est, non propriè uniuscujusque voluntatis. Si tamen improprio & latiori sensu sumatur poenitentia, nempe pro quacunque rei praeteritae malae detestatione seu displicentia, *Potesi*, inquit S. Doctor ibidem, *dici poenitentia de peccato originali*.

Probatur secunda pars. 1. Quia illud est materia remota Poenitentiae, circa quod occupatur materia ejusdem proxima: atqui materia proxima poenitentiae, nempe contritio, confessio & satisfactio, occupatur circa peccata

eata post Baptismum commissa defendenda. 2. Quia potestas clavium Ecclesiae à Christo concessa, eos dumtaxat spectat qui post Baptismum solvendi sunt vel ligandi. 3. Quia Concilium Tridentinum Sess. 14. cap. 1. expressè ait Christum instituisse Sacramentum Poenitentiae pro iis qui post Baptismum lapsi sunt. Unde meritò proscripta fuit à sacra Facultate Parisiensi anno 1665. ista propositio: *Confessio valida est, deficientibus peccatis: potius ergo beatissima Virgo, licet nec contritionem habuerit, nec ullum vel levissimum peccatum commiserit, beato Joanni confiteri.*

Probatur tertia pars.

1. Quia peccatum mortale non alia via dimitti potest post Baptismum, quam per Poenitentiam; ergo est materia necessaria Sacramenti Poenitentiae: inde Concilium Tridentinum Sess. 14. cap. 5. & Can. 7. declarat omnia peccata mortalia necessariò in confessione esse declaranda.

2. Peccata venialia sufficientem esse poenitentiae materiam constat: tum quia sunt peccata vera, quae clavibus Ecclesiae possunt subijci: tum quia sine ulla peccatorum distinctione Christus dixit: *Quorum remisistis peccata &c.* tum quia solent viri pii & sancti sola venialia peccata confiteri, cum se nullius lethalis noxae reos esse intelligunt, quem morem Concilium Tridentinum Sess. 14. cap. 5. & Can. 7. approbat tanquam rectum & utilem, & *qui citra omnem presumptionem potest ratiari.*

Pa. 14.

Con. 7.

21. 6. 7.

21. 4.

ibid.

3. Peccata venialia esse materiam liberam, non autem necessariam Sacramenti Poenitentiae, docet ibidem Concilium Tridentinum. Venialia, inquit, peccata, quibus à gratia Dei non excludimur, & in qua frequentius labimur, quamquam rectè & utiliter, citraque omnem presumptionem in confessione dicantur, quod piorum hominum usus demonstrat; taceri tamen citra culpam, multisque aliis remediis expiari possunt. Praesertim verò oratione Dominicae quam S. Ang. appellat quotidianam poenitentiam & satisfactionem. Enchir. c. 79.

Pa. 6. 7.

21. 3. 2.

Qua sit materia proxima Sacramenti Poenitentiae.

Notatorum error. Scholasticorum opiniones varia.

Inter articulos Lutheri à Patribus Tridentinis proscriptos hunc numero secundum refert Pallavicinus Lib. 12. Hist. Conc. Trid. cap. 10. scilicet, *Non sunt tres poenitentiae partes, contritio, confessio & satisfactio: sed duae tantum, terrores scilicet incussi conscientiae agnito peccato, & fides concepta ex Evangelio vel absolutione, qua credit quis sibi per Christum esse remissa peccata.*

Pa. 1. 2.

11. 4.

Calvinus L. 2. Institutionis cap. 3. paragr. 8. duas assignat Poenitentiae partes, nempe mortificationem, & vivificationem; sed longè alio sensu à Lutheranis: namque per mortificationem non intelligit terrores incussos, sed mortificationem vitiorum, sive abnegationem sui, & spoliationem totius veteris hominis. Proinde non parvo aliquo tempore, ait, sed tota vita poenitentia agenda est. Per vivificationem verò non intelligit fidem vel fiduciam, aut consolationem ex Evangelio conceptam, ut Lutherani; sed pium bene vivendi studium atque affectum ad bona opera, quae dicere se non partem, sed fructus Poenitentiae.

Errorem hunc damnavit Concilium Tridentinum Sess. 14. cap. 3. & Can. 4.

Inter

Inter Scholæ Theologos variz sunt de præfenti argumento opiniones.

Scotus in 4. dist. 14. q. 4. & dist. 16. q. 1. docet, totam Sacramenti Poenitentiz rationem seu essentiam in una Sacerdotis absolutione repositam esse; contritionem verò, confessionem & satisfactionem necessarias quidem ad effectum Sacramenti, non tamen propriè illius esse partes. Rationem hanc reddit loco posteriori indicato n. 7. *Hinc*, inquit, *nulla pars est contritio; quæ est quoddam spiritale in anima*, (id est non sensibile) *neque confessio, quia nihil est ipsius sententiæ Sacerdotis, sed actus rei accusantis se, neque satisfactio, quæ sequitur illam absolutionem sacramentalem.... Hæc tamen tria ad Sacramentum Poenitentiz, ad hoc ut dignè recipiatur, requiruntur, vel prævia vel sequentia*. Quibus postremis verbis apertè declarat, opinionem suam multum distare ab errore Novatorum mox dicto, atque in sola nominis controversia & Scholæ ludo eam totam versari, salva fidei veritate, cui hic satis est, si agnoscatnr necessitas ex jure divino contritionis, confessionis & satisfactionis ad effectum Sacramenti percipiendum, qualem diserte agnoscit Scotus.

Unde rectè observat Andreas Vega Franciscanus, qui Concilio Tridentino interfuit, Lib. 13. de Justificatione c. 15. *Scotum ea in re à fide non aberrasse*; atque Patres Tridentinos, paci & concordiz inter Scholæ Theologos fovendæ semper consulentes, sic Decretum efformasse suum, ut solos feriat Novatores. Et ipse Pallavicinus L. 12. Hist. Concilii Tridentini cap. 10. narrat non parum in Concilio disceptatum fuisse, *quæ ratione actus poenitentis declarandi forent partes Sacramenti*; nihil ob id, inquit, *perfricta Scoti sententia, cui neque pariter officere voluerat Synodus Florentina*. Et cap. 12. observat 1. Concilium de industria poenitentis actus appellasse *quasi materiam*, non simpliciter *materiam* Poenitentiz, ne rem inter Scholasticos controversam dirimeret ac definiret. 2. Concilium cap. 3. & Can. 4. illos actus appellasse partes, non quidem Sacramenti, sed simpliciter poenitentiz; atque eo sensu partes videri, quòd *ex divina institutione necessarij sint illi actus ad integritatem Sacramenti, & ad plenam absolutamque peccatorum remissionem*. Quo certè sensu agnoscit Scotus, actus illos ad Sacramentum Poenitentiz necessarij pertinere.

Inter Recentiores, Maldonatus (ut alios fileam) de Poenitentia parte tertia, thesi septima, Scoti opinionem tanquam veriore propugnat: objicienti verò, ex ea sequi nihil assignari posse in Sacramento Poenitentiz quod habeat rationem materiæ, cum absolutio, in qua, juxta Scotum, tota Sacramentaratio consistit, forma sit, non materia Poenitentiz, respondet 1. *nunquam fuisse Ecclesiæ sensum, ut decerneret in omni Sacramento debere esse res duas distinctas, quarum altera materia esset, altera forma*. Hoc enim, inquit, *non potest in omni Sacramento reperiri, v.g. in Matrimonio: sed tantum voluit dicere, in omni Sacramento esse quiddam externum, quod habeat vicem materiæ, & quiddam quod habeat vicem formæ, etiamsi non sit distinctum*. Ego verò iam docui, pergit ille, *non tantum aquam in Baptismo esse materiam, sed etiam verba; quia quidquid sensibus percipitur, vocatur materia in Sacramento: significationem autem esse formam*. Respondet 2. *in Poenitentia absolutionem, quatenus est externa quædam caremonia, esse materiam; eandem verò, quatenus habet vim significandi, esse formam*. Ita Maldonatus,

Tournely de Sacram. Poenitentiz.

D 3

Duran

Ed. Af.
chaff.
1621. p.
578. &
seq.
T. 2. p.
322. n.
27.

Ibid. p.
339. n.

Ibid. p.
340. n.

Pagina
261. B.

Ibid. C.

Durandus in 4. dist. 16. q. 1. docet solam poenitentis confessionem esse partem materiale essentiali Sacramenti Poenitentiae; contritionem vero esse dispositionem, & satisfactionem esse fructum Poenitentiae.

Paludanus in 4. dist. 16. q. 4. tres illos actus ex aequo essentielles esse partes poenitentiae contendit.

Huic sententiae videtur accedere Petrus de Osma, qui volebat absolutionem datam ante satisfactionem, nullam esse.

Melchior Canus parte sexta de Poenitentia, docet contritionem non esse partem essentiali poenitentiae, sed integram duntaxat.

Denique fuere qui manuum impositionem assignarunt pro materia proxima & essentiali Sacramenti Poenitentiae. Ita nonnulli tempore S. Thomae, quos refellit Opusculo vigesimo secundo cap. 4. Ita Marianus Victorius in Libro de Sacramento Confessionis cap. 13. in fine, & in Libello de poenitentiis publicis, versus finem.

Communis Theologorum sententia post Concilium Tridentinum assignat tres actus poenitentis, nempe contritionem, confessionem & satisfactionem, pro materia proxima Sacramenti Poenitentiae: duos quidem priores pro materia essentiali; tertium vero, nempe satisfactionem, pro materia integrante. Itaque sit

P R I M A C O N C L U S I O.

Neque terrores conscientiae incussi & fides ex Evangelio vel absolutione concepta, sensu Lutheri; neque mortificatio & vivificatio, sensu Calvinii, sunt materia proxima, seu partes Sacramenti Poenitentiae. Conclusio est de fide.

Probatur ex Concilio Tridentino Sess. 14. cap. 3. *Sancta Synodus damnat* To. 14. *eorum sententias, qui poenitentiae partes, incussos conscientiae terrores, & si-* Conc. p. *dem esse contendunt.* § 17. B.

Et Canone 4. ejusdem Sessionis. *Si quis dixerit duas tantum esse Poeniten-* Ibid. p. *tiae partes, terrores scilicet incussos conscientiae agnito peccato, & fidem conce-* 8: 4. A. *ptam ex Evangelio, vel absolutione, qua credit quis sibi per Christum remissa esse peccata, anathema sit.*

Lutheri & Calvinii errorem optimis rationibus refellit Bellarminus L. Tr. 3. p. 403. 1. de Poenit. cap. 19.

I. Adversus Lutherum sic arguit: Illae censeri debent partes Sacramenti Poenitentiae, quae à virtute ipsa poenitentiae promanant: atqui terrores illi conscientiae incussi, & fides seu fiducia obtentae remissionis peccatorum, non promanant ex virtute poenitentiae, sed eam antecedunt; ad eam quidem excitandam profunt, eam inchoant aut inducunt, non tamen verè constituunt. Pariter vana est illa Haeticorum fiducia, siquidem de remissione peccatorum obtenta non constat: si verò fiducia illa pro spe certa consequendae per Christum salutis habeatur, hæc quoque antecedit vel sequitur poenitentiam. Præterea, qui ejusmodi terroribus concutiuntur, non ideo tamen semper poenitentia ducuntur; igitur etsi terrores illi & fides aliquando excitent poenitentiam, non tamen eam constituunt, sed præterea requiruntur tres actus à Concilio enumerati.

II. Ad-

II. Adversus Calvini sententiam sic disputat idem Theologus. Vel con- ^{ibid. p. 404. D.}
fundit ille pœnitentiam cum justificatione, vel posteriorem ipsa justificatione
eam esse contendit; dicit enim pœnitentiam esse fructum fidei justifican-
tis, & per mortificationem & vivificationem intelligit refrænationem vi-
tiosarum affectionum, & pium studium benè operandi, quæ in reconcilia-
tione inchoantur, ac deinde tota vita perficiuntur. Atqui tamen Scriptu-
ræ divinæ passim docent, pœnitentiam viam esse ad justificationem, &
proinde priorem. Act. 11. *Pœnitentiam & Gentibus dedit, & vitam.* Je-
remiæ 18. *Si pœnitentiam egerit gens illa à malo, agam & ego pœnitentiam.*
Quodd si Pœnitentia via est ad remissionem peccatorum, & prior justi-
ficatione, multò majori ratione mortificationem illam & vivificationem
præcedet, quæ, in opinione adversariorum, fructus est fidei justificantis,
& justificationem ipsam consequitur. Quare Lutherani & Calvinistæ in
extremas abeunt partes; & sicut errant Lutherani, quia pœnitentiam in
his motibus constituunt, qui veram pœnitentiam antecedunt; ita quoque
errant Calvinistæ, qui eam in his actionibus ponunt, quæ veram pœni-
tentiam consequuntur. Ita Bellarminus.

S E C U N D A C O N C L U S I O.

Manus impositio non est materia proxima Sacramenti Pœnitentiæ.

Probatur 1. ex silentio Scripturæ, quæ ubi refert datam Apostolis ligandi &
solvendi auctoritatem, de impositione manuum faciendâ nec verbum quidem
imò & ipsummet Concilium Tridentinum, à quo, post accuratum examen
antiqûæ Traditionis Ecclesiasticæ, enucleatius partes necessariæ hujus Sacra-
menti expositæ sunt, de necessitate imponendi manus pœnitentibus prorsus si-
let; & in cap. 3. Sess. 14. ubi ex professo de partibus Sacramenti Pœniten-
tiæ disserit, & in cap. 6. ubi de ministro & absolutione.

2. Licet certum sit, primis Ecclesiæ sæculis frequenter manus imponi so-
litas fuisse pœnitentibus, ut probat Morinus L. 8. de Pœnitentia cap. 8. & 15.
Licet posteriores aliqui Scriptores eam usurpandam esse contendant; nihil
tamen est unde meritò possit inferri, manuum impositionem partem esse
materiam & essentialem Sacramenti Pœnitentiæ. 1. Quia sæpius in decur-
su ejusdem pœnitentiæ manus imponebantur pœnitentibus, sicut multis testi-
moniis offendit Morinus L. 6. de Pœnitentia cap. 8. At quo jure inferiores Clerici sacramentalem illam
impositionem manuum usurpassent? 3. Manus imponebantur pœnitenti-
bus, etiam postquam percepissent sacram Eucharistiam, ut constat ex Con-
ciliis Carthaginensi IV. cap. 78. & Arausicano cap. 7. quorum verba suo loco
inferius exscribentur. At Sacramenti Pœnitentiæ pars haud dubiè non fuit
hujusmodi manus impositio posterior perceptioni Eucharistiæ. Pag. 13.

3. Juxta S. Augustinum Lib. 3. de Baptismo contra Donatistas cap. 16. *Te. g. p.*
manus impositio nihil aliud est quàm *Oratio supra hominem*: at nemo di- 117. B.

veritatem orationem esse materiam Sacramenti Poenitentiae; siquidem circa materiam Sacramenti forma ejusdem versatur & occupatur: sed forma Sacramenti Poenitentiae quae his verbis exprimitur, *Ego te absolvo* &c. non versatur nec occupatur circa manus impositionem, sed circa peccata quae delet & expungit.

Dices: Morinus, qui subita vi morbi oppressus planè obmutescit, nec ullo signo confiteri potest aut suum de peccatis dolorem testari, danda est absolutio ex usu Ecclesiae recepto, ut inferius ostendemus: at eo in casu nulla alia potest assignari sensibilis materia Sacramenti, præter impositionem manus.

Resp. 1. cum Melchiorre Cano part. 6. Relectione de Poenitentia, in praxi Sacramenti Poenitentiae potius habendam esse rationem eorum quae ad mores & salutem animarum pertinent, quam eorum quae spectant ad Metaphysicam sive speculativas quaestiones. In casu igitur adducto gravissimae necessitatis, impendi quidem debet absolutio, nec sollicitè quærendum quamnam sit sensibilis materia Sacramenti: cum hæc quaestio, Scholastico sensu agitata, nec fidem spectet, ut jam diximus, nec debeat propter illud Scholæ dissidium, animarum salus in discrimen adduci.

Resp. 2. in casu adducto, christianam hominis moribundi vitam & professionem, de qua constare prius debet quam absolvatur, materiae locum & vices tenere.

T E R T I A C O N C L U S I O .

Tres actus poenitentis, nempe contritio, confessio & satisfactio, sunt materia proxima Sacramenti Poenitentiae, seu partes ex quibus componitur.

Probat ex Concilio Florentino in Decreto. *Quartum Sacramentum, inquit, est Poenitentia, cuius quasi materia sunt actus poenitentis, qui in tres distinguuntur partes, quarum prima est cordis contritio, ad quam pertinet ut doleat de peccato commisso, cum proposito non peccandi de cetero; secunda est oris confessio, ad quam pertinet ut peccator omnia peccata, quorum memoriam habet, suo Sacerdoti confiteatur integraliter; tertia, satisfactio pro peccato, secundum arbitrium Sacerdotis, quae quidem praeipue fit per orationem, jeiunium & elemosynam.*

Concilium pariter Tridentinum Sess. 14. c. 3. ait: *Sunt quasi materia huius Sacramenti, ipsius poenitentis actus, nempe contritio, confessio & satisfactio; qui quatenus in poenitente ad integritatem Sacramenti, ad plenamque & perfectam peccatorum remissionem ex Dei institutione requiruntur, hac ratione partes Poenitentiae dicuntur.*

Et Canone quarto ejusdem Sessionis. *Si quis negaverit ad integram & perfectam peccatorum remissionem requiri tres actus in poenitente, quasi materiam Sacramenti Poenitentiae, videlicet contritionem, confessionem & satisfactionem; quae tres Poenitentiae partes dicuntur... anathema sit.*

Quo anathemate, quamquam certum sit, ut antea fuit observatum, non percelli sententiam Scoti, sed unum Novatorum errorem negantium tres illos actus jure divino necessarios esse ad integritatem Sacramenti Poenitentiae, & perfectam peccatorum remissionem, nihilominus ad mentem & loquen-

loquendi rationem Ecclesiae longè magis accedit sententia in Conclusionem expressa. 1. Quia tres illos actus appellat *quasi materiam* Poenitentiae; nihilque aliud assignat quod materiae vices & locum tenere possit. Quod enim ait Maldonatus, absolutionem, prout est externa caeremonia, materiam esse; prout verò vim habet significandi, esse formam, non placet: quia nempe in Sacramentistam forma debet esse sensibilis, quàm materia: at illa significatio absolutionis sensibilis non est; ergo ratio formae consistit dumtaxat in verbis absolutionis, quatenus sensibilibiter proferuntur: non igitur eo respectu absolutio potest habere rationem materiae. 2. Quia actus illos appellat *partes Poenitentiae*; at partes componunt totum: unde meritò Concilium ait eos actus appellari, quatenus requiruntur ad integritatem Sacramenti. Non igitur partes eo tantum sensu dicuntur, ut volunt Scotistae, quòd sint requisitae ad integritatem effectus sacramentalis; aliàs pari jure actus fidei, spei & charitatis, qui debent in adultis praeparare Baptismatis perceptioni, dici quoque possent Baptismatis partes. 3. Quia Concilium eodem modo actus poenitentis appellat materiam, vel partes Sacramenti, quo verba absolutionis appellat formam: sed verba illa veram habent formae Sacramenti Poenitentiae rationem; ergo &c.

Nec te moveat quòd Concilium actus illos poenitentis dicat esse *quasi materiam*, non simpliciter materiam. Hacenim particula innuere voluit, non esse aliquid physicum ac substantiale, sicut aqua in Baptismo, oleum in Confirmatione, sed esse aliquid morale. Ita Catechismus Romanus de Sacramento Poenitentiae n. 17. *Hæ actus*, inquit, *quasi materia à sancta Synodo appellantur, non quia vera materia rationem non habeant: sed quia ejus generis materia non sit, quæ extrinsecus adhibeatur, ut aqua in Baptismo, chrismus in Confirmatione.*

Probari posset Conclusio multis Scripturae & SS. Patrum testimoniis, quibus illorum actuum necessitas demonstratur; sed ab his hic referendis superfedemus, quibus suus locus dabitur, ubi sigillatim de unoquoque actu inferius disputabimus. Unus hic sufficiat S. Chrysostomus, qui Hom. de Poenitentia tres illos actus simul recenset. *Perficia Poenitentia*, inquit, *cogit* Edit.
peccatorem omnia libenter ferre . . . *in corde ejus contritio, in ore confessio*, Antu-
op. 1614
To. 5. p.
361. not.
2. C.
in opere tota humilitas: ut videlicet quibus modis Deum offendimus, (offendimus autem corde, ore & opere) iisdem reconciliemur Deo.

Ratio Conclusionis est, quia Sacramentum Poenitentiae institutum est per modum judicii, quo peccator per sententiam Sacerdotis Deo reconciliatur; atqui ad illud judicium tria requiruntur, contritio seu dolor de peccatis, confessio seu declaratio peccatorum, qua judex cognita causa possit sententiam ferre, & satisfactio pro reparanda injuria Deo per peccatum illata.

S. Thomas hic q. 84. art. 1. ad 1. comparatione rem illustrat: Sicut enim in medicinis corporalibus quaedam sunt res exterius admotæ vel assumptæ, ut oleum, unguenta, pharmaca &c. quaedam verò sunt actus sanandorum, ut motiones, exercitationes corporis &c. ita in Sacramentis quæ Christus in remedium morborum animi instituit, quaedam habent pro materia res seu substantias corporeas; v.g. Baptismus aquam, Confirmatio chrismus &c. quaedam verò actus morales, ut Poenitentia & Matrimonium: cujus quidem discriminis causam ibidem exponit S. Doctor.

Dices

Dices 1. Concilium Tridentinum Sess. 14. docet actus penitentis esse dispositiones ad percipiendum cum fructu Sacramentum Penitentiae; ergo, actus illi non sunt materia hujus Sacramenti.

Resp. nego consequentiam. Idem enim potest esse in Sacramento Penitentiae simul & dispositio & materia Sacramenti. Actus penitentis sunt dispositiones praeviae ad Sacramentum, quatenus Sacramentum sumitur inadaequatè, nempe pro absolutione, ad quam cum fructu percipiendam ducunt & præparant: sunt verò partes, seu materia ejusdem Sacramenti, quatenus sumitur completè & adaequatè, pro eo omni quod ad ejus integritatem necessarium est.

Instabis 1. Idem Concilium cap. 6. ejusdem Sessionis ait, Sacerdotem esse ministrum Sacramenti Penitentiae: at si actus penitentis sunt materia hujus Sacramenti, falsum est Sacerdotem illius esse ministrum; neque enim ille, sed penitens ejusmodi materiam subministrat.

Resp. nego min. Ad probationem, dist. Penitens materiam quidem subministrat, sed activè non concurrir ad unionem formæ cum materia, concedo: & concurrir activè, nego. Solus quippe Sacerdos activè concurrir ad unionem illam, adeoque ad Sacramentum. Et verò necesse non est in re sacramentaria, materiam & formam esse ab eodem: imò & in physicis, agens dicitur compositi causa & principium, licet aut solam formam inducat, ut ignis generans ignem; aut solam materiam subministrat, ut homo generans hominem.

Instabis 2. Sacramentum constat ex materia, sicut ex forma; ergo tam potest ejus minister dici, qui materiam subministrat, quam qui formam inducit.

Resp. nego consequentiam. Namque præcipua compositi pars, est ipsa forma; quiigitur formam hanc inducit & jungit cum materia in Sacramento, censetur illius minister; at talis est solus Sacerdos in Sacramento Penitentiae. Lege S. Thomam 3. p. q. 86. art. 6. in corpore.

Instabis 3. Materia proxima alicujus Sacramenti debet esse proprius minister actus; v.g. in Baptismo ablutio, in Confirmatione chrismatio est proprius minister actus: atqui contritio, confessio & satisfactio non sunt à ministro Penitentiae, sed à subjecto seu penitente; ergo &c.

Resp. dist. maj. Quando minister actione sua applicat & determinat ad esse sacramentale materiam remotam, ut sit in Baptismo & Confirmatione, concedo: secus, nego. Porro in Sacramento Penitentiae nulla videtur esse remota materia, quam Sacerdos actione sua determinet ad esse sacramentale.

Instabis 4. Sacramentum gratiam producit, non solum ratione formæ, verum etiam ratione materiæ ex qua constat: atqui actus penitentis non producant gratiam, aliàs penitens sibi ipsi gratiam conferret.

Resp. nego min. Ad probationem dist. Penitens sibi gratiam conferret dispositivè, se præparando ad illam, concedo: effectivè, & ministrando Sacramentum, nego. Audiatur S. Thomas 3. part. qu. 86. art. 6. in corpore. *Remissio culpæ, inquit, est effectus Penitentiae, principalius quidem ex virtute clavium quas habent ministri, ex quorum parte accipitur id quod est formaliter in hoc Sacramento: secundariò autem ex vi actuum penitentis pertinent-*

inentium ad virtutem penitentiae, tamen prout hi actus aliquantulum ordinantur ad claves Ecclesiae.

Inflabis 5. Sola absolutio sacramentalis practice significat gratiam reconciliationis; ergo sola pertinet ad essentiam Sacramenti Poenitentiae.

Resp. neg. ant. Contritio enim & confessio eam gratiam quoque significant; quamquam fatendum sit, non ita clare ac distincte, quam absolutio, quae principalis est Sacramenti pars, ait S. Thomas mox citatus.

Dices 2. cum Scoto: Contritio non est sensibilis; ergo non potest esse pars materialis Sacramenti Poenitentiae; confessio verò non est ex parte ministri, sed penitentis: denique satisfactio sequitur absolutionem; ergo necessaria non est pars Sacramenti.

Resp. ad primum, dist. Contritio non est sensibilis per se, concedo: per aliud, nempe per confessionem, & alia penitentis signa, nego. Ad secundum, iam diximus necesse non esse, ut in Sacramento Poenitentiae proxima materia sit actus ministrantis, sed satis esse quòd sit actus percipientis Sacramentum. Ad tertium, inde solummodo concluditur satisfactionem non esse partem essentialem, quòd fatemur: at partem esse integram necesseariam, ex professo demonstrabimus ad Quaestionem septimam hujus Tractatus.

Quae sint partes essentiales vel integrantes dumtaxat Sacramenti Poenitentiae.

CONCLUSIO.

Contritio & confessio sunt partes essentiales Sacramenti Poenitentiae; satisfactio verò pars integralis.

Prima pars probatur: Quia illae partes sunt essentiales, sine quibus stare non potest Sacramentum Poenitentiae: atqui sine contritione & confessione stare non potest Poenitentiae Sacramentum, sicut ex decursu hujus Tractatus manifeste patebit; ergo &c.

Neque obstat quòd Concilium Tridentinum Sess. 14. cap. 3. dicat contritionem, confessionem & satisfactionem hac ratione partes esse, quatenus requiruntur ad integritatem Sacramenti: namque de indulgentia Concilium generali *integritatis* nomine uti voluit ad significanda ea omnia quae sunt necessaria in Sacramento Poenitentiae, ne quaestionem inter Scholae Theologos disputatam dirimeret, relicta libertate unicuique per illam integritatem intelligendi, vel essentiam, vel simplicem rei integritatem ad sensum proprium Philosophorum.

Secunda pars probatur: Quia ea pars integralis est dumtaxat, quae supponit compositum essentialiter perfectum: atqui talis est satisfactio respectu Sacramenti Poenitentiae: namque sine illa valet absolutio data penitenti contrito & confesso, ut ostendimus suo loco inferius.

Dices 1. Si satisfactio est tantum pars Sacramenti integrans, nihil ergo prodegit, adeoque inutilis & otiosa.

Resp. nego sequelam: Utilis enim est, ac omnino necessaria ad remissionem

nem poenae temporalis, quae luenda superest post condonata culpam & poenam aeternam: sed de his plenius infra, ubi de satisfactione differemus.

Dices 2. Ecclesia semper parvi fecit absolutionem datam ante satisfactionem expletam, siquidem poenitentes qui in decursu poenitentiae propter periculum mortis fuerant absoluti, ubi convaluerant, remittebat ad ordinem poenitentium. Ita colligitur ex Concilio IV. Carthaginensi an. 398. Can. 78. ex A. ruficano I. an. 441. Can. 3. & aliis.

Resp. inde probari quidem, olim lege ordinaria datam esse absolutionem post expletos poenitentiae labores: at satisfactionem partem esse essentialem, sine qua nulla sit absolutio sacramentalis, minimè probatur; siquidem constabit ex dicendis, promisi etiam saeculis Ecclesiam ratam habuisse absolutionem quae datur certis in casibus ante satisfactionem. Unde Sixtus IV. S. Pontifex contrariam opinionem damnavit an. 1478. in Petro de Olma Doctore Salmaticensi; sicut & sacra Facultas Parisiensis Censura lata in Librum, cui titulus; *Verax Pacificus, Auctore Theophilo Brachet Domino de la Milletiere.* an. 1644. die 23. Junii.

Q U A E S T I O T E R T I A.

De prima Poenitentiae parte, seu contritione universum sumpta.

Priusquam de contritione perfecta vel imperfecta, quae Attritio dicitur, fusius disseramus, paucis aperimus quae spectant ad contritionem universam sumptam, prout abstrahit à perfecta vel imperfecta.

Quæres itaque 1. unde derivetur nomen contritionis.

Resp. à verbo *contero*, id est, in partes minutissimas divido, confringo, scindo; metaphora ex corporibus duris ad res spirituales translata. Quemadmodum enim cum ita conteruntur corpora, ut in pulverem redigantur, duritiam & tumorem deponunt, ac se flecti sinunt ad artificis arbitrium; ita pariter cor peccatoris durum ac tumidum adversus legem Dei contumax, per contritionem emollitur, legi Dei subijcitur, & eo flectit se quod vocat divina gratia. Inde Deus Ezechielis 11. v. 19. *Auferam cor lapideum, & dabo vobis cor carneum.* Et Joelis 2. v. 13. *Scindite*, inquit, *corda vestra.* Et Psalm. 50. v. 19. cor poenitens vocatur *cor contritum & humilatum.*

Quæres 2. quid sit contritio.

Resp. cum Concilio Tridentino Sess. 14. c. 4. *Contritio est animi dolor ac detestatio de peccato commisso, cum proposito non peccandi de cætero.*

Hæc definitio convenit contritioni universam sumptæ, prout omni tempore necessaria fuit ad obtinendam veniam peccatorum, cui si addantur hæc verba, *Et voto præstandi omnia quæ requiruntur ad ritè percipiendum Sacramentum Poenitentiae*, habebis definitionem contritionis, prout Legis Evangelicæ propria est, & coincidit cum definitione ista apud veteres Scholasticos recepta, quam refert S. Th. in Supplemento tertiæ partis q. 1. art. 1. in corpore; nempe, *Contritio est dolor de peccatis assumptus, cum proposito confitendi & satisfaciendi.*

Dicitur 1. Contritio, *animi dolor*; id est tristitia quædam animi orta ex offensa Dei: hinc isti Sanctorum clamores quos in lacris Litteris profusos esse legimus; *Laboravi*, inquit David Psalm. 6. v. 7. *in gemitu meo, laborabo per singulas noctes lectum meum, lacrymis meis stratum meum rigabo.*

Idcirco

T. 14.
C. conc. p.
§ 17. b.

Isaïa 38. v. 15. *Recoꝑitabo tibi annos meos in amaritudine animæ meæ* &c.

Necessarium esse hunc dolorem animi in Penitentia; infinitis penè testimoniis comprobant SS. Patres; quæ legere poteris apud Morinum Lib. 1. de Penit. c. 14. 15. 16. In additione *Pœnitentie*, ait S. Augustinus Enchiridii c. 65. *non tam consideranda est mensura temporis, quàm doloris*. Et Sermone 71 de tempore, si tamen Augustini est, in Appendice novæ editionis n. 117. *Pœnitentiam certam non facit, nisi odium peccati, & amor Dei*. Et Enarratione in Psalm. 74. *Tritura cordis, inquit, pietas, humilitas. Qui se conterit, irascitur sibi: se habuit iratum, ut illum habeat propitium*. Et S. Gregorius Magnus Homil. 34. in Evangelia, *Pœnitentiam, inquit, agere, est & perpetrare mala plangere, & plangenda non perpetrare*.

T. 5. p. 120. E.

T. 1. p. 113. A.

T. 4. p. 113. A.

T. 1. p. 160. A.

Dicitur autem dolor animi; id est qui in voluntate, non in sensu positus est; & quamquam sensibilis dolor aliquando ex animi contritione excitatur, & laudabilis ille sit, non tamen necessarius, cum in potestate hominis non sit sensibilis hunc dolorem in se excitare: unde contingit non raro, majorem in sensu exoriri dolorem pro damno aliquo temporali, v. g. parentum morte, quàm pro damno spirituali; ex quo non inferes generatim, majorem esse dolorem animi pro jactura rerum temporalium, quàm spiritualium.

Dicitur 2. *detestatio de peccato commisso*: Per illam autem detestationem aliquid intelligitur à dolore distinctum: nam in Beatis v. g. est detestatio peccatorum, in quibus tamen non est dolor. Est ergo, interprete eodem Concilio Tridentino, detestatio hæc, odium peccati. *Declarat sancta Synodus, hanc contritionem, non solum cassationem à peccato, & vitæ novæ propositum & inclinationem, sed veteris cujuscumque continere, juxta illud Ezechielis 18. Propterea à vobis omnes iniquitates vestras, in quibus prævaricati estis, & scitis vobis cor novum & spiritum novum: Et ceteris*. pergit Synodus, qui illos Sanctorum clamores consideraveris, Tibi soli peccavi, & malum coram te feci. *Laboravi in gemitu meo &c. facildè intelligit, eos ex vehementi quodam antea vitæ odio, & ingenti peccatorum detestatione mansisse*. Ita Synodus Tridentina adversus Lutherum, qui scripserat odium peccati & detestationem vitæ præterite inutilem esse, ac optimam penitentiam in nova vitæ esse repositam, quem errorem Canone 5. citatæ Sess. 14. anathematice damnavit.

T. 1. p. 817. C.

Dicitur 3. *cum proposito non peccandi de cætero*: aliàs falsa & ficta est contritio, vana & larvata penitentia, de qua merito Deus apud Jeremiam cap. 3. v. 10. ait, *Non es reversa ad me prævaricatrix in voto corde tuo, sed in mendacio*. Unde Isaïa 1. v. 16. dicitur: *Lavamini, mundi estote, auferte malum cogitationum vestrarum: quiescite agere perveris, discite bene facere*. Ratio est, quia sincera penitentia debet excludere omnem affectum ad peccatum; qui verò non haberet tale propositum non peccandi de cætero, peccati affectum non deposuisset: unde merito S. Gregorius Magnus Hom. 34. in Evangelia, ait: *Quid prodest, si peccata luxuria quis desolat, & tamen adhuc avaritiæ affectibus anhelet? Quid prodest, si ira culpas sunt lugeat, & tamen adhuc invidia facibus tabescat?* Et S. Augustinus Sermone 7. de tempore, nunc 117. in Appendice, *Multi, inquit, assidue se dicunt esse peccatores, & tamen adhuc illos delectat peccare. Profecto est, non emendatio: ac*

T. 1. p. 160. C.

T. 1. p. 113. A.

T. 1. p. 113. A.

cassatio.

ensatur anima, non sanatur: praeiungitur offensae, non tollitur. Poenitentiam certam non facit, nisi odium peccati, & amor Dei.

Disputant inter se Schola Theologi, quale debeat esse illud propositum non peccandi de cetero, an formale & explicitum, an virtuale & implicitum. Longè verior nobis videtur sententia eorum qui formale & explicitum desiderant: tum quia de illo expressè mentionem facit Scriptura: tum quia Concilium Tridentinum propositum illud distinguit ab odio peccati: at nulla fuisset necessitas illud distinguendi, nisi voluisset propositum illud debere esse formale & explicitum; in odio quippè peccati implicitè saltem ac virtualiter includitur propositum illius in posterum fugiendi.

Additur denique in definitione contritionis, *cum voto grassandi omnia quae requiruntur ad Sacramentum Poenitentiae ritè percipiendum*; id est, confitendi & satisfaciendi, ut habet contritionis definitio à veteribus Scholasticis adducta. Votum autem illud seu desiderium planè necessarium est, cum ex institutione divina necessaria sit, & confessio peccatorum, & satisfactio pro illis, ut patebit ex dicendis.

Quæres 3. quam sint contritionis universum sumptæ affectiones seu proprietates.

Resp. istas præsertim assignari, ut sit libera, bona, supernaturalis, vera, sincera, magna, vehemens.

1. Contritionem liberam non esse, sed coactam & per vim extortam, censuit Lutherus, quam totam in terroribus conscientiae & legis comminationibus, quibus anima necessariò commovetur, reposuit: unde nec motum peccatorum bonum esse, nec contritionem ad gratiam preparare, sed hominem hypocritam & magis peccatorem reddere, scripsit ille in sermone secundo de Poenitentia, Tom. 2. Operum Lutheri editionis Wittembergensis an. 1558. pag. 60. & in Assertionem articulorum, quos Leo X. Pontifex damnaverat. Quem errorem proscriptis Concilium Tridentinum Sess. 14. Can. 5. his verbis: *Si quis dixerit, eam contritionem qua paratur per dissolutionem, collectionem & desolationem peccatorum, qua quisque recogitat annos suos in amaritudine animae suae, ponderando peccatorum suorum gravitatem, multitudinem, sordiditatem, amissionem aeternae beatitudinis, & aeternae damnationis incursam; cum proposito melioris vitae, non esse verum & utilem dolorem, nec preparare ad gratiam, sed facere hominem hypocritam & magis peccatorem; demum illam esse dolorem coactum, & non liberum ac voluntarium, anathema sit.*

Prima igitur contritionis proprietas est, ut sit actus liber & bonus. Ratio est, quia, qui actus à Deo præcipitur, & disponit ad veniam peccatorum obtinendam, liber esse debet, bonus & honestus: atque talis est contritio. Joëlis 2. v. 13. *Scindite corda vestra. Pœnitemini & convertimini*, ait S. Petrus ad Judæos Act. 3. v. 19. *ut deleantur peccata vestra*. Tali contritione congesti Ninivæ ad Jonæ prædicationem plenam terroribus, poenitentiam egerunt, & misericordiam à Deo impetrarunt: terrores autem illi conscientiae incussi, ad contritionem quidem hominem ducunt ac preparant, sed eam non constituunt, ut voluit Lutherus. Adde quòd motiva ex quibus concipitur contritio, planè bona sint & honesta, ut inferius ostendemus, ubi de timore poenæ & attritione disputabimus.

II. Contritio debet esse supernaturalis, tum ratione auxilii, tum ratione motivi quod excitatur.

Ratione quidem auxilii, seu gratiæ divini, sine qua nullus, ut oportet, de peccatis dolere ac conteri potest, sicut docet fides Ecclesiæ contra Pelagianos, quam hic probare nostri non est instituti. *Convertite me, Domine, inquit Jeremias cap. 31. & convertar, quia tu Dominus Deus meus. Postquam enim convertisti me, ego poenitentiam.* Necessitatem hanc divini gratiæ ad contritionem habendam confirmat Concilium Tridentinum Sess. 6. Can. 3. & Sess. 14. cap. 4. ubi ait; *contritionem imperfectam, quæ vel ex turpitudinis peccati consideratione, vel ex gehennæ & penarum metu communiter concipitur, si voluntatem peccandi excludat, cum spe veniæ, non solum non facere hominem hypocritam & magis peccatorem, verum etiam donum Dei esse, & Spiritus sancti impulsu, non adhuc quidem inhabitantem, sed tantum moventem, quo penitens aditus, viam sibi ad iustitiam parat.*

Ratione pariter motivi, supernaturalis esse debet contritio: actio siquidem moralis ex motivo præsertim suam speciem desumit. Cum igitur contritio debeat esse supernaturalis, necesse est motivum illius esse supernaturale; nulla igitur est contritio, aut saltem ad salutem plane insufficiens, quæ motivo purè naturali nictur. Talis fuit contritio Antiochi peccatum desentis, non quod esset offensa Dei, sed propter gravissimum, quo cruciabatur, morbum: talis & contritio Esau, qui non peccatum, sed amissam desolebat temporalem hereditatem: talis eorum omnium, qui vel metu mali, vel spe boni alienos merè temporalis, à peccatis externis se retrahunt. *Quoniam enim propter beneficia terræ Deum querunt, ait S. Augustinus Enarratione in Psalm. 77. n. 20. non utique Deum, sed illa querunt. Eo modo timore servili, non liberali dilectione Deus colitur. Sic ergo Deus non colitur: hoc enim colitur quod diligitur. Unde quia Deus rebus omnibus major & melior invenitur, pluri omnibus diligendus est ut colatur.* Ex Lib. de gestis Pelagii cap. 5. *Qui propter alia terrena, inquit, suscepit legem Dei, ipse est hæres veteris Testamenti.* Motivum igitur contritionis ex amore Dei saltem initiali & inchoato nasci debet, ex spe veniæ consequendæ, ex timore penæ æternæ, & amittendæ felicitatis, ex turpitudine peccati, quatenus est Dei offensa, & aliis huiusmodi ad ordinem supernaturalem pertinentibus. Unde merito Clerus Gallicanus in Comitibus generalibus anni 1700. propositionem istam censura sua confixit; *Probabile est sufficere attritionem naturalem, modo honestam. Hæc propositio, ait Censura, est hæretica.* Non facile est in praxi ac per actus exteriores discernere motivum supernaturale à naturali; istud enim alterum facillè imitatur, ejusque veluti speciem induit: ex diversis siquidem specie motivis eadem non raro prodeunt externæ actiones, sicut observat S. Augustinus loco citato in Psalm. 77. n. 10. *Quantum, inquit, attinet ad facta quæ foris secus aguntur, & qui timeant poenam, & qui amant iustitiam, non furantur; & idem pares sunt manu; disparis cor: pares opere, dispari voluntate.* Atque hinc incertus semper hæc in vita homo est, an amore, an odio dignus sit; Deumque suppliciter orare continet debet, ut purum efficiat contritionis lux seu poenitentia motivum.

Distigui verò debet motivum poenitentia, ab occasione quæ quis ad poenitentiam excitatur, V.g. Nihil vitæ occasione quidem mortis temporalis, & urbis

T. 14 p.
Conc. p.
17. D.

T. 4 p.
81. B.
C.

T. 1. p.
199. C.

Memo-
res de
Clerg.
T. 1. p.
733.

T. 4 p.
81. B.
C.

urbis subversionis, quam imminentem Jonas annuntiabat, ducti sunt ad poenitentiam, quæ cum ipso Dei ore fuerit laudata & commendata, malum illud temporale non habuit pro motivo, aliis planè insufficiens fuisset ad placandam divinam iram; sed illius occasione concepta fuit ex quodam motivo supernaturali. Quæ ratione multi ex morbo vel alia quacumque afflictione, occasionem habent redeundi ad Deum per veram & sinceram de peccatis suis contritionem.

Ex his manifestum est, falsò & per insignem calumniam Lutherum & Kemnitium Catholicis imponere, quòd naturalem contritionem sufficientem existiment ad veniam peccatorum in Sacramento percipiendam. Quòd si pauci aliqui ex veteribus Scholasticis visi sunt plus æquo favere naturali contritioni, à cæteris ea in parte deserti sunt & improbat.

III. Contritio debet esse vera & sincera; non in sola mentis aut imaginationis superficie, non in verborum inani strepitu, vel fictis lachrymis, sed in intima voluntate ab omni peccati affectu aliena, quæ non signis melius potest demonstrari, quàm fuga peccati, & exercitio bonorum operum. *Facile fructum dignum poenitentiae*, ait S. Joannes Baptista Matth. 3. v. 8. Et cap. 7. v. 16. de falsis Prophetis Christus ait: *A fructibus eorum cognoscetis eos*. Facile est fidam & mendacem, pro vera & sincera, contritionem assumere: ut enim rectè observat S. Gregorius Magnus cap. 9. primæ partis Cæx seu Regule Pastoralis, *Fit aliquando ut aliud in animi intentione supprimat, aliud tractantis animo superficies cogitationis ostendas*. Nam

T. L. P. 97. *sapit sibi de se mens ipsa mentitur, & fingit se de bono opere amare quod non amat, de mundi autem gloriis non amare, quod amat*. Et in Libro 1. Regum cap. 15. ait: *ex fructibus poenitentis æstimari debere veritatem ejus poenitentiae*. Tunc, inquit, *bene peccatorem conversum cernimus, cum digna afflictionis austeritate dolere mittitur, quod loquendo confitetur*. . . in fructu, non in foliis, aut ramis poenitentis cognoscenda est. Et Hom. 90. in Evangelia: *Si unusquisque, inquit, vestrum requiratur, an diligat Deum: tota fiducia & secus mente respondet. Diligo*. . . Veritas autem dicit, *Si quis diligit me, sermonem meum servabit*. Probatio ergo dilectionis, exhibitio est operis. . .

T. J. P. 1. P. 37. E. *Verè etenim Deum diligimus, si ad mandata ejus nos à nostris voluptatibus coartamus*. Nam qui adhuc per illicita desideria destitit, professio Deum non amat; quia ei in sua voluntate contradicit.

T. L. P. 1575. D. *Qui igitur cum ficta contritione (quamquam eam veram existimaret) accederet ad Sacramentum Poenitentiae, ille non modò fructum, sed nequidem ipsum perciperet Sacramentum, quod certè nullum omnino censetur, cum non adest pars ejus essentialis, qualis est vera & sincera contritio: sicut nullum foret Baptismi Sacramentum, quod quis in vino conferret, et si putaret se in aqua baptizare.*

Sedulo igitur explorare debet Sacerdos, an vera sit & sincera poenitentis contritio, priusquam absolutionis beneficium ipsi impendat: expendet quæ sit ejus motivum, an voluntatem peccandi excludat, & cum spe veniæ consequendæ sit conjuncta; quorum certius habere non potest argumentum, quàm ex mutatione vitæ, ex fuga peccati & occasionum ipsius, ex praxi seu exercitio bonorum operum, & aliis hujusmodi, ad quæ attendere debere Sacerdotem præcipit S. Carolus Actorum parte 4. Quamquam enim cer-

tum sit nullum esse tam obduratum peccatorem, quem Deus præpotenti sua gratia subito convertere non possit, atque in poenitentia, sicut ait S. Augustinus Enchyridii cap. 5. non tam considerandam esse mensuram temporis quam doloris; tamen, quia plerumque, pergit S. Doctor, dolor alterius cordis occultus est alteri, neque in aliorum notitiam per verba, vel quacumque alia signa procedit . . . recte constituuntur ab iis qui Ecclesie præsumunt tempora poenitentiae, ut fiat etiam satis Ecclesie. Causa ergo pensanda sunt, ait S. Gregorius Magnus Hom. 26. in Evangelia, & tunc ligandi atque solvendi potestas exercenda. Videndum est quæ culpa præceperit, aut quæ poenitentia sequuta est post culpam.

T. 6. p. 110. F.

T. 1. p. 155. m.

Quæres 4. quid sit contritionis quantitas, & quanta esse debeat.

Resp. quantitatem contritionis nihil aliud esse quam ejus magnitudinem ac vehementiam.

Triplici autem sensu magna dici potest contritio, nempe appetitive, intensive, & extensive.

Appetitive magna dicitur, cum Deum rebus omnibus anteponit, & mallet potius rerum omnium pati dispendium, quam Deum offendere.

Intensive, cum summo voluntatis ardore & conatu fertur in odium peccati & amorem Dei.

Extensive, cum ad omnia & singula peccata, nullo excepto, se extendit, ac nulla temporis mensura definitur.

Appretiatio spectat objectum quod pluri sit rebus omnibus, & motivum propter quod pluri æstimatur.

Intensio, subjectum seu gradum contritionis.

Extensio, peccatorum multitudinem, varietatem, temporis quo durare debeat contritio, mensuram &c. His positis,

Resp. 1. contritionem summam esse debere appetitive. Probant Scripturæ multis in locis. Deuteronomii 4. v. 29. Cum quaesieris Dominum Deum tuum, invenies eum, si tamen toto corde quaesieris, & tota tribulatione anima tua. Joelis 2. v. 12. Convertimini ad me in toto corde vestro, in jejuniis, & in fletu, & in planctu; & scindite corda vestra, & non vestimenta vestra. Matth. 22. v. 37. Diliges Dominum Deum tuum ex toto corde tuo, & in tota anima tua, & in tota mente tua &c. quæ verba nec de contritione, nec de amore intensive & quoad gradum summo debent intelligi, sed appetitive dumtaxat quoad æstimationem: quia nempe divisum esse non debet nostrum inter Deum & creaturam, sed ita totum Deo mancipatum, ut bonorum omnium, etiam vitæ propriæ, jacturam pati potius homo velit, quam Deum offendere & ab eo separari. Modum hunc insinuat Christus, cum dixit Matt. 10. v. 37. Qui amat patrem aut matrem plus quam me, non est me dignus; & qui amat filium aut filiam super me, non est me dignus. In ea animi preparatione erat S. Paulus, cum fretus divina misericordia dicebat Rom. 8. v. 35. Quis nos separabit à charitate Christi? An tribulatio? An angustia? An fames? An nuditas? An periculum? An persecutio? Certus sum enim quia neque mors, neque vita, neque angeli, neque instantia, neque futura . . . neque creatura alia poterit nos separare à charitate Dei quæ est T. 1. p. 11: in Christo Jesu Domino nostro. Ita Scripturæ laudata testimonia exponit S. P. 11. E. Aug. L. 1. de Doctrina Christiana c. 22. Cum ait Scriptura, inquit, Diliges Do-

minum tuum ex tota anima, ex tota mente, nullam vite nostrae partem reliquit, quae vacare debeat, & quasi locum dare ut alia re uti velis.

Ratio est, quia dolor peccatis quatenus sunt Dei offensae, debet esse super omnia, sicut & amor Dei: si enim Deo aliquid anteponatur, & dolor falsus est, & amor planè nullus; imò major Deo inferri non potest injuria, quàm si creatura ipsi anteponatur, quod facit quicumque peccat. *Diabolum enim Domino praeponit, ait Tertullianus L. de Poenitentia c. 5. & comparationem agere videtur, qui utrumque cognoverit, & iudicatio pronuntiare eum meliorem, cuius se esse maluerit.*

Resp. 2. optandam esse & optimam contritionis quoad gradus intensiorem, non tamen necessariam.

Ratio primae partis est, quia cum Deus sit summè diligibilis, & peccatum summè odibile, nullus timere debet excessus aut in amore Dei, aut in odio peccati; atque graduum magnitudo & intensio optanda est maximè. *Quàm magna deliquimus, ait S. Cyprianus in Tractatu de lapsis, tam granditer desicemus. Alto vulnere diligens & longa medicina non desit; poenitentia crimine minor non sit.*

Ratio secundae partis est, tum quia nullus assignari potest certus & determinatus intensiōis gradus necessarius ad essentiam vel contritionis, vel amoris Dei constituendam, sicut inferius ostendemus; tum quia Scripturae testimonia mox relata exponi rectè possunt de totalitate integritatis & perfectionis, non verò de totalitate gradualis intensiōis, ait Melchior Canus de Poenitentia parte 3. tum quia intensio gradus non est in potestate hominis; tum denique quia, inquit Estius in 4. dist. 16. paragr. 7. intensio actus voluntatis sequitur vehementiam objecti moventis: atqui objectum sensibile naturaliter vehementius movet & afficit voluntatem, quàm objectum intelligibile aut spirituale. Unde sicut amor bonorum sensibilium potest esse intensior quàm spiritualium, ita & dolor qui ex malis sensibilibus percipitur, intensior esse potest eo qui concipitur propter mala spiritualia, cuiusmodi sunt peccata, idque citra culpam hominis, propterea quòd homo in corpore corruptibili constitutus, vehementius moveatur sensibilibus tam bonis, quàm malis, etiamsi ea absolute non magis diligit, aut detestetur, modo appetitivo; quod exemplo sanctorum Virorum comprobatur. Jacob Gen. 37. & David 1. Regum 19. longè vehementioris doloris signa dedere pro morte filiorum suorum, quàm pro suis peccatis.

Resp. 3. necesse non esse ut contritio summa sit extensivè, hoc est, ut tot sint numero contritionis actus, quot sunt numero peccata; una etenim sufficit universalis contritio, quae ad omnia commissae peccata se extendat: pariter nulla certa est ac praefixa temporis mensura necessaria ad essentiam contritionis.

Ratio primae partis est, tum quia impossibile aliquando est peccatori, omnia & singula sua peccata recensere, iis praesertim, quorum iniquitates supergressae sunt numerum capillorum capitis: tum quia aliquando non expedit, ut peccator singulos actus distinctè memoria sua revolvat, praesertim in materialibus, ubi rei praeteritae memoria & distincta cogitatio voluptatis sensum excitare posset, & voluntatis consensum trahere; caro enim infirma, spiritus autem promptus: tum denique quia formale motivum contritionis est

nampe ;

mempe dolor de offensa, aequaliter ad omnia peccata se extendit, nec fieri potest ut quis de uno peccato, quatenus est offensa Dei, sincerum habeat dolorem, quin pariter de omnibus doleat; unica ergo sufficit contritio, quae ad omnia peccata detestanda referatur; quamquam hortandi sunt poenitentes, ut quantum fieri possit, pro peccatorum numero, augeant & numero contritionis actus, atque recogitent omnes annos suos in amaritudine animae suae.

Ratio secundae partis est, quia potest Deus in momento hominem quantumvis induratum ad se convertere, neque certam postulat temporis mensuram & durationem. *Impietas impiis*, ait Ezechiel c. 33. v. 12. *non nocebis ei, in quacunque die conversus fuerit*. Et Judith 5. v. 19. *Quotiescunque penituerunt secessit à cultura Dei sui, dedit eis Deus caris virtutem resistendi*.

Eadem est SS. Patrum doctrina. *In istomundo*, ait S. Cyprianus ad Demetrianum, *penitentia nulla sera est*. . . . *Licet sub ipso exitu & vite temporalis occasu pro deliciis roges, & Deum fide implores, venia consenti datur*. Et S. T. 6. p. Augustinus Enchiridii cap. 65. *In actione penitentia*, inquit, *non tam consideranda est mensura temporis, quam doloris*. Scrio tamen admonent iidem SS. Patres, ne poenitentia ad extremam usque vitam differatur, tum cum difficile admodum ab inveterato habitu & peccandi affectu voluntas retrahitur, & infirmitas corporis animam aggravans, seriis illis cogitationibus vix locum relinquit, ac poenitentiae sensum valde incertum facit & dubium.

Quæres 5. an contritio de peccatis necessaria sit, & quo jure.

Resp. planè necessariam esse jure divino, naturali, & Ecclesiastico. 1. Jure divino: expressa enim est Dei voluntas in Scripturis. Ezechielis 18. v. 30. *Convertimini, & agite poenitentiam ab omnibus iniquitatibus vestris*. Et Luc. 13. v. 3. *Nisi poenitentiam habueritis, omnes simul peribitis*. Unde Conc. Trid. Sess. 14. cap. 4. ait *quovis tempore ad impetrandam veniam peccatorum, contritionis motum fuisse necessarium*. Et S. Aug. Lib. de duabus animabus cap. 14. ait, *posse quidem aliquem dicere non se peccare; at nullam esse barbariem qua dicere audeat, non esse poenitendum, si peccaverit*. 2. Jure naturali necessaria est contritio, ait S. Th. 3. parte quæ 84. art. 7. ad 1. *De jure*, inquit, *naturali est, quod aliquis poeniteat de malis qua fecit, quantum ad hoc quod doleat se fecisse, & doloris remedium quaerat per aliquem modum, & quod etiam aliqua doloris signa ostendat*. 3. Necessaria est contritio præcepto Ecclesiastico, quia necessaria est confessio saltem semel in anno facienda ex mandato Ecclesiae: at valida non est sine contritione.

Quæres 6. an de peccatis venialibus, perinde ac de mortalibus, necessaria sit contritio.

Resp. affirmative, peccata enim venialia vera sunt peccata. *Nec quoniam putet, ait S. Aug. Epistola 93. alias 48. aberrare ad veritatem, vel a quocunque suo magno seu parvo peccato ad correctionem sine poenitentia posse transire*. . . .

Quæres 7. quo tempore obliget præceptum contritionis.

Resp. 1. certum esse apud omnes Theologos, optimam esse praxim eorum qui peccatum, statim ac commissum fuit, detestantur, juxta istud Ecclesiastici, *Non tardes converti ad Dominum*. Rationem reddit S. Gregorius Magnus Hom. 11. in Ezechielem, *quia peccatum quod non fuit poenitentia deletum, suo pondere trahit ad aliud*.

Resp. 2. præceptum contritionis obligare posse vel per se, vel per acci-

E 2: dens,

P. 104.

S. T. 6. p.

220. E4

T. 8. p.
90. C.

T. 2. p.
251. G.

Ecclesi.
v. 8.

T. 1. p.
1289.

C.

dens, ratione alterius præcepti urgentis quod sine contritione impleri non potest. Priori modo obligat in articulo mortis, quia tenetur quisque salutem animæ suæ conſulere; ſine contritione verò & pœnitentia nemo poteſt eſſe ſaluſ. Poſteriori modo obligat quando urget præceptum percipiendæ v. g. Euchariſtiæ aut Confirmationis: cum enim Sacramenta hæc vivorum ſint, debet, qui ad ea accedit, priùs vivere vita animæ, quam quidem ſine contritione habere non poteſt. Non minùs certum videtur, teneri peccatorem non diſſerre in multum tempus ſuam pœnitentiam & converſionem, quia tenetur quilibet fugere periculum morale indurationis in malo, & impœnitentiæ finalis: at in iſtud periculum incurrit, qui pœnitentiam de die in diem ita diſſert, & maximam vitæ partem in habitu peccati tranſigit.

Tota igitur quæſtio quæ Theologos varias in partes diſtrahit, eſt an præceptum contritionis obliget ſub peccato, ſtatim ac peccatum commiſſum eſt; an verò ſaltem quoties memoriæ occurrit; an ſaltem diebus feſtis, quibus ex Eccleſiæ præcepto tenentur Fideles Miſſæ ſacrificio intereſſe; an denique ſemel in anno, cum urget mandatum Eccleſiaſticum annuæ conſeſſionis, & communionis paſchalis, an ſæpiùs; habet enim ſuos patronos qualibet ex iſtis opinio, de qua quæſtione lege Melchiorum Canum Rele-
 P. 363. cione de Pœnitentia parte. 4. ubi ait

1. hominem ſtatim à peccato commiſſo non teneri præcepto contritionis, ſicut nec præcepto conſeſſionis: tùm quia videtur hic eſſe Fidelium omnium conſenſus, qui circumſtantiam hanc in conſeſſione ſua declarare non aſſueverunt: tùm quia ſi novum committitur peccatum, tot erunt numero multiplicanda peccata, quot momenta temporis deſluerint à peccato commiſſo, & omiſſa contritione: tùm quia præceptum contritionis affirmativum eſt, quod non obligat niſi tempore neceſſitatis: tùm quia ſicut alia media ad ſalutem neceſſaria, nempe fidem, Baptiſmum, conſeſſionem, ſtatim uſurpare non tenemur, ita nec pœnitentiam.

P. 363. Ait 2. non teneri hominem pœnitentiam agere quoties peccata memoriæ occurrerint, ſive ſpeculativè, ſive præctice occurrerint: tùm quia obligatio reliquorum præceptorum ex neceſſitate rei ſumitur, non ex memoria aut intelligentia noſtra: tùm quia nullum extat tale Dei mandatum, ut peccata deteſtemur, quoties occurrunt memoriæ: tùm quia non peccat mortaliter quin non diligat Deum, quantumcumque divina bonitas proponatur omni dilectione digniſſima, niſi neceſſitatis articulus intercedat. Idem de præcepto fidei & ſpei viderelicet. Contrariam nihilominus ſententiam tuentur S. Antoninus 3. p. titul. 14. c. 18. S. Bonaventura in 4. diſt. 16. q. 2. S. Thomas in 4. diſt. 17. q. 3. art. r.

P. 364. Ait 3. in diebus feſtis non obligari hominem ad contritionem eliciendam præceptum etenim, ait Canus, de colendo Deo, quo feſtis diebus adſtringimur, opera religionis præſcribit; at pœnitentia religionis opus non eſt, ſed vindicationis. Verùm pace tanti Theologi dixerim, in pœnitentia non tantùm vindictam & ſatiſfactionem includi, ſed & amorem Dei ac propoſitum vitæ melioris; quæ certè opera ſunt religionis, & ad Dei cultum referuntur: Præcepto igitur Eccleſiaſtico de audienda diebus feſtis Miſſa, ſatiſfacit, qui cum attentione, modèſtia, animo religionis, divinis intereſt myſteriis, Deumque rogat, ut velit gratiam compunctionis concedere. Affectus ergo

ille sufficit, nec sub pena novi mortalis peccati exigenda perfecta contritio, nisi velis, quod absit, peccatores à sacrificio Missæ retrahere, cui non interesse potius eligerent, quam novum committere peccatum; imò & hoc prætextu, ne interessent, uterentur.

Aitigitur 4. præceptum contritionis obligare in articulo necessitatis, ut reliqua omnia præcepta affirmativa. Necessitatis verò illius articulus est 1. in articulo mortis. 2. cum quis tenetur vel administrare, vel recipere Sacramentum aliquod, vel quemcumque alium exercere actum, qui requiratur in homine præviam gratiam; quam postremam contritionis necessitatem accidentariam appellat, ortam scilicet non à præcepto poenitentiz, sed ab alio præcepto de digna Sacramentorum vel susceptione vel administratione. Ita Melchior Canus.

His tamen duobus necessitatis casibus addendum existimamus alium; cum nempe ex defectu contritionis & poenitentiz, morale periculum est futuræ indurationis & impenitentiz. Figi revera non potest, nec mathematicè determinari instans illud temporis quo premat talis necessitas: sed ex negligentia peccatoris in sua procuranda salute, ex longa Dei oblivione, ex inveterato peccandi habitu, ac torpore letargico quo in voluptatibus consuepultus de Deo vix cogitat quidquam, facile intelliget prudens Sacerdos, negligentiam hanc in salute promovenda, novum esse peccatum, quod in confessione aperire tenetur penitens, ac detestari; adeoque violatum ab ipso contritionis & poenitentiz faciendæ mandatum. Lege ea de questione Suam in tertiam partem de Poenit. q. 90. disp. 15. art. 4. sectione 5. & seq. pag. 209.

Quæres 8. an necesse sit contritionem esse sensibilem.

Resp. necesse non esse, quia constat exemplo virorum sanctorum, eos aliquando majori sensibili dolore affectos fuisse ex morte v. g. filiorum ac parentum, quam ex offensa Dei. Ratio est, quia sensibilitas illa ex nobis non pendet, sed ut plurimum ex imaginatione ac natura temperamenti profluit.

Quæres ultimò, quotuplex sit contritio.

Resp. duplicem distingui à Concilio Tridentino Sess. 14. cap. 4. perfectam unam, quæ justificat ante actualem Sacramenti perceptionem; alteram imperfectam, quæ dicitur attritio, nec justificat sine Sacramento. De utraque quoniam graves excitantur inter Theologos controversiæ, duplici distincta Quæstione differemus.

QUÆSTIO QUARTA.

De contritione perfecta.

Concilium Tridentinum Sess. 14. c. 4. circa perfectam contritionem duo docet. Primum, *contingere aliquando eam charitate perfectam esse, hominemque Deo reconciliare, priusquam Sacramentum Poenitentiae actu suscipiatur*: alterum, *reconciliationem hanc ipsi contritioni, sine Sacramenti voto, quod in illa includitur, non esse adscribendam*. Verum non declaravit neque definivit 1. undenam repetenda sit ratio essentialis ac specifica contritionis & charitatis perfecta. 2. an contritio perfecta sit dispositio necessario requisita ad percipiendum Sacramentum Poenitentiae. 3. an semper & ordinariè, an aliquando dumtaxat & in casu necessitatis, perfecta contritio iustitiam conferat, antequam actu Sacramentum percipiatur. 4. denique, quale sit illud votum seu desiderium Sacramenti quod includitur in contritione; an requiratur formale & explicitum, an virtuale & implicitum sufficiat? circa quæ cum nihil fuerit à Synodo expressè pronuntiatum, salva fide dissentiant Theologi.

*Est sine
in 4. dist.
11. p.
cap. 1.
p. 119.*

Hæc igitur quatuor capita totidem Articulis expendenda nobis sunt.

I. in quo consistat essentialis & specifica ratio contritionis & charitatis perfecta.

II. an contritio perfecta, non tantum in casu necessitatis, sed quoties contingit eam esse perfectam, seu ordinariè, hominem Deo reconciliet, priusquam Sacramentum Poenitentiae actu percipiatur.

III. an perfecta contritio sit dispositio necessario prærequisita ad percipiendum Sacramentum Poenitentiae.

IV. an & quale votum seu desiderium Sacramenti necessarium sit.

ARTICULUS PRIMUS.

In quo consistat ratio essentialis & specifica contritionis & charitatis perfecta.

Ad omnem ex hac controversia nominis ambiguitatem statim removendam

Observandum t. nomine charitatis nos hic intelligere veri nominis charitatem, seu amorem Dei propter seipsum.

Observandum 2. non raro apud SS. Augustinum & Thomam charitatis nomine quemlibet generatim intelligi boni ac recti amorem, quodcumque illud sit, sive morale, sive supernaturale. Quo sensu dixit S. August. Lib. de Gratia Christi cap. 21. *Quasi verò aliud sit bona voluntas, quam charitas*. Et Lib. de moribus Ecclesiæ cap. 15. referente S. Thoma 1. 2. qu. 62. art. 2. ad 3. *Qualibet virtus, inquit, est ordo amoris. Quæ verba exponens S. Thomas loco mox citato, ait: Licet charitas sit amor, non tamen omnis amor est charitas. Cum ergo dicitur, quod omnis virtus est ordo amoris, potest intelligi vel de amore communiter dicto, vel amore charitatis. Si de amore communiter dicto,*

et sic

et sic

et sic

et sic

sc dictur qualibet virtus esse ordo amoris, in quantum ad quamlibet cardinalium virtutum requiritur ordinata affectio: omnis autem affectionis radix & principium est amor. Si autem intelligatur de amore charitatis, non datur per hoc intelligi, quod qualibet alia virtus essentialiter sit charitas; sed quod omnes alie virtutes aequaliter a charitate dependant.

Idem ferme repetit Angelicus Doctor 2. 2. q. 17. art. 8. in corp. *Spes*, inquit, & omnis appetitus motus ex amore derivatur, ut supra habitum est, cum de passionibus ageretur. Amor autem quidam est perfectus, quidam imperfectus: perfectus quidem amor est, quo quis secundum se amatur; utpote cui quis vult bonum, sicut homo amat amicum. Imperfectus amor est, quo quis amat aliquid non secundum seipsum, sed ut illud bonum sibi ipsi proveniat, sicut homo amat rem quam concupiscit. Primus autem amor pertinet ad charitatem, quæ inheret Deo secundum seipsum: sed spes pertinet ad secundum amorem; quia ille qui sperat, aliquid sibi obtinere intendit. Et ideo in via generationis spes prior est charitate.

Ibidem q. 19. art. 6. in corp. *Amor sui tripliciter se potest habere ad charitatem. Uno enim modo contrariatur charitati, secundum quod aliquis in amore proprii boni finem constituit: alio vero modo in charitate includitur, secundum quod homo se propter Deum, & in Deo diligit: tertio modo a charitate quidem distinguitur, sed charitati non contrariatur: puta cum aliquis diligit seipsum, secundum rationem proprii boni; ita tamen quod in hoc proprio bono non constituat finem. Sicut etiam & ad proximum potest esse aliqua alia specialis dilectio præter dilectionem charitatis, quæ fundatur in Deo, dum proximus diligitur ratione commoditatis, consanguinitatis, vel alicujus alterius conditionis humana, quæ tamen referibilis sit ad charitatem.*

Nihil certe iis Angelici Doctoris testimoniis expressius desiderari potest, quo probetur, juxta sanctum Doctorem, dari quemdam amorem rectum & honestum, qui tamen non sit amor charitatis propriè dictæ.

Doctrinam hanc hauserat sanctus Doctor ex D. Augustino multis in locis, maximè verò Serm. 349. aliàs 52. de tempore, ubi duplicem distinguit charitatem, unam divinam, alteram humanam vel licitam vel illicitam. Sed non est hujus loci diutius in his immorari.

Observandum 3. ex modò dictis duo inferri.

Primum, nomine & auctoritate S. Augustini Janfenianos abuti, cum multa ex illo S. Doctore testimonia promiscuè congerunt, ut probent, sine charitate quamlibet hominis actionem vitiosam esse, ac verum peccatum, saltem omissionis. Certum etenim est S. Doctorem nomine charitatis non semper intelligere charitatem propriè dictam, seu amorem Dei propter seipsum, sed generatim quemlibet recti & boni amorem.

Secundum, fallum prorsus esse charitatem, vel habituales, vel actuales perfectam, vel actuales inchoatam & imperfectam necessariam esse, ut actus moralis bonus sit, non verum, saltem ex omissione, peccatum. T. 11. Conc. p. 133.
Primus error fuit Joannis Hus in Concilio Constantiensi proscriptus Sessione decima quinta. Secundus error fuit Baji, ut constat ex trigesima octava propositione inter Bajanæ. Tertius denique error, est discipulorum Baji, qui nullum actum medium agnoscunt, qui non sit aut ex charitate propriè dicta, aut ex vitiosa cupiditate; atque omnia, non tantum infidelium ope-

ra, sed etiam Fidelium, vera esse peccata, saltem omissionis, contendunt, eo ipso quo per veram charitatem actualem ad Deum, tanquam ad ultimum finem, non referuntur: unde manifestè sequitur, actus fidei, spei, timoris supernaturalis, si ex charitate non sint, vera esse peccata. Putida argutia est, quod ajunt, omissionem illam culpabilem non cadere in actionem ipsam, quæ bona supponitur ex officio & sine proximo; sed cadere in ipsum operantem. Namque si actio quælibet moralis, ut bona sit, non verum omissionis peccatum, referri ad finem ultimum ex vera charitate debeat, certè defectus illæ relationis in ipsam actionem directè cadit, eamque vitiat ac inficit: moralis enim actio, in mente adversariorum, bonitatem suam desumit, non tantum ex objecto, officio & sine proximo; sed ex relatione ad finem ultimum, quæ relatione deficiente, actio verum peccatum est, quo primum

Edir.
Lovan.
To. 3. p.
543. O.
seq. E.
dis. Re-
sh. T. 3.
p. 230.
seq.

7. To.
p. 717. E.

ac maximum amoris Dei mandatum violari clamitant. Non ab simili argutia & fraudulenta distinctione actionis, & agentis, abusus fuerat Jansenius Lib. 5. de gratia Christi cap. 21. ut efficiat timorem poenæ ex seipso quidem rectum esse, ex parte verò timentis, qui eum ex motivo charitatis non refert ad Deum, tanquam ad finem ultimum, virtuosum. Quantum porro ista remota sint & aliena à Catholica doctrina, norunt omnes Orthodoxi; habent enim virtutes fidei, ac spei, & alie morales, proprium suum objectum & motivum à charitate ipsa distinctum; quæ cum in ordine ad finem supernaturalem in actus suos erumpere non possint sine auxilio divinæ gratiæ, consequenter bonam aliquam voluntatem, & aliquid dilectionis includunt, quod nomine charitatis donari potest, non quidem propriè ac strictè sumptæ, quatenus est virtus theologica, sed generatim quatenus est amor recti, seu, ut ait Augustinus, quatenus *omnis virtus est ordo amoris*: tamen, ut advertit S. Thomas, *omnis amor non sit charitas*. Erat hic profectò D. Augustini sensus Lib. de Gratia & libero arbitrio cap. 18. cum dicebat: *Præcepto dilectionis (ut invicem diligamus) admonitum est liberum arbitrium ut quæreretur Dei donum: quod quidem sine suo fructu prorsus admoneretur, nisi prius acciperet aliquid dilectionis, ut addi sibi quæreretur, unde quod jubebatur impleveret*. Gratiam excitantem hic *dilectionem* appellat Augustinus, sicut *charitatem* dixerat esse bonam voluntatem. *Quid est charitas, nisi bona voluntas?*

Verum de hoc argumento proprius erit dicendi locus, ubi de actibus humanis & de præcepto charitatis disputatio instituenda erit: sufficiat hic nostris Theologiæ Candidatos monuisse de varia apud SS. Augustinum & Thomam nominis charitatis significatione, & abusu atque errore Jansenianorum in hoc argumento.

Observandum denique, consentire quidem omnes Theologos, perfectam esse contritionem cum informatur charitate perfecta: verum disputant de formali ratione ex qua repetenda sit charitatis, & consequenter contritionis, perfectio.

Opiniones Scholæ.

Missæ nonnullorum veterum Scholasticorum sententia, qui perfectam contritionem dixerunt eam, quæ vel formaliter informatur gratia habituali seu sanctificante, vel ipsius est effectus natura tantum posterior; atque omnem

nem de peccatis dolorem, imò & amorem Dei, qui præcedebat gratiæ habitualis infusionem, attritioni seu imperfectæ contritioni adscribebant; missa, inquam, hac opinione jam obsoleta, de qua Morinus L.8. de Pœnit. cap. 2. 3. & 4. tres dumtaxat opiniones hic expendimus.

Prima charitatem seu amorem Dei perfectum appellat eum qui est super omnia, imperfectum verò qui initialis est dumtaxat, & non super omnia: pariter contritionem perfectam eo titulo distinguit ab imperfecta, quod perfecta sit ex motivo dilectionis Dei super omnia, non verò imperfecta.

Secunda opinio in omni verò & sincero Dei amore conditionem hanc necessariò exigit, ut sit super omnia; & totam distinctionem specificam charitatis & contritionis perfectæ quæ iustificat, ab imperfecta quæ non iustificat, repetit ex gradus intensione seu remissione.

Tertia denique distinctionem hanc desumitur ex specifico motivo charitatis seu amoris Dei; huncque perfectum esse contendit amorem, qui versatur circa Deum in se summè bonum & perfectum, nullo explicito ad proprium amanti commodum respectu: illum verò imperfectum, aut saltem minùs perfectum, qui impar est ex se homini iustificando; qui versatur circa Deum ut nobis bonum, hoc est quatenus nostra est felicitas & beatitudo ultima. Primus amor vocatur amicitie & benevolentie, qui proprius est charitatis; alter vocatur concupiscentiæ, qui ad virtutem spei pertinet, ut docet S. Thomas 2. 2. q. 17. art. 8. in corp. Contritionem consequenter perfectam esse vult hæc opinio, quæ procedit ex amore Dei, quatenus in se absolute summè bonus est; imperfectam verò seu attritionem, quæ concipitur ex motivo amoris Dei quatenus nostrum est bonum, nostra felicitas & finis ultimus. Prioris amoris objectum, est bonitas Dei absoluta; posterioris verò, bonitas ad nos relativa.

Duplex verò hic cautè declinandus erroris scopulus.

Primus est Quietistarum, qui specificum charitatis motivum ita constituunt in consideratione divinæ bonitatis in se & absolute, sine ullo ad nos respectu ac ordine, ut motivum propriæ felicitatis æternæ, non solum ab actu fluente & transitorio charitatis, sed etiam ab ejus habitu permanente, non abstrahendo tantum, sed etiam excludendo rejiciant. *Datur habitualis status, ait prima propositio ex viginti quas Innoc. XII. confixit an. 1699. qui est* Res. des. Bulles p. 569. *charitas pura, & sine ulla admixtione motivi proprii interesse... Neque timor pœnarum, neque desiderium remunerationum habent amplius in eam partem. Non amatur amplius Deus propter meritum, neque propter perfectionem, neque propter felicitatem in eo amando inveniendam.* Scilicet existimant illi, posse animam ad eum perfectionis spiritualis statum fixum ac permanentem devenire, in quo sola divinæ bonitatis & infinitæ perfectionis consideratione sic tota absorpta est, ut de sua propria æterna beatitudine in Deo consequenda non tantum per abstractionem mentis amplius non cogitet, verum etiam omne istud proprii commodi & æternæ beatitudinis motivum excludat & rejiciat, nullum spei ac æternarum exercitio virtutum locum relinquens: quem errorem jam diu ab Ecclesia in veteribus Gnosticis, & ætate nostra in Molinoso ceterisque Quietistis proscriptum resellere, non est presentis nostri instituti, sed pertinet ad Tractatum de virtute charitatis & spei. In eo igitur statu animæ sui penitus oblita ac quasi torpens, non agit, sed patitur;

tur; nec desiderio suæ beatitudinis excitatur, nec ullo afficitur proficiendi studio; nec illi curæ est inordinatos concupiscentiæ motus reprimere, quibus fræna intemperanter laxat.

Alter erroris scopulus hic declinandus, est Lutheranorum, & ipsorum etiam Quietistarum, quibus placet amorem Dei ex motivo æternæ mercedis consequendæ conceptum, mercenarium esse, impurum, illicitum; ex quo virtutis spei fundamenta concuti & omnino everti nemo non videt. Constat ex dicendis Quæstione sequenti, quàm à fide Catholica alienus sit error iste.

Ab hoc duplici vitioso excessu æqualiter recedunt Orthodoxi Theologi, quamquam inter se nonnihil dissentiant circa formale ac specificum charitatis obiectum. Quamvis enim communis hæc videatur esse sententia, primum ac specificum charitatis obiectum Deum esse, quatenus in se & absolute summè bonus est ac perfectus, sunt tamen qui existimant, Deum ut nobis bonum, hoc est quatenus est nostra felicitas ac finis ultimus, esse quoque obiectum formale & specificum charitatis, non quidem primum, at secundarium saltem primario subordinatum; adeoque amorem Dei conceptum ex motivo æternæ felicitatis in Deo consequendæ, à vera & propria charitate elici contendunt. Alii verò, etsi concedant motivum æternæ felicitatis ab actu charitatis nonnisi per abstractionem mentis divelli, quia nempe eo in actu mens non attendit ad suam propriam beatitudinem, non verò per exclusionem, siquidem charitas actus spei imperat, sicut vicissim spes ad charitatem ducit; volunt tamen proprium specificum formale & adequatum motivum charitatis esse Deum in se absolute summè bonum, sine ullo ad nos explicito respectu: formale verò motivum spei esse Deum quatenus nobis bonus, seu quatenus est nostra beatitudo & finis ultimus; & consequenter amorem Dei conceptum ex motivo nostræ beatitudinis, non ad charitatem, sed ad spem referendum esse arbitrantur: atque ex eo dumtaxat capite repetendum discrimen amoris perfecti & imperfecti, seu illius qui est à charitate, quæ per se hominem Deo reconciliat, & illius qui est à spe, quæ per se non reconciliat hominem Deo sine Sacramento.

In hac gravissimorum Auctorum pugna istud saltem certum & ex utraque parte concessum videtur, quod nostræ præsentis quæstioni sufficeret, nempe actum amoris Dei qui concipitur ex motivo divinæ bonitatis in se absolute & simpliciter consideratæ, perfectiorem esse alio, qui concipitur ex motivo nostræ felicitatis æternæ, siquidem motivum istud posterius est tantum obiectum charitatis secundarium, aliud verò est primum: unde sequitur, charitatem illam & contritionem perfectam esse ac parem homini iustificando, cujus motivum primum est suprema & infinita Dei bonitas ac perfectio in se absolute considerata; illam verò non ita perfectam esse, nec parem homini iustificando ante Sacramentum, cujus motivum formale est propria felicitas in Deo consequenda. His ita præmissis, sententiam nostram sequentes Conclusiones aperient.

P R I M A C O N C L U S I O.

Omnis amor Dei essentialiter verus, debet esse super omnia; nec eo præcisè charitas & contritio perfecta distinguitur ab imperfecta, quòd ista non sit super omnia, illa verò sit super omnia.

Observe non idem nobis hic esse, amorem Dei essentialiter esse verum, & esse perfectum: prius denotat omnem & quemlibet Dei amorem generatim sumptum, prout abstrahit à perfecto vel imperfecto, & exigit essentialiter ut sit super omnia; aliàs verus non esset Dei amor: posterius designat amoris perfectionem, & ad certam speciem perfectam Dei amorem contrahit ac determinat. Hæc verò perfectio specialis non ex eo sumitur, quòd amor sit super omnia, siquidem istud omni vero Dei amori convenit; sed ex motivo speciali amoris, qui dicitur charitas, & qui occupatur circa Deum in se summè bonum & perfectum.

Observe 2. amorem Dei super omnia, quicunque sit, includere semper & necessariò formalem, vel saltem virtutalem voluntatem obervandi Dei mandata, & ipsi placendi in omnibus.

Observe 3. duobus modis amorem Dei dici posse super omnia. 1. simpliciter & absolute, cum scilicet quis seipsum in Deum explicitè refert, ita ut suum ultimum finem, tum objectivum, tum subjectivum, positivè & explicitè in Deo constituat; & hoc sensu solus amor charitatis propriè dictæ super omnia dici potest. 2. Amor Dei dici potest super omnia secundum quid & in aliquo genere; cum scilicet aliquis ita dispositus est, ut rerum omnium ac etiam propriæ vitæ dispendium potius pati velit, quàm Deum offendere, licet nondum semetipsum in Deum expresse referat, nec suum ultimum finem subjectivum in ipso reponat, quod est proprium charitatis: eo sensu nostra intelligi debet Conclusio.

Observe denique, præsentem controversiam à Concilio Tridentino definitam non fuisse, atque de industria ab istis terminis, *super omnia*, abstinuisse, cum inter dispositiones necessarias ad obtinendam justificationis gratiam, recensuit dilectionem Dei. Ita narrat oculatus testis Andreas Vega scribens in caput 5. & 6. Sessionis 6. L. 6. cap. 29. *Sancta Synodus*, inquit, *non statuit hoc loco, an dilectio Dei qua disponit ad iustitiam, sit dilectio Dei super omnia. Temperatum prorsus est à verbo, super omnia; tantùmque est definitum, dilectione Dei disponi peccatores ad iustitiam.* Ratio est, quia noluit Synodus quæstionem inter Scholasticos agitatam de amore Dei in contritione imperfecta seu attritione necessario, dirimere ac definire, ut postea dicemus. His prænotatis.

Probatur prima pars Conclusionis. 1. auctoritate Scripturæ, quæ nullum alium Dei amorem commendat, præter eum qui est super omnia; nullam aliam contritionem, quàm quæ fiat ex toto corde. Matth. 22. v. 36. *Dilige Dominum Deum tuum ex toto corde tuo, & in tota anima tua, & in tota mente tua. Hoc est maximum & primum mandatum.* Idem repetitur Marci 12. v. 30. Lucæ 10. v. 27. quæ verba de dilectione Dei summa appretiative seu super omnia, non verò intensivè & quoad gradum, intelligenda esse suprà diximus,

mus, ubi querebamus quanta esse debeat contritio. Hunc appetitiuè summum seu super omnia Dei amorem expressit Christus Matth. 10. v. 37. cum dixit: *Qui amat patrem aut matrem plus quam me, non est me dignus: Et qui amat filium aut filiam super me, non est me dignus.* Deuteronomii 4. v. 29. *Cum quaesieris Dominum Deum tuum invenses eum, si tamen toto corde quaesieris, Et tota tribulatione anime tue.* Joelis 2. v. 12. *Convertimini ad me in toto corde vestro, in ieiunio, Et in fletu, Et in planctu; Et scindite corda vestra, Et non vestimenta vestra.*

Probatur 2. ex SS. Patribus. Ex multis sufficiant

Ed. C. mel. p. 56. S. Chrysostomus Homil. 9. in cap. 5. Epistolæ ad Romanos. Cum autem, inquit, *Dei amor extiterit, tum demum omnia infra se posita habet.*

Tom. 4. part. 1. 94. 40. S. Hieronymus ad caput 10. S. Matth. exponens mox citata verba, *Ama, inquit, post Deum, patrem, ama matrem, ama filios.*

1443. C. S. Ambrosius in Lucam Lib. 7. n. 136. *Non diligere parentes, inquit, sed eos Deo præferre prohibetur.*

1443. C. S. Augustinus L. 10. Confessionum c. 29. *Minus te amat, inquit, qui tecum aliquid amat, quod non propter te amat.*

1443. C. Et Lib. de moribus Ecclesiæ Catholicæ cap. 8. *Deus nobis est summum bonum: neque infra remanendum nobis est, neque ultra querendum: alterum enim ibid. p. 692. D. periculosum, alterum nullum est.*

1443. C. Et Epistola 155. aliàs 52. ad Macedonium c. 4. *Deus, inquit, est quoniam melius invenimus; cui si diligendo aliquid vel præponimus, vel æquamus, nos 1443. E. ipsos diligere nescimus.*

Denique Sermone 159. aliàs 17. de verbis Apostoli. *Amanda, inquit, To. 5. p. 766. B. est iustitia; Et in hac iustitia amanda gradus sunt proficientium. Prius est ut amor iustitiæ non præponatur omnia que delectant. Ipse est primus gradus.*

Hanc esse communem Scholasticorum sententiam affirmat Vega L. 6. cap. 28. de Justificatione; quamquam cap. 30. observet in Doctoribus antiquis verba hæc, *super omnia*, non legi, cum exigunt amorem Dei ad justificationem, quia nempe satis intelliguntur in ipsa voce amoris Dei per se contineri. Ea tamen expressit S. Th. 3. parte 2. q. 86. art. 3. in corpore, ubi docet ad rationem vere poenitentiae requiri ut detestetur peccatum, quia est contra Deum super omnia dilectum. Et 2. 2. q. 26. art. 3. in corpore: *Super communicationem bonorum naturalium nobis à Deo factorum, fundatur amor naturalis; quo non solum homo in sue integritate natura super omnia diligit Deum, Et plus quam seipsum, sed etiam qualibet creatura suo modo.*

Probatur 3. evidenti ratione theologica. Namque

I. Nullus verus supponi potest amor Dei, qui non habeat adjunctam veram voluntatem formalem vel virtutalem servandi Dei mandata, & ipsi in omnibus placendi. Joan. 14. v. 23. *Si quis diligit me, sermonem meum servabit.* Et Epistolæ 1. c. 4. v. 20. *Si quis dixerit, quoniam diligo Deum, Et fratrem suum oderit, mendax est.* Unde veri amoris nomen non meretur simplex illa complacentia, qua quis in contemplanda divina excellentia otiosè immoratur, firmum non habens propositum observandi mandata Dei, imò conservans in corde suo affectum ad peccatum: atqui non potest haberi firmum illud propositum observandi omnia mandata Dei & ipsi placendi in omnibus, nisi amor Dei sit super omnia appetitiuè, ut dicitur; quod satis

patet se clarum & manifestum videtur. Unde merito Clerus Gallicanus in Declaratione facta in Comitibus generalibus an. 1700. loquens de dilectione Dei in Sacramento Poenitentiae necessaria, ait, non satis adimpleri posse *huius Sacramenti necessarium vitæ novæ inchoanda, ac servandi mandata divina propositum, si poenitens primi ac maximi mandati; quo Deus toto corde diligitur, nullam curam gerat; nec sit saltem animo ita preparato, ut ad illud exequendum, divina opitulante gratia, sese excitet ac provocet.*

II. Debet homo detestari peccatum, quatenus est offensæ Dei, super omnia: at fieri ne potest ut illa peccata quatenus sunt offensæ Dei, sincerè, ac ut par est detestetur, si Deo aliquid praponat?

III. Implicat in terminis, Deum diligere, & non diligere super omnia: si enim aliquid ipsi præfertur, non diligitur, sed contemnitur. Et verò cum Deus sit supremum bonum, aut verè non diligitur, aut super omnia diligitur.

Secunda Conclusionis pars ex mox dictis sequitur. Per illud enim amor Dei imperfectus à perfectò non distinguitur præcisè, quod omni vero Dei amor, sive perfectus sit sive imperfectus, convenit: atqui talis est conditio hæc, *super omnia*; ergo &c.

Confirmatur. Quia conditio ista, *super omnia*, necessaria est in omni virtute quæ circa Deum versatur. Sic Religio Deum colit supra omne adorabile; fides divina credit supra omne credibile; spes in Deo confidit supra omnia charitas etiam Deum diligit super omnia, non tantum ea, quæ dicitur amor perfectus seu amicitia & benevolentia, quo Deus ut summè in se & absolute bonus diligitur; sed etiam amor minùs perfectus, seu spei & concupiscentiæ, quo diligitur quatenus nobis bonus sub illo etenim respectu, magis amandus est Deus ab homine, quàm quodcumque bonum quod sibi posset concupiscere. Suares L. r. de gratia necessitate ad opera naturalia c. 31. n. 20. p. 372. T. r. de gratia, probat amorem concupiscentiæ esse super omnia. Idem S. Th. quodlibeto 1. q. 4. ar. 3. Quin & ipse timor, si simpliciter & propriè dictus sit ac supernaturalis, debet esse super omnia; hoc est, magis timere debet offensam Dei propter poenam, cuius est causa, quàm quodcumque aliud malum: si autem magis timeret poenam, quàm culpam seu offensam Dei, inordinatus esset; culpa enim majus est malum, quàm poena. Quamvis ergo in timore pænæ motivum seu proximum objectum sit fuga pænæ, sicut in amore concupiscentiæ motivum & objectum proximum est proprium amantis commodum; ipsa tamen Dei offensæ, est finis ultimus ad quem refertur timor, sicut possessio Dei ut nostra est beatitudo, est finis ultimus amoris spei seu concupiscentiæ: atque hoc legitimo ordine servato, & timor gehennæ bonus est, & amor Dei quatenus noster finis ultimus, laudabilis & castus. Igitur in omni virtute seu dono supernaturali quod occupatur circa Deum, semper imbibitor conditio *super omnia*.

Dices 1. Si omnis verus Dei amor sit super omnia; ergo nullus erit amor Dei incipiens, inchoatus & imperfectus, adeoque omnis amor Dei statim hominem Deo reconciliat, quod certè pugnat cum doctrina Concilii Trid. tàm Sess. 6. cap. 6. tàm Sess. 14. cap. 4. & communi SS. Patrum sententia. Sequela verò probatur, quia nihil deest in amore Dei super omnia, ad reconciliationem hominis cum Deo procurandam; & nihil aliud exigunt SS. Patres ad illam reconciliationis gratiam, quàm ut Deus rebus omnibus anteponeatur per verum amorem.

Resp.

Omnia Dei amor, ut & virtus quæ circa Deum occurrit, timor pænæ, debet esse super omnia.

Responsum. Resp. nego sequelam ant. Amor enim Dei verus & super omnia, dici potest incipiens & imperfectus tribus potissimum modis.

I. Ratione intentionis vel remissionis actus, ita ut ille amor Dei super omnia sit perfectus & per hominem sanctificando, qui est in gradu intenso, hoc est, qui summo voluntatis conatu elicitur. Modum hunc explicandi perfectionem essentialiorem amoris Dei, & illum distinguendi ab imperfecto, sequenti Conclusionem expendemus & rejiciemus.

II. Incipiens & imperfectus dicitur amor Dei comparatè ad perfectum, ratione formalis & specifici motivi, ita ut ille amor sit perfectus & verè charitatis, ac consequenter par homini sanctificando, qui elicitur ex motivo proprio charitatis, hoc est, divinæ bonitatis ac infinitæ perfectionis in se absolute consideratæ, sine ullo explicito ad proprium amantis commodum ordine ac respectu; imperfectus verò sit, aut saltem incipiens, nec ita perfectus, qui elicitur ex motivo spei, hoc est, nostræ beatitudinis in Deo consequendæ. Ex duplici illo formali motivo distincto oritur duplex distincta virtus theologica, charitas nimirum & spes. Si verò quæras cur amor Dei super omnia, qui est spei, & dicitur in Scholis concupiscentiæ amor? Respondetur, rationem esse, quia proprium est charitatis sanctificare hominem, non verò spei: nempe quia charitatis proprium est hominem intimè unire cum Deo per veram amicitiam; ac compati non potest mortale peccatum cum tali unionem: amor verò spei seu concupiscentiæ non ita conjungit per veram amicitiam.

Quod autem additur in confirmationem antecedentis, Sc. Patres nihil aliud exigere ab homine, quam ut Deum super omnia diligat, ad gratiam reconciliationis obtinendam, verum est si de amore charitatis intelligantur, ut debent intelligi; falsum verò, si intelligantur de amore quocunque, licet sit super omnia. Unus hic sufficiat instar omnium testis S. Augustinus Lib. de catechizandis rudibus cap. 17. ubi loquens de triplici hominum genere qui ad fidem Christianam veniunt, de tertio sic ait: *Qui propter beatitudinem sempiternam, & perpetuam requiem qua post hanc vitam sanctis futura promittitur, vult fieri Christianus, ut non eat in ignem æternum cum diabolo, sed in Regnum æternum intret cum Christo, verè ipse Christianus est; cantus in omni tentatione, ne prosperis rebus corrumpatur, & ne frangatur adversus; & in abundantia bonorum terrenorum modestus & temperans, & in tribulationibus fortis & patiens. Qui etiam proficiendo perveniat ad talem animum, ut plus amet Dominum, quam timeat gehennam: ut etiam illi dicat Deus, Utere deliciis carnalibus sempiternis, & quantum poteris pecca, nec morieris, nec in gehennam mitteris, sed mecum tantummodo non eris; exhorrescat, & omnino non peccet, non tam ut in illud quod timebat, non incidat, sed ne illum, quem sic amat, offendant.* Proponit ibi sanctus Doctor hominem, qui & timore porci, & amore proprii sui commoti, hoc est æternæ beatitudinis sanctis promissis consequendæ, peccatum fugit, & bonum operatur, cuius consequenter & timor, & amor est super omnia: non tamen ibi hæret ac silit, sed proficiendo pervenit ad amorem charitatis perfectum, quo nempe Deum propter Deum diligit, & eo privari pertimescit. Igitur præter amorem illum primum beatitudinis, qui incipiens, nec tam perfecte

S. Aug. aliud exigit à peccatore, quam ut timeat penam & desideret beatitudinem. To. 6. p. 281. F. Hypothetis quam adducit S. Aug. Eandem hypotheseos eleganter proponit S. Sermon in 178. 2. h. 19. de verbis A. postoli cap. 10. (To. 5. p. 853.) non in 178.

Attus

Etus est, licet super omnia, alium perfectiorem & charitatis necessarium agnovit S. Augustinus.

III. S. Thomas 2.2. q. 24. art. 9. tres distinguit charitatis gradus: *incipientium, proficientium, & perfectorum. Incipientium charitas consistit in recessu à peccato & resistentia concupiscentiis: proficientium vero, in virtutum exercitatione quibus roboratur charitas: perfectorum denique, in studio inhaerendi Deo ac eo fruendi, cum nempe dissolvi cupiunt & esse cum Christo. Qua in divisione mens S. Doctoris non est, à primo & secundo gradu excludere motivum amoris Dei super omnia, & ipsi inhaerendi, quod expresse in utroque illo gradu agnoscit ibidem in responsione ad tertium; sed hoc unum dumtaxat vult, incipientes & proficientes magis sollicitos esse de fuga peccatorum, & profectu virtutum, sicut perfectorum principalis cura non est, ut proficiant, sed ut Deo inhaereant. Audiatur Angelicus Doctor citato articulo, in resp. ad 3. *Ad tertium dicendum, quod perfecti etiam in charitate proficiunt. Sed non est ad hoc principalis eorum cura; sed iam eorum studium circa hoc maxime versatur, ut Deo inhaereant. Et quamvis etiam hoc querant & incipientes & proficientes, tamen magis sentiunt circa alia suam sollicitudinem, incipientes quidem, de vitiatione peccatorum; proficientes vero, de profectu virtutum.**

His tribus modis quibus generatim amor Dei super omnia incipiens nec ita perfectus dici potest; alius accedit, quo & ipsamet charitas, quamquam ex suo specifico ac formali motivo essentialiter perfecta, aliquo tamen sensu imperfecta dici etiam potest, ratione scilicet subjecti seu hominis, cum tam infirmus est, ut vel ad primam occasionem facile deiciatur à statu gratiae in quoratur, statim tentationi succumbens. Hanc infirmam & imperfectam charitatem habebat S. Petrus, cum dicebat Domino: *Animam meam pro te ponam*, ait S. Augustinus Lib. de Gratia & lib. arb. c. 17. quod certe eventus ipse comprobavit, quando ad ancillae interrogationem timore correptus Dominum ter negavit. Hoc sensu de charitate dixit S. Augustinus Tract. 5. in Epistolam S. Joan. cap. 3. *Nunquid mox ut nascitur, iam prorsus perfecta est? Ut perficiatur, nascitur: cum fuerit nata, nutritur: cum fuerit nutrita, roboratur: cum fuerit roborata, perficitur; cum ad perfectionem venerit, quid dicit? Mihi vivere Christus est, & mori lucrum.*

Insuper: Si amor Dei qui concupiscentiae dicitur, & est super omnia, par non foret homini iustificando, maxime absurdum incommodum sequi posset, scilicet hominem, qui Deum ut suum finem ultimum diligeret super omnia, si ante perceptum Sacramentum diem extremum clauderet, damnandum fore.

Resp. hoc idem incommodum locum habere ac solvendum in opinione eorum Theologorum; qui essentialem charitatis perfectionem reponunt in intensione gradus. Si enim quis Deum ex charitate super omnia appetitive summa diligere supponatur, quin non habeat illam gradus intensiorem necessarium, ut charitas perfecta sit, & ex se hominem Deo reconciliet; damnabitur, si eo in statu morte praeventiatur.

Eadem difficultas de timore Dei super omnia proponi potest. Itaque metaphysicae illae suppositiones in rebus practicis & moralibus non ita morose urgere debent; atque divino iudicio relinquendum, quid fiat de homine in dicta hypo-

3. Pa.
triplici
gradu,
inci-
pientium,
proficientium
& perfectorum
ex S.
Thoma.

Quartus
modus
dus ex-
poni-
tur,
quando
chari-
tas est
infirmas
propter
infirmi-
tatem ho-
minis in
quo est.
T. 10. p.
735. D.
T. 3. p. 1.
p. 8. E.

hypothefi conftituto: five Deus nunquam permittat, ex infinita fua mifericordia, hominem fic bene affectum mori fine vera contritione & charitate; five bonam ejus voluntatem, quamquam imperfectam, acceptet; five quocunque alio modo faluti illius hominis provideat.

Dices 2. Numquid verus Dei amor, quamquam incipiens, imperfectus, & nondum fuper omnia, in eò homine reperitur, qui, quantum poteft pro viribus, defiderat Deum amare fuper omnia, quique, ut loquitur Clerus Gallicanus in Comitiis an. 1700. *ita eft animo preparato, ut ad exequendum mandatum dilectionis ex toto corde, divina opitulante gratia, feſe excitet ac provocet?* Numquid pia illa voluntas ac fanctum defiderium fuſficiens eſt diſpoſitio ad Sacramentum percipiendum?

Reſp. conatum illum quo quis animo ſincero & firmo defiderat amare Deum verum reipſa includere Deum amore ſuper omnia. *Qui enim Deum mente integra defiderat*, ait S. Gregorius Magnus Hom. 30. in Evangelia, *ſam habet quem amat*. Et S. Aug. Epift. 127. alias 45. *Juſta vita*, inquit, *cum volumus, adest; quia eam ipſam plene velle juſtitia eſt; nec plus aliquid perficiendae juſtitiae, quam perfectam voluntatem requirit*. Quæ S. Doctõris verba non eò tendunt, ut velimus voluntatem amandi Deum ſuper omnia ex quocunque motivo, eſſe perfectam juſtitiam; hoc enim ad ſolam perfectam charitatem pertinet: ſed ad hoc unum adduximus, ut oſtenderemus voluntatem veram & firmam amandi Deum, eſſe ipſum Dei amorem proportionatum motivo ex quo elicitur. Clerus autem Gallicanus *excitationis* vocabulo uſus eſt, quia nihil ampliùs hac ſua declaratione voluit exigere à peccatore accedente ad tribunal Penitentiae, quam quod fuerat à Concilio Tridentino definitum, nempe *ut diligere incipi at Deum tanquam omnis juſtitiae fontem*; non exponendum neque determinando, quis & quantus eſſe debeat amor ille, an charitatis, an ſpei, an ſuper omnia vel non; quam quaſtionem Scholæ Theologiſaſtandam reliquit, pro libertate quam Eccleſia ipſis concedit.

S E C U N D A C O N C L U S I O.

Charitas & contritio perfecta non conſtituitur, nec diſtinguitur eſſentialiter ab imperfecta, per intentionem gradus: ſed charitas ex proprio ſuo motivo perfecta, in quocunque gradu eſſentialiter perfecta eſt, ac par homini ſanctificando.

Quæſtion eſt, utrùm poſſint plures eſſe vel pauciores charitatis & contritionis gradus; iſtud enim inconfefſo eſt apud omnes. *Charitas enim*, ait S. Thomas 2. 2. q. 24. art. 5. in corpore, *non augetur per extensionem ad obiecta varia; minima enim charitas ſe extendit ad omnia illa quæ ſunt ex charitate diligenda: ſed augetur tantum per intentionem gradus in ſubjecto, per hoc quòd ſubjectum magis ac magis participat charitatem*; ſeu, ut dixerat art. 4. in reſp. ad 3. *per hoc quòd charitas magis ineſt & radicatur ſubjecto*.

Quæſtio pariter non eſt, utrùm charitas, quæ ſecundum gradus augetur, dici poſſit augeri ſecundum eſſentiam: quæ controverſia merè philoſophica eſt, ſpectans ad modum quo intenditur qualitas, de qua lege, ſi vacat, Cajetanum in mox citatum S. Thomæ articulum, ubi S. Doctõr conſtendit, charitatem quæ augetur ſecundum gradus, augeri quoque ſecundum eſſen-

essentiam, duplici de causa: 1. *Quia charitas est accidens; accidentis autem totum esse est alteri inesse.* Charitas autem eo magis augetur, quo subiecto magis inheret & radicatur; ergo augetur secundum suam essentiam. 2. *Quia est virtus essentialiter ordinata ad actum; unde idem est eam augeri secundum essentiam, & ipsam habere efficaciam ad producendum ferventioris dilectionis actum.*

Verum quomodocumque appelletur gradualis illa intensio charitatis, vel essentialis, vel accidentalis, ad rem nostram parum attinet.

Quæstio enim in eo duntaxat versatur, utrum necesse sit ad essentiam charitatis & contritionis perfectæ, ut vel absolute summa sit quoad intensiorem gradus, vel comparatè solùm: hoc est, majori intensione delectat de peccato, quam de quolibet alio malo; & majori intensione diligit Deum, quam rem aliam quamcumque, vel quam diligit quodlibet creatum bonum; vel tandem ut certum quemdam fixum ac determinatum intensiōnis gradum habeat, qui soli Deo notus sit: aliquo enim ex his tribus modis necessariam esse gradus intensiōnem in charitate & contritione, nonnulli existimant Theologi, quos refert Suarez Tom. 4. in 3. part. S. Th. q. 85. art. 1. disput. 4. sect. 4.

Probatur itaque Conclusio.

I. Necesse non est charitatem & contritionem esse absolute summam intensivè. Tum quia summi illius conatus voluntas vix hac in vita capax est: unde S. Augustinus Lib. de spiritu & littera cap. 36. & Libro de perfectione justitiae c. 8. ait preceptum dilectionis ex toto corde, hac in vita perfecte impleri non posse. Nam, inquit, cum adhuc est aliquid carnalis concupiscentiæ, quod vel continendo frangitur, non omni modo ex tota anima diligitur Deus. Tum quia illius conatus ex gratiæ beneficio elicit, nullus est determinatus ac fixus terminus; nullus quippe potest assignari, quo major dari non possit. Tum quia ad veram essentialiter charitatem satis est, quod homo habitualiter totum cor suum ponat in Deo; ita scilicet quod nihil cogitet aut velit, quod dixit dilectioni sit contrarium: quæ charitatis perfectio communis est omnibus charitatem habentibus, ait S. Thomas 2. 2. qu. 24. ar. 8. in corpore. Tum denique quia constat ex cap. 21. S. Joannis, intensiorem fuisse in S. Petro Christi amorem, quam in cæteris Discipulis: interroganti enim Christo v. 15. *Simon Joannis, diligis me plus his?* respondit Petrus, *Etiā Domine, tu scis quia amo te.* In aliis ergo Christi Discipulis non erat intensivè summus amor Christi: erat tamen vera charitas per quam iusti & sancti reddebantur; ergo ad veram essentialiter charitatem necesse non est ut summa sit intensivè & quoad gradum, sed sufficit summam esse appetitivè, hoc est, ut Deus rebus omnibus anteponatur, & supra omnia diligitur, quia summè bonus & perfectus.

II. Necesse non est contritionem maximè intensam esse comparatè ad alias res, de quibus vel dolemus, vel quas amamus; quia vix intelligi potest quomodo fieri debeat illa comparatio. Vel enim fieri debet cum quolibet dolore possibili, & tunc nullus assignari amplius poterit terminus talis intensiōnis, & recidit hæc expositio in absurditatem prioris sententiæ; vel comparatio faciendæ est cum dolore vel amore quem homo aliquando habuit: at præterquam quod difficilis admodum videtur talis comparatio, necesse non est necessaria: quia fieri potest, & sæpe contingit, hominem magis in-

to *Tournely de Sacram. Poenitentiae.*

F tensè

Suarez
ibid. 3. p.
l. 4. q.
85. art.
1. sect.

4. p. 57.

tensè dolere de damno aliquo temporali, quàm de spiritali; fieri quoque potest ut magis intensè diligit creaturam, nec tamen tam grave sit ejus peccatum, ratione levioris objecti, præ alio, in quo non tam intensè voluntas mota fuit, sed quod ratione materiæ gravius est: unde sequeretur, si comparatio instituenda foret, 1. necesse esse ut dolor de damno spiritali intensior sit dolore de damno temporali: at contrarium patet esse falsum, etiam exemplo virorum sanctissimorum, ut antea agendo de quantitate contritionis, observavimus. Sequeretur 2. intensiorem contritionem necessariam esse pro peccato leviori, præ alio, in quo non tam intensa fuit voluntatis peccantis actio: at utrumque istud videtur planè absurdum. Vel denique comparatio facienda est cum dolore, quem homo actu habet dum conteritur: at non minùs id absurdum videtur, quales eo puncto temporis quo peccator de peccatis suis dolet, aliò distractam voluntatem habere supponi debeat. Adde quòd comparationem illam non exigit aut Scriptura aut praxis Ecclesiæ; atque sufficiat sic animo affectum esse poenitentem, ut rerum omnium, propriæ etiam vitæ dispendium pati potius velit, quàm Deum offendere: qua in præparatione, excessus, ut ita dicam, apprehensionis, non sumitur ab intensione, sed ab excellentia motivi, & consequenter ex substantia & essentia ipsiusmet actus, qui nobiliori modo tendit in tale objectum, & ideo ex natura sua magis conjungit voluntatem cum illo. Igitur comparativa illa intensio contritionis, non solum difficilem omnino facit viam salutis, sed etiam obscuram & perplexam.

III. Nullus certus ac determinatus intensiois gradus requiritur ad essentiam charitatis & contritionis perfectæ; sed in quocunque gradu etiam remisso, potest essentialiter esse perfecta charitas & contritio, ac par homini iustificando.

Probatur 1. ex Scriptura, negativo primùm argumento. Quia nempe nullibi assignat certum illum ac determinatum gradum necessarium ad essentiam charitatis & contritionis perfectæ. Neque enim adversarii hic se tueri possunt iis Scripturæ testimoniis, quæ amorem Dei & contritionem de peccatis ex toto corde imperant, Matth. 22. v. 38. Joelis 2. v. 12. Ea quippè, si ad rigorem litteræ sumantur, non tantùm certum aliquem, sed etiam absolutè summum intensiois gradum designant, quem tamen defensores tertiæ opinionis, quàm hic refellimus, non exigunt tanquam necessarium. Testimonia ergo hæc, ut jam non semel diximus, exponi debent de charitate & contritione summa *apprehensivè*, seu ratione motivi formalis; non intensivè, & ratione gradus.

Deinde probatur argumento positivo: Quia scilicet Scriptura, nulla facta mentione gradus & intensiois, unam exigit Dei dilectionem, ad hoc ut homo Deo gratus sit & acceptus. Proverb. 8. 17. *Ego diligentes me diligo.* Ecclesiastici 13. v. 18. *In omni vita tua dilige Deum.* Et cap. 3. v. 4. *Qui diligit Deum, exorabit pro peccatis, & continebit se ab illis, & in oratione dierum exaudietur.* Primæ Petri 4. v. 8. *Charitas operis multitudinem peccatorum.* Rationem reddit S. Paulus Rom. 13. v. 10. *Quia plenitudo Legis est dilectio.* Et Coloss. 3. v. 14. *Quia charitas est vinculum perfectionis.* Signum autem & posteriori hujus charitatis, est mandatorum Christi observatio, ipso pronuntiante Christo Domino, Joan. 14. v. 23. *Si quis diligit me, ser-*

monem meum servabitis. Et primæ Joan. 2. v. 5. Qui servat verbum Christi, verè in hoc charitas Dei perfectà est; & in hoc scimus quoniam in ipso sumus. Et cap. 4. v. 20. Si quis dixerit, quoniam diligo Deum, & fratrem suum oderit, mendax est.

Probatur 2. ex SS. Patribus, qui non tantum charitati & contritioni absolute & simpliciter, nulla injecta mentione gradus & intentionis, verum etiam incipienti seu minus provectæ & intensæ, vim sanctificandi hominem ac purgandi peccata tribuunt.

S. Chrysostomus Lib. 1. ad Theodorum lapsum n. 6. Huiusmodi, inquit, est Dei erga homines clementia: nunquam aversatur sinceram poenitentiam; sed etiam si quis in extremum improbitatis pertigerit, & hinc ad virtutis viam redire noluerit, ipsum suscipit & amplexatur, nihilque non agit, ut eum in pristinum statum restituat; quodque maioris est clementie, etsi quis non integram poenitentiam exhibeat, brevem tamen illam & ad modicum exhibitam non abnuitt, sed magnam huic mercedem tribuit. Tom. 1. p. 2. A.

Et Hom. 7. in secundam ad Timoth. Sicut ignis, inquit, ubi sylvam occupaverit, omnia purgare consuevit; ita & charitatis fervor, quocumque incidit, omnia perimit, atque petrumpt.... Ubi charitas est, omnia subla- Ed. C. mel. p. 1668.

S. Leo Epist. 82. aliàs 91. cap. 4. Misericordia Dei nec mensuras possumus ponere, inquit, nec tempora definire, apud quem nullas patitur moras vera conversio. To. 1. p. 605.

S. Augustinus infinitis penè in locis, nulla facta gradus & intentionis mentione, charitati simpliciter & absolute vim tribuit sanctificandi hominem.

Sermone 35. de Proverbiis cap. 12. aliàs de diversis 2. Deum non vides, inquit, ama, & habes. Quam multa in damnabilibus cupiditatibus amantur, & non habentur!.... Deus nobis de compendio se offert: clamat nobis, Amate me, & habebitis me; quia nec potestis amare me, nisi habueritis me. To. 1. p. 172. B. Ibid. C.

Tractatur 1. in Epist. S. Joan. cap. 1. Ante omnia, inquit, confessio, deinde dilectio: quia de charitate quid dictum est? Charitas cooperit multitudinem peccatorum.... Sola ergo charitas exstinguit delicta. Tom. 3. p. 1. pag. 830. C.

Et Tractatu 5. c. 3. Non discernuntur, inquit, filii Dei à filiis diaboli, nisi charitate. Qui habent charitatem, nati sunt ex Deo; qui non habent, non sunt nati ex Deo. Ibid. p. 860. C.

Ibidem varios quidem recenset charitatis incipientis & adultæ gradus, sed vel in ipso primo gradu essentialiter perfectam illam esse, ac iustitiam homini conferre supponit. Charitas enim inchoata, ait Libro de natura & gratia, cap. 70. inchoata iustitia est; charitas provectæ, provectæ iustitia est, charitas magna, magna iustitia. Patet hanc esse S. Doctoris mentem. T. 10. p. 164. D.

Ex Tractatu 9. in Joannem, ubi de charitate ait: Quam cum habere corperis homo, Spiritum sanctum habebit: quam si non habueris, sine Spiritu sancto eris. Et quomodo corpus tuum sine spiritu, quod est anima tua, fiverit, mortuum est; sic anima tua sine Spiritu sancto, id est, sine charitate si fuerit, mortua deputabitur. Igitur in doctrina S. Augustini, charitas etiam incipiens & inchoata, adeoque minus intensa, vitam animæ confert, id est, sanctitatem & iustitiam per Spiritum sanctum. Tom. 3. part. 2. p. 354. A. B.

Et Lib. de natura & gratia c. 38. Si, inquit, in Abel iusto charitas Dei,

T. 10. p.
146. F.

qua una verè iustus est quicumque iustus est, adhuc erat quo posset & deberet augeri; quiddam minus erat, ex vitio erat. Et cui non minus sit donec ad illam eius fortitudinem veniatur, ubi tota hominis absorbeatur infirmitas & Duo ex isto testimonio infero. Primum, charitate iustum esse; quicumque iustus est: alterum, charitatem in Abele iusto talem esse potuisse, quæ semper augeri & potuerit & debuerit: & quiddam minus illa habuit, ex vitio fuisse, nempe mortalitatis humanæ, cui peccatum saltem veniale obrepat. Ex his sic arguimus.

Charitas quæ augeri potest & debet, iustum reddit hominem, licet vitio imputetur, quod minor sit: sed charitas in quocunque gradu, præsertim remisso, augeri potest & debet: ergo charitas in gradu remisso reddit hominem iustum.

Denique S. Thomas 3. part. q. 70. art. 4. in corp. sic loquitur: *Minima gratia potest resistere cuilibet concupiscentia, & vitare omne peccatum mortale quod committitur in transgressionem mandatorum Legis: minima enim charitas plus diligit Deum, quam cupiditas millia auræ & argenti.*

Et secunda secundæ q. 24. art. 5. in corpore. *Minima charitas, inquit, se extendit ad omnia illa quæ sunt ex charitate diligenda.* Ibidem art. 10. docet, charitatem non minui, sed totaliter destrui per mortale peccatum. *Peccatum mortale, inquit, totaliter corrumpit charitatem; & effectivè, quia omne peccatum mortale contrariatur charitati; & etiam meritorie, quia qui peccando mortaliter aliquid contra charitatem agit, dignus est ut Deus ei subtrahat charitatem.*

Probatür denique rationibus theologicis.

I. Quia non potest assignari quis sit gradus ille certus, fixus ac determinatus, ut vera sit & essentialiter perfecta charitas & contritio par homini sanctificando, sed soli Deo notus esse potest, ipsis fatentibus adversariis. Ita Alexander Aletius in L. 4. Sent. q. 17. At inde sequitur, ait Canus part. 3. de Poenitentia, hominem semper invincibiliter ignorare an contritionis habendæ præcepto satisfecerit: ex quo quanta suboritur animi anxietas, quot conscientia scrupuli animam divexent, nemo non intelligit.

II. In aliis virtutibus fidei & spei non requiritur certus intensiois gradus, ut verè sint & essentialiter perfectæ virtutes: ergo neque in charitate.

III. Charitas habitualis, in quocunque sit gradu, vera est & essentialiter perfecta charitas: ergo & charitas actualis.

IV. Quæcumque averfio à Deo tanquam à fine ultimo, & conversio ad creaturam, etiam in gradu remisso, sufficit ad peccatum mortale, & ad inimicitiam cum Deo habendam, & iacturam gratiæ sanctificantis: ergo & quæcumque conversio ad Deum tanquam ad finem ultimum, etiam in gradu remisso, sufficit ad recuperandam amicitiam cum Deo: Deus quippè longè pronior est ad veniam, quam ad vindictam.

V. Charitas non destruit peccatum cui opponitur, ratione gradus & intensiois, sed ratione suæ substantiæ: quia nempe est amor Dei super omnia propter se dilecti, qui compati non potest cum peccato mortali. *Actus dilectionis Dei super omnia, inquit Bellarminus L. 2. de Iustificacione c. 16. opponitur peccato habituali, non privativè, sed contrariè, & expellit illud efficienter, sive dispositivè per modum ultimæ dispositionis, ita ut ex natura rei & infallibiliter sequatur ad illum actum infusio gratiæ & deletio peccati habitus;*
ficut

T. 4. p.
347. E.

sicut ad ultimam dispositionem in generatione humana, sequitur ex natura rei & insalubriter infuso anima rationalis: unde sine miraculo non potest post actum dilectionis Dei super omnia, manere peccatum.

VI. Denique, quia nihil potest assignari in homine qui Deum super omnia diligit ex motivo charitatis, quamquam actu remisso, quod ipsum Deo exosum & inimicum efficiat: peccatum enim detestatur, firmum habet non peccandi propositum, voluntas ejus in Deum conversa est per charitatis actum, adeoque cum Deo conjuncta per amorem, quia amicitia & benevolentia dicitur, vult Deo in omnibus placere; quid ergo deesse potest, ut iustus sit, Deo gratus & acceptus? nihil profecto.

T E R T I A C O N C L U S I O.

Distinctio specifica amoris Dei perfecti ab imperfecto, & contritionis perfectæ quæ hominem Deo ex se reconciliat, ab attritione, repetitur ex distinctis specie motivis formalibus charitatis & spei: motivum autem formale & specificum charitatis est Deus, quatenus in se absolute bonus & perfectus: motivum verò formale spei, Deus est quatenus nobis bonus, seu nostra suprema beatitudo absens, ardua & obtentu difficilis; ergo ille Dei amor perfectus est, qui elicitur ex motivo proprio charitatis; imperfectus verò seu minus perfectus, qui est ex motivo proprio spei: prior amor dicitur amicitia & benevolentia, posterior concupiscentia.

Observa 1. bonitatem esse objectum formale motivum amoris, quia, inquit S. Thomas secunda secundæ q. 26. art. 2. ad 1. *Unumquodque diligitur, in quantum habet rationem boni.*

Observa 2. ex duplici modo quo res bona considerari potest, nempe vel ut bona in se, vel ut bona amanti, quatenus ex illa commodum aliquod reportat, duplicem nasci amorem, unum amicitia, quo res amatur, quia in se bona est; alterum concupiscentia, quo amatur, quia utilis est amanti.

Observa 3. triplicem in amore finem esse distinguendum: alius nempe est subjectivus, seu *cui*, ipsa scilicet persona, in cujus commodum res amata cedit: alius dicitur formalis, seu *quo*, & est ipsamet actio qua possidetur bonum: alius denique objectivus, seu *qui*, nempe objectum quod amatur. V.g. in amore quo amatur Deus tanquam nostra suprema beatitudo, finis subjectivus seu *cui*, est persona amantis, cui desideratur beatitudo; finis *quo*, seu formalis, est actio qua Deus beatificans possidetur; finis verò *qui*, est Deus ipse, quatenus nostrum bonum: ad hunc verò finem objectivum seu *qui*, alii duo, tanquam ad ultimum, implicite referri & ordinari debent; aliàs amor inordinatus foret & perversus. V.g. si quis in amore beatitudinis ita seipsum consideraret, ut Deum ad se, non se ad Deum implicite referret, haud dubie præposterè amaret. Pariter neque ipsa actio qua formaliter Deus possidetur, debet esse finis ultimus *cui* in amore beatitudinis æternæ homo inhæreat: actio quippe illa est creata, finis autem hominis ultimus non est in re aliqua creata constituendus. Solus ergo Deus, quatenus nostra beatitudo, debet esse finis ultimus, ad quem nostra omnia referamus. Recole quæ paulò antè diximus in confirmationem secundæ partis Conclusionis primæ præsentis Articuli primi.

Observe 4. virtutes distinguantur ab invicem per sua specifica & formalia motiva.

Observe 5. quòd, etsi motivum formale charitatis sit distinctum à motivo formali spei, charitas tamen sive in actu suo, sive in habitu, positivè non excludit spem, ejusque motivum formale. 1. Non excludit in actu suo: etsi enim possit quis actum perfectæ charitatis elicere, & Deum propter seipsum amare, sine ullo explicito ad proprium suum commodum respectu, hunc tamen respectum positivè non excludit nec rejicit, sed ab eo dumtaxat abstrahit, quia ex motivo illius tunc homo non operatur, nec ad illum mentem suam convertit. 2. Non excludit in habitu, ut volunt Quietistæ; quin imò potius charitas inclinatur ad actus spei, quos etiam imperat.

Observe denique, præsentis loci non esse, demonstrare amorem Dei ex motivo spei, seu ex motivo nostræ beatitudinis in Deo consequendæ elicitum, casum esse, bonum, non mercenarium; quam controversiam Questioni sequenti, ubi de attritione, expendemus. Unum ergo intendit Conclusio nostra, scilicet amorem Dei eo ipso perfectum esse, quo elicitur ex motivo proprio charitatis, quo nempe Deus diligitur propter seipsum, quia in se summè bonus est ac perfectus; eum verò amorem esse minùs perfectum, qui elicitur ex motivo proprio spei, hoc est beatitudinis æternæ in Deo consequendæ.

Probatur itaque Conclusio. 1. quoad primam partem, nempe distinguere amorem Dei perfectum ab imperfecto, & contritionem perfectam ab imperfecta seu attritione, ex motivis formalibus charitatis & spei: quia nempe distinctio specifica alicujus actus vel habitus virtutis non aliunde repeti potest, quàm ex motivis specificis & formalibus distinctis illarum virtutum: at certum est ex fide, charitatem & spem duas esse distinctas virtutes; debent igitur habere, & de facto habent motiva formalia distincta; ergo amor Dei qui ex motivo proprio charitatis elicitur, distinguitur essentialitèr & formalitèr ab alio amore qui elicitur ex motivo proprio spei; ergo si cut charitas perfectior est spe, & justificat hominem, non verò spes, ita amor, charitatis perfectior est amore spei, & ille, non verò iste, hominem Deo ex se reconciliat, in quo posita est secunda Conclusionis nostræ pars.

II. Probatur secunda pars Conclusionis ex SS. Patribus, qui Deum in se summè bonum & perfectum, abstrahendo à proprio amantis commodo, assignant tanquam proprium charitatis & perfecti amoris objectum, juxta illud primæ Cor. 13. v. 5. *Charitas non quaerit quæ sua sunt.* Ergo charitas in Deum propter Deum tendit.

S. Clemens Alexandrinus L. 4. Stromatum, Existimo, inquit, neque propter metum supplicii, neque propter aliquam doni promissionem, sed propter ipsum bonum oportere accedere ad Verbum salutare.

Regina

355. B.

Ibid. p.

386. B.

Ibid. D.

Ibidem. Sola autem quæ propter charitatem fit beneficentia, propter ipsum bonum est expetenda ei qui est cognitione præditus. Et paulò post: Si quis ergo per hypotesin ei qui est cognitione præditus, proposuerit, utrum malis Dei cognitionem, an salutem æternam, sint autem ea separata, cum sint omnino eadem; nihil penitus dubitans elegerit Dei cognitionem, propter se judicans esse expetendam eam quæ fidem transcendit per charitatem ad cognitionem, proprietatem. Hac est ergo prima eius, qui est perfectus, beneficentia, quando non fit propter aliquem usum eorum quæ ad se pertinent.

Ibi-

Ibidem. Qui nuda vocationi, quatenus vocatus est, obedit, is neque propter timorem, neque propter voluptates, tendit ad cognitionem. Non enim considerat an aliquod utile lucrum vel delectatio aliqua extrinsecus consequatur, sed tractans à dilectione eius qui verè est amatoris, & ad id quod fieri oportet adductus, pius est Deicultor. Unde nec si per hypotesin à Deo acceperit potestatem faciendi ea quae sunt prohibita, citra ullam poenam; neque si propter à Beatorum bona accepturum eum esse ei promissum fuerit.... in animum unquam esse inducitur, ut aliquid agat praeter rectam rationem, cum id quod verè est honestum, & ex seipso eligendum, & ea ratione expetendum amandumque, semel elegerit.

Denique Libro 6. Non est utique charitas eius qui diligit, appetitio, sed est benevola & firma coniunctio in unitatem fidei.

S. Basilius Prooemio in Regulas fusiùs tractatas circa finem, Aut enim, inquit, supplicii metu à malo declinamus, versamurque in affectu servili; aut mercedis fructus requirentes, ob nostram ipsorum utilitatem mandata explemus, & hoc pacto mercenariis efficiamur similes; aut ob ipsum honestum, charitatemque erga Legislatorem nostrum, gaudentes quòd digni simus habiti, qui tam glorioso ac bono Deo serviamus, & ita demum ut filii efficiamur.

S. Gregorius Nazianzenus Orat. 3. Hominibus placere, inquit, parum admodum curamus: id unum expetentes, ut honorem à Deo consequamur. Imò sublimius etiam asurgimus, (de iis loquor, qui verè Philosophi, veroque Dei amore pradii sunt) quippe qui summo bono coniungi propter ipsum summum bonum exoptantes; non autem propter honores in altero aëvo reconditos. En amor perfectus.

S. Ambrosius Lib. 4. de interpellatione David cap. 11. Qui illum sequitur, inquit, non pramiam ducitur ad perfectionem, sed perfectione consummatur ad pramium. Imitatores enim Christi non propter spem boni sunt, sed pro amore virtutis.

S. Hieronymus Epist. 146. ad Damasum. Qui debet, inquit, non ideo imperata custodit, quia aut timore poenarum, aut pramii aviditate compellitur, sed quia hoc ipsum quod à Deo iubetur, est optimum.

S. Chrysostomus Hom. 76. in Joan. Boni etiam & studiosi, ait, etiam si sine pramii respectu, ipsius (virtutis) pulchritudinem intuentur, & propterea eam complectuntur: & ut Deo placeant, non propter mercedem rectè agunt. Et Hom. 4. in secundam ad Corinthios, Cum peccaveris, inquit, ingemisce, non quòd poenas daturus sis, (nihil enim hoc est) sed quòd Dominum Deum tuum offenderis, tam benignum, tam te amantem &c. Atque hinc vulgata & in ipsis etiam Catechismis exposita formula eliciendi actum contritionis de peccatis, propter Deum in se infinitè bonum.

S. Augustinus L. 3. de doctrina christianac. 10. definit charitatem, motum animi ad fruendum Deo propter seipsum, & se & proximo propter Deum. Frui autem, juxta S. Doctorem, ibid. L. 1. cap. 4. est amore inherere alicui rei propter seipsam.

Et Sermone 142. de verbis Evangelii Joan. 14. aliàs 54. de verbis Domini, & 34. ex Hom. 50. cap. 7. sic loquitur: Ergo amandus erat Deus; & amandus est Deus, ut, si fieri potest, nos ipsos obliviscamur.

Et Enarratione in Psalm. 53. Laudetur (Deus) voluntate, inquit, ametur charitate: gratuitum sit quod amatur, & quod laudatur. Quid est gratuitum à Ipse propter se, non propter aliud. Si enim laudas Deum ut det tibi aliquid aliud, tam non gratis amas Deum..

Alibi, praesertim verò L. de catechizandis rudibus cap. 17. antea citato inter probationes secundae partis primae Conclusionis praesentis Articuli, perfecti amoris Dei characterem depingit in eo homine, qui, etsi posset (ex falsa hypothefi) suis indulgere voluptatibus, sine ullo damnationis & supplicii metu, cum bonorum omnium temporalium abundantia, inò nec cum necessitate moriendi, peccare tamen vel eo solum reformidaret, quòd Deum, quem amat, offenderet; qua sanè in hypothefi, homo ille unius amoris Dei propter se motivo duceretur.

Hanc SS. Patrum doctrinam conspirantibus votis sequuti sunt omnes Scholæ Theologi, cum egerunt tum de objecto formali motivo charitatis & spei; tum de distinctione utriusque virtutis; tum de praëminencia charitatis supra spem. Unus caterorum instar nobis hìc sufficiet S. Thomas.

Secunda secundae q. 17. art. 8. cui titulus, *Utrum charitas sit prior spe*, in corpore articuli sic loquitur: *Amor quidam est perfectus, quidam imperfectus. Perfectus quidem amor est, quo aliquis secundum se amatur, utpotè cui aliquis vult bonum, sicut homo amat amicum. Imperfectus amor est, quo quis amat aliquid non secundum ipsum, sed ut illud bonum sibi ipsi proveniat, sicut homo amat rem quam concupiscit. Primus autem amor pertinet ad charitatem, qua inhaeret Deo secundum seipsum: sed spes pertinet ad secundum amorem, quia ille qui sperat, aliquid sibi obtinere intendit. Et ideo in via generationis spes est prior charitate: sicut enim aliquis introducit ad amandum Deum, per hoc quòd timens ab ipso puniri, cessat à peccato ita etiam spes introducit ad charitatem, in quantum aliquis sperans remunerari à Deo, accenditur ad amandum Deum & servandum praecepta eius: sed secundum ordinem perfectionis, charitas prior est naturaliter; & ideo adveniente charitate, spes perfectior redditur.*

Eadem q. art. 6. in corpore. *Virtus aliqua, inquit, dicitur esse theologica, ex eo quòd habet Deum pro objecto cui inhaeret. Potest autem aliquis aliqui inhaerere dupliciter, uno modo propter seipsum; alio modo in quantum ex eo in aliud devenitur. Charitas ergo facit hominem Deo inhaerere propter seipsum, mentem hominis uniens Deo per affectum amoris: spes autem & fides faciunt hominem inhaerere Deo, sicut cuidam principio ex quo aliqua nobis proveniunt. De Deo autem provenit nobis & cognitio veritatis, & adeptio perfectae bonitatis. Fides ergo facit hominem Deo inhaerere, in quantum est nobis principium cognoscendi veritatem spes autem facit Deo inhaerere, prout est in nobis principium perfectae bonitatis, in quantum scilicet per spem divino auxilio innititur ad beatitudinem obtinendam. Et in responsione ad tertium. Dicendum, inquit, quòd spes facit tendere in Deum, sicut in quoddam bonum finale adipiscendum, & sicut in quoddam adiutorium efficax ad subveniendum: sed charitas propria facit tendere in Deum, uniendo affectum hominis Deo, ut scilicet homo non sibi vivat, sed Deo.*

Et q. 26. art. 3. in resp. ad 3. *Quòd aliquis, inquit, velit frui Deo, perit ad amorem quo Deus amatur amore concupiscentiae. Magis autem amamus Deum amore amicitiae, quam amore concupiscentiae; quia melius est in se bonum Dei, quam bonum quòd participare possumus fruendo ipso. Et ideo simpliciter homo magis diligit Deum ex charitate, quam seipsum.*

Idem docet q. 27. art. 3. ad 3. & q. 28. art. 1. ad 3. *De Deo, inquit, potest*
esse

esse spirituale gaudium dupliciter: uno modo, secundum quod gaudemus de bono divino in se considerato; alio modo, secundum quod gaudemus de bono divino, prout à nobis participatur. Primum autem gaudium melius est, & hoc procedit principaliter ex charitate: sed secundum gaudium procedit etiam ex spe, per quam expectamus divini boni fructum.

Atque ex dignitate & excellentia motivi quo Deus propter seipsum diligitur, charitas habet ut hominem Deo reconciliet, non verò spes: de charitate enim dictum est, non de spe, Charitas operis multitudinem peccatorum, primæ Petri 4. Translati sumus de morte ad vitam, quoniam diligimus fratres. Qui non diligit, manet in morte, primæ Joan. 3. Plenitudo Legis dilectio. Rom. 13. Charitas est vinculum perfectionis. Coloss. 3. Maior bonum est charitas, primæ Cor. 13. Perfecta ista charitate flagrabat Apostolus, cum dicebat Philipp. 1. v. 23. Cupio dissolvi & esse cum Christo. Et v. 21. Mihi vivere Christus est, & mori lucrum.

Rationem præminentie charitatis hanc reddit S. Thomas secunda secundæ q. 23. art. 6. In corp. Inter virtutes theologicas, inquit, illa est posterior, quia magis Deum attingit: semper autem id quod est per se, melius est eo quod est per aliud: fides autem & spes attingunt quidem Deum, secundum quod ex ipso provenit nobis vel cognitio veri, vel adeptio boni; sed charitas attingit ipsum Deum, ut in ipso sis, non ut ex eo aliquid nobis proveniat. Et ideo charitas est excellentior fide & spe. Et in resp. ad 3. Idem bonum est obiectum charitatis & spei; sed charitas importat unionem ad illud bonum, spes autem distantiam quamdam ab eo. Et inde est quod charitas non respicit illud bonum ut arduum, sicut spes: quod enim iam unitum est, non habet rationem ardui; & ex hoc apparet, concludit S. Thomas, quod charitas est perfectior spe.

Solvuntur Objectiones adversus secundam Conclusionem.

Obijcies 1. contra secundam Conclusionem. Scriptura gradus intensiorem requirit, tum in amore Dei, tum in contritione de peccatis. Matth. 22. v. 38. Diliges Dominum Deum tuum ex toto corde tuo, & in tota anima tua, & in tota mente tua. Joelis 2. v. 12. Convertimini ad me in toto corde vestro. Huic intenso amoris, non alteri, veniam peccatorum Deus concedit. Lucæ 7. v. 47. de peccatrice muliere dicitur: Remittuntur ei peccata multa, quoniam dilexit multum. Hanc pariter intensam & ferventem de peccatis contritionem animo conceptam habebat David, cum dicebat Psalmo 37. v. 9. Afflictus sum nimis, rugiebam à gemitu cordis mei.

Resp. dist. ant. Scriptura gradus intensiorem requirit, tum in amore Dei, tum in contritione de peccatis, ut quid optimum & exoptandum, P. 384. concedo: ut necessarium ad essentiam amoris perfecti, & contritionis perfectæ, nego. Ita respondet Vega L. 13. c. 14.

Ad primum testimonium ex c. 22. S. Matth. scriptum jam dictum est, his verbis exprimi amorem Dei summum appetitivè, non verò intensivè. Vide supra Qu. 3. in responsione ad quartam questionem de quantitate contritionis.

Ad secundum testimonium ex capite 2. Joelis, sensus est, contritionem extensivè summam esse debere, quia ad omnia ferri debet peccata, nullius resecto affectu; ita ut non sit divisum penitentis cor inter Deum & creaturas.

Adter-

Ad tertium & quartum testimonium; inde quidem rectè concludi potest, optimam esse ad optandam amoris Dei & contritionis de peccatis vehementiam, quæ & in muliere peccatrice & Davide meritò suspicitur; at plane necessariam illam esse ad essentiam amoris & contritionis perfectæ, adeoque ad obtinendam veniam peccatorum, inde non probatur: quamquam istud, *dilexit multum*, rectè intelligi potest de magnitudine amoris appetitiva; qui enim Deum super omnia diligit ex motivo charitatis & paratus est omnium rerum dispendium, etiam propriæ vitæ, potius pati, quàm Deum offendere, ille certè multum diligit.

Objicies 2. SS. Patres quos refert Marinus L. 1. de Penit. c. 14. pro majore peccatorum gravitate, eò majorem & intensiorem exigunt à penitente dolorem, contritionem & satisfactionem, sicut ex infra dicendis suo loco patebit. Catechismus ipse Concilii Tridentini parte 2. de Pœnitentia n. 46. docet, contritionem adeo vehementem, acrem & incensam esse oportere, ut doloris acerbitas cum scelerum magnitudine æquari conferrique possit. Magnam verò esse hujusce Catechismi auctoritatem probant insignia testimonia SS. Pontificum & aliorum virorum illustrium, à quibus approbatus fuit; quæ legere poteris in Apparatu ad Catechismum art. 3.

Resp. 1. cum Vega jam citato, SS. Patres indicare quid deceat & optandum sit, non quid sit absolutè necessarium.

Resp. 2. eos loqui ut plurimum de remissione peccati, quoad pœnam temporalem quæ superest luenda post condonatam culpam, cui profectò penæ, ut à Deo remittatur, æqua & proportionata respondere debet afflictio spiritus & corporis; hoc est, condigna satisfactio per opera laboriosa, sicut infra ostendemus.

P. 115.
col. 1. E.

Respondet 3. Etlus in 4. dist. 16. par. 7. SS. Patres exponi posse de majore vel minori dolore pro mensura offensæ, appetitativo, non intensivo: Quia, inquit ille, sicut peccata alia aliis graviora sunt, ita magis de uno quàm de alio ratione gravitatis eorum dolere debet peccator, magis, inquam, appetitativè, non intensivè. Et si enim omnia peccata ita sint detestanda, ut nullius rei gratia velit homo aliquod eorum committere, nequidem ad aliud peccatum evitandum, magis tamen ea fugere debet, quibus Deus gravius offenditur; & proinde etiam pro iis commissis dicto jam modo, id est, appetitativè magis dolere. Non autem oportet ut de iis doleat magis intensè, quia sicut citra culpam potest magis intensè dolere de malis temporalibus quàm de peccato; ita & magis de leviori peccato, quàm de graviore, concurrentibus videlicet aliis causis, quæ dolorem minoris peccati reddant magis intensum, ut infamia, turpitudine, damno & similibus. Ita Etlus.

Resp. 4. ad Catechismum Concilii Tridentini, non tantam esse illius auctoritatem, ut in rebus inter Theologos salva fide controversis, necesse sit ad sententiam auctorum illius accedere. Et verò multa illi docent, quæ bene multis non probantur Theologis: v. g. aquam Calicis Eucharistici prius converti in vinum, quàm in Sanguinem Christi; admixtionem balsami essentialem esse in Sacramento Confirmationis, & alia hujusmodi non pauca, in quibus, salva quæ debetur Catechismo reverentia, ab auctoribus illius recedunt Scholæ Magistri. Non itaque hic pugnandum Scriptorum recentiorum auctoritate, sed Scripturæ, veterum SS. Patrum, & certissimis rationum theologicarum momentis ac præsidiiis.

Obji-

Obijcies 3. *Æquum videtur ac planè necessarium, ut peccator, qui Deum summè offendit, nec ipsi ad condignum pro offensa satisfacere potest, toto saltem sibi possibili conatu offensam detestetur.*

Resp. nego sequelam antecedentis. Namque etsi summa sit offensa Dei, ratione dignitatis objecti infiniti, nempe Dei qui offenditur, non tamen semper summa esse debet intensivè ratione conatus, seu intensiōis in voluntate peccante; atque ad compensationem injuriæ Deo illatæ, satis est, si summa sit appetitivè ejus ad Deum conversio.

Instabis. Non potest dolor esse summus appetitivè, & remissus intensivè; quia id quod movet ad appetitionem, movet quoque ad intensiōem actus: imò intensio doloris in voluntate, sequitur magnitudinem doloris ex appetitione objecti. Sic v.g. filius magis dolet de morte patris, quàm amici; quia pluri facit patrem, quàm amicum: si ergo quis magis intensè dolet de re aliqua libet, quàm de offensa Dei, signum est, non satis in eo firmam esse fidem, eumque pluri æstimare rem illam, quàm Deum.

Adde quòd inordinatum esse videtur, ut homo intensius doleat de malo temporali, quàm de offensa Dei, licet appetitivè magis fugiat peccatum, quàm quodcunque malum temporale.

Resp. nego ant. Namque ex diverso capite oritur appetitio objecti, & actus intensio. Appetitio quidem, ex præstantia & dignitate objecti; intensio verò ex magna & vehementi applicatione seu conatu facultatis erga objectum, quod tale est aliquando, ut etsi magis æstimetur appetitivè, non tamen ita movet & afficit voluntatem, sicut aliud objectum, quod non tanti sit. Res declarari potest & illustrari exemplo matris, quæ parvulum filium intensiori amore prosequitur, licet natu majorem amore minùs quidem intenso, sed majori appetitivè diligat, cujus vitæ conservationem præfert vitæ junioris.

Ad id quod additur: fatemur quidem esse quid inordinatum, ut voluntas rationalis amore intensiori feratur in creaturam, quàm in Creatorem, & intensius oderit quodcunque aliud malum, quàm peccatum; quemadmodum inordinatum est, ut caro concupiscat adversùs spiritum, ut pars animæ inferior plenè & perfectè subdita non sit superiori: verùm hæc inordinatio appendix est naturæ nostræ infirmæ & corruptæ, quæ vitio & culpæ non imputatur, cum homo Deum super omnia appetitivè diligat: neque enim hac in mortali vita perfectè impleri potest mandatum dilectionis Dei, sed *ille hæc in vita multum profecit*, ait S. Augustinus L. de sp. & littera c. 36. T. 10. p. 123. C.
qui quam longè sit à perfectione iustitiæ, proficiendo cognovit.

Obijcies 4. Esto charitas sit essentialiter perfecta in quocumque gradu, non potest tamen mortale peccatum, vel formaliter vel effectivè expellere sine certa intensiōe seu magnitudine gradus; quia non opponitur peccato mortali ratione suæ substantiæ, sed ratione gradus. Sic v.g. etsi scintilla ignis sit verus essentialiter ignis, impar tamen est comburendo ligno vel expellendo frigori, quia sufficientem non habet activitatis seu intensiōis gradum.

Resp. nego ant. ejusque probationem. Ad paritatem, dico alium longè modum esse actionis spiritualis, & physicæ: actio physica, qualis est ignis comburentis, vel calefacientis, non fit nisi successivè applicando actui passi-

vis;

vis, ut ajunt Philosophi; nihil ergo mirum, si & certam temporis mensuram, & certum intensiōis seu activitatis gradum exigeret non ita spiritalis actio, qualis est justificatio hominis per charitatem, quae fit instanti, non ratione gradus, sed substantiae ipsius charitatis seu amoris Dei super omnia. Potest quidem charitas illa esse tam remissa & infirma ratione subiecti, ut citò evanescat, propter infirmitatem hominis, qui tentatione facile vincitur, ut antea diximus: sed quamquam accidentaliter imperfecta fuerit charitas, id est minus perfecta defectu intensiōis, vera tamen fuit charitas quoad essentiam, veramque homini contulit sanctitatem, quamquam maxime fluxam, labilem & caducam.

Solvuntur Objectiones adversus tertiam Conclusionem.

Philipp. 1. v. 23. Objicies 1. Amor quo S. Paulus dissolvi cupiebat & esse cum Christo, est amor perfectae charitatis ex S. Thoma secunda secundae q. 24. art. 9. & ex S. Bonaventura in 3. dist. 27. art. 2. qu. 2. sed hujus amoris motivum erat unio cum Christo, seu aeterna beatitudo in Deo consequenda; ergo motivum propriae beatitudinis pertinet ad charitatem.

T. 3. p. 1. p. 10. A. Confirmatur 1. ex ipsamet definitione charitatis quam tradit S. Augustinus Lib. 3. de doctrina christiana cap. 10. *Charitas est motus animi ad fruendum Deo propter seipsum; & se, & proximo propter Deum.* At fructio illa concipi non potest sine motivo proprii commodi, seu propriae felicitatis in Deo consequendae.

Confirmatur 2. Quia omnis amor essentialiter est unio quaedam amantis cum re amata: unio verò illa essentialiter includit respectum mutuum extremorum quae uniuntur, nempe amantis & rei amatae; ergo non potest separari à motivo specifico charitatis & unionis quam importat motivum propriae beatitudinis in Deo dumtaxat consequendae.

Resp. dist. min. Hujus amoris motivum erat unio cum Christo, propter summam ejus bonitatem, ac perfectionem in se absolute consideratam, concedo: propter beatitudinem, qua nos beatos reddit, nego. Distinguo quoque hanc propositionem: Hujus amoris motivum erat beatitudo aeterna obiectivè sumpta, hoc est, Deus ipse in se bonus, qui est beatitudinis nostrae obiectum, concedo: aeterna beatitudo formaliter sumpta, hoc est, possessio ipsa Dei, quatenus nos actu & formaliter beatos reddit, nego. Itaque perfectum fuisse S. Pauli amorem, cum dicebat, *Cupio dissolvi & esse cum Christo*, nullus dubitat; sed tota quaestio est, quodnam fuerit hujus amoris formale motivum. Contendimus non aliud fuisse, præter summam & infinitam Dei perfectionem in se consideratam, non verò quatenus ex illa nobis bonum proveniunt. Ita enim S. Thomas citatus secunda secundae q. 17. art. 6. in corp. *Charitas, inquit, facit hominem Deo inherere propter seipsum, mentem hominis uniens per affectum amoris. Spes autem & fides faciunt hominem inherere Deo, sicut cuidam principio, ex quo aliqua nobis proveniunt.*

P. 1. de gratia p. 443. col. 1. A. Duobus quippe modis, inquit Suarez Lib. 2. de necessitate gratiae cap. 13. n. 23. potest quis amare sibi beatitudinem; uno modo in suum commodum, seu ut est bonum sibi, ita ut haec sit proxima ratio amandi tale bonum, & hic est proprius amor concupiscentiae, specie distinctus ab amore charitatis: alio modo po-

test

est quis amare sibi beatitudinem immediate & proximè propter gloriam Dei, & ut illum tanquam amicum præsentem habeat, & gaudet de bonis eius; & hic amor, licet materialiter (ut ita dicam) possit denominari concupiscentia, respectu boni beatitudinis, quod quis sibi amat, formaliter verò, & quoad motum est amor amicitie. De hoc ergo posteriori amore amicitie rectè dicitur esse actum charitatis, quis ex formali eius motu elicitur; & tale erat desiderium Pauli ad Philippenses 1. desiderantis dissolvi & esse cum Christo.

Ex quibus facile solvitur prima & secunda Objectionis factæ confirmatio. Potest enim quis velle alio frui & cum eo uniri, vel propter rem ipsam in se, quod proprium est charitatis, quæ est motus animi ad fruendum Deo propter seipsum, ait S. Augustinus citatus; vel propter commodum quod ex percipitur, quod proprium est spei, & amoris qui dicitur concupiscentia.

Objicies 2. auctoritatem S. Thomæ, qui tria docet Conclusioni nostræ planè adversa.

I. charitatem esse amorem Dei quo diligitur ut beatitudinis objectum. Ita Prima. secundæ q. 65. art. 5. ad 1. Charitas, inquit, non est qualiscunque amor Dei; sed amor quo diligitur ut beatitudinis objectum, ad quod ordinatur per fidem & spem.

Eadem parte q. 15. art. 4. in corp. Vita æterna consistit in æterna Dei fruitione: motus autem humane mentis ad fruitionem divini boni est actus proprius charitatis, per quem omnes actus aliarum virtutum ordinantur in hunc finem, secundum quod aliæ virtutes imperantur à charitate.

Secunda secundæ q. 23. art. 4. in corp. Proprium objectum amoris, inquit, est bonum. Et ideo ubi est specialis ratio boni, ibi est specialis ratio amoris: bonum autem divinum, in quantum est beatitudinis objectum, habet rationem specialem boni, & ideo amor charitativus, qui est amor hujus boni, est specialis amor.

II. Docet duplex esse charitatis motivum: unum primarium, nempe Dei bonitas in se considerata; alterum secundarium à primario inseparabile, nempe Dei bonitas ad nos relativa, id est quatenus nostra est beatitudo. Ita

Secunda secundæ q. 23. art. 5. in responsione ad 2. Charitate, inquit, diligitur Deus propter seipsum: unde una sola ratio diligendi attenditur principaliter à charitate, scilicet divina bonitas, quæ est ejus substantia, secundum illud Psalmi 115. Confitemini Domino quoniam bonus. Alia autem rationes ad diligendum Deum inducentes, sunt secundariæ & consequentes ex prima.

III. Docet amicitiam charitatis fundari super communicationem beatitudinis. Ita secunda secundæ q. 23. art. 1. & 2. in corpore. Erq. 25. art. 10. in corp. Amicitia charitatis, inquit, fundatur super communicationem beatitudinis æternæ, in cujus participatione communicant cum Angelis homines. Idem repetit art. 12. & q. 26. art. 2. in corpore. Amicitia charitatis, inquit, fundatur super communicationem beatitudinis, quæ consistit in Deo essentialiter, sicut in primo principio, à quo derivatur in omnes qui sunt beatitudinis capaces. Et ideo principaliter & maxime Deus est ex charitate diligendus; ipsæ enim diligitur sicut beatitudinis causa.

Resp. ad primum, maximum est inter ista duo discrimen, scilicet charitatem esse amorem Dei quo diligitur ut beatitudinis objectum, & charitatem tendere in Deum ex motivo beatitudinis in ipso consequendæ. Prius mo-

ritò

ritò dixit S. Thomas, Deus enim est beatitudinis, sicut & charitatis obiectum, quia summè bonus & perfectus est in se, ac pertinet ad summam Dei perfectionem, quòd sit nostræ beatitudinis obiectum; nisi enim summè perfectus esset, nostra non foret beatitudo: charitas verò ex proprio suo & formali motivo non tendit in Deum, quatenus est nostrum bonum seu nostra beatitudo. Unde rectè observat Sylvius in secundam secundæ S. Thomæ

*Edi- Anim-
erp. 1681
1. 3. p.
125. col.
1. D.*
q. 23. art. 4. S. Doctorem non dixisse, Deum, quatenus est auctor nostræ beatitudinis, seu in quantum ab eo provenit nostræ beatitudo, esse obiectum charitatis; sed simpliciter dixisse Deum ut obiectum nostræ beatitudinis amore charitatis diligi, quia, pergit ibidem Sylvius, fœus obiectum beatitudinis est Deus secundum se, (Videbimus enim eum sicuti est) ita etiam obiectum charitatis est idem Deus, secundum quod in se est.

Addit Suarez Disputatione 1. de obiecto materiali & formali charitatis, sectione 2. n. 4. S. Thomam secundæ secundæ q. 23. art. 4. hoc sensu dixisse, speciale obiectum charitatis esse bonum divinum ut est beatitudinis obiectum quia Deus ut obiectum beatitudinis non amatur propter aliud tanquam propter finem: finis enim ultimus ut sic, non amatur propter alium.

Neque aliud evincunt laudata S. Doctoris testimonia.
Prima secundæ q. 65. art. 5. probandum sibi sumit, charitatem non posse esse sine fide & spe; & respondens ad primam objectionem, nempe posse hominem amare Deum naturaliter sine præsupposita fide, meritò ait charitatem non esse qualemcumque Dei amorem, sed amorem quo diligitur Deus ut beatitudinis obiectum, ad quòd ordinamur per fidem & spem: quo in ratiocinio hoc unum ad propositum suum facit, nempe Deum ut beatitudinis obiectum, esse quoque obiectum charitatis: non potest autem Deus ab homine considerari ut obiectum beatitudinis, sine fide & spe; adeoque non potest esse charitas sine fide & spe.

Eadem parte q. 114. art. 4. cum ait, motum humanæ mentis ad fruitionem divini boni esse proprium actum charitatis, sic intelligi debet, interprete eodem Sylvio in hunc locum, ut loquatur de motu in Deum, quo tanquam summo bono sumus aliquando fruituri; non verò de motu in ipsam fruitionem. Constat enim, addit ille, ipsius doctrinam esse, quòd charitas per primum & principalis fertur in Deum propter seipsum, quàm in eius fruitionem; cum ille prior actus sit amor amicitia, alius autem concupiscentia. Ita Sylvius.

Quo verò sensu secundæ secundæ q. 23. art. 4. dixerit, bonum divinum, in quantum est obiectum beatitudinis, esse quoque obiectum charitatis, patet ex dictis paulò antè, tum ex Sylvio, tum ex Suare.

Cum verò secundæ secundæ q. 25. art. 13. & qu. 26. art. 1. & 2. docet charitatem tendere in Deum, ut est principium & prima causa nostræ beatitudinis; beatitudinem iis in locis apertè considerat, non ratione termini, seu ipsius fruitionis Dei, quæ homo beatus redditur formaliter, sed ratione principii, seu ratione divinarum perfectionum, per quas Deus ipse est principium & causa nostræ beatitudinis.

Ad secundum: Nusquam S. Thomas rationes illas secundarias quæ movent ad diligendum Deum, appellavit motiva formalia & specifica charitatis, quæ à primario motivo separari non possint, quasi necesse foret in omni actu charitatis includi motivum propriæ beatitudinis & aliarum rerum quibus ad amo-

ad amorem Dei incitari possumus; aliàs nusquam posset homo elicere actum charitatis in Deum, quin eodem actu formali diligat proximum, quia amor proximi est objectum secundarium charitatis, quod inseparabile dici deberet in opinione adversa, à motivo formali primario charitatis: atqui tamen constat hoc esse falsum; rationes ergo illæ secundariæ, non sunt, propriè loquendo, motiva charitatis, sed dispositiones quibus ad charitatem homo preparatur, sicut docet ipse S. Thomas ibid. qu. 27. art. 3. *Quarto modo*, inquit, *Deus potest diligere propter aliud: quia scilicet ex aliquibus alijs disponimur ad hoc quòd in Dei dilectione proficiamus; puta per beneficia ab eo suscepta, vel per premia sperata, vel etiam per penas quas per ipsum vitare intendimus.*

Ad tertium; patet responsio ex modò dictis. Amicitia scilicet charitatis fundatur in communicatione beatitudinis, tanquam in dispositione excitante & movente ad charitatem, concedo: tanquam in motivo formali & specifico, nego: Adde quòd S. Thomas in locis citatis agit de charitate, sub ea ratione qua mutua est amicitia Deum inter & hominem, quæ quidem amicitia amori addit mutuam redamationem *cum quadam communicatione mutua*, inquit S. Thomas secunda secundæ qu. 23. art. 1. *Cum ergo*, pergit S. Doctor, *sit aliqua communicatio hominis ad Deum, secundum quod nobis suam beatitudinem communicat, super hanc communicationem oportet aliquam amicitiam fundari. . . . Amor autem super hanc communicationem fundatus, est charitas: unde manifestum est, quòd charitas amicitia quedam hominis est ad Deum.*

Instabis 1. Idem S. Doctor secunda secundæ qu. 26. art. 13. in resp. ad 3. sic loquitur: *Unicuique Deus erit (in patria) toto ratio diligendi, eo quòd Deus est totum hominis bonum. Dato enim per impossibile, quòd Deus non esset totum hominis bonum, non esset ei ratio diligendi: & ideo in ordine dilectionis oportet quòd post Deum homo maxime diligat seipsum.*

Resp. S. Thomam eò loci probare, ordinem charitatis in patria remanere; adeoque post Deum, hominem magis seipsum diligere. Cum verò sibi objecisset, Deum in Cælis fore totam rationem diligendi, adeoque eum magis diligendum qui Deo erit propinquior; respondet verissimum quidem esse, Deum fore homini totam rationem diligendi, non tamen inde concludi posse, quòd homo non debeat post Deum, seipsum magis diligere, cum Deus sit totum hominis bonum. Cum verò addit, quòd si *per impossibile Deus non esset totum hominis bonum, non esset ei ratio diligendi*; verissima est propositio: ratio enim diligendi est Dei bonitas; fieri autem non potest ut Deus sit in se bonus, nec sit hominis totum bonum, quamquam ratio motiva formalis amoris Dei, quatenus est charitatis, sit ejus bonitas absoluta, non verò relativa ad nos.

Instabis 2. Idem S. Doctor in 3. Sententiarum dist. 29. qu. 1. art. 4. docet ^{7.9. p.} non esse contra charitatem, ut quis diligendo Deum, ad mercedem respiciat tanquam ad finem amoris sui, non verò rei amate, quasi Deum ad suam beatitudinem referret, quod sanè foret inordinatum. ^{314.}

Resp. duo hæc distincta esse ac distinguenda, nempe aliquid esse contra charitatem, & aliquid fieri ex motivo proprio & specifico charitatis: operari ex motivo mercedis æternæ, tantum abest ut sit contrarium charitati, quin potius motivum istud imperat charitas, cum imperat actus speciei ac moti-

motivum mercedis esse motivum proprium charitatis nusquam ille asseruit, imò potius contrarium docuit.

Objicies 3. auctoritatem S. Bonaventuræ in Lib. 3. Sentent. dist. 17. quest. 2. art. 2. ubi probat operari ex motivo mercedis æternæ, ad charitatem pertinere.

Resp. 1. S. Doctorem querendo & opinando, non assertivè affirmando id dixisse, *Quidam*, inquit, *voluerunt dicere, quòd (ita operari) non est à charitate, sed ab affectu quodam naturæ charitatem concomitante . . . Aliis autem videtur, quòd talis affectus mercenarius possit esse à charitate.*

Resp. 2. Cum S. Doctor in eam inclinavit partem, ut diceret affectum illum mercenarium posse esse à charitate, charitatem ibi genericè sumit r. prout comprehendit omnem motum qui est à gratia, non verò à natura. *Desiderium enim*, pergit S. Doctor post verba mox citata, *habendi æternam mercedem, & fruendi æterno bono, est desiderium gratiæ; nec est amoris naturalis nec acquisiti, sed potius gratuiti*; id est, à gratia proficiscens. 2. charitatem sumit, prout comprehendit tam amorem concupiscentiæ, quàm amorem amicitiz, sicut ex lectione textus faciliè constabit.

Objicies 4. Ex S. Bernardo Lib. de diligendo Deo cap. 1. n. 1. & c. 7. n. 17. dicitur sunt causæ diligendi Deum, una quo merito Dei, altera quo commodo nostro. *Ob duplicem causam*, inquit, *Deum dixerim propter seipsum diligendam: sive quia nihil iustius, sive quia nihil fructuosius diligere potest. Ad primum pertinet, quo suo merito, ad secundum, quo nostro commodo diligitur.*

Resp. nullum orthodoxum Theologum negare, quin Deus diligendus sit quia nostrum bonum est, seu suprema nostra beatitudo; sed questio est, utrùm motivum illud nostræ beatitudinis sit proprium, formale & specificum charitatis: hoc negamus, neque hoc asseruit S. Bernardus loco citato. Ait quidem, unam causam diligendi Deum propter seipsum, esse quia nobis bonus est, seu, ut loquitur, fructuosus; sed indicat S. Doctor his verbis, causam moventem ducentem ad charitatem, non verò motivum formale & proprium charitatis: nemo verò negat quin spes excitet & ducat ad charitatem, seu ad Deum propter se diligendum, quamquam istud non sit speci motivum formale & distinctivum.

Objicies 5. Deus per charitatem diligitur ut benevolus & beneficus, ac beatificans: at non potest ita diligere sine respectu ad bonum quod ex eo speramus.

Resp. dist. maj. Deus per charitatem diligitur ut benevolus & c. ratione principii, hoc est, quia habet in se omnes perfectiones, inter quas est beneficentia & c. concedo: ratione termini, hoc est boni quod ex divina beneficentia in nos derivatur, nego. Hoc enim pertinet ad spem, non verò ad charitatem.

Objicies 6. Non potest homo spoliare se naturali illo desiderio quo beatitudinem quærit & exoptat; ergo in omni charitatis actu desiderium istud includitur.

Resp. dist. ant. Non potest homo spoliare se naturali desiderio quo beatitudinem quærit, vel formaliter & explicitè, vel virtualiter dumtaxat, implicitè, materialiter, & præsuppositivè, concedo: formaliter semper & explicitè, quasi in quolibet actu semper explicitè ac formaliter desiderium beatitudi-

itudinis habeat, nego. Quamvis enim desiderium illud excludere non possumus, utpotè nobis innatum circa beatitudinem generatim & in comuni, in actibus tamen liberè elicitis, possumus ab ea mentem ita avocare & abstrahere, ut non propter eam formaliter & explicitè, sed propter absolutam objecti bonitatem seu excellentiam operemur; quamquam virtualiter semper, vel materialiter & præsuppositivè desiderium illud in nobis sit: unde tantum abest, sicut jam diximus, ut charitas desiderium illud excludat & rejiciat, quin illud simul cum spe imperat.

Merito igitur ab Ecclesia proscripti fuere phanatici nostrorum temporum Quietistæ, qui charitatis perfectionem in eo collocant; ut animajussu, extincto penitus suæ æternæ beatitudinis desiderio, imò & suæ æternæ damnationi acquiescens, Deum unicè propter seipsum diligat. Illusio est & error manifestus. Sic enim diligendus Deus propter se, sic ad perfectam charitatem anhelandum, ut aliarum virtutum, præsertim verò fidei & spei, exercitium nec intermittatur, nec excludatur.

Obijcies 7. Amor Dei castus, purus & gratuitus, est amor perfectæ charitatis: sed amor Dei quo amatur quatenus nobis bonus, seu quatenus nostra est beatitudo, est castus, purus & gratuitus; ergo &c.

Minor certa est ex S. Augustino multis in locis. Sermone 158. aliàs 16. de verbis Apostoli, *Unusquisque*, inquit, *inspiciat se intus, appendat se*, *705 p. probet se in omnibus facibus suis, bonis operibus suis, quæ faciat cum charitate*, *763 G. te, non expectans retributionem temporalem, sed promissum Dei, faciem Dei. Non enim quidquid tibi Deus promittit, valet aliquid præter ipsum Deum. Omnino me non satietat Deus, nisi promitteret mihi seipsum Deum.*

Et in Psalm. 72. exponens ista verba, *Pars mea Deus in secula. Factum est cor castum*, inquit, *gratis jam amatur Deus, non ab illo petitur aliud præmium. Qui aliud præmium petit à Deo, & propterea vult servire Deo, carius facit quod vult accipere, quam ipsum à quo vult accipere. Quid ergo, nullum præmium Dei? Nul- lum, præter ipsum. Præmium Dei, ipse Deus est. Hoc amat, hoc diligit: si aliud dilexerit, non erit castus amor. Igitur amor quo Deus diligitur ut præmium nostrum, merces, beatitudo nostra, castus est & à perfecta charitate.* To. d. p. 766 G.

Resp. dist. maj. Amor Dei castus, purus & gratuitus, quo Deus diligitur quia in se bonus & infinite perfectus, est amor perfectæ charitatis, concedo: Amor Dei castus quo Deus diligitur ut nobis bonus, seu quatenus est nostra beatitudo, nego. Dist. min. Atqui amor Dei quatenus nobis bonus &c. est castus & gratuitus, comparatè ad amorem mercenarium quo Deus diligitur propter bona temporalia, concedo: comparatè ad amorem perfectæ charitatis, iterum distinguo: est amor castus, id est, bonus, licitus, honestus, necessarius, & supernaturalis, concedo: id est, tam perfectus ac amor charitatis, nego. Solutio ex jam dictis manifesta est.

Ad S. Augustinum, dico 1. eum loqui non de actu perfectæ charitatis, sed de homine habente charitatem, qui certè ex intuitu mercedis æternæ operari potest & debet: neque enim charitas excludit spem; imò potius hanc semper includit, cujus actus sicut & aliarum virtutum imperat; quamquam ipsa charitas ex proprio suo ac formali motivo ad mercedem illam non respiciat, sed in una Dei hareat perfectione infinita.

Dico 2. citatis testimoniis Deum considerari à S. Doctore, ut est beatitudo

finis nostræ obiectum, sub quo respectu procul dubio attingitur à charitate, ut ex disciparet; adeoque merito ait castum esse amorem illum & à charitate, qui non aliam querit beatitudinem præter Deum. Verum de motivo formali amoris Dei, de quo uno nos hic agimus, non loquitur S. Augustinus; neque enim ait illum amorem esse à perfectâ charitate, qui tendit in Deum sub ea formali causa, quia nos beatos efficit, talis quippe amor ad spem, non ad charitatem pertinet: amare quidem Deum qui est nostra beatitudo, proprium est charitatis; amare verò quia est nostra beatitudo, proprium est spei. Revoca quæ hic diximus in responsione ad primam Objectionem.

Objicies denique S. Bernardum in Epistola 11. ad Guigonem n. 8. ubi quatuor amoris gradus distinguens, de quarto sic loquitur: *Nescio si à quoquam hominum quartus in hac vna perfectè apprehenditur, ut se scilicet homo diligat tantum propter Deum. Afferant hoc si qui experti sum: mihi, fateor, impossibile videtur.* Ergo fictitius est ille charitatis perfectæ actus, quo Deus diligitur sine ullo ad nos respectu.

Resp. S. Bernardi mentem esse, impossibile esse ut quis ita diligat Deum propter se, sine ullo ad proprium suum commodum respectu, ut omnino excludat & extinguat in corde suo propriæ beatitudinis desiderium; non verò ut ab eo, saltem in actu transitorio & fluente charitatis, abstrahat.

ARTICULUS II.

An perfecta contritio non tantum in casu necessitatis, sed ordinariè hominem prius Deo reconciliat, quam percipiatur actu Poenitentia Sacramentum.

Questio non movetur de contritione generatim sumpta, neque de contritione imperfecta per quam certum est iustitiam homini non conferri sine Sacramento; sed de contritione, quæ ex charitate perfecta est.

Questio hic quoque non est, quomodo contritio perfecta iustificet hominem: an ipsa sit formalis hominis sanctificatio; vel tantum causa, vel dispositio proxima; aut eam saltem nexu individuo semper comitetur iustificatio. Ab illa Scholasticorum controversia, quæ non est præsentis nostri instituti, hic abstinemus; nec de modo, sed de re ipsa querimus, utrum quoties contingit perfectam esse contritionem, toties hominem Deo reconciliat antequam actu percipiatur Sacramentum; an verò vim illam dumtaxat habeat, Deo ita ordinante, in necessitatis articulo. Circa quam controversiam

Adrianus & Cajetanus, referente Baltazaro Erodia Calaritano Archiepiscopo apud Pallavicinum L. 12. Hist. Concilii Tridentini c. 10. docuerunt, per contritionem non deleri peccata: adversus quam sententiam narrat ib. Historicus, paratum fuisse in Concilio Tridentino Canonem; sed cum prædictus Archiepiscopus admonuisset ita sentire Cajetanum & Adrianum, abstinuisse Synodum, nec hanc opinionem proscriptisse, quæ sensum inter Scholasticos controversum pati potest.

Michael Bajus Doctor Lovaniensis, docuit etiam *charitatem perfectam, quæ est ex corde puro & conscientia bona & fide non ficta, in catechumenis & penitentibus posse esse sine remissione peccatorum*, quæ sententia damnata est à SS. Pontificibus Pio V. Gregorio XIII. & Urbano VIII.

Eftius

Estius in 4. dist. 17. paragr. 2. docet, contritionem perfectam, Deo ita disponente, non reconciliare hominem Deo ante Sacramentum, nisi in casu necessitatis, cum nempe urget periculum mortis, aut non potest Sacramentum percipi.

Pag.
119.

C O N C L U S I O.

Perfecta contritio non tantum in casu necessitatis, sed ordinariè hominem Deo reconciliat, antequam Sacramentum actu percipiatur.

Probat 1. ex Scripturis, quæ charitati & perfectæ contritioni, nulla facta distinctione casus necessitatis, & ordinarii, vim tribuit sanctificandi hominem & purgandi peccata. Ezechielis 33. v. 12. *Impietas impij non nocet, si in quacunq; die conversus fuerit.* Etc. 18. v. 21. *Si impius egerit penitentiam ab omnibus peccatis suis, quæ operatus est..... omnium iniquitatum ejus non recordabor.* Lucæ 7. v. 47. Christus de Magdalena ait: *Remittuntur ei peccata multa, quia dilexit multum: cui autem minus remittitur, minus diligit.* Et cap. 10. v. 27. *Diliges Dominum tuum ex toto corde tuo & ex tota anima tua.... Hoc sic & veres.* 1. Joan. 4. v. 7. *Omnis qui diligit, ex Deo natus est. Qui non diligit, non novit Deum, quoniam Deus charitas est.* Et v. 16. *Deus charitas est, & qui manet in charitate, in Deo manet, & Deus in eo.* Et c. 3. v. 14. dixerat: *Nos scimus quoniam translati sumus de morte ad vitam, quoniam diligimus fratres. Qui non diligit, manet in morte.* 1. Petri 4. v. 8. *Charitas operis multitudinem peccatorum.* Denique Coloss. 3. v. 14. *Charitas est vinculum perfectionis.* Vide nonnulla alia Scripturæ testimonia supra Conclusionem secundam Articuli primi.

Probat 2. ex SS. Patribus quorum testimonia loco mox indicato laudavimus, quæ consule ne sæpius eadem exscribere teneamur.

Probat 3. ex Conc. Trid. Sess. 14. c. 4. docet sancta Synodus, *esse contritionem hanc, aliquando charitate perfectam esse contingat, hominemque Deo reconciliare priusquam hoc Sacramentum actu suscipiatur; ipsam nihilominus reconciliationem ipsi contritioni, sine Sacramenti voto, quod in illa includitur, non esse adscribendam.* Quibus verbis declarat Concilium 1. Contingere aliquando contritionem perfectam esse charitate, hoc est elici ex motivo charitatis, tuncque hominem Deo reconciliare priusquam actu percipiatur Sacramentum. 2. Virtutem hanc reconciliandi ipsi non competere, nisi quatenus includit votum seu desiderium Sacramenti.

T. 14.
Conc. p.
817. D.

Neque obstat quod nonnulli respondent, particulam, *aliquando*, restringere hanc contritionis virtutem ad aliquos tantum casus, puta necessitatis. Namque vel ex ipsa verborum Concilii inspectione manifestum est, Patres Tridentinos hac particula indicare dumtaxat voluisse, contritionem, de qua initio capituli generatim dixerant, aliquando eam ex motivo vere charitatis oriri atque perfectam esse, tuncque justificare ante Sacramentum; aliquando verò elici ex alio, quam charitatis motivo, tuncque non justificare sine Sacramento.

Pius V.
an. 1566
an. 6.
Greg.
XIII.
1572.
an. 11.
Urban.
VIII.
1613.
an. 20.

Probat 4. ex SS. Pontificibus Pio V. & Gregorio XIII. qui suis in Bullis, quas postea Urbanus VIII. renovavit & confirmavit, oppositam sententiam damnaverunt in multis Michaelis Baji Doctoris Lovaniensis propositionibus expressam, quarum inter damnatas

Re. uult
ut Bul-
letus ag.
17. &
fuit.
Oper.
Baji, p.
2. p. 53.
& seq.

31. Erat. *Charitas perfecta & sincera quae est ex corde puro & conscientia bona & fide non ficta, tam in catechumenis, quam in poenitentibus potest esse sine remissione peccatorum.*

32. *Charitas illa quae est plenitudo legis, non est semper coniuncta cum remissione peccatorum.*

66. *Homo existens in peccato mortali potest habere veram charitatem.*

68. *Per contritionem etiam cum charitate perfecta & voto suscipiendi Sacramentum coniuncta, non remittitur crimen extra casum necessitatis, aut martyrii, sine actuali susceptione Sacramenti.*

His accedit Iudicium sacrae Facultatis Parisiensis quae an. 1560. die 27. Junii Censura sua notavit plures propositiones, de quibus, ut pronuntiaret, rogata fuerat ab aliquibus Belgii Theologis. Inter illas haec numero decima erat, *Homo existens in peccato mortali siue ejus reatu ad aeternam mortem habet in se febritatem.* Hac propositio, ait Censura, est haeretica. Igitur, iudice sacra Facultate, charitas non potest compati cum peccato mortali. Undecima verò talis erat, *Per contritionem, non adhibito regulariter Sacramento Baptismi aut Poenitentiae, non dimittitur peccatum extra casum martyrii, aut necessitatis; quae propositio, ait Censura, est haeretica & schismatica.* Nemo non videt has ipsas esse Baji propositiones, quae cum multis in Belgio turbarent Theologos; consulta de ipsis fuit sacra Facultas Parisiensis, cujus censuram & vellicat & falsi ac suppositionis arguit ipse Bajus, sicut videre est in nova Operum ipsius editione, inter Bajana pag. 8. & seq.

Probatur denique rationibus Theologicis quas supra Conclusionem secundam Articuli primi exposuimus n. 4. 5. & 6. Vide. Quibus adde, quod ipsis fauentibus adversae partis Theologis, in articulo mortis sufficit contritio ad remittenda peccata: atqui virtutem hanc non habet praecise propter articulum mortis, sed ex sua propria perfectione. Praeterea, perfecta contritio in veteri Legge peccata delebat; quidni & in nova? Non enim ejus virtus imminuta est, sed solummodo novum additum fuit mandatum de Sacramentis percipiendis, quibus certe infirmitati nostrae occurrere voluit Christus, ut qui perfectam non habent contritionem, saltem per imperfectam simul cum Sacramento veniam peccatorum impetrare possint.

Soluntur Objectiones.

Objiçies 1. Mulier peccatrix, cujus mentio fit apud S. Lucam c. 7. v. 47. prius Deum dilexit, quam remissionem peccatorum obtinuerit. *Remittuntur ei peccata multa;* inquit Christus, *quoniam dilexit multum.* Non dicit in praeterito, remissa sunt ei peccata; neque dixit, quoniam diligit, sed quoniam dilexit; ergo prius dilexit, quam veniam peccatorum obtinuerit; ergo charitas potest esse sine remissione peccatorum.

Resp. dist. ant. Prius Deum dilexit, quam obtinuerit remissionem peccatorum, prius, inquam, prioritatem naturae, concedo: prioritatem temporis, nego: nam ultima dispositio & forma sunt simul tempore. Cum verò Christus dixit, *Remittuntur ei peccata multa,* non veniam primò concessit, sed jam datam confirmavit; jam enim antè illud peccatrix fuerat à Deo mundata & absoluta, sed voluit Christus ejus absolutionem coram hominibus declarare.

clarare & confirmare: sicut cum cap. 5. S. Marei v. 34. dixit mulieri jam sanata, *Esse sana à plaga tua*; non eam his verbis sanavit, sed pronuntiavit seu declaravit sanatam.

Instabis, S. Augustinus Sermone 99. de verbis Evangelii Lucæ 7. aliàs Hom. 23. inter 50. c. 2. de illa peccatrice sic loquitur: *Accessit ad Dominum immunda, ut rediret munda: accessit agra, ut rediret sana*. Atqui his verbis videtur sanctus Doctor supponere, non fuisse mundatam antequam audierit hanc Christi sententiam, *Remittuntur ei peccata &c.*

Resp. loqui S. Augustinum eò loci de toto mulieris accessu adzquate sumpto, prout nempe accessus ille complectitur propositum veniendi ad Christum, & mulieris ejusdem progressum donec Christi præsentia frueretur, & in ejus amore exardesceret; vel certe dici potest, eam accessisse immundam, quia paulò antè talis erat, & palam habebatur adhuc peccatrix, licet interius à peccatis mundata fuisset.

Objicies 2. exempla S. Pauli & Cornelii Centurionis, qui etsi charitate in Deum flagrant, baptisari tamen debuerunt ut veniam peccatorum acciperent. Act. 22. v. 16. *Exurge & baptisare, & ablue peccata tua*, inquit Ananias ad Paulum, qui cap. 9. v. 6. sic animo erat præparato, ut Dei voluntatem in omnibus adimplere se velle profiteretur, *Domine quid me vis facere?* Cornelius pariter Centurio Act. 10. v. 2. dicitur *vir religiosus ac timens Deum cum omni domo sua, faciens elemosynas multas*; & v. 22. *vir iustus* appellatur: atqui tamen non prius iustificatus est, quam percepisset Baptismum.

Resp. contritionem perfectam, quam quis habet ante Sacramentum, non dispensare à lege percipiendi Sacramentum; adeoque meritò & S. Paulum, & Cornelium Centurionem baptisatos fuisse, quamquam jam ex perfecta charitate iustificatos; expressè quippe Act. 10. v. 44. dicitur Spiritum sanctum cecidisse in Cornelium, antequam baptisaretur. Ratio est, tum quia mandatum Christi semper impleri debet; at lex est expressa de Baptismo percipiendo: tum quia ipsa contritio non reconciliat, nisi quatenus includit votum seu desiderium Baptismi, ut expressè docet Conc. Trid. Sess. 14. cap. 4. tum quia quamquam homo supponatur jam iustitiam adeptus, Sacramentum tamen augmentum gratiæ producit: tum quia præter invisibilem sanctitatem animæ, necesse est hominem exterius societati Fidelium seu Ecclesiæ coadunari, quod sit per visibile Sacramentum Baptismi: tum denique quia, inquit S. Augustinus Lib. 4. contra Donatistas c. 21. *No secuta esset iustitia catechumeni, dictum est: Nisi quis renatus fuerit ex aqua & Spiritu sancto, non intrabit in Regnum Celorum. Rursus ne percepto Baptismo secuta esset iniquitas baptisatorum, dictum est: Nisi abundaverit iustitia vestra &c.* Aberrant igitur, qui asserunt, vel inutilem esse Sacramentorum perceptionem iis qui jam ex perfecta charitate sanctificati sunt, vel eos sine voto Sacramenti fuisse sanctificatos, quem utrumque errorem evertit Conc. Trid. tum Sess. 13. c. 7. & Can. 11. tum Sess. 14. c. 4.

Objicies 3. Concilium Trid. Sess. 6. c. 6. inter dispositiones ad Baptismum necessarias requirit amorem Dei, quo baptisandus Deum tanquam omnis iustitiae fontem diligere incipiat. Supponit igitur Concilium, amorem illum Dei hominem non reconciliare sine Sacramento.

Tournely de Sacram. Poenitentia.

G 3

Resp.

Resp. dist. conseq. supponit amorem Dei imperfectum, seu minus perfectum, qui non est charitatis, sed inferior, non reconciliare hominem, concedo: amorem perfectum & veram charitatis, nego. Sess. enim 14. cap. 4. citato expressè docet, perfectam contritionem justificare antequam Sacramentum actu percipiatur. In citata igitur Sess. 6. cap. 6. Concilium loquitur de amore initiali & imperfecto; quamquam seipsum diserte non exponat. Eo enim in loco initium quidem amoris exigit Synodus in iis qui se præparant ad Baptismum, sed diserte non exponit nec explicat, qualis debeat esse amor ille, an charitatis, an alius, qui spei dicitur, sufficiat. Rem inter Scholasticos controversam definire noluit Concilium, unde de industria, amorem illum dilectionem simpliciter appellavit, non charitatem; imò nec addidit debere esse *super omnia*, sicut antea observavimus ex Andrea Vega L. 6. c. 28. de justificatione. Sub dubio igitur ac in suspensorelictum est, quid voluerit Concilium, cum exigit à baptizandis, *ut diligere incipiant Deum tanquam fontem totius iustitiæ*: an intellexerit iustitiam seu sanctitatem, qua Deus in se sanctus est, & sub ea præcisè formali ratione; an sanctitatem, quæ in nos derivatur, & sub ea formali ratione, qua nos sanctos & beatos efficit: uno verbo, objectum dilectionis nostræ, nempe Deum, designavit quidem Synodus; sed motivum formale illius non assignavit, verum Scholæ disputationibus controversiam hanc permisit.

T. 14. Conc. P. 807. C. Instabis. Idem Concilium Sess. 13. c. 7. statuit neminem, quantumvis sibi contritus videatur, absque præmissa sacramentali confessione ad sacram Eucharistiam accedere debere: atqui hoc non statueret, si homo iustificaretur per contritionem perfectam.

Resp. nego min. Namque id jubet Concilium ad maiorem cautelam accedentis ad sacram mentem, & ad maiorem reverentiam Sacramenti: homo quippe semper incertus est, an perfecta contritione moveatur, an verò imperfecta tantum. Deinde, cum maxima mundities ac sanctitas requiratur ad dignam Eucharistiz perceptionem, mirum non est, si præter internam cordis contritionem, postulet Ecclesia Fidelem iterum Sacramento Poenitentiz mundari, priusquam accedat ad tremendum altaris mysterium.

T. 6. p. 49. C. Obijcies 4. Sanctus Augustinus agnoscit in Cornelio fuisse charitatem, quæ ipsum tamen non iustificavit nisi accedente Sacramento Baptismi. Lib. 1. de diversis quæstionibus ad Simplicianum q. 2. In quibusdam, inquit, tanta est gratia fidei, quanta non sufficit ad obtinendum regnum Cælorum; sicut in Catechumenis, sicut in ipso Cornelio antequam Sacramentorum participatione incorporaretur Ecclesia. In quibusdam verò tanta est, ut jam corpori Christi & sancto Dei templo deputentur.... Fiant ergo inchoationes quedam fidei, conceptionibus similes: non tamen solum concipi, sed etiam nasci opus est, ut ad vitam perveniant æternam.

Resp. nego ant. Multis enim in locis fateretur Sanctus Augustinus, Cornelium Spiritu sancto plenum fuisse cum accessit ad Baptismum. Ita Lib. 4. de Baptismo cap. 21. 23. & 24. & Lib. 3. quæstionum in Leviticum, quæst. 84. Libro itaque 1. de diversis quæstionibus ad Simplicianum citato, agnoscit quidem in Cornelio quædam initio inchoationes fidei, & nondum ex charitate formatam fidem; ad quam non nisi proficiendo subinde pervenit, quæ adepta, etiam ante perceptum Baptisma sanctificatus fuit: neque tamen inutilis fuit Baptis-

mus,

mus, cujus extat expressum Christi mandatum, quod si neglexisset Cornelius, haud dubie perfectam non habuisset charitatem. Si Cornelius, ait S. Doct. L. 4. contra Donatistas cap. 21. etiam Spiritus sancto iam accepto baptisari noluisse, contempti tanti Sacramenti reus fieret. Et cap. 22. ait in Cornelio ejulque lociis donum Spiritus sancti eminuisse ante Baptismum, baptisatos nihilominus fuisse. Quia, inquit, nemo debet in quolibet provectu inferioris hominis, si forte ante Baptismum usque ad spiritalem intellectum pio corde profecerit, contemnere Sacramentum, quod ministrorum ope corporaliter adhibeatur, sed per hoc Deus hominis consecrationem spiritualiter operatur. Et Lib. 3. Quaestionum in Leviticum quæst. 84. Hinc est, inquit, quod Cornelius & qui cum eo erant, cum iam invisibiliter infuso Spiritu sancto sanctificati apparerent, baptisati sunt tamen: nec superflua iudicata est visibilis sanctificatio, quam invisibilis iam præcesserat. Citata igitur qu. 2. ad Simplicianum varios nascentis, proficientis & adultæ in Cornelio sanctificationis gradus considerat S. Augustinus. Initio quidem quædam dumtaxat erant incubationes fidei conceptionibus similes: tum gradatim ad majorem fidei ac virtutum perfectionem pervenit, & quidem tantam, ut etiam ante Baptismum iustitiam seu sanctificantem gratiam sit assecutus, non tamen sine lege & obligatione percipiendi Baptismatis.

Instabit S. Sanctus Augustinus non semel asserit, Catechumenis, quantumcumque proficiant, non dimitti peccata, nisi cum baptisantur; adeoque & iustitiam & Sacramentum necessario requiri. Ita Tract. 13. in Joannem. Quantumcumque, inquit, Catechumenus proficiat, adhuc sarcinam iniquitatis portat: non ei dimittitur, nisi cum venerit ad Baptismum. Et Tract. 4. Omnia peccata, inquit, super illum sunt, & nisi venerit ad salutarem Baptismum, ubi peccata solvuntur, cum omni sua excellentia non potest intrare in regnum Cælorum. Et Lib. de unitate Ecclesie cap. 22. Utrumque necessarium est ad regnum Dei adipiscendum, & Baptismus, & iustitia. Alterum sine altero, inquit L. 4. de Baptismo contra Donat. c. 11. parum est: utrumque perfectis æterna possessio- nis barethem.

Resp. dist. ant. Asserit Catechumenis, quantumcumque proficiant, non dimitti peccata, si vel contemnunt vel negligant Baptismum, rati sibi inutilem esse, ac sibi suam sufficere sanctitatem, concedo: Catechumenis, qui non per contemptum aut negligentiam, sed per solam necessitatem Baptismo privantur, nego. Porro S. Augustinum loqui de Catechumenis primi ordinis, patet ex ipso Tract. 13. in Joannem. ubi sic loquitur: Quare oportebat ut Dominus baptisaretur? quia multi contempnunt Baptismum, eo quod iam maiore gratis præditi videntur, quam viderant alios Fideles. V.g. iam continentem vivens Catechumenus, contemneret conjugatum, & diceret se meliorem esse quam ille sit Fidelis. Ille Catechumenus posset dicere in corde suo, Quid mihi opus est Baptismum accipere, ut hoc habeam quod & iste, quo iam melior sum? Ejusmodi Catechumenos merito redarguit Sanctus Augustinus, eosque suorum peccatorum sarcinam adhuc portare recte affirmat; neque vera est, sed ementita & falsa eorum conversio, fallax præsentia illa, qua gloriantur excellentia. Neque enim, ait sanctus Doct. L. 4. de Baptismo contra Donat. cap. 25. nullo modo dicenda est conversio cordis ad Deum, cum Dei Sacramentum contemnitur. Cum autem L. de unitate Ecclesie citato ait, & iustitiam

¶ *Sacramentum esse necessarium*, non loquitur de iustitia perfecta quæ præcedat Sacramentum, sed de ea quæ sit ipsius Sacramenti effectus: quia non satis est ad salutem ritum externum Sacramenti percipere, sed necessaria est interior iustitia quæ per Sacramentum confertur, non Hæreticis quidem & Schismaticis, sed iis qui sunt in unitate Ecclesiæ, & ad Sacramentum accedunt cum debitis dispositionibus.

Instabis 2. S. Augustinus supponit Catechumenum qui divina charitate flagrat, nec tamen veniam peccatorum obtinet ante Baptismum. L. 4. de *ibid.* Baptismo contra Donat. c. 21. *Nec ego dubito*, inquit, *Catechumenum Catholicum divina charitate flagrantem hæretico baptisato antepone*. Et L. 2. de peccatorum meritis & remiss. c. 26. *Sanctificatio Catechumeni*, inquit, *si non fuerit baptisatus, ei non valet ad intrandum in regnum Celorum*. Denique de se ipso ait sanctus Doctor L. 8. Confessionium c. 12. *Quod fieret amarissima contritio*. Et L. 9. c. 2. *Quod Deus cor suum charitate sagittaverat; & tamen ejusdem Libri cap. 4. in fine, significat se ante Baptismum peccatorum veniam non obtinuisse.*

T. 10. p. 156. b. 157. E. 158. pag. 161. F.

Resp. nego ant.

Ad primum testimonium ex Lib. 4. de Baptismo contra Donat. c. 21. dico ex ipsa lectione manifestum esse, S. Doctorem non affirmare Catechumenum illum veniam peccatorum non esse assecutum; sed hoc unum ait, talem Catechumenum anteponendum esse Hæretico baptisato, imò & Catholico qui fictus ad Baptismum accessisset, quod certè verum est.

Ad secundum: loquitur sanctus Doctor de sanctificatione exteriori Catechumeni, nempe signo crucis, impositione manuum, degustatione calicis, aliisque caeremoniis quibus sanctificabantur & preparabantur Catechumeni ad Baptismum; atque meritò ait, quòd si Catechumenus in illis hæreret externis caeremoniis, talis sanctificatio ei inutilis foret ad Regnum Celorum, nisi accedat & Baptismus: quamquam etsi de sanctificatione interiori exponeretur adductum testimonium, meritò adhuc dixisset sanctus Doctor, inutilem illam fore, si Catechumenus vel ex contemptu, vel ex negligentia non percipiat Sacramentum.

Ad tertium: mens S. Doctoris est, haberi non posse securitatem de remissis peccatis, nisi per Baptismum. *Ea fides*, inquit citato loco, *securum me non faciebat de præteritis peccatis meis, quæ mihi per Baptismum tuum nondum remissa erant*. Unde statim ac baptisatus fuit cum amico suo Alipio, ait c. 6. *Baptisati sumus, & fugit à nobis sollicitudo vite præterite*.

Instabis 3. Ex S. Augustino L. 12. de Civitate Dei c. 9. & L. 14. c. 7. & L. de Gratia Christi c. 21. *charitas est bona voluntas. Quasi verò*, inquit, *aliud sit bona voluntas, quam charitas, quam Scriptura nobis esse clamat ex Deo & à Patre d. nam, ut filii ejus essemus*. Atqui non omnis bona voluntas sanctificat hominem. Hinc Lucæ 2. v. 14. promittitur danda *pax hominibus bona voluntatis*; ergo nec charitas omnis sanctificat hominem ante Sacramentum.

Resp. dist. min. Non omnis bona voluntas, quæ plena & perfecta non est, hominem sanctificat, concedo: quæ plena est ac perfecta, nego. Porro S. Augustinus de illa loquitur bona voluntate, quæ, ut ipse ait L. de Grat. & lib. arb. c. 15. *tam magna est, ut possit implere divina mandata*.

16. pag. 934.

Ad

Ad probationem minoris, si sequamur textum Græcum legi non debet, *Pax hominibus bonæ voluntatis*; sed, *in terra pax, in hominibus bonæ voluntatis*: id est, annuntiatur hominibus pax, quæ est ipsa Dei bonæ voluntas erga homines: quamquam si vulgata versio (ut æquum est) adhæreamus, homines bonæ voluntatis ibi dicuntur non principiati, id est, non qui habent bonam erga Deum voluntatem; sed obiectivè, id est, qui sunt obiectum bonæ voluntatis; seu qui diliguntur à Deo. Ita Maldonatus.

In stabis 4. S. Augustinus Epistola 228. aliàs 180. ad Honoratum, acriter insurgit adversus timidos illos Pastores, qui tempore persecutionis fugiunt, ac commissas sibi oves Sacramentorum ope spiritali destitutas derelinquendo, æternæ salutis periculo exponunt. *Si ministri desunt*, inquit, *Tal. p. quantum exitum sequitur eos qui de isto saculo vel non regenerati erunt, vel ligati. 833. D.* it? At si persuasum habuisset sanctus Doctor, contritionem perfectam sine Sacramento sufficere, non ita sollicitus fuisset de illarum animarum salute.

Resp. 1. in sententia quam hic impugnamus, locum non esse huic objectioni; siquidem in casu saltem necessitatis ac mortis periculo fatentur adversarii contritionem perfectam sine Sacramento actu percepto sufficere ad salutem.

Resp. 2. nego min. Sacramenta enim semper necessaria sunt, sive ad perfectam contritionem in eo qui ea postulat, sive imperfectam tantum, ut patet ex resolutione ad secundam Objectionem. Unde merito invehitur S. Augustinus adversus Pastores qui tempore persecutionis fugientes, ope Sacramentorum destitutos Fideles derelinquunt: cum enim difficile sit perfectam habere contritionem, & aliunde homo semper incertus sit, an illam habeat, maximi ad salutem animæ prædicii sunt Christi Sacramenta.

Objici hic solet auctoritas S. Gregorii Nazianzeni Oratione 40. & S. Fulgentii in Epistola ad Ferrandum. Verum fatemur eos nobis hæc in parte adversari, à quibus recedimus, sicut & ipsi ab aliis recessisse videntur. Vide quæ diximus in Tractatu de Baptismo Qu. 2. Art. 2: ubi quærebamus an & quomodo perfecta contritio suppleat vices Baptismi.

ARTICULUS III.

An perfecta contritio sit dispositio necessariè prærequisita ad percipiendum Sacramentum Penitentia.

Quæstio hic non est, utrum aliquis Dei amor necessarius sit in poenitente, ut ad Sacramentum Poenitentia debite & ut oportet accedat; hoc quippe momentum Quæstione sequenti expendemus.

Quæstio pariter non est, utrum omnis amor Dei super omnia elicitor ex se hominem sanctificet: constat enim ex jam dictis Articulis secundo, Conclusionem secundam & tertiam, solum amorem Dei super omnia elicitor ex motivo proprio charitatis, viam hanc habere.

Quæstio etiam non est, utrum charitas & contritio perfecta iustitiam conferat extra Sacramentum: de hoc enim mox egimus Articulo secundo.

Quæstio ergo est, utrum contritio perfecta quæ iustitiam confert ex se, abstrahendo ab alia quæstione unde habeat ut sit perfecta, sit dispositio necessaria ad percipiendum Sacramentum Penitentia.

Circa

Circa quam controversiam duæ generatim sunt Theologorum sententiæ, una affirmans, negans altera.

Duobus autem præsertim modis affirmans sententia defenditur.

I. Sunt qui volunt perfectam contritionem esse dispositionem necessariam & immediatam ad Sacramentum debitè percipiendum, ita ut attritio plane sit insufficiens. Ita Magister Sententiarum, & alii nonnulli Theologi, siue qui ante, siue qui post Tridentinum Concilium scripsere, quorum aliqui, ut Magister &c. dicere non timuerunt, absolutionem sacramentalem esse dumtaxat declaratoriam peccati jam dimissi; alii verò, præsertim multi ex iis qui post Concilium scripsere, quamquam hominem per contritionem perfectam jam iustificatum existiment, absolutionem tamen merè declaratoriam esse affirmare non audent, propter auctoritatem Concilii Tridentini. Sententiam Magistri ab errore Novatorum longè diversam esse, nec expressè à Concilio Tridentino damnatam, supra Qu. 2. Art. 2. ex Andrea Vega Franciscano, qui Concilio Tridentino interfuit, & aliis observavimus. Lege quæ ibi dicta sunt. Non desunt tamen Theologi, qui post definitionem Concilii putant erroneam esse sententiam, quæ exigit contritionem perfectam ad Sacramentum Poenitentiae debitè percipiendum. Ita Suares de Penit. disp. 10. sect. 1. p. 179. num. 10. Vasques q. 84. de Penit. dubio 2. & alii.

II. Alii existimant attritionem non esse immediatam dispositionem ad effectum Sacramenti, sed mediatam dumtaxat, quia poenitens virtute Sacramenti debet interius mutari & de attrito fieri contritus; qua contritione accedente redditur proximè & immediate capax recipiendi effectum Sacramenti: atque hac via conciliant illi simul & necessitatem contritionis perfectæ, & efficaciam Sacramenti.

Sententia negans certa videtur, & jam communis inter Scholæ Theologos.

C O N C L U S I O.

Contritio perfecta quæ iustificat ante Sacramentum, non est dispositio necessaria requisita ad Sacramentum Poenitentiae debitè percipiendum.

Probatur 1. ex Concilio Trid. Sess. 14. c. 4. ubi ait, *aliquando contingere contritionem esse charitate perfectam, & hominem Deo reconciliari priusquam Sacramentum Poenitentiae actu suscipiatur*. Si autem aliquando tantum contingit contritionem esse perfectam, non est igitur necessaria & ordinaria dispositio ad Sacramentum Poenitentiae; de dispositione quippe ordinaria non ita certè Concilium loqueretur.

Porro sicut contingit contritionem illam esse aliquando perfectam & reconciliare ante Sacramentum, ita contingit & quidem sæpius, illam esse imperfectam seu minùs perfectam, & reconciliare hominem Deo tantum cum Sacramento; ergo non existimat Concilium Trid. contritionem perfectam ad Sacramentum Poenitentiae debitè percipiendum esse dispositionem necessariam.

Et verò si id existimasset, clarè haud dubiè mentem suam exposuisset, in eo præsertim loco ubi ex professione tractat de dispositione necessaria ad gratiam Sacramenti Poenitentiae percipiendam; at tantum abest, ut asserat con-

tri-

tritionem ex motivo charitatis perfectam, esse necessariam, quin potius contrarium manifestè colligitur ex verbis subsequenribus, & oppositione attritionis cum contritione.

Ibidem enim addit Concilium, *Contritionem imperfectam seu attritionem, quamvis sine Sacramento Penitentia per se ad iustificacionem perducere peccatorem nequeat, tamen eum ad Dei gratiam in Sacramento Penitentia impetrandam dispo-
nere*, quibus verbis declarat Concilium, contritionem imperfectam, quæ non sufficit extra Sacramentum, cum Sacramento sufficere; adeoque contritionem perfectam absolute necessariam non esse ad Sacramentum dispositionem.

Neque audiri debent qui reponunt contritionem imperfectam dispo-
nere quidem remotè, non verò proximè.

Namque alio modo peccatorem disponit in Sacramento ad veniam ob-
tinendam, alio modo extra Sacramentum, ut constat ex verbis Concilii: atqui contritio imperfecta disponit remotè extra Sacramentum; ergo dis-
ponit proximè in Sacramento.

Confirmatur auctoritate Cleri Gallicani in Comitibus generalibus an.
1700. ubi declarat, *hec duo ex sacro sancta Synodo Tridentina monenda & docen-
da esse; primum, ne quis putet in utroque Sacramento (Baptismo & Penitentia) du Cler-
requiri ut præviā, contritionem illam, quæ sit charitate perfecta, & quæ cum
voto Sacramenti, antequam actu suscipiatur, hominem Deo reconciliat. Al-
terum &c.* 741.

His adde Censuram sacre Facultatis Parisiensis, qua an. 1638. die 1. Julii
notavit Librum de virginitate, auctore Claudio Seguenotio Oratoriano.
*Quæ tradit auctor, ait Censura, de attritionis insufficientia, & contritionis ex
perfecta charitate absoluta necessitate ad recipiendum Sacramentum Penitentia,
& quæ addit & approbat de absolutione, quod nihil aliud sit quàm declaratio tu-
ridica peccati jam remissi, damnavit quoque Facultas, & censuit has propo-
siciones esse quietis animarum perturbativas, communi & omnino intæ præxi
Ecclesiæ contrarias, efficacie Sacramenti Penitentia imminutivas, & insuper
temerarias & erroneas.* Docet igitur sacra Facultas, contritionem ex per-
fecta charitate necessariò præviā esse non debere ad Penitentia Sacra-
mentum. Per charitatem verò perfectam, quam dictus auctor præviā re-
quirit ad Sacramentum, eam non videtur intelligere, quæ intensivè & ra-
tione gradus talis sit, sed eam quæ ex motivo suo proprio ac formali sit ve-
ra & perfecta charitas, sicut manifestè patet ex notis ipsius ad caput 38. pag.
113. ubi motivum timoris gehennæ opponit motivo perfectæ charitatis;
non ergo sacra Facultas eam dumtaxat sententiam notavit, quæ charita-
tem exigit intensivè perfectam ad Sacramentum Penitentia, sed eam quæ
exigit charitatem ex motivo suo proprio ac formali perfectam, & iusti-
ficat ante Sacramentum.

Probat 3. gravissimo isto momento, quod habet in Scripturis & Tra-
dictione fundamentum. Scilicet, Sacramentum Penitentia per se institutum
est ad suscitandos homines à morte peccati, & ideo dicitur Sacramentum
mortuorum, sicut & Baptismus; ergo ex institutione sua vim habet conferen-
di primam gratiam, & expellendi peccatum mortale, alioqui non esset reme-
dium siniproportionatum; ergo necesse non est ut supponat jam dimissum pec-
catum

catum per contritionem perfectam, aliàs nusquam efficeret id ad quod efficiendum est à Christo institutum: unde merito sacra Facultas dixit, Sententiam quam hic impugnamus esse *imminutivam efficacie Sacramenti Penitentiae*.

Confirmatur 1. Quia ex probatis suprà Qu. 2. Artic. 2. Ecclesia veram accepit à Christo potestatem dimittendi peccata per absolutionem sacramentalem, non declarandi solùm ea esse dimissa: atqui si necesse foret penitentem habere perfectam contritionem antequam sacramentaliter absolvetur, absolutio peccata non dimitteret, sed jam dimissa supponeret per contritionem perfectam; ergo declarativa dumtaxat foret peccati jam dimissi.

Confirmatur 2. Quia Lex nova longè facilior est, suavior, ac levior veteri: *Iugum meum suave est, & onus meum leve*, ait Christus. Atqui si in Penitentiae Sacramento requireretur actus perfectæ contritionis, Lex nova facilior ac levior non esset. circa remissionem peccatorum assequendam: nam in antiqua Lege sufficiebat actus contritionis perfectæ, sine Sacramento aut ejus voto; nunc autem præter actum perfectæ contritionis, requiritur Sacramentum, quod sanè non sine aliqua molestia & difficultate potest suscipi.

Respondent 1. adversæ partis Theologi, suam Sacramento Penitentiae vim & efficaciam semper conservari, cum, ut ait Tridentina Synodus, perfectæ contritio non reconciliet hominem sine voto Sacramenti quod includit, alitnde verò ipsamet contritio pars est Sacramenti; ergo Sacramentum ipsum semper est efficax.

Refellitur responsio: tum quia Concilium Tridentinum dixit præcipuam hujus Sacramenti vim positam esse in verbis formæ, non dixit in contritione: tum quia contritio, prout antecedit hoc Sacramentum & justificare dicitur in voto Sacramenti, non confert ad remissionem peccati ex opere operato, & virtute clavium, sed ex dispositione tantum operantis, quemadmodum & ante institutionem hujus Sacramenti justificabat; ergo, juxta responsionem adductam, peccatum non dimittitur ex opere operato & virtute clavium, quod pugnat cum doctrina Ecclesiæ.

Respondent 2. aliqui, malè inferri Sacramentum Penitentiae fore inutile, & absolutionem esse dumtaxat declaratoriam peccati jam dimissi, siquidem vi Sacramenti & augetur gratia, & pena peccatis debita remittitur.

Refellitur responsio, quia efficacia Sacramenti penitentiae non in eo dumtaxat versatur ut augeat gratiam, sed ut primò illam restituat; neque ut relaxet tantum penam temporalem, sed etiam æternam, cujus reatus ab ipsa culpa peccati non separatur.

Respondent 3. aliqui, efficaciam Sacramenti in eo maximè elucere, quòd homo qui attritus dumtaxat accessit, virtute Sacramenti interius immutetur & fiat contritus, ita ut attritio sit dispositio ad contritionem.

Refellitur: tum quia Concilium Tridentinum non dixit attritionem disponere ad contritionem, sed ad gratiam in Sacramento percipiendam: tum quia realis illa & interior immutatio penitentis, qua de attritio fit contritus, non satis cum experientia conciliari potest; pauci enim sunt qui virtute Sacramenti sentiant in se excitari actum perfectæ contritionis: non igitur hoc sensu penitens de attrito dicitur fieri contritus, quòd attrito ducat ad contritionem; sed quòd accedente Sacramento, ad quod proxime disponit attritio, accipiat gratiam sanctificantem, quæ habitu est perfectæ contritio:

tum

tum denique quia majus quiddam non est ac difficilius dispendere proximè ad perfectam contritionem, quàm ad gratiam Sacramenti: atqui prius admittere videntur auctores tertie hujus responsionis. Et verò mutatio illa hominis de attrito in contritum, vel sit virtute Sacramenti actû & formaliter percepti, vel præcedit tempore aut saltem natura illius adualem perceptionem. Si prius, mutatio illa effectus est Sacramenti, non dispositio, de qua hic loquimur. Si posterius, integra remanet difficultas, nempe contritionem charitate perfectam necessariam esse dispositionem ad Sacramentum Poenitentiae; adeoque prius quàm actû percipiatur Sacramentum, poenitentem Deo reconciliatum esse, ac consequenter absolutionem Sacerdotis verè non remittere, sed declarare dumtaxat dimissum esse peccatum.

Omittimus hic referre momenta quæ solent objici, ut probetur necessitas amoris Dei perfecti in Sacramento Poenitentiae: de illis enim suus aptior erit dicendi locus Quaestione sequenti, ubi expendendum erit an & qualis amor Dei requiratur, ut attritio sit dispositio sufficiens ad Sacramentum debitè percipiendum.

A R T I C U L U S IV.

An, & quale votum seu desiderium Sacramenti necessarium sit, & includatur in contritione perfecta.

PEr votum Sacramenti intelligunt Theologi desiderium seu voluntatem percipiendi Sacramentum.

Duplex distingui solet, unum explicitum, quod recognitionem & expressam ejus obtinendæ voluntatem importat; alterum generale & implicitum, quo generatim homo desiderat implere omnia Dei mandata, & sic animo est comparato, ut ea re ipsa adimpleret, si ea cognosceret. Tale votum seu desiderium semper includitur in contritione perfecta: fieri quippe non potest ut aliquis Deum perfectè diligit, quin eo ipso velit ipsi in omnibus placere, ejusque observare mandata.

Aliud autem est, votum rei alicujus esse necessarium, & rem necessariam esse in voto: prius significat voluntatem observandi rem præceptam; esse necessariam; posterius, rem præceptam tantæ necessitatis esse ad salutem, ut si non re ipsa, saltem voto debeat haberi: quod votum, Deo ita miserrante, rei ipsius vicesgerit, ac idem præstat, quamquam non eodem modo: votum enim Sacramenti non agit ex opere operato, sicut Sacramentum, sed ex opere dumtaxat operantis, & gratia quæ infunditur, propriè sacramentalis non est.

Quæstio igitur hinc est 1. utrum in contritione perfecta votum Sacramenti Poenitentiae includatur. 2. quale debeat esse: an explicitum, an implicitum sufficiat; circa quod more suo dissentiant Theologi.

Discrimen est inter votum rei necessarium, & rem in voto necessariam.

C O N C L U S I O .

Votum seu desiderium Sacramenti Penitentiae includitur in contritione perfecta: debere illud esse explicitum, in his quibus lex Baptismi & Penitentiae promulgata est, probabilius nobis videtur.

Dux sunt Conclusionis partes.

Prima pars manifesta est ex Concilio Tridentino Sess. 6. cap. 6. ubi agens de modo quo preparari debent ad obtinendam iustificantem gratiam, ii qui sunt baptisandi, post multa ait: *Denique dum proponunt suscipere Baptismum, inchoare novam vitam, & servare divina mandata.*

T. 14.

Conc. p.

710. A.

161. B.

817. B.

Et Sess. 14. cap. 4. Fuit, inquit, *quovis tempore ad impetrandam veniam peccatorum contritionis motus necessarius; & in homine post Baptismum lapsa deo voto preparat ad remissionem peccatorum, si cum fiducia divina misericordia & voto praefandi reliqua conjunctus sit, quae ad ritè suscipiendum Sacramentum requiruntur.* Et infra ait, *reconciliationem, quae per contritionem perfectam obtinetur, non esse adscribendam ipsi contritioni, sine voto Sacramenti quod in illa includitur.*

ibid. D.

Queres quid sit peccata remitti per Sacramentum Penitentiae in voto.

Respondent aliqui, sensum esse peccata non dimitti per contritionem perfectam, nisi sub obligatione & conditione percipiendi Sacramentum. Verum expositione indiget hae responsio. Si enim sensus sit, peccata non dimitti nisi cum impletur conditio, hoc est Sacramentum percipitur, falsa est: contritio enim perfecta, ex dictis, statim hominem Deo reconciliat, nec exspectat ut impleatur dicta conditio à qua non dependet. Si verò sensus sit, peccata dimitti quidem, sed per ordinem ad futurum Sacramentum, cujus percipiendi lex data est, & nobis incumbit obligatio, vera est responsio.

Resp. itaque, his verbis exprimitantam esse Sacramenti Penitentiae necessitatem, ut si re ipsa haberi non possit, (saltem in voto necessarium sit ad obtinendam veniam peccatorum cum ordine ad ipsum Sacramentum; ita ut ex parte nostra faciamus quidquid necessarium est ut Sacramentum percipiamus: atque inde sit, ut et si remittatur peccatum per contritionem perfectam, semper id fiat in ordine ad Sacramentum. Ad eum modum quo in emptione rei alicujus, ante solum integrum pretium, dominium & possessio rei confertur quidem & absolute datur, sed tamen cum ordine ad futuram integram solutionem: unde quando haec postea fit, licet non acquiratur novum aut majus dominium talis rei, solvitur tamen pretium, & prior contractus in suo ordine completur. Eo quoque modo dicimus peccata dimitti per contritionem in ordine ad futurum Sacramentum, quasi ad futuram solutionem: unde quando postea percipitur Sacramentum, completur contractus prior, quantum ex parte nostra oportet & fieri potest.

De Sum-

ma de

Poenit.

diff. 17.

sess. 2.

n. 7. p.

251.

Accedit praeterea, quòd etiam tunc per Sacramentum completur quodammodo justificatio prior, quae minus perfecta fuerat ob defectum Sacramenti, postea verò perficitur, & infunditur gratia per se sufficiens ad remissionem peccatorum, quae gratia sacramentalis, per se etiam loquendo, erat necessaria, & cum ordine etiam ad illam data fuerat prior remissio; & ideo licet

licet quoad remissionem peccati, in re nihil ei addatur, tamen quoad positivam formam expulsi-¹vam peccati, aliquid ei additur: unde facile colliges, Sacramenti perceptionem necessariam esse nec inutilem, cum per contritionem perfectam dimissa sunt peccata.

Secunda pars Conclusionis probatur ex adductis modò Concilii Tridentini testimoniis, in quibus distincta fit mentio voti Sacramenti quod includitur in contritione: atqui si de voto seu desiderio implicito & generali Synodus dumtaxat loqueretur, inutile fuisset expressam facere illius mentionem, cum certum sit tale votum omnium mandatorum Dei includi in contritione, nec ab ea posse separari.

Præterea, votum mediū quod ex ordinatione divina necessarium est ad salutem, debet esse diversum à voto rei, quæ ex præcepto tantum est necessaria: atqui votum rei istius debet esse saltem implicitum. Sic morti proximus debet implicitum saltem habere desiderium Eucharistiæ & Unctionis extremæ, quia utrumque Sacramentum ex præcepto necessarium est; ergo votum Sacramenti Poenitentiae, quod est medium absolute necessarium ad salutem, debet esse explicitum: alias majoris necessitatis non foret votum Baptismi & Poenitentiae, quam cujuslibet alterius mandati Christi.

Ratio est, quia cum Sacramentum re perceptum necessarium est necessitate, ut vocant, mediū, votum seu desiderium illius, Deo ita indulgente, supplet in casu necessitatis vices Sacramenti; ergo singulari aliqua ratione, distincta à desiderio observandi cætera Dei mandata, requiritur votum hujus Sacramenti: at non alia est singularis ratio magis distincta, nisi quòd rei, quæ necessaria est mediū necessitate, desiderium debet esse explicitum, non verò rei, quæ necessaria est dumtaxat ex præcepto, cujus proinde votum implicitum sufficit.

Q U Æ S T I O Q U I N T A.

De contritione imperfecta, seu attritione.

Att¹ritio²n³is nomen, inquit Estius in 4. dist. 16. paragr. 9. *Scriptura & Patribus incognitum*, à Scholæ Doctoribus distinctionis & doctrinae causa fuit excogitatum, ad significandum dolorem de peccato, seu poenitentiam quandam imperfectam. Sicut enim (pergit ille) in corporalibus attritum dicitur, quod aliquo modo, nempe forissecus tantum, lesum est aut comminutum; contritum vero, quod totum intus & foris fractione in minima resolutum est, ita in spiritualibus attritio ab illis dicta est imperfecta quadam & aliquid usque tantum progressu penitentiae, contritio vero poenitentia intima & perfecta.

Morinus Lib. 8. de Pœnit. cap. 2. num. 14. narrat qua occasione indutum sit in Scholas Theologorum, attritionis vocabulum. Cum, inquit, apud antiquos Scholasticos, Magistro & ipsius discipulis ab eo viva voce edoc¹ti²s. C. immediatè succedentes, ratum esset contritionem, iustificacionis & gratiæ gratum facientis esse p¹ed²sequam, nomen illis excogitandum fuit, quo preparaciones ad gratiam gratumfacientem suscipiendam notare & indig¹itare possent. Hactenus enim contritione cordis & compunctione significata fuerant... Nomen autem illud fuit Attritio, quo hæc omnia complexi sunt. Illo, ut jam in Scholis vulga-

pag.
216.

pag.
505. col.

vulga-

vulgato, utuntur Alexander Aleusis, Guillelmus Parisiensis, & Albertus magnus, & posteriorum nemo illud preterit. Nonnulli tamen eodem tempore illud aut non agnovērunt, aut neglexerunt; sed auctiorum qui hos antecesserunt, nullus mihi cognitus attritionem commemoravit, licet easdem cum his quaestiones agitant: itaque nomen illud in Scholis vulgari cepit post annum 1220. centum & paucissimis annis post natam Scholasticam. Ita Morinus pag. 505.

Quo-
modo
differat
contritio
&
attritio.

Quomodo autem differant inter se contritio & attritio, an specie seu natura, an tantum intensiois gradu & accidentaliter, sicut perfectum ab imperfecto, non consentiunt Theologi: pendet istud ex varia eorum sententia circa motivum utriusque. Qui veram in utraque charitatem exigunt, illas non specie ac natura, sed tantum accidentaliter, ratione intensiois graduum, differre; qui verò distinctum specie motivum, amorem scilicet vere charitatis in contritione, & amorem spei in attritione postulant, ii specie ac natura contritionem & attritionem distingui arbitrantur: atque inde vario modo intelligitur decantatum istud apud veteres Scholasticos axioma, *Poenitentia in Sacramento Poenitentia fit de attrito contritus*. Juxta priorem sententiam, cum eadem charitas sive ante Sacramentum, sive vi Sacramenti gradu & intensioe augetur, intra eandem speciem attritio fit contritio: in posteriori verò sententia, attritio nunquam potest fieri contritio; quæ enim natura & specie differunt, in se invicem converti ac transmutari non possunt: poenitens igitur de attrito contritus fieri dicitur, vel cum amor concupiscentiaæ sui accedit amor benevolentiaæ seu charitatis; vel cum virtute Sacramenti infunditur gratia sanctificans, quæ habitu & natura sua vera est ac perfecta charitas diffusa in cordibus per Spiritum sanctum.

Doctrina
na Cō-
cilio Tri-
dentini.
Tb. 14.
Canc. 3.
817. D.
E.

Concilium Tridentinum Sess. 14. cap. 4. postquam assignavit charitatem pro motivo contritionis perfectæ, de attritione hæc addit. *Docet sancta Synodus, illam contritionem imperfectam, quæ attritio dicitur, quoniam vel ex turpitudinis peccati consideratione, vel ex gehennæ & poenarum metu committeri concipitur, si voluntatem peccandi excludat, cum spe venia; declarat, non solum non facere hominem hypocritam, & magis peccatorem, verum etiam donum Dei esse, & Spiritus sancti impulsu, non adhuc quidem inhabitantis, sed tantum moventis, quo poenitens aditus, viam sibi ad iustitiam parat; & quavis sine Sacramento Poenitentia per se ad iustificationem perducere peccatorem nequas, tamen eum ad Dei gratiam in Sacramento Poenitentia impetrandam disponit*. Synodus his verbis & errorem Lutheri perstringit, & attritionis duplex ordinarius assignat motivum, turpitudinem nempe peccati, & timorem poenarum; tam conditiones attritionis, & fructum seu utilitatem exponit. Conditiones istæ sunt, ut excludat voluntatem peccandi, adjunctam habeat veniaæ spem, & sit ex impulsu Spiritus sancti effectus verò in eo est, ut poenitentem adjuvet, ipsi viam ad iustitiam paret, eumque disponat ad gratiam in Sacramento Poenitentia impetrandam.

Duplex
attritio-
nis mo-
tivum.
Turpi-
tudo
peccati
quæ.

Existis porro duplex dumtaxat motivum attritionis hic expendimus, præcipue verò timorem gehennæ ac poenarum, de quo potissimum disputatio movetur: de consideratione quippe turpitudinis peccati vix ulla difficultas est. Fatentur omnes non sufficere eam turpitudinis peccati considerationem, ex qua poenitens in opinione hominum quamdam infamiam contrahit; sed eam requiri, quæ ad offensam Dei, seu læsam divinam iustitiam, ordinem

ac respectum includat. Unde Clerus Gallicanus anno 1700. meritò proscriptit inter alias multas, istam propositionem, n. 86. *Attritio ex gehenna metu sufficit etiam sine ulla Dei dilectione, sine ullo ad Deum offensum respectu, quia talis honesta & supernaturalis est. Hæc propositio, ait Censura, qua dispositiōibus necessariis ad absolutionem excluditur quilibet ad Deum offensum respectus, temeraria est, scandalosa, pernicioſa, & in hæresim inducit.*

De solo igitur timoris motivo in præſenti Quæſtione controverſiam tribus ſequentibus Articulis inſtituemus. Timor
pœnæ.

Primus erit adverſus Novatores Lutheranos & alios, ac ſpectat naturam ipſam timoris, ſeu contritionis imperfectæ: an mala ſit, vitioſa, non tantum inutilis, ſed etiam noxia, quæ hominem magis peccatorem & hypocritam reddat; an verò bona, honeſta, laudabilis, & utilis ad ſalutem.

Secundus, an Concilium Tridentinum definiſſet vel non, amorem Dei neceſſarium eſſe in attritione, ut hominem diſponat ad gratiam in Sacramento impetrandam.

Tertiſ, an & quis requiratur Dei amor in attritione, ut ſit diſpoſitiō ſufficiens ad Sacramentum Pœnitentiæ cum fructu percipiendum.

ARTICULUS PRIMUS.

Utrum attritio concepta ex gehenna & pœnarum timore bona ſit, honeſta & laudabilis.

Varia timoris ſpecies diſtinguitur, & aperitur ſtatus quæſtionis.

SANCTUS THOMAS ſecunda ſecundæ q. 19. art. 2. in corpore, quatuor diſtinguit ſpecies timoris: mundani, ſervilis, filialis, & initialis inter utrumque mediū.

I. Timor mundanus eſt, quo quis ſic malum timet, ut recedat à Deo, ait Angelicus Doct̃or; hoc eſt, magis timet malum temporale quod inferri ab hominibus poteſt, quàm malum pœnæ æternæ. Timor ille mundanus malus eſt atque perverſus, de quo dicebat Chriſtus Matth. 10. v. 28. *Noliſte timere eos qui occidunt corpus, animam autem non poſſunt occidere: ſed potiùs timete eum qui poteſt & animam & corpus perdere in gehennam.* Hoc mundano timore correpti multi ex Principibus, qui Chriſto crediderant, cum palam & publicè profiteri non audebant, ne fortè Phariſæis diſplicerent & è Synagoga ejicerentur. Joan. 12. v. 42. *Propter Phariſæos non conſitebantur, ut è Synagoga non eſcicerentur: dilexerunt enim gloriam hominum magis quàm gloriam Dei.* Timor
mūdanus.

II. Eſt timor ſervilis, per quem culpam aliquis fugit propter pœnam ipſi annexam: quod quidem cum duplici modo fieri poſſit, duplex diſtinguitur timor ſervilis, unus ſimpliciter ſervilis, quo quis peccatum fugit ex metu pœnæ, tanquam ex motivo & ſine proximo, & abſtrahit ab eo quod ageret, ſi pœna peccatoribus non eſſet intentata; alter ſerviliter ſervilis, quo quis peccatum metu pœnæ exterioris quidem non committit, ſed ita eſt a ſuſceptum implicite & conditionatè affectus, ut ſi poſſet impune, illud ultrò committeret. *Servilitas autem, ait S. Thomas ſecunda ſecundæ q. 19. art. 4. in* Timor
ſervilis,
& ſerviliter
ſervilis.

Tournely de Sacram. Pœnitentiæ.

H

corp.

corp. non pertinet ad speciem timoris servilis, sicut nec infirmitas ad speciem fidei informis. Vitium est non timoris, sed timentis. Duo ista malignè confundunt Novatores; & quæ de timore serviliter servili, qui malus est, à SS. Patribus dicuntur, ea transferunt ad timorem simpliciter servilem.

Timor
filialis,
incipiens
& per-
fectus.
ibid. 1.
v. 28.

III. Timor filialis dicitur, quia proprius est filiorum Dei, qui ex charitate & amore iustitiæ, non timore pœnæ, Deum amantissimum patrem ac dominum peccando offendere pertimescunt; de quo timore dicitur Eccli. 2. v. 6. *Serva timorem plius, & in illo perversa se: nam qui sine timore est, non poterit iustificari.* Et Psalm. 18. v. 10. *Timor Domini sanctus permanens in seculum seculi.*

IV. Timor initialis ille est, juxta S. Thomam, quo quis ad Deum convertitur, eique inhaeret, tum propter timorem culpæ, tum propter timorem pœnæ. Audiatur S. Thomas loco mox citato secunda secundæ q. 19. art. 2. in corp. ubi mentem suam circa naturam timoris mundani, servilis, filialis, & initialis clarè aperit. *Cum enim, inquit, obiectum timoris sit malum, quandoque homo propter mala quæ timet, à Deo recedit, & iste dicitur timor humanus vel mundanus: quandoque autem homo propter mala quæ timet, ad Deum convertitur, & ei inhaeret; quod quidem malum est duplex, scilicet malum pœnæ, & malum culpæ. Si ergo aliquis convertatur ad Deum, & ei inhaereat propter timorem pœnæ, erit timor servilis: si autem propter timorem culpæ, erit timor filialis. . . . si autem propter timorem utrumque, erit timor initialis, qui est medius inter utrumque timorem.* Hæc S. Thomas, quibus certè nihil expressius desiderari potest.

Quæstio hic non est de timore Dei filiali aut initiali; fatentur enim omnes, vel ipsi Novatores, bonum illum esse, rectum ac laudabilem.

Quæstio pariter non est de timore, aut mundano, aut serviliter servili, qui peccandi voluntatem nullo modo excludit: ab omnibus uterque reprobat ac rejicitur.

Quæstio etiam non est, an timor gehennæ generatim ac secundum se consideratus bonus sit, rectus ac licitus: non negat Janſenius Lib 5. de gratia Christi Salvatoris c. 21.

Quæstio igitur in eo versatur unicè, an timor simpliciter servilis, quo quis peccatum fugit propter pœnam ipsi impositam, tanquam motivum & finem proximum, abstractione facta finis ultimi ad quem ille per charitatem non refertur; utrum, inquam, timor ille hic & nunc semper malus, si perversus, inordinatus, verumque saltem omissionis peccatum, eo ipso quòd ex motivo charitatis non fiat, nec ad Deum tanquam ad finem ultimum referatur; & utrum timor ille nunquam peccandi voluntatem saltem implicitam & conditionatam excludat, sedè contra illam semper adjunctam habeat.

ERRORES.

Asserit Lutherus, qui contritionem ex tali timore conceptam contendit liberam non esse, sed extortam, violentam & coactam, hominemque magis peccatorem & hypocritam facere: cujus erroris fundamentum & quasi radix est, omnem humanam actionem, quæ non provenit ex charitate perfecta, habituali & sanctificante, verum esse peccatum; atque ante illam homi-

hominem tantò à gratia comparanda remotiorem fieri, quantò magis ad eam se disponere ac præparare nititur.

Qui verò cum Bajo, Janzenio, Quenellio sentiunt non quidem habitua-lem, sed actualem charitatem propriè dictam, necessariam esse ad omnem humanam actionem, ut sit moraliter bona, non verum peccatum; ii conse-quenter ajunt attritionem ex solo metu penarum conceptam, vitiosam esse, verumque saltem omissionis peccatum, eo ipso quòd ex motivo charita-tis non fiat, nec ad Deum, tanquam ad finem ultimum referatur. Erroris fun-damentum est, nullum esse medium inter vitiosam cupiditatem, & laudabi-lem charitatem; & quidquid ab homine fit, esse vel à cupiditate, ac conse-quenter malum; vel à charitate, ideoque rectum & honestum. Fusè istud pro-sequitur Janseus L. 3. de statu naturæ lapsæ c. 19.

Inde confectarium est ut doceant 1. sine actuali charitate, ac solo pe-narum metu nunquam excludi interiorem peccati voluntatem, saltem implici-tam & conditionatam. 2. timorem illum penarum invitum ac violentum esse, non liberum. 3. timorem penæ, & opus ex illo timore factum, etiam fide supposita, non esse supernaturalem, seu ex gratia Christi, sed ex viri-bus naturæ. Hæc re ipsa docet Janseus L. 5. de gratia Christi Salvat. cap. 27. *Impossibile est, inquit, ut ille qui in peccandi proposito constitutus est, so-la pænæ formidine ita metat voluntatem, peccatumque detestetur, ut non pec-ces.* Ibid. c. 25. & 26. ex professo probat timorem illum, etiam supposita fide, naturalem esse, ex propriis viribus naturæ, non verò ex impulsu & gratia Spiritus sancti. Ibid. cap. 29. probat eum penæ timorem invitum esse ac violentum, quo non peccatum, sed aliud quidpiam fugitur. Rationem profert cap. 24. *quia nascitur, inquit, ex amore creaturæ & sui.* Denique L. 3. de statu naturæ lapsæ c. 17. *Ineptum est dicere, inquit, illum qui invitum fecerit præceptum quod facit, opus moraliter bonum facere.*

Magistrum sequitur Quenellius. Inter multas ejus propositiones à Cle-mente XI. tota suffragante per orbem diffusa Ecclesia, damnatas, istæ sunt quæ ad rem nostram pertinent. Sexagesima prima: *Timor non nisi manum co-hibet: cor autem tamdiu peccato addicitur, quamdiu ab amore justitiæ non ducitur.* Sexagesima secunda: *Qui à malo non abstinet nisi timore pænæ, illud committit in corde suo, & tam reus est coram Domino.* Sexagesima. *Si solus supplicii ti-mor animat penitentiam, quòd hæc est magis violenta, eò magis ducit ad despera-tionem.* Eodem quo Janseus fundamento nititur, nempe, non esse nisi duos amores, (Prop. 44.) unde voluntiones & actiones omnes nostræ nascuntur: amo-rem Dei, qui omnia agit propter Deum, quemque Deus remunerat; & amorem quo nos ipsos, ac mundum diligimus, qui, quod ad Deum referendum est, non refert, & propter hoc ipsum fit malus. Idem Prop. 45. 46. & 47. cujus postremæ hæc verba sunt. *Obedientia legis profuere debet ex fonte, & hic fons est charitas. Quan-do Dei amor est illius principium interius, & Dei gloria ejus finis, tunc purum est quod apparet exterius: alioquin non est nisi hypocrisis, aut falsa justitia.* Et Prop. 49. *Ut nullum est peccatum sine amore nostri, ita nullum est opus bonum sine amore Dei.* Mitto alias.

Primum autem ac fundamentale hujusce doctrinæ principium, quod cla-rè insinuat jam relata Quenellii quadagesima quarta Propositio, illud est; nempe unumquemque, vi præcepti dilectionis Dei, sub pænâ peccati, saltem

Edic.
Kathem.
p. 237.
col. 2.
B. C.
p. 140.
col. 1.
p. 234.
col. 2.
T. 1. p.
268. sol.

omissionis, teneri omnes suas actiones ex motivo propriæ charitatis ad Deum, tanquam ad finem ultimum, virtualiter saltem referre. Verum obvera hic obiter, præceptum dilectionis Dei partim negativum esse, ac partim affirmativum. Certum autem videtur, qua parte negativum est, semper obligare; id est teneri semper hominem nihil omnino facere, quod huic præcepto adversetur, seu nunquam peccare; qua parte verò affirmativum est, non obligare semper ac pro semper, pro natura scilicet præcepti affirmativi. Ita expressè S. Thomas, quem perpetuò hic nobis opponunt, sed cuius verba vel ex parte supprimunt, vel adulterant. Audiatur S. Doctor prima secundæ q. 88. art. 1. ad 2. *Præceptum*, inquit, *Apostoli* (Omnia in gloriam Dei facite) *est affirmativum, unde non obligat ad semper; & sic non facit contra hoc præceptum, quicumque actu non refert in gloriam Dei omne quod facit. Sufficit ergo quòd aliquis habitualiter referat se & omnia sua in Deum, ad hoc quòd non semper mortaliter peccet, cum aliquem saltem non refert in gloriam Dei actualiter.* Et q. 100. art. 10. ad 2. *Sub præcepto charitatis*, ait S. Thomas, *continetur, ut diligatur Deus ex toto corde, ad quod pertinet, ut omnia referantur in Deum . . . Sic ergo qui honorat parentes, tenetur ex charitate honorare, non ex vi huius præcepti, quod est, Honora parentes; sed ex vi huius præcepti, Diliges Dominum Deum tuum ex toto corde tuo. Et cum ista sint duo præcepta affirmativa, non obligantia ad semper, possunt pro diversis temporibus obligare; & ita potest contingere, quòd aliquis implens præceptum de honoratione parentum, non tunc transgrediatur præceptum de omissione modi charitatis.* Ibid. q. 88. jam citata art. 1. ad 2. sic loquitur S. Doctor. *Dicendum quòd illud præceptum Apostoli* (primæ Cor. 10.) *est affirmativum, unde non obligat ad semper.* Verum his obiter prælibatis, de quibus suus proprius erit alibi dicendi locus,

Duo hic diligenter observanda sunt.

Primum, longum discrimen esse inter hæc duo; actum virtutis v. g. fidei, spei, aut timoris supernaturalis, ex sese absque charitate mereri non posse vitam æternam; & illud verum esse peccatum, saltem omissionis, dignum æternis suppliciis. Primum verum est: alterum in Novatoribus, velut erroneum damnamus.

Secundum, in homine peccatum ex metu poenarum refugiente, ista distinguenda esse. 1. actum exteriorem peccati. 2. absolutam & efficacem hic & nunc peccandi voluntatem. 3. hypotheticam voluntatem actualem, si non explicitam, saltem implicitam ac intus latitantem, seu affectum actualem ad peccatum. 4. voluntatem habitualement peccati, seu affectum habitualement ad peccatum, qui nihil aliud videtur esse quàm habitualis quædam ac libera voluntatis ad peccatum conversio: dicitur autem libera, quatenus ex peccato propria ac libera voluntate contracto, quodque retractari potuit, fluit ac sequitur. 5. maculam seu reatum ex peccato nondum revocato ac dimisso, animæ inhaerentem. 6. propensionem generalem ad malum, seu concupiscentiam, quæ à peccato est, & ad peccatum inclinatur.

Certum est per timorem simpliciter servilem excludi actum exteriorem peccati, sicut & absolutam ac efficacem peccandi voluntatem. Certum est etiam, per eundem timorem non excludi habitualement voluntatem peccati, hoc est, maculam ac reatum ex peccato nondum dimisso animæ inhaerentem: so-

la etc.

la etenim charitas justificat, & operit multitudinem peccatorum. Non excludit etiam generalem, quæ naturæ nostræ corruptæ inest, ad malum propensionem: namque semper hac in vita remanet concupiscentia, ad agonem & exercitium virtutis. Superest igitur quaestio, utrùm timor ille excludat affectum habitualem ad peccatum, aut saltem hypotheticam ac conditionatam peccati voluntatem, tùm explicitam, tùm etiam implicitam. Negant Recentiores nonnulli: scilicet existimant, timore servili duo esse discernenda, timorem nempe poenæ; & servilitatem ei conjunctam, hoc est, voluntatem actualem peccatis intus latitantem. Porro, inquiunt, voluntas illa actualis ac conditionata, seu affectus peccati, in ipsius animi medullis viget semper & latenter vivit, donec in corde regnet ac dominetur charitas propriè dicta.

Ut autem manifestè pateat hanc esse Recentiorum nonnullorum mentem circa vim timoris servilis, audiendus est unus ex illis Tractatu de Penitentia, parte I. pag. 299. ubi hæc docet: *primum, timorem continere à peccato exteriori; secundum, comprimere etiam posse absolutam & efficacem hic & nunc peccandi voluntatem, remanente tamen intus hypotheticam.* Eo ferè modo quo mercator furente tempestate, ac imminente naufragii periculo; merces in mare projicit, quas amat tamen & servare vellet. Sic, inquit, qui ob timorem gebennæ propositum peccatum fugit, is sibi quidem fortè temperat etiam animo, ne in illud absoluta voluntate feratur: sed adiuncta tamen ea conditione, ut peccaret, nisi paena & majoris infortunii metus cobiberet. Tertium, si homo in hanc voluntatem hypotheticam & intimam animi præparationem oculos reflectat, continget etiam forsan ut eam reprimat, nec erumpat in actum expressum & explicitum; sed ea nihilominus in ipsius animi medullis vigeat semper, & latenter vivet, si non in hoc quod propositum fuit, saltem generatim in malum propensa. Quatum, si demus timore posse etiam omnem peccandi voluntatem expelli, id non præstabit, nisi alterius affectus substitutione: regnat enim semper in corde aliquis amor, non potest ergo quis sese à peccati affectu avocare, quin alium inducat: is autem erit aut amor sui, aut amor Dei: si amor sui, is adhuc vitiosus est, creaturæ enim affigit; si autem amor Dei, habemus quod omnibus votis exoptamus. Aperta ista sunt nec involuta. Timor excludere quidem potest in mente illorum Theologorum, absolutam, imò & aliquando hypotheticam peccandi voluntatem, ac impedire in actum expressum & explicitum erumpat; attamen remanente semper in intimis animi medullis occulta & latitante etiam actuali voluntate seu affectu peccati. Neque dissimulat Auctor præcipuum hujusce doctrinæ fundamentum, nempe nullum esse medium inter amorem Dei & creaturæ, inter vitiosam cupiditatem, ac laudabilem charitatem; atque id omne quod ex motivo propriæ charitatis ad Deum, tanquam ad finem ultimum virtualiter saltem non refertur, verum esse saltem omissionis peccatum.

Alii Theologi, hoc rejecto erroneo principio, sentiunt, per timorem simpliciter servilem excludi, saltem actualem omnem ad peccatum affectum, sive absolutum, sive conditionatum, sive explicitum, aut implicitum, occultum ac latitantem. Ratio manifesta est: quia concipere non potest quæ ratio nec timor possit disponere penitentem ad gratiam Sacramenti, quemadmodum docet Concilium Tridentinum, quamdiu vivit ac perseverat in eo actualis ad peccatum affectus, etiam implicitus, occultus ac latitans.

Dixi, per timorem excludi *saltem* omnem ad peccatum actualem affectum: plurimi enim sunt Theologi, qui existimant omnem omnino cuiuslibet peccati affectum & voluntatem, tum actualem, tum etiam habitualement, solo poenarum metu deponi & excludi, atque firmum & efficax propositum concipi non peccandi de cetero. His praemissis, fit

C O N C L U S I O.

Contritio imperfecta, seu attritio, concepta ex motivo timoris poenae aeternae, quo peccatores ad fugam peccati & poenitentiam moventur, bona est, laudabilis, donum Dei: unde non semper adiunctam habet, uti volunt Recentiores nonnulli, actualem peccandi voluntatem conditionatam, saltem implicitam ac intus latitantem: nec peccati etiam omissionis reus est, qui ita timet.

Probatur 1. ex Scripturis, tum veteris tum novi Testamenti.

Exodi 2. v. 20. *Ut probaret vos venit Dominus, & ut terror illius esset in vobis, & non peccetis.*

Deuteronomii 6. v. 13. *Dominum Deum timebis, & illi soli servies.*

Proverbiorum 1. v. 7. *Timor Domini principium sapientiae.* Etc. 14. v. 27. *Timor Domini fons vitae, ut declinent à ruina mortis.*

Ecclesi. 1. v. 22. & seq. *Corona sapientiae timor Domini, repetens pacem & salutis fructum Utraque autem sunt dona Dei. Radix sapientiae est timere Dominum . . . Timor Domini expellit peccatum; nam qui sine timore est, non potest iustificari.* Etcap. 2. v. 19. & seq. *Qui timeant Dominum, inquirent quae bene placita sunt ei Qui timeant Dominum, preparabunt corda sua, & in conspectu illius sanctificabunt animas suas . . . & patientiam habebunt usque ad inspectionem eius, dicentes: Si poenitentiam non egerimus, incidemus in manus Domini, & non in manus hominum.* En clarè expressus poenarum timor, qui est poenitentiae objectum, motivum, & finis proximus. Timorem hunc à Deo postulabat David Psalmo 118. v. 120. *Confige timore tuo carnes meas, à iudiciis tuis timui.*

Isaias cap. 33. v. 14. *aeternae poenae timorem peccatoribus velut fraxum obijcit; Quis poteris habitare de vobis cum igne devorante? Quis habitabit ex vobis cum ardoribus sempiternis?*

Matthaei 10. v. 28. *Nolite timere eos qui occidunt corpus, animam autem non possunt occidere; sed potius timeate eum qui potest & animam & corpus perdere in gehennam.* At quomodo haec omnia starent, si in eo qui ob solum gehennae timorem peccatum fugit, vigeret semper ac latenter viveret actualis quidam ac hypotheticus ad peccatum affectus, saltem implicitus?

Probatur 2. ex SS. Patribus, & Ecclesiae constanti Traditione.

P. 118. Tertullianus L. de Poenit. capite ultimo. *Si de exomologesi retractas, inquit, gehennam ex corde considera, quam tibi exomologesi extingues; & poena prius magnitudinem imaginare; ut de remedii adeptione non dubites.*

P. 173. S. Clemens Alexandrinus Lib. 2. Stromatum, ante medium: *Prima, inquit, ad salutem inclinatio nobis fides apparet, postquam timor & spes & ibid. B. poenitentia . . . nos ducunt ad charitatem.* Et paulò post: *Qui timorem accu-*
sant,

sant, legem insectantur; quòd si legem, clarum est quòd illum quoque qui legem dedit. Et Lib. 7. pag. 536. *Iustitia est duplex: una quidem propter charitatem, alia verò propter metum; iam verò abstinentiam à malis operatur is qui timet.*

S. Cyprianus Tractatu de lapsis, Deus, ait, quantum pietate patris indulgens semper & bonus est, tantum iudicis maiestate timendus est. P. 178.

Denique S. Augustinus, ut alios innumeros præteream, in Psalm. 127. exponit quid sit timor castus, & non castus seu servilis. Alius, inquit, non in hac terra pati timet, sed gehennas timet, unde terretur & Dominus. Au. T. 4. p. 1439. F. distis cum Evangelium legeretur, Ubi vermis eorum non morsetur, & ignis eorum non extinguetur. Audiant hoc homines; & quia verò futura sunt impiis, timent & continent se à peccato. Timent quidem, sed non amant iustitiam. (En character timoris servilis.) Cum autem per timorem continent se à peccato, pergit S. Doctor, si consuetudo iustitia, & incipit quod durum erat amari, & dulcescit Deus; & iam incipit homo propterea iustè vivere, non quia timet penas, sed quia amat iustitiam. (En progressus timoris servilis.) Deinde adducta comparatione, egregie illustrat S. Doctor quid sit timor servilis, & timor castus. Pone, inquit, aliquam feminam castam timentem virum suum: aliam ponè adulteram, & ipsa timet virum suum. Casta timet, ne discedat vir; adultera, ne veniat. Quid, si ambo absentes sunt? Illa timet ne veniat, illa ne tardet. Absens est quodammodo cui desponsatus sumus, absens est qui nobis arbam dedit spiritum sanctum Absens est sponsus noster, interroga conscientiam tuam Quam multi, si dicatur illis: Ecce iam Christus, cras dies iudicii, non dicunt, Veniam veniat! Quis enim dicunt, multum amant; & si dicatur illis, Tardabit, timent ne tardet, quia timor castus est. . . . Castus ergo timor venit de amore: ille autem timor nondum castus, præsentiam (Domini) & penas timet. Timore facis quicquid boni facis; non timore amittendi bonum illud, sed timore patiendi illud malum. Non timet ne perdat amplexus sponsi pulcherrimi; sed timet ne mittatur in gehennam. Bonus est & iste timor. Ibid. p. 1440. B. Ibid. F. Ibid. p. 1441. A.

Et Sermone 168. aliàs 18. de verbis Apostoli: Cum dicis mihi, inquit, T. 4. p. 778. F. gehennam timeo, ardere timeo, in aeternum puniri timeo: Quid? discursus sum, Malè times, vanè times, non audeo Planè time, nihil melius times; nihil est quod magis timere debeas. Sed interrogo te, Sinon te videret Deus, quando facis, nec quisquam te convinceret in iudicio illius, faceres? . . . Si faceres, ergo penam times, castitatem nondum amas, charitatem nondum habes: serviliter times; formido est mali, nondum dilectio boni. Sed timo tamen, ut ista formido custodiat te, ut perducatur ad dilectionem: timor enim iste quo gehennam times, & ideo mala non facis, continet te; & sic volentem peccare animum interiore non finit. Est enim quidam custos timor, quasi pedagogus legis; littera est minans, nondum grata suavans; custodiat tamen te timor iste, dum non facis timendo, & veniet charitas, intrat in cor tuum; & quantum illa intrat, timor tantum exit. Timor enim id agebat ne faceres; charitas id agit ut nolis facere, etiamsi impune possis admittere. Ib. G.

Apertè distinguit hic S. Augustinus, timorem simpliciter servilem nondum castum, qui à malo abstinet; & timorem serviliter servilem, qui peccatum externè quidem cohibet, sed internam & actualement supponit pec-

T. 9. p.
168. E.

candi voluntatem, qua quis sic est actu animo affectus & præparatus, ut re ipsa peccatum exterius consummaret, si nulla ipsi foret imposita poena: qui profecto timor rejicitur. Alter verò timor simpliciter servilis, iudice S. Augustino, bonus ac laudabilis est, qui *volentem peccare animum interiore non finit*; seu, ut loquitur Lib. 2. contra Epist. Petiliani cap. 83. num. 184. *intra claustra cogitationis coercet malam cupiditatem; qui hominem continet ac custodit*. Falsa est igitur ac merito damnata ista sexagesima prima Quenellii Propositio, *Timor non nisi manum cohibet, cor autem tandem peccato adducitur, quamdiu ab amore iustitiae non ducitur*. Cum ergo S. Augustinus variis in locis asserit, non nisi amore iustitiae excludi peccandi voluntatem, nomine amoris iustitiae non intelligit charitatem verè & propriè dictam, sed dumtaxat charitatem latius & genericè sumptam, pro quacumque pio voluntatis affectu erga bonum. Et certè sanctum Doctorem uni & soli charitati vim non tribuisse excludendi actualem peccandi voluntatem, constat ex locis mox allatis: in iis siquidem expressè agnoscit timorem intra claustra cogitationis cupiditatem coercere, atque non sinere seu permittere interiorem animum peccandi.

r. 6. p.
281. n.
27.

Denique idem S. Doctor L. de catechizandis rudibus c. 17. distinguens aliquot genera hominum qui ad fidem veniunt, ait aliquos esse, *qui propter beatitudinem sempiternam & perpetuam requiem quae post hanc vitam sanctis futura permittitur, volunt fieri Christiani, ut non eant in ignem cum diabolo, sed in Regnum aeternum intrent cum Christo*, & hos dicit verè Christianos esse. Timor ergo bonus est, sanctus & laudabilis.

Probatur 3. auctoritate S. Thomae pluribus in locis. Secunda secundae q. 19. art. 2. in corpore. *Quandoque, inquit, homo propter mala quae timet, ad Deum convertitur & ei inhaeret; quod quidem malum est duplex, scilicet malum poenae, & malum culpa: si ergo aliquis convertatur ad Deum ut ei inhaereat propter timorem poenae, erit timor servilis; si autem propter timorem culpa, erit timor filialis. . . si autem propter utrumque, erit timor initialis*. Videt S. Doctorem ibi expressè asserere, per timorem servilem hominem ad Deum converti, eique inhaerere. Qua porro ratione id fieri posset, si timor ille actualem peccandi voluntatem, saltem implicitam & conditionatam, semper adjunctam haberet?

Ibidem art. 7. probat timorem, tam filialem tam servilem, initium esse sapientiae. *Timor servilis, inquit, est sicut principium extra disponens ad sapientiam; in quantum aliquis timore poenae discedit à peccato, & habilitatur per hoc ad sapientiae effectum, secundum illud Eccli. 1.* Timor Domini expellit peccatum.

Rursus ibid. art. 9. in corpore sic loquitur: *Timor servilis non est numerandus inter septem dona Spiritus sancti, licet sit à Spiritu sancto*. Profecto timor qui à Spiritu sancto procedit, bonus est, honestus ac laudabilis, nec annexam semper habet actualem peccandi voluntatem, ut per se manifestum videtur: timor autem servilis, ex Angelico Doctore, ex Spiritu sancto procedit.

T. 14.
Conc. p.
765.

Probatur 4. ex Concilio Tridentino. Sess. 6. Can. 7. adversus Lutherum sic statuit: *Si quis dixerit, opera omnia quae ante iustificationem fiunt, quaecunque ratione facta sint, vera esse peccata, vel odium Dei mereri; aut quantò quis*

tò quis vehementius nititur se disponere ad gratiam, tantò eum gravius peccare, anathema sit. Et Can. 8. *Si quis dixerit, gehenna metum, per quem ad misericordiam Dei de peccatis dolendo confugimus, vel à peccando abstinemus, peccatum esse, aut peccatores peiores facere, anathema sit.*

Seffione decima quarta paulò ante hic citata, timoris naturam, conditiones & effectus exponit, declarat, ac commendat. Hoc timore, addit, *utiliter concussi Nisi vitæ ad bonæ prædicationem plenam terroribus poenitentiam exerunt, & misericordiam à Domino impetrarunt.* Et Can. 5. ejusdem Seffionis sic definit: *Si quis dixerit, eam contritionem, quæ paratur per discussionem, collectionem, & defestationem peccatorum, quæ quis recogitat annos suos in amaritudine animæ suæ, ponderando peccatorum suorum gravitatem, multitudinem, sorditatem, amissionem æternæ beatitudinis, & æternæ damnationis incursum, cum proposito melioris vitæ, non esse verum & utilem dolorem, nec præparare ad gratiam, sed facere hominem hypocritam, & magis peccatorem; demùm illum esse dolorem coactum, & non liberum ac voluntarium, anathema sit.* Porro si gehennæ timor ex se sine actuali charitate malus esset ac perversus, sinu suum excluderet à statualem peccandi voluntatem, si peccatum omissionis semper includeret, ad donum Dei dici posset, impulsus Spiritus sancti, ac hominem præparare ad Dei gratiam in Sacramento Poenitentiae impetrandam?

Meritò igitur Alexander VIII. S. P. an. 1690. die septima Decembris, Decreto suo duas istas Propositiones damnavit, decimam quartam & decimam quintam inter triginta & unam. *Timor gehennæ non est supernaturalis. Atrritio, quæ gehennæ & punarum metu concipitur sine dilectione benevolentia Dei propter se, non est bonus motus ac supernaturalis.*

Probatu denique momentis theologicis.

I. Timor cupiditatem reprimat, saltem, ait S. Augustinus L. 2. contra Epistolam Petiliani cap. 83. n. 184. *intra claustra cogitationis.* Mala opera cohibet, instillat iustitiæ amorem. *Fit consuetudo iustitiæ, & incipit amari quod durum erat, & dulcescit Deus,* ait ibidem S. Doctor in Psalm. 127. *& iam incipit homo suaviter vivere.*

II. Charitati locum parat, ad eam disponit. *Timor,* ait S. Augustinus Epist. 140. ad Honoratum c. 28. *pellit consuetudinem malorum operum, & servat charitati locum.* Et L. 2. de adulterinis conjug. c. 19. *Timor facit ut quod erat necessitate captum, fiat charitate perfectum.* Et Tract. 9. in Epistolam Joannis. *Timor,* inquit, *locum præparat charitati; cum autem caperis charitatem habitare, pellitur timor qui ei præparavit locum. Quantum illa crescit, ille decrescit.... Major charitas, minor timor.... si autem nullus timor, non est quā in tres charitas.*

III. Timor gehennæ. tum ex objecto suo seu fine proximo, tum ex effectu, seu medio quo ad finem suum tendit, bonus & ordinatus est. 1. Objectum seu finis timoris, est fuga poenæ maximè formidandæ: *Nihil est,* ait jam laudatus S. Augustinus Serm. 161. *quod magis timere debeat, utpotè contrarium possessioni summi boni.* Timor quippè alicujus mali utrimque rationem suam, & consequenter honestatem, ex bono illo cuitale malum opponitur; ex amore quippè ac desiderio boni, oritur odium, vel fuga mali: at bonum illud cui gehennæ malum opponitur, per se maximè honestum est & amabile; ergo & timor rectus est ac laudabilis. 2. Medium quo utitur timor.

1bid. p. 817. B.
1bid. p. 814.

Recens.
des Bul-
les pag.
306.

Tr. 2. p.
439. A.
Tr. 6. p.
417. B.
C.
Tr. 3. p.
2. pag.
884. B.

timor ad fugiendam poenam, est emendatio vitæ, detestatio peccati, firmum illud de cætero non committendi propositum. At stare illa non possunt, nisi timor internam & actualem peccandi voluntatem excludat; illud enim omne excludere debet, quod poenam æternam (quam timor refugit) meretur: at voluntas ipsa actualis peccandi, peccatum est quod æternam meretur poenam; ergo si rectus sit timor, si supernaturalis & efficax, voluntatem illam actualem interiorem non peccandi excludere debet: concipiet enim non potest, ut jam diximus, quomodo stare possit & propositum melioris vitæ, quod in omni contritione debet includi, & dispositio legitima ad gratiam in Sacramento percipiendam, quamdiu vivit ac perseverat in homine actualis ad peccatum affectus, etiam implicitus, ac in medullis animi, ut loquuntur, occultus & latitans.

IV. Timor gehennæ ac poenarum, non tantum imperfectis & incipientibus, sed etiam perfectis ac sanctis ipsis utilis est ac necessarius, ut in virtute firmiores sint, & inter media supplicia constantes ac intrepidi. *Motore timore*, ajunt Martyres apud sanctum Augustinum in Psalm. 68. Conc. 1. 691. b. *minora contemnimus... Quis non bibat tribulationis temporalis poculum, metuens ignem gehennarum?* Idem argumentum præclare urget S. Ambrosius in Psalm. 118. Sermone 21. & ipsemet Augustinus nonne de seipso dicebat Lib. 8. Conf. c. 11. n. 25. *Tenebar, & inflabas tu Domine, in oculis meis severa misericordia, flagella ingeminans timoris & pudoris, ne rursus cessarem, & non abrumperetur id ipsum exiguum ac tæne quod remanserat, & revalesceret iterum, & me robustius alligaret.*

Ex tertiaratione mox exposita facile est inferre, actum timoris gehennæ ac poenarum esse proximè à virtute spei. Namque ejusdem est principii amare aliquod bonum, & odio habere contrarium malum. *Nulli dubium est*, ait S. Augustinus L. 83. Quæst. 9. 33. *nullam aliam esse metuendi causam, nisi id quod amamus.* Cum ergo amor quo beatitudo diligitur, ad spem pertineat, consequenter actus quo timetur malum contrarium supremo illi bono, ad spem quoque revocandus est.

Solvuntur Objectiones.

Obijcies 1. Quod opponitur charitati, non potest esse donum Dei: atqui timor gehennæ opponitur charitati, per quam scilicet expellitur, pronuntians S. Joanne Epist. 1. cap. 4. v. 18. *Timor non est in charitate, sed perfecta charitas foras mittit timorem.*

Resp. nego min. Ad probationem dist. Charitas mittit foras timorem, sicut magis perfectum excludit minùs perfectum; quo sensu visio Dei beatifica excludit fidem & spem, concedo: mittit foras timorem, tanquam contrarium & malum, iterum dist. timorem mundanum & serviliter servilem, concedo: simpliciter servilem sensu antea exposito, nego.

Obijcies 2. Qui culpam fugit propter poenam, ille videtur suo proprio commodo unice consulere, atque poenæ fugam spectare velut suum finem ultimum; & ita majus malum, nempe fugam peccati, referre ad minus, nempe ad fugam poenæ: atqui istud certe inordinatum est.

Resp. nego maj. Qui enim ex laudabili timore poenæ fugit peccatum, is

poenæ

pœnæ fugam non spectat ut finem positivè ultimum, à quo abstrahit, sed ut finem proximum, quirectus ac laudabilis est. Quòd si in fuga pœnæ ultimò positivè inhæreret, atqueita esset actu animo affectus, ut si posset impune, peccatum committeret, profectò culpandus ille foret, ac inordinatè omninò timeret; quamquam inordinatio illa seu defectus, & ut loquitur S. Thomas, servilitas illa, non timoris ipsius vitium est, sed hominis timentis. *Si enim servilitas*, ait S. Doctor secunda secundæ q. 19. art. 4. in corp. *esset de ratione timoris servilis, oporteret quòd timor servilis simpliciter esset malus, sicut adulterium simpliciter est malum, quia id ex quo contrariatur charitati, pertinet ad adulterii speciem: sed prædicta servilitas non pertinet ad speciem timoris servilis, sicut nec infirmitas ad speciem fidei informis; species enim moralis habitus vel actus ex objecto accipitur: objectum autem timoris servilis est poena, cui accidit, quòd bonum, cui contrariatur poena, ametur tanquam finis ultimus; & per consequens poena timeatur tanquam principale malum.*

Ad probationem dist. pariter: ordinare majus malum ad minus, tanquam ad finem simpliciter ultimum & principale malum, est quid inordinatum, concedo: tanquam ad finem dumtaxat proximum, nego. Porro qui fugit peccatum ex timore pœnæ, tanquam ex motivo ac fine proximo, illenon refert fugam peccati, quod est summum malum, ad fugam pœnæ, tanquam ad principale malum & finem simpliciter ultimum: adeoque in eo non peccat, quòd propter pœnæ timorem absterneat à peccato; imò rectè agit, tametsi de fine ultimo tunc non cogitet, sed ab illo abstrahat.

Instabis: Ut timor bonus sit, honestus ac laudabilis, necesse est ut culpa magis timeatur quàm poena; culpa etenim majus malum est quàm poena: porro qui ex solo pœnarum metu à peccato abstinet, profectò plus timet pœnam quàm culpam; ergo &c.

Ad istud argumentum respondent aliqui cum Syare Disput. 30. Sect. 2. n. 9. negando majorem. Volunt illi scilicet, attritum eo actu quò detestatur culpam propter pœnam, magis quidem detestari pœnam quàm culpam; nihilominus tamen actum illum non esse inordinatum vel malum, quia non impedit quin idem ille homo simpliciter & propter alias rationes magis detestetur culpam quàm pœnam. Porro, inquiunt, nullus tenetur semper & in omni actu suo magis detestari culpam quàm pœnam, modò non excludat rectum ordinem ad finem ultimum, seu ad Deum; eo enim ipso quo actus ex se bonus talem ordinem non excludit, virtualiter in ipsum refertur.

Respondet verò Sylvius Supplem. q. 1. art. 2. quæsito 1. & nostro quidem iudicio rectius, negando minorem. Sicut enim non sequitur, Servus diligit dominum propter cibum quem ab eo expectat; ergo magis diligit cibum quàm dominum: Fideles Deum diligunt propter retributionem; ergo diligunt retributionem magis quàm Deum: ita nec sequitur, Pœnitens detestatur culpam propter pœnam; ergo magis detestatur pœnam. Ratio est, inquit Sylvius ibidem, quia licet poena sit finis proximus, non tamen excludit finem ultimum qui est Deus, ad cuius gloriam culpæ detestatio ac metus pœnæ est referibilis; & quamdiu non excluditur, ex se in illum tendit ac refertur.

Obijcies 3. Timor qui non excludit peccandi voluntatem, sed eam potius supponit, bonus non est, nec honestus, nec supernaturalis: atqui talis est pœnarum timor. Minorem probant multis ex S. Augustino præsertim de prom-

Te. 1. p. depromptis testimoniis. Epist. 145. aliàs 144. *Inaniter*, inquit, *ille pat-*
470. n. 4 *tat victorem se esse peccati, qui poenae timore non peccat; quia estis foris non im-*
pletur negotium male cupiditatis, ipsa tamen mala cupiditatis intus est hostis. Et
ibid. p. *postea . . . Inimicus iustitiae est, qui timore poenae non peccat. . . Nam qui ge-*
471. B. *hennas metuit, non peccare metuit, sed ardere. Et in Psalm. 118. Conc. 25.*
Timor quo non amatur iustitia, sed timetur poena, servilis est, quia carnalis est;
Te. 4. p. *Et ideo non crucifigit carnem. Vivit enim peccandi voluntas, quae tunc apparet*
1345. F. *in opere, quando speratur impunitas: cum verò poena creditur secutura, latenter*
vivit, vivit tamen. Mallet enim licere, & dolet non licere quod Lex vetat.

Multa alia hujusmodi congerit Jansenius ejusdem S. Doctoris testimo-
 nia L. 5. de gratia Christi cap. 27. 28. & 29.

Resp. 1. nego maj. Simili argumento probaretur, actum fidei informis ma-
 lum esse, quia ex se se non excludit peccandi voluntatem: atqui ramen actus
 fidei informis ex suo objecto, officio, & sine proximo bonus & honestus est:
informitas enim illa, ut saepius ex S. Thoma diximus, non pertinet ad speciem
 seu substantiam fidei informis, sicut *servilitas* non pertinet ad speciem
 timoris servilis; & idcirco ex suo objecto ac fine proximo, bonus, rectus ac
 laudabilis est timor servilis. Porro eo ipso quo actus ex suo objecto ac fine pro-
 ximo bonus est, rectus ac laudabilis, nec ulla prava afficitur circumstantia,
 in Deum ipsum tanquam in finem simpliciter ultimum, tum ex natura & inten-
 tione operis, tum ex intentione operantis saltem implicitè refertur.

Resp. 2. nego min. Timor quippe ex se bonus, honestus ac supernatura-
 lis, id omne potest ac debet excludere, sine quo ad finem quem intendit, nempe
 fugam aeternae poenae, pervenire non potest: atqui si aequalem peccandi
 voluntatem seu affectum non excludat, poenam quam timet, effugere non
 potest: namque non modò actus exterior peccati, sed & actualis inter-
 ior peccandi voluntas aeterno punitur supplicio.

Ad probationem ex S. Augustino, dico locis eum citatis & aliis hujusce modi
 non paucis, loqui non de timore simpliciter servili, quem locis à nobis inter pro-
 bationes Conclusionis relatis laudat ac commendat; sed de timore *serviliter*
Te. 5. p. *servili, ut loquitur ipse S. Doctor citato Sermone 161. aliàs 18. de verbis Aposto-*
778. *li, hoc est de illo timore, qui aequalem supponit in homine peccatore peccandi*
voluntatem, quam hic & nunc peccando adimpleret, nisi futuram aut presen-
tem reformidaret poenam. An verò possit timor sine ullo dilectionis Dei initio
voluntatem illam peccandi superare ac excludere, non negativè dumtaxat,
sed etiam positivè, ita ut qui timet, firmum, absolutum & efficac concipiat
non peccandi de cetero propositum, alia quaestio est de qua inferius.

Obijcies 4. saepissime S. Augustinus asserit, nullum esse medium inter a-
 morem Dei, & creaturæ; nullum inter vitiosam cupiditatem, & laudabilem
 charitatem. Enchiridii cap. 117. n. 31. *Regnat*, inquit, *carnalis cupiditas, ubi*
Te. 6. p. *non est Dei charitas. Lib. de Grat. & lib. arb. cap. 18. Quidquid se putaverit*
240. *homo facere bene, si fiat sine charitate, nullo modo fit bene. Ergo fit malè,*
Te. 10. p. *seu ex mala cupiditate. Jam verò vel actus timoris poenae est à cupiditate*
937. *& amore creaturæ, vel à charitate & amore Dei: si prius, malus est ac vi-*
Te. 2. p. *tiosus; si posterius, bonus ac rectus, non quidem ex se, sed ex charitate. Mul-*
211. *tatae in rem amore suo, S. Augustini testimonia coacervat Jan. L. 3. de statu*
naturæ lapsæ cap. 19. & seq.

Confir-

Confirmant ex discrimine Legis utriusque, veteris & novæ, quod ex S. Augustino L. contra Adimantum cap. 17. his duobus verbis continetur, *timor & amor*: timor ad veterem; amor ad novam Legem pertinet.

Resp. dist. ant. nullum est medium inter amorem Dei & creaturæ, inter vitiosam cupiditatem & laudabilem charitatem, habitualement & ratione subiecti, seu hominis qui vel iustus est, vel iniustus, ac consequenter in quo regnat & dominatur vel habitualis charitas seu gratia sanctificans, vel cupiditas, concedo: nullum est medium ratione actus, seu motivi ex quo agit homo, nego. Cum igitur S. Augustinus dixit, *regnare carnalem cupiditatem, ubi non est Dei charitas*, sensus non est, actionem, quæ ex charitate Dei non elicitur, eo ipso esse à carnali cupiditate, adeoque formaliter malam. Sicut enim omnis actio hominis iusti in quo regnat ac dominatur charitas, bona semper non est; aliàs iustus nunquam peccaret: ita quoque omnis actio hominis in peccato existentis in quo viget cupiditas, mala semper non est; aliàs nihil boni operari usquam posset, quo ad gratiam in Sacramento percipiendam se disponderet, & ita converti ad Deum nusquam ille posset, quod certè & falsum, & per absurdum est: ut enim iustus non semper operatur ex charitatis imperio, ita nec iniustus ex tyrannide dominantis in se cupiditatis, sed aliquando ex ductu luminis naturalis & ex amore honestatis. Sensus igitur S. Augustini est, in subiecto seu persona agente regnare quoad habitum carnalem cupiditatem, ubi non est Dei charitas; quod certè verissimum est. Homo quippè, ut jam diximus, vel iustus est, vel iniustus: si iustus, regnat in eo charitas; si iniustus, cupiditas: charitas autem & cupiditas nullam imponunt voluntati necessitatem ad actus sibi conformes semper ac necessariò eliciendos: avarus non semper agit ex avaritia, prodigus non semper ex prodigalitate: habet scilicet quælibet virtus moralis suum proprium obiectum ex officio ac fine proximo bonum & honestum, abstractione etiam facta finis ultimi. Ita S. Augustinus Serm. 349. aliàs 52. de tempore, duplicem distinguit charitatem, unam divinam, & alteram humanam, licitam, vel illicitam: charitas quidem aliarum virtutum actus imperat, sed non elicit; ac necessaria est, ut virtus alicujus sit ad vitam æternam meriti ac valoris. *Potest quidem aliquis esse actus bonus ex suo genere*, ait S. Th. 2. 2. q. 23. art. 7. ad 1. *non tamen perfectè bonus; quia deest debita ordinatio ad finem ultimum*. Ergo sine illa ordinatione actus virtutis moralis ex obiecto & fine proximo bonus est, licet non perfectè bonus, id est meritorius vitæ æternæ, si fiat sine charitate. Non semel id à nobis observatum jam fuit.

Ad confirmationem, dico in utraque Lege locum fuisse & timori, & amor. Nonne extitere viri sancti in Lege veteri? An sine amore Dei sancti fuere? Discrimen itaque inter utramque Legem idud est, quod in veteri Lege timor praevaluit, in nova amor. *Quamquam utrumque in utroque sit*, ait S. Augustinus, de moribus Ecclesiæ L. 1. c. 28. n. 56. *prævalens tamen in veteri timor, amor in novo*.

Te. 5. p.
1345.

Te. 1. p.
706.

ARTICULUS II.

An Concilium Tridentinum definierit amorem Dei necessarium esse in attritione, ut hominem disponat ad Sacramentum Penitentiae cum fructu percipiendum.

IN duas extremas partes hic abeunt nonnulli. Sunt qui volunt Tridentinum Concilium definiisse, contritionem ex charitate perfectam dispositionem esse necessariam ad Sacramentum Penitentiae. Sunt ex aduerso, qui putant Concilium adeo expressè statuisse, attritionem, quae non vivificat animam, quæque supponitur esse sine amore Dei, sufficere ad absolutionem, ut anathema pronuntiaverit adversus negantes. Quæ sententia damnata est à Clero Gallicano in Comitibus generalibus an. 1700. tanquam falsa, temeraria, Concilio Tridentino contraria, & in errorem inducens.

*Mem.
du Cler.
2^o T. 1.
p. 733.*

CONCLUSIO.

Concilium Tridentinum nihil definivit adversus sententias Theologorum qui pugnant vel pro necessitate contritionis perfectæ, vel pro sufficientia contritionis imperfectæ, ex solo poenarum timore conceptæ.

*Tom. I.
p. 311.*

Probatur 1. Quia certum est Patres Tridentinos prudenter semper præcavisse, ne suis decretis ullum inferrent præjudicium liberis Scholæ opinionibus. Nec enim, ait Pallavicinus L. 4. Hist. Conc. Trid. cap. 10. collecta fuerat Synodus ad decidendas opiniones, sed ad errores rescindendos. Et appositè ad præsens nostrum argumentum L. 12. c. 10. ait: *Quantum ex Actiis consilio, Theologorum mens erat, ut error hæreticorum damnaretur, tanquam inbonestum improbantium poenæ timorem; non item ut ferrent sententiam de scholastica quaestione, an huiusmodi timor, non solum absque contritione animi perfectæ (de quo controversia vix fuit, sicut patebit) sed etiam absque eo quòd ullus excite- tur amor imperfectus, sufficiat ad peccatorum remissionem. In Patrum conventu, pergit Historicus, id pauci attigerunt. Aliquod dumtaxat vestigium comperio opinionis negantis necessitatem amoris, in iis quæ Granatensis disputavit: at Verò Joannes Emilianus, Hispaniensis Tudetanus Antistes, extremum oppositæ sententiæ tenuit; hoc est, opus esse contritione perfectâ.*

*ibid. p.
322.*

Atqui certum est nostram hanc præsentem quæstionem in utramque partem à Theologis Scholasticis fuisse agitatam & etiamnum agitari, illâ- sa Concilii auctoritate.

Pro necessitate contritionis perfectæ scripserant Magister, Hugo, S. Bonaventura, Alensis, & plures alii: quin & à multis Concilio Tridentino supparibus & contaneis Scriptoribus propugnatam fuisse, ostendit Lauenius in Dissertatione de mente Concilii Trid. circa contritionem & attritionem parte 2. cap. 2. Ex Concilio Tridentino reduces Fredericus Nau- fea Episcopus Viennensis in Austria, & Franciscus Sonnius Antuerpiensis, necessitatem inchoatæ charitatis ad Sacramentum Penitentiae docuerunt, ille in Catechismo, iste Tractatu 4. de Poenit. cap. 6. Pro sufficientia verò attritionis pugnant, Franciscus Victoria, Andreas Vega, Dominicus Soto, Mel-

Melchior Canus, qui tres Concilio Tridentino interfuerunt, & alii non pauci. An verò in tot varias & oppositas opiniones distrahi fuissent Theologi, si quid à Concilio hic definitum fuisset?

Probatur 2. Quia si quaestionem propositam dirimere ac definire voluissent Patres Tridentini, proculdubio pro more suo illam in præviis disputationibus ac consultationibus ventilassent & expendissent: sed disputatum esse, vel in deliberatione positum, utrum contritio sit in Sacramento Penitentiae necessaria necne; aut utrum attritio sufficiat vel non, ad obtinendam in Sacramento culpæ remissionem, nec ipsum Concilium, nec Scriptores ii qui Concilio æquales aut supiores fuerunt, testantur; imò paucos quaestionem hanc attigisse narrat mox citatus Concilii Historicus.

Probatur 3. expendendo ea ipsa loca in quibus Synodus mentem suam declaravit circa dispositiones necessarias ad obtinendam justificationis gratiam.

Duobus maximè in locis id effecit, nempe Sess. 6. cap. 6. & 14. & Can. 7. & Sess. 14. cap. 4. & Can. 4. Atqui nulla ex his locis definitio, nullum decretum extendi potest, quo præsens controversia dirimatur.

I. Non ex Sess. 6. cap. 6. Ibi quidem inter varias dispositiones necessarias ad justificationem, requirit Synodus ut qui *disponantur ad iustitiam*, *T. 14. Conc. 2. 759. A*
Deum tanquam omnis iustitiae fontem diligere incipiant; ac propterea moveantur adversus peccata per odium aliquod & detestationem.

Atqui duo hic explorata satis ac certa non sunt, sed in dubio ac controversia adhuc versantur. 1. qualem amorem Dei Synodus desideret in eo qui se ad iustitiam preparat: an amorem super omnia; an eo minor sufficiat: an amorem charitatis qui tendat in Deum, quatenus in se bonus est ac perfectus; an amorem qui spei dicitur, & Deum considerat quatenus nobis bonus est: quam distinctionem Synodus non exprimit, sed exigit tantum ut Deus incipiatur *diligi tanquam fons omnis iustitiae*, non exponendo motivum illius dilectionis, an sit Deus quatenus fons omnis nostræ iustitiæ, an quatenus est in se absolute iustus.

Nodum controversiæ vidit Andreas Vega, qui huic Sessioni sextæ interfuit, quam insigni commentario illustravit. *Synodus*, inquit Lib. 6. cap. 29. *non statuit hoc loco, an dilectio Dei quæ disponit ad iustitiam, sit dilectio Dei super omnia. Temperatum prorsus est à verbo, super omnia: tantumque est definitum, dilectione Dei disponi peccatores ad iustitiam.* *P. 112. col. 1.*

II. Non constat inter Theologos, an Concilium loquatur de dispositione necessaria ad iustitiam habendam in Sacramento, vel extra Sacramentum. Sunt enim, inter quos Humbertus noster, de Sacramento Penitentiae disput. 14. art. 7. n. 8. qui existimant citato in loco Concilium loqui de dispositione necessaria ad iustitiam extra Sacramentum obtinendam: an meritò vel immeritò istud contendat, hic non curamus; sufficit inde concludere, rem esse in dubio & controversia positam apud Theologos. Addit citato in loco Concilium, ejusmodi homines moveri adversus peccata per odium aliquod: non ait, per odium perfectum quod sit ex charitate, sed per aliquod odium; qua restricta loquendi ratione satis innuit, nolle se rem inter Theologos controversam dirimere.

Addo, testimonium Concilii adductum, non ex Canonibus, sed ex capite 6. colligi: at certum est definitiones Canonibus contineri & exprimi. Doctrina

Arina exponitur quidem & declaratur in capitibus; sed in Canonibus definitur: at nullus est Canon qui expresse statuat, amorem Dei necessariam esse dispositionem ad gratiam in Sacramento percipiendam.

To. 1. p.
771.

Observat Cardinalis Pallavicinus Lib. 8. Hist. Concilii Trid. caput ipsum 6. ex quo laudata sunt verba, primò sic efformatum fuisse ut nullam omnino contineret dilectionis Dei mentionem; sed multos contrà reclamasse Theologos, quorum votis cessit Synodus, & amoris mentionem fecit inter dispositiones necessarias ad justificationem.

To. 14.
Canc. p.
762.

Capite 14. ejusdem Sess. 6. agens Concilium de lapsis post Baptismum; & eorum reparatione, ait: *Docendum est, Christiiani hominis poenitentiam post lapsum multò aliam esse à baptismali, eaque contineri non modò cessationem à peccatis, & eorum detestationem, aut cor contritum & humilitatum, verum etiam eorundem sacramentalem confessionem &c.* Atqui nec his verbis definit Synodus, ex quo motivo debeat esse peccatorum detestatio, an ex motivo charitatis propriè dictæ, an ex motivo spei: unde de industria, ne litem hanc finiret, detestationis, non verò contritionis nomine uti voluit. Audiatur jam laudatus Vega L. 1. c. 17. *Quamvis, inquit, hic mentis affectus, quomodo tamen à peccatis admixta revocamus, detestatio peccatorum hoc loco appelletur, tamen despicendum non est communius in Schola contritionis vocabulum.... Ea verò ratione, communiori hoc detestationis nomine uti videntur, (Patres Tridentini) ne attritionem, qua imperfectus est dolor de peccatis, à partibus Penitentia viderentur excludere.*

P. 581.
col. 2.

Pariter Canon 3. ejusdem Sess. 6. rem nostram non attingit. Ait enim solùm: *Si quis dixerit, sine præveniente Spiritus sancti inspiratione, atque eius adiutorio, hominem credere, sperare, diligere, aut poenitere posse sicut oportet, ut ei justificationis gratia conferatur, anathema sit.* Cujus Canonis scopus est, ut per se patet, asseruere necessitatem gratiæ divinæ ad dilectionem Dei, non verò necessitatem dilectionis Dei in Sacramento Poenitentia. Ita testatur oculatus testis Vega L. 6. c. 29. *Ex qua definitione, inquit, colligi non potest, dilectionem Dei super omnia antecedere justificationis gratiam, sed solùm inde colligitur, ad quamcunque sufficientem dilectionem opus esse auxilio Spiritus sancti speciali.* Et verò ipse Vega L. 13. c. 24. & 25. & c. 34. pugnat pro sufficientia attritionis.

To. 14.
Canc. p.
764. D.

P. 118.
col. 1.

II. Sess. 14. cap. 4. & Can. 4. nihil quoque circa præsentem controversiam pronuntiavit Synodus Tridentina, quamquam in præfatione hujus Sessionis promittat se exactiorem & pleniorum definitionem de Sacramento Poenitentia tradituram, in qua demonstratis & convulsis, Spiritus sancti præsidio, universis erroribus, Catholica veritas perspicua & illustris fiet.

To. 14.
Canc. p.
815. C.

ibid. p.
824. A.

Non Canone 4. quo duntaxat definitur, tres actus poenitentis, videlicet contritionem, confessionem & satisfactionem esse quasi materiam Sacramenti Poenitentia; adversus Lutherum qui duas tantum Poenitentia partes admittebat, terrores scilicet incusso conscientia, agnito peccato, & fidem conceptam ex Evangelio &c. En Canonis scopus: de necessitate verò contritionis, quæ sit ex charitate perfecta in Sacramento Poenitentia, ne verbum quidem. Nec obstat quòd inter partes Poenitentia recenseatur contritionem: quippe non exprimit, an perfectam intelligat, vel imperfectam; sed contritionem generatim tantum, prout abstrahit à perfecta vel imperfecta, & qualem

eo in capite describit, appellavit, data Theologis licentia, quam voluerint interpretandi.

Non cap. 4. in quo primum de contritione generatim sumpta; tùm de perfecta, tùm de imperfecta seu attritione tractat. Quæ de contritione genericè sumpta exponit, v.g. quòd sit animi dolor ac detestatio de peccato commisso, cum proposito non peccandi de cætero, contritioni tùm perfectæ, tùm imperfectæ ex æquo conveniunt, neque rem nostram attingunt.

De perfecta verò contritione duo tantùm affirmat Synodus. 1. contingere aliquando eam charitate perfectam esse, & reconciliare hominem Deo, priusquam Sacramentum actu percipiatur. 2. reconciliationem hanc contritioni non esse adscribendam, sine voto Sacramenti quod in ea includitur: utrum verò contritio perfecta sit dispositio necessaria ad Sacramentum Pœnitentiæ, Synodus non pronuntiat. Revera quidem longè verisimilius ex ejus verbis inferitur non esse dispositionem necessariam, sicut antea docuimus: verùm per ratiocinium ac discursum theologicum id inferitur; hic verò claram & expressam quærimus definitionem, non ratiocinium theologicum.

De contritione verò imperfecta seu attritione, quatuor docet. 1. hanc attritionem non facere hominem hypocritam & magis peccatorem, sed esse donum Dei. 2. esse impulsus Spiritus sancti. 3. per illam pœnitentem sibi viam preparare ad justitiam. 4. licet per se peccatorem ad justificationem perducere nequeat, eum tamen disponere ad Dei gratiam in Sacramento obtinendam.

Atqui hæc invicem non demonstrant, attritionem illam, prout contra perfectam contritionem distinguitur, esse dispositionem immediatam, proximam ac sufficientem ad gratiam Sacramenti percipiendam.

I. Quia quatuor illa mox dicta capita, fidei non minùs, quàm attritioni adaptari possunt; nec tamen fides sola dispositio est sufficiens ac proxima ad gratiam Sacramenti.

II. Quia ea quatuor ex professo requirit Synodus in attritione, de quibus litem movebant Lutherani, qui attritionem ex metu gehennæ conceptam bonam esse, laudabilem & honestam negabant; imò extortam & coactam asserabant: à quorum calumniis contritionem imperfectam Synodus vindicare voluit. An verò necessarius in ea foret amor Dei, & ita disponere posset ad Sacramentum, minimè controversum fuit Catholicos inter & Hæreticos.

III. Concilium ait quidem attritionem illam disponere peccatorem ad Dei gratiam in Sacramento percipiendam; verùm non explicat nec determinat quomodo disponat, an proximè, an remotè, de quo disputant Theologi, & adhuc sub judice lis est. Nec obstat si dixeris, attritionem illam alio modo disponere in Sacramento, & alio extra Sacramentum: porro extra Sacramentum disponit remotè; ergo disponit proximè in Sacramento. Namque, ut jam diximus, Scholæ ratiocinium est, non Ecclesiæ definitio. Quamquam, qui pugnant pro necessitate contritionis perfectæ, respondent, non immeritò dici posse, attritionem alio modo disponere cum Sacramento, & alio extra Sacramentum: quippè disponit, inquit, remotissimè extra Sacramentum, & remotè cum Sacramento. Verùm quidquid sit de hac responsione, hoc unum tamen probat, quod hic volumus, scilicet rem esse in Scholis controversam, & minimè à Concilio definitam.

Tournely de Sacram. Pœnitentiæ.

I

IV. De-

To. 1. p.
311.

IV. Denique observat Pallavicinus L. 1. Hist. Concilii Tridentini cap. 10. verbum, *dijunct*, substitutum fuisse verbo, *sufficit*, quod primum usurpatum fuerat cum caput illud 4. digestum est. *Oportet scire*, inquit, *postea* *Decretis doctrinam complexis*, Verba hac fuisse adiecta: *Illam contritionem, quam Theologi vocant attritionem, quod imperfecta sit, & solum vel ex turpitudinis peccati consideratione, vel ex gehennæ & pœnarum metu, qui servilis timor dicitur, concipitur, si voluntatem peccandi excludat, & dolorem qualemcumque de commissis delictis exprimat, statuit hæc sancta Synodus, & declarat, non solum non facere hominem hypocritam & magis peccatorem.... Verum etiam sufficere ad Sacramenti huius constitutionem, ac donum Dei esse, & Spiritus sancti impulsu Verissimum, non adhuc quidem inhabitantis, sed tantum morientis, quo penitens aditus, cum sine aliquo dilectionis in Deum motu esse vix queat, viam sibi ad iustitiam munit. En tenor Decreti quale primum conceptum fuerat. Sed Joannes Æmilianus Hispaniensis Tudetanus Antistes, pergit Historicus, monuit, falso dici huiusmodi dolorem sine amore vix unquam concipi posse: quod autem hæc attritio satis esset Sacramento constituendo, ita ut homini attrito deleantur peccata absolutionis supervenientis vi, variare auctorum sententias; adeoque id esse tollendum. Quamobrem Decretum ficuti nunc extat, reformatum est.*

Rec. des
Bulles
P. 466.

Probatur denique auctoritate Alexandri VII. S. Pontificis, qui an. 1667. die 5. Maji, ad pacem inter Scholæ Theologos fovendam, & extinguenda exortæ dissensionis semina, Decreto suo prohibuit, *Ne quis audeat alicujus theologicæ censuræ, alteriusve injuriæ, aut contumeliæ nota taxare alteram sententiam, sive negantem necessitatem aliqualem dilectionis Dei in præfata attritione ex metu gehennæ concepta, qua hodie inter Scholasticos communior videtur; sive assertentem dictæ dilectionis necessitatem, donec ab hac sancta Sede fuerit aliquid hæc in re definitum. Supponit igitur S. Pontifex, nihile a re ab Ecclesia definitum fuisse in Concilio Tridentino.*

Atque inde est, quod cum Clerus Gallicanus in Comitibus generalibus anni 1700. Censuræ suæ subjecisset propositionem istam, *Attritio ex gehennæ metu sufficit etiam sine ulla Dei dilectione, sine ulla ad Deum offensum respectu; Clerici, quia talis honesta & supernaturalis est, postremam dumtaxat partem attigat, nulla facta prioris mentione. Hæc propositio, ait Censura, qua à dispositionibus necessariis ad absolutionem excluditur quilibet ad Deum offensum respectus, temeraria est, scandalosa, perniciofa, & in hæresim inducit.*

A R T I C U L U S III.

An amor Dei, & qualis necessarius sit in attritione ut sit dispositio sufficiens ad gratiam in Sacramento Pœnitentiæ obtinendam.

EX dictis Quæstione 4. Art. 1. Conclusionem 1. omnis verus Dei amor debet esse super omnia. Ibidem Conclusionem 3. duplicem Dei amorem distinguimus, unum perfectum, qui est veræ charitatis; alterum imperfectum seu minus perfectum, qui fundamentum habet in spe christiana. Primus amor dicitur amicitiz & veræ charitatis, quo Deus diligitur quia in se summè bonus ac perfectus; alter dicitur concupiscentiz seu spei, quo Deus

Deus diligitur quia nobis bonus: ex duplici autem motivo formali distincto, tum charitatis, tum spei, duplicem illum amorem distinguere, & charitatis perfectionem ex suo motivo, non ex intensione graduum repeti debere ostendimus. Ibidem Art. 3. probatum est conditionem perfectam, quæ iustificat ante Sacramentum, non esse dispositionem necessariam requisitam ad Sacramentum Poenitentia.

Quæstio itaque jam movetur, utrum in attritione imperfecta aliquis & qualis necessarius sit Dei amor, ut poenitens sufficienter dispositus dicatur ad gratiam Sacramenti percipiendam. Variæ sunt Theologorum sententiæ.

I. Qui ex veteribus Scholasticis post Magistrum censuerunt perfectam contritionem Sacramento Poenitentia præire debere, ac prius coram Deo poenitentem iustificatum esse, quam à Sacerdote absolveretur, ii proculdubio Dei amorem super omnia ex vera & perfecta charitate necessarium esse arbitrabantur.

II. Cum alii plures ex adverso Theologi animadverterent, Magistris sententiam multum detrudere de virtute ac efficacia sacerdotalis absolutionis, quæ declaratoria dumtaxat foret remissionis peccatorum à Deo iam impenetratæ per contritionem perfectam, (quæ opinio conciliari vix potest cum doctrina Concilii Trid.) hanc Magistri sententiam deseruerunt, qua parte contendit contritionem, quæ prius hominem Deo reconciliet, quam accedat ad Sacramentum Poenitentia, esse omnino necessariam; retenta nihilominus necessitate contritionis ex motivo veræ ac propriæ charitatis, quæ ex se hominem non iustificat, nisi fuerit in certo quodam intensiōis gradu qui Deo soli cognitus est. In mente illorum Theologorum, ut jam observavimus, contritio & attritio non differunt specie, cum idem sit utriusque essentialē motiū charitatis, sed tantum accidentaliter intra eandem speciem, ratione scilicet maioris vel minoris intensiōis seu perfectionis graduum; atque poenitens de attrito dicitur fieri contritus virtute Sacramenti, quia ipsius contritio augetur & intenditur.

III. In extremam omnino partem declinare, qui docuerunt, vel attritionem naturalem, modò honestam, sufficere, quam sententiam Clerus Gallicanus in Censura sua anni 1700. declarat *hæreticam esse*: vel, *at- Clero, tributionem ex gehenna metu sufficere, etiam sine ullo ad Deum offensum respectu. To. i. p. 733. Quæ propositio, ait ibidem Clerus Gallicanus, temeraria est, scandalosa, pernicio- & in hæresim inducit.*

IV. Multi Scholæ Theologi, maxime post Concilium Tridentinum, existimaverunt attritionem, qualem describit Conc. Trid. Sess. 14. cap. 4. conceptam vel ex consideratione turpitudinis peccati, vel ex gehennæ ac poenarum metu, si voluntatem peccandi excludat, sufficientem esse dispositionem ad gratiam Sacramenti Poenitentia percipiendam: quam opinionem suo tempore inter Scholasticos communiorē fuisse testatur Alexander VII. S. P. in suo Decreto an. 1667.

Inter Theologos qui sententiam hanc propugnare, tres sunt maxime conspicui, Concilio Tridentino suppare, quique & ipsi præsentēs interfuerunt, scilicet Melchior Canus, Dominicus Soto, & Andreas Vega Interfiscanus. Soto & Vega contendunt attritionem hanc, ut sufficiat, debere bona fide existimari esse contritionem; Canus verò etiam cognitam ut simplicem attri-

tionem, tanquam sufficientem admittit: quo verò sensu iidem Theologi fateantur, doctrinam hanc nec antiquam esse, nec satis tutam, exponemus inferius in solutione objectionum.

Unum hic observazione dignum maximè arbitror: nempe Theologos illos, qui post Concilium Tridentinum sententiam attritionis vel defendunt, vel inpetunt, omnem Dei amorem ab attritione non excludere; sed eum solum qui veræ ac propriæ charitatis est, ac justificat hominem ante Sacramentum actuperceptum. Et verò non alia ipsis mens videtur fuisse, quam ut exclusa hujus amoris seu charitatis justificantis necessitate, suam Sacramentum vim & efficaciam servarent, & adversus Magistrum ejusque discipulos ostenderent, absolutionem sacramentalem non tantum declarare dimissa; sed etiam verè dimittre peccata. Porro etiam exclusa illa charitatis justificantis necessitate, nonne datur alicui vero Dei amor locus; illi scilicet, quo Deus ut nobis bonus, seu ut nostra felicitas æterna in ipso consequenda, diligitur? Quapropter cum iidem Theologi asserunt, *solo pœnatum metu conceptam attritionem sufficere*, illa exclusiva *solo* non omnem excludunt Dei amorem, sed illum dumtaxat qui veræ charitatis est, hominemque Deo reconciliat ante Sacramentum re perceptum.

Id porro ita esse, duo maximè suadent. Primum, Theologos illos ignorare non potuisse, Concilium Tridentinum exigere ut timor gehennæ ac pœnarum excludat *voluntatem peccandi*, & junctus sit *cum spe veniæ*. Atqui spes illa veniæ necessariò includit amorem rei quæ speratur, sicut timor rectus & laudabilis amorem boni quo privari metuimus. Alterum, communiter eos ipsos Theologos attritionis patronos, quos Janeniani tanquam infensissimos hostes, ac destructores magni præcepti amoris Dei, ad invidiam ac per summam calumniam traducunt, eos, inquam, Theologos, aliquem amorem Dei in attritione agnoscere. Unus instar omnium sit Lambertus noster disput. 14. de Sacramento Pœnitentiæ art. 14. ubi conceptis verbis ait, *attritionem includere aliquem verum amorem Dei super omnia, quamvis non eliciatur ex ea supernaturali dilectione quæ est propria charitati*.

Tom. 5.
p. 112.
col. 2.

V. Communior Theologorum sententia est, attritionem ex solo metu pœnarum, sine ullo Dei amore saltem inchoato & initiali, non sufficere; sed aliquem in ea, ut sit dispositio sufficiens ad Sacramentum Pœnitentiæ ritè ac utiliter percipiendum, requiri Dei amorem: non eum quidem qui veræ charitatis est, hominemque justificat ante Sacramentum, sed eum qui ex spenascitur, ut supra jam exposuimus. Quæ quidem sententia ad varios habet 1. eos qui veram ac propriè dictam, si non ex intentione gradus saltem ex objecto ac motivo charitatem exigunt; id est amorem Dei propter semetipsum, abstractione facta proprii amantis commodi. 2. eos qui cum Lutheranis & Quietistis, amorem spei, quo Deus diligitur propter mercedem æternam in ipso consequendam, velut perversum, illicitum & inordinatum rejiciunt ac damnant. 3. eos qui amorem proprii commodi, seu felicitatis æternæ in Deo consequendæ, ad charitatem propriè dictam revocant, tanquam secundarium ac minus principale illius objectum.

In mente illorum qui quintam istam opinionem tuentur, contritio & attritio specie differunt, quia diversis specie motivis, nempe charitatis aut spei, nituntur, nec una unquam potest fieri altera: atque pœnitens in ea opinione dicitur

tur

tur de attrito fieri contritus, non quidem semper actu, quasi in ipso præcisè momento quo percipitur Sacramentum, actualis in anima excitetur perfectæ contritionis actus; sed habitu saltem, quia sanctificantem recipit gratiam, quæ habitu est perfectæ contritio.

Variis istis opinionibus & alia potest adjungi, quæ videtur esse Guillelmi Episcopi Parisiensis; cum scilicet poenitentem, qui pravam peccandi consuetudinem, quæ irretitus tenetur, excutere, & ad Deum redire summo ardore desiderat, tamen nondum habeat firmum non amplius peccandi propositum, attamen ad Sacramenti gratiam Deo miserante disponi, atque propositum illud virtute Sacramenti ipsi infundi.

Piè credimus & sentimus, ait Guillelmus Lib. de Poenit. cap. 4. eos, qui cum fide hujus Sacramenti, & vehementi desiderio redeundi in Dei pacem & gratiam, licet timore infirmitatis suæ & oppressione male consuetudinis propositum abstinendi consueverint, & eadem emendandi non habent, interdum de divina pietatis abundantia virtute clavium & Sacramenti istius præstari hujusmodi propositum & infundi: conantibus enim ad Deum reverti, dexteram auxilii sui porrigere patrem misericordiarum dubitandum non est. Quemadmodum ille qui lunaticum filium attulit ad Dominum Jesum, credere quidem nitebatur, sed nondum fidem, ad quam conabatur, habebat; propter quod & dicebat, Credo Domine, adjuva incredulitatem meam. Merito tamen sui conatus, & filio salutem, & ipsius fidei donum obtinuit. Sic de similibus conantibus, quod præsto sit eis divina beneficentia auxilium, pia fides non dubitat.

In eandem quoque sententiam adducere fortè quis posset Declarationem Cleri Gallicani factam in Comitibus generalibus an. 1700. de dilectione Dei in Poenitentiæ Sacramento requisita. En verba. *Neque verò satis adimpleri potest utrique Sacramento necessarium vitæ novæ inchoanda, ac servanda mandata divina propositum, si poenitens primi ac maximi mandati, quo Deus toto corde diligitur, nullam curam gerat; nec sit saltem animo ita preparato, ut ad illud exequendum, divina opitulante gratia, sese excites ac provocet. Hac itaque animi præparatio, qua quis ad exequendum amoris Dei præceptum seipsum excitat ac provocat, sufficiens nonnullis videri potest dispositio ad Sacramentum Poenitentiæ, absque ullo prævio amoris Dei actu. Verùm fallerentur qui ita sentirent: siquidem Clerus Gallicanus aliquem exigit Dei amorem in poenitente sese ad gratiam Sacramenti percipiendam disponente; & reipsa, Deum iam amat, qui Deum desiderat, ajunt SS. Augustinus & Gregorius Magnus. His præmissis, sit*

PRIMA CONCLUSIO.

Contritio imperfecta, seu attritio, aliquem saltem inchoatum & initialem Dei amorem includere debet, quo nempe poenitens diligere incipiat Deum tanquam fontem totius iustitiæ.

Probatur 1. testimoniis Scripturæ, quæ generatim commendant ac exiungunt conversionem ex toto corde, & dilectionem Dei.

Deuteronomii 4. v. 29. *Cum quaesieris Dominum Deum tuum, invenies eum: si tamen toto corde quaesieris, & tota tribulatione animæ tuæ.*

Tournely de Sacram. Poenitentiæ.

I 3

Ilaie

Te. 1. f.
461. col.
1. H.

Mandata
Clericorum
Te. 1. f.
741.

Isaïe 55. v. 7. *Derelinquat impius viam suam, & vir iniquus cogitationes suas, & revertatur ad Dominum, & miserebitur ejus.*

Joelis 2. v. 12. *Convertimini ad me in toto corde vestro, in jejuniis & fletu; & scindite corda vestra, & non vestimenta vestra.*

Matth. 22. v. 37. *Diliges Dominum Deum tuum ex toto corde tuo, & ex tota anima tua.*

1. Joan. 3. v. 15. *Qui non diligit, manet in morte.*

1. Corinth. ultimo v. 22. *Si quis non amat Dominum nostrum Jesum Christum, sit anathema.*

Scio equidem hæc Scripturæ testimonia, si ad litteram urgeantur, non imperfectum modò, sed etiam perfectum ac verè charitatis amorem Dei, & conversionem peccatoris extra Sacramentum exprimere: verum illa cum aliqua restrictione, & accommodatè ad efficaciam Sacramenti Poenitentiae intelligi debent & exponi, ita ut contritio perfecta ex amore Dei perfectò necessaria sit ad gratiam justificationis extra Sacramentum obtinendam; imperfecta verò ex amore Dei non ita perfectò, sufficiat cum Sacramento quod instituit Christus in subsidium infirmitatis humanæ, & ut medium efficax assequendæ gratiæ. Ex citatis ergo testimoniis probatur saltem, in omni vera contritione necessariam esse peccatoris ad Deum conversionem, quæ sine amore aliquo Dei vix potest intelligi, sive perfectò, sive minùs perfectò, appositè ad modum quo justificatio obtinetur, in Sacramento aut extra Sacramentum.

Probatur 2. ex SS. Patribus quorum plurima testimonia congestit Lanojus cap. 8. primæ partis Dissertationis de mente Concilii Trid. circa contritionem, & solent à nonnullis Recentioribus, pace eorum dixerim, & parum cautè, & sine delectu minùsque appositè ad præsentem controversiam, laudari.

1. Non satis cautè hic ea SS. Patrum testimonia proferuntur, quæ contritionem ex charitate perfectam exigunt; nisi ea cautione intelligantur, qua mox citata Scripturæ testimonia: quam cautionem non videntur adhibuisse ii Theologi, qui contritionem illam ex charitate perfectam postulant, ut dispositionem necessariam ad Sacramentum Poenitentiae; hanc etenim opinionem rejectit Clerus Gallicanus in Comitibus generalibus anni 1700. Hanc sua Censura jam confixerat sacra Facultas Parisiensis an. 1638. verba superius relata sunt Art. 3. Qu. 4.

II. Minus appositè, nostro quidem judicio, ad præsentem nostram controversiam laudantur innumera ferè SS. Patrum testimonia, quæ generatim dumtaxat, & abstractione facta ab usu & necessitate Sacramentorum, commendant necessitatem conversionis ad Deum, contritionis ex toto corde, amoris Dei super omnia &c. Extra propositum ista sunt; quis enim Orthodoxus ea unquam negavit?

Igitur ea dumtaxat SS. Patrum testimonia ad rem nostram propiùs attinent, quæ loquuntur de dispositionibus necessariis ut ministerio clavium & per Sacramentum Poenitentiae gratia reconciliationis obtineatur. Eum in sensum in medium afferri possunt

Pagina

121. C.

Pagina

123. A.

Tertullianus Lib. de Poenit. cap. 3. ubi exigat à poenitente, ut intelligat quid boni sit Deus. cap. 4. ut puniteat errorum, reperta veritate; puniteat amaf-

amasse, quæ Deus non amat: quando ne nos quidem ipsi, inquit, servilis nosteris, ea quibus offendimur, non odisse permittimus. Obsequii enim ratio, in similitudine animorum constituta est.

S. Cyprianus Tractatu de lapsis, ab iis qui lapsi fuerant in persecutione, & à Sacerdotibus reconciliari postulabant, exigit, ut singulis delictum suum *P. 177* confiteantur, & ad Dominum toto corde convertantur & redeant.

S. Chrysostomus Hom. 4. in 2. ad Corinth. Cùm peccaveris, inquit, in- *Ed. C. 6.* gemisce: non quoddam panas daturus sis, nihil enim hoc est; sed quoddam *mel. p. 768.* Dominum offenderis tam benignum, tam te amantem, tam denique salutis tuæ appet- sum, ut filium quoque suum tua causa tradiderit.

S. Augustinus pluribus in locis necessitatem amoris Dei in poenitente confirmat.

Sermone 7. de tempore, qui in postrema editione rejectus est in Appen- *Tom. 6.* dicem, & est n. 117. Poenitentiam, inquit, certam non facit, nisi odium pec- *Appen.* cati & amor Dei. *p. 13. A.*

Sermone 278. aliàs 34. de diversis c. 12. Omnia præterita, inquit, con- *ibid. p. 1127. F.* versis dimittuntur. Cæterum huius vitæ sunt quadam gravia & mortifera, qua nisi per vehementissimam molestiam humiliationis cordis, & contritionis spiritus, & tribulationis poenitentia non relaxantur. Hac dimittuntur per claves Ecclesiæ. Loquitur ibi sanctus Doctor de remissione peccati per Sacramentum Poenitentia: postulat autem contritionem cordis vehementissimam; quo verbo, non gradus intensionem, sed veram ac sinceram intelligit contritionem, quæ certè absque aliquo Dei amore saltem inchoato nec stare, nec concipi potest.

Libro contra Adimantum Manichæum cap. 17. discrimen veteris & novæ Legis ait ex timore & amore repeti. Hac est, inquit, brevissima & aper- *Te. 8. p. 137. E.* tissima differentia duorum Testamentorum, timor & amor: illud ad veterem, hoc ad novum hominem pertinet. Mens S. Doctoris novæ est, ut antea observavi- mus, excludere omnino aut à veteri Lege amorem, aut à nova timorem; sed hoc unum vult, prævaluisse in veteri Lege timorem, in nova verò præ- valere amorem, sicut ipsemet declarat L. de moribus Ecclesiæ c. 28. n. 56.

Lib. de Gratia Christi cap. 26. Et si mandatum Dei videtur aliquando non à dili- *T. 10. p. 242. G.* gentibus, sed à timentibus fieri; tamen ubi non est dilectio, nullum bonum opus impu- tatur, nec rectè bonum opus vocatur. Quibus verbis non damnat sanctus Doctor omnem timorem, sed eum, ut dictum est supra, qui serviliter servilis est, & non excludit actualem affectum peccati: neque etiam dilectionem, quæ sit veræ charitatis, requirit, nisi voluerit eum generatim loqui de bono opere merito vitæ æternæ extra ipsum Sacramentum, quo casu necesse est ut fiat ex motu veræ charitatis; verum intelligi rectè potest sanctus Doctor generatim de necessitate alicujus dilectionis ad omne opus bonum.

Denique necessitatem alicujus saltem inchoati & imperfecti amoris Dei pro- bat sanctus Doctor, iis omnibus locis in quibus asserit, timore poenæ si so- lus fuerit, multò minus si serviliter servilis, absque amore iustitiæ, nec peccatum declinari, nec bonum fieri. Ita Epistola 145. aliàs 144. superius laudata inter Objectiones Articuli 1. hujus Questionis.

Lib. de natura & gratia c. 57. Qui timore supplicii, inquit, quod lex min- *ibid. p. 156. C.* tur, non amore iustitiæ, se sentis abstinere ab opere peccati, nondum liber est,

nec alienus à Voluntate peccandi. In ipsa enim voluntate reus est, quia mallet, si fieri posset, non esse quod timeat, ut liberè faciat quod occultè desiderat.

In Plal. 77. Ex corde nullo modo fieri potest, quod formidine sit pœnæ, non dilectione iustitiæ. Nam quantum attinet ad facta qua forinsecus aguntur, & qui timeant pœnam, & qui amant iustitiam, non futantur; & ideo pares sunt manus, dispares corde; pares opere, dispares voluntate.

Denique Lib. 21. de Civitate Dei cap. 16. Neque id fit veraciter atque sinceriter, nisi vera dilectione iustitiæ.... Tunc itaque vicia vitia deputanda sunt, cum Dei amore vincuntur.

Cave putes S. Doctorem his in locis damnare tanquam malum, servilem pœnæ timorem, quem donum Dei esse affirmat; aut velle eum semper peccare, qui ex illo timore agit. Unum igitur perstringit timorem serviliter, atque eò unicè dumtaxat tendit, ut ostendat solum pœnæ timorem sine aliquo amore iustitiæ, non excludere peccandi affectum, adeoque insufficientem illum esse ad gratiam in Sacramento percipiendam, quamquam ex se seu ex officio suo & objecto semper bonus sit.

S. denique Gregorius Magnus in c. 15. L. 1. Regum. Tria, inquit, in unoquoque consideranda sunt veraciter poenitente, videlicet conversio mentis, confessio oris, & vindicta peccati. Nam qui corde non convertitur, quid prodest ei, si peccata confiteatur? Peccatum quod diligitur, confitendo minime deletur. Nonnulli quidem sunt qui peccata confitendo aperiunt, sed non convertendo nequaquam desistantur. Hi profectò confitendo nihil agunt, quia quod loquendo ejiciunt, amando introducunt. Unde & salubriter confiteri volentibus Scriptura insinuat dicens: Corde creditur ad iustitiam, ore autem confessio fit ad salutem. Quid est corde credere ad iustitiam, nisi voluntatem dirigere ad fidem per dilectionem operantem? Cum ergo quis cordis intentionem ad iustitiam per amorem dirigit, per initium bonæ voluntatis fructum habet bonæ conversionis.

His accedit Clerus Gallicanus Declaratione facta in Comitibus generalibus anni 1700. ubi loquendo de dispositionibus necessariis ad Baptismi & Poenitentiae Sacramenta, ait: Neque satis adimpleri potest utrique Sacramento necessarium vite novæ inchoanda, ac servandi mandata divina propositum, si poenitens primi ac maximi mandati, quo Deus toto corde diligitur, nullam curam gerat, nec sit saltem animo ita preparato, ut ad illud exequendum, divina opitulante gratia, sese excitet ac provocet. Placet etiam, addit Clerus Gallicanus, caveri à Sacramenti Poenitentiae ministris, ne in hoc Poenitentiae Sacramento, aliisque Sacramentis conferendis sequantur opinionem probabilem de valore Sacramenti, relicta tutiore: Neque poenitentes ipsorum fidei animam suam committentes admonere cessent, ut in poenitendo inchoate saltem dilectionis Dei ineant viam, quæ sola secunda sit, graviter peccaturi in hoc salutis discrimine, vel eo solo quòd certis incerta præponant.

Probatum 3. ex iis quæ docet Concilium Tridentinum, tum Sess. 6. circa dispositiones necessarias ad justificationem; tum Sess. 14. circa naturam contritionis generatim, & speciatim attritionis.

Meminisse autem oportet, quod antea probavimus, Concilium circa præsentem controversiam nihil decretoriè pronuntiasse; quapropter discursu dumtaxat & ratiocinio theologico sententiam nostram ex verbis Concilii confirmamus. Itaque

Sessio 6. cap. 6. postquam recensuit actus fidei & spei necessarios in iis quibus præparant ad justificationem, de amore addit, *Deumque tanquam omnis iustitiæ fontem diligere incipiunt*. En amor initialis seu inchoatus & imperfectus, quem Synodus requirit ad justificationem, perinde ac actus fidei & spei, quos necessario prærequiri nemo negaverit. Observavimus antea ex Pallavicino Lib. 8. Hist. Concilii Tridentini cap. 13. verba mox laudata, quæ omissa fuerant in Decreto, quale primum conceptum ac delineatum fuerat, addita postmodum fuisse urgentibus & esflagitantibus multis Theologis, quia, inquebant, (referente ibidem Pallavicino) *si poenitentia tota esset ex timore, sine amore iustitia, & non propter Dei offensam, infructuosa esset*. Ipse pariter Dominicus Soto, qui in hac ipsa Sessio 6. verba fecit, L. 2. de natura & gratia cap. 13. testatur Synodi mentem fuisse declarare actum dilectionis Dei, sicut fidei & spei, natura debere antecedere gratiam habitalem seu sanctificantem.

T. 1.
772.P. 96. &
109.

Revera lis est inter Theologos, utrum eò loci Synodus agat de dispositionibus necessariis ad obtinendam iustitiam in Sacramento, vel extra Sacramentum, quæ de causa movemur ne rem à Synodo definitam asseramus. Verum ex tota serie hujuscapitis non obscure colligitur, Concilium generatim loqui de dispositionibus necessariis ad iustitiam tum in Sacramento, tum extra Sacramentum assequendam. Propterea, inquit, *movetur adversus peccata per odium aliquod & detestationem, hoc est, per eam poenitentiam quam ante Baptismum agi oportet; denique dum proponunt suscipere Baptismum &c. quæ certè verba innuunt, loqui Patres Tridentinos de iis qui sese ad Baptismum præparant ac disponunt*.

T. 14
Cm. p.
759. A.

Sessio 14. c. 4. contritio genericè sumpta definitur *animi dolor ac detestatio de peccato commisso cum proposito non peccandi de cætero*: atqui singulæ illæ contritionis dotes ac proprietates important necessitatem alicujus amoris Dei.

I. Quia est dolor de peccato; dolor autem, juxta S. Augustinum L. 14. de Civitate Dei c. 7. & S. Thomam in Supplemento q. 3. art. 1. in amore fundatur rei illius, de cujus jactura dolemus. Deinde dolor ille debet esse de peccato, quia est offensa Dei. Hoc innuit ipsa Synodus cap. 1. Sess. 14. *Fuit, inquit, poenitentia universis hominibus qui se mortali aliquo peccato inquinassent, quovis tempore necessaria . . . ut perveritate abiecta & emendata, tantam Dei offensionem cum peccati odio & pio animi dolore detestarentur*. Ita pariter docet S. Thomas 3. part. qu. 85. art. 3. *Poenitens, inquit, debet dolere de peccato commisso, in quantum est offensa Dei*. Ita Vega Lib. 13. cap. 25. in Concilio Tridentinum. *Necessarium est, inquit, dolere de peccatis, quia offensa Dei sunt; & hoc est quia potissimum nobis debet esse amarum in peccatis nostris. . . Et donec in hanc tantam perfectionem noster excreverit dolor, quantumcumque ille sit, & quacunque alia ratione habeatur, nunquam perfectus erit, nec sufficiens ad reconciliandum nos Deo*. Ita pariter Theologi de quibus Pallavicinus L. 8. Hist. Concilii Tridentini c. 13. mox citato, & Clerus Gallicanus in sua Censura anni 1700.

ib. p. 815.
E.P. 511.
col. 1.

Porro vix concipi potest dolor ille de offensa Dei, sine aliquo Dei amore. *Actus enim virtutis poenitentis, ait S. Thomas 3. p. q. 85. art. 6. est contra peccatum ex amore Dei*. Et q. 86. art. 3. *Ad rationem poenitentia requiritur ut displiceat peccatum, quia est contra Deum super omnia dilectum*.

II. Quia

II. Quia contritio: est *detestatio* seu odium peccati commissi: at non potest homo verè detestari & odisse peccatum, quatenus est offensa Dei, sine aliquo saltem imperfecto Dei amore. *Tantum quisque peccatum odit*, ait S. Augustinus Epist. 145. aliàs 144. *quantum iustitiam diligit*. Ratio est, quia odium rei alicujus nascitur ex amore contrarii; ad eamdem quippe virtutem pertinet, diligere bonum, & odio habere malum contrarium. Igitur si homo detestatur peccatum, quia est offensa Dei, ergo amat Deum; amor enim ille, vel est creaturæ, vel Dei, aut in se summè boni ac perfecti, aut nobis præcisè boni, nullus hic datur medius: non est autem amor creaturæ; ergo est amor Dei. *Duo sunt amores, ex quibus omnes procedunt voluntates*, ait S. Leo Serm. 5. de jejunio septimi mensis, *ita diverse inter se qualitatibus, sicut dividuntur auctoribus. Rationalis enim animus, qui sine dilectione esse non potest, aut Dei amator est aut mundi: in dilectione Dei, nulla nimia; in dilectione autem mundi, cuncta sunt noxia.*

T. 1. p. 471. C.
T. 1. p. 357.

III. denique, quia contritio, tum perfecta tum imperfecta, non solum negativè, sed etiam positivè debet *excludere voluntatem peccandi*, & firmum includere propositum vitæ melioris: atqui non potest satis intelligi, quomodo ea ratione excludi possit voluntas peccandi, & firmum ac efficax concipi vitæ melioris propositum, sine aliquo amore Dei; tum quia ex mox laudatis S. Augustini testimoniis, timor gehennæ solus vix potest sine adjuncto aliquo amore iustitiæ, peccandi affectum positivè excludere; tum quia, qui affectum illum deponit, in ea debet esse animi præparatione, ut Deum creaturis omnibus anteponat: at quis animo concipiat istud fieri posse sine aliquo Dei amore? Tum denique quia debet homo poenitens averti à creatura, & converti ad Deum: at hæc conversio ex amore Dei saltem initiali profluit.

Deinde verò in contritione etiam imperfecta, includatur necesse est firmum melioris vitæ ineundæ, & mandatorum Dei observationis propositum: attale propositum concipi non potest sine aliquo Dei amore; inter illa etenim mandata, dilectio Dei primum ac præcipuum locum tenet: sed qui firmiter proponit diligere Deum super omnia, jam incipit diligere, ut antea Art. 1. Qu. 4. Conclusionem 1. in responsione ad secundam Objectionem offendimus ex SS. Augustino & Gregorio.

S E C U N D A C O N C L U S I O.

Sufficit ad justificationem in Sacramento Poenitentis obtinendam, amor Dei qui dicitur spei, quo Deus diligitur quia nobis bonus, nostra beatitudo ac finis ultimus; qui etsi comparatè ad amorem charitatis, sit imperfectus aut minùs perfectus, in se tamen castus est, gratuitus, bonus & honestus. Hæc postrema pars est adversùs Lutheranos & Quietistas.

Prima Conclusionis pars ex dictis hæctenus sequitur, nec indiget ulteriori probatione. Namque si perfectio charitatis non ex intensione gradus, sed ex formalis ac specifico ejus motivo ducitur; si charitas essentialiter ex suo formalis ac specifico motivo perfecta, in quocunque gradu sit, hominem Deo reconciliat; si aliunde certum sit, charitatem perfectam, quæ hominem

Deo

Deo reconciliat ante Sacramentum actu perceptum, non esse necessariam ad Sacramentum dispositionem, proculdubio amor charitatis veræ ac propriæ dictæ non requiritur, sed amor qui dicitur spei sufficit ad Sacramentum debite percipiendum: hæc autem omnia hæcenus probata sunt. Igitur Probatur secunda pars adversus Lutheranos & Quietistas.

1. Scripturæ testimoniis: tum iis quibus motivum æternæ mercedis nobis proponitur, ut ad mandatorum Dei observationem incitemur; tum iis quibus laudantur viri sancti & perfecti; qui ex hoc motivo egerunt.

Primi ordinis testimonia illustriora sunt

Deuteronomii 6. v. 3. *Audi Israel, & observa ut facias quæ præcipit tibi Dominus, & bene sit tibi.*

Lucæ 10. v. 25. cum quidam Legis peritus postulasset à Christo, quid factum esset opus ut vitam æternam obtineret, respondet Christus: *Diligens Dominum tuum ex toto corde tuo . . . Hoc fac & vires.*

Ibidem v. 20. Apostolis dicit Christus: *In hoc nolite gaudere, quia spiritus vobis subijciuntur: gaudete autem, quod nomina vestra scripta sunt in Cælis.*

Matth. 5. Christus octo beatitudines enumerat, & unicuique suum assignat præmium quo incitemur & moveamur. *Beati pauperes spiritu, quoniam ipsorum est Regnum Cælorum.*

Et cap. 19. v. 29. *Omnis qui reliquerit domum, vel fratres aut sorores &c. propter nomen meum, centuplum accipiet, & vitam æternam possidebit.*

Coloss. 3. v. 23. *Quodcumque facitis, ex animo operamini, sicut Domino, & non hominibus; scientes quod à Domino accipietis retributionem hereditatis.*

Secundi ordinis testimonia nobis proponunt exempla sanctorum & perfectorum, qui intuitu mercedis æternæ operati sunt. Ita

Abraham, de quo dicitur Ecclesiastici 44. v. 20. *Non est inventus similis illi. Expectabat enim, ait Apostolus Hebr. 11. v. 10. fundamenta habentem civitatem, cuius artifex & conditor est Deus.*

Moyles quoque perfectus fuit: *Dilectus Deo & hominibus, cuius memoria in benedictione est.* Ecclesiastici 45. v. 1. *Aspicebat autem in remunerationem, ait ibidem Apostolus v. 26.*

David Psalmo 118. v. 112. *Inclinavi, inquit, cor meum ad faciendas iustificationes tuas in æternum, propter retributionem.*

Denique S. Paulus ad hanc æternam mercedem respiciebat, cum 2. ad Timoth. 4. v. 7. & 8. dicebat: *Bonum certamen certavi, cursum consummavi, fidem servavi. In reliquo reposita est mihi corona iustitiæ, quam reddet mihi Dominus in illa die iustus iudex: non solum autem mihi, sed & iis qui diligunt adventum eius.*

Probatur 2. auctoritate S. Augustini.

Sermone 334. in natali Martyrum aliis 48. de Sanctis. *Hoc est, inquit, Deum gratis amare; de Deo Deum sperare, de Deo prosperare impleri, de ipso satiari. Ipse enim sufficit tibi, præter illum nihil sufficit tibi.* T. 5. p. 1199. C.

Et Sermone 178. aliis 19. de verbis Apostoli cap. 10. *Aliud est timere ponam, aliud est amare iustitiam. Amor castus in te esse debet; quo amare desideres videre, non Cælum, & terram &c. . . sed desideras videre Deum tuum . . . Ecce propter quam visionem fac bonum: ecce propter quam noli facere malum.* Ibid. p. 853. E. F.

Et

161d. p. Et Serm. 158. aliàs 16. de verbis Apostoli: *Unusquisque*, inquit, *inspi-*
 761. G. *ciat se intus, appendat se, probet se in omnibus factis suis, bonis operibus suis*
quæ faciat cum charitate; non expectans retributionem temporalem, sed pro-
missum Dei, faciem Dei. Non enim quidquid tibi Deus promittit, valet ali-
quid præter ipsum Deum. Omnino me non satiaret Deus, nisi promitteret mi-
hi seipsum Deum.

Denique, ut alia infinita omittam, Enarratione in Psalm. 72. non pro-
 cul à fine, explicans ista verba, *Pars mea Deus in secula. Factum est cor castum,*
 T. 4. p. inquit, *gratis iam amatur Deus, non ab illo petitur aliud premium. Qui aliud*
 756. G. *premium petit à Deo, & propterea vult servire Deo, carius facit quod vult*
accipere, quam ipsum à quo vult accipere. Quid ergo, nullum premium Dei?
Nullum, præter ipsum. Premium Dei, ipse Deus est. Hoc amat, hoc diligit:
si aliud dilexerit, non eris castus amor.

S. Thomas 2. 2. qu. 19. art. 4. ad 3. docet eum dumtaxat amorem Dei esse
 mercenarium, quo diligitur Deus propter temporalia. *Dicendum*, inquit,
 quod amor mercenarius dicitur, qui Deum diligit propter bona temporalia:
 quod secundum se contrariatur charitati; & ideo amor mercenarius semper est
 malus. Lege & articulum 8. ejusdem quæstionis, ubi Doctor Angelicus du-
 plicem amorem distinguit, unum perfectum ex charitate, alterum minus
 perfectum ex spe.

Probatur denique ex Concilio Trid. Sess. 6. cap. 11. *Constat*, inquit, *eos*
 T. 14. *orthodoxæ Religionis doctrine adversari, qui statuunt iustos in omnibus operibus*
 Conc. p. *peccare, si in illis suam ipsorum socordiam excitando, & sese ad currendum*
 761. D. *in stadio cohortando, cum hoc, ut imprimis glorificetur Deus, mercedem quoque*
 E. *intuentur æternam, cum scriptum sit: Inclinaui cor meum ad faciendas iustifi-*
cationes tuas, propter retributionem. Et de Moïse dicat Apostolus, quod respi-
ciebat in remunerationem.

16 p. 763. Et cap. 16. *Benè operantibus usque in finem & in Deo sperantibus proponen-*
 C. D. *da est Vita æterna, & tanquam gratia filiis Dei per Christum Jesum misericor-*
diter promissa, & tanquam merces ex ipsius Dei promissione bonis ipsorum ope-
ribus & meritis fideliter reddenda. Hæc est enim corona illa iustitiæ, quam post
sum certamen & cursum repositam sibi esse aiebat Apostolus, à iusto Iudice sibi
reddendam.

Et Canone 31. ejusdem Sess. *Si quis dixerit iustificatum peccare, dum in-*
 16 p. 767. *uitu æterna mercedis operatur, anathema sit.*
 B.

Diximus in Conclusionè, amorem illum spei quo Deus diligitur ut mer-
 ces nostra, beatitudo ac finis ultimus, imperfectum, aut potius minus per-
 fectum esse, comparatè scilicet ad amorem charitatis: tum quia ex dictis
 antea Quæstione 4. Art. 1. Conclusionè 3. motivum charitatis perfectius est
 motivo spei; unde fit ut charitas hominem iustificet, non verò spes: tum
 quia in amore illo spei timor adhuc prædominatur, non ita in amore per-
 fectæ charitatis, quæ foras expellit timorem. Inde inchoatus, initialis seu
 incipiens amor dicitur, quia nondum ad perfectum charitatis motivum
 pervenit; sed ad illud homo poenitens, & per timorem æternæ pænæ, & per
 amorem beatitudinis, quasi per gradus se præparat ac disponit. *Debet enim ita*
animo esse præparato, ait Cleri Gallicani Declaratio citata Conclusionè 1. ut
ad exequendum dilectionis Dei ex toto corde mandatum, sese excitet ac provocet;

Hos

Hos gradus proficientis hominis, & ex timore poenae, ac amore felicitatis pervenientis ad amorem charitatis, distinguit S. Augustinus L. de Catechizandis rudibus cap. 17. *Qui propter beatitudinem sempiternam, inquit, & perpetuam requiem qua post hanc vitam sanctis futura promittitur, vult fieri Christianus, ut non eat in ignem aeternum cum diabolo, sed in Regnum aeternum intret cum Christo, verè ipse Christianus est; cautus in omni tentatione, ne prosperis rebus corrumpatur, ne frangatur adversis..... Quietiam proficiendo perveniet ad talem animum, ut plus amet Dominum quam timeat gehennam: ut etiamsi illi dicat Deus, Utere deliciis carnalibus sempiternis, & quantum potes pecca, nec morieris, nec in gehennam mitteris, sed mecum tantummodo non eris, exhorrescat, & omnino non peccet, non tam ut in illud quod timebat, non incidat, sed ne illum quem sic amat, offendant.*

T. 6. p.
231. F.

Solvuntur Objectiones adversus primam Conclusionem.

i. Objicies 1. Concilium Tridentinum Sess. 14. cap. 4. tractans ex professo de attritione ejusque motivis, non alia assignat, quam vel considerationem turpitudinis peccati, vel gehennae ac poenarum metum, nulla omnino facta mentione amoris Dei; atque ex his motivis conceptam attritionem disponere ait ad gratiam in Sacramento percipiendam, & quidem proximè, ut nos ipsi concessimus supra Art. 3. Quaestionis 4. inter probationes Conclusionis. At verisimile non videtur, quòd si Concilium existimasset, amorem Dei absolutè necessarium esse in attritione, ut sit dispositio sufficiens ad Sacramentum, silentio illum prætermisisset, præsertim cum in præfatione hujus Sessionis 14. promittat, se *exactiorem & plenioram de Sacramento Poenitentiae definitionem traditurum.*

Confirmatur 1. Quia eodem cap. 4. opponit Synodus contritionem imperfectam, perfectam; & postquam dixit contritionem aliquando *charitate perfectam esse*, subinde attritionem describit eam quæ non ex charitate, sed vel ex consideratione turpitudinis peccati, vel ex metu gehennae concipitur, quæ sanè oppositio manifestè innuit mentem Concilii esse, nullam charitatem seu amorem Dei necessarium esse, ut attritio sit dispositio sufficiens ad Sacramentum.

Confirmatur 2. Quia, narrante Pallavicino L. 12. Hist. Conc. Trid. cap. 10. jam hic Articulo 2. citato, Concilium in Decreto, quale primùm conceptum fuerat, loco verbi *disponit*, quod jam legitur, posuerat, *sufficit*; quo verbo fatis apertè declaraverat Concilium, quam in partem inclinaret.

Resp. ex hoc argumento rectè colligi, quod antea probavimus, noluisse Concilium Tridentinum quaestionem inter Theologos agitatam dirimere ac definire; atque verba sua ita sapienter librasse ac temperasse, ut nulli sententiae orthodoxae præjudicium inferrent: quapropter nec charitatis, nec dilectionis Dei mentionem fecit expressam, cum motiva contritionis imperfectae exposuit; atque ea ipsa de causa, loco *sufficit*, substituit verbum *disponit*, quod cum genericum veluti sit, & de dispositione sive remota, sive proxima possit intelligi, Theologorum disputationibus locum & occasionem liberam reliquit: nihilominus tamen ex iis quæ docet Synodus circa naturam contritionis, sive perfectae sive imperfectae, rectè infertur ratiocinio & discitur.

discursu theologico, aliquem Dei amorem necessarium esse. Adde quòd Sess. 6. cap. 6. conceptis verbis requirit Synodus, ut qui se disponunt ad iustitiam, *Deum diligere incipiant, tanquam omnis iustitiæ fontem*. Inde patet responsio ad secundam confirmationem.

Ad primam verò dico, rectè inde probari in attritione non eum requiri amorem qui sit veræ & propriæ charitatis, quæ ex se hominem Deo reconciliat: at quemlibet alium amorem Dei à Synodo excludi tanquam non necessarium, minimè inde probatur.

Instabis, Concilium suo Decreto docet eam attritionem sufficere ad Sacramentum Poenitentia, quam Lutherus negabat esse sufficientem; imò quam malam esse contendebat; atqui attritio hæc ex solo poenarum metu concipitur, sine amore Dei; nusquam etenim Lutherus negavit, attritionem conceptam ex timore junctio cum charitate seu aliquo amore Dei esse bonam & honestam, ut constat ex assertionem articulorum quos damnavit S. P. Leo X. *Si dixerint, (ait Lutherus) se loqui de contritione in charitate facta, iam articulus nihil ad me; non enim unquam sic docui: imò quia ut meum damnant, de contritione naturali & impia extra fidem eos loqui oportet*. Docet igitur Concilium, attritionem conceptam ex solo metu gehennæ sufficere ad Sacramentum.

Resp. nego maj. Concilii quippe mens ac scopus adversus Lutherum, non est ut probet attritionem conceptam ex metu gehennæ sufficere, hanc quippe questionem Theologis discutiendam reliquit: verum ut probet eam non esse malam, non facere hominem hypocritam & magis peccatorem, sicut dicebat Lutherus, imò bonam esse, laudabilem, ex impulsu Spiritus sancti; & consequenter disponere ad gratiam in Sacramento percipiendam, quocunque tandem modo disponat, sive remotè, sive proximè, quem modum non figit nec determinat Concilium. In duobus scilicet peccabat hic Lutherus. 1. omnem poenæ timorem esse per se malum, ac semper habere adjunctam peccandi voluntatem: fundamentum erroris erat, quòd motum timoris coactum semper ac violentum esse putaret. 2. nullum opus bonum fieri posse ante charitatem diffusam in cordibus, hoc est ante gratiam sanctificantem; unde concludebat, actum timoris, qui præcedit justificationem, malum esse ac inordinatum: fundamentum erroris erat, quòd præter gratiam gratum facientem seu sanctificantem, nullam aliam actualem præparantem ad iustitiam agnosceret. Adversus illud Concilium docet 1. timorem poenæ bonum & honestum esse. 2. illum esse ex impulsu Spiritus sancti, nondum quidem inhabitantis, sed moventis. 3. illum disponere ad Sacramenti gratiam: ex quo planè ruit calumnia Lutheri Orthodoxos infamantis, quasi naturalem contritionem tanquam sufficientem admitterent.

Instabis 2. Concilium requirit in attritione, ut excludat peccandi voluntatem: atqui solus timor gehennæ sine amore Dei talem voluntatem excludere potest. Namque excludit illud omne quod penam meretur & accersit: at non tantum actus exterior peccati, sed & ipse affectus ad peccatum penam meretur & accersit; ergo &c.

Resp. 1. Etsi concederemus solo timore absque ullo Dei amore posse omnem peccandi voluntatem tum actualem tum etiam habitualemente excludi, non idcirco tamen rectè inferretur, Concilium statuisse satis esse ut ex solo motivo timo-

timoris ille peccati affectus excludatur; sed dici non immerito posset, Synodum præter motivum timoris, exigere etiam motivum alicujus amoris Dei, saltem inchoati & initialis, quo Deus incipit diligi tanquam fons omnis justitiæ. Vide quæ diximus ex Concilio Tridentino inter probationes.

Resp. 2. dist. min. Solus timor gehennæ voluntatem peccandi excludere potest, actualem, concedo: habitualem subdist. Timor gehennæ adæquatè sumptæ, iterum concedo: timor gehennæ inadæquatè sumptæ, nego. Gehenna seu pœna adæquatè sumpta complectitur pœnam damni & sensus: gehenna sumpta inadæquatè pœnam sensus dumtaxat includit. Timor gehennæ inadæquatè sumptæ, seu pœnæ sensus, excludit actualem omnem peccandi voluntatem, hoc est tum absolutam, tum conditionatam, camque sive explicitam, sive etiam implicitam; seu, ut loquitur S. Augustinus Lib. 2. contra Epist. Petiliani c. 33. *intra claustra cogitationis malam cupiditatem coercet*: timor verò gehennæ adæquatè sumptæ, prout scilicet complectitur pœnam tum damni, tum sensus, voluntatem peccandi sive actualem sive etiam habitualem excludit ac removet. (Consule quæ suprà dicta sunt Art. 1. hujus Quæst.) Verum timor ille non est absque amore spei: ut enim antea diximus ex S. Thoma 1. 2. q. 25. art. 2. timor mali nascitur ex amore boni contrarii, atque in ipso fundatur.

Instabis 3. Timor pœnæ est bonus, honestus, & supernaturalis, ex impulsu Spiritus sancti; ergo sufficiens est dispositio ad Sacramentum Poenitentiae.

Resp. nego consequentiam. Namque fides pariter est bona, honesta, supernaturalis, ex impulsu Spiritus sancti, an idcirco sola sufficit? minime.

Objicies 2. Amor ille Dei quem exigimus, est super omnia: atqui omnis amor Dei super omnia ex se sanctificat hominem, & Deo reconciliat; ergo amor ille hominem prius Deo reconciliaret, quam accederet ad Sacramentum: atqui, ex antè dictis, talis amor Dei non est necessarius, nec stare potest cum efficacia Sacramenti.

Resp. dist. min. Amor Dei super omnia, qui est à charitate, quo quis finem suum ultimum, tum objectivum tum subiectivum, positivè ac explicitè in Deo constituit, sanctificat hominem, concedo: amor Dei super omnia, qui non est à charitate propriè dicta, nec positivè ac explicitè finem ultimum, tum objectivum tum subiectivum in Deo constituit, nego. Vide superius Art. 1. Quæst. 4.

Objicies 3. Si præter Sacramentum amor Dei requiritur, melior fuit Judæorum, quam Christianorum conditio; illi etenim per solum Dei amorem sine jugo Sacramenti poterant in gratiam cum Deo redire.

Resp. nego maj. Quamquam enim necessarius foret amor Dei perfectus cum Sacramento, (quitamen, Deo infirmitati humanæ consulente, necessarius non est) nihilominus multis aliis titulis melior longè foret nostra, quam Judæorum conditio: tum propter revelationem magis evidentem mysteriorum fidei; tum propter gratiæ abundantiam, Sacramentorum facilitatem & efficaciam; tum propter immunitatem ab innumeris ferè legalibus præceptis & ceremoniis quibus gravabantur Judæi; tum denique quia lex amoris suavissima est: ubi enim amatur, non laboratur, ait S. Augustinus, aut saltem labor ipse amatur.

Tom. 6. p.
384.

Solventur Objectiones adversus secundam Conclusionem.

Obijcies 1. contra primam partem Conclusionis, testimonia Scripturæ à nobis ipsis adducta in probationem primæ Conclusionis. Aut enim ipsum veræ charitatis amorem illa exprimunt, aut nullibi in Scripturis talis amor exprimitur: quibus adde istud Apostoli 1. Corinth. 13. v. 1. *Si linguis hominum loquar & Angelorum, charitatem autem non habeam.... nihil sum.*

Resp. laudata Scripturæ testimonia non sine aliqua restrictione ac cautione hic urgenda esse; aliàs efficeret, non tantum charitatem ex motivo suo formali perfectam, sed etiam intensione gradus summam, necessariam esse: quippe loquendi formulæ, *ex toto corde*, *ex tota anima*, *ex totis viribus*, nisi aliqua ratione temperentur, æquè natæ sunt significare summam hanc gradus intensiorem, ac solam appetitionem seu majorem objecti æstimationem, ut jam observatum fuit, tum Qu. 3. in responsione ad quæsitum 4. tum Quæst. 4. Art. 1. in responsione ad Objectiones contra secundam Conclusionem.

Itaque citata testimonia vel de habitu, vel de ipso actu charitatis intelligi possunt. Side habitu, verè dixit Apostolus, *Si charitatem non habuerit, nihil sum*; quia nempe homo sine habituali charitate nihil potest ad salutem de condigno meritum operari, cum sit in statu peccati, Deo exosus & inimicus. Si verò de actu charitatis, distinctione opus est: vel enim sermo est de justificatione habenda extra Sacramentum, vel in Sacramento: si prius, (quo maxime sensu loquitur Scriptura) actus charitatis perfectæ necessarius est; si posterius, sufficit cum Sacramento amor Dei qui spei dicitur.

Obijcies 2. Concilium Tridentinum Sess. 6. cap. 6. videtur exigere in iis qui se ad Sacramentum Baptismi & Poenitentia disponent, verum amorem Dei ex motivo charitatis.

I. Postquam dixit actus fidei & spei esse necessarios, adjungit & ipsam dilectionem seu amorem Dei. Ergo amor ille motivo distinctus est à spei; ergo est amor veræ charitatis. Idem planè constat ex Declaratione Cleri Gallicani, ubi distinctos exigit actus fidei, spei & dilectionis.

II. Quia amorem hunc vocat dilectionem incipientem: atqui amor spei seu concupiscentiæ, alius non est incipiens, & alius perfectus, sed statim perfectus est, utpote naturæ consentaneus; ergo amor ille est veræ charitatis.

III. Quia dicit Deum illo amore diligere tanquam omnis iustitiæ fontem: atqui hæc dilectio est à charitate, juxta S. Thomam 2. 2. qu. 26. art. 4. in corp. *Deus, inquit, diligitur ut principium omnis boni, super quo fundatur dilectio charitatis.*

IV. Quia asserit ex illo amore sequi odium ac detestationem peccati, & propositum novæ vitæ inchoandæ, & Legis divinæ servandæ: atqui hæc ab alio non possunt oriri principio, quam à charitate.

Resp. nego ant.

Ad primam probationem, fatemur Concilium præter fidem & spem, exigere dilectionem Dei; sed qualis illa sit, non apertè explicat: quia generali potius voce dilectionis usi sunt Patres, non charitatis, non amoris super omnia, ne rem dirimerent controversam. Hanc equidem dilectionem distinguunt

guunt à spe: at quis certò asserere potest, an eam distinguant vel tantum rem à re, vel tantum ut effectum à causa, partem à toto, proprietatem à natura?

Adsecundam: Diximus amorem illum incipientem appellari, tum quia ab eo ad amorem veræ charitatis homo gradum facit; tum quia non ita perfectus est ac amor charitatis.

Ad tertiam, dist. min. Dilectio qua Deus diligitur ut omnis fons justitiæ, in se absolute sine ullo explicito ad nos respectu, est à vera charitate, concedo: ut est fons justitiæ nostræ, seu quatenus est nostra justitia, felicitas & finis ultimus, nego. S. Thomas citato loco vult dumtaxat eum esse charitatis ordinem, ut tum primum feratur in Deum bonum per essentiam, deinde in seipsum & proximum, in quibus est bonitas participata.

Ad quartam, nego min. Ista quippe ex amore Dei inchoato, qualem descripsimus, oriri possunt.

Instabis. Idem Concilium Sess. 14. multa docet ex quibus videtur colligi necessitas amoris Dei ex motivo charitatis.

I. Cap. 1. asserit, poenitentiam quolibet tempore fuisse necessariam ad gratiam & justitiam assequendam: sed talis poenitentia procul dubio includit amorem charitatis.

II. Cap. 3. inter partes Sacramenti Poenitiæ recenset contritionem simpliciter: at contritio simpliciter sumpta charitatem includit.

III. Cap. 4. definiens contritionem generatim sumptam, ait eam non solum cessationem à peccato, & vitæ novæ propositum & inchoationem, sed veteris etiam odium continere . . . atque in ea cor novum, & spiritum novum fieri: sed ista fieri non possunt sine charitate; charitas ergo includitur in contritione generice sumpta: quod verò convenit contritioni generice sumptæ, convenit etiam attritioni quæ species est veræ contritionis.

IV. Eodem capite, attritionem vocat contritionem imperfectam: atqui imperfectum non distinguitur à perfecto, essentialiter, sed accidentariò tantum: contritio igitur perfecta dicitur, cum includit perfectam charitatem; imperfecta verò seu attritio appellatur, cum imperfectam habet, hoc est remissam & minus intensam charitatem.

Resp. ad primum, Concilium ibi loqui de virtute poenitentiae, quæ omni profectò tempore necessaria fuit ad obtinendam veniam peccatorum, atque ex motivo charitatis perfectæ debet oriri: de Sacramento verò Poenitiæ quis affirmaret, omni tempore necessariam illud fuisse?

Ad secundum: Loquitur Concilium de contritione generatim, prout à perfecta vel imperfecta abstrahit; quo sensu eam inter partes Sacramenti Poenitiæ recenset. Et verò, postquam cap. 4. definit contritionem, quam præcedenti capite dixerat esse partem hujus Sacramenti, illam dividit in perfectam, & imperfectam, quæ certè divisione manifestum est, contritionem sumptam fuisse à Concilio in genere, prout scilicet abstrahit à perfecta & imperfecta.

Ad tertium: Patet ex jam dictis, imperfectum Dei amorem sufficere ad ea omnia quæ hic proponuntur.

Ad quartum: Attritio non dicitur contritio imperfecta, tantum propter gradum remissum; sed maxime propter motivum, quod cum sit specie di-

versum in contritione & attritione, differunt inter se essentialiter contritio & attritio.

Obijcies 3. Cum SS. Patres necessitatem amoris Dei etiam inchoati toties commendant, non alium profectò, quàm veram charitatis amorem intelligunt. *Quid est boni cupiditas*, ait S. Augustinus L. 2. contra duas Epistolas Pelagianorum cap. 9. *nisi charitas*? Et L. de Gratia Christi cap. 26. postquam dixit: *Ubi non est dilectio, nullum opus bonum imputari, nec rectè opus bonum vocari*; statim explicat qualis sit illa dilectio: *Quia, inquit, omne quod non est ex fide, peccatum est; & fides per dilectionem operatur. Ac per hoc gratiam Dei, qua charitas Dei diffunditur in cordibus nostris per Spiritum sanctum qui datus est nobis, sic confiteatur, qui vult veraciter confiteri, ut omnino nihil boni sine illa quod ad pietatem pertinet veramque iustitiam, fieri posse non dubitet.*

T. 10 p.
444 G.
Ibid. p.
243 A.

Idem sanctus Doctor pluribus in locis repetit, ex solo timore penæ sine amore iustitiæ verè peccatum non declinari; amorem autem illum iustitiæ esse à charitate, inde constat, quòd illum opponat timori qui expellitur per charitatem.

Resp. nego maj. Patet quippe ex testimoniis Conclusionis tertiae hic relatis, amorem quo Deus diligitur, quia nobis bonus, nostra felicitas ac finis ultimus, laudari & commendari à S. Augustino: at amor ille, ex probatis antea Quaestione 4. non ad charitatem, sed ad spem revocatur.

Cum verò SS. Patres sæpius commendant, tanquam omnino necessarium, amoris Dei ex motivo proprio charitatis, vel loquuntur de habitu charitatis sine quo nullus potest esse iustus, vel de actu necessario ad obtinendam veniam peccatorum extra Sacramentum; non verò in Sacramento. Porro quæ in Objectione laudata sunt sancti Augustini testimonia, non sunt ad rem; nomine quippe charitatis intelligit ibi sanctus Doctor gratiam supernaturalem sine qua nihil boni possumus; non verò propriè dictam charitatem, quæ virtus est theologica. Id verò manifestum est tum ex scopo illius; tum ex verbis ipsis citatis. Oppugnat scilicet Pelagianos negantes necessitatem gratiæ; & probat, sine dilectione, hoc est sine gratia, nihil boni fieri posse in ordine ad vitam æternam. Alitquidem citato cap. 26. Lib. de Gratia, per illam gratiam diffundi charitatem in cordibus, quod verum est; sed non ait omnem illam gratiam esse veram & propriè dictam charitatem, quòd tamen supponit obiectio. Quo verò sensu dixerit sæpius, timorem penæ sine amore iustitiæ non excludere ipsum peccati affectum, jam non semel exposuimus; scilicet S. Doctorem loqui vel de timore serviliter servili, vel exigere dumtaxat amorem imperfectum, qui dicitur spei: quæ autem obijci solent ad probandum talem Dei amorem ad charitatem etiam pertinere, solvimus suprà ad quaestionem quartam.

Obijcies 4. Qui peccavit contra fidem aut spem; non potest Deo reconciliari, etiam in Sacramento, nisi præmittatur actus fidei & spei; ergo pariter cum omne peccatum mortale sit contra charitatem, non potest peccator iustitiam assequi, etiam in Sacramento Poenitentiae, sine prævio charitatis actu.

Resp. nego consequentiam. Disparitas est, quia fides & spes sunt initium, fundamentum & radix justificationis nostræ, ut ait Concilium Trid. Sess. 6. cap. 8. at charitas est finis, aut ipsa forma, qua justificamur; unde necesse est actus fidei & spei præcedere, tanquam media & dispositiones ad gratiam sanctificantem, non verò ipsam charitatem, quæ non est medium sed finis. Ratio verò & causa propter quam actus charitatis necessarius est ad ob-

tinen-

tinendam iustitiam extra Sacramentum, non ista est, quia peccatum omne mortale est contra charitatem; (istud enim ipsi convenit, siue habeatur iustitia extra Sacramentum, siue in Sacramento) sed quia sine actu charitatis extra Sacramentum, nulla datur causa quæ divinam misericordiam moveat & excitet ad gratiam sanctificantem liberaliter ac gratis concedendam: nullus enim alius actus est, quam charitatis, qui, non quidem ex merito, ut ajunt, de condigno, sed de congruo saltem, aliquam habeat cum gratia sanctificante proportionem: Nihil quippe eorum quæ iustificationem præcedunt, siue fides, siue opera, ipsam iustificationis gratiam promerentur, ait Conc. Trid. Sess. 6. c. 8.

Ta. 14.
Cmc p.
760. C.

Obijcies denique: Quamquam multi Theologi existiment amorem charitatis necessarium non esse, attritionem verò ex metu poenæ conceptam sufficere; nihilominus non dissimulant illi, sententiam hanc novam esse, necessitatibus tutam, adeoque in mortis articulo eum non satis saluti suæ consulturum, qui sine amore Dei super omnia accederet ad Sacramentum Poenitentiae. Ita Dominicus Soto in 4. Sent. dist. 18. q. 3. art. 2. *Doctrina hæc*, inquit, *de attritione quæ in Sacramento fit contritio, licet sit vera, non est tamen ita multum vetus*. . . . revera enim qui mihi diceret non se poenitere propter Deum, absolvere non auderem.

Melchior Canus parte 5. de Poenitentia: *Contritio*, inquit, *ponitur pars Sacramenti, quia est certa & indubitata materia. Quod autem attritio sufficiat, quævis verum sit, non est tamen adeo certum & indubitatum*.

P. 879.

Suares q. 90. in 3. partem S. Th. art. 4. disputatione 15. n. 17. *Licet*, inquit, *sit opinio probabilis, attritionem cognitam cum Sacramento sufficere ad iustificationem, tamen non est certa, & potest esse falsa*. . . . Ergo qui sciens & videns ita se mori permittit, voluntariè exponit se periculo morali æternæ damnationis.

T. 4. p.
108. col.
1. C.

Comitolus L. 1. Responsorum moralium q. 32. n. 7. & 8. *Plures*, inquit, *magisque Theologi in poenitente, antequam absolvatur, contritionem veram charitate formatam requirunt: neque usque adeo certum est, attritionem poenitentis esse satis*.

Becanus Tractatu 1. cap. 4. de bonitate actuum interiorum: *Falsior*, inquit, *tutius esse cum contritione accedere ad confessionem; ac proinde eum, qui scit se non esse contritum, sed tantum attritum, consultius facturum, si conetur in se excitare contritionem*.

Idem decet Sanchez in Decalogum L. 1. c. 9. n. 34.

Resp. Laurojum cujus est ista obiectio aut non satis affectum fuisse illorum Theologorum mentem, aut minus sincerè illam retulisse, amputatis iis quæ vel antecedunt, vel sequuntur. Et verò vel ex hoc uno lector præjudicet quale sit Laurojii criterium in referendis Ecclesiasticorum Scriptorum testimoniis: certum quippe est, ut mox patebit, & Dominicum Soto, & Melchiorum Canum existimasse attritionem naturalem, quæ bona fide contritio putatur, sufficere ad Sacramentum Poenitentiae; quanto magis sufficere putarunt attritionem supernaturalem ex solo poenarum metu conceptam? An istam, quæso, rejecissent, altera admissa? Credat Laurojus, non rego. Igitur Dominicus Soto loquitur de attritione quæ concipitur ex solo poenarum metu, sine ullo ad Deum offensum respectu, quam meritò rejicit. Naniq. in 4. dist. 17. qu. 2. art. 5. docet contritionem ab attritione distingui ex parte obiecti,

- P. 455. *quia, inquit, contritio est dolor de offensa Dei, attritio vero dolor peccati ob*
col. 1. timorem inferni, aut aliorum nocuementorum temporalium. Requiritur enim,
 ait Soto dist. 18. q. 3. art. 2. *detestatio peccati, quatenus est offensa Dei;* aut saltem
 P. 495. *ut poenitens bona fide existimet se ex tali motivo poenitere:* quin & Cle-
col. 1. rus Gallicanus contrariam sententiam proscripsit. Idem tamen Soto eadem
 P. 497. *dist. q. 3. art. 3. docet, attritionem etiam naturalem, quæ invincibiliter ut talis*
ignoratur, sufficere: verum hæc opinio merito ab aliis Theologis rejicitur,
 & ab eodem Clero Gallicano damnata fuit.

- II. Melchior Canus parte 6. de Penitentia; conceptis verbis docet, attritionem efficacem ex timore penarum supernaturalium idoneam esse dispositionem ad gratiam Baptismi & Penitentia; percipiendam: imò & attritionem quæ procedit ex amore naturali Dei, sufficere, ibidem insinuat, quamquam non ita assertivè; *forſitan, inquit, est dispositio idonea.* Loco igitur in Objectione citato solvit argumentum Durandi, quo probat contritionem non esse partem Sacramenti; sed totam ejus essentiam in una absolutione repositam esse: argumentum autem illud inde petitur, quòd attritio sufficiat ad Sacramentum; unde concludebat Durandus, contritionem non esse partem Sacramenti. Respondet Canus 1. nomine contritionis comprehendì & ipsam attritionem, cui generica contritionis definitio competit. 2. idcirco Concilium Florentinum contritionis potius, quàm attritionis nomine usum esse in designanda parte Sacramenti, quia contritio est certa & indubitata materia, non verò attritio, de qua disputant inter se Theologi. *Non enim hic est*
 P. 455. *certitudo fidei,* ait Dominicus Soto in 4. dist. 17. q. 2. art. 5. *sed Doctorum opinio.* Cum igitur Canus dixit sententiam de sufficientia attritionis certam non esse, non ex propria & privata loquitur sententia, (ipse siquidem sententiam hanc ibidem ait esse veram, eamque sequitur & approbat parte 6.) sed loquitur ex placitis seu ex sententia aliorum Theologorum, qui disputant de sufficientia illius attritionis, circa quam Ecclesia nihil pronuntiavit.

- III. Suares loco citato quatrit, an saltem in articulo mortis necessaria sit contritio, remque proponit in utramque partem, pro varia Theologorum sententia; & quæ in Objectione referuntur, non sententiam ipsius Suaris expriment, sed aliorum: quam ubi retulit, ipse quæstionem solvit adhibita distinctione: his verbis: *Dico tamen, inquit, fidelem hunc constitutum in*
 * T. 4. P. *articulo mortis, qui bene novit solam attritionem de peccatis suis habuisse, &*
 208. col. *cum ea confessum & absolutum esse, ex vi iustitiæ ad Deum, seu poenitentia;*
 2. A. *non tamen ad perfectiorem poenitentiam agenda.... nihilominus teneri tam ex*
charitate Dei, quàm propria: quod deinde rationibus confirmat, ex quibus
perpicuum est, Laurojum objectionem seu aliorum sententiam, quam sibi
proponit Suares, pro ipsamet Suaris sententia incautè retulisse.

IV. Comitulus loquitur de illa attritione, qua quis non detestaretur peccatum, quia est offensa Dei, sed purè & simpliciter propter metum gehennæ; quam speciem attritionis certum est non sufficere: unde meritò ibidem ait citatus Auctor, *Sacerdotis partes precipuas esse debere, urgere poenitentem ardentis cohortatione, ut propter Deum peccata admissa exerceantur.* Non aliam esse Comitoli mentem fatebitur, quisquis duplicem casum quem proponit initio q. 32. inspiciat. Primus est: *Dominicus flagitia sua apud Sacerdotem confiteatur, eorum nullo suscepto dolore.* Secundus: *Lucritius negat sibi propter Deum*

Deum sua scelera displicere. Queritur an utrumque absolvere possit debetque Sacerdos.
 V. Becanus ait quidem eum consultius facturum, qui conatur in se excitare contritionem; at non ait irritum propterea fore Sacramentum, si cum sola attritione accedat quis ad Sacramentum Poenitentiae.

VI. denique Sanchez cum Suare consentit, & putat peccare quidem contra charitatem ministrum qui poenitenti in articulo mortis accedens ad Sacramentum Poenitentiae cum sola attritione, cum habere posset contritionem, sacramentalem absolutionem impenderet; nimirum propter grave damnationis aeternae periculum: at titulo iustitiae & ad veritatem Sacramenti necessariam esse contritionem, nec attritionem sufficere, non docuit Sanchez; imò potius in eo ipso loco qui objicitur, contrarium probat. Auctores igitur à Launojo citati non eam rejiciunt attritionem, quam hic propugnamus, sed illam tantum quae non dolet de peccatis quia sunt offensa Dei: quod motivum absolute necessarium est in omni vera & supernaturali attritione.

Objectiones contra secundam Conclusionis partem.

Objicies 1. contra secundam Conclusionis partem. Operari intuitu mercedis charitati adversatur. 1. Corinth. 13. v. 5. *Charitas non querit quae sua sunt.* Et Isaia 1. v. 23. *Omnes diligunt munera, sequuntur retributiones.* Ergo amor Dei quatenus nobis bonus, non est bonus nec licitus, sed meretricius.

Resp. dist. ant. intuitu mercedis temporalis quae sit à Deo distincta, concedo: intuitu mercedis aeternae, quae sit ipse Deus, subdistinguo: adversatur charitati agere intuitu mercedis aeternae, quae ad nos refertur tanquam ad finem qui, seu ultimum, concedo: quae ad nos refertur tantum tanquam ad finem cui, nego. S. Thomas 1. 2. q. 19. art. 6. rem totam exponit his verbis. *Amor sui tripliciter se potest habere ad charitatem: uno enim modo contrariatur charitati, secundum quod aliquis in amore proprii boni finem constituit: alio vero modo, in charitate includitur, secundum quod homo se propter Deum, & in Deo diligit: tertio modo, à charitate quidem distinguitur, sed charitati non contrariatur, puta cum aliquis diligit seipsum, secundum rationem proprii boni: ita tamen quod in hoc proprio bono non constituit finem. Sicut etiam & ad proximum potest esse aliqua alia specialis dilectio praeter dilectionem charitatis, quae fundatur in Deo, dum proximus diligitur ratione commoditatis, consanguinitatis vel alicuius alterius conditionis humanae, quae tamen referibilis sit ad charitatem.* Nihil certe iis Angelici Doctoris verbis expressius desiderari potest, ut jam supra diximus, quo probetur, juxta S. Doctorem dari quemdam amorem rectum & honestum, qui tamen non sit amor charitatis proprie dictae. Relege quae dicta sunt Qu. 4. Art. 1. Conclusionem 3. Isaia loco citato eos arguit, qui amore rerum temporalium à vero iustitiae tramite deflectunt.

Sunt qui respondent. Apostolum eò loci agere adversus illos qui suis dumtaxat privatis commodis student, & omnia iis metiuntur, cum è contra charitas publicam utilitatem ac Dei gloriam quærat in omnibus. Vide Estium in hunc locum.

Objicies 2. S. Bernardus Epistola ad Guigonem Priorem Cartusensem II. *Tournay de Sacram. Poenitentiae.*

n. 3. non approbat amorem quo Deus diligitur quia nobis bonus. *Qui magis* inquit, aut certe solum diligit suum, convincitur non caste diligere bonum. *T. 1. p. 27. D.* quod utique propter se diligit, non propter ipsum. Et hic talis non potest obedi-
dire Propheta, qui ait: *Confitemini Domino quoniam bonus. Confiteatur quidem,* quia fortasse bonus est sibi; non quia bonus est in se.

Resp. dist. ant. S. Bernardus non approbat amorem quo Deus diligitur quia nobis bonus, propter bona caduca & temporalia, que ab ipso petimus aut accipimus, ita ut istud unicum sit amoris nostri motivum, concedo: propter bona spiritalia & aque eterna, quæ non sunt ab ipso Deo distincta & diversa, iterum distinguo: damnat illum amorem qui refertur bona illa æterna seu beatitudinem ad nos tanquam ad finem ultimum, solum subjectivum, sed etiam objectivum, concedo: qui non refertur, imò potius nos ipsos ad Deum ordinat ac refert tanquam ad finem ultimum objecti-
vum, nego.

Porro S. Bernardum improbare dumtaxat amorem Dei propter bona temporalia, non verò propter beatitudinem æternam ab ipso non distinctam, patet ex Sermone 9. in Psalm. 90. num. 8. *Sunt, inquit, forte nonnulli, qui à Domino* obtinere temporalia seu spiritalia qualibet concupiscunt: sed perfecta charitas solum fuit quod summum est, tota desiderii vehementia elamant, Quid enim mihi est in Cælo, & à te quid volui super terram? Deus cordis mei, & pars mea: Deus in æternum. . . . Singularis est puritatis, singularis gratiæ, singularis perfectionis, non modo nihil sperare nisi à Deo, sed nil querere nisi eum.

Instabis. Eadem Epistola sic prosequitur S. Bernardus. *Est qui constituit* Domino, quoniam potens est, & est qui constituit, quoniam sibi bonus est; & item qui constituit, quoniam simpliciter bonus est. *Primus servus est, & timet* sibi: secundus mercenarius, & cupit sibi: tertius filius, & deservit patri. *Uaque* & qui timet, & qui cupit, uterque pro se agunt: sola que in filio est charitas non querit que sua sunt. *Quamobrem* puto de illa dictum: Lex Domini immaculata convertens animas; quid sola videlicet sit, quæ ab amore sui & mundi avertere possit animum, & in Deum dirigere. Nec timor quippe, nec amor privatus convertit animam: mutans interdum vultum vel actum, affectum nunquam. Ex quibus sic arguitur: Ille amor castus non est, sed pervertitur, qui sibi soli cupit, qui pro se agit, qui affectum nunquam mutat, qui animum non potest à sui & mundi amore avocare: atqui talis est amor quo Deus diligitur ut nobis bonus.

Resp. dist. min. quo Deus diligitur ut nobis bonus, in rebus temporalibus, concedo: in rebus spiritalibus, præsertim verò in ipsa æterna felicitate, iterum distinguo: si felicitas illa æterna propter nos, seu privatum nostrum commodum diligitur tanquam finem quem ad nosmetipsos referamus, sicuti ad finem *cuius gratia*, seu objectivum, concedo: sicuti ad finem *cui*, seu subjectivum, nego. Finis *cuius* gratia, seu objectivus, est bonum illud propter quod comparandum aliquid sit. Turpe foret ac flagitiosum, Deum ad se referret tanquam ad finem *cuius gratia*; hoc enim est Deum minoris facere, quam nos ipsos: sed pie & honestè Deum referimus ad nos tanquam ad finem *cui*, in eo quippe testamur summam ejus perfectionem: sic refertur causa ad effectum; fons ad

riusculum, perfectum ad perfectibile &c. Porro in amore spei Deum ad nos ipsos referimus tanquam ad finem *cui*, non verò tanquam ad finem *cuius* gratia: bonus est ergo, honestus ac laudabilis amor ille, nec de colloquitur S. Bernardus loco in objectione laudato. Id ita esse

Patet 1. quia eodem loco proficitur se de eo amore loqui, in quem dirigitur istud opprobrium à Propheta, *Constetur tibi, cum benefeceris ei.* Ps. 48. Atqui nemo dixerit opprobrium esse, diligere Deum ut beatitudinem nostram ac finem ultimum. v. 19.

Deinde, Propheta Regius, quem laudat ibi sanctus Bernardus, agit de iis qui Deum colunt propter renumerationem temporalem: *Confidunt*, inquit, *in virtute sua, & in multitudine divitiarum suarum gloriantur.*

Patet 2. quia S. Bernardus eum amorem vocat ibi mercenarium, quo qui ducitur, propria cupiditate trahitur, arctatur &c.

Instabis 2. Idem sanctus Doctor L. de diligendo Deo cap. 7. vult amorem illum, quo diligimus Deum ut bonum nostrum, esse mercenarium. *Non sine premio*, inquit, *diligitur Deus, etsi absque premii intuitu diligendus sit.* T. x. p. 191. D. Vacua namque vera charitas esse non potest, nec tamen mercenaria est; quippe non querit qua sua sunt. . . Verus amor premium non querit, sed meretur.

Resp. dist. ant. Diligendus est Deus absque premii intuitu, quod sit à Deo diversum & infra Deum, concedo: quod sit Deus ipse, nego. Loquitur eò loci S. Bernardus de premio quod diversum sit à Deo & infra Deum: *Verus*, inquit, *amor seipso contentus est. Habet premium, sed id quod amat.* ibid. D.

Obijcies 3. Vel ille amor Dei qui in spe fundatur, & dici solet concupiscentia, excludit affectum peccati, vel non: si prius, justificat hominem; nihil quippe amplius requiritur ad reconciliandum hominem Deo, quam ut deponat affectum peccati, & Deum diligat super omnia: si posterius, amor ille castus non est, sed inordinatus.

Resp. per illum amorem excludi dumtaxat actuale, non verò habituale peccati affectum, seu maculam ex peccato actuali animæ inherentem, ut antea de timore ipso diximus: unde mirum non est, quòd hujus amoris virtute homo non justificetur; istud enim ad solam charitatem pertinet, non ad spem: *Charitas operis multitudinem peccatorum. Remittuntur ei peccata multa, quia dilectio multum.* 1. Pet. 4. 8. Luc. 7. v. 27.

Instabis. Spes affectum peccati non tollit, siquidem compatitur cum peccato mortali in peccatoribus; ergo proprium est charitatis, affectum illum expellere; amor ergo Dei quo talis affectus tollitur, est amor charitatis.

Resp. dist. ant. Spes non semper tollit affectum peccati, concedo; non tollit quando adjunctum habet amorem illum cuius ipsa fundamentum est, nego.

Instabis iterum: Proprium non est spei amare, sed tantum sperare; sicut proprium non est charitatis sperare, sed amare: alias confunderentur motiva virtutum, & consequenter virtutes ipse.

Resp. dist. ant. Proprium non est spei amare, amore amicitia & benevolentia, concedo: amore concupiscentia, nego.

Obijcies 4. Amor concupiscentia malus est; Ecclesiastici 18. v. 30. *Post concupiscentias tuas non eas.* Atqui amor ille, de quo loquimur, est concupiscentia.

Resp. dist. ant. Amor concupiscentia carnalis, concedo: concupiscentia spiri-

spiritualis & laudabilis, de qua dicit David Psal. 83. v. 1. *Quam dilecta tabernacula tua, Domine virtutum: concupiscit & deficit anima mea in atria Domini*, nego.

Inflabis: Amor concupiscentiae est amor proprius, vel saltem oritur ex amore proprii commodi: atqui amor proprius vitiosus est.

Resp. dist. ant. Est amor proprius, ad finem supernaturalem recte ordinatus, concedo: est amor proprius naturalis inordinatus, nego.

Obijcies denique: Hujus rei amor castus & purus non est, quia viri sancti & perfecti privari exoptant: atqui aeterna beatitudine viri sancti & perfecti privari exoptant, ac anathema fieri pro suis fratribus. Ita Moyses Exodi 32. v. 32. in gratiam populi dicebat Deum alloquens: *Aut dimitte eis hanc noxam; aut si non facis, dele me de Libro tuo*. Et Apostolus Rom. 9. v. 3. *Optabam*, inquit, *ego ipse anathema esse à Christo pro fratribus*.

Quidquid sit de majori propositione, ad minorem

Resp. 1. Moysen & S. Paulum exponi debere non de salute aeterna, sed morte temporali quam pro fratribus suis subire parati erant. Ita exponunt sanctus Gregorius Nazianzenus Oratione 36. p. 380. & Oratione 44. p. 711. S. Hieronymus ad Algasiam Tom. 4. part. 1. Epistola 8. alias 151. qu. 9. Neque enim unquam crediderunt, (quod sine errore credi non potest) Moyses & S. Paulus, se innocuos, propter salutem aliorum, de Libro vitae aeternae deleri posse, & ita anathema seu maledictum evadere posse.

Resp. 2. Moysen & S. Paulum id exoptasse ex abundantia & pio charitatis excessu, ac sub conditione, quam impossibilem judicabant; certi nempe ac securi fieri non posse, ut propter alios, ipsi immerentes aeterna privarentur felicitate. Ita S. Chrysostomus Hom. 16. in Epistolam ad Romanos, & S. Aug. Quæstionibus in Exodum cap. 147. *Securus hoc dixit*, T. 3. p. 1. (Moyses) ait, *ut à consequentibus ratiocinatio concludatur; id est, ut quia Deus Moysen non deleat de Libro suo, populo peccatum illud remitteres*. Idem repetit S. Doctor Serm. 88. de verbis Evangelii num. 24. postrema editionis.

Edir.
Com-
mul. p.
183.
T. 3. p. 1.
p. 464.
G.
T. 5. p.
401. C.

Q U Æ S T I O S E X T A.

De confessione, quæ secunda pars est Sacramenti Poenitentiae.

QUatuor Articulis complectemur quæ de confessione nobis dicenda sunt & probanda.

- I. de nomine & definitione confessionis.
- II. de institutione, seu divino præcepto confessionis.
- III. de præcepto Ecclesiastico confessionis.
- IV. de conditionibus confessionis.

De ministro autem dicemus inferius ad Quæstionem decimam.

A R T I C U L U S P R I M U S.

De nomine & definitione confessionis.

SANCTUS Thomas 2. 2. q. 3. art. 1. ad 1. observat triplicem in Scripturis distinguendam confessionem, nempe laudis, fidei, & peccatorum.

Confes-

Confessio laudis, ait Estius in 4. dist. 17. paragr. 4. *ea est qua Deum ut summè bonum, summèque laudabilem, & eius beneficia atque iudicia cum gratiarum actione cognoscimus & predicamus.* Hoc sensu Psal. 34. v. 18. dicitur: *Confitebor tibi in Ecclesia magna, in populo gravi laudabo te.* Et Matth. 11. v. 25. Christus ait: *Confiteor tibi Pater, Domine cœli & terræ, quia abscondisti hæc à sapientibus & prudentibus, & revelasti ea parvulis.*

Tom. 2.
part. 2.
p. 221.
col. 1. A

Confessio fidei ea est, qua fidem nostram exterius declaramus & profiteamur: quò sensu dixit Apostolus Rom. 10. v. 10. *Corde creditur ad iustitiam, ore autem confessio fit ad salutem.*

Confessio denique peccatorum, de qua hic agimus, est declaratio peccatorum facta, vel Deo soli, vel Deo ejusque ministro, de qua frequens occurrit in sacro textu mentio. 1. Joan. 1. v. 9. *Si confiteamur peccata nostra, fidelis est & iustus, ut remittat nobis peccata nostra.* Et Psal. 31. v. 6. *Dixi, Confitebor adversum me in iniquitatem meam Domino, & tu remisisti impietatem peccati mei.* *Confessio hæc peccatorum Deo facta, semper necessaria fuit ad veniam eorum impetrandam.*

Confessio peccatorum quæ fit homini, multiplex potest distingui: alia quippè est civilis, qua reus coram Judicibus suum crimen fatetur; alia est satisfactoria, quæ fit ad placandum proximum & eum nobis reconciliandum; alia consolatoria, & quæ fit per modum consilii, per quam scilicet peccata nostra effundimus in sinum viri docti & prudentis, ab eo percepturi consolationem, consilium, ac remedium, de qua Sapiens Proverb. 28. v. 13. *Qui abscondit scelera sua, non dirigitur.* Alia legalis quam Lex ipsa Moysi faciendam præscribebat ab iis qui rei erant, & mundari exoptabant. Levitici 5. & Numerorum 5. Ad hanc peccatorum confessionem obstrictos fuisse Judæos, testantur rerum Judaicarum periti. Lege Morinum L. 9. de Poenitentia cap. 33. 34. 35. & 36. Quin & Pagani ipsi, vel ipso suggerente demone mysteriorum Dei amulo, aliquam exigebant peccati confessionem ab eo qui sacris initiari volebat. Narrat eam in rem Plutarchus in Apophtegmatis, Antalcidam, cùm erat initiandus, à Sacerdote fuisse interrogatum, cujus maximi peccati esset sibi conscius. Plura vide apud Illustrissimum Huetium, quæstionum Ainetanarum L. 2. cap. 20. Alia denique est confessio peccatorum sacramentalis, quæ una ad præsens nostrum institutum pertinet.

Apo.
phteg-
ma ci-
tè di-
ctum.

Definitur verò, *sacramentalis accusatio peccatorum suorum, quæ post Baptismum commissæ sunt, facta Sacerdoti à poenitente, ad eorum veniam virtute clavium Ecclesiæ obtinendam.*

Dicitur 1. *accusatio*, non simplex declaratio, non historica narratio, multò minùs excusatio, vel ostentatio. Dicitur *accusatio*, ait Catechismus Romanus de Poenitentia parte 2. n. 51. *quòd peccata ita commemoranda non sunt, quasi scelera nostra ostentemus, ut ii faciant, qui lætantur cùm malè fecerint; aut sic enarranda, ut si rem aliquam gestam otiosis auditoribus delectandi causa exponamus. Verum accusatorio animo ita sunt enumeranda, ut etiam in nobis vindicare cupiamus.*

Defini-
tio cõ-
fessio-
nis.

Dicitur 2. *sacramentalis accusatio*, quia ordinem dicit ad Sacramentum Poenitentiae, cujus pars est essentialis.

Dicitur 3. *peccatorum suorum*, non verò aliorum: quibus verbis designatur propria materia confessionis.

Dici-

Dicitur 4. quæ post Baptismum commissa sunt: præcedentia quippè peccata per Baptismum perfectè condonantur sine ministerio clavium.

Dicitur 5. *facta Sacerdoti*, quia solus Sacerdos est minister Sacramenti Poenitentie. *Quorum remiseritis peccata, remittuntur eis.*

Dicitur denique, *ad obtinendam peccatorum veniam virtute clavium Ecclesie*: quæ verba finem confessionis ejusque efficaciam significant, & ac per hoc, *distinguitur*, inquit Catechismus mox citatus n. 52. a confessione quæ fit in iudicio civili ac forensi, ubi poena & supplicium, non culpa venia constituitur est contentibus.

Apud Græcos idem significat ἡγοράζω, quod apud nos confessio. Est enim ἡγοράζω, juxta vim nominis, declaratio, & manifestatio à verbo ἡγοράζω, confiteor, palam prædico. Hoc sensu usurpatur Matth. 3. v. 6. Act. 19. v. 18. Jacobi 5. v. 16. Joan. 1. v. 9. Eodem sensu passim usurpatur à Scriptoribus Græcis, imò & à Latinis, ad quos vox ista *exomologesis* obtinuit, teste Tertulliano L. de Poenit. cap. 9. S. Cypriano tractatu de lapsis & passim in Epistolis, & aliis bene multis.

Illustrissimus & doctissimus Albaspinxus L. 2. Observationum, Observatione 27. Morinus L. 2. de Poenit. c. 2. n. 4. Petavius Animadversionibus in S. Epiphanium, ad hæresim 59. quæ est Novatianorum, pag. 249. observant apud veteres Scriptores frequenter per *exomologesis* significari totam laboriosæ & publicæ poenitentiae actionem, præsertim verò tertium ipsius gradum, qui dicebatur *substratio*, quique totus in fletu, mœrore, jejuniis aliisque carnis macerationibus transigebatur. Hoc sensu Tertullianus loco mox citato ait: *Exomologesis prosterndendi & humiliandi disciplina est, conversationem injungens misericordie illicem, de ipso quoque habitu & viellumandat &c.* Et L. de Oratione c. 7. *Exomologesis est petitio venia*, inquit, *quia qui veniam petit, delictum confitetur.*

Ea nostrorum observatione abutuntur Novatores, Dallæus imprimis, ut elevent vim argumenti quod Catholici pro necessitate confessionis colligunt ex illa *exomologesi* toties apud Veteres commendata; nihilque aliud eo nomine significari contendunt, quàm vel totam publicæ poenitentiae actionem, vel publicam confessionem, quæ illius pars erat non minima: Verùm patebit ex decursu hujus disputationis, eos multum aberrare, atque non pro sola duntaxat aut poenitentia, aut confessione publica, verùm & pro privata & auriculari, ut vocant, secretorum peccatorum declaratione à Veteribus usurpari *exomologesis* nomen. Unde scitè Petavius loco citato, *Negue inficior*, inquit, *quin exomologesis interdum veram & Sacramenti propriam, atque privatam peccatorum expositionem significet: sed caute & prudenter*, pergit ille, *in hujus vocis interpretatione versandum est, ut ex ipso narrationis contextu, quo sensu à Patribus usurpata sit judicare possimus.* Et verò probabile non videtur, non eo sensu à veteribus Scriptoribus usurpatam fuisse vocem *exomologesis*, quo sciebant usurpari à Scriptoribus Ecclesiasticis: at apud illos *exomologesis* significat confessionem peccatorum, non solam poenitentiae actionem. Quin non alia de causa vox ista translata videtur ad significandam totam actionem poenitentiae, quàm quod propriè significet peccatorum declarationem: Poenitentia enim est veluti quædam continua peccati confessio. *Qui veniam petit*, ait Tertullianus citatus, *delictum confitetur.*

Atque

pagina

117. A.

pagina

132. B.

p. 250.

Atque ut plura hic omittamus Veterum testimonia, certum est *exomologesi* apud S. Cyprianum Epistola 13. usurpari pro confessione, non pro sola penitentiae actione; siquidem agens de lapsis qui libellos à Martyribus obtinuerant, ut ab agenda canonica penitentia liberi & immunes fierent, statuit, ut si premi in infirmitate cepissent, *exomologesi* facta reconciliarentur quo loco *exomologesi* haud dubie non significat canonicam penitentiam, à qua prae infirmitate lapsi illi dispensabantur; ergo significat peccatorum confessionem. Si premi, inquit, infirmitate aliqua & periculo ceperint, *exomologesi* facta, & manu eis à vobis in penitentiam imposita, cum pax à Martyribus sibi promissa ad Dominum remittantur. Pag. 16.

Ætate S. Isidori qui obiit an. 636. & sequentibus, *exomologesi* nomen translatum fuit ad significandas Litanias: Litaniam verò est supplex deprecatio cum summæ demissionis testificatione conjuncta. Inter Litanias, inquit S. Doctor L. 6. Originum c. 19. & *exomologesi* hoc differt, quod *exomologesi* pro sola peccatorum confessione agantur; Litanie verò indicantur propter rogandum Deum & impetrandum in aliquo misericordiam eius. Sed nunc iam utrumque vocabulum sub una designatione habetur; nec distat vulgò utrum Litanie, an *exomologesi* dicantur. Idem erat hujus vocis usus tempore Concilii Moguntiniani. 813. ut constat ex Can. 32. qui totus ex verbis S. Isidori expressus est. Tem. 7.
Canc. p.
1149. D

ARTICULUS II

De divino confessionis precepto.

Circa divinam confessionis institutionem errant Novatores, nostrique Scholastici varias in partes scinduntur, non quidem circa necessitatem confessionis jure divino, quam agnoscunt; sed circa vim probationis quæ ex Scripturis colligi potest.

Novatorum error.

Præter Hæreticos qui Sacramento Penitentiae bellum indixere, de quibus diximus Qu. 1. Art. 2. divinam Confessionis institutionem ac necessitatem propius oppugnantur

I. Illi de quibus Concilium Cabillonense II. an. 813. Can. 33. & Magister L. 4. dist. 17. *Quidam dicunt Deo solummodo confiteri debere peccata.* Tem. 7.
Canc. p.
1179. A

II. Flagellantes negabant confessionem sibi esse necessariam, quam sanguine per flagella excusso abundè suppleri arbitrabantur. Ita refert Gerfonius, Tomo 1. parte 1. pag. 636.

III. Inter articulos viclei proscriptos à Concilio Constantiensi an. 1415. Sess. 8. hic numero septimus legitur, *Si homo debet fueris contritus, vni-
us confessio exterior est superflua & inutilis.* Ta. 12.
Canc. p.
46. A.

IV. Petrus de Olina Doctor Salmaticensis docuit confessionem peccatorum in specie, ex Ecclesiæ universalis statuto, non divino jure, competentem esse & peccata mortalia quoad culpam & penam alterius sæculi, absque confessionis sola cordis contritione; pravæ verò cogitationes, sola displicentia deleri. Dam-natus ille fuit à Sixto IV. Summo Pontifice an. 1478.

V. Lu.

V. Lutherus utilem esse ac meritò retinendam confessionem peccatorum scripsit. *Occulta confessio quo modo celebratur*, inquit ille Lib. de Captivitate Babylonica cap. de Penitentia, *miro modo mihi placet, & utilis, imò necessaria est; nec vellem eam non esse, cum sit afflictis conscientiae remedium*. Et in parvo Catechismo expressè dicitur, *Ministris confitenda esse peccata*; atque eo ferè ipso ritu dandà præscribitur absolutio, quo apud nos. Inde Illustrissimus Bossuetus Meldensium Episcopus L. 3. Variationum cap. 47. & 48. infert Lutherum ea in parte à nobis non dissensisse. Atquamquam usum confessionis retinendum duxerit Lutherus cum suis, tanquam utilem, non tamen necessariam illam esse jure ac præcepto divino, sed planè liberam unicujusque arbitrio permittendam existimavit; & hanc ipsam confessionis legem, quam agnoscit Romana Ecclesia, appellat in Assertionibus articuli noni inter eos quos damnavit Leo X. *cruentissimam carnificinam*. Melancthon ait esse *conscientiarum laqueum*. Confessio Augustana anni 1530. *planè impossibilem vocat*. Ita Lutherani in jam dicta Confessione Augustana, in Saxonica anni 1551. & in Wittembergenſi anni 1552. Idem planè constat ex articulis Lutheri Patribus Tridentinis oblatis ut expendereutur & damnerentur, quos refert Pallavicinus L. 12. Hist. Concilii Trid. c. 10. quorum hic unus est. *Confessio secreta sacramentalis juris divini non est; nec apud antiquos Patres ante Concilium Lateranense ejus facta est mentio, sed publica poenitentia*. Item, *Enumeratio peccatorum in confessione non est necessaria ad illorum remissionem, sed libera, & tantum utilis ad erudiendum poenitentem, & consolandum*. Item, *Confessio peccatorum quam Ecclesia faciendam præcipit, est impossibilis, & traditio humana à piis abolenda &c.*

Calvinus L. 3. Institutionis c. 4. paragr. 13. utilitatem confessionis plurimum etiam commendat: *Qui enim, ait, impediam habent conscientiam, resistere inde possunt singularem fructum*. Ibid. paragr. 7. non dissimulat antiquum esse auricularis confessionis usum: verum, nec necessariam esse, sed liberam; nec à Christo institutam, sed ab Innocentio III. in Concilio Lateranensi contendit; imò eam ibidem tyrannidem, & paragr. 9. vocat *rem pessilentem, multisque nominibus Ecclesiae noxiam*. Et in Antidoto Concilii Tridentini ait, *nullum fuisse per annos mille in Ecclesia confessionis usum, donec Innocentius III. laqueum hunc populo Christiano induxit, quem Tridentini Patres adstringunt: inde tormentum Innocentianum à Calvinistis solet vulgò appellari*.

Inter recentiores Calvinistas Dallæus amplam edidit Dissertationem quatuor Libris comprehensam adversus sacramentalem confessionem, in qua multa arte conatur tum infirmare ac elevare omnia Catholicorum argumenta, tum oppositum errorem defendere.

Itaque questio non est cum Novatoribus, utrum confessio peccatorum sit Deo faciendà; fatentur. Neque utrum sit utilis & consulenda ea quæ sit homini; hanc etenim & laudant & commendant: sed questio est, utrum sit libera, an verò necessaria jure ac præcepto divino.

Obſervat Arcudius L. 4. de Poenit. c. 2. Pontifices & Sacerdotes Græcos ferè nunquam sua confiteri peccata, non quidem ex errore, quasi existiment confessionem non esse juris divini; eo enim in capite utramque Ecclesiam semper confensisse ostendit Leo Allatius L. 3. c. 16. & 17. verum ex metu poenarum quæ à Canonibus certis peccatis imponuntur.

Varia

Varia Scholasticorum opiniones circa vim probationis quæ infertur ex Scripturis pro necessitate confessionis.

Discrepantes illas aliquorum ex nostris opiniones invidiosè nobis opponunt Novatores, ut efficiant nequidem constare inter nos de necessitate confessionis jure divino.

Verùm I. dogmatis Catholici firmitas & certitudo non pendet, neque debet æstimari ex obscura aliquorum privatorum opinione, sed ex communi Fidelium sententia & praxi, ex Conciliorum Decretis ac Canonibus, ac publicis fidei professionibus. Etsi igitur daremus aliquos ex nostris Scholasticis in dubium aliquando revocasse divinam esse confessionis institutionem, nullum inde causæ nostræ Catholicæ detrimentum accederet.

II. Scholastici Doctores non circa dogmatis substantiam variant, sed circa vim probationis quæ infertur ex Scripturis.

Primò, qui cum Thoma Valdensi Tom. 2. cap. 40. confessionis originem & institutionem repetunt vel ab ipso mundi exordio, cum scilicet Deus ab Adamo & Eva delicti confessionem postulavit, quam etiam Judæis Levitici 5. & Numerorum 5. faciendam mandavit, quique idcirco affirmant, Christum novum non dedisse confessionis faciendæ præceptum, sed tantum nonnulla quæ decernant; supplevisse, si confessionis necessitatem ex jure divino confirmant maxime, nedum impetunt; atque hoc unum duntaxat volunt, nempe confessionem, cujus tam antiquus usus est, per Christum ad dignitatem Sacramenti evectam fuisse, quia caruit antea, sive in Lege naturæ, sive in Lege Mosaica.

Secundò, nec eidem divinæ confessionis institutioni adversantur, qui docent Christum instituendo Sacramentum Poenitentiae, expressum & conceptis verbis non dedisse præceptum confessionis; sed Apostolis suis provinciam hanc & curam demandasse, ut præceptum & modum confitendi peccata definirent. Si verò quæras ab illis, quare Christus clarè & expressè tale præceptum non dederit, respondebunt cum Hugone Victorino Lib. 2. de Sacramentis parte 14. cap. 1. quia necesse non erat. Cum enim Christus Sacerdotes clarè instituisset morborum animi judices & medicos, qui acri sunt præcepto non indigent ut medicos adeant, ad quos adeundos satis ex se moveret & incitat recuperandæ sanitatis desiderium. Quia verò intellexerunt Apostoli, homines salutis animæ parum sollicitos negligere remedium à Christo institutum, idcirco, juxta eorum Theologorum sententiam, expressum confessionis mandatum promulgarunt. Ita videntur exponendi S. Bona Ventura, Hugo Victorinus, Alexander Alensis, & alii nonnulli. Ita quoque Patres Concilii Cabillonensis II. Can. 33. cum ajunt, *Sacerdotibus esse confitenda peccata, quia secundum institutionem Apostoli confiteri debemus alterutrum peccata nostra, & orare pro invicem ut salvemur.* Institutionem appellant Apostoli, declarationem seu promulgationem quam Apostolus fecit institutionis à Christo factæ. Cum verò addunt ibidem, *confessionem, quæ Deo fit, purgare peccata; eam verò quæ fit Sacerdoti, docere qualiter ipsa purgentur peccata,* sensus eorum non est, quòd confessio quæ fit Sacerdoti verè non purget peccata, sed quòd Sacerdos non propria & privata auctoritate ea dimittat, sed virtute ipsius Christi, qui aliquando per se solus ea dimittit, aliquando

Tom. 7.
Canc. p.
1279.

verò

verò ministerio Sacerdotum: *Deus namque*, inquit, *salutis & sanitatis auctor & largitor, plerumque hanc praebeat suae potentiae invisibili administratione, plerumque medicorum operatione.*

Tertio, inter hostes confessionis jure divino necessariae recenferi merito non possunt, qui licet necessitatem illam fateantur, litigant tamen circa Scripturae loca ex quibus probari illa efficaciter potest.

Sunt enim qui cum Alexandro Alesii, necessitatem illam inferunt ex istis Christi verbis apud S. Matth. cap. 4. *Poenitentiam agite*; non verò ex istis apud S. Joan. cap. 20. *Quorum remisistis peccata &c.*

Sunt qui cum Scoto eam probant tum ex istis verbis, *Diliges Dominum Deum tuum: quo praecepto*, inquit, *tenetur ad Deum converti qui mortaliter peccavit*; tum ex istis, *Quorum remisistis peccata &c.* quibus confertur Sacerdotibus auctoritas absolvendi à peccatis; tenetur autem quisque assumere faciliorem viam redeundi ad Deum, & obtinendi veniam peccatorum.

Sunt qui eam inferunt ex istis verbis Joan. 5. *Pater non iudicas quemquam, sed omne iudicium dedit Filio.*

Sunt qui cum Bellarmino & aliis bene multis adducunt tum figuras varias confessionis, quae praecesserunt in veteri Lege; tum haec novi Testamenti loca, Act. 19. v. 18. *Multi credentium veniebant confitentes & annuntiantes actus suos.* 2. Corinth. 5. v. 18. *Dedit nobis ministerium reconciliationis.* Jacobi 5. v. 16. *Confitemini alterutrum peccata vestra.* 1. Joan. 1. v. 9. *Si confiteamur peccata nostra, fidelis est & iustus ut remittat nobis peccata nostra.*

Quamquam verò multò major Theologorum pars confessionis necessitatem probet ex istis verbis Christi apud S. Joan. c. 20. v. 21. *Sicut misit me Pater, & ego mitto vos,.... Accipite Spiritum sanctum, quorum remisistis peccata, remittuntur eis; & quorum retinueritis, retenta sunt*; non omnes tamen consentiunt inter se, an ex illis solis verbis certò & efficaciter confessionis necessitas eruatur; an recurrendum sit ad intentionem Christi quam viva voce suis Apostolis declaravit, & habemus in Traditione Ecclesiae expressam. Aliqui enim existimant, ex citatis verbis tam inferri posse Baptismi, quam Poenitentiae necessitatem. Ita Jansenius Gandavensis cap. 147. Concord. & S. Cyrillus Alexandr. Comment. in Joan. Scotus pariter docet, citatis verbis expressè quidem ac distinctè Sacerdotibus conferri potestatem dimittendi peccata, eorum nempe qui libere se illis subijciunt; verum contendit, non ita facillè, sine Traditionis subsidio, probari posse, omnibus Fidelibus legem & necessitatem vi illorum verborum imponi, ut se subijciant Sacerdotibus, quasi non possit alia via obtineri remissio peccatorum. Disputant similiter nonnulli, utrum necessitas confessionis ex utroque adducta propositionis membro aequè colligatur; hoc est, tam ex potestate remittendi, quam retinendi peccata: sunt enim qui ex priori potissimum, non ex posteriori illam deduci existimant.

Quarto, qui docent poenitentem certis in casibus non adstringi lege confitendi peccata, v.g. cum unus dumtaxat Sacerdotis habet copiam, atque moraliter certus est ab eo revelandum esse peccatum, aut aliquod aliud grave, siue in vita, siue in bonis detrimentum & incommodum inde sequuturum, qui, inquam, ita docent, ii absolute ac simpliciter non impugnant necessitatem confessionis, sed tantum in certis casibus legem ipsius non obligare arbitrantur.

Quin.

Quinto denique, qui cum Estio infra referendo in 4. dist. 17. cap. 8. docent modum confitendi peccata secretò, seu in aurem Sacerdotis non esse à Christo præscriptum, nec ad substantiam sacramentalis confessionis pertinere, sed ad disciplinam tantum, ii absolute non negant confessionem peccatorum jure divino esse necessariam; sed tantum modum confitendi secretò, quamquam antiquum & retinendum, non esse institutionis ac præcepti divini. Siquidem, inquit, Christus non prohibuit, quin aliquis delicta sua publice confiteri possit, si voluerit, quæ publica confessio æquè valida est, ac secreta quæ fit in aurem Sacerdotis: ex quibus omnibus perspicuum est, hac inter nostros sententiarum varietate ac discordia minime lædi Catholicum de necessitate confessionis dogma.

Cùm verò Dallaus tota sua Dissertatione pugnaciter contendat, neque ex Scripturis, neque ex Traditione ullum efficax argumentum erui posse pro demonstranda necessitate Confessionis jure divino, utrumque istud argumentum sigillatim tractandum nobis est, ac Catholicæ veritati asserendum.

Utrum necessitas confessionis sacramentalis efficaciter probari possit ex Scriptura.

CONCLUSIO.

Necessitas sacramentalis confessionis efficaciter probatur ex cap.
20. S. Joannis.

In hoc uno Scripturæ testimonio vim faciemus, tum quia decretorium nobis videtur; tum quia cætera, quæ passim laudantur à Bellarmino & aliis, etsi vim suam habeant, non ita tamen efficacem ac supra omnem exceptionem.

Itaque Christus Joan. 20. v. 23. Apostolis suis potestatem remittendi & retinendi peccata his verbis concessit. *Accipite Spiritum sanctum: quorum remiseritis peccata, remittuntur eis; & quorum retinueritis, retenta sunt.* Potestatem hanc jam promiserat & delineaverat Christus apud S. Matth. cap. 18. v. 18. *Amen dico vobis, quæcunque alligaveritis super terram, erunt ligata & in Cælo; & quæcunque solveritis, erunt soluta & in Cælo.* In illa verò Apostolicorumque successoribus data potestate remittendi peccata, continetur lex & obligatio confessionis peccatorum faciendæ ab illis omnibus, qui veniam peccatorum obtinere desiderant. Quomodo enim Sacerdotes possunt remittere peccata, tanquam judices & medici morborum animarum nostrarum, nisi peccata illa & morbos cognoscant, ut aptum ipsis applicent remedium; (neque enim ea potestate cæco quodam ac indiscreto modoturi debent Ecclesiæ ministri.) Quomodo verò peccata illa cognoscant, occulta potissimum & secreta, nisi qui rei sunt, ea confiteantur? Auctoritas igitur quæ est in Sacerdotibus dimittendi peccata, secum importat in omnibus Fidelibus obligationem confitendi peccata, ut eorum venia ab iisdem Sacerdotibus obtineant: sicut ergo auctoritas illa Sacerdotum juris est divini; ita & lex confessionis. Nostrium non est istud argumentum, sed Concilii Tridentini Sess. 14. c. 5. *Ex institutione, inquit, sacramenti Poenitentia universa Ecclesia semper intellexit, institutam etiam esse à Domino*

Tr. 14.
Conc. p.
818. Aa
intc.

integram peccatorum confessionem. & omnibus post Baptismum lapsis iure divi-
na necessariam existere, quia Dominus Iesus Christus è terris ascensurus ad Ce-
los, Sacerdotes sui ipsius Vicarios reliquit, tanquam praefides & iudices, ad
quos omnia mortalia crimina deferantur, in qua Christi Fideles ceciderint, &
quo, pro potestate clavium, remissionis aut retentionis peccatorum sententiam
pronuntient. Constat enim Sacerdotes iudicium hoc, incognita causa exercere
non potuisse, neque aequitatem quidem illos in poenis iniungendis servare po-
tuisse, si in genere dumtaxat, & non potius in specie, ac singulatim, sua ipsi
peccata declarassent. Hæc Synodus in capite 5.

Idud Concilii argumentum firmissimum ac efficax fore non diffidetur Calvi-
nus, si verum sit Sacerdotes à Christo iudices fuisse institutos in tribunali Poen-
itentiae: at id prorsus negat. Quod contendunt, inquit L. 3. Institutionis c.
4. paragr. 18: non posse fieri iudicium nisi causa cognita, in promptu est so-
lutio, temerè hoc sibi arrogare qui sunt à seipsis iudices creati. Ac mirum est
tam securè sibi fabricare principia, quæ nemo sane mentis admittet &c.

Verùm non satis attendit Calvinus, eo ipso Sacerdotes à Christo Domi-
no iudices instituti, quo ipsis remittendi vel retinendi peccata, solvendi vel
ligandi auctoritatem concessit: quæ enim ratione discernere possent quæ sunt
remittenda, quæve retinenda peccata, nisi iudicium personam sustinerent, ac
verum exercerent iudicium? Nonne Sacerdotes Levitici iudices erant in di-
stinguenda lepra à non lepra? An ipsis inferiores sunt Sacerdotes Evan-
gelici? Nonne verum iudicis officium exercuit sanctus Paulus, cum incestuo-
sum Corinthium satanæ primum tradidit, tum absolvit, ne fortè abundan-
tiori tristitia absorberetur. Ego quidem, inquit 1. Corinth. 5. v. 3. absens
corpore, praesens autem spiritu, tam iudicavi ut praesens, enim qui sic operatus
est &c. An cæco modo & incognita causa promiscuè laxanda est omnibus
peccatorum venia? non certè. Igitur Sacerdotes in administrando Sacra-
mento Poenitentiae veri sunt iudices, qui cognoscere prius debent per con-
fessionem poenitentium, quæ sint eorum peccata, ut secundum leges à Chri-
sto praescriptas, ea vel remittant, vel retineant. Sanæ mentis non est, ait
Calvinus, ista principia admittere: imò sanæ mentis est ea admittere,
quæ tota retrò antiquitas agnovit, & universa semper agnovit Ecclesia.

Probatum præterea Conclusio: Quia, juxta effatum S. Augustini L. 4. con-
tra Donat. c. 24. si quisquam in hac re auctoritatem divinam querat, quod uni-
versa tenet Ecclesia, nec Concilii institutum, sed semper retentum est, non-
nisi auctoritate Apostolica traditum rectissime creditur. Atqui talis est obli-
gatio consistendi peccata; neque enim assignari potest quo in Concilio pri-
mum fuerit instituta. Quod enim de Concilio Lateranensi IV. an. 1215. gar-
riunt Novatores, fabula est. 1. quia Concilium istud institutum confessio-
nis faciendæ legem supponit, cuius dumtaxat tempus ac modum assignat:
neque magis dici potest instituisse confessionem, eo quod præscribat utrius-
que textus Fidelibus, ut quotannis proprio suo Sacerdoti peccata sua con-
fiteantur, quam instituisse Eucharistiam, eo quod semel in anno à singulis
Fidelibus eam esse percipiendam statuat. 2. quia nova non est lex quam
imponit confessionis faciendæ, sed eam proprio Sacerdoti, ob singulates cau-
sas, quotannis faciendam esse decernit. 3. quia ab omni verisimili planè
alienum est, utramque Ecclesiam, Græcam & Latinam, conspirasse in isto
ovo

novo confessionis faciendæ jugo, quod sanè permolestum ac grave est, recipiendo, nemine reclamante ac contradicente. Non ita profectò facilè inducuntur novi ritus, præsertim ubi molesti sunt, duri & graves: porro adversus Decretum Lateranense, quod novum & insolitum supponunt Novatores, nullæ reclamationes Ecclesiæ, nulli Episcopi, nulli Fideles. De sensu quidem & interpretatione *propriis Sacerdotis*, multum disputatum fuit, & etiamnum disputatur; at de ipsa necessitate confitendi peccata, nullus dubium movet Orthodoxus. 4. denique, quia patebit ex testimoniis SS. Patrum paulò post referendis, longè Concilio Lateranensi antiquiorem esse confessionis usum, & ipsi Ecclesiæ à Christo fundatæ cœvum.

Solvuntur Objectiones Dallæi adversus probationem ex Scriptura, pro demonstranda necessitate confessionis jure divino.

Dallæus duos suæ Dissertationis Libros integros infumit, tum ut solvatarum quæ ex Scripturis adducunt Catholici, pro demonstranda necessitate confessionis jure & præcepto divino; tum ut ex iisdem Scripturis nonnulla objiciat. Ea verò breviter hic referemus & solvemus, quia vix ullam habent difficultatem alicujus ponderis: nam si verborum luxuriantem copiam, si pompam & apparatus detraxeris ab objectionibus Dallæi, pauca sanè superesse intelliges quæ vim habeant.

Objicies itaque 1. In citato testimonio Joan. 20. nulla sit expressa mentio confessionis: hanc autem non omisisset Christus, si necessariam existimasset, sicut non omisit Baptismum, Eucharistiam &c. Deinde nostri Doctores disputant inter se de vi & robore argumenti quod ex citatis Christi verbis colligimus.

*Dallæus
L. 1. c. 3.*

Resp. confessionis necessitatem ita necessario nexu colligatam esse cum potestate Apostolis data remittendi peccata, ut vel ista neganda sit, vel illa agnoscenda; unde necesse non fuit magis expressam ipsius fieri mentionem: Catholici verò, etsi disputent de vi & robore argumenti quod infertur ex citatis verbis Scripturæ, non disputant tamen de ipsa necessitate confessionis jure divino.

Objicies 2. Totum nostrum argumentum falso subtruitur fundamento, scilicet Sacerdotes veros sedere judices in tribunali Poenitentiarum. *ib. c. 7.*

Namque I. Sunt tantum ministri & dispensatores mysteriorum Dei 2. Corinth. 5. v. 20.

II. Solus Deus peccata dimittit, Isaia 43. v. 25. Marci 2. v. 17. ministri verò, judices & prætores propriè non dimittunt peccata, sed legem à Principe latam vel applicant, vel exponunt.

III. Non magis ex citatis verbis Christi Joan. 20. probari potest Sacerdotes esse judices, quàm & reges & monarchas, qui sua auctoritate peccata dimittere possint, vel retinere.

IV. Non magis Sacerdotes dici possunt veri judices, propterea quòd acceperint à Christo potestatem remittendi vel retinendi peccata, quàm dici possint servatores hominum, eo quòd dicantur aliquando in Scripturis, homines servare. 1. ad Timoth. 4. v. 16. Rom. 11. v. 14.

Resp. nihil eo Dallæi argumento levius ac infirmius esse, quod in mera *Tournely de Sacram. Poenitentia.* I nomi-

nominis æquivocatione versatur. Judicis quippè nomine placet illi semper cum intelligere, qui suprema & independenti auctoritate ad arbitrium peccata dimittit, vel retinet nullis regulis ac legibus astrictus: sed ultro concedimus ac fateamur, Sacerdotes hoc sensu judices nō esse habent enim sibi à Christo præscriptas leges in discernendis peccatis quæ vel dimittere debent vel non dimittere, quasi non observaverint, & peccant, & nihil efficiunt. *Causa ergo pensanda sunt*, ait egregie S. Gregorius Magnus Hom. 26. in Evangelia, *& tunc ligandi atque solvendi potestas exercenda. Videndum est quæ culpa processit, & quæ poenitentia secuta est post culpam: ut quos omnipotens Deus per compunctionis gratiam visitat, illos Pastoris sententia absolvas*. Facta itaque distinctione judicis supremi, primarii, independentis, & judicis secundarii, dependentis, ac ministri, totum evanescit Dallæi argumentum. Namque

Tom. 1.
p. 155.
D.

Ad primum, dist. ant. Sacerdotes sunt ministri simul & judices à primo & supremo Judice Christo dependentes, concedo: sunt ministri tantum, nullo verò modo judices delegati, nego.

Ad secundum, dist. pariter: Solus Deus peccata dimittit, tanquam causa principalis, suprema & independens, concedo: secluso Sacerdotum ministerio & judicio, nego. Ita objiciebant olim Novatiani. Lege quæ diximus ad Qu. 2. hujus Tractatus Art. 1. & 2.

Ad tertium, patet responsio ex jam dictis.

Ad quartum, dist. Sacerdotes non possunt dici servatores hominum, redemptione, seu satisfactione & pretii solutione, concedo: solus enim Christus *Mediator est inter Deum & homines, qui dedit semetipsum redemptionem pro omnibus*.

i. Tim.
2. v. 5.

Non possunt dici servatores ministerio, quasi pretium sanguinis Christi tanquam veri ministri & judices à Christo instituti nobis non applicent, nego.

Cap. 4.
et 5.

Objicies 3. Esto Sacerdotes sint à Christo instituti judices ordinarii Joan. 20. in remittendis vel retinendis peccatis, non tamen vi hujus testimonii probatur eos judices esse necessarios, ad quos absolute confugere teneantur Fideles, quibus rectus ad Deum ipsum aditus non est interclusus: quemadmodum etsi Rex judices ordinarios præfecerit subditorum litibus solvendis, possunt tamen litigantes aut inter se lites componere, aut ad Regem ipsum rectè tendere. Esto igitur possint Sacerdotes absolvere eos qui se eorum judicio liberè subjiciunt; at illis lex & necessitas imposita non fuit se subjiciendi Sacerdotibus.

Resp. nego ant. Ad probationem, revera nulli hominum interclusus est ad Deum aditus per veram & sinceram cordis contritionem; at illa sincere esse non potest, nisi includat voluntatem observandi omnia Christi mandata, & ipsi placendi in omnibus: cum igitur hæc sit Christi voluntas, ut qui post Baptismum lapsi sunt, se clavibus Ecclesie ac Sacerdotum judicio subjiciant per sinceram & integram peccatorum confessionem, nemo potest veniam à Deo consequi, nisi vel de facto peccata sua confessus fuerit Sacerdoti, vel habuerit propositum ea confitendi. Comparationes adductæ aptæ non videntur: tum quia lex non prohibet quin litigantes possint inter se transigere, & litem componere sine forensi strepitu: tum quia Rex supremus est subditorum suorum Jux, qui potest ad se unum rei alicujus notitiam & discussionem referre, omisso inferiorum judicum ministerio. Quod si Rex è contra decrevisset, nullam finiendam esse litem nisi per judices à se institutos,

tutos, sanè necesse foret ad eos iudices recurrere: at hoc ipsum fecit Christus qui supremus est animarum Pastor & Iudex; voluit nimirum ut qui peccatorum veniam sperant, se Sacerdotum subijciant iudicio.

Instabis 1. Etsi Sacerdotes sint iudices peccatorum venialium, non tamen necessaria est, sed planè libera eorum confessio; ergo pariter sentiendum de peccatis mortalibus, de quibus iudicium quidem ferre possunt, quando poenitens liberè ea declarat, at nulla lege tenetur ea declarare. Cap. 4.
p. 18.

Resp. nego consequentiam & paritatem. Disparitas est, quia peccata venialia possunt aliis remediis expiari & remitti; unde necesse non est ea iudicio Sacerdotis in tribunali Poenitentiae subijcere per confessionem sacramentalem: at peccata mortalia, Christo ita volente, non remittuntur ordinariè nisi per Sacramentum Poenitentiae, adeoque nisi facta Sacerdoti eorum declaratione. Ratio est, quia peccata venialia non extinguunt charitatem nec hominem ligant coram Deo, sicut mortalia: illa verò peccata solvi necessariò debent à Sacerdotibus in terris, quæ ligant coram Deo.

Instabis 2. Licet in administrando Sacramento Baptismi minister iudicium exercent, quo dignos admittit reiectis indignis, non tamen exigit distinctam peccatorum singulorum confessionem, sed generalem dumtaxat, quæ Catechumenus peccatorem se agnoscens, præteritam vitam detestatur, & meliorem in se proponit. Pariter igitur, ut Sacerdos suum iudicis adimpleat officium in tribunali Poenitentiae, necesse non est ut poenitens sua sigillatim ei enumeret peccata; sed satis est, si generatim se peccatorem agnoscat & fateatur, qui beneficium absolutionis suppliciter efflagitat.

Resp. antedecem supponere falsum, scilicet administrationem Sacramenti Baptismi fieri per modum iudicii, quemadmodum fit in Poenitentia. Iudicii enim ratio postulat, ut non tantum dimittantur peccata, sed etiam retineantur aliquando, id est puniantur ac poenis canonicis coerceantur: at peccata nondum baptisatorum Ecclesia non punit, nihil enim potest in eos *qui foris sunt*, 1. Cor. 5. v. 12. Non igitur de illis propriè iudicat, quamquam exploret præviis quibusdam exercitiis pietatis & religionis, eorum dispositiones & affectus: at non est hoc propriè iudicium seu iurisdictionem exercere, sicut exercetur in tribunali Poenitentiae; & consequenter non est eadem ratio exigendi distinctam peccatorum confessionem in Baptismo, sicut in Poenitentia.

Obijcies 4. Neque S. Paulus, neque cæteri Apostoli peccatorum sacramentalem confessionem exegisse leguntur à Fidelibus. Cap. 1.
et 2. L. 1.

Resp. argumentum illud negativum nullius esse momenti, cum positiva suppetunt momenta: multa quippè vera & retinenda esse fides docet, fatentibus ipsis Calvinistis, quæ tamen scripta non sunt in sacris Codicibus; v. g. baptisandos esse infantes, Baptismum ab Hæreticis datum ratum esse: ubi enim hæc asserit scriptura? Pariter confessionem peccatorum utilem esse non negant Novatores, dicant ubinam S. Paulus utilitatem hanc commendaverit. Igitur dici merito potest cum Tertulliano Lib. de corona militis cap. 4. *Si legem expostules Scripturarum, nullam invenies, traditio tibi prætendetur auctrix, consuetudo confirmatrix, & fides observatrix.* p. 102.
A. B.

Obijcies 5. Sacrae Litteræ tum veteris tum novi Testamenti veniam peccatorum promittunt verè & ex animo poenitentibus, nulla facta confessionis peccatorum mentione. Cap. 3.
et 4.

L 2 Resp.

Resp. ea ipsa testimonia quæ congerit Dallæus, nullam quoque facere mentionem Baptismi: an inde concludet illum non esse ad salutem necessarium? Testimonia ergo illa veram supponunt in homine cordis conversionem: at vera non est, ut diximus, nisi iuncta sit cum observatione mandatorum Christi, aut saltem cum firmo proposito ea observandi; inter illa verò mandata lex confessionis suum locum habet.

Cap. 5.
& 6.

Obijcies 6. Fideles postulant à Deo in Oratione Dominica, ut sibi peccata dimittat, sicut ipsi dimittunt suis fratribus: atqui sic peccata dimittunt, ut ab illis non exigant confessionem singulorum delictorum.

Resp. dist. maj. Postulant sibi dimitti peccata, sicut ipsi aliis dimittunt, simpliciter & quoad dimissionem, concedo: quoad modum, quasi idem debeat esse modus quo Deus nobis dimittit, & nos dimittimus debitoribus nostris, nego. Deus quippè dimittit nobis per infusionem gratiæ, nos verò nihil operamur in iis quibus offensas dimittimus: Deus non dimittit nisi se diligentibus, nos & ipsis inimicis dimittere debemus: Deus peccatores sua gratia prævenit, ipsique dat unde sibi satisfaciant; at nos nihil tale facimus erga proximum: Deus denique in nova Leve exigit delicti confessionem factam Sacerdoti, nos non exigimus ab iis quibus remittimus. Itaque hac Oratione Dominica postulamus simpliciter, ut Deus nobis dimittat peccata nostra, sicut nos dimittimus proximo nostro; verum servatis semper legibus à Christo præscriptis, inter quas est confessio peccatorum.

Utrum necessitas confessionis sacramentalis secreta seu auricularis probari possit ex constanti SS. Patrum doctrina & traditione.

Concilium Tridentinum Sess. 14. cap. 5. de modo confitendi peccata, sive publico, sive secreto, hæc tradit: *Quoad modum, inquit, confitendi secreta apud solum Sacerdotem, etsi Christus non vetuerit quin aliquis in vindictam suorum scelerum, & sui humiliationem, cum ob aliorum exemplum, tum ob Ecclesiæ offensæ adificationem, delicta sua publicè confiteri possit; non est tamen hoc divino præcepto mandatum, nec satis consultè humana aliqua lege præciperetur, ut delicta, præsertim secreta, publica essent confessione aperienda. Unde cum à sanctissimis & antiquissimis Patribus magno unanimique consensu secreta confessio sacramentalis, qua ab initio Ecclesia sancta usa est, & modo etiam utitur, fueris semper commendata, manifestè refellitur inanis eorum calumnia, qua eam à divino mandato alienam, & inventum humanum esse, atque à Patribus in Concilio Lateranensi congregatis initium habuisse, docere non verentur.*

Istud Concilii testimonium, quæ Catholica circa confessionem auricularem doctrina declaratur, postquam laudavit Estius in 4. dist. 17. paragr. 8. hæc addit: *Ex qua Concilii doctrina, inquit, colligitur primum, non pertinere ad essentiam confessionis sacramentalis, ut sit secreta.... Deinde nec præcepti divini esse, ut secretò fiat: non enim vetuit Christus aliqua lege, quin publicè aliquando fieri posset: imò satis declarant verba Concilii, posse etiam laudabiliter & cum fructu eam publicè fieri. Tertio, publicam confessionem non esse præcepti divini. Quarto, eandem non esse humana lege præcipiendam. Postremo, secretam confessionem, tanquam à Patribus commendatam & perpetuo usæ Ecclæ-*

Tom. 2.
p. 218.
col. 1.
C. D.

Ecclesie comprobata, omnino retinendam esse. Quod autem (pergit Estius) Patres Concilii, tum in Decreto, tum in Canone 6. ejusdem Sess. asserunt ac definiunt, modum secreti confitendi soli Sacerdoti non esse alienum ab institutione & mandato Christi, non hoc sentiunt, quod modum illum Christus praeceperit: si enim praecepisset, consequenter vetuisset confessionem publice fieri, quod aperte negant Patres; sed tantum voluit, modum secreti confitendi, neque contrarium, neque dissentaneum esse praecepto & institutioni Christi, quin potius maxime cum eo congruere. Ita Estius.

Ex quibus Theologi quamplures duo inferunt.

Primum, modum ipsum confitendi peccata non pertinere ad substantiam seu essentiam sacramentalis confessionis; siue enim publica sit, siue secreta confessio, perinde est ad substantialem Sacramenti veritatem: aerem igitur verberat Dallaus & inaniter laborat, cum ad infirmanda veterum Scriptorum pro necessitate confessionis testimonia, respondet illos de publica dumtaxat loqui confessione, quae pars erat poenitentiae publicae in usu tunc temporis recepta. Esto enim ita sit; at saltem inde constat, Veteres illos agnovisse plane necessariam esse confessionem peccatorum ad eorum veniam virtute clavium obtinendam, siue publica illa sit siue arcana & secreta, qui modus ad substantiam confessionis non pertinet: quamquam patebit ex testimoniis mox laudandis, ipsam secretam confessionem in usu fuisse eo ipso tempore quo disciplina publicae poenitentiae vigeat, imò confessionem secretam fuisse regulam confessionis & poenitentiae publicae.

Alterum ex citatis verbis Estii inferunt, nempe secretam confessionem non esse praecepti divini, quamquam antiquus sit & merito retinendus ipsius usus: quam sententiam aptiorem esse & commodiorem existimant refellendis Novatoribus, & dogmati Catholico demonstrando.

Alii è contra, & verbis & menti Concilii conformiorem putant sententiam eorum qui secretam confessionem à Christo institutam & praeceptam fuisse contendunt: tum quia expressè dicit Concilium, *non esse divino praecepto mandatum ut delicta publice declarentur, imò nec satis consulte id humana aliqua lege praecipendum fore*; ergo ipsa secreta confessio à Christo praecepta est. Namque vel publica, vel secreta est praecepti divini; non est enim alius ordinarius confitendi modus: atqui ex Concilio ipse publica non est à Christo praescripta; ergo privata & secreta. Tum quia idem videtur esse in mente Concilii, secretam confessionem esse praecepti divini, & eam non esse alienam à praecepto divino; quamquam ingenuè fatendum sit, ea loquendi ratione de industria usos esse Patres, ne expressè definirent rom inter Theologos controversam. Neque verò ex ista sententia sequitur, quod inferebat Estius, nempe, *si praeceptum Christus confessionem privatam & secretam, ergo vetuit publicam*: namque merito dici potest, Christum ita praecepisse usu communi & ordinario secretam confessionem, ut non vetuerit aliquibus in casibus eam publice fieri.

Ut igitur rei caput statim aggrediamur contra vanos Dallai conatus, demonstrandum nobis est, verè affirmasse Concilium Tridentinum secretam seu auricularem confessionem sacramentalem vel à primis Ecclesiae (scilicet usurpatam fuisse. Multa eam in rem per varias Ecclesiae ztates digesta SS. Patrum testimonia legere poteris apud Bellarminum & alios Polemicos Do-

dores: nos brevitatis causa, ad certa quædam generalia argumenta reuocabimus probationes quæ ex Traditione colligi possunt in confirmationem Catholici dogmatis. Itaque sit

C O N C L U S I O.

Antiquum & perpetuum fuisse in Ecclesia Christi confessionis sacramentalis secretæ seu auricularis usum, efficaciter demonstratur ex constanti Traditione SS. Patrum.

P R I M U M A R G U M E N T U M.

SS. Patres docent occulta peccata Sacerdotibus esse aperienda.

Vel unicum istud argumentum sufficeret funditus evertendæ Dallai Dissertationi. Ille siquidem Lib. 3. cap. 10. contendit omnia peccata mortalia, præsertim secreta, legibus poenitentia & confessionis publicæ obnoxia non fuisse; ergo necesse fuit illa subijci poenitentia occultæ ac secretæ iudicio Sacerdotis imponendæ: at quomodo illis æquam imponere potuisset Sacerdos poenitentiam, nisi ea per secretam poenitentis confessionem perspecta habuisset? Inde est quòd SS. Patres toties commendant occulta peccata Sacerdotibus aperienda esse, ut sanari possint.

*Ed. Co-
rell. T.
1 p. 123
D. E.* S. Clemens Epistola 2. ad Corinthios cuius fragmentum nobis superest. *Quamdiu, inquit, sumus in hoc mundo, da malis quæ in carne gessimus ex toto corde resipiscamus, ut à Domino salvemur, dum habemus tempus poenitentia. Postquam enim è mundo exiimus, non amplius possumus sibi confiteri, aut poenitentiam adhuc agere.* Loquitur vir Apostolicus de omnibus generatim peccatis, adeoque tam occultis quàm publicis, quæ per confessionem declaranda sunt, ut à Domino salvemur.

P. 122. Tertullianus qui secundo & tertio sæculo vixit, L. de Poenit. c. 4. *Omnibus ergo delictis, inquit, seu carne, seu spiritu, seu voluntate commissis, qui poenam per iudicium destinavit, idem & veniam per poenitentiam spondit.* Venia autem illa per Sacerdotes quibus peccata declarare necesse est, concedi debet: *Presbyteris adolevi, ait c. 9. Ibid. Tantum, inquit, relaxat confessio delictorum, quantum dissimulatio exaggravat: confessio enim satisfactionis consilium est, dissimulatio contumaciae...* satisfactionis confessione disponitur, confessione poenitentia nascitur, poenitentia Deus mitigatur. Et c. 10. eos redarguit qui confiteri erubescunt: *Plerosque, ait, hoc opus, ut publicationem sui aut suffugere, aut de die in diem differre, præsumo, pudoris magis memores quàm salutis: velut illi, qui in partibus verecundioribus corporis contracta vexatione, conscientiam medentium vitant, & ita cum erubescencia sua pereunt.* Occulta & secreta peccata clarè hic indicantur.

P. 176. S. Cyprianus Tractatu de lapsis plurimùm laudat eos qui vel ipsammet conceptam cogitationem declarant Sacerdotibus, & poenitentia castigant. *Quanto, inquit, & fidei maiores, & timore meliores sunt, qui quamvis nullo sacrificii aut libelli facinore constructi, quoniam tamen de hoc vel cogitaverunt, hoc ipsum apud Sacerdotes Dei dolenter & simpliciter confitentes, exomologesunt*

conscientia faciunt, animi sui pondus exponunt. Scientes scriptum esse, Deus non irridetur.... Confiteantur singuli delictum suum, dum adhuc qui deliquit in seculo est, dum admitti eius confessio potest, dum satisfactio facta per Sacerdotes apud Dominum grata est. En peccatum cogitatione dumtaxat perpetratum & consequenter occultum, quod apud Sacerdotes per secretam confessionem ex S. Cypriano deponendum est.

Origenes Hom. 2. in Leviticum, inter varios modos quibus in nova Legge obtinetur peccatorum venia, poenitentiam & confessionem enumerat. Est, inquit, septima, licet dura & laboriosa, per poenitentiam remissio peccatorum... cum non erubescit peccator Sacerdoti Domini indicare peccatum suum, haud dubie occultum; alias quare erubesceret?

Te. 1 p.
68. G.

Homilia 3. Etenim omni genere pronuntianda sunt, & in publicum proferenda cuncta que gerimus; (seu, ut loquitur Homil. in Psal. 37. non celanda in tunicis) si quod in oculo gerimus, si quod in sermone solo, vel etiam intra cogitationum secretis commisimus, cuncta necesse est publicari, cuncta proferri. Hortatur ibi Origenes peccatores ad spontaneam delictorum etiam occultorum confessionem, quia nisi ea hac in vita Sacerdotibus aperuerint, a demone coram omnibus propalabuntur & declarabuntur in die ultimi Iudicii.

Ibid. p.
70. L.
Ibid. p.
293. F.

Et Hom. mox citata in Psal. 37. eos qui peccata sua intus celant nec aperiant Sacerdotibus, comparat illis qui habent intus inclusam escam indigestam, quam si vomuerint, sublevantur; si intus retinuerint, suffocantur.

Ibid.

S. Basilii in Regulis brevioribus, in responsione ad quaestionem 288. Peccata, inquit, iis confiteri necesse est, quibus mysteriorum Dei contradicia dispensatio est. Et qu. 110, quaerit utrum expediat, dum soror Presbytero constituitur, etiam ipsam antistitam a desse. Et Epistola Canonica ad Amphilochoium Can. 34. secretam fuisse peccati occulti confessionem clare ostendit: Adulterio pollutas mulieres, inquit, & confitentes ob pietatem, vel quomodocumque convictas, publicare quidem Patres nostri prohibuerunt, ne convictis mortis causam praebeamus.

Te. 2 p.
516. D.
Ibid. p.
413. C.
Ed. ver.
Te. 2 p.
771. B.

S. Gregorius Nyssenus Homilia in eos qui alios acerbe iudicant, loquens de ministro Ecclesiae: Audacter, inquit, ostende illi que sunt recondita. Animi arcana tanquam oculis vulnera medico retere. Ipse bonoris & valetudinis tuae rationem habebis.

Te. 1 p.
969. B.

Et Epistola ad Letojum, occulti peccati confessionem commemorat Can. 4. Qui ex seipso, inquit, ad sua proferenda peccata impulsus est, eo quod sua sponte occultorum accusator esse voluerit... in mittioribus panis versatur.

Ibid. p.
950. D.

Et Can. 6. Qui latenti ablatione sibi alienum usurpat, fide inde per enuntiationem peccatum suum Sacerdoti aperuerit, vitii studio in contrarium mutato, agnitum curabit, largiendo que habet pauperibus. En furti occulti secreta confessio. Nec juvat quod reponit Dallæus, in textu legi particulam si. Si deinde per enuntiationem peccatum suum Sacerdoti aperuerit; quæ particula denotat liberam fuisse, non ex præcepto divino necessariam confessionem. Namque 1. in græco textu non extat dicta particula si. 2. Etsi exaret, non significaret, quod Dallæo placet, confessionem illam non esse præcepto divino necessariam, sed tantum ad illam neminem exterius compelli ac cogi posse; quo sensu libera dici potest, quamquam in conscientia seu in foro interno obliget hominem qui salutis animæ suæ curam gerere tenetur, eaque usurpare remedia quæ Christus instituit.

Ibid. p.
954. A.

S. Chrysostomus Hom. de muliere Samaritana, postquam demonstravit occulturn fuisse peccatum quod illa confessâ est, *Inimetur*, inquit, *& nos mulierem Samaritanam, & ob propria peccata non erubescamus... Qui enim homini detegere peccata erubescit... neque confiteri vult, & poenitentiam agere, in die illa non coram uno vel duobus, sed universo terrarum Orbepsestante traducetur.*

S. Ambrosius L. 2. de Poenit. cap. 6. *Si vis, inquit, iustificari, fateri delictum tuum. Solvit enim criminum nexum veritunda confessio peccatorum.* Loqui verò S. Doctorem de peccatis etiam occultis, patet ex Libro 1. cap. 16. *Si quis, inquit, occulta crimina habens, propter Christum tamen audiosè poenitentiam egerit &c.* Poenitentiam verò illam & confessionem coram Sacerdotibus peragendam esse, qui confitentibus condolere debent, patet ex Lib. 2. cap. 8. In exhortatione enim ad Poenitentiam, hoc motivo potissimum peccatorem ad poenitentiam citò amplectendam excitat, *quia nescit, inquit, si possit ipsam poenitentiam accipere, & confiteri Deo & Sacerdoti peccata sua.* Ipse quoque S. Doctor, narrante in ejus vita Paulino, quotiescunque aliquis ob percipiendam poenitentiam lapsus suos apud se confitebatur, ita fiebat, ut & illum flere compelleret; videbatur enim sibi cum iacente iacere. Causas autem criminum, addit ibidem Paulinus, quas illi confitebantur, nullâ nisi Domino soli, apud quem intercedebat, loquebatur.

S. Augustinus Hom. 41. in ultima editione 393. verba S. Ambrosii mox relata ex adhortatione ad poenitentiam, excribit.

Et Concione 2. in Psal. 101. *Cum audis, inquit, hominem confitendo proferre conscientiam, iam de sepulchroeductus est, sed nondum solutus. Quando solvitur? A quibus solvitur? Quae solveritis, inquit, in terra &c.*

S. Leo Epistola 136. aliâs 80. postquam damnâvit abusum qui irreperat, peccata sua publicè ex libello recitandi, sufficit, inquit, reatus conscientiarum solis Sacerdotibus indicari confessione secreta.

Denique, ut alios omittamus ferè innumeros, ipse Sozomenus L. 7. Hist. cap. 16. referens historiam confessionis memoratæ illius mulieris quæ à Diacono vitata fuerat, & eorum quæ hac occasione statuta sunt à Nestario, apertè significat confessionis secretæ seu auricularis usum ab initio in Ecclesia fuisse. Cum, inquit, in petenda venis peccatum necessariò confiteri oporteat, grave ac molestum ab initio iure meritis visum est Sacerdotibus, tanquam in theatro, circumstante totius Ecclesiæ multitudine, crimina sua evulgare. Itaque ex Presbyteris aliquem, qui vitæ integritate spectatissimus esset, & taciturnitate ac prudentia polleteret, huic officio prefecerunt, ad quem accedentes ii qui deliquerant, assus suos confitebantur.

Et verò matrona illa nobilis cujus mentionem ibi facit Historicus, teste Socrate Lib. 5. cap. 19. *κατὰ μίπον*, sigillatim primùm omnia delicta post Baptismum à se perpetrata confessa erat huic Sacerdoti Poenitentiario, non palam & coram omnibus, sed in aurem ac secretò. Deinde verò aliud facinus suum cum Diacono declaravit, unde grave in Ecclesia scandalum subortum est; ex quo inferitur, semel & iterum confessam fuisse mulierem illam: 1. cum accessit ad Poenitentiarium, & omnia sua peccata ipsi sigillatim confessa est. 2. quando singulare suum cum Diacono crimen aperuit. Utraque verò confessio secreta fuit: non enim recepta erat Ecclesiæ moribus publi-

publica confessio, ut observat Sozomenus, qui eam ob causam Poenitentiarium taciturnum seu secreti tenacem fuisse dicit.

Quæ hæcenus laudata sunt Veterum testimonia longè superant ætatem Concilii Lateranensis IV. in quo primum inventum fuisse confessionis arcanæ usum fabulantur Novatores: sunt enim quinque priorum seculorum, quæ tempore puriorem fuisse Ecclesiam vel ipsi fatentur adversarii.

SECUNDUM ARGUMENTUM.

SS. Patres docent secretam confessionem regulam fuisse imponenda poenitentia, si-
ve publica siue privata, pro iudicio prudentis Sacerdotis.

Origenes postquam Hom. 2. in Psalm. 37. admonuit cautè seligendum esse Sacerdotem cui peccatorum nostrorum declaratio fiat, *Tantummodo circumspice diligentius, cui debeas confiteri peccatum tuum; proba prius medicum cui debeas causam languoris exponere, qui sciat infirmari cum infirmante, fle- re cum fiente &c.* tum addit: *Si quid ille dixerit, qui se prius & eruditum medicum ostenderit & misericordem, si quid consilii dederit, facias, & sequaris. Si intellexeris & prævideris talem esse languorem tuum, qui conventu totius Ecclesiæ exponi debeat & curari, ex quo fortassis & ceteri adificari poterunt, & tu ipse faciliè sanari, multa hoc deliberatione & satis periti medici illius consilio procurandum est.*

T. 1. p. 293. F.

Eò lociloqui Origenem de omnibus peccatis tam occultis quàm publicis, certò certius videtur: si enim de solis publicis ageret, ut contendit Dallæus, non multa deliberatione opus fuisset ut publica ipsis poena indiceretur, cum ita statutum foret communi Ecclesiæ lege ac disciplina. Sacerdos igitur cognitis per secretam confessionem peccatis, iudicabat pro sua prudentia, quibus remediis sananda forent & corrigenda.

Idem non obscure colligimus ex historia nobilis illius matronæ de qua Socrates L. 5. c. 19. & Sozom. L. 7. c. 16. *Mulier quædam nobilis, ait Socrates, ad Poenitentiarium Presbyterum accedens, delicta post Baptismum à se perpetrata sigillatim confessa erat. Presbyter verò præcepit mulieri, ut jejuniis & orationibus vacaret &c.* Deinde narrat Historicus, eandem mulierem aliud suum facinus cum Diacono declarasse. De eodem Poenitentiario Presbytero Sozomenus superiori argumento citatus, post verba relata addit: *Ille verò pro cuiusque delicto, quid aut facere singulos, aut luere oporteret, penæ loco indicens, absolvebat contentes.*

P. 178. D. *an ad pœ-
nam parti-
culam.
P. 726. D.*

Ex his duobus Historicis constat 1. apud Sacerdotem illum poenitentes peccata sua sigillatim deposuisse. 2. audita confessione & cognita peccatorum natura & gravitate, salubrem & æquam imposuisse poenam, siue publicam, siue privatam, pro natura delicti & conditione poenitentis. Igitur secreta & auricularis confessio regula erat imponenda poenitentia, siue publicæ siue occultæ. Unde à Tertulliano Libro de Poenitentia c. 9. confessio dicitur dispositio ad satisfactionem, & *consilium satisfactionis*.

P. 127. A. *P. 126. D.*

Idem colligere est ex S. Augustino Serm. 351. aliàs Hom. 50. inter 50. ubi postquam dixit debere peccatorem venire ad Antifites Ecclesiæ, à quibus satisfactionis modum accipiat, sic pergit: *Id agat quod non solum illi pro-*
fit ad

T. 5. p. 1359. C. D. fit ad recipiendam salutem, sed etiam ceteris ad exemplum; ut si peccatum esset, non solum in gravi esset malo, sed etiam in tanto scandalo esset aliorum, atque hoc expedire utilitati Ecclesiae videtur Antistiti, in notitia multorum, vel etiam totius plebis agere poenitentiam non recuset, non resistat, non lethali & mortifera plaga per pudorem addat tumorem.

Biblia. P. P. T. 27. pag. 324. Idem colligitur ex S. Casario Arelatenſi Hom. 1. inter 14. quas è tenebris eruit doctissimus Balusius.

Confirmari potest istud secundum argumentum innumeris ferè SS. Patrum testimoniis, quibus modum & rationem Poenitentiae assignant, hac imposita Sacerdotibus lege, ut pro gravitate delicti æquam & iustam imponant poenitentiam. *Aligat vel solvit Episcopus & Presbyter*, ait S. Hieronymus in caput 16. S. Matth. non eos qui insontes sunt vel noxii; sed pro officio suo, cum peccatorum audierit varietates, scit qui ligandus sit, quive solvendus. *Causa pensanda sunt*, ait S. Gregorius Magnus Hom. 26. in Evangelia, & *tunc ligandi atque solvendi potestas exercenda. Videndum quæ culpa præceſſerit, aut quæ poenitentia sequenda sit postculpam.* Idem præcipitur à Concilio Laodicensi Can. 2. Carthaginensi III. Can. 31. Wormatiensi cap. 25. à S. Basilio in Regulis brevioribus, in responsione ad questionem 288. à S. Gregorio Nyſſeno in Epistola Can. ad Episcopum Mitilenes, à S. Chrysostomo L. 2. de Sacerdotio c. 3. ab Innocentio I. Epistola 1. ad Decentium & aliis.

Ad hæc Veterum testimonia oculos convertens doctissimus Petavius in suis ad S. Epiphanium notis pag. 245. scitè dixit: Quotcumque veterum Patrum scripta sunt, vel Conciliorum decreta, quibus poenitentiae modus indicitur, totidem confessionis arcanæ firmamenta ac monimenta retinemus. Jubent antiquissima Patrum atque Ecclesiae consulta, lapsos pro peccatorum gravitate plecti, & ab Antistitibus aut Sacerdotibus poenitendi leges ac conditiones accipere, ut eorum causa cognita, ac prudenter aestimata, levioribus illos gravioribusve penis coerceant. Quis nisi insanus, pergit ille, aliter id administrari putet, quàm si peccata suasile ipse, qui admisit, exponat? Confessione igitur ac declaratione aliqua opus est. Ita Petavius.

TERTIUM ARGUMENTUM.

SS. Patres docent omnia peccata clavibus Ecclesiae esse subijcienda, & Sacerdotes veros esse iudices quorum iudicio & ministerio illa remittuntur.

Duas continet partes præfens argumentum. Primam nonnullis SS. Patrum testimoniis jam demonstravimus Qu. 2. hujus Tractatus Art. 2. quibus addde *T. 4. p. 1304. E.* Sanctum Augustinum Serm. 392. aliàs 49. inter 50. c. 3. *Agite, inquit, poenitentiam qualis agitur in Ecclesia, utoret pro vobis Ecclesia. Nemo sibi dicat, Occulte ago, apud Deum ago: novus Deus qui mihi ignoscat, quia in corde meo ago.... Ergo sine causa sunt claves datæ Ecclesiae Dei? Frustramus Evangelium Dei, frustramus verba Christi?*

Et Sermone 351. aliàs Hom. 50. cap. 4. num. 9. postquam varia recensuit crimina de quibus Apostolus ait, *Quoniam qui talia agunt, regnum Dei non possidebunt*, sic pergit: *Judicet ergo seipsum homo in istis voluntatibus, dum potest, & mores convertat in melius: ne cum iam non poteris, etiam præter voluntatem.*

voluntatem à Domino iudicetur. Et cum ipse in se protulerit severissima medicina, sed tamen medicina sententiam, veniat ad Anisites, per quos illi in Ecclesia claves ministrantur; Et tanquam bonus sam incipiens esse filius, matris notum membrorum ordine custodito, à Præpositis Sacramentorum accipiat satisfactionis suæ modum.

Nec juvat respondere cum Dallæo, S. Augustinum manifestè loqui de poenitentia publica, cujus legibus subdita non fuere omnia prorsus peccata mortalia. Esto ita sit; at inde sequitur, quod volumus, præter publicam poenitentiam, aliam fuisse secretam qua purgabantur secreta & occulta peccata. Quosens dixit S. Gregorius Nyssenus Epist. ad Letojum, *avaritia crimen à Patribus prætermisum fuisse*, quia nempe nullæ ipsi publicæ pænæ à Canonibus decretæ fuerant: at secreta poenitentia castigari illud debuisset, nemo negaverit, nisi qui avaritiam ex numero peccatorum mortalium expungere voluerit. Secreta porro illa poenitentia præsupponebat præviam, occultam & secretam peccati Confessionem.

S. Leonem Epistola 83. ad Theodorum Forojulensem aliàs 91. *Multiplex*, inquit, *miseri cordia Dei ita lapsibus subvenit humanis*, ut non solum per Baptismi gratiam, sed etiam per Poenitentia medicinam spes vitæ reparatur aterna, ut qui regenerationis dona violassent, proprio se iudicio condemnantes, ad remissionem criminum pervenirent: sic divinae bonitatis præstidii ordinatis, ut indulgentia Dei non nisi supplicationibus Sacerdotum nequeat obtineri. Mediator enim Dei & hominum homo J. C. hanc præpositis Ecclesie tradidit potestatem, ut & consentientibus actionem poenitentia darent, & eosdem saluberrima confessione purgatos, ad communionem Sacramentorum per sanam reconciliationis amitterent. Et infra . . . Multum utile ac necessarium est, ut peccatorum reatus ante ultimum diem sacerdotali supplicatione solvatur.

Secunda pars, nempe Sacerdotes esse iudices in tribunali Poenitentia, Probatur ex SS. Patribus.

Ex sancto Hilario Commentario in caput 18. S. Matth. nu. 8. postremæ editionis. *Ad terrorem autem metus maximi*, inquit, *quo in præsens omnes continentur, immobile severitatis Apostolica iudicium præmisit*: ut quos in terris ligaverint, id est, peccatorum nodis innexos reliquerint, & quos solverint, confessione videlicet *venia* receperint in salutem; hi Apostolica conditione sententia in Cælis quoque aut soluti sint aut ligati. Duo ex hoc testimonio habes. Primum, Sacerdotes iudicium exercere erga eos quos vel solvunt vel ligant; alterum, iudicium illud exerceri mediante confessione.

Frustra contendit Dallæus L. 3. c. 9. corrigendum esse Hilarii textum, & loco istorum verborum, *confessione venia*, legendum esse, *conessione venia*, cum aliter omnino obscurus sit & inturbatus sensus. Fatentur quidem doctissimi Benedictini, quorum studio novis typis prodire S. Hilarii Opera, clariorem esse hanc Dallæi Editionem; sed quò clarior est, eò minùs mutationis suspecta ipsis videtur altera, præsertim cum omnes consentiant codices, sive manuscripti sive editi, quos illi summa cura expendunt. Neque verò aliter legendum esse suadet quod postea subijcit sanctus Doctor, Ergo *venia* omnis, inquit, *ex eo est, cum etiam ea quæ in se sunt peccata, post reditum confessionis indulgeat*. Superest igitur inquirendum, quis sit eorum verborum sensus, quos solverint *conessione venia*. *Quantum sapimus*, inquitur iidem docti.

P. 703. doctissimi Benedicini, vocabulum *venia*, non ad precedentem vocem confessione, sed ad subsequentem, scilicet salutem, referendum est, ut sensus sit, quos confessione receperint in salutem *venia*, hoc est, in salutem quam *venia* dat, non meritum.

Edis. Ex S. Chrysostomo Hom. 5. de verbis Isaie. Sacerdotii, inquit, solum *recant.* in Caelis collocatum est, & celestia administrandi habet auctoritatem. Quis *T. 6. p.* hac dicit? Ipse Caelorum Rex: Quaecunque enim ligaveritis super terram, erunt ligata & in Caelis; & quaecunque solveritis super terram, erunt soluta & in Caelis. Quid cum hoc honore conferri possit? A terra iudicandi principalem auctoritatem sumit Caelum. Nam Iudex sedet in terra, Dominus sequitur servum; & quidquid hic in inferioribus iudicaris, hoc ille in supernis comprobans.

T. 4. p. 2. Ex S. Hieronymo Epistola 1. ad Heliodorum, ubi de Sacerdotibus ait: *p. 10.* Ab his ut de his quidquam sinistrum loquar, qui Apostolico gradu succedentes Christi corpus sacro ore consuecunt, per quos & nos Christiani sumus: qui claves Regni Caelorum habentes, quodammodo ante Iudicii diem iudicant.

T. 7. p. Ex S. Aug. L. 20. de Civitate Dei c. 9. Iudicium datum, inquit, nullum melius *586. E.* accipiendum videtur, quam id quod est, Quae ligaveritis in terra, ligata erunt & in Caelo.

T. 1. p. Ex S. denique Gregorio Magno Hom. 26. in Evangelia: Apostoli, inquit, *155. B.* principatum superni Iudicii sortiuntur, ut Vice Dei quibusdam peccata retineant, quibusdam relaxent . . . Ecce qui districtum Dei Iudicium metuant, animarum Iudices sunt.

Eisdem Sacerdotes medicos morborum animorum nostrorum frequenter appellant Veteres, Origenes Hom. 2. in Psal. 37. S. Gregorius Nyssenus in Epistola Canonica & Oratione in mulierem peccatricem, S. Hieronymus ad caput 20. Ecclesiastae, S. Ambrosius in Psal. 37.

T. 14. Ex quibus compertum esse debet, merito Concilium Tridentinum Sess. *Conc. p.* 14. cap. 5. asseruisse Sacerdotes à Christo praefides & iudices institutos ad quos omnia mortalia deferri debeant. *816. B.* Iudices autem, ut ait idem Concilium, non possunt causa incognita iudicare; ergo necesse est ut per confessionem poenitentis eius delicta cognoscant; ergo eo ipso quo Christus Sacerdotes iudices instituit, omnibus legem & necessitatem imposuit sua apud ipsos deponendi peccata.

QUARTUM ARGUMENTUM.

Ab exemplis consentium peccata sua.

His exemplis funditus evertitur negativum Dallai argumentum, quod ad fastidium usque recoquit singulis ferè Dissertationis suae paginis.

P. 63. S. Irenaeus L. 1. c. 13. alias c. 9. observat mulieres illas quae à Marco hæresiaracha corpore & animo vitiatæ fuerant, ad Ecclesiam tandem redemptes crimen suum confessas fuisse. Idem dicit de uxore cuiusdam Diaconi, ab eodem seducta praestigiatore Marco.

Operam perdit Dallaus, cum respondet per confessionem intelligere S. Doctorem vel poenitentiae actionem, vel publicam peccati declarationem. Esto enim id concedamus; an inde infirmatur nostrum pro necessitate *con-*

confessionis argumentum? Imò confirmatur magis: tùm quia penitentia non imponebatur nisi ex prævia peccati declaratione, quæ, ut diximus Argumento secundo, regula erat imponendæ pænæ delictis proportionatæ; atque & penitentiam & confessionem simul fuisse necessariam ad veniam peccatorum obtinendam, disertè insinuat vel ipse Socrates Libro 5. Hist. cap. 19. ubi refert historiam confessionis matronæ cujusdam nobilis: *Presbyter, inquit, præcepit mulieri, ut jejuniis & orationibus continuis vacaret, quo scilicet una cum delictorum confessione, opus etiam penitentia conveniens ostenderet.* P. 179. A. En confessio distincta ab aliis penitentia laboribus. Tùm quia modus ipse eundem confessionis ad ejus essentiam & substantiam non pertinet: fuerit ergo publica vel secreta confessio illarum mulierum, perinde est ad dogma Catholicum quod hic propugnamus, nempe jure divino necessariam esse peccatorum confessionem factam Sacerdoti.

S. Cyprianus citatus argumento primo, mentionem facit Tractatu de lapsis, nonnullorum qui peccata cogitationis Sacerdotibus aperiebant. P. 176.

Eusebius Libro 6. Hist. cap. 34. laudat Philippi Imperatoris pietatem in suis peccatis declarandis. Et cap. 9. dixerat, è tribus calumniarioribus Narcissi Episcopi Hierosolymitani, duobus miserè extinctis, tertium totius calumnie ordinem confessum esse, ac duram egisse penitentiam. Idem narrat cap. 43. de nonnullis Confessoribus qui à Novato primum seducti, ad Ecclesiam denum reversi sunt, atque tùm ipsius Novati, tùm suam propriam nequitiam evulgarunt. P. 182. B. P. 117. B. P. 143. A.

Socrates L. 5. Hist. c. 19. & Sozomenus L. 7. cap. 16. famosum illud referunt exemplum confessionis factæ à nobili quadam matrona, quæ tantum peperit in Ecclesia scandalum. SACR. P. 178. SOZOM.

S. Ambrosius, narrante Paulino, *penitentium confessiones excipiebat; & causas criminum, quas illi confitebantur, ait, nulli nisi Domino soli loquebatur.* P. 177.

S. Eleutherius Tornacensis Episcopus, referente Guiberto in ejus vita, Deo revelante cognovit secretum Clodovei Regis peccatum, quod ex veracundia confiteri non audebat, de quo Regem admonuit, & ut confiteretur hortatus est. Apud Patrem le Cointe Annalium Francorum To. 1. ad ann. 499. pag. 210.

Extat etiam confessio S. Isidori Hispalensis Episcopi litteris consignata à Redempto ejus Clerico, cùm impendente morte palam & generatim confessus est in æde S. Vincentii. Dicitur Oper S. Isidori.

Extat quoque confessio Rotberti Cenomanensis Episcopi edita à Sirmondo Tom. 3. Conciliorum Gallie, quam morti proximus misit per Epistolam ad Episcopos qui erant in obsidione urbis Andegavenfis cum Carolo Calvo Imperatore. P. 405.

Extat confessio S. Fulgentii, seu formula ab iis observanda qui peccata sua confitebantur, apud Menardum in notis ad Librum Sacramentorum S. Gregorii pag. 225.

S. Eligius, referente S. Audoenno Episcopo Rothomagensi in ejus vita apud Sarium mense Decembri, & Tom. 5. Spicilegii pag. 159. omnia ab adolescentia sua peccata coram Sacerdote confessus est. 7. scilicet.

Idem refertur de S. Tillone Abbate, apud Bollandum die 7. Januarii.

Idem

Idem de S. Richario narrat Alcuinus in ejus vita, saeculo secundo Benedictino pag. 191. Ibid. pag. 397. idem refertur de S. Bavone.

Theodorus Studites in vita S. Platonis, eum laudat quòd ab adolescentia Pastori animarum suarum confiteri fuisse usque ad intimas cogitationes: apud Surium die 16. Decembris.

Obiit
m. 733.

Beda Lib. 4. Hist. c. 25. narrat Adamanum quemdam ad Sacerdotem accessisse, & suum ipsi confessum esse delictum.

Superfluum videtur plura congerere exempla & testimonia subsequen-
tium: non diffidet enim Dallaus Lib. 3. cap. 2. post octavum saeculum
nonnihil immutatum fuisse circa mores antiquos, & paulatim invaluisse mo-
rem confitendi peccata. Verum, saltem ex testimoniis ad octavum usque
saeculum, quo florebat Beda, citatis, apertè calumniarum revincuntur Nova-
tores, qui usum & legem confessionis anno 1215. in Concilio Lateranensi IV.
primum inducendam esse asseverant. Et verò in multis Conciliis, Libris Pœ-
nitentialibus, Episcoporum Ritualibus ac privatis Statutis, confessionis e-
dendæ normam ac legem præscribi longè ante ætatem Concilii Latera-
nensis IV. palam omnibus est.

Mabillonius in præfatione ad saeculum tertium Benedictinum parte 1.
pag. 66. ait se ante saeculum decimum quartum non legisse exempla Presbytero-
rum, qui sua confiterentur peccata: verum P. Martene ejusdem Ordinis Bene-
dictini Scriptor Lib. 1. de antiquis Ecclesiæ ritibus cap. 6. art. 2. pag. 12. non-
nulla refert exempla ea ætate antiquiora. Consule, si vacat, locum mox
indicatum.

Hanc perpetuam & constantem Ecclesiæ Traditionem confirmavit ac di-
lucidè exposuit Concilium Tridentinum Sess. 14. c. 5. verba paulò antè adduxi-
mus. Eandem suis Canonibus definivit.

T. 14.
Conc. p.
23.

Can. 3. *Si quis dixerit, verba illa Domini Salvatoris, Accipite Spiritum
sanctum: quorum remisistis peccata, remittuntur eis; & quorum retinueritis,
retenta sunt; non esse intelligenda de potestate remittendi & retinendi pec-
cata in Sacramento Poenitentiae, sicut Ecclesia Catholica ab initio semper intel-
xit; detorserit autem, contra institutionem hujus Sacramenti, ad auctoritatem
prædicandi Evangelium, anathema sit.*

Can. 6. *Si quis negaverit, confessionem sacramentalem vel institutam, vel
ad salutem necessariam esse jure divino; aut dixerit, modum secretè confitendi soli
Sacerdoti, quem Ecclesia Catholica ab initio semper observavit, & observat,
alienum esse ab institutione & mandato Christi, & inventum esse humanum,
anathema sit.*

Can. 7. *Si quis dixerit, in Sacramento Poenitentiae ad remissionem peccato-
rum necessarium non esse jure divino, confiteri omnia & singula peccata mor-
talia, quorum memoria cum debita & diligenti præmeditatione habeatur, etiam
occulta, & quæ sunt contra duo ultima Decalogi præcepta, & circumstantias,
quæ peccatis speciem mutant: sed eam confessionem tantum esse utilem: ad eru-
diendum & consolandum poenitentem, & olim observatam fuisse tantum ad sa-
tisfactionem canonicam imponendam; aut dixerit, eos, quò omnia peccata con-
fiteri student, nihil relinquere velle divina misericordiae ignoscendum; aut de-
mum, non licere confiteri peccata venialia, anathema sit.*

Can. denique 8. *Si quis dixerit, confessionem omnium peccatorum, qualem
Eccle-*

Ecclesia servat, esse impossibile, & traditionem humanam à pijs abolendam: aut ad eam non teneri omnes & singulos utriusque sexus Christi fideles, iuxta magis Concilii Lateranensis Constitutionem, semel in anno, & ob id suadendum esse Christi fidelibus, ut non confiteantur tempore Quadragesimæ, anathema sit.

His Canonibus Concilium Tridentinum Novatorum errorem simul aperit & confodit.

Solvuntur Objectiones adversus probationem ex Traditione SS. Patrum.

Objicies 1. celebre Nestarii Patriarchæ Constantinopolitani factum quod narrat Socrates Lib. 5. Hist. c. 19. & Sozomenus L. 7. c. 16. ex quo sic arguitur: Quod ab Ecclesia institutum est occasione Novatorum, & abrogatum deinde propter grave quod subortum est scandalum, non divinæ, sed humanæ institutioni deputari debet: atqui talis est peccatorum confessio Sacerdoti faciendæ.

Probatur minor ex Socrate loco citato. *Postquam, inquit, "Novatiani p. 178. se ab Ecclesia secessissent, eo quod cum illis qui persecutione Deciana lapsi D. fuerant, communicare nolissent, ex illo tempore Episcopi Poenitentiarum Presbyterum albo Ecclesiastico adiecerunt, ut qui post Baptismum lapsi essent, coram Presbytero ad eam rem constituto, delicta sua confiterentur. En institutio Ecclesiastica confessionis Presbytero faciendæ.*

Deinde narrat Socrates, quæ occasione abrogatus sit confessionis illius usus. *Nestarii Episcopi temporibus, inquit, abrogarunt, ob facinus quoddam ib. D. quod in Ecclesia commissum fuerat. Mulier quædam nobilis ad Poenitentiarium Presbyterum accedens, delicta post Baptismum à se perpetrata sigillatim confessa erat. Presbyter vero præcepit mulieri, ut seiniis & orationibus continuus vacaret, quo scilicet unâ cum dilectorum confessione opus etiam poenitentia conveniens ostenderet. Progressu temporis mulier aliud facinus confessa est, dimisset, Diaconum cum ipsa stupri consuetudinem habuisse. Id cum dimisset, Diaconus quidem Ecclesia electus est; populus vero graviter commoveri cepit. Neque enim solum ob scelus quod patratum fuerat indignabantur, verum etiam eo quod labes haud mediocri atque infamia hoc facto adpersa videbatur Ecclesie. Cum igitur eam ob causam Ecclesiastici homines discipulis appeterentur, Eudamon quidam Ecclesiæ Presbyter, Episcopo Nestario suavit, ut Poenitentiarium Presbyterum expungeret, unumquemque vero pro arbitrio & pro animi sui conscientia ad Sacramentorum communionem fineret accedere. Consilium Sacerdotis secutus est Nestarius.*

Antequam istud argumentum solvamus,

Observa 1. discordes esse inter se Novatores, circa id quod ex isto facto Nestarii inferre adversus nos intendunt. Calvinus, Musculus, Molinæus, inde volunt sublatam esse à Nestario auricularem confessionem, adeoque eam non esse juris divini, cujus tamen antiquum usum esse concedit ipse Calvinus L. 3. Institutionum c. 4. paragr. 7. *Hic hic, inquit ille, (urbanè satis & honestè) aures asini isti arrigant. Silex Dei erat auricularis confessio, qui ausus esset Nestarius eam refrigere ac convellere? E contra Dallæus Lib. 4. de confessione cap. 24. Calvinum & alios ex suis hallucinatos esse ea in parte arbitratur: Quæso enim, inquit, qui abrogari potuit ea confessio, quæ nunquam usitata deprehenditur?* P. 124.

Obfer-

Obſerva 2. eſſe inter noſtros qui exiſtimant à Neceſſario ſublataſ confeſſio-
 nis etiam ſecretæ legem; atque ab eo ea in re graviter peccatum fuiſſe. Ita
 P. 897. Thomas Valdenſis Tom. 2. c. 141. Melchior Canus de Pœnitentia parte 5. ad
 6. argumentum.

Aliqui cum Baronio ad an. Chriſti 56. n. 26. & 27. totam hanc Socratis nar-
 rationem gratis fictam in gratiam Novatianorum, quibus impenſè favebat,
 arbitrantur. Ita Latinus in Diſputatione ea dere Romæ edita an. 1587.

Alii verò exiſtimant ſublataſ ab eo dumtaxat & abrogataſ fuiſſe pœnitentiam
 publicam de peccatis occultis. Ita Bellarminus Lib. 3. de Pœnit. cap. 14.
 Baronius ad an. Chriſti 56. n. 33. Petavius in notis ad S. Epiphanium p. 238. Per-
 ronus in Republica ad Regem Angliæ cap. 3. Roſſenſis art. 8. contra Luthe-
 rum & alii multi è recentioribus.

Alii cum Vaſqueſio q. 50. art. 1. dubio 3. penitus ſublataſ pro peccatis etiam
 pœnitentiam publicam.

Alii denique, ſublataſ dumtaxat volunt confeſſionem publicam occulto-
 rum peccatorum. Ita Morinus L. 2. de Pœnit. c. 9. n. 5. His præmiſſis.

Reſp. neq. min. Neque enim de ipſa confeſſionis faciendæ lege ac neceſſita-
 te loquitur Socrates, ſed de inſtituto Sacerdote Pœnitentiario.

Ad probationem itaque

P. 176. Dico 1. non immeritò doctiſſimum Petavium in notis ad Epiphanium p.
 C. 242. ſuſpicari Socratem teſtè admodum & callidè Novatiænæ crudelitatis
 virtus inſillare, cùm fingit occaſione Novatianorum tum primùm inſtitutum
 eſſe Presbyterum Pœnitentiarium, lapſorum peccatis excipiendis destina-
 tum; quaſi tum demum totum hoc pœnitentiæ & reconciliationis negotium
 excogitatum fuerit ac novo Canone ſancitum, antea verò Novatianorum
 crudelitatem ſequuta fuerit Eccleſia. Æquior longè videtur Sozomenus,
 qui huius Presbyteri originem repetit ab ipſa neceſſitate confitendi peccata,
 hoc eſt ab ipſo jure & præcepto divino. L. 7. cap. 16. Cùm, inquit, in petenda
 venia peccatum neceſſariò conſiteri oporteat, grave ac moleſtum ab initio jure
 meritò viſum fuit Sacerdotibus, tanquam in theatro, circumſtante totius Eccle-
 ſiæ multitudine, criminis ſua evulgare. Itaque ex Presbyteris aliquem, qui vi-
 ra integritate ſpectatiſſimus eſſet, & taciturnitate ac prudentia polleret, huic
 officio præfecerunt.

Dico 2. Socratem affirmare quidem inſtitutum Presbyterum Pœnitentia-
 rium occaſione Novatianorum, Ne ſcilicet, ait Bellarminus Lib. 3. de Pœnit.
 T. 3. p. cap. 14. Heretici illi Catholicos reprehendere poſſent, quòd nimis facile lapſos
 454. H. ad communionem admitterent; pariter eundem deſtitutum ob ſcandalum de
 quo loquitur: verùm non ait uſum confeſſionis tum primùm incepiſſe, aut
 deſiſſe. Namque Presbyter ille Pœnitentiarius deſtinatus ſolus non erat exci-
 piendis omnium Fidelium peccatis; quomodo enim par eſſe potuiſſet tanto
 ſuſtinendo oneri in tam numeroſa civitate? Igitur præſectus dumtaxat erat
 ille pœnitentibus publicis, & eo abrogato pœnitentium negotium ad eum ſta-
 tum revocatum eſt, in quo erat antea; id eſt, ad curam Episcoporum rediit,
 intacta & ſalva remanente praxi confitendi ſecretò aliis Presbyteris: multi
 quippe ad iſtud miniſterium erant deſtinati.

Ac primò quidem, Presbyterum illum pœnitentibus publicis, quorum cu-
 ram gerebat, præſectum fuiſſe, perſpicuum eſt, tum ex occaſione qua inſti-
 tutus

turus dicitur, nempe lapsorum in persecutione Deciana, quorum gravissimum delictum publica & acerbapœnitentia expiari solebat; tunc ex occasione qua depositus fuit, nempe scandali quod ortum est ex crimine mulieris cum Diacono, quod in notitiam populi venit, sive ex confessione zelo indiscreto publicè facta, sive ex pœnitentia ipsius publica: tunc quia pœnitentiz aut pœnitentium nomine simpliciter intelligunt Veteres, publicos pœnitentes. *Eum pœnitentem dicimus*, inquit Concilium Toletanum I. *qui post Baptismum, aut pro homicidio, aut pro diversis criminibus, gravissimis* T. 1. Conc. p. 1123. E. *que peccatis publicam pœnitentiam gerens, sub cilicio, divino fuerit reconciliatus altario.* Tunc denique quia ipse Sozomenus postquam narravit illud Nectarii factum, statim addit; in aliis Ecclesiis, Romana præsertim, retentum fuisse Presbyteri illius Pœnitentiarum officium; ac describit ritum agendi publicam pœnitentiam in Ecclesia Occidentali observari solitum.

Secundò, præter illum Pœnitentiarum excipiendis peccatis eorum qui ad publicam pœnitentiam damnati fuerant, præfectum, extitisse alios Presbyteros destinatos ad audiendas aliorum Fidelium confessiones, colligimus tunc ex facto Serapionis apud Eusebium L. 6. c. 44. Ille quippe morti proximus, curavit sibi advocari unum ex Presbyteris dispensationi Sacramentorum à Dionysio Alexandrino Episcopo præpositis, à quo posset & reconciliatio- nis & Eucharistia: beneficium percipere. Tunc ex Origene Hom. 2. in Psal. 37. ubi postquam dixit necesse esse confiteri Sacerdotibus peccata, cautè admonet, *circumspiciendum esse diligentius, cui peccata confitearis; probandum prius esse medicum cui languorem tuum exponas &c.* At nisi præter publicum illum & magnum Pœnitentiarum alii extitissent inferiores Sacerdotes, apud quos Christiani sua potuissent deponere peccata, quomodo dixisset Origenes, cautè seligendum esse Sacerdotem cui peccata confitearis? ubi enim unus supponitur tali officio destinatus, non amplius consilio & delectui locus relinquitur. Tunc denique quia S. Gregorius Nyssenus Epistola ad Letojum ait, *avaritia peccatum fuisse à Patribus prætermis- sum*, T. 1. p. 953. A. B. quod intelligi dumtaxat eo sensu potest, quod nullæ publicæ pœnitentia: in Canonibus decretæ sint propter avaritiæ peccatum: purgandum tamen illud fuisse per pœnitentiam, ac virtute clavium Ecclesiæ remittendum, solus negaverit Novatianus. Igitur præter publicam, erat & secreta pœnitentia, iudicio prudentis Sacerdotis determinanda; ergo præter illum Pœnitentiarum publicis pœnitentibus præfectum, erant alii Sacerdotes præpositi excipiendis ceterorum Fidelium peccatis.

Deposito itaque & abrogato Constantinopoli Pœnitentiarum, non sublatum propterea fuit confessionis secretæ usus; sed ad eum ipsum statum rediit res pœnitentiæ, in quo erat ante institutionem hujus Pœnitentiarum, hoc est ad Episcoporum curam.

Quid ergo, inquires, abrogavit Nectarius?

Resp. abrogasse Pœnitentiarum, ejusque munus & officium, cujus istæ partes erant. 1. morum sanctitati invigilare censoria quadam & publica auctoritate. 2. excipere depositiones testium, qui de patratore facinore reum accusabant: reum ad se vocare, cum testibus conferre &c. Officium illud designare videtur Origenes Lib. 3. contra Celsum, cum ait, *apud Christianos quosdam constitui ad inquirendum in vitam ac mores eorum qui ad sacra ac-* T. 2. p. 454. G.

Tournely de Sacram. Pœnitentiæ.

M

cedunt;

cedunt; ut si qui turpia perpetrant facinora, à publicis conventibus arceantur. 3. eorum omnium confessiones excipere, qui ex præscripto Canonum publicæ poenitentia subijci debent. 4. quædam designare peccata publicè castiganda. 5. præesse ejusmodi publicis poenitentibus, & observare diligenter, an quæ par est cura, poenitentia stadium decurrerent &c. Hoc itaque suppresso tribunali & munere extincto, non quidem confessio privata de medio sublata est, sed tantum obligatio subijciendi se huic publico Poenitentiarium, atque pro occultis peccatis publicam subeundi penam, prout ille jubebat aut consulebat. Poenitentiam enim publicam pro peccatis notoriis & publicis, omnino extinctam & abrogatam non fuisse per Nestarium in Ecclesia Orientali, demonstrari potest tum ex ipso S. Chrysostomo Nestarii successore Hom. 3. in Epistolam ad Ephesios, nona & duodecima ad Hebræos, aliisque in locis quæ fuscè enumerata auctor vitæ ipsius gallicè scriptæ Lib. 11. c. 17. & Dallæus L. 4. c. 32. Tum ex S. Nilo discipulo S. Chrysostomi, in Epistola ad Chariclum Presbyterum; tum ex Canone 87. Concilii Trullani, & ex Methodio apud Goarium pag. 890. &c.

Instabis 1. Poenitentiarius ille excipiebat secreta confessione non tantum publica, sed etiam occulta peccata eorum qui debitores erant poenitentia publicæ; ergo ex auctoritate illo Poenitentiario ejusque extincto munere, non amplius viguit obligatio confitendi peccata occulta.

Resp. nego consequentiam. Namque etsi Poenitentiario Sacerdoti tenerentur qui publicè poenitentes erant, sua tam occulta quam publica declarare peccata, (alias integra non fuisset confessio) non tamen solus erat præpositus excipiendis omnium Fidelium (eorum præsertim qui à lege publicæ poenitentia liberi erant) peccatis, sed multi ad id munus erant designati interiores alii Sacerdotes. Abrogato igitur munere Poenitentiarii, cessavit obligatio confitendi peccata, non quidem absolute & simpliciter, sed ea ipsi Poenitentiario publico confitendi, permanente semper ac pendente obligatione ea confitendi alicui ex aliis Presbyteris ab Episcopo huic muneri præfatis. Et verò post Nestarii decretum, superstitem remansisse in Ecclesia Græca confessionis privatæ usum, patet ex Libris Poenitentialibus Orientalium, præsertim Joannis Jejunatoris coætanei S. Gregorii Magni, Joannis Monachi, qui Basilii discipulus dicitur, Nicephori Cartophilaci, Simeonis Archiepiscopi Thessalonicensis, Gabrielis Philadelphie Metropolitæ: ex Arcudio, ex notis Goarii ad Enchologium Græcorum, & ex Leone Allatio Lib. 3. de consensu utriusque Ecclesiæ c. 9.

Instabis 2. Nulla fit à Socrate & Sozomeno mentio confessionis alicujus, quæ Poenitentiarii institutionem antecesserit: hanc tamen omittere non debuissent, si fuisset in usu.

Resp. argumentum istud negativum nullius esse ponderis, tum quia non postulabat scopus illorum Historicorum, ut agerent de confessione privata, sed tantum de institutione & abrogatione Poenitentiarii: tum quia iidem Historici non referunt post decretum Nestarii adhuc in usu remansisse publicam de peccatis publicis poenitentiam; neque tamen ex eorum silentio benè inferatur, talem usum in Ecclesia Constantinopolitana extinctum fuisse, vel ipso concedente Dallæo.

Secr. p.
465.

Instabis 3. Saltem Eudæmon qui consilium dedit Nestario de abrogando Poenitentiario

Pœni-

Penitentiario, ut consilium suum probaret ejusque levaret invidiam, innuere debuisset satis esse ad Fidelium correctionem, privatam confessionem, si revera in usu tunc fuisset: atqui hoc dixisse non legitur; ergo &c.

Resp. hanc instantiam eodem, cum priori, defectu ac vitio laborare; atque etiam ad versus auctorem suum Dallzum retorqueri. Neque enim Eudæmon ait superesse *penitentiam publicam* ex arbitrio Episcopi imponendam, sicut imponi solebat antequam crearetur Penitentiarius; & tamen unā cum confessione ipsi prævia supersisterem illam fuisse fatetur Dallæus.

Instabis 4. Referente Socrate L. 5. c. 19. Nectarius post abrogatum Penitentiarium *unicuique permisi pro arbitrio & pro animi sui conscientia ad Sacramentorum communionem accedere*. Ergo non obligabat lex privata confessionis. P. 270.
B.

Resp. nego consequentiam. His enim verbis excluditur quidem necessitas adeundi Presbyterum illum Penitentiarium post decretum Nectarii; at non excluditur necessitas secretæ confessionis. Scilicet penitentes, quibus præfatus erat ille Penitentiarius, ad participationem Eucharistiæ non admittebantur, nisi eo permittente ac consentiente: cum igitur sublatus ille fuit, potuit unusquisque penitens pro sua conscientia accedere ad sacram mentis, permanente semper obligatione subjiciendi se clavibus Ecclesiæ, & peccata sua confitendi Sacerdoti.

Instabis 5. Socrates Eudæmonem redarguit mali consilii, eo quod Christiani sua deinceps delicta non essent reprehensuri. Addit Sozomenus, majorem factam inde peccandi licentiam: *Nam antea, inquit, minora erant peccata, tum ob verecundiam eorum qui sua ipsi delicta enuntiabant, tum ob severitatem judicium, qui ad id erant constituti*. Atqui nisi abrogatus fuisset confessionis privatæ usus, his incommodis locus non patuisset. P. 277.
D.

Resp. nego min. Namque per privatam confessionem sua invicem delicta non coarguunt Christiani, ut omnes norunt; at verò ante abrogatum Penitentiarii munus, facile erat unicuique fratris sui scelera redarguere: nam coram tribunali Penitentiarii, divini simul & Ecclesiastici judicis, peccatores delatione, accusatione, & testimonio convicti ad penitentiam publicam cogeabantur, vel anathemate plectebantur; igitur Socrates de Eudæmone conquererebatur, quod publicam illam morum censuram abrogari voluisset: nec immerito addit Sozomenus, majorem ex abrogato Penitentiario factam esse ad peccandum licentiam; timore enim hujus publici censoris ac publicæ reprehensionis, velut freno quodam, à peccato cohibebantur Christiani.

Instabis denique: Ex concessis, Nectarius non abrogavit penitentiam publicam pro peccatis publicis, quæ in Ecclesia Constantinopolitana, sedente S. Chrysostomo, & in aliis Orientis Ecclesiis, etiam post decretum Nectarii in usu fuit: non abrogavit quoque confessionem publicam occultorum peccatorum, quia hæc nusquam ulla lege Ecclesiastica præcepta fuit, ut inferius ostendemus; sequitur ergo ut abrogaverit confessionem privatam.

Resp. nego consequentiam. Abrogavit enim munus Penitentiarii, ut jam dictum fuit; inta dis aliis, quæ vel ex præcepto divino, vel ex usu communi Ecclesiæ receptæ erant.

Obijces 2. cum Dallæo Lib. 4. cap. 25. varia S. Chrysostomi testimonia, quibus affirmare videtur sufficere confessionem soli Deo factam, nec opus

esse peccata sua Sacerdoti declarare. Ita praesertim Hom. 21. ad populum Antiochenum, nunc Catechesi 2. ad illuminandos. *Neque hoc tantum est admirabile, inquit, quod nobis peccata dimittat; Verum & quod ipsa non reveles, nec manifesta faciat; nec accedentes cogat in medio patrata edicere, sed sibi soli rationem reddere iubeat, & sibi confiteri.*

T. 1. p.
140. B.

Respondent doctissimi Cardinales Bellarminus, Baronius & Perronius, S. Chrysostomum alludere ad factum Nectarii, cuius fuit immediatus successor; atque citatis verbis excludere dumtaxat confessionem publicam, quam Nectarius simul cum officio Penitentiarii abrogaverat; non verò sacramentalem & privatam confessionem.

Responsionem hanc fugillat Dallæus L. 4. cap. 26. quia nempe Homilia illas Antiochiae in Syria pronuntiavit sanctus Doctor, cùm adhuc vel Diaconus, vel Sacerdos tantum esset, non verò Constantinopoli in Thracia, cujus Sedem non occupavit nisi post Nectarium, anno scilicet 397. vel 398. Anno enim 381. ad illam Sedem promotus fuerat Nectarius, quam cùm per annos sexdecim tenuisset, anno 397. diem extremum obiit, & eodem vel sequenti anno in ejus locum consecratus est S. Chrysostomus. Non potuit igitur, ait Dallæus, alludere in citata Homilia ad factum Nectarii.

P. 2. 6.
B.

Verum, etsi concedamus citatam Homiliam à S. Chrysostomo pronuntiatam fuisse Antiochiae antequam creatus esset Episcopus, non tamen rectè ostendit Dallæus, non potuisse S. Doctorem alludere ad factum Nectarii. Cùm enim incertum planè sit quo anno Episcopatus sui Nectarius Penitentiarium abrogaverit, & aliunde Sozomenus observet Lib. 7. cap. 76. omnes ferè Orientis Episcopos exemplum Nectarii secutos esse, quidni conicere meritò possumus, Flavianum Episcopum Antiochenum Penitentiarium ejusque officium in sua quoque Ecclesia abrogasse; atque S. Chrysostomum à Flaviano in Sacerdotem ordinatum, appositè ad hanc immutationem factam dixisse, soli Deo confessionem esse faciendam, non per exclusionem secretæ, sed publicæ dumtaxat confessionis, aut saltem obligationis se subiiciendi Presbytero Penitentiario? Quidquid ergo sit de illa doctissimorum Cardinalium responsione, à Dallæo certè malè refellitur.

P. 2. 13.
B.

Respondent alii, & quidem ad locum unde petitur Obiectio magis aptè & accommodatè, S. Doctorem verba facere ad illuminandos seu baptizandos, quibus sufficit si coram Deo sua agnoscant peccata, ac spem firmam habeant in divinam clementiam, quæ per Baptismum omnia & singula peccata ipsius dimittit. De iisdem qui ad Baptismum accedunt Tertull. Lib. de Baptismo cap. 20. dicebat, *gratulandum esse, si non publicè consteantur iniquitates aut surpindines suas.* Neque enim lege confessionis Sacerdoti faciendæ tenentur, qui Baptismum percipiunt; sed ii dumtaxat, qui post Baptismum peccarunt.

Instabis: Atqui in aliis locis quamplurimis, quibus certum est S. Doctorem alloqui baptizatos, confessionem soli Deo, per exclusionem Sacerdotis, factam sufficere non rarò affirmat.

T. 1. p.
490. D.

Homilia 30. sive 5. de incomprehensibili Dei natura, *Non te in theatrum, inquit, conservorum tuorum duco, neque hominibus peccata revelare cogo; consensientiam tuam expande coram Deo, ostende ipsi vulnera, & ab eodem medicamenta postula . . . Dic igitur, ut id lucro tibi sit: dic, ut illis hæc depositis, illo*

illo adeas purus, & à delictis vacuus, & ab intoleranda promulgatione illa libereris.

Hom. 56. quæ est 8. nunc 6. de Poenitentia, exponens ista S. Pauli verba, *Probet autem seipsum homo, & sic de pane illo comodat, sic loquitur: Non revelavit uicis, non in commune theatrum accusationem produxit, non delictorum testes statuit, intus in conscientia astante nemine, præter eum quicum illa videt.* T. 1. p. 126. A.

Hom. 57. seu 9. nunc 3. de Poenitentia. Deo soli, inquit, dic peccatum tuum... & dimittitur tibi peccatum. Mid. p. 300. C.

Hom. 2. in Psal. 50. nunc inter spurias rejecta. Peccata tua, inquit, ipse commemorat, ut ea delectet. At pudet te peccata confiteri? Dic ea quotidie in oratione. Nam dico ut ea confesso exponas, qui te probis impetis? Dic Deo, qui tuis medetur. T. 1. p. 589. A.

Denique, ut alia multa ejusdem ordinis prætermittam, Hom. 4. in Lazarum, Nihil, inquit, tam exitiale peccato, quam peccati accusatio & condemnatio, cum penitendæ tachrymisque contritio. Condemnasti tuum peccatum 3. deposuisti sarcinam . . . cur igitur te, quæso, pudet, & erubescis dicere peccata tua? Num enim homini, dicis, ut te probro officias? Num enim confesso confiteris, ut in publicum prostratus? Imò verò es qui Dominus es, et qui tui curam geris, ei qui humanus es, ei qui medicus es, ostendis vulnera. T. 1. p. 757. A.

Resp. nego ane Ad probationem distinguo: soli Deo facienda est confessio, per exclusionem confessionis publicæ palam & coram omnibus faciendæ, concedo: soli Deo per exclusionem sacerdotis in secreto aperiuntur peccata, iterum distinguo: soli Deo tanquam auctori primario remissionis peccatorum, cujus nomine Sacerdos agit, concedo: soli Deo per exclusionem ministris sacerdotalis, nego. Duplicitateque potissimum sensu dixit sanctus Chrysostomus, soli Deo, non homini aperienda esse peccata.

Primò, quia publicè non sunt declaranda, tanquam in theatro, inquit, nec ei, qui ea palam exprobrat, & probis impetis; publicam ergo dumtaxat confessionem rejicit, non privatam & secretam. Non aliam esse S. Doctoris mentem apertam est ex verbis citatis Hom. 30. 46. secunda in Psal. 50. & quartæ in Lazarum. Oculis S. Doctoris, cum hæc scribebat, recens Nectarii factum, atque memore scandali, quod ex indiscreta mulieris confessione ortum fuerat, soli Deo peccata confitenda esse dicit, exclusâ scilicet publica, non verò secreta confessione, ex qua natum omnino penitenti opprobrium aut detrimentum timendum est.

Secundò, soli Deo confessio fieri dicitur à S. Chrysostomo, tum quia Sacerdos, non suo, sed Christi, cujus minister est, nomine, eam excipit, veniamque peccatorum dispensat; tum quia quoad secretum & taciturnitatem attinet, perinde est ac si soli Deo intra conscientie arcana ferret: atque inde sicut apud Veteres confessio aliquando dicebatur fieri soli Deo, aliquando Deo & Sacerdoti ita in formula confessionis S. Fulgentii, apud Menardum in notis ad Librum Sacramentorum S. Gregorii p. 25. penitens modò Deo, modò Sacerdoti dicitur confiteri; & S. Leo Epistola 136. alias 80. Sufficit, inquit, confessio illa qua primum Deo offertur, tum etiam Sacerdoti. Et Sacerdotes Græci accedentes ad se penitentes sic alloquuntur apud Goz- T. 1. p. 719.

Tournely de Sacram. Poenitentia.

M 2

enim

enim mihi, sed Deo, coram quo stas, peccata tua enuntias. Similia ferè leguntur in libello poenitentiali Joannis Jejunatoris Patriarchæ Constantinopolitani, apud Morinum ad calcem Operis de Poenitentia, pag. 78. Cum igitur S. Chrysostomus ait soli Deo declaranda esse peccata; nec Sacerdotis ministerium excludit, nec secretam poenitentium confessionem: sicut quando affirmat sapius, Deum solum remittere peccata; proculdubio nec Baptismi aliaque Sacramenta, nec Ecclesiæ ministerium removet.

His adde, S. Doctoris institutum in aliquibus ex citatis locis non postulasse, ut ageret de confessione sacramentali Sacerdoti faciendâ. Sic Hom. 5. de Penit. adhortatur Fideles ut de se modeste ac demisse sentiant; non extollantur superbe; sicut Phariseus ille de quo Lucæ 18. adeoque sua ultro agnoscant & fateantur peccata.

Hom. 8. de Penit. & 2. in Psalm. 50. ait de quotidiano conscientia examine, quo quis omnes cordis sui recessus nullo tulle explorans, sua omnia delicta coram Deo cum dolore agnoscat ac fateatur, & ipsum, juxta præceptum Apostoli probat. An propterea excludit confessionem Sacerdoti faciendam? minime. An necesse fuit ut in his locis illius mentionem faceret? Quasi verò toties illa commemoranda foret, quoties vel de peccatis, vel de examine conscientia, vel de humilitate christiana aliisque pietatis ac religionis officiis sermo instituitur? Argumenta igitur hæc negativa Dalleti prolixius infirma sunt.

Objicies 3. S. Basilii in Psalm. 37. asserit, exemplo Davidis satis esse si peccator Deo soli peccata sua conteatur.

Resp. dist. ant. in veteri Lege, in qua lex confessionis sacramentalis nondum instituta erat, concedo: innova, nego. Quod verò S. Basilii loquatur de veteri Lege, vel ipsum exemplum Davidis, quem eò loci inducit loquentem, aperte demonstrat.

Objicies 4. S. Gregorius Nyssenus Epistola ad Letoium, ait avaritiæ peccata fuisse à Patribus prætermissa: at, inquit Dalletus, qua ratione id potuisset asserere; si vigisset privata confessio & poenitentia?

Resp. avaritiæ peccata eo sensu à Patribus fuisse prætermissa, quòd nulla publicæ & canonicæ poenæ decreta adversus illa legantur: loqui enim S. Doctorem in Epistola de poenis publicis & canonicis; vel ipsi tollere esse possunt legentium oculi, cum verò dubium non sit avaritiæ peccatum mortale esse; dubium quoque esse non potest, quin privata confessio & poenitentia castigatum sit ab Ecclesia, cujus clavibus subjici debet omne peccatum mortale.

Objicies 5. Origenes Hom. 2. in Leviticum, postquam enumeravit multa veteris Legis sacrificia pro expiandis peccatis, statim inducit aliquos ex auditoribus objicientes: *Melius agebatur cum antiquis, quam nobiscum, ubi oblati diversi ritus sacrificii, peccantibus venia præstatur.* Apud nos uno tantum modo venia est peccatorum, qua per lavacri gratiam in initiis datur. Nulla post hæc peccanti misericordia, nec venia ulla conceditur. At, inquit Dalletus, si nota fuisset Origeni lex & virtus confessionis sacramentalis, quomodo sic objicientes induxisset; aut saltem quomodo eorum non confutasset?

Resp. 1. eos qui apud Origenem sic objiciunt, Montanistarum erroris fugigine tinctos esse, qui peccata mortalia post Baptismum commissa non posse

ab Ecclesia dimitti sentiebant. 2. falsum planè esse quod supponit Objectionis, nempe Origenem ejusmodi homines non confutasse. In ea enim ipsa Homilia citata, inter varios modos quibus in Lege Christi venia peccatorum obtinetur, expressè meminit penitentiae & confessionis quae fit Sacerdoti. *Est, inquit, adhuc septima, licet dura & laboriosa, per penitentiam remissio peccatorum, cum lavat peccator in lacrymis stratum suum . . . & cum non erubescit Sacerdoti Domini indicare peccatum suum.* ib. p. 68. G.

Obijcies 6. Multi ex SS. Patribus affirmant, per contritionem, nulla prorsus facta mentione oralis & sacramentalis confessionis, peccata dimitti. Ita SS. Hilarius in Psal. 51. Basilii in Psal. 57. Ambrosius Lib. 16. in Lucam cap. 22. Maximus Taurinensis Hom. 5. de poenitentia Petri, Augustinus in Psal. 31. &c.

Resp. sanctos illos Patres loqui de contritione perfecta, cujus hæc virtus est, ut peccata deleat, sicut nos supra Qu. 4. Art. 2. docuimus. In hac vero contritione includi votum seu desiderium confessionis sacramentalis, post institutionem ejus à Christo factam, affirmat Concilium Trid. Sess. 14. cap. 4. cujus verba laudavimus ejusdem Questionis 4. Art. 4. Neque mirum Dallæo videri debet, quod mox appellati Ecclesie Doctores confessionis oralis & sacramentalis mentionem his in locis non fecerint: non postulabat enim eorum institutum, siquidem de poenitentia Davidis & S. Petri verba faciunt, quibus illa confessio necessaria non fuit, cum instituta non esset.

Obijcies 7. Nulla primis sæculis lege adstricti leguntur Fideles ad sua Sacerdotibus confitenda peccata, priusquam ad sacram mensam accederent: quod probat Dallæus.

I. Quia initio nascentis Ecclesie Christiani omnes, ex Catechismo Concilii Tridentini, quotidie sacre mensæ participes erant, & cum his temporibus paucissimi essent ministri, nemo sibi fingere potest singulos peccata sua confiteri solitos ante perceptionem Eucharistiae.

II. Quia S. Cornelius apud Euseb. L. 6. Hist. c. 43. narrat de Novatiano, illum singulos ad Eucharistiam accedentes, eorum manibus apprehensis sibi sacramento obstrinxisse his verbis: *Jura mihi per corpus & sanguinem Domini nostri Jesu Christi, te nunquam meas partes deserturum, nec ad Cornelium reversurum.* At si mos tunc fuisset Fideles privatim Sacerdotibus confiteri, facile fuisset secretò juramentum hoc extorquere. P. 145.

III. SS. Clemens Alexandrinus L. 1. Stromatum, Chrysostomus Hom. de jejunio sive 8. de Penit. Origenes Tomo 28. in Joan. & alii non pauci, unumquemque permittunt sine conscientie ut accedat ad Eucharistiam.

IV. Quia vel ipsi Patres Concilii Cabillonensis anni 813. cum de prævia ad Eucharistiam dispositione loquuntur, nullam prorsus faciunt sacramentalis confessionis mentionem, ut videre est ex Can. 46. cujus titulus est, *De discretionem adhibenda in perceptione Eucharistiae.* Tom. 2.
Cm. p.
118. E.

Resp. nego ant. Lex enim illa continetur & in institutione Penitentiae, & in hoc Apostoli mandato, *Probes autem scriptum homo, & sic de pane illo vobis.* Nec verò est quod Dallæus, aut exempla, aut expressa testimonia trium priorum sæculorum, confessionis præmissæ participationi Eucharistiae à nobis tam morose possulet: namque etsi exempla desicent, an idcirco dogma ipsum negandum? Non extant frequentia exempla Baptismi infantibus tribus

primis seculis dati; an negaret Dallæus, baptisandos esse infantes? Non extant pariter frequentia exempla Baptismi per unicam asperisionem dati; an idcirco nullum esse dicet? non puto. In iis igitur rebus quæ usu quotidiano tenentur & observantur, nec exempla, nec tam expressa Scriptorum testimonia morose debent exigi, quia satis cognita sunt, nec ea referri necesse videtur. Adde, quod primi Christiani attentius magis & occupatius forent sanguine suo defendenda & propaganda Religioni, quam scripto consignandis omnibus pietatis & fidei Christianæ officiis quæ usurpabant.

Ad primam probationem: Cum lex confessionis eos tantum obstringat qualicunque mortalis peccati sibi consilii sunt, mirum non est quod primi Fideles, qui tam sanctam & innocentem ducebant vitam, non legantur ad remedium confessionis toties confugisse, quoties ad sacram mensam accedebant.

Ad secundam: Gratis fingit Dallæus, id facturum fuisse Novatianum quod fuisset honestius & a scandalo remotius: qui projectam hominis illius audaciam noverit ex ejus factis, sic in ejus gratiam non ariolabitur. Deinde & juramentum sic exigendo, fecit quod ad rem suam erat securus: nam ita majus erat vinculum, quo illos sibi obstringebat, jurisjurandi nempe in ipsa Eucharistiæ perceptione palam editi; ejus & religio major, ob mysteriorum sanctitatem; & obligatio solemnior, ob conventus frequentiam esset.

Ad tertiam: Citati scriptores unumquemque Fidelium conscientie suæ permittunt, quantum ad examen & judicium de animæ suæ statu, de præparatione suâ, vel indignitate ad percipiendam Eucharistiam; non verò quantum ad officium expiandi delicta sua ante communionem, independentem à ministerio Sacerdotum, quibus noverant concessam à Christo dimittendi peccata auctoritatem.

Ad quartam: Non meminit quidem expressè eo in Canone confessionis sacramentalis Concilium Cabiltonense, eam tamen indicasse videtur *nomen purificationis animæ*, quam Eucharistiæ docet esse præmittendam: & aliunde Can. 33. cujus titulus est, *Quid Deo & Sacerdoti confitenda sint peccata*, confessionis usum receptum significat; quamquam observat ea ipsa ætate fuisse ab aliquibus impugnata ejus necessitatem.

Th. 7.
Croc. p.
1179. A

Obijcies 8. Venerabilis Bedæ, qui octavo floruit Ecclesiæ seculo, non agnovit necessariam pro omnibus omnino mortalibus peccatis expiandis confessionem Sacerdotibus factam: Libro enim 5. in Lucam cap. 69. docet non alios Fideles debere confiteri Sacerdoti, quam qui læpre spiritualis immunditia laborant: hoc est, vel hæretica pravitare, vel judaica perfidia, vel superstitutione gentili, vel etiam schismate fraterno: cætera autem vitia Sacerdotis absolutione non egere.

Tom. 5.
Opus. p.
411.

Resp. mentem Venerabilis Bedæ esse, ut qui mox dictis vitiis sunt infecti, debeant ad Ecclesiam redire, atque palam & publicè ejuratis erroribus, vel suscepto Baptismate, vel schismate abdicato, testentur se fidei & unitati Ecclesiæ adhærere publica professione & Sacramentorum communione: Cætera verò crimina, inquit, Dominus per se ipsum interius, in conscientia sanat & corrigit: non quod Penitentia Sacramento, confessione & absolutione sacerdotali non egeant, sed quod solemniori receptione in Ecclesiam admitti necesse non sit eos qui cætera peccata commiserint; excludit ergo Bedæ non

Beza. ad.

non secretam poenitentiam, confessionem & correptionem, sed publicam. Hunc esse illius sensum colligi potest ex citato ipso loco, ubi observat S. Paulum, audita Domini voce, ad Ananiam esse missum, ubi illo, inquit, *Sacerdotio, quod in Ecclesia constitutum est, Sacramentum doctrinae fidei perciperet, & verus eius approbaretur color. Non quia non potest percipere Dominus omnia facere... sed ut ipsa societas congregatorum fidelium approbando in invicem atque communicando vera fidei doctrinam, in omnibus quae dicuntur verbis, vel signantur Sacramentis, tanquam unam speciem veri coloris obducatur.* 1bid. p. 104.

Quod verò Bedae usum & necessitatem confessionis Sacerdoti faciendae agnoverit, patet ex ipsius Commentario in Epistolam S. Jacobi, ad ista verba, *Confitemini alterutrum peccata vestra. In hac, inquit, sententia debet esse discretio, ut quotidiana levissimaque peccata alterutrum coequalibus confiteamur eorumque quotidiana credamus oratione salvari. Porro gravioris lepra immunditiam iuxta legem Sacerdoti pandamus, atque ad eius arbitrium qualiter & quanto tempore iusserit, purificari curemus. Adde Librum poenitentialem ipsius Bedae, qui refertur in fine Tomi 8. eius Operum, ubi Sacerdotes monet quanta cum discretione & prudentia agere debeant cum poenitentibus, audita peccatorum gravitate & varietate.* 1bid. p. 950. n. 50.

Obijciunt: Arcana confessio solet passim apud recentiores auctores Latinos recenseri inter quotidianos pietatis & religionis actus; apud Veteres nunquam. Solent pariter omnes Fideles, cum graviter agrotant, peccata confiteri Sacerdoti; de veteribus Fidelibus nihil tale legitur, quamquam habeamus descriptam in veteribus monumentis vitam & mortem multorum Sanctorum.

Quin in multis differt confessio hodierna, ab ea quae nono etiam saeculo ab aliquibus observabatur.

I. Persuasum erat tunc temporis, confessionem soli Deo factam sufficere. Ita sensisse multos, testantur Alcuinus Epistola 71. Haymo Halberstatis in Evangelia, Dominica 15. post Pentecosten & Concilium Cabilonense II. an. 813. Can. 33. quos gravi censura non perstringunt. Notat idem Concilium, eos qui confessionem Sacerdoti factam admittebant, non tamen existimasse omnia peccata in ea esse aperienda: imò vel ipsi huius Concilii Patres eodem Canone affirmant, *confessionem quae Deo fit, purgare quidem peccata; tam verò quae fit Sacerdoti, docere qualiter ipsa purgentur peccata:* & Can. 32. octo solum enumerant vitiiorum species, de quibus interrogantur Fideles. Tom. 7. Conc. p. 1279. n. 1bid. p. 1278. R.

II. In antiquis Libris poenitentialibus & Ritualibus sacramentariis noni saeculi & praecedentium temporum, non legimus Sacerdotem poenitentes à peccatis absolvisse, & pronuntiasse verba ista, quae hodie solemnia sunt, *Ego te absolvo à peccatis tuis*; sed humili prece ac supplicatione veniam ipsis à Domino poscebat. Imò & ex S. Thoma Opusculo 22. discimus, quemdam Doctorem hac de re cum eo contendisse & affirmasse, formam absolutionis esse deprecatoriam, & vix ab annis 30. formam illam absolutam inductam fuisse & usurpata.

III. Etiam post nonum saeculum usque ad decimum tertium, plures Catholici scripserunt confessionem soli Deo factam, ad obtinendam veniam peccatorum sufficere.

Ita Magister Sententiarum L. 4. dist. 17. litt. C. ubi proposita hac questione,

DECRETUM

utrum sufficiat peccata confiteri soli Deo, an verò oporteat confiteri & Sacerdoti, sic itatim ait: *Quibusdam visum est sufficere, si soli Deo fiat confessio, sine iudicio sacerdotali & confessione Ecclesiae. Et mox eorum fundamenta exponit, tum addit: Hic auctoritatibus inniuntur: Dicunt enim, quod si quis timens delegit culpam suam apud homines, ne inde opprobrio habeatur, vel alii sui exemplo ad peccandum accingantur, & ideo tacet homini, & revelat Deo, consequitur veniam.*

Gratianus pariter Decreti 2. part. dist. 1. de Pœnit. causa 33. quæst. 3. occasione mulieris quæ crimen suum Deo tantum confessa dicebatur, quærit, an sola confessione cordis crimen deleri possit. Utrum, inquit, sola cordis contritione & secreta satisfactio, absque oris confessione, quisquam possit Deo satisfacere. Duas, quæ tunc vigeant, opiniones refert: alii quippe asserunt, alii verò negabant sola confessione cordis sine oris confessione Sacerdoti facta, peccata deleri posse. Exponis & aqua lance librat sine inde momenti, nihil pronuntiat, sed lectori reservat iudicium. Quibus auctoritatibus, inquit, vel quibus rationum firmitudinibus utraque sententia innuitur, breviter exposuimus: cui autem harum potius adhaerendum sit, lectoris iudicio reservatur; utraque enim fautores habet sapientes & religiosos viros. Unde Theodorus Cantuariensis Episcopus ait in Pœnitentiâ suo: Quidam Deo solummodo confiteri debere peccata dicunt (ut Graci); quidam verò Sacerdotibus (ut tota forè sancta Ecclesia). Quod utrumque non sine magno fructu sit intra sanctam Ecclesiam; ita dumtaxat ut Deo, qui remissor est peccatorum, peccata nostra confiteamur; & hoc perfectiorum est. . . . sed tamen Apostoli institutio nobis sequenda est, ut confiteamur alternitum peccata nostra. . . . Confessio itaque quæ soli Deo fit (quod est iustorum) peccata purgat; ea verò quæ Sacerdoti fit, docet qualiter ipsa purgentur peccata. Deus namque solutus & sanctificatus auctor . . . plerumque hæc præbet . . . inexcusabili administratione; plerumque medicorum operatione.

Sed & post tempora Innocentii III. auctores Decretalis, Omnis utriusque sexus, in Concilio Lateranensi an. 1215. Semeca Glossator Gratiani in titulum de Pœnit. dist. 2. ait, melius dici confessionem institutam fuisse à quadam universali Ecclesie traditione, potius quam ex iis & veteris Testamenti auctoritate.

In eandem sententiam venit Michael Bononiensis, qui floruit an. 1378. sub Urbano VI. & Minister fuerat generalis Carmelitarum, in Psal. 39. ubi scribit, confessionem ad obtinendam veniam peccatorum necessariam non esse. Denique Petrus Oxoniensis Theologus Salernitanensis idem asseruit.

Resp. istas Dallsæ observationes, quæ argumento negativo nituntur, levioris esse momenti. Ex responsione ad superiorem Objectionem patet, cur non tam frequens occurrat apud Veteres confessionis Fidelium mentio, sive in decursu vitæ, sive in mortis periculo: quamquam usum illum in articulo mortis clare designent & S. Ambrosius in Exhortatione ad poenitentiam, cum ait debere homines à vitiiis se continere, quia nesciunt si poterunt consistere Deo & Sacerdoti; & S. Augustinus Epistola 228. aliis 180. ubi loquens de tempore persecutionis, adeoque gravissimi mortis periculi, ait magnum fieri ab utroque sexu & ab omni ætate concursum; aliis Baptisimum flagitantibus, aliis reconciliationem, aliis poenitentia ipsius actionem. Atqui tam

men si omnes qui reconciliationem postulabant, publici non erant poenitentes, neque enim omnis aetas & sexus poenitentia publicæ capax erat, ergo deprivata perinde ac de publica reconciliatione loquitur sanctus Doctor.

Ad primum: Non negamus aliquos identidem extitisse, qui necessitatem confessionis Sacerdoti faciendæ in dubium revocaverint; sed an inde veritas dogmatis Catholici detrimenti aliquid pati potest? minime profecto: veritas enim semper una est & immutabilis, cui nemo potest præscribere, non spatia temporum, non intervalla locorum, non privilegia personarum. Errant ergo illi, quod humanum est; at si nota hæreseos, quia nondum Ecclesia quæstionem hanc clarè & expressè definierat: unde et si ab aliis passim Orthodoxis resellantur, non tamen ut Hæretici ab illis habentur, aut duriori censuræ nota perstringuntur. Et verò vel ipsi noni sæculi Scriptores citati, Aleuinus, Hayno, Patres Concilii Cabillonensis, usum & necessitatem confessionis suo tempore receptæ agnoscunt & probant.

Quid ad Cabillonense Concilium reponi debeat, diximus initio hujus disputationis.

Ad secundum: Varietas illa verborum, quibus absolutio olim data est; sive mutatio formulæ deprecatoria in indicativam, nullum omnino induxit discrimen inter confessionem hodiernam, & eam quæ nono sæculo erat in Ecclesia solennis, quia sub utraque forma eadem retinetur fides: Græci v.g. utuntur adhuc forma deprecatoria; & quidem valida & legitima.

Ad tertium: Jam agnovimus à nonnullis, ætate Magistri, impugnata fuisse confessionis necessitatem; verum à cæteris Theologis repressi illi fuerunt, ab ipso imprimis Magistro, qui expressè ostendit non sufficere soli Deo confiteri. Citata distinctione 17. litt. D. *Ex his aliisque pluribus*, inquit, *indubitanter ostenditur, oportere Deo primum, & deinde Sacerdoti offerre confessionem; nec aliter posse perveniri ad ingressum paradisi, si adsit facultas.*

Verba
Magistri.

Ad Gratianum.

Respondent 1. nonnulli, auctoritatem Gratiani non tanti esse ponderis, ut in re facti, testimonium ejus præponderare debeat. 1. quia sine delectu multa interdum ex SS. Patribus testimonia ultro citroque, & pro affirmante & pro negante sententia profert. Exemplo sit S. Ambrosius, quem aliquando pro necessitate confessionis, aliquando contra necessitatem illam, commemorat. 2. illi sapientes ac religiosi viri, quos Gratianus innuit ad versatos fuisse necessitati confessionis, vel illi ipsi sunt SS. Patres, quorum nulla profert testimonia; vel Scriptores hæretici: Si primos intellexit, graviter deceptus est, nec eorum mentem satis est assecutus: errori locum fortè dedit, quod in fragmentis quibusdam seu Canonibus excerptis, ut falso putabat, ex Penitentiali Theodori Cantuariensis; legisset: *Quidam Deo solummodo confiteri debere peccata dicunt, ut Græci*, at postrema ista verba non extant in prædicto libello penitentiali. Si verò per sapientes illos ac religiosos viros, intellexit Gratianus fuisse Scriptores; vel obscuri illi sunt ac nullius nominis, qualis fuit Guillelmus ille adversus quem scripsit Godefridus Abbas Vindocinensis, qui anno circiter 1130. annis novemdecim ante Gratianum obiit: tales ad versarios non audimus. Vel Scriptores illi non in aliquod ac laudem habent in Ecclesia; & contendimus immeritò pro fus eos numerari inter adversarios necessitatis confessionis sacramentalis, quam strenuè

nuè ac constanter asseruerunt, ut Godefridus, Petrus Damiani, S. Bernardus, Petrus Cluniacensis, Hugo & Richardus Victorini, Magister Sententiarum &c.

Respondent 1. alii cum SS. Thoma, Bonaventura & Antonino, mirum videri non debere, si huius ætatis (Gratiani) Scriptores aliqui necessitati confessionis aduersati fuissent, cum ab Ecclesia nondum solemniter decreto definita fuisset.

Respondent 3. multi, & quidem aptius, Gratianum non de precepto, seu necessitate confessionis loqui, sed de ipsius efficacia, seu effectu, an nempe peccata dimitteret, vel supponeret dimissa per contritionem. Duplex scilicet hic questio est circa confessionem: una inter Catholicos & Hæreticos, an necessaria sit iure ac precepto divino; hanc non attingit Gratianus; altera inter Theologos tunc temporis agitata, spectat effectum seu vim & efficaciam confessionis, an scilicet peccata dimittat, vel jam per contritionem dimissa supponat. Observavimus antea, per vulgatam illa ætate fuisse Magistrum & aliorum sententiam, qui perfectam ex charitate contritionem Penitentia prætere debere contendebant, adeoque prius hominem Deo reconciliatum esse, quam confiteretur & Sacramentum adiu perciperet: Illa ipsa est postrema opinio de qua loquitur Gratianus loco citato, ut aperte constat cum ex ipso met titulo questionis, *An sola contritio cordis, absque oris confessione quisquam possit Deo satisfacere*: tum ex testimoniis Scripturæ quibus utitur, & exemplis quæ laudat, leprosi, qui mundatus fuit, antequam se Sacerdoti ostendisset; Lazarus, quidam vitam revocatus est, antequam à discipulis solutus fuisset; Abrahami, qui iussu erat ante Circumcisionem; tum denique ex his quæ Gratianus insert ex testimoniis SS. Patrum quæ protulit: *Ecce clarum constat*, inquit *cordis contritio, non oris confessione peccata dimittit*. Rursus... *Ostendens*, inquit, *in contritione cordis non in confessione oris peccata dimittit*. Iterum: *Ex quo datur intelligi quod, antequam Sacerdotibus peccata nostra confiteamur, à lepra peccati mundamur*. Denique: *Potest*, inquit, *quid antequam quisque confiteatur peccatum, per gratiam internæ compunctionis absolatur*.

Ibid. Quantum verò ad Glossatorem Gratiani, respondeo tanti non esse ejus auctoritatem, ut ea moveamur: in plerisque lapsus ille fuit, & idcirco emendandus & corrigendus, sicut admonent Editores Gratiani in præfatione. Petrus verò de Osma ob isum errorem à Sixto IV. damnatus est. an. 1478.

Proponuntur & solvuntur nonnullæ questiones circa obligationem

confitendi peccata ex iure ac precepto divino.

Quæres 1. quomodo obstringat divinum confessionis faciendæ mandatum.

Resp. omnes adultos qui post Baptismum in mortale aliquod peccatum lapsi sunt.

Ratio est, quia eos dimittat obstringit mandatum confessionis, qui solvi possunt vel ligari ab Ecclesia: atqui soli adulti baptisati qui post Baptismum lapsi sunt in aliquod mortale peccatum, solvi possunt, vel ligari ab Ecclesia. 1. soli adulti baptisati, quia in Infideles nondum baptisatos nihil juris habet Ecclesia: unde confessio illa peccatorum quæ à Catechumenis ad Baptismum accedentibus aliquando facta legitur, nec sacramentalis erat, nec distincta & absolute necessaria singulorum peccatorum enu-

merat.

meratio; sed generalis dumtaxat, libera, ad Baptismi gratiam percipiendam preparatoria. 2. soli adulti lapsi post Baptismum in aliquod mortale peccatum, obstringuntur lege confessionis; quia solum mortale peccatum est materia necessaria confessionis: peccata siquidem venialia aliis remediis expiari possunt & remitti.

Quæres 2. quo tempore obliget divinum confessionis præceptum, vel per se, vel per accidens.

Resp. 1. præceptum illud non obligare per se statim à perpetrato peccato. Ratio est, quia præcepta affirmativa non obligant pro omni omnino tempore: inde est quòd Ecclesiasticum confessionis præceptum, quod est determinatio divini, quoad tempus, non obstringit nisi semel in anno. Et verò major non potest esse obligatio confessionis post commissum peccatum, quam contritionis: atqui, ex dictis antea, præceptum contritionis non obligat statim ab ipso patrato peccato. Per accidens tamen, ratione alterius, obligat lex confessionis, eos nimirum qui vel Missam celebrare, vel ad sacram mensam accedere volunt.

Resp. 2. præceptum divinum confessionis per se obligare, ubi probabile est periculum mortis. Ratio est, quia vel nunquam obligat, quod certè erroneum foret asserere; vel saltem in articulo mortis, quo præsertim tempore tenetur quilibet salutis animæ suæ curam gerere.

Dixi, si probabile sit mortis periculum: in levioribus enim morbis, ex quibus nullum timeri prudenter potest periculum mortis, non videtur urgere præceptum illud.

Inde sapienter cautum est SS. Pontificum Decretis, ut cùm medici ad curam morborum corporis advocantur, debeant prius ægros monere de confessione facienda, quam se ad morbi curationem accingant. Ita Innocentius III. in Concilio Lateranensi IV. an. 1215. S. Pius V. in Bulla, *Supergremio*, ubi prohibet medicis visitare infirmum tertia die, nisi confiteatur, aut confessionem differat ex consilio Sacerdotis; vetatque eos ad Doctoratum admitti, nisi solemniter jurent se id servaturos. Clemens V. in Concilio Ravennatenensi II. anno 1311. Rubrica 15. Has Constitutiones renovarunt S. Carolus Borromæus in I. Concilio Mediolanensi an. 1500. Constitutionum parte 2. Concilium Bituricense an. 1584. titulo 21. de Pœnitentia & ejus partibus Can. 14. Concilium Aquisense anno 1585.

Quæres 3. utrum in mortis periculo constitutus, qui post diligens examen suæ conscientie cognoscit se aliquorum dumtaxat peccatorum venialium reum esse, teneatur ea confiteri Sacerdoti.

Resp. non teneri per se & absolute, quia sunt alia remedia pro peccatis venialibus: teneri tamen per accidens. 1. ratione scandalii, quod oriri inde posset. 2. ad vitandum peccatum presumptionis. 3. ne seipsum decipiat, nimium sibi blandiendo: tùm quia peccata quæ venialia putat, forsan mortalia sunt, quorum discretio pertinet ad Sacerdotem; tùm quia optima est & praxi Sanctorum confirmata consuetudo, confitendi venialia peccata; tùm quia per Sacramentum Pœnitentie uberiora impetrantur gratiæ auxilia.

Quæres 4. utrum extra probabile mortis periculum per se obliget confessionis præceptum.

Resp. affirmative: tùm quia positiva & affirmativa præcepta non tantùm obli-

obligant in extrema necessitate, sed etiam cum probabiliter iudicatur eorum observatio necessaria. At etiam extra mortis periculum necessaria iudicatur confessio sacramentalis peccatorum: neque enim verisimile videtur, Christum Dominum voluisse ut lex confessionis obstringant in solo mortis articulo; finis enim illius est, ut homo in gratiam redeat cum Deo à quo recessit per mortale peccatum: at cum saepius contingat hominem mortaliter peccare, & periculum indurationis in malum timeri debeat, si diu perseveret in affectu mortalis peccati, hinc certò colligi videtur saepius in vita obligare confessionis præceptum. Ecclesiæ lege ac mandato quotannis semel facienda illa est: an verò saepius etiam in anno, & quoties iudicabit vir prudens & pius.

Quæres. utrum præcepto confessionis teneantur Fideles, cum iusta est timendi causa, ne gravium peccatorum subrepat oblitio.

Resp. affirmativè. Debet quippè Fidelis, quantum in se est, efficere ut integra sit peccatorum confessio: cum igitur novit se infirmæ admodum esse memoriæ, debet antequam peccatum è memoria dilabatur, illud Sacerdoti confiteri; aliàs exponit se evidenti periculo violandi integritatem confessionis.

Quæres. utrum jure divino necessaria sit confessio ei qui vult accedere ad Sacramentum Eucharistiæ.

Resp. affirmativè. Tum quia disertè Apostolus ait: *Probet autem seipsum homo, & sic de pane ille edat.* Tum quia ita expressè Conc. Trid. Sess. 13. Can. 11. *Ne tantum, inquit, Sacramentum, indignè, atque ideo in mortem & condemnationem sumatur, statuit atque declarat ipsa sancta Synodus, illis quos conscientia peccati mortalis gravat, quantumcunque etiam se contritos existiment, habita copia Confessorii, necessariò præmittendam esse confessionem sacramentalem. Si quis autem contrarium docere, prædicare, vel pertinaciter asserere, seu etiam publicè disputando defendere, præsumperit, eo ipso excommunicatus existat.*

A R T I C U L U S III.

De præcepto Ecclesiastico confessionis.

*C*elebre confessionis semel in anno faciendæ Decretum emisit Concilium Lateranense IV. an. 1215. sub Innocentio III. Can. 21. cuius hæc verba sunt: *Omnis utriusque sexus fidelis, postquam ad annos discretionis pervenerit, omnia sua peccata confiteatur fideliter, saltem in anno, proprio Sacerdoti, & insinuat sibi penitentiam studeat pro viribus adimplere, suscipiens reverenter ad missam in Pascha Eucharistiæ Sacramentum: nisi fortè de consilio proprii Sacerdotis, ob aliquam rationabilem causam ad tempus ab eius perceptione duxerit abstinendum: alioquin & vivens ab Ecclesia ingressu arceatur, & moriens christiana careat sepultura.... Si quis autem alieno Sacerdoti voluerit iusta de causa sua confiteri peccata, licentiam prius postulet & obtineat à proprio Sacerdote, cum aliter ille ipse non possit absolovere vel ligare.*

Tota huiusce Decreti difficultas, quæ tot dissidiis ac contentionibus sæculares inter & regulares Sacerdotes occasione dedit, versatur circa explicationem istorum verborum *proprio Sacerdoti*: quis nempe intelligendus sit eo in Canone proprius Sacerdos.

Quis

*Quis sit in mente Concilii Lateranensis, proprius Sacerdos. Aperitur
questionis status, ac varia recensentur opiniones.*

Sacerdos proprius dici potest, quatenus opponitur aut alieno, aut communi. Sacerdos proprius, quatenus opponitur alieno, ille est qui ordinariam & immediatam habet auctoritatem in plebem sibi subiectam; talis est Summus Pontifex in toto Orbe christiano, Episcopus in sua Diocesi, Parochus in sua Parochia: ex opposito, Sacerdos alienus ille dicitur, qui nullam vi sui status auctoritatem habet ad regendam plebem christianam; tales sunt regulares & seculares Sacerdotes qui nulli Ecclesiae titulo Beneficii pastoralis astricti sunt. Sacerdos proprius quasi innatam habet & ordinationi suae vel titulo pastoralis annexam auctoritatem regendi Fideles; Sacerdos vero alienus delegatam dumtaxat & ex commissione.

Sacerdos proprius, prout communi opponitur, ille est, qui usu & praxi quotidiana sibi subditis Fidelibus Sacramenta dispensat: talis est Parochus quilibet in sua Parochia. Hoc sensu Sacerdos communis ille est ac dicitur, cui generalis & communis Fidelium cura incumbit; nec solet usu communi & ordinario Sacramenta ipsis dispensare, qualis est S. Pontifex in tota Ecclesia, & Episcopus quilibet in sua Diocesi: quamquam enim jure sibi proprio, & auctoritate à Christo accepta potestatem habeant excipiendi Fidelium confessiones, & Sacramentum Penitentiae ipsis administrandi, gravioribus tamen curis occupati, inferioribus Parochis dispensationem hanc relinquunt.

Questionis ergo status est, quo sensu debeat intelligi in Canone Lateranensi, *proprius Sacerdos*, cui semel in anno confitenda esse peccata decernit: an proprius, per oppositionem ad alienum; ita ut excludantur tantum ii qui nullam habent auctoritatem sive delegatam à Superiori excipiendi Fidelium confessiones: an verò proprius per oppositionem ad communem; ita ut ad solum Parochum, & eos quos ipse advocat, pertineat jus & auctoritas audiendi confessionem illam paschalem, & ita excludantur S. Pontifex, Episcopi, & illi omnes quibus hac in parte vices suas committere voluerint; adeò certè ut præcepto Ecclesiastico confessionis annuæ non satisficeret, qui vel S. Pontifici, vel Episcopo suo, aut Penitentiario ab illo designato sua confiteretur peccata. Hinc & inde graves angustiae.

Si enim dixeris, eo in Canone proprium Sacerdotem opponi communi, ista videntur jura S. Pontificis & Episcoporum, qui procul dubio Superiores sunt Parochis, quique à Christo acceperunt, vi Ordinationis suae, potestatem dimittendi peccata. Si verò dixeris opponi alieno, & eos dumtaxat excludi qui nullam habent sive ordinariam sive delegatam auctoritatem, inutilis prorsus & illusorius videbitur Canon ille Lateranensis, ac planè otiosæ & gratis factæ tot rixæ ac dissensiones illius occasione identidem excitatæ: nihil quippè novi, de quo omnes inter se non contentiant, decrevit; persuasum siquidem semper fuit, idoneos non esse ad excipienda Fidelium peccata Sacerdotes, qui nullam habent aut propriam, aut saltem delegatam auctoritatem.

Difficultatem augent non parum, variae ac discrepantes diversis temporibus SS. Pontificum Constitutiones, quibus vel concedunt vel denegant Regula-

To. 1. p.
639. n.
12.
To. 1. 4.
c. 106. p.
819. B.

Ibid. p.
824. E.

gularibus facultatem excipiendi Fidelium confessiones, quarum Constitutionum seriem historicam legere poteris apud Launojum, in Dissertatione circa Canonem, *Omnis utriusque sexus*. Præsentem difficultatem non attingit nec dissolvit Concilium Tridentinum, quamquam Fesulanus Episcopus vehementi Oratione insurrexisset in privilegia Regularium pro excipiendis Fidelium confessionibus, sicut narrat Pallavicinus L. 7. Hist. Concilii Tridentini cap. 4. Sessione etenim 14. c. 5. hoc unum asserit, *Concilium nempe Lateranense non statuisse ut Christi Fideles confiterentur, quod iure divino necessarium & institutum esse intellexerat; sed ut præceptum divinum confessionis adimpleretur*. Canone verò 8. ejusdem Sessionis, anathemate damnat eos qui negant *Fideles utriusque sexus, juxta magni Concilii Lateranensis constitutionem, semel in anno teneri confiteri peccata*, nulla injecta proprii Sacerdotis mentione.

Circa præsentem controversiam duæ sunt extremæ sententiæ, æquæ vi-
tiosæ ac declinandæ.

Prima eorum est, qui per proprium Sacerdotem in Canone Lateranensi ita strictè & rigorosè intelligi volunt Parochum, ut excludantur & S. Pontifex, & Episcopi, qui non tantum aliis non possunt delegare facultatem excipiendi paschalem confessionem, sed nec ipsi, contradicente vel invito Sacerdote Parochiali, eam per se exercere valeant, cum non sint proprii Sacerdotes, nisi quoad Sacramenta Confirmationis & Ordinis, & quoad casus quos sibi reservant; jus verò omne administrandi Sacramentum Poenitentiae ad solos Parochos pertineat. Verba sunt Auctoris Libri cujusdam anonymi contra auctoritatem Episcoporum, quem Clerus Gallicanus in Comitibus generalibus anni 1655. censura sua confixit.

Ita jam pridem docuerant nonnulli Doctores Parisienses cum Guillelmo de sancto Amore, quorum ista propositio, *Regulares de licentia vel commissione R. Pontificis, seu Diæcesanorum Episcoporum, prædicationis exercere officium & confessiones audire non valent*, damnata fuit ab Alexandro IV. S. Pontifice an. 1255. Et anno sequenti, misit idem S. Pontifex ad Parisiensem Episcopum indiculum aliquarum propositionum, quas Odo Duacenus Parisiensis Theologus, & Christianus Bellovacensis Canonicus Lutetiæ palam pronuntiare deberent, quas inter hæc erat, *Quod Pontifex, Archiepiscopi, & Episcopi in suis Diocesis possent dare Regularibus licentiam prædicandi & confessiones audiendi, etiam sine consensu inferiorum Sacerdotum; vel Reglorum Ecclesiarum, cum viderint expedire*.

Jam anno 1252. dubium istud moverant nonnulli, de quo consultata est sacra Facultas Parisiensis, nempe, *utrum, Sacerdote Parochiali contradicente vel invito, parochianus ejus Domino Papæ seu Poenitentiaris suis, vel Episcopo aut Poenitentiaris ipsius cum voluerit, peccata sua universaliter valeat confiteri*.

Ita pariter censuit Joannes de Poliaco Theologus Parisiensis: *Stante editto, Omnis utriusque sexus in Concilio generali, inquebat ille, non potest R. Pontifex facere quod parochiani non teneantur peccata sua semel in anno proprio Sacerdoti confiteri, qui est Parochialis Curatus; imò nec Deus hoc potest facere, quia implicat contradictionem*. Quam propositionem damnavit an. 1321. Joannes XXII. S. Pontifex, & ipse de Poliaco tandem revocavit.

Sunt

Sunt inter defensores hujus primæ sententiæ, qui existimant posse quidem S. Pontificem, pro plenitudine suæ potestatis, dispensare à Canone Lateranensi, & dare, cui voluerit, facultatem excipiendi annuum Fidelium confessionem: Episcopos verò id non posse, cum ad eos non pertineat dispensare à lege lata per Concilium generale; unde licentiam à proprio & inferiori Parocho postulare eos debere existimant, ut validè confessiones suorum Diœcesanorum excipiant. Sententiam hanc refert Richardus de media villa in 4. dist. 17. q. 11. Alii verò, hoc nixi fundamento, tam S. Pontificem quàm Episcopos adstrictos esse legibus Conciliorum generalium, existimant penes eos non esse dispensare à Canone Lateranensi; adeoque non posse illos sine licentia proprii Parochi, paschalem excipere Fidelium confessionem. Eò tendere videtur Launojus, in sua Dissertatione de Canone, *Omnis utriusque sexus*.

Secunda sententia, priori opposita & extrema, eorum est qui asserunt 1. Regulares jure sibi proprio & quasi innato proprios esse Sacerdotes, imò & magis proprios quàm sint ipsi Parochi. Ita censuit Frater Joannes Gourellus Minor, cujus doctrinam notavit sacra Facultas Parisiensis anno 1408. & Frater Claudius Cusinus Prædicator, quem eadem Facultas an. 1516. repressit. 2. Regulares qui sua habent à SS. Pontificibus privilegia, posse fidelium confessiones quolibet anni tempore excipere, etiam non obtenta licentia & approbatione Episcoporum. Ita propugnarunt nonnulli Regulares Andegavenfes, quos & Alexander VII. anno 1659. & Episcopi Gallicani in Comitibus generalibus an. 1656. gravi censura confixere: certum enim est omnia Regularium privilegia ad terminos & limites Concilii Tridentini revocata jam esse, ut dicemus Qu. 10. Art. 3. hujus Tractatus, cum de approbatione Episcoporum necessaria Sacerdotibus ad excipiendas Fidelium confessiones disputabimus.

Tertia itaque sententia, inter extremas quasi media, eorum est qui putant 1. Concilium Lateranense usu communi ac recepto per proprium Sacerdotem intellexisse Parochum, qui solet ex officio Poenitentia & Eucharistia Sacramenta suis parochianis dispensare. 2. noluisse Concilium quidquam derogare juribus S. Pontificis & Episcoporum, quos sub appellatione etiam proprii Sacerdotis contineri quoque non ignorabat; qui que possunt, vel per se ipsos, vel per delegatos, suorum Fidelium confessiones excipere.

Hujus tertie sententiæ defensores hæc tanquam certa & explorata habent.

I. Parochum usu communi ac recepto proprium appellari Sacerdotem.

II. Parochos, quamquam juris sint divini, inferiores esse Episcopis.

III. S. Pontificem & Episcopos verò & proprio sensu dici & esse proprios Sacerdotes, qui habent à Christo immediatam ligandi & solvendi auctoritatem: proprii enim Sacerdotis officium in proprii Episcopi dignitate continetur, ait Clerus Gallicanus in Epistola encyclica scripta anno 1655. die 25. Aprilis.

IV. Posse & S. Pontificem & Episcopos, pro jure suo, quibus voluerint idoneis Sacerdotibus, sive regularibus sive secularibus, dare facultatem excipiendi Fidelium confessiones.

V. Eas SS. Pontificum Constitutiones, quibus indulgent Regularibus facultatem audiendi confessiones, etiam sine licentia & approbatione Episcoporum, quales editæ sunt ab Alexandro IV. anno 1256. Clemente IV. an. 1265.

Tournely de Sacram. Poenitentia.

N

Boni.

Bonifacio VIII. an. 1295. Benedicto XI. an. 1304. &c: jam per Concilium Tridentinum abrogatas & revocatas esse; neque posse amplius in quaestione & controversiam adduci, an necessaria sit Regularibus Episcoporum approbatio, ut validè audire possint Fidelium confessiones: illam enim omninò necessariam esse, ac posse Episcopos eam vel concedere, vel denegare, vel ad tempus limitare, nemo jam non fatetur.

VI. Privilegia, quibus SS. Pontifices concedunt Regularibus facultatem indefinitam & nullo restrictam tempore excipiendi confessiones, vim & effectum suum sortiri, si accedat Episcoporum approbatio, quæ si indefinita pariter fuerit, nec limitata, confessio paschalis his Regularibus facta licita erit, atque ex illa parte valida. Sicut enim nulla foret, si Episcopus exciperet tempus Paschale; ita valida censi debet, si tempus illud non excipiat: dubitari etenim non potest, ut jam dictum est, quin Episcopi jus habeant limitandi ad certum tempus approbationem suam, & excipiendi tempus ipsum Paschale, si voluerint: jus illud apud nos certum & inconvulsum est. Utrum verò expediat Episcopos hoc suo jure uti, & in approbatione Regularium excipere tempus Paschale, res est prudentiæ, æconomiz & charitatis, cujus leges ipsis præscribere nostrum non est, à quibus debemus eas accipere: norunt illi, multa ex illa parte, quæ non expediunt; sibi quæ à Christo Domino datam auctoritatem, non in destructionem, sed in ædificationem.

VII. Jura Parochorum servanda esse, atque eorum consensum rogandum ab iis qui alieno Sacerdoti confiteri voluerint, juxta præscriptum Lateranense: atque ut unicuique quod suum est reddatur, & qua fieri potest faciliori & tutiori ratione componatur vetus istud dissidium inter Parochos, Episcopos, & Regulares pro confessione paschali, optimum istud perpetuæ concordiz vinculum futurum nobis videtur, si Episcopi ex una parte in Litteris suis approbationis clausulam istam semper inserant, *de consensu Parochorum*; & Parochi ex altera, quasi ex publico quodam condicto, eo ipso consensum suum dedisse censeant Regularibus ad excipiendam paschalem suorum parochianorum confessionem, quo approbati illi sunt sine ulla limitatione ab Episcopis. Ita suum unicuique jus servabitur, sed abuntur conscientiarum scrupuli, lites evanescent & pax Christi vincet in cordibus omnium.

VIII. Denique, eas SS. Pontificum Constitutiones quæ à facultate, quam conferunt Regularibus, audiendi confessiones, excipiunt tempus Paschale, quales sunt Innocentii IV. an. 1250. Martini IV. an. 1281. Benedicti XI. an. 1304. Sixti IV. an. 1478. Innocentii VIII. an. 1490. nullum inferre præjudicium auctoritatis aliorum SS. Pontificum, in concedenda Regularibus licentia audiendi paschalem confessionem, accedente Episcoporum approbatione. Ita Joannes XXII. an. 1321. Alexander V. an. 1409. Leo X. an. 1516. Clemens VIII. an. 1592. Innocentius X. an. 1649. Alexander VII. an. 1659. Clemens IX. an. 1670. quorum Constitutiones cum aliis mox dictis conciliari possunt. Dicit quippè non immeritò potest, priores Constitutiones attendisse dumtaxat ad usum ordinarium & communem; & per *proprium Sacerdotem* intellexisse Parochum, qui ex usu & praxi quotidiana Sacramentum Poenitentiz dispensat, salvo tamen jure S. Pontificis & Episcoporum; posteriores verò attendisse ad illud jus S. Pontificis & Episcoporum.

His ita præmissis; sit

CON-

C O N C L U S I O.

Proprius Sacerdos in Canone *Omnis utriusque sexus*, est Parochus, salvo tamen jure S. Pontificis & Episcoporum.

Probatur prima pars.

I. Quia eodem sensu usurpatur proprius Sacerdos Can. 21. quo Canone 32. at in hoc postremo Canone proprius Sacerdos est ipse Parochus. Postquam enim Patres cuilibet Parochiali Presbytero assignandam esse decreverunt sufficientem ex Ecclesie proventibus portionem, sic addunt: *Illud autem penitus interdiximus, ne quis in fraudem, de proventibus Ecclesie, que curam proprii Sacerdotis debet habere, pensionem alii quasi pro beneficio conferre presumat.* Nemo non intelligit proprium eò loci Sacerdotem esse ipsum Parochum, cujus est usu & praxi communi dispensare parochianis suis Sacramenta, cui eam ob causam decimas solvere illi tenentur.

To. 11.
Conc. p.
124. U.

Probatur 2. ex duplici causa quæ locum & occasionem dedisse videtur Canonis Lateranensis.

Prima videtur fuisse abusus avaritia nonnullorum Parochorum infectus. Cum enim Fideles solerent iis Parochis decimasolvere, à quibus Sacramenta tempore Paschali percepissent, nonnulli Parochi extra limites suæ Parochiæ excurrentes, alienos parochianos, lucri desiderio ad se pertractos, ad paschalem communionem admittebant: inde rixæ ac discordiæ circa decimas, quas ab iisdem Fidelibus varii Parochi exigebant. Abusum hunc jam compresserat anno 797. Theodulphus Aurelianensis Episcopus in suo Capitulari cap. 14. *Nullus Presbyter, inquit, Fidelibus de alterius Presbyteri Parochia persuadeat, ut ad suam Ecclesiam concurrat, relicta propria Ecclesia, & suas decimas sibi dent.* Eandem disciplinam promovenet Capitularia Regum nostrorum L. 7. c. 48. & 68. Abusus ille multum invaluerat in Hispania, quem Concilium Palentinum an. 1322. Can. 10. repressit, urgente Guillelmo Sabinensi Episcopo Cardinali Sedis Apostolicæ in Hispaniæ Legato: verba Canonis lege Tomo 11. Conc. pag. 1692. Ut igitur Ecclesia huic incommodo & abufui occurreret, Parochias in certos limites distribui curavit; atque voluit ut parochiani suo proprio Sacerdoti, hoc est Parocho, sua semel in anno confiteantur peccata, & Eucharistiam ab eo percipiant, cui decimas ex jure solvere tenentur; consequenter prohibuit ne unus Parochus involaret in jura alterius, & prætergressis Ecclesiæ suæ limitibus, aliorum oves & decimas ad se pertraheret. Quis autem non videt, proprium Sacerdotem his in locis non alium esse quam Parochum? Unde Canon 10. citatus Concilii Palentini hunc habet præfixum titulum, *De Parochiis; & Canon sequens, De Decimis.*

Tom. 7.
Conc. p.
1139.
D. E.
Palencia in
Castella vete-
re.

Secunda causa seu occasio Decreti Lateranensis videtur ea fuisse, quam refert Abbas Urspergensis in Chronico pag. 343. nempe temeritas nonnullorum Regularium, quorum ea ætate multiplex institutus Ordo est. Inter eos erant *Humiliati dicti, qui*, ait Abbas Urspergensis, *nulla habita auctoritate aut licentia Prælatorum, mittentes falcem in messem alienam, populis prædicabant, & vitam eorum plerumque regere satagebant, & confessiones au-*

N. 2. *dire.*

dire, & miniſteriis Sacerdotum derogare. Huic igitur malo ut occurreret Synodus Lateranenſis, mandavit Canone 21. ut unusquisque Fidelis ſemel in anno peccata ſua deponat apud proprium Sacerdotem, aut alienum, de ejus licentia: proprius autem ille Sacerdos opponitur extraneo ſeu alieno, qui nullam habet animarum curam, nullam ab Episcopis acceptam licentiam & auctoritatem, quales erant illi Regulares dicti *Humiliati*, de quibus loquitur Abbas Urfpergenſis. Proprius autem Sacerdos hoc ſenſu, & juxta communem ac vulgatam ſignificationem, eſt Parochus, quorum jura illi Regulares uſurpabant; Canon ergo Lateranenſis per proprium Sacerdotem, Parochum designat.

Aquiſſima verò hujusce Decreti ratio hæc videtur fuiſſe. 1. Quia Parochus eſt ordinarius Fidelium ſibi ſubditorum Paſtor, quibus Sacramenta diſpenſat. 2. Quia conjicere non ſine fundamento aliquo poſſumus, Lateranenſis Concilii ætate approbationem & juridiſtionem neceſſariam in miniſtro Sacramenti Poenitentia; diſtinctam & quaſi ſeparatam fuiſſe; atque Episcopos approbaſſe quidem, quos judicabant idoneos excipiendis confeſſionibus, ſed Parochis curam demandaſſe, ut quibus vellent, inter approbatos, juridiſtionem conferrent. Cum verò certum ſit, validam non eſſe nec confeſſionem, nec abſolutionem, niſi præſupponat in Sacerdote juridiſtionem, hinc meritò ſtatuit Canon Lateranenſis, ut quilibet Fidelis ſua ſemel in anno confeſſetur peccata proprio ſuo Sacerdoti, aut alieno de ejus licentia. Ratio quam ſtatim Synodus adjungit, conjecturam noſtram confirmat, *Cum aliter*, inquit, *ille ipſe non poſſit abſolvere*; nempe defectu juridiſtionis, quam ipſi Parochi tum confeſſebant, cura hac illis ab Episcopis commiſſa. Quæ particularia Concilia Lateranenſem Canonem renovaverunt, & de verbo ad verbum exſcripſerunt, (plurima autem ſunt) totidem videntur eſſe noſtræ conjecturæ præſidia & firmamenta: imprimis Concilium Arelatenſe anni 1275. Can. 21. ubi expreſſè ſic jubet: *Quoniam Parochialibus Presbyteris curam animarum habentibus ſpecialiter & præcipuè cura commiſſa eſt animarum; ſtatuiſſimus inſiſtentes, quid inſiſtantium confeſſiones, non niſi per ipſos Parochiales Presbyteros, ſi haberi poterint, vel per alios Presbyteros ſaculares vel religioſos, de ipſorum licentia audiantur: quam licentiam dari volumus & præcipimus ab eiſdem liberaliter & libenter, cum fuerint requiſiti.* Licentia hæc tunc temporis erat ipſamet juridiſctio, ſine qua valide non adminiſtratur Sacramentum Poenitentia;. Verùm ſubinde immutata fuit Diſciplina, & Episcopos ſimul cum approbatione juridiſtionem conceſſerunt, quam immutationem ratam habuit & confirmavit Concilium Tridentinum Seſſ. 23. cap. 15. de reformatione. *Quamvis*, inquit, *Presbyteri in ſua Ordinatione à peccatis abſolvendi poteſtatem accipiant, decernit tamen ſancta Synodus, nullum, etiam Regularem, poſſe confeſſiones ſecularium, etiam Sacerdotum, audire, nec ad id idoneum reputari, niſi aut Parochiale beneficium, aut ab Episcopis per examen, ſi illis videbitur eſſe neceſſarium, aut aliis idoneus iudicetur, & approbationem, quæ gratis detur, obtineat; privilegii, & conſuetudine quacunque, etiam immemorabili, non obſtantibus.* Nulla eo in Decreto mentio fit licentia; neceſſario ab inferioribus Parochis obtinenda. Quid ita? quia jam Episcopos, non verò Parochos, (ſicut ætate Concilii Lateranenſis) juridiſtionem conferunt. Unde Patres Gallicani in encyclica

To. 11.
Conc. p.
2374. D

To. 14.
Conc. p.
869. E.

clica Episcopa an.1655. observant, formulam istam, *de consensu Parochorum*, quam apponere solent in Litteris approbationis Sacerdotum quos deputant audiendis confessionibus, planè necessariam non esse, sed liberam ex quodam Episcoporum *condensu*: consensus ergo Parochi subditos quidem hic & nunc assignat, in quos Sacerdos jurisdictionem exercere possit in tribunali Poenitentiae; at jurisdictionem ipsam non confert, quæ per approbationem Episcopi collata censetur.

Probatur 3. ex SS. Pontificibus, qui in executionem Canonis Lateranensis decernunt unumquemque Fidelem proprio suo Parocho semel in anno debere confiteri, prohibentque Regularibus, ne doceant, eos ad id non teneri. Ita Innocentius IV. Constitutione data Neapoli an.1250. Martinus IV. an.1281. Constitutione quæ incipit, *Ad uberes*. Volamus, inquit, ut qui Fratribus confitebuntur, suis Presbyteris Parochialibus confiteri saltem semel in anno, prout generale Concilium statuit, teneantur. Benedictus XI. an.1304. in Extravaganti quæ incipit, *Inter cunctis*. Sixtus IV. an.1478. Constitutione quæ incipit, *Vice illius*. Innocentius VIII. an. 1490. scribens ad Officiale Tornacensem, occasione concionis habitæ à Fratre Angely Minorita, mandat ne Mendicantes de cætero parochianos à confitendo eorum peccata Refloribus Parochialibus abstrahere, & eosdem ad id non teneri predicare præsumant.

Probatur 4. Decretis multorum Conciliorum particularium, quibus confirmatur & executioni mandatur Canon Lateranensis, atque Parochus designatur velut proprius Sacerdos, de quo Concilium. Ita Synodus Tolosana an.1228. Can.13. Biterrensis an.1256. Can. 46. Arelatenfis an. 1260. Can.16. Senonensis an.1269. Can.4. Arelatenfis an. 1275. Can.19. 20. & 21. Colonienfis an.1280. cap.8. Rothomagenfis an.1299. Can.6. Lingonensis an.1452. Narbonensis an.1551. Can.50. Cameracensis eodem anno, Mediolanensis sub S.Carolo an.1565. parte 2. titulo 6. Remensis an. 1583. cap.de Poenitentia. Aquisensis an.1585. Burdigalensis an.1624. Can.3.

His adde omnes ferè Rituales Libros; adde & Comitja generalia Cleri Gallicani annis 1579. 1625. 1635. 1645. & 1656.

Adde denique Judicium sacræ Facultatis Parisiensis; quæ anno 1482. istam Fratris Angely propositionem damnavit; scilicet, *Parochianus non tenetur confiteri proprio suo Curato semel in anno, nec ab eo petere licentiam. Hæc propositio, ut facit, ait Censura, est scandalosa, & juri communi contraria; & pro subditorum ad Prælatos debita obedientia & reverentia observantia, publicè revocanda.*

His omnibus testimoniis abundè demonstratur, proprium Sacerdotem, in mente Concilii Lateranensis, esse Parochum, cui jure communitententur Fideles semel saltem in anno sua confiteri peccata. Proprius igitur Sacerdos, citato in Canone, opponitur alieno, salvo remanente S.Pontificis & Episcoporum jure, quos Canon Lateranensis exclusos noluit, quæ secunda pars Conclusionis est probanda.

Probatur itaque secunda pars.

I. Ex verbis ipsis citati Canonis 21. *Si quis autem, ait Canon, alieno Sacerdoti voluerit iuxta de causa sua confiteri peccata, licentiam prius postulet & obtineat à proprio Sacerdote, cum aliter ille ipse solvere non possit vel ligare.*

Tournely de Sacram. Poenitentiae.

N 3

Pro.

Proprium Sacerdotem Canon opponit alieno, qui non potest, nisi de licentia ipsius, solvere velligare: at nemo dixerit, & S. Pontificem in tota Ecclesia, & Episcopos in suis Diocesis alienos esse Sacerdotes, qui licentiam petere & obtinere debeant ab inferioribus Parochis, ut valide Poenitentiae Sacramentum admittrent: habent enim hanc auctoritatem à Christo ipso derivatam; & virtute Ordinationis suae a dignitatis, eminentiori ratione continent quidquid est in inferioribus Sacerdotibus auctoritatis & potestatis. Possunt ergo, vel per se ipsos, vel per alios a se delegatos, excipere annum Fidelium confessionem; & Canon Lateranensis haud dubie satisfaciunt, qui vel S. Pontifici, vel Episcopo suo aut ejus Poenitentiario, aut cuilibet approbato sine restrictione Sacerdoti consentunt. Nec dicas, Canonem Lateranensem de proprio dumtaxat loqui Sacerdote, quem diximus esse Parochum. Ita certe est: at excludi ne voluit S. Pontificem & Episcopos minimè. Proprius enim Sacerdos, juxta verba Canonis, opponitur alieno: at nec S. Pontifex, nec Episcopi dici possunt Sacerdotes alieni. Et verò pari ratione probaretur, nec S. Pontificem, nec Episcopos administrare posse Sacramentum Unctionis extremæ, quia nempe S. Jacobus Presbyterorum dumtaxat meminit, cum de ministris hujus Sacramenti loquitur: at nemo sanus dixerit. Idcirco enim sanctus Jacobus Presbyteros dumtaxat appellavit, non quod exclusos voluerit supremos Pastores, sed quod ex usu sapienter Presbyteri Sacramentum illud administrare, Episcopis, aliis & quidem gravioribus curis detentis & occupatis.

Tom. 1.
Conc. p.
1248.

Ita ratiocinatur Innocentius I. in Epistola ad Decentium Eugubinum cujus ratiocinium præsentis causæ nostræ facile est accommodare. Igitur solum Parochum proprium Sacerdotem appellavit Canon Lateranensis, tum quia ex usu & praxi communi solet confessiones suorum audire; tum quia, juxta disciplinam tunc temporis receptam, Parochus jurisdictionem dabat iis qui fuerant ab Episcopis approbati: at non idcirco excludere voluit aut S. Pontificem aut Episcopos, quorum jura illa conservavit. Neque enim verisimile videtur, voluisse Innocentium III. & Episcopos in Concilio Lateranensi sedentes, spoliare se jure & potestate sibi innata & à Christo Domino concessa: præsertim cum, ut diximus supra, immutata fuerit disciplina per Concilium Tridentinum, atque jam Episcopi simul cum approbatione jurisdictionem conferant; ex quo sequitur, jam valide confiteri Fideles cuicumque Sacerdoti ab Episcopo sine ulla restrictione temporis approbato.

Tom. 11.
Conc. p.
1248.

Confirmatur: quia hoc in ipso Concilio Can. 10. jus suum & auctoritatem exercent Episcopi, cum statuunt, *tam in Cathedralibus, quam in aliis Conventualibus Ecclesiis viros idoneos ordinari, quos Episcopi possint coadiutores & cooperatores habere, non solum in predicationis officio, verum etiam in audiendis confessionibus, ac poenitentis infungendis, ac cæteris quæ ad salutem pertinent animarum.* Igitur jus illud suum agnoverunt & asseruerunt sibi Episcopi, vel in ipso Lateranensi Concilio. Quin, referente S. Antonino, in Chronico parte 3. ad annum Christi 1215. in eodem Concilio data est facultas Episcopis & aliis Prælati inferioribus, *ut præter Superioris licentiam sibi deligere possint Confessorem.*

Idem jus suum demonstrarunt Episcopi, cum instituerunt in Urbibus & Oppidis, singulisque Archidiaconatibus Confessarios quibus ipsi Parochi, Deca-

Decani rurales, & cæteri Presbyteri peccata sua confiteri possent. Constat istud multis veteribus monumentis, quæ indicasse sufficiet. Ita Statuta Ecclesie Metensis, octavo sæculo; Oxoniense Concilium à Stephano Cantuariensi Archiepiscopo celebratum an. 1222. Can. 18. antiqua Statuta Petri de Collemedio Archiepiscopi Rothomagensis an. 1236. Londinense Concilium an. 1237. Can. 5. & Wigornienſe an. 1240. Can. 17. Pictaviense an. 1280. cap. 4. Cantuariense an. 1282. Oxoniense an. 1287. cap. 5. Bajocense an. 1300. Guillelmus Parisiensis in additionibus ad Constitutiones Galonis cap. 6. & 7.

Probat 2. auctoritate SS. Pontificum, qui variis Constitutionibus Regularibus potestatem fecerunt audiendi etiam annuam Fidelium confessionem, circa quas Constitutiones duæ sunt generatim observanda.

I. Eas omnes quæ Regularibus indulgent facultatem audiendi confessionem annuam, etiam non petita nec obtemperata Episcoporum licentia & approbatione, revocatas & abrogatas esse, ut jam diximus, à Concilio Tridentino.

II. Eas quoque quæ continent clausulam aliquam iuribus Episcoporum, aut Ecclesie Gallicanæ privilegiis adversam, vim legis apud nos non obtinere. His duobus in tuto positis, certum est SS. Pontifices, concedendo Regularibus facultatem excipiendi annuam Fidelium confessionem, iudicasse nomine *proprii Sacerdotis* in Canone Lateranensi, non excludi nec S. Pontificem nec Episcopos, quibus, aut aliis ab ipsis sine ulla limitatione approbatis, si quis sua deposuerit peccata tempore Paschali, haud dubiè præcepto Lateranensi satisfaciet. Ita porro Joannes XXII. qui Constitutione data an. 1321. quæ incipit, *Vas electionis*, damnavit inter alias hanc Joannis de Poliac propositionem, *Stante edicto, Omnis utriusque sexus in Concilio generali, Romanus Pontifex non potest facere quod parochiani non teneantur peccata sua semel in anno proprio Sacerdoti confiteri.*

Alexander V. an. 1409. mox dictam Joannis XXII. Constitutionem confirmavit, damnatis aliis nonnullis ejusdem argumenti propositionibus. Verùm ejus Constitutio dissidii ac turbarum plurimum excitavit in Academia Parisiensis, à qua selectus est Gersonius, qui publicam adversus Mendicantes concionem haberet. Observata autem Launojus, Gersonis concionem in causa fuisse cur Alexandri Bulla nec in Tomis Conciliorum, nec in ipso Romano Bullario locum habuerit. (Hanc integram refert Bullæus in Historia Universitatis Parisiensis sæculo septimo Tom. 5. pag. 196.) Observat alia ex parte Joannes Major in 4. dist. 17. q. 7. in Conciliis Constantiensis & Basiliensis petitam, nec obtemperatam illius Bullæ revocationem, cujus occasione vexati plurimum & exagitati fuere in Academia Parisiensis Franciscani.

Leo X. an. 1516. in Constitutione quæ incipit, *Dudum intra mentis arcana*, quæ in Concilio Lateranensi V. Sess. 11. lecta fuit & approbata, octo dumtaxat contradicentibus Episcopis, de Regularibus & confessione Paschali apud eos facta sic statuit: *Possint illi per eodem Episcopos & Prelatos super sufficienti litteratura & aliquo saltem huiusmodi Sacramenti peritis dumtaxat examinari; talibusque presentatis admittis, vel etiam indebitè recusatis, contentes, Constitutioni, quæ incipit, Omnis utriusque sexus, quoad confessionem dumtaxat satisfecisse censeantur.* Observa clausulam istam, *vel etiam indebitè recusatis*, vim & locum apud nos non habere: quibus enim recusant

Pa. 14.
Conc. p.
316. C.

Episcopi (quamquam, si velis, indebitè) suam approbationem, ii non approbantur; qui verò non approbati sunt, ii non possunt valide confessiones excipere; neque tenentur Episcopi recusatæ approbationis reddere rationem. Nemo autem non intelligit, quàm multis dissidiis & incommodis viam aperiret ejusmodi clausula, si obtineret: quoque enim repulsam paterentur, obtendere semper possent indebitè recusatos. Adde quòd Concilium illud Lateranense V. apud nos Concilii Oecumenici vim & auctoritatem non habet.

Clemens VIII. an. 1593. occasione discordiæ inter Parochos Cameracenses & Atrebatenses ex una parte, & Regulares ex altera, sic statuit: *Præsenti Decreto sancimus, licere secularibus Christi Fidelibus universis liberè Missas audire &c. & tam distis Fratrilis & Presbyteris dista Societatis, quam aliis privilegiatis prædictis, quibus id à Sede Apostolica indultum est, idonei tamen & ab Ordinario approbati, peccata sua, etiam Quadragesimali & Paschali, & quovis alio tempore, confiteri licitè posse; dummodò tamen iidem seculares Christi Fideles Sacramentum Eucharistiæ die festo Paschalis Resurrectionis in propria Parochia ab eorum Parocho sumant.*

Innocentius X. an. 1645. orta inter Henricum Burdigalensem Archiepiscopum & Regulares controversia circa confessionem Paschalem, confirmavit Decretum sacre Congregationis Interpretum, quo statuitur prædictum Archiepiscopum non posse prohibere Regularibus habentibus privilegia Apostolica, quin à Dominica Palmarum usque ad Dominicam in Albis inclusivè administrare valeant sacramentum confessionis.

Intellexerunt Episcopi, hocce Edicto violari aliquatenus, ac coarctari plurimum jura sua, quasi non possent Regularibus aut denegare suam approbationem, aut datam revocare, aut ad certum tempus restringere: quapropter Clerus Gallicanus in Comitibus generalibus congregatus anno 1645. adversus istud Decretum reclamavit, & scripsit die 16. Decembris ejusdem anni ad Innocentium X. S. Pontificem.

Alexander VII. an. 1659. approbans censuram latam ab Inquisitione Romana, nonnullarum propositionum quas Regulares Andegavenses propugnauerant, inter quas hæc erat n. quarta: *Nullus in foro conscientia Parochia suæ interesse tenetur, nec ad annuam confessionem, nec ad Missas Parochiales, nec ad audiendum verbum Dei; divinam legem, fidei rudimenta, morumque doctrinam, qua in Catechesibus annuntiantur & docentur: hujus, inquam, propositionis censuram ab Inquisitione Romana latam approbans S. Pontifex, istam nihilominus clausulam & conditionem apponit, nempe, Quoad primam, & secundam partem, inquit, simpliciter accepta, est erronea, & temeraria; suppositis verò privilegiis Apostolicis, nullam meretur censuram. Et quoad tertiam partem, de auditione verbi Dei, servietur dispositio sacri Concilii Tridentini. Supponit S. Pontifex, posse Regulares, si habeant privilegia Apostolica, excipere Paschalem Fidelium confessionem, qua certè clausula & exceptione videtur mitigasse censuram ejusdem propositionis, quam Clerus Gallicanus tulerat an. 1656. hanc enim ut & alias quinque generatim & in globo respectivè damnat, tanquam temerarias, scandalosas, falsas, erroneas, in hæresim & schisma inducentes.*

Denique Clemens X. an. 1670. Constitutione quæ incipit, *Superna*, data un-

undecimo Kalendas Junii, declarat Regulares simpliciter ab Ordinariis approbato posse in Diocesi Episcopi approbantis quovis anni tempore, etiam Paschali, & quorumcumque etiam infirmorum confessiones audire, absque ulla Parochorum, vel ipsius Episcopi licentia: de qua tamen confessione teneri filios Religiosos eorumdem infirmorum Parochum illico certiores reddere, & hoc posse illis ab Episcopo sub poena suspensionis à facultate audiendi confessiones precipi: sufficere tamen ut certioratio huiusmodi fiat saltem per scripturam apud ipsum infirmum relinquendam; & eos qui dictis Religiosis simpliciter approbati Paschali tempore confessi fuerint, Constitutioni quae incipit, Omnis utriusque sexus, quoad confessionem dumtaxat satisfecisse censendos. Dissimulare non debemus, ad postulacionem Cleri Gallicani Senatus Consulto cautum esse, ne quis Decretum istud Clementis X. imprimeret, venderet aut distribueret: revera enim nonnulla continere videtur Episcoporum iuribus, & privilegiis Ecclesiae Gallicanae contraria.

Probatum 3. auctoritate aliquarum Synodorum particularium, quae proprium Sacerdotem sic intelligunt in Canone Lateranensi, ut nec S. Pontificem, nec Episcopos, & ab ipsis delegatos excludant.

Claromontana Synodus ann. 1263. *Proprium autem Sacerdotem*, inquit, dicimus duobus modis: ex officio, nupote Papam, Episcopum & Curatos. Vel ex commissione, sicut fratres Predicatores & Minores, quibus Episcopus commiserit vices suas.

Lingonenfis ann. 1452. *Volumus*, quod in fine publicationis Constitutionis praedictae (nempe Canonis Lateranensis) subinseratur & publicè, quod per hoc non intendimus praeducere privilegium super audiendis confessionibus eisdem fratribus concessis, subiungendo quod fratres nobis presentati possunt audire confessiones libere, & consentientibus eisdem poenitentias salutes impertiri de commissis. Item ne remaneat aliqua haesitatio, quis proprius dicatur Sacerdos, declaramus, prout Doctores & Iura declarant, quod proprius Sacerdos est Papa, eius Legatus, Episcopus, & Penitentiarius Diocesanus, & eius Vicarius generalis; & ille cui cura Parochialis Ecclesiae commissa est, sive Rector, sive Vicarius.

Atrebatensis ann. 1490. titulo de Sacramento Penit. ubi postquam promulgavit Canonem Lateranensem, sic addit: *Per hoc tamen praeducere non intendimus illis, quibus à Sede Apostolica est indultum, quod confessiones audiant, vel audire valeant sibi confiteri volentium, quo minus ea potestate uti valeant non obstantibus huiusmodi propositione, secundum quoddam antea de iure poterant vel valebant.*

Tolosana an. 1530. *Iniungimus omnibus confiteri volentibus, ut proprio Sacerdoti constentur. Proprium Sacerdotem dicimus S. Pontificem, Episcopum, & generaliter omnes alios Sacerdotes à praedictis legitime approbatos.*

Rothomagensis ann. 1581. cap. 37. *Nullus Sacerdos*, inquit, atque etiam Regularis, nequidem in suo conventu, audeant, maxime per omne tempus Quadragesimae & Octavarum Paschae, audire confessiones quorumcumque, & aliquem absolvere, nisi de licentia Episcopi expressa, atque etiam in scriptis habita. Supponit igitur Synodus, posse Episcopum etiam tempore Paschali deputare Regulares ad excipiendas Fidelium confessiones.

Denique Synodus Trecentis ann. 1592. reprehendit Parochos qui sub poena excommunicationis suis prohibebant, ne tempore Paschali Eucharistiam perci-

Bulloy.
Ro. T. 6.
p. 333.
col. 2.

T. 15.
Croc. p.
813. C.

perciperent, nisi prius sibi, vel potestatem à se habentibus confessi fuissent. *Quæ quidem inhibitiō, ait Synodus, temeraria videtur, quia quàm plurimè Sacerdotes atque Religiosi habent potestatem à sancto Domino nostro Papa, & à Domino Episcopo Trecensi audiendi confessiones omnium sibi confiteri volentium.*

His accessit Clerus Gallicanus in Comitibus generalibus congregatus ann. 1655. quicensura sua perstrinxit doctrinam Libri cujusdam anonymi his capitulis comprehensam. 1. *Fideles inter & suos Curatos mutua, jure divino, & quidem iam stricta intercedit obligatio, ut ab illis solis Sacramenta & verbum Dei postulare possint.* 2. *S. Pontifex & Episcopi proprii non sunt Sacerdotes, nisi quoad Sacramenta Confirmationis & Ordinis, & quoad casus quos sibi reservant.* 3. *Securum non est Regularibus confiteri.* 4. *Ius omne administrandi Sacramentum Poenitentiae in officio Parochi continetur.* 5. *Parochi jurisdictionem ordinariam inferiorem, quam habent ad absolvendum parochianos sibi confessos à peccatis, ex quo ab Episcopis instituti sunt, ab eisdem Episcopis non recipiunt, & eam nihilominus cum Presbyteris Parochiarum suarum communicant.* Adversus doctrinam hanc insurrexit Clerus Gallicanus, atque encyclicam scripsit die 25. Aprilis ad ceteros Episcopos Epistolam, in qua ait 1. *Quod esset Fideles Curatis suis peccata confiteri debeant, hoc tamē Christianae Religionis officio apud omnes Sacerdotes, etiam Regulares, fungi possint, modò sint ab Episcopis approbati.* 2. *Annua confessionis editum à Concilio Lateranensi præceptum implere, qui apud Regulares ab Episcopis approbatos, iisdem permittentibus, tempore Paschatis peccata deponunt.* 3. *Parochos esse proprios Sacerdotes, apud quos Concilium Lateranense annuam confessionem fieri jubet; sed proprii Sacerdotis officium in proprii Episcopi dignitate contineri.* 4. *Fideles, qui Paschalis communionis gratia confitentur, non solum suis Episcopis, eorum Vicariis generalibus & Poenitentiaris, verum etiam quibuslibet Sacerdotibus secularibus vel regularibus ab Episcopis ad hanc functionem approbatis, ejusdem Concilii præceptum de annua confessione implere: additam clausulam istam, De consensu Parochorum, quam solent Episcopi apponere in Litteris approbationis eorum quos excipiendis suorum Diocesanorum confessionibus deputant, ex condescensu, non ex necessitate apponi.*

Quin & ipsi DD. Pastores Parisienses in sua publica Declaratione oblata Clero Gallicano anno 1656. die 27. Octobris, Syndico pro illis agente Domino Rouffe Doctore Parisiensi & Societate Sorbonica, & Pastore S. Rochi, agnoverunt Episcopos proprios esse Sacerdotes, qui jure divino & quidem superiori & immediato possint Fidelibus verbum Dei annuntiare, Sacramenta administrare, & quibus voluerint ea administrandi facultatem concedere.

Hanc denique doctrinam esse sacrae Facultatis Parisiensis, intelligimus ex duplici ejus Declaratione seu Judicio doctrinali, quorum primum editum est anno 1252. mense Januario occasione turbarum quas in Academia Parisiensi excitarunt ex una parte Regulares, ex altera Guillelmus à sancto Amore, tum Libro quem scripserat *De periculis mundi*, tum cōmunionibus publicis, in quibus asseruerat non posse Regulares nec verbum Dei prædicare, nec Fidelium excipere confessiones: unde Regulares plurimum offensi, apud Sedem Apostolicam & Episcopos criminabantur Theologos Parisienses, quasi reos violatæ & imminutæ auctoritatis S. Pontificis & Episcoporum. Istitigitur, ut se ab omni suspitione erroris purgarent, hoc-

cc Ju-

N. Mem.
du Cler.
gè. T. 1.
p. 673.
& suiv.

ce Judicium evulgarunt, Omnibus presentes Litteras inspecturis, M. Haimerus Cancellarius Parisiensis, ceterique sacra Scriptura Parisienses Doctores, quorum sigilla presentibus Litteris sunt appensa, salutem in Domino. Universitati vestrae volumus esse notum, quod consulti fuimus à quibusdam, utrum Sacerdote Parochiali contradicente vel invito, parochianus ejus Domino Papæ, seu Pœnitentiariis suis, vel suo Episcopo, aut Pœnitentiariis ipsius, cum voluerint, peccata sua universimiliter valeant confiteri, atque ab eisdem pœnitentiam pro commissis recipere saluarem. Cui consultationi respondentes diximus & dicimus in hoc unanimiter consentientes, prædicta licite posse fieri & debere. Si qui autem dicant aut dixerint contrarium, quantum in nobis est, reprobamus, erroneum reputantes. Actum anno Domini 1252. mense Januarii. Refer. p. 70.

tur hocce Decretum in Præfatione Operum Guillelmi de sancti Amore; atque ibidem dicitur excerptum è veteri Collegii Sorbonici Libro manuscripto, qui Summa casus consentia inscribitur. Idem Decretum transit in suam Historiam Universitatis Parisiensis Bullæ ad quintum sæculum To. 3. p. 249.

Alterum sacra Facultatis doctrinale Judicium latum est occasione Sorbonicæ disputationis institutæ Joannis Lallerii, qui in Thesi sua scripserat, *confessio Religiosis Mendicantibus presentatis & acceptatis, secundum formam Decretalis, Dudum, non esse absolutio, & teneri eadem peccata confiteri Curato, quam propositionem improbavit sacra Facultas ann. 1484. tertio Kalendas Augusti.*

Ratio denique hujus secundæ partis est, quia ut validè excipiantur Fidelium confessiones, necessaria est præter Ordinis potestatem, jurisdicção: atqui jurisdicção per Episcopos simul cum approbatione jam confertur, non verò per Parochos, sicut ætate Concilii Lateranensis: unde tunc Parochorum consensus absolutè necessarius erat, sine quo jurisdicção necessaria collata non censebatur; nunc verò sufficit approbatio Episcopi, quæ jurisdicctionem includit.

Solvuntur Objectiones.

Obijcies 1. Pugnare inter se videntur duæ Conclusionis nostræ partes, sicut & momenta quæ in probationem illarum adduximus: si enim proprius Sacerdos Parochus est, ut contendit prima pars Conclusionis, quomodo Canonici Lateranensi satisfaciunt qui Regularibus, quamquam ab Episcopo approbatis, sua confitentur peccata, etiam non petita nec impetrata proprii Parochi licentia? Deinde, ea tùm SS. Pontificum, tùm Episcoporum, & particularium Synodorum Statuta quibus decretum est, ut in executionem Canonis Lateranensis quilibet Fidelis saltem semel in anno sua proprio suo Parocho confiteatur peccata, aperte pugnant cum aliis bene multis privilegiis Regularium, quibus datur ipsis facultas excipiendi Fidelium annuam confessionem. Inter tot opposita Statuta necesse est ancipites hæere Fideles, incertos quam in partem se convertant; neque satis eos intelligere quibus stare potius debeant.

Resp. nego ant. & utramque ipsius probationem. Namque I. Cum proprius Sacerdos, in mente Canonis Lateranensis, ita sit Parochus, ut tamen non excludantur aut S. Pontifex aut Episcopi, qui verè proprii sunt Sacerdotes

(*Siquidem, ajunt Episcopi Gallicani, proprii Sacerdotis officium in proprii Episcopi dignitate continetur*) inde rectè sequitur, eos Canoni Lateranensi satisfacere, qui vel S. Pontifici, vel Episcopis, aut ab ipsis delegatis & approbatis sine ulla restrictione, sua confitentur peccata. Nihilominus tamen nomine proprii Sacerdotis Synodus usu communi & ordinario Parochos designare voluit; tum quia, ut jam diximus, ex praxi, & usu quotidiano ipsis potissimum incumbit cura dispensandi Fidelibus Sacramenta; tum quia solebant tunc temporis Parochi jurisdictionem dare iis quos Episcopi approbaverant; tum denique quia cum non aliis Sacerdotibus Fideles decimas suas solverent, quam iis à quibus tempore Paschatis Sacramenta percepissent, ad omnem confusionem atque dissensionem fugiendam, sapienter voluit Concilium, ut unusquisque Fidelis suo Parocho senielicet in anno sua confiteretur peccata, aut aliequo de ejus licentia.

II. Non pugnant invicem varia illa Statuta, tum SS. Pontificum, tum Episcoporum & Synodorum particularium circa præsens argumentum. Quæ enim proprium Sacerdotem interpretantur Parochum, & unumquemque Fidelem apud ipsum sua semel in anno confiteri peccata volunt, ad usum & praxim communem respiciunt: alia verò, quæ indulgent Regularibus facultatem excipiendi Paschalem confessionem, attendunt ad jus & auctoritatem tum S. Pontificis, tum Episcoporum, cui nihil omnino derogatum voluit Synodus Lateranensis. Si verò quæras quibus potissimum Statutis adherere debeat populus Fidelis, an iis, quæ concedunt, an iis quæ denegant Regularibus facultatem excipiendi annuam confessionem,

Resp. post receptum Concilii Tridentini Statutum Sess. 23. de reformatione cap. 19. huic quæstioni ut & antiquis diffidiis locum amplius non relinquit. Etenim vel approbati sunt Regulares ab Episcopo sine ulla limitatione temporis, vel cum limitatione temporis Paschalis: si prius, possunt audire confessionem tempore Paschali: si posterius, non possunt.

Pariter, vel ea conditione approbat Episcopus Regulares pro tempore Paschali, ut Fidelis teneatur licentiam & consensum proprii Parochi rogare, vel sine illa conditione: si prius, necesse est consensum hunc petere & obtinere; si posterius, necesse absolute non videtur. Sequatur unusquisque usum & disciplinam Ecclesiæ in qua vivit: in pluribus enim, præsertim majoribus & numerosis urbibus, visus invaluisse videtur, ut non expressus, sed tacitus sufficiat Parochorum consensus.

Instabis. 1. Si proprii Sacerdotis nomine intelligantur Episcopi & ab ipsis approbati, ita ut alieni dumtaxat excludantur, quin nec ordinariam nec delegatam habent auctoritatem, Canon Lateranensis planè otiosus & inutilis videbitur, quod nihil novi statutum fuit: quis enim ambigit unquam, necessariam esse auctoritatem ad validè excipiendas confessiones?

Resp. nego sequelam antecedentis. Occurrit enim sapienter Canon ille, & avaritiæ Parochorum, qui alienas oves ad se pertrahabant, ab ipsis decimas percepturi; & temeritati nonnullorum Regularium, qui non perita nec impetrata licentia, usurpabant Parochorum jura. Esto nihil novi statuatur Canon: at saltem novum reprimat abusum.

Instabis 2. Parochi juris sunt divini; ergo non possunt Episcopi efficere ut sine eorum consensu valeat confessio apud Regulares facta tempore Paschali.

Resp.

Resp. dist. ant. juris sunt divini, inferioris & subordinati Episcopis, concedo: non inferioris nec subordinati, nego; & nego consequentiam. Episcopus enim proprius est in sua Diocesi, & quidem excellentiori ratione Sacerdos, qui superiorem & immediatam habet à Christo ligandi atque solvendi auctoritatem, quique adeo continet in se quidquid potestatis & auctoritatis est in Parochis inferioribus.

Instabis 3. Quamquam Episcopi superiores sint Parochis, istorum tamen jura illa servare debent, nec contra generalis Concilii Statutum ea possunt infringere; ergo efficere non possunt ut valeat confessio facta Regularibus, non accedente expresso Parochorum consensu.

Resp. Episcopos non violare jura Parochorum, sed sua vindicare ac defendere, cum Regularibus indulgent facultatem excipiendi annuam confessionem Fidelium: nihil enim potest Parochus quoad Sacramentorum dispensationem in sua Parochia, quod jure superiorum possit Episcopus in sua Diocesi. Quòd si Episcopi & Parochi eam ineant concordie rationem, quam initio hujus Articuli exposuimus, nullum erit dissensionis periculum; præsens enim controversia, non tam supremo & stricto jure potestatis tum Episcoporum tum Parochorum solvi debet, quam legibus prudentiæ & charitatis, sicut sapienter admonet Gerſo in Regulis moralibus de Poenitentia. Et S. Thomas in Supplemento qu. 8. art. 5. in responsione ad 1. solvens objectionem eorum qui contendeant privilegia Regularibus concessa vergere in præjudicium Parochorum, ait, *præjudicium non fieri alicui, nisi ei subtrahatur quod est in favorem ejus indultum; jurisdictionis autem potestatem non esse commissam alicui homini in favorem suum, sed in utilitatem plebis, & honorem Dei. Et ideo, inquit, si superioribus Prælatiſ expedire videatur ad salutem plebis & honorem Dei promovendum, quòd aliis, quæ sunt jurisdictionis, committant, in nullo fit præjudicium inferioribus Prælatiſ, nisi illis qui querunt quæ sua sunt, non quæ Jesu Christi; & qui gregi præſunt, non ut pascant, sed ut ab eo pascantur.* In responsione tamen ad 4. ait, propter Statutum Ecclesiæ de confessione semel in anno faciendâ proprio Sacerdoti, eum qui confessus est Fratribus, eodem modo se gerere debere ac ille qui venialia duntaxat habet peccata, adeoque debere proprio suo Parocho confiteri. Et infra: *Bonum est, inquit, quòd ille qui auctoritate Episcopi confessionem audit, inducat confitentem ad hoc quòd confiteatur proprio Sacerdoti: quòd si noluerit, nihilominus eum debet absolovere.* Idem docet S. Bonaventura Tractatu qui inscribitur, *Quare Minores prædicant & confessiones audiant.*

Instabis 4. Nihil possunt Episcopi, imo nec S. Pontifex, contra Decreta Conciliorum generalium, quale Decretum est Concilii Lateranensis de confessione annua proprio Parocho faciendâ; ergo &c.

Resp. 1. dist. ant. in his quæ spectant fidem & mores, concedo: quæ spectant disciplinam, subdistinguo: si Ecclesia potestatem non fecerit Episcopis, disciplinam, prout expedire judicaverint, immutandi, concedo: secus, nego. Porro Decretum Lateranense ad disciplinam spectat, non ad fidem.

Resp. 2. in Canone Lateranensi per proprium Sacerdotem sic Parochum intelligi, ut nec S. Pontifex nec Episcopi excludantur; adeoque nihil contra

tra Statutum Concilii generalis faciunt illi, cum aliquos deputant excipientibus Fidelium confessionibus.

Objicies 2. Omnia Regularium privilegia pro audiendis Fidelium confessionibus revocata sunt per Concilium Tridentinum; ergo &c.

Resp. dist. ant. omnia Regularium privilegia pro audiendis Fidelium confessionibus, sine licentia & approbatione Episcoporum, revocata sunt, concedo: accedente licentia & consensu Episcoporum, nego.

Objicies 3. Et Academia Parisiensis & Clerus Gallicanus intercessione sua identidem obstitere Decretis SS. Pontificum, quibus indulgebant Regularibus facultatem audiendi confessiones Fidelium. Nemo nescit quot turbas excitaverint in Academia Parisiensi Bullæ Alexandri V. & Nicolai V. datæ in gratiam Mendicantium, quos è sinu suo ejiciendos censuit Academia, nisi dictis Bullis se renuntiuros promitterent: atque cum Calixtus III. irritum declarasset quod gestum fuerat ab Academia Parisiensi, recruduit discordia, nec prius compositalis, quam novum Decretum Pontifex emisisset. Non minori studio Episcopi Gallicani privilegii Regularium à SS. Pontificibus concessis obstitere. Adversus Statutum Clementis VIII. ann. 1592. datum pro Diocesisbus Cameracensi & Atrebatensi, reclamavit Illustrissimus Archiepiscopus Cameracensis Dominus de Barlemont: adversus Decretum Innocentii X. an. 1645. datum contra Archiepiscopum Burdigalensem, reclamavit eodem anno Clerus Gallicanus Parisiis congregatus; adversus Decretum Clementis X. an. 1670. reclamavit Senatus, ad supplicationem ejusdem Cleri Gallicani.

Resp. rationem & causam intercessionis tum Academiæ Parisiensis, tum Cleri Gallicani adversus nonnulla SS. Pontificum Decreta in gratiam Regularium, hauc duntaxat fuisse, quod Regulares immodicè sua privilegia amplificarent, & eò usque extenderent, ut etiam non petita nec impetrata Episcoporum licentia contenderent se posse Fidelium confessiones audire, aliaque Ministerii sacri munia exercere; qua certè in re jura sua lædi meritò conquesti sunt Episcopi. At jam post Statutum Concilii Tridentini receptum, nullum amplius esse debet discordiæ periculum; ultro quippe agnoscunt Regulares, Episcoporum approbationem sibi omnino necessariam esse ut confessiones audire valeant. Non aliam fuisse causam tot dissidiorum ac turbarum quæ Academiæ Parisiensem olim ita commoverunt, facile intelliget qui Bullæum, aut alios Historicos salutaverit; sed nolim hic jam diu obducta vulnera refricare.

Eadem ratione moti sunt Episcopi nostri Gallicani, ut obstarent nonnullis Regularium privilegiis.

Ita Archiepiscopus Cameracensis reclamavit contra Decretum Clementis VIII. eo quòd, inquit in suo Mandato, *obnubilata veritate, & suggesta falsitate, & Pastoribus non auditis, Regulares obtinuerint quidquid voverunt.*

Archiepiscopus Burdigalensis idcirco reclamavit adversus Decretum Inn. X. quòd edixerat S. Pontifex, *non posse prædictum Archiepiscopum prohibere Regularibus habentibus privilegia Apostolica, quin à Dominica Palmarum usque ad Dominicam in Albis inclusive, administrare valeant secularibus personis Sacramentum confessionis;* quo certè Decreto intellexit Archiepiscopus ille, violari jura Episcoporum indanda vel deneganda, vel limitanda Regularium approbatione.

Pariter

Pariter adversus Decretum Clementis X. reclamatum fuit, quia nonnulla continet Episcoporum iuribus contraria circa Regularium approbationem. Dicitur enim 1. *Regulares prævio examine & indefinitè approbatos, non teneri aliud examen subire, licet ad illud vocentur ab Episcopis.* 2. *eisdem Regularibus non posse ab audiendis confessionibus suspendi, nisi nova superveniente causa qua ad ipsas confessiones pertineat.* 3. *Episcopum inconsulta Sede Apostolica non posse negare omnibus alicuius Monasterii Religiosis facultatem audiendi sacularium confessiones;* quæ totidem sunt capita quibus Episcopi meritò contendunt ladi jus suum circa approbationem Regularium, quam omnino necessariam esse statuit Concilium Tridentinum, vel denegandam, vel limitandam prout expedire judicaverint. Non negavit ergo Clerus Gallicanus, quin possint Regulares, accedente Episcoporum licentia, audire Fidelium confessiones; imò expressè in Comitiis anni 1655. id sibi juris inesse docent Episcopi, adversus quosdam Parochos, ut indulgere valeant Regularibus facultatem excipiendi suorum Diæcesanorum Paschalem confessionem.

Proponuntur & solvuntur nonnullæ quæstiones circa præceptum ecclesiasticum confessionis.

Quæres 1. an per confessionem sacrilegam satisfiat præcepto ecclesiastico confessionis annuæ.

Resp. negativè: Namque cùm præceptum Ecclesiæ de facienda confessione sit dumtaxat determinatio divini præcepti quoad tempus, non alia confessione satisfiat ecclesiastico, quàm divino præcepto: atqui divino præcepto non satisfiat per sacrilegam confessionem; ergo nec ecclesiastico. Hinc meritò proscripta est ab Alexandro VII. ista Propositio, *Qui facit confessionem voluntarie nullam, satisfacit præcepto Ecclesiæ.* Idem definivit Clerus Gallicanus anno 1700. Duplicis ergo peccati reus est qui sic fit confitetur tempore Paschali, & sacrilegii, & violati præcepti ecclesiastici.

Recueil des Bulles, p. 458.

Quæres 2. quas incurrant penas ii qui ecclesiastico annuæ confessionis præcepto non satisfaciunt?

Resp. vi Canoniseos nullas incurrrere; manifestum quippe est ex serie verborum, eas non esse latæ sententiæ, sed ferendæ; alioquin, ait Canon, *orans ab ingressu Ecclesiæ arceatur, & moriens christiana caret sepultura.* Quapropter Parochus ab ingressu Ecclesiæ arcere non potest, nec privare ecclesiastica sepultura parochianum, qui in Paschate sacramentaliter confessus non fuit, nisi prius intervenerit superioris Judicis sententia: possunt nihilominus Episcopi penas aliquas decernere ipso facto incurrendas.

Quæres 3. pro qua anni parte obliget Ecclesiæ præceptum.

Resp. quovis anni die, non verò præcisè in Paschate.

Ratio est, quia 1. si Ecclesia voluisset certo & determinato intra annum tempore præceptum illud obligare, haud dubiè tempus illud designasset, sicut designavit tempus Paschale pro percipienda Eucharistia: atqui Ecclesia nullum præcisè tempus designavit pro confessione, sed tantum dixit eam semel in anno esse faciendam. 2. Concilium Tridentinum Sess. 14. Can. 8. loquens de confessione faciendi, utitur hoc verbo, *suadendum*, non verò isto, *imperandum*; qua loquendi ratione innuit nulla stricta lege teneri Fideles ad confessionem certo tempore intra annum faciendam.

Sita-

Si tamen certum tempus Episcopi in suis Diœcesibus assignarent, his haud dubiè parendum esset: assignavit autem Clerus Gallicanus tempus Paschale, in Comitiiis generalibus annorum 1625. 1635. & 1645.

Quæres 4. quænam praxis magis accedat ad mentem Ecclesiæ, in adimplendo præcepto confessionis annuæ.

Resp. eam esse quæ confessionem imperat tempore Quadragesimæ: hanc enim expressè approbat Concilium Tridentinum Sess. 14. cap. 5. ubi de præcepto confessionis annuæ sic loquitur: *Item in universa Ecclesia, cum ingenti animarum fidelium fructu observatur mos ille salutaris confitendi sacro illo & maximè acceptabili tempore Quadragesimæ: quem morem hæc sancta Synodus maximè probat & amplectitur, tanquam pium & meritiò retinendum.*

To. 14.
Conc. P.
819. B.
C.

Quæres 5. utrum qui toto anni cursu omisit confiteri, teneatur quantumcuius satisfacere Ecclesiæ præcepto.

Resp. affirmativè. 1. Quia istud Ecclesiæ mandatum est dumtaxat determinatio divini quoad tempus: at divinum mandatum confessionis faciendæ magis adhuc urget elapso præscripto tempore, quia tunc major est confitendæ necessitas, ubi gravius est & præsentius indurationis periculum. 2. Quoties præceptum aliquod cum in finem datur, ut non protrahatur ulterius ejus executio, ille cui imponitur, non liberatur ab onere præcepti, quando huic non satisfacit tempore præscripto. Sic qui teneretur aliquam pecuniæ summam solvere in Paschate, & non solveret, elapso tempore Paschatis liber non esset à debito: atqui præceptum ecclesiasticum annuæ confessionis datur in hunc finem, ne ulterius protrahatur confessio: *saltem semel in anno*, ait Canon Lateranensis. Atque in hoc distat præceptum confessionis annuæ, tum ab obligatione v.g. audiendi Sacri: vel servandi jejunii, vel recitandi Breviarii, quoddam istorum obligatio alligata sit veluti temporis, & præsertim imposita ob circumstantiam & honorem talis temporis, unde hoc elapso non perseverat.

Quæres 6. an qui per plures annos non accessisset ad Sacramentum Penitentia, teneretur multoties in eodem anno confiteri, in reparationem violati toties Ecclesiæ præcepti.

Resp. negativè, quia praxis Ecclesiæ contraria videtur: qui enim per quindecim v.g. annos confessus non est, non obligatur ad confitendum quindecies; & verò unica confessione multa peccata declarari & expungi possunt.

Quæres 7. utrum qui omisit aliqua mortalia peccata declarare, teneatur ea confiteri eodem anno, ita ut per præcedentem confessionem non satisfecerit præcepto Ecclesiæ.

Resp. si sua culpa illa peccata omisit, nec integra fuit confessio, teneri illum ad iteratam confessionem; quia, ex dictis, non satisfcit Ecclesiæ præcepto per confessionem nullam & invalidam: si verò absque culpa peccata illa omisit, non teneri.

Quæres 8. quinam præcepto ecclesiastico confessionis obstringantur.

Resp. eos omnes qui ad annos discretionis pervenerunt, & post Baptismum lapsi sunt. Quodnam verò sit discretionis tempus, judicabit prudens Sacerdos; alii enim tardius, alii citius bonum à malo discernere possunt.

Quæres ultimò, an qui reus dumtaxat est peccatorum venialium, teneatur vi præcepti ecclesiastici ea confiteri.

Resp.

Resp. negativè, nisi fortè scandalì periculum foret. Ratio est, quia, ut diximus, non obligat præceptum Ecclesiæ, quando ipsum divinum non obligat: atqui præceptum divinum non obligat ad confessionem venialium, quæ aliis remediis possunt, Deo ita volente, expiari. Censet nihilominus S. Thomas, teneri hominem illum, vi præcepti ecclesiastici, sistere se proprio Sacerdoti, eique declarare se nullius mortalis peccati reum. Ita in Supplemento q. 6. art. 3. ad 2. & q. 8. art. 5. ad 4.

ARTICULUS IV.

De conditionibus confessionis.

Sedecim vulgò assignantur à Theologis, his quatuor versibus expressæ.

*Sit simplex, humilis confessio, pura, fidelis:
Nec non nuda, frequens, discreta, libens, verecunda,
Integra, secreta, & lachrymabilis, accelerata,
Fortis & accusans, & sit parere parata.*

Simplex & *nuda* debet esse confessio; id est verbis non fucata, nec ad historicam vitæ narrationem magis, quàm ad peccatorum coram iudice accusationem accommodata.

Humilis, ex intimo propriæ indignitatis sensu, deposito omni fastu & pompa sæculari, oculis in terram demissis, flexis genibus, ut reum decet, qui veniam deprecatur. Non ergo sit contentiosa, qualis eorum esse solet qui ad Sacerdotes disputandi potius animo, quàm declarandi peccata, videtur accedere.

Pura, fidelis; id est, vera & sincera, quæ nihil falsi habeat admixtum, nihil ad ipsam confessionem extraneum; nullum, quàm honestum, sibi proponat finem.

Frequens; ne scilicet in frequentia usus Sacramenti Poenitentiae contrahatur peccandi habitus, cor induretur, ac finalis sequatur impenitentia.

Discreta; id est, prudens & cauta, ne quid scilicet amplius aut minùs enuntiet quàm necesse sit, sed intra eos fines se contineat quos exigit confessionis integritas.

Libens; id est, non extorta nec coacta, qualis in Iudicio sæculari solet à reis extorqueri. Libenti animo confiteri non censetur, qui non nisi per longos circuitus ac multo labore inducuntur ad certa crimina declaranda.

Verecunda; id est, casta & modesta, ne scilicet quæ re ipsa obscena sunt & turpia, verbis oblectans & turpibus exprimat.

Integra; id est, plena quæ peccata & specie diversa & numero plura cum suis circumstantiis aperiat.

Secreta, tam ex parte poenitentis qui voce demissa debet confiteri, quàm ex parte Sacerdotis, qui omnia peccata sibi in aurem declarata inviolabili sigillo clausa debet apud se retinere.

Lachrymabilis; id est, cum intimo animi dolore.

Accelerata; id est, ad longum tempus non dilata.

Tournely de Sacram. Poenitentia.

O

Fortis

Fortis & accusans; id est, quæ peccata non imminuat nec excuset, sed ea qualia sunt, non timide, sed generose ac candidè aperiatur.

Parere parata; id est, poenitens ita debet esse animo preparato, ut faciat quicquid prudens iusserit Sacerdos.

Inter illas autem conditiones mox enumeratas duz potissimum sunt quæ pleniorē à nobis exigunt expositionem, integritas scilicet, & secretum confessionis.

De integritate confessionis.

Duplex est confessionis integritas, una formalis, materialis altera: prior, est accusatio omnium peccatorum mortalium quæ post diligens conscientiaexamen, memoriæ occurrunt; posterior, est adæquata omnium planè peccatorum declaratio. De priori integritate hic dumtaxat agimus, non de posteriori; certum quippè est materialem confessionis integritatem non semper esse necessariam, cum non aliud exigat à poenitente Ecclesia, quàm ut postquam diligentius se excuserit, & conscientia sue finis omnes ac latebras exploraverit, ea peccata confiteatur quibus se Dominum & Deum suum mortaliter offendisse meminerit: reliqua autem peccata quæ diligenter cogitantur non occurrunt, in universum eadem confessione inclusa esse intelliguntur, pro quibus fideliter cum Propheta dicimus: *Ab oculis To. 14. Cmc. p. 318. E. munda me Domine.* Ita Concilium Trid. Sess. 14. c. 5.

Imò contingit aliquando non teneri poenitentem omnia & singula, quorum recordatur, peccata confiteri: v.g. si poenitens gravi morbo laborat, nec potest sine gravissimo incommodo omnia sigillatim peccata percurrere: si ex quorundam peccatorum declaratione grave aliquod malum imminuat, nec facultas sit alium Sacerdotem adeundi: si peregrinus in earegione sit, ubi à Sacerdotibus non possit intelligi: si proximi naufragii imminens sit periculum: si milites ad prælum se accingant &c.

Integritas verò illa confessionis spectari potest vel ex parte materiæ, vel ex parte ministri, vel ex parte temporis.

Ex parte materiæ, quaritur 1. utrum omnia & singula peccata mortalia necesse sit confiteri, non in genere tantum; sed etiam quoad speciem & numerum.

Quaritur 2. utrum circumstantiæ aggravantes intra eandem peccati speciem necessariò sint declarandæ.

Quaritur 3. utrum persona complicitis sit aperienda.

Quaritur 4. utrum moribundi qui præ morbi violentia integrè confiteri non possunt, sint absolvendi.

Ex parte ministri, quaritur, an integra sit confessio illius qui cum habeat casus aliquos reservatos, partim uni, partim alteri sua confitetur peccata: puta reservata, Superiori; cætera, inferiori Sacerdoti.

Ex parte temporis, quaritur, an integra sit confessio illius qui interpolatis temporibus confitetur.

De integritate confessionis ex parte materie.

Utrum omnia & singula peccata cum circumstantiis speciem mutantibus sint necessariò in confessione declaranda, non in genere tantum, sed quoad speciem & numerum.

CONCLUSIO.

Omnia & singula peccata mortalia cum circumstantiis speciem mutantibus sigillatim quoad speciem & numerum, non in genere tantum sunt in confessione declaranda.

Conclusio hæc iisdem demonstratur SS. Patrum testimoniis, quibus antea probavimus confessionis omnium peccatorum necessitatem. Revoca-
tez dicta sunt.

Hinc Concilium Cabillonense II. an. 813. Can. 32. damnat abusum eorum qui plenè non confitentur. Hoc emendatione indigere perspeximus, ajunt Concilii Patres, quòd quidam dum confitentur peccata sua Sacerdotibus, non plenè id faciunt. Quia ergo constat hominem ex duabus esse substantiis, anima videlicet & corpore, & interdum animi motu, interdum carnis fragilitate peccatur, solerti indagatione debent inquiri ipsa peccata, ut ex utrisque plena sit confessio.

Tom. 7.
Canc. p.
1278. D

Et Concilium Wormatiense an. 868. Can. 25. ait, debere Sacerdotem in penitentia danda singulorum causas sigillatim considerare, originem quoque modumque culpæ, & affectus gemitusque delinquentium diligenter examinare, temporum etiam & personarum, locorum quoque & ætatum qualitates inspicere, ut pro consideratione locorum, ætatum vel temporum, seu pro qualitate delictorum atque gemituum uniuscujusque delinquentis, à sacris regulis oculos non deflectat.

Tom. 8.
Canc. p.
950. D.

Concilium Londinense anno 1200. Can. 4. præscribit, ut Sacerdotes in penitentis imponendis diligenter attendant circumstantias, qualitatem personæ, quantitatem delicti, tempus, locum, causam, moram in peccato factam.

Tom. 11.
Canc. p.
15. A.

Denique Concilium Tridentinum Sess. 14. c. 5. Ex his colligitur, inquit, oportere à penitentibus omnia peccata mortalia, quorum, post diligentem sui discussionem, conscientiam habent, in confessione recenseri, etiam si occultissima illa sint, & tantum adversus duo ultima Decalogi præcepta commissa . . . Et paulò post. Cum universa mortalia peccata, etiam cogitationis, homines ipsi filios & Dei inimicos reddant, necessum est omnium etiam veniam cum aperta & veracunda confessione à Deo querere. Itaque dum omnia quæ memoria occurrunt peccata Christi fideles confiteri student, procul dubio omnia divina misericordia agnoscenda exponunt. Qui verò secus faciunt, & scienter aliqua retinent, nihil divine bonitati per Sacerdotem remittendum proponunt: Si enim erubescat agrotus vulnus medico detegere, quod ignorat medicina non curat. Colligitur præterea, etiam eas circumstantias in confessione explicandas esse, quæ speciem peccati mutant; quasi sine illis peccata ipsa neque à penitentibus integrè exponantur, nec iudicibus innotescant; & fieri nequeat ut de gravitate criminum rectè censere possint, & penam, quam oportet, pro illis penitentibus

Tom. 14.
Canc. p.
818. B.

ibid. C.

imponere. Unde alienum est à ratione, docere circumstantias has ab hominibus otiosis excogitatas fuisse, aut unam tantum circumstantiam consuetudinem esse, nempe peccasse in fratrem. Et Can. 7. ejusd. Sess. Si quis dixerit, in Sacramento Poenitentia ad remissionem peccatorum necessarium non esse jure divino confiteri omnia & singula peccata mortalia . . . anathema sit.

Deinde Concilium Novatores perstringit, qui hanc confessionis integritatem materialem conscientiarum carnificinam appellant: nec attendunt eorum duntaxat integram exigi peccatorum confessionem, quorum post diligens examen homo memoriam retinet. Quam doctrinam cap. 5. Concilium exposuit, eandem Can. 7. definivit.

Concilium & auctoritate sua, & pondere rationis quam insinuat, veritatem Conclusionis nostrae ostendit; Judex etenim litem dirimere & judicare ex æquitate non potest, nisi omnino perfectas habuerit rei causas, rationes, circumstantias, ac litis Instrumenta omnia expenderit; nec Medicus apta remedia morbis applicare potest, nisi morbos illos apprimè noverit: Sacerdos verò in tribunali Poenitentiae Judex est ac Medicus animarum, ut antea probavimus. Unde meritò damanda ista propositio, *Præcepto confessionis satisfaci, qui enuntiat simpliciter se furto abstulisse eam pecunie quantitatem, quæ ad peccatum lethale sufficit.* Clerus quoque Gallicanus ann. 1700. istam n. 83. propositionem meritò proscripsit. *Non tenemur Confessario interroganti fateri peccati alicuius consuetudinem.*

N. Mem.
du Cler.
g. 2. T. 1.
p. 732.

Dices: Potest aliquis absolvi ab excommunicatione, remanente ipso peccati reatu, ergo potest absolvi ab uno peccato quod confitetur, licet non absolvatur ab alio quod non confitetur.

Resp. nego consequentiam. Disparitas est, quia per absolutionem ab excommunicatione homo præcisè justus non redditur, sed Ecclesiæ duntaxat restituitur, à qua fuerat præcisus; è contra per absolutionem sacramentalem à peccatis, si valida sit, homo gratiam adipiscitur & reconciliatur Deo: at implicat aliquem justum fieri ac Deo reconciliari, cui omnia simul peccata mortalia dimissa non fuerint; si enim vel unum remaneret, exalaret ab eo gratia sanctificans seu justificans.

Quæres 1. quamvis peccata specie distincta censeantur, & quæ circumstantiæ speciem peccati mutant.

Resp. ad primum: Ea peccata specie distincta esse, quæ pugnant contra virtutem specie distinctam. Sic fornicatio contra castitatem, adulterium & contra castitatem & contra justitiam pugnat; unde duplex est specie distinctum peccatum.

Ad secundum resp. pariter, tunc circumstantiam addere novam peccati speciem, cum pugnat contra distinctam virtutem. Sic injusta percussio Clerici, propter circumstantiam personæ Deo dicatæ; & furtum in loco sacro, ratione loci peccata sunt, non solum contra justitiam, sed etiam contra religionem. Circumstantia verò tum aggravat aut minuit solam peccati speciem, cum magis vel minus pugnat contra eandem virtutem: ut injusta percussio Clerici gravior aut levior, furtum in loco sacro majoris aut minoris quantitatis, non differunt inter se, nisi secundum magis aut minus intra eandem speciem; quia injusta percussio sive gravior, sive levior, eandem lædit virtutes: similiter & furtum sive majus, sive minus. In idem fermè recidit quod

quod docet Maldonatus de Pœnit. To. 2. p. 179. circumstantias, quæ mutant finem & objectum actionis, mutare quoque speciem: v.g. occidere hominem propter adulterium, facit ex homicidio adulterium; & furari rem sacram, facit ex furto sacrilegium. Observat autem idem Theologus; quod cum Scholastici docent circumstantias mutare speciem peccati, non sit intelligendum ex uno peccato fieri aliud; sed unam & eandem actionem, propter circumstantiam accedentem esse duo peccata.

Quæres 2. unde repeti debeat numerica peccatorum distinctio.

Resp. eam repeti vel à multiplicitate numerica actuum interiorum, vel à multiplicitate morali actuum exteriorum, vel objectorum: quæ omnia fusiùs exponere solet Theologi in Tractatu de peccatis & actibus humanis.

Quæres 3. an qui uno actu physico plura attingit objecta, v.g. qui uno ictu plures interficit homines, una detractiōe plures lædit, teneatur exprimere distinctè numerum illorum objectorum.

Resp. cum distinctiōe. Vel enim ille plura objecta distinctè cognovit, vel confusè tantum: si prius, tenetur distinctè in confessione declarare v.g. se tres homines uno ictu interfecisse, de tribus personis detraxisse &c. Si verò confusè tantum objecta illa cognovit, satis est si generatim dicat se multos interfecisse, de multis detraxisse. V.g. aliquis ignem admovit Pagi domibus, aut veneno infecit fontem alicujus loci, unde incolæ mortui sunt; vel detraxit de tota aliqua societate ac familia, satis est si dicat se omnes Pagi incolas interfecisse, de universa aliqua societate detraxisse.

Quæres 4. an pœnitens confiteri debeat dubia peccata.

Resp. affirmative, quia peccata hujusmodi remitti debent saltem ut dubia.

Quæres 5. an qui recordatur peccati mortalis, quod ex oblivione non exposuit in præcedente confessione, teneatur illud confiteri.

Resp. teneri. Ita statuit Alexander VII. an. 1665. & Clerus Gallicanus an. 1700. in celebri sua Censura ubi propositio ista num. 80. damnatur, *Peccata in confessione omissa seu oblita ob instans periculum vite, aut aliam ob causam, non tenemur in sequenti confessione exprimere.* Hæc propositio, ait Censura, est te-
N. Mem.
de du Cler-
meraria, erronea, & confessionis integritati derogat.
g. l. 10.
p. 734

Quæres denique, an & quale debeat esse examen conscientia.

Resp. accuratum esse debere, & tale quale solet exigi in rebus gravissimi momenti: nullius quippe rei potior & major esse debet cura, quam salutis animæ.

An necesse sit aperire in confessione circumstantias in eadem specie aggravantes.

Circumstantiæ aggravantes in eadem specie dicuntur, quæ malitiam & gravitatem peccati insigniter augent. V.g. furari duos nummos, vel centum, vel mille, est quidem in eadem furti specie; at longè gravius est furari centum aut mille, quam duos. Similiter peccatum carnis quod cum matre vel sorore aut nepte vel consobrina committitur, est quidem in eadem specie incestus, sed longè gravius in primo & secundo, quam in tertio gradu. Unde scitè advertit Melchior Canus, parte 6. de Pœnitentia, in administratione Sacramenti Pœnitentiæ habendam potius esse rationem eorum quæ spectant ad mores, quam eorum quæ spectant ad Metaphysicam.

Non consentiunt tamen inter se Theologi circa propositam quæestionem.

Journely de Sacram. Pœnitentiæ.

O 3

Sant

Sunt qui cum Vasquesio, & aliis nonnullis quos ille appellat ad quaestionem 91. art. 1. dubio 2. negant necesse esse ad integritatem confessionis, aperire circumstantias aggravantes: alii affirmant cum Melchior Cano, cum quibus sit

CONCLUSIO.

Circumstantiæ in eadem specie aggravantes necessariò aperiendæ sunt, ut integra sit confessio.

Probat^{ur} 1. momentis & rationibus in priori Conclusionè adductis: quæ enim de circumstantiis speciem peccati mutantibus ibi diximus ex Concilio Tridentino & aliis, æquè probant, ut patebit attendenti, necesse esse ad integritatem confessionis, ut circumstantiæ in eadem specie augentes peccati gravitatem, declarentur; aliàs, nec penitens perfectè & integrè statum suæ conscientia aperiret, nec Sacerdos iudicis & medici partes, ut oportet, exercere posset in imponendis penis idoneis & proportionatis.

Et verò contingit aliquando, ut circumstantiæ aggravantes intra eandem speciem magis augeant peccati malitiam & gravitatem, quàm si peccatum illud ad aliam transiret speciem: v.g. furari nummum in loco sacro, non est simplex furtum, sed sacrilegium; attamen gravius peccat qui centumnummos alio in loco furatur.

T. 11.
Canc. p.
173. B. Probat^{ur} 2. ex Canone *Omnis utriusque sexus. Sacerdos*, inquit, *sit discretus & castus, ut more periti medici superinfundat vinum & oleum vulneribus sauciati, diligenter inquirens & peccatoris circumstantias & peccati, per quas prudenter intelligat quale illi consilium debeat exhibere, & cuiusmodi remedium adhibere, diversis experimentis utendo ad sanandum aegrotum.*

Probat^{ur} 3. ex praxi & usu Veterum, qui pro variis circumstantiis intra eandem speciem peccati malitiam aggravantibus, gravio^{rem} imponebant poenam. V.g. licet ejusdem speciei sit idololatria voluntaria, cum ea quæ per vim extorquetur, tamen Ecclesia Hispanica gravio^{rem} longè poenam imposuit priori, quàm posteriori. Pariter furtum clandestinum & apertum ad eandem pertinet speciem peccati; prius tamen secreta confessione purgabatur olim, alterum verò poenitentia publica, teste S. Gregorio Nysseno in Epistola Canonica. Crimen quoque bestiale pro varia peccantium ætate diversum non sit specie; & tamen variis penis afficitur pro varia ætate peccantium, in Concilio Ancyrano Can. 16. Homicida voluntarius ad poenitentiam toto vitæ tempore peragendam damnatur; si verò involuntarium fuerit homicidium, septem annorum poenitentia punitur ab eodem Concilio Can. 22. Denique, habitus peccandi non mutat speciem peccati: v. gr. qui ex inveterato habitu mentiuntur, blasphemant, fornicantur, ii idem specie peccatum mendacii, blasphemiz & fornicationis committunt: attamen necesse omnino est aperire in confessione, an inveteratus sit eorum peccatorum habitus: alia quippe ratione agere debet prudens Sacerdos cum iis qui ex longo habitu peccant, & alia cum iis qui semel tantum aut iterum ex infirmitate labuntur.

Dices 1. Concilium Tridentinum nihil dixit de circumstantiis intra eandem speciem aggravantibus.

Resp.

Resp. Concilium more suo abstinuisse ab iis opinionibus dirimendis ac definiendis, quas noverat inter Doctores Catholicos in utramque partem agitari, qualis est præsens nostra quæstio. Quamquam si attentè expendantur & ponderentur rationes quibus utitur Concilium, ut probet aperiendas esse circumstantias quæ mutant speciem, manifestum erit & ipsas quoque circumstantias intra eandem speciem aggravantes, necessariò quoque esse declarandas: eò enim collimant rationes superiori Conclusionè adductæ.

Dices 2. Circumstantiæ quæ notabiliter non augent peccati malitiam, non debent necessariò declarari; ergo nec illæ quæ notabiliter ejusdem peccati augent gravitatem.

Resp. nego consequentiam. Illæ quippe circumstantiæ necessariò videntur declandæ, quæ mutant peccantis statum, & alia remedia exigunt: tales sunt circumstantiæ insigniter aggravantes peccati malitiam. V.g. aliud ferendum est judicium de muliere quæ metu mortis, vel causa uniùs voluptatis in adulterium consentit: alia pariter causa & conditio est, eorum qui vincuntur peccato & tentatione; alia eorum, qui ultrò peccato se offerunt, nec expectant tentationem, sed præveniunt. Ad has circumstantias attendere debet prudens Sacerdos in tribunali Penitentia.

Dices 3. Jure naturali prohibitum est detegere occultum proximi crimen: atqui circumstantiæ aperiiri non possunt aliquando, quin simul alterius crimen detegatur. V.g. mulier confiteatur se cum fratre suo unico, vel cum Confessario peccasse; Sacerdos, qui utrumque novit & fratrem & Confessarium, quos hæcenus viros pios habuerat, eos statim nefandi criminis reos intelliget.

Resp. 1. eo in casu teneri illam mulierem ad alium accedere Sacerdotem, cui sua peccata confiteatur; quòd si non possit,

Resp. 2. posse illam tuta conscientia occultum alterius crimen detegere. Nonne reus jussè torquetur, ut criminis socios detegat? Nonne censuris adiunguntur Fideles revelare occultos furti vel homicidii auctores? Nonne civis deferre tenetur quem novit Reipublicæ noxium; & servus herum monere, si noverit ab alio servo bona ejus diripi? Quidni ergo idem illi mulieri in casu proposito licebit?

Dices 4. S. Thomas in 4. dist. 16. q. 3. art. 2. quæstiuncula 5. Conclusioni nostræ adversatur.

Resp. S. Doctorem, cum junior esset, ac scriberet in Librum Sententiarum, nobis adversatum esse, quam suam opinionem haud dubiè revocasset senior factus, si manum ultimam suæ Summæ apposuisset. Fundamentum hujus conjecturæ nostræ est, quòd 1. 2. q. 73. art. 9. & 10. & 2. 2. q. 61. art. 2. ad 3. & art. 4. in corpore, ad nostram sententiam accedere videatur.

An necesse sit aperire in confessione personam complicitæ.

Duplex esse potest hujus quæstionis sensus.

I. Utrum persona complicitæ sit necessariò declaranda, quando aliter integra esse non potest confessio; quod certè contingit, cum ex conditione complicitæ mutatur species peccati, aut insigniter augetur intra eandem speciem ejus malitia. V. g. Titius habet sororem unicam, cum qua incestum committit: non potest Titius declarare se incestum commississe cum

forore, quin statim illa distinctè cognoscatur à Sacerdote. Quaritur, tenetur ne Titius accusare se apud Sacerdotem in tribunali Poenitentiae, incestus? Si se accusat, fororem prodit complicem: si taceat, integrè non confitetur. In ea verò hypothesi, supponitur ex declaratione complicitis distinctè cognosci personam illius: si enim generatim dumtaxat & confusè cognosceretur, dubium non foret quin teneatur poenitens socium criminis ita generatim declarare.

II. Sensu est, utrum cum declaratio complicitis ad integritatem confessionis non conducit, possit tamen & debeat poenitens, sive ad privatam suam utilitatem, sive ad emendationem complicitis, sive ad bonum procurandum, aut fugiendum malum, personam criminis participem declarare. Circa utrumque caput non una est Theologorum praxis atque sententia.

Circa primum, Morinus L. 2. de Poenit. cap. 12. & sequentibus, ait longè communiorem esse Theologorum sententiam, teneri scilicet eo in casu poenitentem, ad declarandam complicitis personam. Multos laudat cap. 16. hujus opinionis defensores; & addit, paucos admodum ab ea dissentire.

Suares nihilominus disputatione 34. sectione 2. n. 11. contrariam probabilem existimat, nec paucos appellat ejus patronos; inter ceteros, Ostiensem, Navarrum, Medinam, Bannem, Marfilium &c.

Quantum ad secundum, si res in se ac speculativè consideretur, omnes facile consentiunt licitum esse declarare aliquando criminis socios, aut simpliciter reos: verum an in praxi istud expediat, & observari semper debeat, non una est omnium mens, nec una agendi ratio. His praemissis, sit

P R I M A C O N C L U S I O.

Persona criminis particeps necessariò debet declarari, cum aliter stare non potest integritas confessionis, ejusque faciendae urget praeceptum.

Edit. vet. T. 2. p. 766. D. 16. p. 773. D. Probatur 1. ex praxi & usu veterum Canonum quibus complicitis persona designatur, quando certis quibusdam criminibus certa & determinata poena decernitur. Sic Canone 67. Epistolae S. Basilii ad Amphilochoium, incestus cum sorore eadem poena qua homicidium punitur. Et Can. 75. *Qui cum propria, inquit, ex patre, vel ex matre sorore pollutus est, in domum orationis ne permittatur accedere, donec ab iniqua & nefaria actione desistat. Postquam autem in horrendi peccati sensum & animadversionem venerit, triennio desinat.* Et Can. 79. *Si qui in suas novercas insaniunt, sunt eidem Canonis obnoxii, cui & ii qui in suas sorores insaniunt.* Peccata verò hæc talis sunt conditionis ac naturae, ut declarari non possint, quin socius ac particeps criminis detegatur ac declaretur.

Idem planè dicendum de peccatis quae marito cum uxore, & uxori cum marito communia sunt: ista quippe vel tacenda, vel persona complicitis declaranda. Utriusque verò generis peccata à Canonibus castigata legere poteris quamplurima in antiquo Poenitentiali Romano, titulo 3. cap. 6. 7. 8. 9. & sequentibus.

Praeterea, certum est criminis socium declaratum olim fuisse, cum ex conditione illius crescebat vel minuebatur peccati gravitas. Ita colligimus ex Venerabili Beda de remediis peccatorum cap. 2. *Si, inquit, referens antiquos*

Cano-

Canones, *uxoratus ancillam suam compresserit, annum unum poeniteat. ... & à* Tom. 8.
p. 1119-
n. 40.
suave abstineat. illa, si invitata passae sit, quadraginta dies poeniteat. Idem colligere est ex Burchardo Wormatiensi Episcopo, Lib. 19. Decretorum.

Probat 2. Quia integritas confessionis juris est divini, quæ postulat, ut & species peccati, & circumstantiæ insigniter aggravantes aperiantur; si ergo aperiri non possunt absque declaratione complicitis, necesse est personam illius declarari.

Neque est quòd excipias 1. peccata, de quibus citati Canones, publica fuisse, adeoque mirum esse non debere quòd complicitis persona declararetur. 2. personam complicitis generatim dumtaxat & confusè in his declarari, non clarè, non distinctè.

Namque I. Non distinguunt citati Canones, inter publica vel occulta peccata: deinde, eorum multa sunt ejusmodi, ut planè in occulto, nullo teste nisi complice, consumuntur.

Denique, de occultis ipsis peccatis expressè loquuntur etiam antiqui Canones: v. g. caput 43. Concilii Triburiensis; 61. Concilii Wormatiensis; & 26. Pœnitentialis Romani titulo 3. verba suppeditat Morinus.

II. Gratis fingitur, confusè & generatim dumtaxat complicitis personam notam fuisse ex confessione poenitentis, iis temporibus quibus editi sunt citati Canones namque cum ea ætate soli Episcopi & Parochi eorumque Vicarii exciperent Fidelium confessiones, ac longè distinctius suas singulas oves cognoscerent, in oppidis præsertim & minoribus urbibus, facili intelligitur sapissimè contigisse, ut ex declaratione talis peccati v. g. incestus, statim distinctè cognita fuerit complicitis persona.

Dixi in Conclusionè, cum urget præceptum confessionis; si enim commodè differri potest, aut aliud adiri Sacerdos cui distinctè perspecta non sit complicitis persona, consultius est differre, & aliud adire Sacerdotem, ut, quantum fieri potest, famæ complicitis consulatur.

Dices 1. Nusquam licet detrudere de fama & honore proximi: sed qui criminis occulti socium & complicem declarat in confessione sacramentali, detrahit de fama sui proximi.

Resp. nego min. tunc quippè *vera non est detractio*, ait S. Thomas 2. 2. q. 73. art. 2. *cum subest legitima causa revelandi occultum crimen*: atqui causa legitima censetur, cum sine tali declaratione stare non potest confessionis integritas. Deinde, duplex est criminis alicujus delatio; una juridica, quando quis se auctorem infcribit, & legitimationis, si probando deficiat, se se subijcit; altera verò monitoria, quando nempe monetur aut Respublica, aut privatus aliquis, de periculo sibi imminente: in neutra verò detractionis vitium propriè occurrit; sibi enim imputare debet reus, quòd criminis perpetrati juridicè convincatur: neque eo animo apud Judicem à delatore accusari præsumitur, ut ejus famam lædat, sed ut bonum publicum conservetur, & reus ab aliis sceleribus perpetrandis avocetur. In delatione quoque privata, seu declaratione quæ fit in aures Sacerdotis, personæ criminis socii nulla est detractio, nullum famæ detrimentum incurritur: ex tali quippè noticia quam ex secreta confessione habet Sacerdos, nihil exterius agere potest quod vergat in damnum personæ illius. Quòd si nonnihil decreseat in opinione privata Sacerdotis persona illa criminis socii, sibi istud imputet.

Dices

Dices 2. Sacerdos qui peccatum suum accusare non potest nisi revelando personam & peccatum illius cujus confessionem sacramentalem excepit, non tenetur peccatum illud suum declarare, alias violaret confessionis arcanum; ergo pariter non tenetur poenitens declarare peccatum, quod non potest declarari, quin persona criminis particeps statim cognoscatur.

Resp. nego paritatem. Disp. est, quia in nullo casu potest violari sigillum confessionis, cujus maxima debet esse religio & reverentia: è contra declarari potest & debet persona particeps criminis, cum aliter integra non potest stare confessio.

Quæres 1. an criminis capitalis reus, Judici ex officio interroganti criminis socios aperire teneatur.

Resp. affirmativè: jus enim & auctoritas quæ est in Judice ad interrogandum, importat in reo legem ac necessitatem respondendi, & quidem ad mentem illius, nusquam enim mentiri licitum est: insuper tenetur quodlibet Republicæ membrum, ejus conservationi ac bono consulere, eosque pro virili arcere longius qui illud conturbant.

Quæres 2. an qui criminis non quidem particeps est, sed objectum seu occasio, sit quoque in confessione declarandus, quando sine illius declaratione confessio integra non foret. V. g. filius propinat venenum matri gravidæ ex illegitimo concubitu, ut foetum extinguat; tenetur-ne declarare matrem ex illegitimo concubitu concepisse, & hanc fuisse criminis à se patrati occasionem?

Resp. affirmativè cum Soto, quia circumstantiæ hujusmodi gravitatem peccati imminuere, vel augere insigniter possunt.

S E C U N D A C O N C L U S I O.

Criminis socium, vel simpliciter reum, in confessione declarare, propter solam aut poenitentis, aut complicitis, aut rei utilitatem, per se quidem licitum est: utrum verò expediat in praxi, generatim nec probamus, nec improbamus; sed ex subjectis circumstantiis judicabit vir prudens.

Tres sunt Conclusionis partes.

Prima pars, nempe licere poenitenti propter suam propriam utilitatem criminis socium, vel simpliciter reum declarare, ut ab importunis ejus sollicitationibus se ipsum liberet, ac peccandi occasionem fugiat, manifesta videtur: jus enim ipsum naturale dicat, ut quisque suæ consulat saluti, quamquam per accidens damnum alterius sequatur. Sic jussit Gregorius XV. Constitutione data an. 1622. ut Sacerdotes, qui in tribunali Poenitentiae ad inhonestam & turpia suos poenitentes sollicitant, denuntientur ac declarentur locorum Ordinariis; gravi censura insuper notatis iis Confessariis, qui docuerint non teneri poenitentes ad talem declarationem faciendam. Adversus eosdem sollicitantes Constitutionem antea ediderat Pius IV. an. 1561. Quanta verò cautione ac prudentia debeant Superiores ejusmodi denuntiationibus faciles aures præbere, iisque habere fidem, demonstrant multa perditarum mulierum exempla, quæ aut ab aliis animo vindictæ conductæ, aut invictæ stimulis agitate, aut desiderio emungendæ pecuniæ, viros pios & san-

805

Tem. 3.
Bull. p.
318.

Tem. 2.
Bull. p.
34.

Etos aliquando infamare conantur. Monet verò appositè sanctus Augustinus, Sermone 351. cap.4. aliàs Homilia ultima inter 50. loquens de hujusmodi delationibus, multos Christianos propterea tacere & sufferre aliorum peccata quæ noverunt, quia documentis sæpè deseruntur, & ea quæ ipsi sciunt, *Judicibus Ecclesiasticis probare non possunt. Quamvis enim, addit sanctus Doctor, vera sint quedam; non tamen Judici faciliè credenda sunt, nisi certis indiciis demonstrentur.* T. 4. p. 1359. B.

Secunda pars Conclusionis, nempe per se licitum esse pœnitenti, propter solam complicitis utilitatem, crimen ipsius Sacerdoti manifestare, ut corrigatur & ad meliorem mentem adducatur, imò & peccata fratrum simpliciter denuntiare, probatur ex praxi veteris Ecclesiæ, quæ ejusmodi delationem imperabat, impositis etiam pœnis adversus eos qui fratrum peccata, quæ noverant, non accusabant. Ita jussit Heraclas, referente S. Dionysio Alexandrino, apud Eusebium Lib.7. Hist. c.7. ut Hæretici ad Ecclesiam redeuntes non prius admitterentur, quàm quæcumque ab adversariis audierant, palmè exposuissent.

Pagina
253. D.

Multa in hanc rem exempla dabit Morinus L. 2. de Pœnitentia cap.7. Unushic nobis sufficiat S. Augustinus Sermone 392. cap.4. aliàs Hom. 49. inter 50. Nolo, inquit, talem patientiam habeant Christianæ mulieres: prorsus zelent viros suos; non propter carnem suam, sed propter animas illorum. Omniò ergo moneo, ego præcipio. ego jubeo: Episcopus jubet, Christus in me jubet.... Nolite viros vestros permittere fornicari. Interpellate contra illos Ecclesiam. Non dico Judices publicos, non Proconsulem, non Vicarium, non Comitem, non Imperatores, sed Christum. In cæteris omnibus ancilla estote viro- rum vestrorum, subdite ad obsequium.... Sed ubi ventum fuerit ad illud negotium, ubi vos Apostolus æquavit, dicens, Uxori vir debitum reddat, similiter & uxor viro.... clamate pro re vestra.

Tom 5.
p. 1106.
B. C.

Sermone verò 16. de verbis Domini, nunc 82. qui totus est de correptione fraterna, modum præscribit sanctus Doctor, quo debeat proximi peccatum corrigi & ad Ecclesiam deferri. Cap.8. Novit, inquit, nescio quem hominem. *Thid. p. 444. F.* micidam Episcopus, & alius illum nemo novit. Ego volo publicè corrigere, at tu quævis inscribere. Prorsus nec prodo, nec negligo: corripio in secreto; pono ante oculos Dei Judicium; terreo cruentam conscientiam: persuadepœnitentiam. Hac charitate præditi esse debemus.... Sunt homines adulteri in domibus suis, in secreto peccant, aliquando nobis produntur ab uxoribus suis. Plerumque zelantibus, aliquando maritorum salutem querentibus; nos non prodimus palam, sed in secreto arguimus. Ubi contigit malum, ibi moriatur malum. Ita S. Augustinus. *Thid. G.*

Tertia pars Conclusionis probatur: Quia etsi, per se loquendo, licitum sit fratrum peccata in confessione accusare, tùm ad propriam, tùm ad illorum utilitatem; quia tamen in praxi nonnulla gravissima incommoda nasci possunt, idcirco diximus generatim, nos nec probare nec etiam improbare usum illum, sed prudentis esse judicare quibus in circumstantiis ille expediat. Incommoda porò ista inter multa hæc duo sunt potissimum. Primum, ne Fideles veniant in suspicionem, violari à Sacerdote confessionis sigillum, ex quo certè Pœnitentis tribunal odiosum maxime redderetur; quod profectò malum

malum tanti est, ut quodcunque vel pœnitentis, vel complicitis bonum ei cedere debeat. Secundum, ne fictis confessionibus & calumniis, quibus nonnulli perdit viros probos aliquando obtentu religionis & pietatis impetunt, locus & occasio detur.

De confessione moribundi non integra dicendi hic locus esset: verum commodior occurret infra ad Quæstionem nonam, de illa differendi occasio.

De integritate confessionis ex parte ministri, ubi pœnitens casus habet reservatos.

En casus. Titius commisit quædam peccata Superiori reservata: Superior ob legitimum impedimentum audire non potest integram Titii confessionem, sed ea dumtaxat peccata quæ sunt reservata: quæritur, potest ne Superior illa sola reservata peccata audire, de illis absolvere Titium, eumque remittere ad inferiorem Sacerdotem, ut ab eo cæterorum peccatorum absolutionem percipiat?

Respondent multi, & quidem graves Theologi, posse in adducto casu dimidiari confessionem, ita ut reservata Superiori, non reservata verò inferiori Sacerdoti declarentur, atque ex utraque partiali confessione & absolutione, unicum & integrum exurgere Sacramentum. Ita S. Antoninus parte 3. titulo 14. cap. 19. n. 6. Cajetanus verbo *Confessio*, conditione 10. Petrus Soto Lectione 10. De confessione, Navarrus in caput *Consideret* n. 12. Alensis 4. parte q. 77. membro 5. art. 2.

Respondent alii, quantum fieri potest, consulendum esse integritati confessionis; atque ita in adducto casu, Superiorem debere integram pœnitentis confessionem excipere; aut si sola reservata peccata audire potuit, non debere eum ab illis absolvere, sed ad inferiorem mittere Sacerdotem, cui potestatem faciat absolvendi ab illis reservatis simul, & ab aliis peccatis, post factam eorum omnium sinceram & integram confessionem.

Quæres 1. Utrum qui habet casus reservatos possit prius absolvi à non reservatis quæ confessus est, quam remittatur ad Superiorem pro reservatis.

Resp. negativè, quia non potest unum peccatum sine alio dimitti, ut patet ex dicendis inferius: unde Concilium Tridentinum Sess. 14. cap. 7. hoc unum injungit Sacerdotibus qui *nihil possunt in casibus reservatis, ut pœnitentibus suadeant, ut ad Superiores ac legitimos iudices pro beneficio absolutionis accedant.*

T. 14.
Canc. p.
820, C.

Quæres 2. Utrum Sacramentum Pœnitentiæ possit esse simul validum & informe; hoc est, suo effectu, remissione nimirum peccatorum, privari, eo modo quo Baptismus ficto datos, ratus quidem est & validus, sed informis sine gratia regenerante, propter pravam recipientis dispositionem.

Respondent affirmativè ex Theologis ii qui pro materia Sacramenti Pœnitentiæ assignant impositionem manus: ratum enim est Sacramentum quod debita constet materia & forma; informe verò si desit in pœnitente debita conditio, nempe vel integra confessio, vel contritio.

Respondent alii negativè: quia nempe cum actus pœnitentis sint materia Sacramenti Pœnitentiæ, si actus illi ea qua par est ratione adsint, non tantum validum est Sacramentum, sed & suum fortitur effectum; si verò aliquis essentialis actus desideretur, ne validum quidem est, cum parte quadam essentiali frustretur.

Atque

Atque in eo statuunt discrimen Baptisimatis & Poenitentiae, quod Baptismi materia sit elementum ab actibus baptisandi procul distinctum, & quod Baptismus etiam informis characterem imprimat; at non ita est in Sacramento Poenitentiae.

De integritate confessionis ex parte temporis.

Status quaestionis est, utrum integra censi debeat confessio illius qui interpolatis temporibus confitetur.

Duplici autem modo contingere istud potest, ut rectè observat Maldonatus, Tractatu de Penit. cap. 4. Velenim mutata est hominis voluntas intra diversum illud spatium temporis quo incepta est ac perfecta confessio, ita ut non amplius supponatur ille verum ac sincerum de peccatis suis dolorem retinere; vel non est mutata. Si prius, certum est integram non esse confessionem, nisi poenitensea rursus confiteatur peccata quorum deposuit dolorem, priusquam inchoatam confessionem absolvet: si verò per interpolationem temporis non mutetur propositum & voluntas confitentis, non tantum integra est confessio, verum etiam aliquo modo perfectior, quia majori cum consilio ac deliberatione fit, ac diutius perseverat is qui confitetur, in dolore, poenitentia, & contritione. Ita Maldonatus. P. 184.

De secreto confessionis, & confessione per Litteras.

Secretum confessionis, quod sigillum solet appellari, spectari potest vel ex parte confitentis, vel ex parte ministri.

Ex parte confitentis, duo quaeruntur. Primum, an publica peccatorum confessio in usu aliquando fuerit. Secundum, an confessio per Litteras, & absolutione absentibus data olim valuerit.

Ex parte verò ministri multa quaeruntur circa sigillum confessionis, quæ distinctè & separatim à nobis sunt pertractanda.

De secreto confessionis ex parte confitentis. An publica confessio peccatorum in usu aliquando fuerit.

Peccata vel sunt publica, vel planè occulta. De utrisque quaeritur, fuerintne olim subdita legi confessionis publicæ: quæ quaestio cum tota sit facti, ut dicitur, non nisi claris & apertis Veterum testimoniis definiri potest.

Petavius in suis Animadversionibus ad haresim 59. S. Epiphani, observat discordes esse hac in re Theologos. Fuere, inquit, qui nullum peccatorum genus à publicæ confessionis lege exciperent, ne occulta quidem..... Alii publica dumtaxat crimina, vulgoque cognita publica illi professioni sublecerunt. Alii denique certa dumtaxat ex omnibus à poenitentia praesidiis delecta suis se peccata publicè declaranda, contendunt. Rursus aliqui poenitentes ipsos asserunt in concionem productos sua propterea peccata confessos: alii, quo illorum pudori consuleretur, eas partes Sacerdotibus demandandas fuisse, qui aut memoriter, aut ex scripto poenitentium crimina in populum efferrent. Ita Petavius, qui declarat se ab his omnibus vehementer dissentire. P. 245.

Morinus Lib. 2. cap. 9. & 10. fusè præsentem quaestionem tractat, addocet

cet publica peccata legi confessionis & poenitentiae publicae subdita fuisse; ita ut poenitentiae publicae comes individua semper fuerit confessio publica. Ibidem probat, ex occultis peccatis certa quaedam selecta fuisse ab Episcopis vel Poenitentariis, quae jubebant à poenitente publice declarari. Hunc verò morem apud Antiquos usitatissimum, ab annis plusquam non-gentis obsoletum jam facetur.

Concilium Tridentinum Sess. 14. cap. 5. de confessione publica hæc habet, quæ sententiae nostræ regula & norma esse debent. *Quoad modum confitendi secretò apud solum Sacerdotem, inquit, etsi Christus non vetuerit quin aliquis in vindictam suorum scelerum, & sui humiliationem, cum ob aliorum exemplum, tum ob Ecclesiae offensam adificationem, delicta sua publice confiteri possit, non est tamen hoc divino præcepto mandatum; nec satis consultè humana aliqua lege præciperetur, ut delicta, præsertim secreta, publica essent confessione aperienda.* Ex quibus hæc tria colliges. Primum, aliquando justis de causis posse fieri publicam peccatorum confessionem. Secundum, illam divino mandato præceptam non esse. Tertium, non satis consultè humana aliqua lege præcipiendum iri, ut delicta, præsertim secreta, publica essent confessione declaranda. His præsuppositis, mentem nostram sequentes aperient Conclusiones.

P R I M A C O N C L U S I O.

Confessio publica non semper comes fuit poenitentiae publicae; nec ulla Ecclesiae lege confessioni publicae subdita fuere ea omnia peccata, quæ publica poenitentia castigantur.

Probatur 1. Quia ex Morino L. 5. c. 9. 10. & seq. peccata gravia, etiam occulta, subdita fuere laboribus poenitentiae publicae: atqui nulla proferri potest Ecclesiae lex, qua poenitentes adigantur ad publicam confessionem peccatorum occultorum, *nec enim satis consultè, ait Conc. Trid. istud humana aliqua lege præciperetur, ergo &c.*

II. Ex eodem ibidem cap. 7. multi viri sancti solo animo pietatis publicis poenitentibus se adjugebant, sine conscientia gravioris alicujus peccati, quod probat n. 7. exemplo Wambæ Gothorum & Hispanorum Regis, & Gaudentii Valariensis Episcopi: at ubi nullum crimen est, nulla illius publice confitendi incumbit necessitas.

III. Denique, quia certa quaedam erant peccata quæ Canones publicae poenitentiae addicebant, & publicari simul seu declarari palam omnino prohibebant, ne fortè, si cognita fuissent, auctorem in periculum mortis aut gravioris alicujus damni adduxissent: tale est crimen adulterii & homicidii. Hoc sensu S. Basilii in Epistola Canonica ad Amphilochoium Can. 34. ait: *Adulterio pollutæ mulieres, & consentientes ob pietatem, vel quomodocunque convictas, publicare quidem patres nostri prohibuerunt, ne convictis mortis causam præbeamus: eas autem stare sine communione iusserunt, donec impleveretur tempus poenitentiae: hoc est, mulieres illæ in ultimo gradu poenitentiae, nempe consistentia, morabantur, nec adigebantur singulos gradus secundum præfinitum à Canonibus tempus, percurrere, ne fortè earum crimen detegeretur. Qui enim, ait Balzamon ad istum Canonem S. Basilii, eas videret*
extra

T. 14.
Conc. p.
819. A.

Ed. vov.
T. 2. p.
771. B.

Balz. p.
970. D.

exita divinos Ecclesie ambitus flantes, vel etiam cum Catechumenis exeuntes, primo aspectu omnino intelligeret propter adulterii crimen eam illis esse panam infusam, & fieret punitio causa mortis.

Illæ porro mulieres a adulteræ publicæ agebant poenitentiam, non diffente ipso Morino: si autem non tenebantur omnes illius gradus percurrere, ne forte inde venirent in suspicionem patrati criminis, quanto minus obligabantur ad publicam criminis confessionem? Publica igitur confessio non semper, ex præscripto Canonum, conjuncta fuit cum poenitentia publica.

Eadem est ratio homicidii voluntarii, cujus qui rei erant, ad publicam damnabantur poenitentiam, sicut ex Can. 56. ejusdem Epistolæ S. Basilii manifestum est: suum tamen crimen palam & coram omnibus non tenebantur illi declarare, nisi forte ipsius veniam ab Imperatore prius obtinuissent, quàm poenitentia laboribus fuissent addicti: aliàs gladio animadversum in eos fuisset, secundum civiles Imperatorum leges.

Ed. ver.
To. 1. p.
775.

Dices: Exomologesis quæ toties in Scriptis Veterum occurrit, semper conjungitur cum laboribus poenitentia publicæ, sicut facile est colligere ex testimoniis quæ supra ad argumentum quartum pro demonstranda necessitate confessionis adduximus: & ipsemet S. Basilii mox citato Canone 56. de homicida, sic statuit, *Qui sua sponte interfecit, & postea poenitentia ductus est, viginti annis Sacramento non communicabit. Viginti autem anni sic dispensantur: Debet quatuor annis deslere siliam extra fores Oratorii, & Fideles ingredientiæ rogans ut pro eo precentur, suam iniquitatem pronuntians &c.* En confessio publica juncta simul cum poenitentia. Illa similiter mulier quæ à Marco præstigiatore corrupta fuerat, postquam ad Ecclesiam rediit, inter ipsos poenitentia labores *per omne vitæ tempus crimen suum confessa est*, referente S. Irenæo L. 1. cap. 13. aliàs 9. Atqui exomologesis illa, ex dictis superioribus, vera erat oralis confessio & quidem publica, pro conditione poenitentia cum qua conjuncta erat; ergo &c.

Pagina
63. n. 5.

Resp. nego min. Fatemur quidem exomologesim illam fuisse oralem confessionem; (quamquam æpius totam significet poenitentia actionem) at semper publicam illam fuisse, & à poenitentia publica indivisam, negamus: secreta quippè confessio, ut probatum antea fuit, regula erat poenitentia siue secreto siue publicè imponendæ. Unde merito Veteres exomologesis simul & poenitentia publicæ mentionem faciunt, non ea quidem de causa, quòd publica confessio semper annexa foret poenitentia publicæ, sed quòd publicæ poenitentia semper prævia erat confessio, quam aliquando publicam fuisse ex consilio Sacerdotis non negamus. Exempla hic & superius adducta non urgent: demonstrant illa quidem invicem, antiquum fuisse confessionis usum; at publicè eam semper factam fuisse non demonstrant, nisi saltem cum publica erant & omnibus nota poenitentium peccata.

Homicida in citato Canone S. Basilii dicitur iniquitatem suam pronuntiare generatim tantum, non verò distinctè; hoc est, se maximi criminis reum declarasse, ut opem & preces Fidelium imploraret: at illum distinctè declarasse se reum esse homicidii, adduci non possum ut cædam, propter gravissimum vitæ periculum quod ex tali declaratione incurrisset, nisi forte veniam illius à Principe obtinuisset, quo casu distinctè crimen illud confiteri poterat palam & publicè. Mulier pariter, de qua S. Irenæus, omni vitæ tempore crimen suum

suum confessio dicitur, non orali confessione; ad quid enim toties repetitur criminis ejusdem confessio? sed ipsa poenitentiae actione, quae continua & ad finem usque vitae quaedam fuit patrati criminis professio. Quod si exempla illa de publica confessione interpretari malueris, pugnaciter non renuemus; modo addas, non ex communi Ecclesiae lege ac necessario editam fuisse ejusmodi publicam confessionem, quoties agebatur poenitentia publica, sed liberè, ex consilio dumtaxat Sacerdotis; praesertim cum secreta erant & occulta peccata.

SECUNDA CONCLUSIO.

Publicorum peccatorum publicam aliquando fuisse confessionem, vetera ostendunt monumenta.

Probatur iis exemplis & factis historicis quae ex S. Irenæo & Eusebio antea laudavimus in quarto argumento pro demonstranda ex Traditione Ecclesiae necessitate confessionis sacramentalis, quibus & alia hujus ordinis non pauca addere poteris, quae suppeditabit Morinus Lib. 2. cap. 9. & 10.

An verò ex praescripto Canonum ac vulgata lege necesse foret publicae peccata publicè confiteri, non audemus definire; neque enim res illa nobis satis explorata & certa videtur.

TERTIA CONCLUSIO.

Nulla unquam Ecclesiastica lege imposita fuit necessitas publicè declarandi occulta peccata.

Probant aliqui ex Tertulliano Lib. de Baptismo cap. 20. ubi ait, *gratulandum nobis esse, si non publicè confiteamur iniquitates aut turpitudines nostras*. Verum agere eò loci Tertullianum, de baptizandis, non de lapsis post Baptismum, de quibus dumtaxat loquimur, vel ipse contextus demonstrat.

Probatur itaque 1. auctoritate Concilii Tridentini jam citata Sess. 14. c. 5. ubi ait, *non satis consultè humana aliqua lege preceptum iri, ut delicta, praesertim secreta, publica essent confessione aperienda*. At Ecclesia sancta & impolluta, cui omnibus diebus semper adest Spiritus sanctus, nihil potest inconsultè, nihil intempestivè ac imprudenter praecipere; nulla ergo lege sancivit unquam, ut occulta peccata publica confessione aperirentur.

Probatur 2. ex Can. 34. Epistolæ S. Basilii, quo prohibet ne adulterium mulierum publicetur & palam vulgetur: verba laudavimus Conclusionem primam.

Idem sanctus Doctor in Regulis brevioribus, interrogatione 229. quaerit, *an oporteat vetitas actiones citra verecundiam omnibus detegere, aut aliquibus dumtaxat, & quinam bisint*. Respondet verò, *servandam esse rationem eandem in peccatorum confessione, quae in detegendis corporis morbis adhibetur*. Quemadmodum igitur, inquit, corporis morbos non omnibus patefaciunt homines, neque quibusvis, sed iis qui horum curandorum peritisunt: ita fieri quoque debet peccatorum confessio, coram iis qui curare hæc possint. Non censet igitur sanctus Doctor, peccata occulta promiscuè palam & coram omnibus esse declaranda.

Proba-

Pagina
131. B.

Ed. var.
To. 2. p.
771. B.

Ed. v.
cens. T.
2. p. 492
B. C.

Probatur 3. ex Sozomeno Lib. 7. Hist. c. 16. ubi referens historiam mulieris illius cuius crimen cum Diacono divulgatum fuerat, ait, *grave ac molestem ab initio fure merito visum esse Sacerdotibus, tanquam in theatro, circumstante totius Ecclesia multitudinem, crimina sua evulgare. Itaque (pergit ille) ex Presbyteris aliquem, qui vite integritate speciatissimus esset, & taciturnitate ac prudentia polleret, huic officio praeferunt, ad quem accedentes ii qui deliquerant, actus suos confitebantur. Si verò mos fuisset publice declarandi peccata etiam occulta, ad quid taciturnitas illa & prudentia requisita in Sacerdote qui excipit Fidelium confessiones?* Pagina 726. C.

Probatur 4. ex S. Leone Epistola 136. aliàs 18. cap. 2. ubi abusum qui irrepresserat, publice aliquibus in locis confitendi peccata occulta, severe reprimi & damnat. *Illam etiam, inquit, contra Apostolicam regulam presumptionem, quam nuper agnovi à quibusdam illicita usurpatione committi, modis omnibus confituo submoveri, ne videlicet de singulorum peccatorum genere, libello scripta professio publicetur: cum reatus conscientiarum sufficit solis Sacerdotibus indicari confessione secreta. Quamvis enim plenitudo fidei videatur esse laudabilis, quæ propter Dei timorem apud homines erubescere non veretur, tamen quia non omnium huiusmodi sunt peccata, ut ea, qui penitentiam poscunt, non timeant publicare, removeatur tam improbabilis consuetudo; ne multi à penitentia remediis arceantur, dum aut erubescunt, aut metuunt inimicis suis sua facta referari, quibus possint Legum constitutione percelli. Sufficit enim illa confessio quæ primum Deo offertur, tum etiam Sacerdoti qui pro delictis penitentium precator accedit. Tunc enim plures ad penitentiam poterunt provocari, si populi auribus non publicetur conscientia consentientis. Ita S. Leo, qui & auctoritate sua abusum rejicit, quem ait Apostolicæ regulæ contrarium, & incommoda gravissima illius publicæ confessionis subindicat.* Te. 1. p. 719.

Probatur denique iis omnibus Veterum testimoniis quibus, supra agendo de necessitate confessionis, argumento 1. ex Traditione ostendimus, perpetuum semper fuisse ac constantem in Ecclesia secretæ seu auricularis confessionis usum. Consule.

Dices 1. Exempla confessionis publicæ quæ Conclusionem secundam indicavimus, videntur esse peccatorum occultorum, nempe adulterii, fornicationis, & aliorum huiusmodi, quæ certè in occulto committuntur.

Resp. vel illa peccata occulta planè non fuisse, sed multis perspecta & probata, sive ex libera rei confessione, sive ex delatione aliorum, sive quocunque ex alio capite. Sic publicum & omnibus cognitum fuit facinus earum mulierum quæ à Marco seductæ fuerant; cognitum pariter flagitium mulieris illius cum Diacono, quod narratur à Socrate & Sozomeno; pariter publica erat defectio Hæreticorum ab Ecclesia. Vel si peccata illa occulta omninò fuisse contenderis, dicemus liberam fuisse eorum confessionem, ex consilio dumtaxat Sacerdotis, vel ex pietate & zelo penitentis factam, non verò ex necessitate, ac præscripta per Ecclesiam lege.

Dices 2. Nisi supponatur exitisse olim Ecclesiæ legem, quæ adigebat penitentes ad publicam occultorum peccatorum confessionem, quorsum illam confessionem ex verecundia & pudore, tanquam sui publicationem, penitentes refusissent? Quorsum illæ tam frequentes ac vehementes SS. Patrum conciones, quibus adhortantur peccatores, ut postposita illa verecundia

dia ac prapostero pudore, audacter occulta sua crimina foras proferant ac declarent; nec fratrum suorum oculos atque conspectum pertimescant, nec eos imitentur, qui cum in occultis corporis partibus morbum contraxerint, nolunt medico eum aperire, & ita cum sua erubescencia pereunt? Hæc & multa alia legi possunt apud Tertullianum L. de Poenit. c. 10. & 11. S. Cyprianum Tractatu de lapsis, S. Pacianum Parænesi ad Penitentiam, S. Ambrosium L. 2. de Poenit. c. 10. verba suppeditat Morinus L. 2. c. 10.

Resp. ea omnia appositè dicta fuisse à SS. Patribus adversus timidos & ignavos peccatores, qui vel apud Sacerdotem privatim sua confiteri peccata reculabant, sive ex pudore & verecundia, ut sæpe contingit, sive ex timore poenæ subeundæ, sive ex proposito permanendi in iisdem peccandi occasionibus; vel etiam publicam subire poenitentiam, pro more illorum temporum, refugiebant, quam, inquit Tertullianus, plerique ut publicationem sui

Pagina 127. B. aut suffugiunt, aut de die in diem differunt. Non ergo ad confessionem publicam potius quam ad secretam ista pertinent. Unde S. Pacianus incitata Parænesi dicebat: Quid facis tu, qui decipis Sacerdotem? Qui aut ignorantem fallis, aut

Bibliot. PP. T. non ad plenum scientem probandi difficultate confundis? Rogo ergo vos, fratres, etiam pro periculo meo, per illum Dominum quem occulta non fallunt, definite vulneratam tegere conscientiam. Prudentes egri medicos non verentur, ne in oculis quidem corporum partibus etiam secuturos, etiam perusturos.

Tat. 1. p. 70. L. Dices 3. Origenes Hom. 3. in Leviticum ait, in omni genere pronuntianda esse peccata, & in publicum proferenda cuncta quæ egerimus: si quod in occulto gerimus, si quid in sermone solo vel etiam intra cogitationum secreta commisimus, cuncta necesse est publicari, cuncta proferri.

Resp. Origenem eo loci hortari peccatores ad exteriorem peccatorum confessionem, non quidem indiscriminatim & coram omnibus promiscuè faciendam; sed coram prudente ac perito Sacerdote, quem docet inter multos esse tantè soligendum: in publicum ergo proferre peccata, idem est apud Origenem, ac exteriùs proferre, seu, ut ait Hom. 2. in Psalm. 37. *non celare intrinsecus.* Vide quæ suprâ diximus ad primum argumentum ex Traditione pro demonstranda necessitate confessionis.

Ibid. p. 298. E.

QUARTA CONCLUSIO.

Ex consilio prudentis Sacerdotis inter occulta peccata quædam aliquando selecta fuisse quæ poenitens publicè aperiret, vetera nonnulla ostendunt monumenta.

Ibid. Probatur ex Origene Hom. 2. in Psalmum 37. ubi postquam admonuit tantè soligendum esse Sacerdotem apud quem peccata deponamus, hæc addit: *Si quid ille dixerit, qui se prius & eruditum medicum ostenderit & misericordem, si quid consilii dederit, facias & sequaris. Si intellexerit, & præviderit talem esse languorem tuum, qui in conventu totius Ecclesiæ exponi debeat & curari, ex quo fortassis & ceteri adificari poterunt, & tu ipse facile sanari, multa hoc deliberatione, & satis periti medici illius consilio procurandum est.*

Idem insinuare videtur S. Augustinus Serm. 351. aliàs Hom. 50. inter 50. ubi postquam dixit debere peccatorem venire ad Antistites Ecclesiæ à quibus

facis-

satisfactionis modum accipiat, sic pergit: *Id agat quod non solum illi profit ad recipiendam salutem, sed etiam ceteris ad exemplum: nisi peccatum ejus non solum in gravi ejus malo, sed etiam in tanto scandalo est aliorum, atque hoc expedire utilitati Ecclesiae videatur Antistiti, in notitia multorum, vel etiam totius plebis agere poenitentiam non recuset.* Tom. 5. p. 1359. C. D.

Idem denique colligi potest ex Sozomeno L. 7. Hist. c. 16. ubi de Presbytero Poenitentiario dicit: *Ad quem accedentes ii qui deliquerant, alius suos confitebantur.* Pagina 726. D.
 Ille verò pro cuiusque delicto, quid aut facere singulos, aut luere oporteret, parat laico indicens, absolvet eas confitentes. Coniungunt verò multi, ex consilio illius Poenitentiarii, aut saltem ex quodam inconsulto zelo, matronam illam nobilem, cujus ibidem historiam narrat, publice suum cum Diacono facinus evulgasse, *longius in confitendo progressam*, ut legunt nonnulli apud Socratem L. 5. c. 19. Verum observat Petavius in notis ad S. Epiphanium hæresi 59. verba Socratis non satis accuratè reddi; nec legendum, *mulier longius in confitendo progressa*, sed simpliciter, *mulier longius progressa*, hoc est diutius & serius in Ecclesia, occasione poenitentiae quam agebat, commorata, facinus commisit cum Diacono; quod crimen publice cognitum & evulgatum fuisse, demonstrat gravis, quæ inde suborta est Fidelium offensio, quæ locum dedit abrogando illi Poenitentiario, ut antea diximus.

De confessione per Litteras, & absolutione absentibus data.

Duplex hic occurrit solvenda quaestio, una juris, altera facti.

Juris quaestio est, utrum confessio per Litteras absenti Sacerdoti facta, & absolutio ab eamissa ad poenitentem absentem, sit contranaturam & institutionem Sacramenti Poenitentiae, ita ut defectus praecise compræsentiae ministri & poenitentis, nullum & irritum faciat Sacramentum. Affirmant nonnulli Theologi post S. Thomam in 4. dist. 17. qu. 2. art. 4. ubi ait, *in extrema necessitate utilis esse confiteri laico praesenti, quam Sacerdoti absenti.*

Negat Morinus cum aliis bene multis quos appellat L. 8. de Poenit. c. 35. ubi observat praesentem quaestionem sub duplici temporis ratione considerare posse, scilicet vel ante Decretum Clementis VIII. datum die 20. Julii anni 1602. quo ejusmodi confessionem per Litteras factam, & absolutionem absentibus missam prohibet ac damnat; vel post istud Decretum. Ante prohibitionem Clementis VIII. & validum & licitum fuisse Sacramentum Poenitentiae inter absentem ministrum & poenitentem per Litteras confitentem, pluribus ille factis historicis demonstrare nititur; at verò post Decretum Summi illius Pontificis, planè negat aut validum esse aut licitum, vel confiteri per Litteras, vel absolvere abentes. Illicitum quidem illud jam esse, omnes consentiunt; an verò irritum quoque sit & nullum Sacramentum, nonnulli dubitarunt aliquando, rati S. Pontificem delicto vel illicito dumtaxat pronuntiasse, non verò de valido aut invalido. Ita Isambertus noster disput. 18. de Poenit. art. 6. qui, *attentius consideratis*, inquit, *tum institutione Sacramenti, tum praxi universalis Ecclesiae, tum veritate verborum formæ quibus hoc Sacramentum perficitur*, suam subinde mutavit sententiam. Tom. 6. p. 155. n. 2. B.

Sunt etiam qui contendunt Decretum Clementis VIII. non esse divisivè, sed collectivè & complexè sumendum: hoc est, damnari ab illo, non confessionem

tionem factam simpliciter per internuntium aut interpretem, sed quatenus illa jungitur cum absolutione, quam Sacerdos mittit ad absentem poenitentem. Ita Suares disput. 21. sect. 4. n. 10.

Quaestio verò facti est, utrum olim ante prohibitionem Clementis VIII. valuerit tunc confessio facta per Litteras absenti Sacerdoti, tunc absolutio missa per Sacerdotem ad poenitentem absentem. Valuisse contendit Morinus loco citato. Quae nostra sit de proposita quaestione mens atque sententia, patebit ex sequentibus Conclusionibus.

P R I M A C O N C L U S I O.

Si sola spectetur natura & institutio Sacramenti Poenitentiae, seclusa prohibitione Ecclesiae, non videtur jure divino irrita sive confessio facta per Litteras aut per internuntium absenti Sacerdoti, sive absolutio ab eo missa ad poenitentem absentem.

Probat, quia nullum satis firmum deduci potest argumentum ex natura & institutione Sacramenti Poenitentiae.

Non ex generali ratione Sacramenti novae Legis: namque Matrimonium verum est novae Legis Sacramentum, quod tamen inter absentes valide contrahitur.

Non ex speciali natura & conditione Sacramenti Poenitentiae: unde enim haberet ut inter absentem ministrum & poenitentem non posset valide perfici?

An ex eo quod Sacramentum illud per modum Judicii administratur? at verum Judicium ferri potest in absentes, ut patet exemplo sententiae excommunicationis quae in absentes pronuntiari valide potest: modò enim perfecta, quantum fieri potest, habeatur causae cognitio, potest Judex sententiam etiam in absentes dicere.

An quòd non possit Sacerdos absentis poenitentis dispositionem latè certò exploratam habere, atque periculum esse possit, ne cum absolvit hominem, mutatus subinde fuerit ejus affectus, nec amplius idoneus percipiendò Sacramento?

Vetum in hac causa non major, quam moralis requiritur certitudo: potest verò Sacerdos per Litteras vel per internuntium moraliter certus esse de dispositione poenitentis, ut patet tunc exemplo moribundi quem Sacerdos absolvit, postquam intellexit ex aliorum testimonio, postulatam ab ipso fuisse poenitentiam, & data contritionis aliqua signa; tunc exemplo eorum qui absentes Matrimonium contrahunt: quamquam enim absolute potuerit mutari tunc illius poenitentis, tunc illorum contrahentium animus, praesumi tamen debet non mutatus, & Sacerdos prudenter & absolvit poenitentem, & conjungit absentes.

An denique istud haberet ex ratione speciali verborum quibus constat forma Sacramenti Poenitentiae, v.g. quòd verba debeant ad praesentes dirigi: quòd verbum istud, *absolve*, exigit praesentiam illius qui absolvitur, praesertim cum adjunctum habet pronomen *te*? Verumquam ista levia sint & plane infirma, patet vel ipso Sacramenti Matrimonii, quod inter absentes celebratur, exemplo: verba enim formae quibus Sacerdos dicit, *Ego vos coniungo &c.* diriguntur ad absentes; nec magis verbum, *absolve*, & pronomen *te* in

in forma Poenitentiae, necessario praesentiam exigat rei qui absolvitur, quam in absolute ab excommunicatione, quae potest ad absentem dirigi.

Ratio à priori hæc est, quod in Sacramentis quorum materia in aliquo morali posita est, necesse non sit, ut forma materiae correspondens significet subiectum praesens, quia nempe suam practicam significationem perfectam & integram habet etiam in absentes: porro & Matrimonii, & Poenitentiae materia in re morali reponitur.

Non ita est in aliis Sacramentis, quorum materia est aliquod elementum vel res physica, v.g. aqua in Baptismo, & oleum in Confirmatione: cum enim illa perficiantur per physicam materiae & formae applicationem ad subiectum, necesse est illud esse praesens; alias nec materia applicari, nec forma suam habere posset significationem & veritatem. Qua enim veritate diceret Sacerdos, *Ego te baptizo*, nisi re ipsa aquam in hominem praesentem infunderet? Quomodo diceret Episcopus, *Ego te confirmo*, nisi praesens adesset ille quem oleo inungit? Atque ita refutata manent maxima ex parte, quae Suares & Ilambertus ex natura & institutione Sacramenti Poenitentiae adversus Conclusionem nostram obijciunt.

Diximus in Conclusionem, si sola spectetur natura & institutio Sacramenti Poenitentiae, seclusa Ecclesiae prohibitione &c. Namque patebit ex tertia Conclusionem, Ecclesiam hanc à Christo accepisse auctoritatem, ut in administratione Sacramentorum, quorum materia in re morali consistit, certas apponere possit conditiones, quibus reddat vel ministrum vel recipientem inhabilem aut ad ministrandum aut ad recipiendum Sacramentum, illa remanente substantia Sacramenti à Christo instituta. Sic inhabiles declaravit ad contrahendum Matrimonium, eos qui clam contrahere illud tentarent: sic inhabilem facit Sacerdotem ad absolvendum à peccatis, nisi sit ab Episcopo approbatus &c.

Dices cum Ilamberto disput. 18. art. 6. Concilium Tridentinum Sess. 14. c. 2. ait voluisse Christum, ut qui post Baptismum peccarunt, ante tribunal Poenitentiae se tanquam reos sistant: at verba hæc, *sistant se*, ait Ilambertus, in propria significatione forensi significant corporalem praesentiam, quod probat ex Lib. 2. Digesti titulo 11. paragrapho *Si quis*.

Resp. in tribunali Poenitentiae & foro conscientiae verba hæc, *sistant se*, nihil aliud significare, quam ut peccatores confugiant ad tribunal Poenitentiae: qui verò absentes sunt ac per Litteras confitentur, & se clavibus Ecclesiae subijciunt, ii verò confugiunt ad tribunal Poenitentiae. Neque hic rigidè urgenda significatio verbi, *sistere se*, quae obtinet in usu fori civilis; nemo enim ignorat quàm latum sit discrimen inter tribunal forense ac civile cui reus denunciatus sistere se praesentem tenetur, & tribunal Poenitentiae. In priori enim reus corporaliter praesens esse debet, ut in cute sua penam à Iudice latam ferat: at nihil tale occurrit in tribunali Poenitentiae, quod totum intra conscientiae arcana peragitur summa cum libertate.

Instabis cum eodem. Ex cap. *Quem punitur*, de poenitentia, distinctione prima apud Gratianum, *peccata confitenda sunt corporali praesentia: non per nuntium, non per scriptum manifestanda; sic enim precepit Christus*. Quae verba ex S. Augustino decerpta sunt.

Resp. deceptum esse Gratianum: neque enim verba hæc leguntur apud Tournely de Sacram. Poenitentiae.

S. Augustinum ; excerpta quidem sunt ex Libro de vera & falsa religione, qui genuinus non est S. Doctoris factus.

SECUNDA CONCLUSIO.

Utrum ante prohibitionem Clementis VIII. licitum aliquando fuerit absenti ministro per Litteras confiteri, & ab eo absolvi, res planè incerta, nec satis firma veterum exemplorum auctoritate confirmata nobis videtur.

Morin. Probatur strictim percurrendo exempla vetera quæ adducit Morinus Lib. 6. cap. 25. & quæ viris aliunde oculatis ac maxime perspicacibus decreto-
p. 170. ria visa non sunt.

Euseb. Primum exemplum est famosi illius Serapionis apud Euseb. Lib. 6. Hist. c.
p. 246. 44: Ille morti proximus advocavit unum ex Presbyteris, ut ab eo absolutionem & Eucharistiam perciperet: præ infirmitate verò qua detinebatur Sacerdos non potuit venire, sed per puerum misit & absolutionem & Eucharistiam. En, inquit Morinus, absolutio missa ad absentem.

At in tota Eusebii narratione mentio non fit sacramentalis absolutionis, sed unius dumtaxat Eucharistiae, qua Serapio inter publicos penitentes stadium suum decurrens privatus fuerat, sed quam morientibus dandam esse iusserat Dionysius Alexandrinus.

Igitur nec Serapio per internuntium confessus est, nec sacramentaliter absolutus, sed Eucharistiam dumtaxat pueri ministerio ad se delatam, & simul & reconciliationem canonicam ac ceremonialem accepit: nihil amplius ex narratione Eusebii extundi potest.

Douzi Secundum exemplum colligit ex Concilio Duziacensi sub Joanne VIII.
vici an. 872. ubi Robertus Cenomanensis Episcopus graviter ægrotans, & mor-
Cam- ti, ut credebatur, proximus, Concilii Patribus à se per 20. milliaria gal-
paniæ lica diffitis scripto peccata confitetur, & ab iis absolvitur *per Ecclesiasti-*
propè *cam Apostolicæ auctoritatis potestatem*, inquit Concilii Patres, *quam Do-*
Sedanù *minus noster Jesus Christus tradidit Discipulis & Apostolis suis dicens, Acci-*
Diece- *pite Spiritum sanctum, quorum remiseritis peccata, remittuntur eis &c.* quæ
menfis certè verba indicant sacramentalem absolutionem.

Tom. 3. Similem absolutionem refert ab Hincmaro Archiepiscopo datam Hilde-
Cons. baldo Sueffionensi Episcopo ægrotanti, eamque per Litteras exposulanti.

Gall. p. Verùm istam, tum confessionem Roberti, tum absolutionem sacramen-
706. talem fuisse non demonstrat Morinus. Et certè 1. confessio illa dumtaxat generalis fuit, non verò specialis de singulis peccatis, qualem exigit Poenitentiz Sacramentum. 2. Dicit non immeritò potest, absolutionem ab Episcopis Concilii Duziacensis missam ad Robertum, vel fuisse dumtaxat à censuris & penis canonicis, vel generalem tantum & ceremonialem, qualis illa est, quæ fit à Sacerdote in Missæ Introitu, & ab Episcopis feria quinta majoris hebdomadæ, qualem in Ordine Cisterciensi Superior dat suo Religioso moribundo, quæ appellatur *absolutio Ordinis*; quæ profectò species absolutionis verè sacramentalis non est, sed de eorum genere, inquit Isambertus,

To. 6. p. *que à Theologis Sacramentalia vocantur.* Nec obstat quòd dicatur ejusmodi
159. n. 8. absolutio data pro auctoritate quam Christus dedit Ecclesie, ligandi vel sol-

ven-

vedi &c. namque & absolutio ab excommunicatione ac censuris ad hanc quoque auctoritatem revocatur, neque tamen semper sacramentalis est.

Eiusdem planè fuit conditionis absolutio quam Hincmarus absenti Hildebaldomisit: hortatur enim ipsum, teste Sirmondo in notis ad tertium Tomum Conciliorum Galliz, ut specialiter Sacerdoti sua peccata confiteatur: *Bonam tuam devotionem commoneo, inquit, ut prater istam generalem confessionem, quæ ab ineunte ætate usque ad horam in qua nunc degis te commississe cognoscis, specialiter ac sigillatim Deo & Sacerdoti satagas confiteri.* At si prior confessio generalis & absolutio fuisset verè sacramentalis, necesse non fuisset iterum speciatim confiteri apud Sacerdotem.

Tertium exemplum est Potamii Bracarenfis Episcopi qui ad Patres Concilii X. Toletani scripto confessionem suam misit.

Verùm exemplum istud, vel ipso iudice Morino, non est ad rem nostram: ipse siquidem Potamius Concilio præsens, ore confessus est, quod scripto declaraverat; neque præsentem, neque etiam absentem concessa fuit absolutio eo in Concilio; sed statim depositus est, ac perpetuè poenitentiz addictus, alio in ejus locum subrogato Episcopo.

Quartum exemplum petit ex Gregorio VII. S. Pontifice, qui sæpius ad absentes absolutionem misisse legitur. Ita Epistola 34. Libri 1. Episcopum Lincolniensem in Anglia; Epistola 61. Libri 2. Episcopum Leodiensem, & Epistola 2. Libri 9. Alphandum ejusque proceres absolvit à peccatis.

Verùm ipsemet Morinus L. 10. cap. 21. n. 6. responsum ad hujusmodi facta suppeditat: nimirum SS. Pontifices à censuris dumtaxat & poenis canonicis absolvere absentes, & ipsis indulgentias quasdam concedere; quæ absolutio nonnunquam simpliciter dicitur esse à peccatis, quia censuræ illæ & poenæ canonice sunt peccatis addictæ. *Mérito, inquit Morinus, SS. Pontifices; licet sint absentes, licet peccatorum confessionem non audierint, peccata dicuntur absolvere & remittere, cum indulgentiam concesserint, cuius virtute Poenitentia canonica expungitur, & ea prætermissa absolutio conceditur, vixque suam omnem exerit.* Ex certè in laudatis à Morino exemplis, nulla fit mentio confessionis editæ ab illis quos S. Pontifex absolvit; ac verisimile non videtur, voluisse S. Pontificem sacramentaliter absolvere eos, quorum sacramentalem confessionem non exceperat.

Quintum exemplum est S. Thomæ Cantuariensis Archiepiscopi, qui cum strenuè, ut ceperat in Concilio Clarendonensi, jura Ecclesiastica non defendisset, ac Henrico II. Anglorum Regi molliter assensus fuisset; peccati veniam & absolutionem petiit ab Alexandro III. S. Pontifice, quam obtinuit.

Verùm S. Pontifex absolvit dumtaxat S. Thomam, vel à suspensione, quam sibi ipsi imposuerat, ne Sacrum faceret, vel à poenis canonicis: unde illum admonet, ut si quid commisit de quo propria conscientia debeat removere, illud Sacerdoti qui discretus sit & providus, confiteatur.

His exemplis addi potest auctoritas eorum Theologorum qui, referente S. Antonino 3. parte titulo 14. cap. 19. & titulo 17. cap. 12. in Concilio Basileensi interrogati de absolutione data à Sacerdote non habente jurisdictionem, responderunt, posse illum, impetrata postmodum facultate, poenitentem, ubicunque fuerit, absolvere.

Addi quoque potest, quod refert Morinus ex Harmenopolo sectione 5.

Te. 10.
Canc. p.
33. 114.
S. 275.

P. 775.

Te. 10.
Canc. p.
143. 6.

titulo 3. Epitomes Canonum, in Scholio ad 54. Canonem S. Basilii, nimirum, Episcopum quemdam sub Luca Patriarcha, militi cuidam, qui eadem voluntariam commiserat, intra perexiguum tempus absolutionem per scriptum concessisse.

Denique addi potest exemplum S. Pauli, qui Corinthium incestuosum ablene absolvit. 2. Corinth. 2. v. 10.

Verum ista non urgent.

Non primum, quia rem nudè narrat S. Antoninus, nec ait probatam fuisse eorum Theologorum responsum atque sententiam; nihil ergo certi concludi inde potest, quod unum volumus.

Non secundum, quia non constat num Episcopus ille præsens militem præsentem antea absolvisset, cujus absolutionem scripto confirmari voluit: qua verò de causa, incertum planè est.

Non denique tertium, tum quia absolutio illa si fuit à sola pena exteriori seu ab excommunicatione, ut multis placet, potuit absenti indulgeri: si verò fuit sacramentalis à culpa remissio, dici non immeritò potest, eam à ministris præsentibus datam fuisse, quam absens Paulus ratam habuit & confirmavit. Istud innuere videtur S. Paulus v. 10. *Cui autem, inquit, aliquid donastis, & ego: nam & ego quod donavi, si quid donavi, propter vos in persona Christi.*

T E R T I A C O N C L U S I O .

Clemens VIII. Decreto suo anni 1602. non tantum illicitam, sed etiam invalidam declaravit tum confessionem per Litteras, tum absolutionem absentibus datam.

Probatur ex ipso Constitutionis Clementis contextu datæ an. 1602. die 20. Julii. *Sanctissimus D. N. D. Clemens VIII. &c. auditis votis Patrum Theologorum, & re cum Illustrissimis & Reverendissimis Dominis Cardinalibus contra hæreticam pravitatem Inquisitoribus maturè ac diligenter considerata, hanc propositionem, scilicet, licere per Litteras seu per internuntium Confessario absenti peccata sacramentaliter confiteri, & ab eodem absente absolutionem obtinere, ad minus uti falsam, temerariam, & scandalosam damnavit ac prohibuit. Præcepit ne deinceps ista propositio publicis privatisque Lectionibus, Concionibus & Congressibus doceatur, neve unquam tanquam aliquo casu probabilis defendatur, imprimatur, aut ad praxim quovis modo deducatur. Eo verò Decreto non tantum illicitam, sed etiam invalidam & nullam declarari confessionem & absolutionem inter absentes, vel hoc unum maxime suadet, quòd S. Pontifex nullum prorsus, nequidem extremæ necessitatis casum excipiat, quo quæ sunt valida, licita sunt, urgentes scilicet charitatis præcepto, de procuranda quantum fieri potest salute proximi, per media à Christo instituta. Cum ergo S. Pontifex casum illum extremæ necessitatis non excipiat, imò prohibeat ne prædicta propositio aliquo in casu tanquam probabilis defendatur, certè mense juxta hæc fuisse videtur, nimirum confessionem & absolutionem hujusmodi & illicitam & invalidam omnino habendam esse.*

Dices: Quæ ex institutione Christi rata & valida sunt, ea non potest S. Pontifex, imò nec Ecclesia universa, irrita & nulla declarare; nihil quippe potest

potest Ecclesia in substantiam Sacramentorum: atqui ex dictis Conclusionibus prima, Sacramentum Pœnitentiæ ex sua natura & institutione Christi valet inter absentes.

Resp. dist. maj. Ea non potest Ecclesia irrita & nulla declarare, mutando materiam à Christo institutam, & aliam substituendo, concedo: imponendo aliquas condiciones & leges quibus vel ministros, vel suscipientes inhabiles efficiat ad ministranda vel suscipienda Sacramenta, nego. Distinguo minorem ad sensum majoris. Quamquam igitur non possit Ecclesia mutare Sacramentorum substantiam à Christo institutam, potest tamen pro auctoritate à Christo accepta certas apponere leges & condiciones in administratione Sacramentorum, quorum materia in aliquo morali posita est, quorum omisso inhabiles reddat vel ministros vel Fideles ad Sacramenta ministranda aut percipienda: cujus quidem auctoritatis illustre argumentum habemus in duplici Sacramento, Matrimonii nempe & Pœnitentiæ. In priori enim, quamquam Christus institutione sua voluerit ut mutui contrahentium consensus sit legitima hujus Sacramenti materia, illam nihilominus ita subjecit politicæ & legibus Ecclesiæ, ut ab illis pendeat, & inhabiles sint ad contrahendum Matrimonium quæ leges illas non observant: sic invalidè contrahunt, qui clam & sine præsentia Parochi ac duorum testium contrahere jam præsumunt. Pariter, etsi Sacerdos quilibet in Ordinatione sua accipiat potestatem absolvendi à peccatis, nonnullas tamen condiciones præscripsit Ecclesiæ, quas nisi Sacerdos habuerit, inhabilis est ad absolvendum: v. g. nisi approbatus fuerit ab Episcopo, nisi jurisdictionem acceperit &c. Ita quoque judicandum de confessione & absolutione inter absentes: etsi enim ipso jure divino irritæ & nullæ non sint, Ecclesiæ præsentiam ministri & pœnitentis ita necessariam esse voluit, ut ejus defectu declaret inhabiles, & ministros ad absolutionem conferendam, & Fideles ad sacramentalem peccatorum confessionem faciendam.

Q U A R T A C O N C L U S I O.

Clementis VIII. Decretum & divisivè & collectivè intelligendum est, ita ut damnet aut confessionem factam absenti per Litteras & internuntium, aut absolutionem datam absentibus, & utramque simul.

Probatur ex ipsa Declaratione Clementis VIII. qui, referente Petro Lombardo Archiepiscopo Armacano, Epistola data ad Ægidium Coninc die 6. Junii an. 1624. in Congregatione Inquisitionis Romanæ declaravit, se utramque adductæ propositionis partem divisim damnasæ ac prohibuisse, & contrariam interpretationem in prædicta Congregatione rejectam fuisse. Illius Epistolæ exemplar refert dictus Coninc, in Libello apologetico qui inscribitur, *Responsio ad Dissertationem impugnantem absolutionem moribundi sensibus destituti*.

II. Paulus V. die 14. Julii an. 1605. idem declaravit, ac contrariam Suaris expositionem damnavit, jussitque expungi ex Tomo ipsius 4. in 3. partem S. Th. sectione 4. disp. 21.

Dices: Valet absolutio data moribundo, cujus confessionem, aut potius confes-

confessionis desiderium nonnisi per testes Sacerdos cognoscit: at eo in casu confessio fit absenti per internuntium.

Resp. 1. prohibitionem S. Pontificis Clementis spectare dumtaxat modum communem & ordinarium quo fit confessio, non verò casum illum singularem & extremæ necessitatis, in quo non tam confessio fit, quàm ipsius desiderium declaratur, quod desiderium pia mater Ecclesia in extrema necessitate sufficere iudicat, ut absolutionis beneficium impendatur. Unde, referente eodem Armacano, Clemens VIII. expressè viva voce declaravit, se non damnas se confessionem huiusmodi. Idem testantur Bellarminus & Badius Lovaniensis, Franciscus Florentinus & Leonardus Lessius.

Resp. 2. cum Lambertus, in adducto casu quodammodo per testes præsentem fieri moribundum Sacerdoti, cum suum de peccatis dolorem ac confessionis desiderium significat; hæc enim moraliter perseverare censentur, cum adest Sacerdos à quo absolvitur moribundus.

De secreto confessionis ex parte ministræ, seu de sigillo.

Secretum confessionis vulgò sigillum appellatur, metaphora ducta à sigillo quo claudi solent & obfirmari quæ secreta esse debent.

Circa sigillum illud confessionis hæc expendi solent à Theologis.

I. quo iure necessarium sit.

II. quàm arcta sit ejus lex & obligatio.

III. quæ sit ejus materia.

IV. quas personas obliget.

V. quæ pœnæ sint à Canonibus decretæ adversus infractores sigilli confessionis.

Quo iure necessarium sit confessionis sigillum.

Communis est Theologorum sententia, triplici iure, naturali, divino, & ecclesiastico necessarium esse confessionis sigillum.

Probat auctoritate sua & rationum momentis Synodus Senonensis anno 1524. apud Bochel Decretorum Ecclesiæ Gallicanæ Lib. 2. pag. 241. Obligantur, inquit, Sacerdotes omnes & singuli triplici iure, videlicet naturali, divino & humano, celare peccata quacunque revelata & dicta in confessione sacramentali, quæ tanto & tali debet claudi sigillo secreti, ut nullo casu, nec verbo, nec signo, aliquatenus reveletur, aut revelari existimetur. Peccat enim graviter, primò contra ius naturale, Sacerdos quæ revelat peccatum sibi in secreto confessionis dictum, quia revelando tale peccatum diffamat proximum, & facit proximo quod sibi non vellet fieri. Secundò peccat contra ius divinum, quia eodem iure prohibetur revelatio confessionis, quo iure precipitur ipsa confessio, quæ est de iure divino à Christo instituta; & si licitum esset in aliquo casu Sacerdoti revelare peccatum sibi dictum in confessione, evanesceret præceptum divinum de confessione faciendâ; quia nemo esset qui vellet suum peccatum occultum propriæ famæ denigrativum Sacerdoti detegere & revelare, & sic talis revelatio peccati esset à præcepto de faciendâ confessione retractiva. Peccat etiam Sacerdos revelans confessionem contra præceptum Ecclesiæ, ut habetur

INTIM.

tur in Concilio Lateranensi, cuius hæc verba sunt Canone, Omnis utriusque sexus.

Caveat Sacerdos omnino, ne verbo, aut signo, aut alio quovis modo aliquatenus prodatur peccatorem, sed si prudentiori consilio indigerit, illud absque ulla expressione persona cautè requirat, quoniam, qui peccatum in pœnitentiâ iurâ dicit sibi detectum præsumpserit revelare, non solum à sacerdotali officio depellendum decernimus, verum etiam ad agendam perpetuam pœnitentiâ in arduum Monasterium detrudendum.

Plura in eandem rem Ecclesiæ Decreta laudare superfluum videtur. Summam verò fuisse apud Veteres silentii hujus religionem, colligere facile poteris ex Tertulliano L. de Pœnitentia, S. Ambrosio Libro quoque de Pœnitentia cap. 7. & 10. S. Paulinò in vita S. Ambrosii, S. Basilio Can. 34. & in Regulis brevioribus ad interrogationem 229. Sozomeno L. 7. Hist. c. 16. quorum verba sapius hoc in Tractatu relata sunt.

Dices: Quibus temporibus in usu fuit pœnitentia publica, confessionis sigillum non ita religiosè servatum videtur: cum enim certæ ac determinatæ pœnæ singulis gravioribus peccatis assignarentur à Canonibus, facile erat ex illis cognoscere quale foret pœnitentis crimen.

Resp. 1. sola peccata publica non verò planè occulta legibus pœnitentiæ publicæ addicta fuisse, saltem ex præscripto Canonum, sicut ex dicendis patebit; adeoque semper testis & clausa sub sigillo confessionis fuisse occulta & secreta peccata.

Resp. 2. etiam ex pœnitentia publica minimè cognitum in specie fuisse occultum crimen: tum quia, ipso teste S. Basilio citato sæpius Canone 54. summa cura providebatur ne occultum mulierum adulterium per pœnitentiâm detegeretur: tum quia eadem pœnæ publicæ animo pietatis ac religionis à multis absque conscientia gravioris criminis sustinebantur; tum denique quia nullam Sacerdos vel Episcopus crimen in aurem sibi declaratum, palam evulgabat invito ac non consentiente reo.

Quam arcta sit lex & obligatio sigilli confessionis.

Respondent communiter Theologi, tantam esse silentii hujus religionem, ut nullo prorsus in casu violari possit aut debeat. Ita Synodus Senonensis mox citata. Præcipuam verò causam & rationem tam arctæ obligationis repetunt iidem Theologi, ex ipso jure divino: audiatur inter cæteros Eftius in 4. dist. 17. paragr. 14. *Quamvis, inquit, lege naturali quisque teneatur ad secretis sibi commissis occultationem, maximè quando etus detectio spectaret ad infamiam proximi; ac præterea lege canonica graves pœnæ constitutæ sint Sacerdotibus peccata sibi confessa revelantibus . . . præcipuatamen visibilis obligationis nasci videtur ex jure divino, atque ex ratione Sacramenti, quo fit ut nullo prorsus casu, nequidem periculi vitæ, Reipublicæ, Regni, animarum, nec ulla dispensatione Ecclesiastica potestatis liceat vel minimum peccatum ex confessione cognitum detegere. Hoc autem non ita esset, si ex sola lege naturali vel humana hæc obligatio nasceretur: nam in multis casibus alia secreta prodire possunt, & in legibus humanis potest ab homine dispensari. Atque hinc etiam patet majus esse hoc vinculum, quàm sit ulla promissio servandæ secreti etiam jure.*

T. 1. p.
233. col.
1. B. F.

inveniendo firmata; quandoquidem & hic interdum dispensatio locum invenit.
Ita Estius.

Dices 1. Quæ juris sunt divini non ita stricte semper obligant, quin sit dispensationi locus: v.g. ipsamet confessio ejusque integritas est jure divino necessaria, potest tamen quis in casu necessitatis salvus fieri sine ulla aut saltem sine integra confessione, per contritionem perfectam cum solo confessionis voto; ergo licet sigillum confessionis sit juris divini, potest tamen ab eo dispensari Sacerdos.

Resp. nego consequentiam. Disparitas est, quod ex Scriptura & constanti Traditione Ecclesiae certum sit perfectam contritionem sufficere ad salutem sine ulla aut saltem integra peccatorum confessione, quando premit necessitas; neque enim lege Christi positiva ad impossibile homines tenentur: porro neque ex Scripturis, neque ex Traditione habemus posse aliquo in casu infringi confessionis arcanum. Ratio hujus discriminis est, quod infractio sigilli directe pugnet & contra naturam Sacramenti Poenitentiae, & contra finem institutionis ipsius à Christo factæ. 1. pugnat contra naturam Sacramenti Poenitentiae, quia minister eo ipso modo peccata dimittere debet, quo Christus cuius est minister: at Christus ea ita dimittit, ut planè tecta & occulta maneant. 2. pugnat contra finem institutionis Christi, quia finis Sacramenti Poenitentiae est bonum totius Ecclesiae, remissio nempe peccatorum per absolutionem Sacerdotis obtinenda: at si aliquo in casu violari posset sigillum confessionis, nullus forsan esset qui ad Sacramentum Poenitentiae vellet confugere, quam rationem attigit Synodus Senonensis antea laudata.

Dices 2. Sigillum confessionis privatum dumtaxat poenitentis bonum spectat; bonum autem privatum cedere debet publico, nec amplius viget obligatio etiam juris naturalis servandi secretum quod vergeret in commodum aliquis privati, si ex tali secreto gravis Reipublicæ clades & excidium immineret; si ergo Sacerdos ex occulta confessione cognosceret grave damnum Ecclesiae vel Reipublicæ imminere, teneretur postposito privato bono poenitentis, consulere publico, neque eo in casu lex divina sigilli obligaret.

Resp. revera bonum publicum privato esse anteponendum; at lex sigilli in confessione sacramentali non privatum dumtaxat spectat poenitentis bonum, ut falsò supponit argumentum, sed totius Ecclesiae commodum, Sacramenti à Christo instituti reverentiam & securitatem, omnium denique Fidelium utilitatem: unde quodcunque fingatur sequi bonum ex infractione sigilli, longè majus esset malum quod inde in universam Ecclesiam redundaret. Si ergo ex secreta confessione intelligeret Sacerdos, grave aliquod Ecclesiae vel Reipublicæ detrimentum paratum esse, caveat, ne vel crimen, vel personam prodatur: verùm prudenter & cautè generatim monere potest de periculo imminente, & adversus paratas insidias prae munire Ecclesiam vel Rempublicam, atque hac via & ratione longè securius providebit bono publico: si enim persuasum haberet poenitens, suum hoc crimen esse detegendum, pro certo nusquam illud Sacerdoti aperiret; & ita spes omnis ac via eriperetur tum admonendi hominem, & ad melius consilium, si fieri potest, adducendi, tum præcavendi paratas insidias.

Anno 1213. Dices 3. Guillelmus Altissiodorensis in Summa Lib. 4. Traçt. 6. q. 4. istas hypothesen proponit.

Prima

Prima est: Titius Sacerdoti confitetur se peccasse cum Caja: moritur Titius, ejus frater uxorem ducere vult Cajam. Jubet Episcopus ut idem Sacerdos eos matrimonio jungat. Quomodo se gerere debet hic Sacerdos? an Episcopum monere de occulto criminis impedimento? an Titium & Cajum matrimonio conjungere?

Secunda hypothesis est: Jubet Episcopus alteri Sacerdoti eandem personas matrimonio conjungere; atque eos omnes excommunicationi subicit, qui dñm impedimentum norunt, nec declarant. Quid eo in casu agere debet Sacerdos prior qui ex confessione impedimentum illud novit? Ratio dubitandi est, *Quia*, inquit Altissiodorensis, *si revelas, infringis sigillum; ergo peccat mortaliter. Si verò tacet, nullum damnum accidit; ignorantia enim facti excusat à peccato eos qui conjunguntur; ergo revelare non debet.*

Tertia hypothesis hæc est: Sacerdos ex confessione novit nonnullos Canonicos accedere debere ad sacros Ordines, qui tamen irregulares sunt, & ea quidem irregularitate, quæ dispensationem non admittit: tenetur-ne Sacerdos vitium illud aperire?

Quarta hypothesis à Cafario Cisterciensis Ordinis Monacho refertur Lib. 3. Historiarum memorabilium c. 32. Quidam Monachus non Presbyter quotidie Sacrum faciebat: crimen aperit in confessione. Abbas prohibet ne celebret. Reus timens ne si abstineat à celebrando, crimen evulgetur, celebrare pergit. Abbas in Capitulo generali sui Ordinis casum illum generatim nullo nec nominato, nec indicato, proponit, quærens quid in his circumstantiis Confessarioliceret, an reum detegere, vel non? Capitulum nihil definire voluit, nisi hoc unum, consulendum esse S. Pontificem, tunc temporis Innocentium III. Summus Pontifex convocatis Cardinalibus Virisque litteratis de eorum consilio respondit, *eo in casu revelandam esse confessionem; quia*, inquit, *talis confessio, non est confessio, sed blasphemia.* Ita narrat dictus Cafarius Monachus Cisterciensis.

Ad tres priores hypotheses refert Guillelmus Theologos Parisienses respondisse, Sacerdotem, qui ex confessione cognovit occultum illud impedimentum, teneri illud revelare. *Ad hoc*, ait Guillelmus, *solent dicere Magistri, quòd in hoc debet Sacerdos revelare confessionem, & non infringit sigillum confessionis, sed aperit; quia infringere importat deformitatem, est enim infringere indebitè revelare. Et ad ultimum (id est secundam hypothesis) obiectum dicunt, quòd damnum accidit si taceat: fit enim quiddam quòd est contra Deum, & si scirent illi qui conjunguntur, deberent se separare. Momenta quibus illi Magistri nitebantur, ista sunt. 1. quia tenetur tunc Confessarius, tunc Episcopus impedire malum quantum potest. 2. quia in fraterna correptione non dicitur proditor criminis, ille qui illud revelat ei qui prodesse potest, & non obesse; ergo si Sacerdos iste illud revelat Episcopo qui prodesse potest, & non obesse, non peccat. 3. quia ille qui est mortuus, si viveret; deberet velle quòd revelaretur. Eodem modo responsum est ad tertiam hypothesis.*

Verùm qui sint illi Magistri Parisienses, an aliqui dumtaxat privati, an Facultas ipsa Theologica, non apparet; nec præponderare potest ista responsio tot solidissimis, quæ hætenus prolata fuere, momentis, maximè post Decretum Lateranense anni 1225. & Clementis VIII. anni 1594. Quem porro cordatum virum movebit ista Magistrorum illorum ratio? *Sacerdos, in dicto casu, non infringit sigillum (quòd deformitatem importat) sed aperit.* Egregia verò subtilitas & argutia!

Ad quar-

Ad quartam hypothesim, fidem non meretur illa Casarii Cisterciensis narratio, quæ conciliari non potest cum iis quæ ipsemet S. P. Innocentius III. statuit in Canone Lateranensi circa inviolabile confessionis sigillum.

Quæres 1. an teneatur Sacerdos, etiam cum periculo vitæ; non referre secretum confessionis.

Resp. affirmative, quia Sacerdos cum suscipit munus audiendi confessiones, se tacito quodam pacto obstrinxit nunquam violandi secretum confessionis, & extrema quæque potius experiendi.

Quod si, inquires, Ecclesia sub pœna excommunicationis adigeret Sacerdotem ad hanc sigilli infractionem.

Resp. fictam esse hypothesim; Ecclesia enim nunquam id tentabit quod novit adversari juri divino. Quod si privatus aliquis Episcopus (quod absit) officium tam esset immemor, ut id extorquere vellet à Sacerdote, caveat iste ne obtemperet, nec pœnam excommunicationis eo in casu reformidet, quia tunc nulla est, utpote manifeste injusta. Interpretes Decretorum apud Gratianum, de Penitentia dist. 6. c. 2. turpiter lapsus est, ut & in aliis bene multis, cum aliter pronuntiavit.

Quæres 2. quid respondere debeat Sacerdos, si à Judice interrogetur de auditis in confessione; v. g. an Petrus reus sit homicidii &c.

Respondent multi cum Eslio, posse simpliciter Sacerdotem respondere, se nescire: quia nempe nescit ut tellis qui interroganti Judici teneatur verum respondere: cum enim non possit Judex interrogare Sacerdotem de iis quæ novit Sacerdos sub sigillo confessionis, non tenetur quoque Sacerdos interroganti Judici verum respondere.

Respondent multi cum Maldonato, Sacerdotem eo in casu hoc unum dicere. *P. 187. D. debere, se nihil dicendum habere. Aliud consilium, inquit Maldonatus de Penit. cap. 3. (de obligatione sigilli) mihi magis probatur, ne Sacerdos dicat se nescire, sed constet in iure suo, & fortiter respondeat, se nihil posse dicere quod audierit in confessione in unam aut alteram partem. Nam hac ratione & cavet mendacium, & magis defendit ius Ecclesiasticum, & nullum relinquit locum suspicandi aut cunctatione aut modo respondendi.*

S. Thomas 2. 2. qu. 10. art. 1. ad 2. circa propositam quæstionem hæc habet. *Dicendum, inquit, quod de illis quæ homini sunt commissæ in secreto per confessionem, nullo modo debet testimonium ferre, quia huiusmodi non scit ut homo, sed tanquam Dei minister, & maius est vinculum Sacramenti quolibet hominis præcepto, circa ea verò, quæ aliter homini sub secreto committuntur, distinguendum est; quandoque enim sunt talia, quæ statim cum ad notitiam hominis venerint, homo ea manifestare tenetur; puta si pertinent ad corruptionem multitudinis spirituales vel corporales, vel in grave damnum alicuius personæ, vel si quid aliud est huiusmodi, quod quis propalare tenetur vel testificando, vel denunciando, & contra hoc debitum obligari non potest per secrets commissum.*

Quæres 3. an non directè salutem & oblique liceat aliquando secretum confessionis revelare.

Resp. nunquam licere: Caveat Sacerdos, ait Canon Lateranensis, ne verbo, aut signo, aut alio quovis modo aliquatenus prodatur peccatorem.

Reus igitur foret Sacerdos violati saltem indirectè sigilli. 1. qui diceret v. g. se talem audivisse confitentem, sed non absolvisse: sic enim detegere

ret

ret occultum conscientiae illius hominis statum. 2. qui diceret se multos quidem audivisse, sed solum Petrum inter illos peccata venialia confessum; sic enim alios peccatorum mortalium reos indicaret. 3. qui diceret se in hoc vel illo loco, in hac vel illa societate multa audivisse & per confessionem cognovisse crimina. 4. qui post auditas confessiones colloquitur de peccatis per confessionem cognitis, cum evidenti periculo ne personae ipsae veniant in suspicionem patrati criminis: cum enim Sacerdos consilium petere voluerit circa nonnullos occurrentes casus, ita prudenter & cautè se gerat, ut absque ulla expressione personarum, consilium requirat. 5. denique, qui cum multos audivit, iis tantum scripto testimonium daret de excepta confessione, quos absolvisset; aliis verò testimonium faceret, ut dicunt, confessionis denegaret: istorum enim peccata indirectè saltem indicaret; propter quæ abolutionem denegavit.

Quando igitur rogatur Sacerdos ut scripto testetur se talis confessionem excepisse, testimonium illud non denegat, si revera excepit confessionem; nihil autem aliud in eo exprimat, quàm se talis confessionem audivisse, vel talem accessisse ad tribunal Poenitentiae: de abolutione verò data, vel dilata, vel denegata, alium servet silentium; atque hoc unum respondeat, si necesse sit, suo se functum esse officio, cujus rationem soli Deo reddere tenetur.

Quæres 2. an de licentia & consensu poenitentis possit Sacerdos secretum confessionis revelare?

Resp. discordes esse hac in parte Theologos, aliis affirmantibus, negantibus aliis, quorum momentis hic ex utraque parte prætermisissis, dicimus quòd etsi speculativè loquendo, possit Sacerdos, consentiente poenitente, ejus secretum revelare; in praxi tamen parcè & multa cum prudentia utendum esse hac poenitentis licentia, propter gravissima quæ inde nasci possunt incommoda. Notandum, inquit Estius in 4. dist. 17. parag. 14. *Sacerdotem tali confessione non faciliè, sed prudenter, & non nisi magna utilitate exigente uti debere, id. 214. col. 1. E.* quæ apud eos tantum quibus omnino opus sit peccatum innotescere; ac multo magis cavendum, ne subreptitiè aut dolosè sciatur extra confessionem, & sic detegat: quæ in re, præter fraudem, etiam sacrilegii crimen admitteretur.

Quæres 5. cum Suares disput. 33. lectione 7. an liceat imponere poenitenti poenitentiam publicam in satisfactionem peccati, etiam si inde sequatur revelatio indirecta, id est suspicio alicujus gravis criminis, vel in particulari vel in generali, talis poenitentis.

Respondet Suares id fieri non debere, nisi ex spontanea acceptatione poenitentis, quia omnis etiam indirecta revelatio repugnat sigillo: quando verò poenitens voluntariè acceptat, iam non est revelatio confessionis, sed ipsemet poenitens se prodit.

Quæres 6. cum eodem, an quando id quod Confessarius injungit, non tantum est in punitionem peccati commissi, sed etiam in remedium futuri, aut tollendi scandalum, teneatur & Sacerdos injungere, & poenitens acceptare.

Respondet, Si medium illud sit necessarium, posse Sacerdotem illud præcipere poenitenti, v. gr. ut dimittat tale officium, vel hanc domum, aut aliquid simile; & ipsum poenitentem teneri obedire: quòd si noluerit, dimittendum sine abolutione; quo in casu nulla est sigilli fractio: quia, inquit, si aliquid sit, totum est me-

est medio consensu & voluntate poenitentis; neque est gravamen aut onus contra sigillum, quod ille consensus per praeceptum vel per comminationem negandi absolutionem extorqueatur, quia supposita vera necessitate, illud praeceptum non tam imponitur à Confessore, quam declaratur poenitenti obligatio quam in se ipso habet; & ideo comminatio illa iusta etiam est, imò & necessaria, quia non potest aliter Confessor debito modo fungi suo munere. Ita Suarez.

Quæres 7. qualis requiratur poenitentis consensus, ut secretum confessionis ipsius detegatur.

Resp. requiri expressum, formalem, & liberum, ex causa iusta & necessaria. Caveat verò Sacerdos, ne consensum illum, aut metu, aut minis, aut absolutionis denegatione, extorqueat, ne fortè odiosa & gravis reddatur confessio.

Quæres 8. an possit Sacerdos post confessionem loqui cum poenitente de auditis in ejus confessione.

Resp. non posse, nisi ex consensu poenitentis.

Quæres 9. an possit Sacerdos uti scientia ex confessione comparata, ad fugiendum aliquod malum, vel bonum procurandum.

Resp. generatim non licere, quando vel aliquod temporale detrimentum pati posset poenitens, vel indirecta sequeretur sigilli infractio. His duobus in tuto positis, potest Sacerdos ea notitia uti, v. gr. ut ferventius oret pro poenitente; ut de certis rebus eum interroget, ut se ipsum diligentius custodiat &c. Ut verò distinctius proposita quæstio solvatur, nonnulli exponendi sunt casus.

I. Sacerdos qui ex sacramentali confessione novit sibi paratas esse insidias, v. g. vinum quo uti debet in sacrificio Missæ, veneno infectum esse, si à Sacerdo celebrando se dispensare non potest, nec mortem effugere nisi detegendo reum criminis, debet potius se morti obicere, quam secretum confessionis aperire.

II. Non potest Sacerdos excommunicatum, quem ex sola confessione cognovit, vitare: sicut nec Parochus, qui eadem via novit impedimentum dirimensse inter eos qui Matrimonio conjungi postulant, potest Matrimonium denegare; aut etiam indigno publicè petenti Eucharistiam.

III. Non potest Superior Sacerdos notitia per confessionem comparata uti ut poenitentem sibi subditum exterius puniat, ab aliquo officio arceat, aut suum ipsi suffragium pro aliquo munere denegat. Limitationem apponit Suarez, si nempe suffragium publicè ferendum sit, secus si occultè: uno verbo, non possunt Superiores uti notitia illa ad exteriorem gubernationem. Ita Decreto suo anni 1594. die 26. Maji prohibuit S. P. Clemens VIII. *Tam Superiores, inquit, pro tempore existentes, quam Confessarii qui postea ad superioritatis gradum fuerint promoti, caveant diligentissimè, ne ex notitia quam de aliorum peccatis in confessione habuerunt, ad exteriorem gubernationem utantur.*

Et die 5. Decembris an. 1682. Decreto Romanæ Inquisitionis proscrip-
pta est sequens propositio quæ spectat usum scientiæ ex confessione compara-
ta, *Scientia ex confessione acquisita uti licet, modò fiat sine directa aut indi-
recta revelatione, aut gravamine poenitentis, nisi aliud multò gravius ex non
usu sequatur, in cuius comparatione prius meritò contemnatur. Hanc autem
propositionem auctores limitabant, nempe quòd sit intelligenda (sunt verba De-
creti) de usu scientiæ ex confessione acquisita cum gravamine poenitentis, se-
clusa quacumque revelatione, atque in casu quo multò gravius gravamen eius-
dem*

dem poenitentis ex non usu sequeretur. Hanc verò propositionem DD. Confultores, quatenus admittit usum dictæ scientiæ cum gravamine poenitentis, statuerunt omnino prohibendam esse, etiam cum dicta explicatione sive limitatione; & præsentî Decreto prohibens ne quis ultrâ audeat talem doctrinam publicè aut privè docere.

Quæres quid juris in isto casu: Episcopus statuit alicui Clerico, quem bonis moribus ornatum putat, conferre Beneficium, audita verò ejus confessione, agnoscit virum esse flagitiosissimum; potest ne Episcopus mutare consilium, nec Beneficium conferre. Item: Statuerat apud se Episcopus, Clericum à suo officio propter certas rationes amovere; audita verò ejus confessione novit esse peccatis oneratum, potest ne in priori suo consilio persistere?

Respondet S. Thomas quodlibeto 1. q. 7. art. 13. si vel non conferendo Beneficium, vel ab officio removendo Clericum, suspicio esse possit violati sigilli confessionis, Episcopus non posse aut Beneficium non conferre, aut Clericum ab officio remove; posse verò si nulla sit suspicio: nulla autem suspicio esse potest, si Episcopus nulli consilium suum antea detexisset. Tutius videtur legem à Clemente VIII. latam observare.

Quæ sit materia sigilli confessionis.

Resp. 1. esse omnia & singula peccata cum suis circumstantiis, quæ per confessionem sacramentalem cognita sunt Sacerdoti. Responsio ex jam dictis est manifesta.

Resp. 2. ea quoque quæ licet per se peccata non sint, tamen ex peccatis sequuntur, & in peccati cognitionem ducere possunt, cadere sub sigillum confessionis: talis est v.g. irregularitas ex homicidio contracta, defectus corporis occultus &c.

Resp. 3. etiam peccata publica quæ secreta confessione deteguntur, esse materiam sigilli; nec posse Sacerdotem dicere se ea in confessione audivisse.

Quæres, an peccatum exterius non commissum, sed cujus committendi voluntatem habuit poenitens, sit etiam materia sigilli.

Resp. affirmativè: quia talis voluntas seu propositum, verum est peccatum in corde jam consummatum, docente Christo: *Qui videtis mulierem ad concupiscendum eam, jam machatus est eam in corde suo.* Pariter sub sigillo clausa debet retinere Sacerdos peccata à quibus poenitens abstinere se non posse fatetur: illius enim confessio excipienda est, ait Alexander III. S.P. Cap. *Quod quidam. De poenitentis & remissionibus.* Quia licet non sit vera poenitentia huiusmodi, admittenda tamen confessio, & crebris & salutaribus monitis poenitentia indicenda. Responsionem probat S.Th. aut quisquis auctor est Supplementi q. 11. art. 1. ad 1.

Quæres, an obligatio sigilli sequatur ex confessione, etiam cum absolutio concessa non fuit.

Resp. affirmativè, quia talis confessio verè est sacramentalis, seu pars Sacramenti, quamquam non jungatur cum forma seu absolutione: obligatio autem sigilli nascitur ex omni confessione sacramentali.

Quas personas obliget lex sigilli.

Resp. obligare 1. Sacerdotes qui confessiones exceperunt. 2. Superiorem à quo postulata est licentia absolvendi à casibus quibuscumque reservatis. 3. Doctores seu illos omnes qui consuluntur de re ad confessionem sacramentalem pertinente. 4. interpretem aut internuntium cujus ope penitens uteretur ad sua peccata Sacerdoti detegenda. 5. eos qui furtive aut casu confessionem audiunt: addunt nonnulli & eos qui scriptam alicujus confessionem reperiunt. 6. laicum qui se Sacerdotem finxit, & confessionem alicujus audivit.

Quae sint poenae à Canonibus impositae infracloribus sigilli confessionis.

Resp. 1. nullam censuram vel poenam ipso facto incurrendam in Jure exprimi, quia nullum est in Jure tale decretum. Capite enim *Sacerdos*, & Canone *Utriusque sexus*, imponitur poena depositionis à Judice ferenda: necesse igitur est ut interveniat prius sententia Judicis. Falluntur ergo qui affirmant ipso facto poenam irregularitatis incurrere ab iis qui sigillum confessionis frangunt: poena quippe haec in duplici citato Decreto non assignatur ipso facto incurrenda. Irregularitas autem solum à Jure ipso imponitur; & si in Jure expressa non est, nulla est, juxta Caput *Ubi*. De sententia excommunicationis, in Sexto.

Resp. 1. tempore Gregorii VII. Capite *Sacerdos*, prae ter depositionis poenam, injunctam esse perpetuam peregrinationem Sacerdotibus qui sigillum confessionis violassent. Canone verò *Utriusque sexus*, confirmatur eadem poena depositionis, cui additur perpetua poenitentia in Monasterio perficienda.

Quaerens: Si Sacerdos accusatus infractionis sigilli causetur se licentiam à penitente accepisse, penitens verò illud neget, quid facto sit opus?

Resp. multos Theologos, quos refert Suares Disput. 33. sectione 8. imponere Sacerdoti onus probandi: quod certè, inquit Suares, difficile est, ac grave onus quod moraliter vix potest expleri; unde colliges, raro admodum, & summa cum prudentia, licentia etiam à penitente concessa utendum esse. In adducto verò casu multum conferet ad veritatis cognitionem, accuratum virum Sacerdotis illius examen atque judicium, unde augurari poterit vir prudens, num talis flagitii reus ille esse possit, necne.

Q U A E S T I O S E P T I M A.

De satisfactione, quae tertia pars est Sacramenti Poenitentiae.

TRIBUS Articulis praesentem controversiam concludemus.

Primus erit de necessitate humanae satisfactionis, adversus Novatores Lutheranos & Calvinistas.

Secundus varias expendet quaestiones quae spectant tam materiam, seu opera per quae divinae iustitiae satisfacere possumus; tum effectus, subiectum seu personam, & ministrum satisfactionis.

Tertius

Tertius denique exponet tempus quo debeat impleri satisfactio, an præcedere debeat, an sequi absolutionem sacramentalem.

ARTICULUS PRIMUS.

De necessitate humana satisfactionis.

Satisfactio generatim est debiti cujuscunque solutio: hic verò solutio est debiti quod contractum est ex delicto, seu offensa Dei. Triplex scilicet ex mortali peccato resultat in homine reatus, culpæ, penæ æternæ, & penæ temporalis, quæ postrema etiam luenda superest, post condonatam culpam & penam æternam.

Non hic controvertitur de satisfactione divina, qualem Christus plenam atque perfectam sui sanguinis pretio Deo Patri pro redemptione nostra perfolvit, de qua fusè diximus ubi de Incarnatione Verbi divini; sed agitur de humana satisfactione, cujus laus omnis, valor & pretium ex satisfactione Christi tanquam ex fonte defluit. *Ipsæ enim est propitiatio pro peccatis nostris, non pro nostris autem tantum, sed etiam pro totius mundi, ait S. Joan. Epistolæ 1. Sess. 14. cap. 2. v. 2. In quo, ajunt Patres Tridentini, vivimus, in quo meremur, in quo satisfacimus facientes fructus dignos penitentia, qui ex illo vim habent, ab illo offeruntur Patri, Et per illam acceptantur à Patre.* Sess. 14. c. 8. T. 14. Conc. p. 821.

Satisfactio humana describi potest, penæ temporalis acceptatio ac voluntaria permissio, quam penitens vel sibi sponte imponit in ordine ad Sacramentum, vel à Sacerdote injectam habet, ad reparandam injuriam Deo per peccatum illatam, & expungendam penam temporalem. Satisfactio verò illa vel anteedit Sacramentum, vel sequitur. Prior disponit ad Sacramentum, & meritoria dicitur de congruo; altera verò gratiam sacramentalem supponit, & meritoria dicitur de condigno. Quæ ante vertit Sacramentum, ad culpam & penam æternam simul ac temporalem expungendam; quæ autem sequitur, ad penam dumtaxat temporalem refertur.

Præsentis controversiæ hic status est. 1. an dimissa culpa & penæ æterna, supersit adhuc aliqua temporalis ultio nem ac vindictam peccati luenda sive in hac vita, sive in altera, in eo loco qui vulgò *Purgatorium* dicitur. 2. an penæ illa piis ac laboriosis operibus nostris expungi ac credimi possit. 3. an per illam penam verè Deo satisfaciamus, nec tantum utilis illa sit respectu Ecclesiæ ad exemplum, aut aliorum emendationem, sed etiam respectu divinæ justitiæ ad eam placandam, & obtinendam à Deo debitz penæ temporalis relaxationem. Affirmant omnes Orthodoxi, negant nostri Novatores, rati hujusmodi satisfactiones humanas infinitæ Christi satisfactioni derogare ac injuriosæ esse, nec valere nisi coram Ecclesia. *Patres*, inquit Calvinus L. 3. Instit. c. 4. n. 39. *satisfactionem* vocant, non *compensationem* quæ Deo redderetur, sed publicam iustificationem, qua qui excommunicatione mulctati fuerant, cum in communionem recipi vellent, Ecclesiam reddebant de sua penitentia certiores. Atque ita dicebantur non Deo, sed Ecclesiæ satisfacere. Adversus eos sit

C O N C L U S I O.

Necessariò exigenda est à penitentibus penalis satisfactio, non tantum ad novam vitam custodiam, ad infirmitatis medicamentum, & aliorum exemplum, ut Novatoribus videtur: sed etiam ad prætorum peccatorum vindictam & castigationem, seu ad veram satisfactionem, non Ecclesie tantum, sed Deo exhibendam, tum ad reparandam injuriam ipsi per peccatum illatam, tum ad redimendam penam temporalem; quæ, dimissa culpa & pena æterna, luenda nobis superest, sive hac in vita, sive in altera.

Probatur 1. ex Scriptura triplici argumento.

Primum desumitur ex iis locis quæ significant Deum, post donatum peccatum, ulticem penam temporalem à penitente adhuc reposcere.

Illustre imprimis est exemplum Davidis Lib. 2. Regum cap. 12. Quamquam enim à Propheta Nathan audivisset v. 13. *Dominus transfudit peccatum tuum, non morieris*; statim adjungit: *Verumtamen, quoniam blasphemare fecisti inimicos Domini, propter verbum hoc, filius qui natus est tibi morte morietur*. Et v. 10. *Quamobrem non recedet gladius de domo tua usque in sempiternum, eo quod contempseris me, & tuleris uxorem Uriæ*. Remittit ex una parte Deus culpam & penam æternam; at ex altera temporalem penam tum ex filio, tum ex patre ipso repetit, non tantum in disciplinam & emendationem Davidis, & aliorum exemplum, ut solent respondere Novatores, Dallaus imprimis, sed etiam in vindictam & castigationem peccati quamquam dimissi: *Quia blasphemare fecisti inimicos Domini eo quod contempseris me*, ait sacer contextus: quæ certè particula *quia*, eo quod, denotat peccatum Davidis veram fuisse causam omnium malorum quæ ille passus fuit, non verò solam occasionem, ut cavillatur Dallaus: quibus enim aliis significantioribus terminis veram causam exprimere potuisset Scriptura?

Eodem Lib. 2. Regum c. 24. quamquam Deus condonasset Davidi peccatum quod in numerando populo commiserat, vers. tamen 12. superstes poena solvenda proponitur, & ipsi datur optio ut eligat bellum; aut famem, aut pestem.

Exodi 32. intercedente Moysè apud Deum, ne universum populum intereptione deleteret, ob crimen adorati vituli aurei, placatus quidem dicitur Dominus v. 14. attamen v. 34. Deus ait: *Ego in die ultionis visitabo & hoc peccatum eorum*.

Numerorum 14. ob murmurationem populi iratus est Dominus, & oratione Moysis ita placatus, ut v. 20. dixerit, *Dimisi iuxta verbum tuum*. Attamen v. 22. addit: *Omnes homines qui viderunt maiestatem meam, & signa quæ feci... non videbunt terram*.

His adde ea Scripturæ loca quibus viri iusti & sancti declarant se propter sua peccata, haud dubiè præterita & jam à Deo condonata, puniri & affligi hac in vita. Ita Tobias c. 3. v. dicebat: *Quoniam non obedivimus præceptis tuis, ideo traditi sumus in direptionem & captivitatem*. Et Danielis 3. v. 28. tres pueri missi in fornacem ajunt: *In veritate & in iudicio induxisti hæc omnia propter peccata nostra*. Unde generatim Proverbiotum 3. v. 12. pronuntiat Sapiens, *Quem diligit Dominus, corripit, & quasi pater in filio complacet sibi*. Idem dicitur Heb. 12. v. 6. & Apoc. 3. v. 19.

Secun-

Secundum argumentum colligitur ex iis testimoniis quæ à peccatoribus poenitentibus, præter conversionem mentis ac novitatem vitæ exigunt laboriosa opera, cuiusmodi sunt jejuniū, luctus, cilicium &c. Infinita penæ sunt & cuique obvia utriusque Fœderis testimonia.

Joelis 2. v. 12. *Convertimini ad me (ait Dominus) in toto corde vestro; in jejuniis, fletu & planctu.*

Jonæ 3. v. 10. de poenitentia Ninivitarum dicitur: *Vidit Deus opera eorum, quia conversi sunt de via sua mala, & misertus est Deus.*

Job ultimo v. 6. *Ago, inquit, poenitentiam in favilla & cinere.*

David Psal. 68. v. 12. *Posui, ait, vestimentum meum cilicium.* Et Psal. 34. v. 13. *Humiliabam in jejuniis animam meam.*

Matthæi 11. v. 21. & Lucæ 10. v. 13. *Si in Tyro & Sydone facta essent virtutes quæ facta sunt in vobis, olim in cilicio & cinere poenitentiam egissent.*

Matthæi 3. v. 7. & Lucæ 3. v. 8. Joannes confluentibus ad se Judæis dicebat: *Quis ostendit vobis: fugere à ventura ira? Facite ergo fructus dignos poenitentiae.*

Accedit usus & praxis Apostolorum, qui vel sibi, vel aliis dura imponere opera poenitentiae. Ita S. Paulus 1. Corinth. 9. v. 27. *Castigo, inquit, corpus meum & in servitutem redigo, ne fortè cum aliis predicaverim, ipse reprobus efficiar.* Et ad Colossenses 1. v. 24. *Adimpleo ea quæ desunt passionum Christi in carne mea, pro corpore eius quod est Ecclesia: Non dixit Apostolus, ea quæ desunt passionum Christi in Christo, nihil quippe deest ipsis, cum sint infiniti pretii; sed quæ desunt in carne mea, quia nempe ut applicetur pretium passionum Christi, requiritur conformitas membrorum cum capite nostro: hoc est, necesse est ut dura & acerba quisque Fidelium sustineat, suamque ferat crucem: si velint in ea adimpleri ac sibi applicari pretium meritum Christi. Si quis vult post me venire, tollat crucem suam & sequatur me, ait Christus Matth. 16. v. 24. Favet textus græcus juxta quem legitur, *adimpleo ea quæ supersunt*, seu reliquias passionum Christi: quia nempe post solum à Christo redemptionis pretium, id dumtaxat superest, ut nos cum ipso patiamur. Si tamen compatimur, ut & cum ipso conglorificemur. Rom. 8. v. 17. S. Paulus 1. Corinth. 5. Corinthiū incestuosum satanæ tradidit, si ve ipsa permiserit eum à dæmone cruciari in corpore, si ve eodem nomine gravissimam castigationem & penam intellexerit, si ve expulsionem ab Ecclesia: quidquid illud sit, certum est penam illam non in exemplum dumtaxat aliorum, sed in vindictam peccati & salutem animæ impositam fuisse. Jam judicavi, ait Apostolus v. 3. & 5. *tradere huiusmodi satanæ in interitum carnis, ut spiritus salvis fiat in die Domini nostri Jesu Christi.**

Adde, vel ipsa verba quibus expressa est institutio Sacramenti Poenitentiae, Matth. 18. v. 18. necessitatem hanc imponendi penas & eas subeundi denotare. Datur enim Sacerdotibus potestas solvendi & ligandi: ligant autem cum excommunicationis aut alterius acerbioris penæ vinculum injiciunt.

Frustra reponit Dallæus, opera illa laboriosa, de quibus mox citati textus, imponi ad exemplum Ecclesiae, ad reparationem scandali, aut in remedium futuri. Esto enim concedamus, quod verum est, ad illos fines penas illas dirigi, an idcirco alius & quidem præcipuus earumdem finis excludi debet, nempe ut sint vindicta & castigatio præteriti peccati, ut divinae justitiæ ad salu-

te animarum satisficiant? minimè profectò: profunt enim illæ, juxta S. Joan. *ad fugiendam venturam iram: Sunt secundum Deum*, teste Apostolo 2. Corinth. 7. *Imponuntur ut ad Deum fiat conversio, & ut spiritus saluus fiat in die Domini nostri Jesu Christi*, eodem teste Act. 26. & 1. Corinth. 5.

Frustra addit idem Dallæus, penas illas ab illis exigi quibus nondum dimissa sunt peccata. Namque & Job, & David, & S. Paulo haud dubiè condonaverat Deus peccata: nihilominus tamen propter illa se ipsos castigare ac cruciare non dubitarunt. Præterea, parum refert quando exigantur penæ illæ, an post, an ante dimissa peccata, modò constet eas necessario solvendas esse, si-ve in præsentia si-ve in futura vita.

Tertium argumentum petitur ex iis locis quibus significatur laboriosis poenitentia operibus vim inesse redimendi peccata, seu pro illis divinæ iustitiæ satisfaciendi, & placandi divinam iram.

Danielis 4. v. 24. *Quamobrem Rex consilium meum tibi placeat: peccatus tuus elemosynis redime, & iniquitates tuas misericordiis pauperum: forsitan ignoscet delictis tuis.*

Cap. 16. Proverbiorum v. 6. *Misericordia & veritate redimitur iniquitas. Iis in locis, ait Bellarminus L. 4. de Poenit. cap. 8. habemus vocem redemptionis, quæ æquivaleret voci satisfactionis; non enim minus ad iustitiam pertinet redemptio, quam satisfactio: & si absurdum foret dicere, nostris operibus satisfieri Deo pro peccatis, multò est absurdius dicere, nostris operibus redimi peccata.*

Tobias 4. v. 11. *Elemosyna ab omni peccato & à morte liberat.*

Denique Lucæ 11. v. 41. *Date elemosynam, & ecce omnia munda sunt vobis.*

Respondet Dallæus, verbum *redimere* citatis in locis non significare veram satisfactionem aut redemptionem quæ sit solutio pretii, sed simplicem liberationem, & quidem gratuitam, tametsi eam non concedat Deus nisi sub conditione operum charitatis ac poenitentia: hoc autem sensu verbum istud in Scripturis usurpari probat L. 3. de penis & satisfactionibus cap. 3. nonnullis testimoniis.

Verùm quantum hæc responsio faveat Socinianis, vel ipsi experiantur Calvinistæ, quando adversus illos pugnant pro satisfactione Christi. Quippe non aliud solent illi reponere ad testimonia Scripturæ, quibus Christus dicitur nostra redemisse peccata, quam quod hic reponit Dallæus, verbum scilicet *redimere* non veram satisfactionem & pretii solutionem significare, sed meram liberationem: adeo verum est, quod sæpius pro data occasione observavimus, Calvinistarum principia ad Socinianismum directè tendere. Sicut igitur tenentur Calvinistæ reponere Socinianis, verbum *redimere* sæpius usurpari pro vera satisfactione & pretii solutione, atque eo ipso sensu usurpari cum Christus dicitur nostra redemisse peccata: ita & Catholici respondent ad præsens Calvinistarum effugium.

Probatur 2. Conclusio ex constanti SS. Patrum & Ecclesiæ totius Traditione. Ad duo autem capita generatim revocari possunt SS. Patrum testimonia pro necessitate hominibus satisfactionis.

I. ad ea quibus frequenter affirmant, post dimissam culpam & penam æternam, adhuc superesse solvendam temporalem penam, quod quidem

exemplo Davidis imprimis confirmant & illustrent. Ita

S. Aug. pluribus in locis. In Psal. 50. *Aliquando, inquit, Deus cui igno-*
scit

scit in futuro saculo, corripit eum de peccato in isto saculo. Nam & ipsi David, cui dictum iam fuerat per Prophetam, Dimissum est peccatum tuum, et ibid. p. venerunt quedam que minatus erat Deus propter ipsum peccatum. Ibid. Im- 468. C. punita peccata, etiam eorum quibus ignoscis, non reliquisti. . . Sic prae-rogasti misericordiam, ut servares & veritatem. Ignoscis consenti, sed seipsum puni-entis: servatur misericordia & veritas. Idem repetit in Psal. 98. L. 22. contra Faustum c. 67. & Tract. 124. in Joan. . .

S. Gregorius Magnus L. 9. Moralium cap. 34. alias 17. Delinquenti, inquit, Dominus nequaquam parciit, quia delictum finemissione non deseris. Aut T. 1 p. enim ipse hoc homo in se puniens punit, aut hoc Deus cum homine vindic- 313. C. ans percussit. . . Sic David post confessionem audire meruit, Dominus transiit peccatum tuum; & tamen multos posternaculis afflictiis ac fugiens, reatum culpa quam perperaverat, exolevit. Sic nos salutis unda a culpa primi parentis absolvimur, sed tamen reatum eiusdem culpae diligentes, absoluti quoque adhuc carnaliter obimus. Plusaquo crederet hic Tractatus, si vellemus singulorum SS. Patrum in rem eandem testimonia hic referre. Indicasse sufficiat SS. Ambrosium super Psalm. 37. Chrysostomum initio Hom. 2. super Psalm. 50. & Hom. 4. in 2. ad Corinth. Hieronymum in caput 10. Jeremiae, Leonem Ser-mone 8. de passione Domini, Fulgentium L. 1. de remissione peccatorum c. 12. Prosperum Sententia 72. & 148.

Hanc fuisse perpetuam Ecclesiae mentem, manifestè demonstrat vetus ejus disciplina circa penitentes qui in infirmitate, absolutione & Eucharistia donati jam fuerant; si enim a morbo convaluissent, ad eum ipsum remittebantur penitentis gradum, in quo morbus eos corripuerat: cujus profectò disciplina non alia potior adduci ratio potest, quam quòd perfunctum semper habuerit Ecclesia, etiam post dimissam culpam per sacramentalem absolutionem, penitentem obstrictum & obligatum remanere penis quibusdam temporalibus persolvendis. Hanc porro fuisse Ecclesiae disciplinam, patet ex Concilio Nicæno Can. 13. ex Concilio IV. Carthaginensi Can. 78. ex Arausicano I. Can. 3. ex Epauonensi Can. 36. ex S. Gregorio Nysseno Epistola ad Le-tojum c. 1. verba inferius referemus ad Quaestionem nonam Art. 2.

Ad hanc constantem ac perpetuam Traditionem attendens Concilium Tridentinum Sess. 6. cap. 14. & Can. 30. & Sess. 14. cap. 8. & Can. 12. definivit post culpam remissam remanere debitum poenae temporalis solvendum. Falsum omnino est, ait Sess. 14. c. 8. & a verbo Dei alienum, culpam à Domi- T. 14. no nunquam remitti, quin universa etiam poena condonetur. Præcipua enim Conc. p. & illustria in sacris Litteris exempla reperiuntur, quibus, præter divinam 820. D. Traditionem, hic error quàm manifestissime revincitur. Rationem istam illico subiungit Synodus. Quia divinae iustitiae ratio exigere videtur, ut aliter ab eo in gratiam recipiantur, qui ante Baptismum per ignorantiam deliquerint; aliter verò qui semel à peccati & demonis servitute liberati, & accepto Spiritus sancti dono, scienter templum Dei violare, & Spiritum sanctum contristare non formidaverint. Et divina clementiam docet, ne ita nobis absque ulla satisfactione peccata dimittantur, ut occasione accepta, peccata leviora putantes, velut injurii & contumeliosi Spiritui sancto in graviora labamur, thesaurisantes nobis iram in die irae. Et Canon. 12. ejusdem Sess. Si quis direxit totam poenam simul cum culpa remitti semper à Deo, satisfactionemque peniten-

nitentium non esse aliam quam fidem, qua apprehendunt Christum pro eis satisfecisse, anathema sit.

II. huc pertinent ea SS. Patrum testimonia quibus sapissime asserunt, poenitentiae laboribus, tanquam oblato pretio, nostra redimi peccata; & pro his divinae iustitiae satisfieri. Ita Tertullianus L. de Poenit. cap. 6. *Quam inaptum, inquit, quam iniquum, poenitentiam non adimplere; & veniam delictorum sustinere: hoc est, pretium non exhibere, & ad mercedem manuum emitte.* Hoc enim pretio Dominus veniam addicere instituit; hac poenitentiae compensatione redimendam proponit Deus impunitatem. Et cap. 8. *Confessio satisfationis consilium est.* Et cap. 9. *Delictum nostrum Domino confitemur, non quidem ut ignato, sed quatenus satisfactio confessione disponitur, confessione poenitentia nascitur, poenitentia Deus mitigatur.* Et postea: *In quantum, inquit, non peperceris tibi, in tantum tibi Deus, crede, parcat.*

Origenes Hom. 15. in Leviticum, vocat opera poenitentiae pretium quo peccata redimuntur. Et Hom. 3. in Librum Iudicum. *Quanto tempore, inquit, errasse te nosti, quanto tempore deliquisti, tanto tempore humilia te ipsum Deo.*

S. Cyprianus multis in locis vehementiori stylo invehitur adversus mollem & laxam nonnullorum disciplinam, qui lapsi pacem & communionem reddebant ante impletam poenitentiam & satisfactionem pro delictis expiandis Deo perfolutam. Abusum hunc appellat in Tractu de lapsis, novum genus cladis, malum fallens, blandam perniciem. *Pacem hanc praeposteram, ait & periculosam esse dantibus, & accipientibus nihil profuturam.* Et Epistola 55. ad Cornelium, huius abusus pericula & damna sic describit. *Intercedunt, inquit, ne rogetur Deus, qui indignari se ipse testatur; intercedunt ne exoretur precibus & satisfactionibus Christus. . . . Elaborant ne vulnerata divina clementia in Ecclesia sua curet, ne Deo indignanti satisfiat. . . . Datur opera ne satisfactionibus & lamentationibus suis delicta redimantur, ne vulnera lachrymis abluantur.* Eadem repetit Epistola 9. & Tractu de lapsis, & à lapsis dura & laboriosa poenitentiae opera exigit, quibus non Ecclesiae tantum, ut ajunt Novatores, sed etiam divinae iustitiae satisfaciant, suaque redimant peccata.

S. Ambrosius Lib. 7. in Lucam nu. 156. *Sicut, inquit, qui pecunias solvant, debitum reddunt, nec prius evacuatur senoris nomen, quam totius sortis ad nummum usque quocunque solutionis genere quantitas universa solvatur; sic compensatione charitatis actuumque reliquorum, vel satisfactione quacunque, peccatis poena dissolvitur.* Et L. 2. de Abel & Cain cap. 3. *Crimina, inquit, bonis operibus, fideique pretio, & miseratione redimamus. Pretium meum sanguis est Christi.* Quia scilicet quidquid pretii est in humanis operibus, totum illud ex sanguine Christi derivatur.

S. Hieronymus Commentario in Joelem. *Qui peccator est, inquit, & quem remordet propria conscientia, cilicio accingatur & plangit sua delicta. . . . & cubet vel dormiat in sacco, ut praeferat delicias, per quas Deum offenderat, vitae austeritate compenset.*

Denique S. Augustinus, ut alios praeteream, Serm. 351. aliis 50. inter T. 5. p. 50. *Non sufficit, inquit, mores in melius commutare, & à factis malis recedere, nisi etiam de his quae facta sunt, satisfiat Deo per poenitentiae dolorem, per humilitatis gemitum, per contriti cordis sacrificium, cooperantibus elemo-*
synis.

*synis. Et Serm. 57. de tempore, nunc 255. in Append. Parum est, ait, 7b. Ap-
peccatorem punire, nisi penitentiam peregerit. Ad emendanda enim crimina
Vox penitentis sola non sufficit: nam in satisfactione ingentium peccatorum non 418. G.
verba tantum, sed opera quærantur. Et cap. 70. Enchiridii, ait peccata elec- To. 6. p.
mosynis esse redimenda. 223. A.*

Huc denique revocanda SS. Patrum testimonia quæ affirmant gravitati
offensæ æquandam esse pœnam. *Alto vulnere diligens & longa medicina non des-*
pœnitentia crimine minor non sit, ait sanctus Cyprianus in Tractatu de
lapsis, versis finem. Pariter S. Ambrosius in Exhortatione ad virginem lap-
sam cap. 8. n. 37. *Grandi plage, inquit, alta & proluxa medicina opus est; grande*
scelus grandem habet necessariam [at]q[ue] faciliorem. Et in Psalm. 118. Serm. 8. n. 26. *In*
ipsa Ecclesia, inquit, ubi maxime misereri decet, teneri quam maxime debet
forma iustitiæ, ne quis à communionis consortio abstentus, brevi lachrymula, at-
que ad tempus parata... communionem... facilitate Sacerdotis extorqueat. Plura
in rem eandem testimonia laudavimus suprâ ad secundum argumentum
Traditionis pro demonstranda necessitate confessionis.

Hanc perpetuam Ecclesie doctrinam exposuit Concilium Tridentinum Sess. 14. cap. 8. & Canonibus 12. 13. & 14. definitur; in quopostremo expressè ait, pœnitentes peccata sua suis satisfactioibus per Christum redimere. Canone verò 13. ait: *Si quis dixerit, pro peccatis, quoad penam temporalem, minime Deo per Christi merita satisfieri pœnis ab eo inflictis & pœnitentis toleratis, vel à Sacerdote inflictiis; sed neque spontè susceptis, ut ieiuniis, orationibus, elemosynis, vel alijs etiam pietatis operibus, atque ideo penam pœnitentiam esse tantum novam vitam, anathema sit.* Citato verò cap. 8. hujusce dogmatisationes egregias adducit, tum ex parte divini iustitiæ quæ postulat ut aliter in gratiam recipiantur qui ante Baptismum per ignorantiam deliquerint, aliter verò qui scientes templum Dei violaverant; tum ex parte divini clementiæ; nescilicet peccata leviora reputaremus, si absque ulla satisfactione dimitterentur; tum ex parte nostri, quorum vitiosi habitus sanantur & tolluntur contrariis virtutum actionibus; tum ex eo quòd satisfactio imminet à Deo pœnam avertat; tum denique ex conformitate quæ debet esse inter Christum & nos: sicut enim oportuit Christum pati, & ita intrare in gloriam suam, ita & nos oportet Christo conformes fieri: *Si tamen compatiuntur, ut & glorificemur.* Rom. 8. v. 17.

Merito igitur a SS. Pontificibus S. Pio V. & Gregorio XIII. damnata est illa Recueil
des Bul-
les 2 p.
propositio inter Bajas 77. Satisfacitior laboriosa iustificationum non valent ex-
piare de condigno penam temporalem restantem post culpam condonantem.

Quid ad hæc Calvinus? *Parum me movent*, ait L. 3. Infl. c. 4. paragr. 38. *quæ in Veterum Scriptis de satisfactione passim occurrunt. Video quidem eorum nonnullos (dicam simpliciter, omnes ferè quorum Libri extant) aut hac in parte lapsos esse, aut nimis asperè & durè locutos.* Ita modestè ac verecundè more suo de Patribus sentit ac loquitur Calvinus.

Paulo temperatior ac modestior Dallzus respondet, voluntarias illas carnis macerationes, de quibus SS. Patres, necessarias quidem esse ad morum emendationem, vitiorum fugam, & idoneam ad Sacramentum percipiendum preparationem seu dispositionem, non verò ad propriè dictam satisfactionem seu compensationem injuriæ Deo pro peccatum illata, quod probat ex ipsa peni-

poenitentia, seu laboriosis operibus quibus Catechumeni antequam baptizarentur, diu exercebantur, & ad gratiam Baptismi præformabantur. Verum non tantum ad ista, sed etiam maxime ad relaxationem poenæ temporalis quæ post condonatum culpam divinæ iustitiæ debitores sumus, macerationes illas plurimum valere demonstrant, quæ mox ex Scripturis relata sunt. In Catechumenis quidem laboriosa illa opera disponunt ad gratiam Baptismi; in poenitentibus verò non tantum disponunt, sed etiam debitum poenæ temporalis aut imminuunt, aut extinguunt penitus, pro mensura charitatis, ac bonorum operum. Discrimen illud poenitentiae inter Catechumenos ac poenitentes manifestè ostendit erga utroque varia Ecclesiae praxis ac disciplina: Catechumenos siquidem in stadio Catechumenatus ob imminens mortis periculum baptizatos, si convalescent, non remittebat ad eum Catechumenatus gradum in quo morbo correpti fuerant, secus verò poenitentes, ut ex mox probatis manifestum est.

Solvuntur Objectiones.

Obijcies 1. Deus in Scripturis sapissimè testatur se perfectè ac gratis peccata hominibus dimittere, absque ullo debito poenæ temporalis persolvendæ. Ezechielis 18. v. 21. & 22. *Si impius egerit poenitentiam ab omnibus iniquitatibus suis . . . vita vivet & non morietur. Omnium iniquitatum ejus non recordabor.* Etc. 33. v. 12. *Impietas impii non nocebit ei, in quacunque die conversus fuerit.* Et Isaiæ 1. v. 18. *Si fuerint peccata vestra ut coccinum, quasi nix dealbabitur; & si fuerint rubra quasi vermiculus, velut lana alba erunt.* Aliis in locis ait se post tergum projicere peccata nostra; projicere in profundum; illa tegere, non imputare. Porro conciliari hæc non possunt cum poenâ temporali, quam post dimissam culpam Deus à nobis reposeat.

Resp. nego min. Aut enim necesse est Scripturam Scripturæ repugnare, quod est absurdissimum; aut, quod verissimum est, alteram ex altera explicari. Cum igitur expressè significet Scriptura, Deum à poenitente, etiam post condonatum culpam & poenam æternam, aliquas temporales poenas reposecere, neque alia hic querenda sit ratio quàm Dei voluntas, necesse est mox citata testimonia intelligere cum universa Ecclesiæ totius Traditione, de remissione perfectâ & quoad culpam, & quoad poenam æternam, cujus comparatione, cum poenâ temporalis parvi sit æstimanda, meritò & Deus dicitur, *omnium iniquitatum non recordari, eas post tergum, vel in profundum projicere &c.* & poenitens post dimissam culpam *vita vivere*, cui Deus gratiam & amicitiam suam restituit: meritò etiam dicitur *iniquitas praterita ei non nocere*, quia poena temporalis, quæ solvenda superest, prodest ipsi plurimum ad mercedem æternam citius consequendam &c.

Instabis 1. Peccata nostra vera sunt debita quibus obligati & obstricti tenemur divinæ iustitiæ; debitum autem non censetur perfectè relaxari ac remitti, cum aliqua ejus pars retinetur; si ergo Deus temporali poenâ puniat peccatum, quod condonavit, perfectè non remittit debitum quod contractum fuerat: at ex citatis mox testimoniis constat Deum perfectè nobis dimittere nostra debita.

Confirmatur: quia in Oratione Dominica postulamus à Deo, ut nostra debita nobis dimittat, sicut & nos ea dimittimus debitoribus nostris

at

at sic debemus proximo illatas nobis injurias remittere, ut nihil omnino ab eo repetamus in ultionem & vindictam.

Resp. nego consequentiam argumenti. Censetur enim debitum ex peccato contractum perfecte remitti, cum ejus pars principalis, cujus comparatione pena temporalis nihil est, remittitur: at debitum culpae & pene aeternae principalium est haud dubie, quod quidem perfecte remittitur, *Nihil enim damnationis est iis qui sunt in Christo Jesu*, Rom. 8. v. 1. Præterea censetur debitum omne perfecte relaxari, cum gratis conceditur, unde quod superest solvi possit: at Deus restituendo poenitenti gratiam suam, dat ipsi unde possit perfecte & de condigno satisfacere pro pena temporali, sicut & mereri vitam aeternam.

Ad confirmationem, hoc unum ex Oratione Dominica inferri dumtaxat potest, Deum nempe aliquando plenam nobis indulgere penarum remissionem, pro fervore nimirum charitatis; imò & illam plenam remissionem nobis proponere, tanquam mercedem nostrae in proximum charitatis & indulgentiae: verum inde non sequitur, Deum aliquando, imò & ordinariè, penas aliquas ex peccato superstites non reponere, quas vel omnino effugere, vel breviores & leviores reddere possumus pro ardentiori & vehementiori nostro in Deum & proximum studio & affectu.

Instabis 2. Rom 8. v. 1. *Nihil damnationis est iis qui sunt in Christo Jesu*: at si superesset ipsis luenda pena temporalis, aliquid damnationis in illis foret.

Respondet Estius in 4. dist. 15. paragr. 8. *damnationem ed loci significare vel mortem aeternam, vel mortis aeternae reatum*; sicut & cap. 8. ejusdem Epistolae ubi dicitur, *Quorum damnatio iusta est*, & cap. 12. *Ipsi sibi damnationem acquirunt*. Hoc verò sensu cap. 8. *damnationem usurpandam esse, loci circumstantia demonstrat*. Nam ex eo quod quis mente serviat legi Dei, sola verò carne legi peccati, concludit Apostolus, in tali homine nihil remanere damnatione seu morte dignum; ut qui post Baptismum Christo incorporatus est, jam non secundum carnem ambulet; Lex enim, inquit, *spiritus vitae in Christo Jesu liberavit me à lege peccati & mortis*. Ubi advertendum est Apostolum, quod antea damnationem dixerat, nunc mortem vocare, quam sine dubio aeternam intelligit, cum quoad temporalem attinet mortem, testetur eodem capite, etiam in renatis corpus mortuum esse, id est, morti obnoxium propter peccatum.

Instabis 3. Deus gratis peccata nobis remittit: Rom. 3. v. 24. *Justificati gratis*, ait Apostolus, *per redemptionem qua est in Christo Jesu*. Ergo sine ulla ex parte nostri necessaria satisfactione: nihil enim magis opponitur gratuita remissioni, quam satisfactio; hæc enim adiutivam, illa ad gratiam tota pertinet.

Resp. nego consequentiam. Non pugnat enim gratuita remissio peccati ex parte Dei, cum necessitate satisfactionis pro pena temporali ex parte nostri: atque hoc ipsum argumentum quod Calvinistæ hic proponunt adversus humanas satisfactiones, proponitur & ab ipsis Socinianis adversus satisfactionem Christi, quod Calvinistis sicut nobis solvendum est. Ut igitur Calvinianis reponant, hæc duorecte coherere simul, nempe Deum gratis ex parte nostri remittere nobis peccata, quia nihil ex nobis possumus ad eorum remissionem; & Christum pro nobis verè ad rigorem satisfacisse, ac consequen-

sequenter ex parte ipsius Christi gratuitam non esse, sed debitam illam peccatorum remissionem; ita & nos hic respondemus, Deum gratis quidem peccata nobis remittere, quamquam aliquas poenas in satisfactionem repolcat, tunc quia gratis nobis concessit Christum, in quo, & per quem nostrae satisfactiones valent; tunc quia gratis concedit gratiam fidei & poenitentiae, sine qua satisfactiones nostrae nullius sunt ad vitam aeternam valoris ac meriti.

Instabis 4. Si peccata nobis à Deo gratis dimitti idcirco dici possunt, quòd gratis concedatur gratia per quam dimittuntur & satisfacimus, dici quoque poterit peccata nostra gratis etiam dimissa fuisse à Christo Domino nostro, quia nempe gratis accepit à Deo humanitatem aliaque dona per quae satisfecit: atqui peccatorum nostrorum remissio gratuita non est, sed ex stricta iustitia respectu Christi, quamquam gratis acceperit humanitatem &c.

Resp. nego lequalem antecedentis. Ita enim Christus accepit à Deo humanitatem, ut eam si voluisset, non accepisset: liberè enim incarnatus est, liberè mortem obiit, *Oblatus est quia voluit*, ait Propheta. Ex propriis igitur & aliis indebitis satisfecit Deo pro peccatis nostris, adeoque remissio peccatorum nostrorum, quamquam gratuita sit ex parte nostri, debita tamen est ex stricta iustitia meritis Christi. Quando igitur ex gratia Dei satisfacimus pro pena temporali, gratia illa tota est gratuita, nihilque in nobis supponit quo eam promereri possimus; unde non immerito simpliciter & absolute peccata nobis gratis remitti dicuntur; quamquam remissio hæc titulo rigorose ac strictæ iustitiæ pretio sanguinis Christi debita sit.

Instabis 5. Sublata causa tollitur omnis ejus effectus: atqui culpa est causa penæ temporalis; ergo dimissa culpa non superest debitum penæ temporalis.

Resp. nego maj. quæ in rebus moralibus, ut nihil dicam de physicis, evidenter falsa est. In baptisatis enim v.g. non remanet originalis culpa, remanent tamen penalitates quæ sunt effectus illius: pariter mors & passio Christi causa est meritoria omnium auxiliorum gratiæ quibus adjuvamus; apud effectus illi jam nulli sunt, quia jam diu effluxerit eorum causa, nempe mors & passio Christi? non ita profecto. Etsi igitur culpa causa sit reatus penæ temporalis, remanet iste reatus etiam post dimissam culpam, sicut remanet ipsa culpa, etiam postquam fluxit & transiit actus physicus ex quo tanquam ex causa resultavit.

Objicies 2. Vel superflua & inanes dici debent humanæ satisfactiones, vel satisfactio Christi non fuit infiniti pretii ac valoris. Probatur: Quia si Christus abundè satisfecit pro nobis, quorsum aliquid à nobis exigitur?

Resp. nego ant. Ad probationem dico, humanas satisfactiones exigi & necessarias esse, non quidem in pretium redemptionis nostræ, quod abundè & superabundè solvit Christus; sed ut sint media per quæ pretium sanguinis Christi nobis applicatur: neque enim infinito valori satisfactionis Christi magis nocent humanæ illæ satisfactiones, quam Sacramenta, quam fides ipsa, quæ etiam in sententia adversariorum planè necessaria est ut fructum passionis Christi percipiamus. Ratio est, quia hæc omnia, sive media, sive instrumenta, per quæ defluit ad nos pretium meritorum Christi, quidquid habent valoris & dignitatis, totum trahunt ex Christo, Audiantur Patres Tridentini Sess. 14. cap. 8. *Accedit ad hæc*, ait Synodus, *quòd dum satisfaciendo pati-*

pasimur pro peccatis, Christo Jesu, qui pro peccatis nostris satisfecit, ex quo omnis nostra sufficientia est, conformes efficiamur... Neque verò ita nostra est satisfactio hec, quam pro peccatis nostris exolvimus, ut non sit per Christum Jesum; nam qui ex nobis tanquam ex nobis nihil possumus, eo cooperante qui nos confortat, omnia possumus. Ita non habet homo unde gloriatur, sed omnis gloriatio nostra in Christo est, in quo vivimus, in quo movemur, in quo satisfacimus, facientes dignos fructus penitentia, qui ex illo vim habent, ab illo offeruntur Patri, & per illum acceptantur à Patre. Et Can. 14. ejusdem Sess. sic definit: Si quis dixerit, satisfactiones quibus penitentes per Jesum Christum peccata redimunt non esse cultus Dei, sed traditiones hominum, doctrinam de gratia, & verum Dei cultum, atque ipsum beneficium mortis Christi obscurantes, anathema sit.

ibid. p.
815. E.

Instabis 1. Christus abundè satisfecit etiam pro ipsis penis temporalibus peccato debitis; ad quid ergo necessariae sunt humanae satisfactiones?

Resp. necessariae esse, ut nobis applicetur seu communicetur pretium satisfactionis Christi: quamquam enim abundè satisfecerit Christus quantum ad sufficientiam pretii, imò & quantum ad efficientiam, & etiam quantum ad jus illud nobis communicandi; non alia tamen lege ac conditione pretium illud applicari nobis voluit, quam penitentibus, ac laboriosis operibus passionem capitis nostri Christi imitantibus. Satisfactiones igitur humanae non sunt in supplementum satisfactionis Christi, sed propter alias causas antea enumeratas.

Instabis 2. Si Christus omnem culpam & penam simul non remittit; ergo plùs nobis obfuit inobedientia Adæ, utpotè quæ culpam & penam simul inexit, quam profuit obedientia Christi?

Resp. Eo argumento etiam probaretur mortem & miseras omnes hujus vitæ statim per Christum tolli debuisse, ne plùs obfuisse dici posset inobedientia Adæ, per quem una cum peccato mors & miseræ intraverunt in mundum, quam profuerit obedientia Christi. Dicendum igitur, per Christum auferri omne illud malum, quod prævaricatio Adæ inexit. *Sicut enim in Adam omnes moriuntur, ita in Christo omnes vivificabuntur.* Verùm id non statim fit, ne pareat putaretur culpa, ait S. Augustinus Tract. ultimo in Joan. si cum illa statim finiretur & poena; & ut interim habeant justi quo exerceantur ad palmam supernæ vocationis.

1. Cor.
15. v.
22.
Jo. 3. p.
2. pag.
821. E.

Objicies 3. Non potest homo Deo satisfacere pro suis peccatis: tum quia offensæ Deiratione objecti est infinita, satisfactio verò hominis planè finita; per finitam autem satisfactionem non potest expungi aut compensari offensæ infinita: tum quia nihil potest homo Deo offerre, quod ipsi non debeat saltem titulo creationis; satisfactio autem fieri debet per opus aliis indebitum.

Resp. dist. ant. Non potest homo Deo satisfacere, ex condigno & quoad strictos juris apices pro peccatis quoad culpam & penam æternam; esto, quam quætionem hic non expendimus: non potest satisfacere ex condigno pro peccatis quoad penam temporalem, nego. Si enim potest homo justus mereri de condigno vitam æternam, quidni poterit satisfacere pro pœna temporali debita peccatis? Duplex adducta probatio eò tendit unicè, nempe hominem non posse quidem satisfacere ex condigno & ad strictos juris apices pro offensæ, & debito æternæ pœnæ: at non evincit, eum satisfacere non posse pro debito pœnæ temporalis, de qua una hic sermo est.

Objicies

Obicies denique: Nonnulli ex SS. Patribus negasse videntur post dimissionem à Deo culpam superesse luendam poenam temporalem. Ita

S. Ambrosius L. 10. in Lucam n. 88. *Lachrymas Petri lego, inquit, satisfactionem non lego.*

S. Augustinus L. 2. de peccat. mer. & rem. cap. 34. ait, *Vita huius miseriae ante remissionem esse quidem supplicia peccatorum; post remissionem autem, certamina & exercitationes iustorum.*

Et in Plal. 84. ad illud, *Operuisti omnia peccata eorum, Quid est, inquit, operuisti? ut non illa videres. Quid est ut non illa videres? ut non illa vindictas.*

S. Chrysostomus Hom. de poenit. & confessione, *Propter hoc, ait, imponit Deus nobis poenam, non de peccatis supplicium sumens, sed ad futura nos corrigens.*

Resp. nego ant.

S. Ambrosius eò loci satisfactionis nomine non intelligit Sacramenti Poenitentiae partem, seu laboriosa & afflictiva opera, sed excusationem seu defensionem; quo pacto satisfacere objectis criminibus idem est ac objecta crimina diluere seu refellere. Mens igitur S. Doctoris hæc est, nempe S. Petrum suum agnovisse crimen, non excusasse, non defendisse: unde statim addit ibid. *Quod defendi non potest, abluí potest.*

S. Augustinus priori loco vult dumtaxat vitæ huius miseriis, quæ supplicia sunt peccati, hoc etiam accedere utilitatis post condonatam culpam, ut sint certamina & exercitationes iustorum, qui eas patienti animo tolerantes, in virtutibus proficiunt, Deumque magis sibi promerentur: quem fructum ultro agnoscimus in humanis satisfactionibus. Ex altero testimonio hoc unum extundi potest, quod etiam concedimus, Deum ita dimittere hominibus peccata, ut ea non puniat æterno supplicio: quòd autem temporali afflictione ea castiget ac puniat, etiam post condonatam culpam, patet ex locis S. Augustini inter probationes citatis.

S. Chrysostomus eodem modo exponendus ac mox laudatum S. Augustini testimonium ex L. 2. de peccat. mer. & rem.

A R T I C U L U S I I

Proponuntur & solvuntur nonnullæ quæstiones circa materiam, effectus, subiectum, & ministrum satisfactionis.

QUÆRES 1. per quæ opera possit homo Deo satisfacere pro pœna temporali.

Resp. 1. cum Patribus Trid. Sess. 14. Can. 23. *satisfacere posse paenis à Deo influctis & patienter toleratis, vel à Sacerdote iniunctis, vel etiam spontè susceptis, ut ieiuniis, orationibus, elemosynis vel aliis etiam pietatis operibus;* unde Sacerdos post formam absolutionis addit, *Quidquid boni feceris & mali sustinueris, sit tibi in remissionem peccatorum.* Tria hæc pietatis opera, ieiunia, orationes, & elemosynas assignant vulgò Theologi pro materia satisfactionis, tum quia ea simul conjungit Scriptura, Tobia 12. v. 8. *Bona est oratio cum ieiunio & elemosyna.* Tum quia unicuique vis inest maximà ad placan-

placandum Deum; tam denique, ut alias mittamus rationes, quia ad hæc tria cætera quæcunque satisfactionis opera revocari facile possunt, ut ostendit S. Augustinus L. de perfectione iustitiæ. *Sub ieiunio quippè comprehenditur universa corporis castigatio; sub elemosyna, benevolentia & beneficentia, vel dandi vel ignoscendi; sub oratione, omnes regulæ sancti desiderii.* T. 10. p. 174. b.

Resp. 2. satisfieri posse divinæ iustitiæ, etiam per opera aliunde debita; magis tamen efficacem esse satisfactionem, quæ sit ex indebitis.

Prior pars ostenditur: Quia satisfacimus Deo per jejunia quæ ex mandato Ecclesiæ debent observari; per afflictiones quas Deus immittit, & patienti animo tolerare debemus; per orationes, elemosynas & alia id genus pietatis officia nobis ex præcepto injuncta: Martyr quoque Deo satisfacit per martyrium, etiam cum tenetur illud in defensionem fidei sustinere; atque in eo elucet maximè Dei benignitas ac clementia, ut nobis ea in præmium ac mercedem imputet, quæ ex iustitia à nobis potest exigere.

Posterior pars per se manifesta est: Qui enim facit id ad quod ex præcepto non tenetur, ille procul dubio & Deo gravior est, ac majorem reportat laudem & mercedem: sic perfectiores sunt inter Christianos, qui præter divina præcepta, etiam & consilia Evangelica sequuntur & implent.

Hinc inferes 1. opera quæ sunt aliis titulis debita, ordinariè penitentibus injungi non debere pro satisfactione sacramentali: quia nempe quæ debita sunt, opus non habent nova obligatione ut fiant. Sic v.g. injungi non debet penitenti in satisfactionem & vindictam præteriti peccati, ut Sacram audiat diebus Dominicis & festis, ut jejuset tempore ab Ecclesia præscripto &c.

Inferes 2. restitutionem rei ablata, reparationem injuriæ &c. non debere injungi in satisfactionem. Ratio est, quia ista pertinent ad cessationem à peccato, potius quàm ad satisfactionem: non enim dimittitur peccatum, nisi restituatur ablatum; ac debet priùs homo recedere à peccato, quàm pro illa satisfaciat.

Resp. 3. satisfieri etiam posse per actus internos. Ratio est, quia illi meritorii esse possunt; ergo & satisfactorii.

Quæres 2. quæ sint conditiones necessariæ ad opus satisfactorium.

Resp. opus satisfactorium debere esse liberum, bonum, & penale, hoc est afflictivum.

Quæres 3. quis sit effectus satisfactionis.

Resp. ex Conc. Trid. Sess. 6. cap. 14. & Sess. 14. cap. 8. esse remissionem poenæ temporalis.

Quæres 4. quandomam satisfactio sacramentalis suum assequatur effectum: an cum penitens absolvitur; an cum satisfactionem injunctam adimplet?

Resp. si post acceptatam satisfactionem & firmum illius adimplendæ propositum homo moriatur, antequam eam possit adimplere, vi Sacramenti ex opere operato aliquid poenæ temporalis remitti, cujus quidem mensuram solus Deus novit: ordinariè verò remittitur illa poena, proportionem servata penitentis seu satisfactionis; id est major vel minor pro majori vel minori labore qui sustinetur.

Quæres 5. an satisfactio sacramentalis tollat non modò reatum poenæ temporalis, sed etiam novam aliquam conferat gratiam.

Resp.

Resp. negativè. Quia Sacramentum gratiam producit ex opere operato; quando suis omnibus partibus essentialibus perfectum est: atqui cum impletur satisfactio, Sacramentum Penitentiae essentialiter perfectum fuit, Neque verò potior ratio est, cur satisfactioni, quatenus ab aliis penitentiae partibus sejungitur, tribuatur virtus producendi gratiam ex opere operato, quam confessioni, vel contritioni seorsim sumptis.

Quæres 6. an valeat satisfactio facta in peccato mortali.

Ut propositæ quæstioni satisfiat, observa 1. satisfactionem aliam esse non sacramentalem, aliam verò sacramentalem, seu quæ pars est integralis Sacramenti.

Observe 2. in peccato mortali, seu in homine reo peccati alicujus mortalis distingui debere 1. actum peccati qui transit. 2. reatum seu maculam quæ superest post physicum peccati actum, quæ macula nihil aliud est, quam peccatum ipsum non retractatum sed moraliter perseverans. Reatus verò ille triplex distingui solet, nempe culpæ, pænæ æternæ, & pænæ temporalis. 3. affectum peccati, seu complacentiam & voluntatem peccandi. 4. infirmitatem quæ ex diuturno habitu peccati contrahitur.

Observe 3. reatum peccati nunquam dimitti, siue extra, siue in Sacramento, nisi deposita prius voluntate peccandi; est enim hæc conditio omnino essentialis ac necessaria. Conditionem dico, non formam aut causam quæ per se tollat reatum peccati: certum siquidem est ex Concilio Trid. attritionem per se extra Sacramentum non auferre peccatum mortale, quod tamen auferit cum Sacramento, si voluntatem excludat peccandi; voluntas ergo illa sola non sufficit expungendo peccato. His præmissis,

Resp. 1. hominem in statu peccati mortalis non satisfacere Deo extra Sacramentum pro pena temporalis, neque de condigno, neque etiam de congruo. Non de condigno, quia in homine injusto ac lethali culpa sedato nihil est quod possit de condigno mereri remissionem pænæ temporalis; non de congruo, quia nulla extat in Scripturis Dei promissio, quæ se obstrinxerit ad talem veniam & indulgentiam. Non idcirco tamen laxanda frena cupiditatis, nec abjicienda penalis satisfactio, quæ & insecti potest divina misericordia, & corpus labori ac penitentiae paulatim assuescit.

Resp. 2. eum qui in iunctam à Sacerdote sacramentalem satisfactionem implendo vel actu peccat, ut qui v.g. recitando Psalterium voluntariè aliò distrahitur, aut voluntatem & propositum peccandi actu gerit, verè non satisfacere divinæ iustitiæ pro pena temporalis: vix enim intelligas, qui fieri possit ut eadem actione quis simul Deum & offendat, & propitium habeat. Eò pertinet quod refertur Isaia 58. v. 3. Populo enim dicenti: *Quare ieiunavimus, & non aspersisti? respondet Deus: Ecce in die ieiunii vestri invenitur voluntas vestra. Et Ecclesiastici 34. v. 31. Homo qui ieiunat in peccatis suis, & iterum eadem faciens, quid proficit humiliando se?*

Resp. 3. satisfactionem sacramentalem quæ fit in statu peccati mortalis non obesse integritati Sacramenti, suumque assequi effectum ex opere operato, tanquam partem Sacramenti integrantem, modò fiat animo penitenti. Ratio est, quia iustitia & sanctitas fructus est seu effectus Sacramenti Penitentiae, non verò dispositio omnino necessaria ad illud percipiendum, cum sit Sacramentum mortuorum: unde confessio etiam facta
in

in statu peccati mortalis, valida est & vera Sacramenti pars. Atque hæc fuisse videtur mens Ecclesæ, cum absolutionem non nisi post expletam satisfactionem olim conferebat: ejusmodi quippe poenitentes nondum Deo reconciliatos supponebat, quostamen prolixiori ac severiori exercebat poenitentia. Addidi, si fiat animo poenitenti; aliàs irritio potius foret, quam vera satisfactio. Si verò quæras, quo tempore suum effectum obtineat ejusmodi satisfactio, an cum impleta est; an cum recessit fides. Respondendo rem esse planè dubiam & incertam, de qua litigant Scholastici.

Quæres 7. an possit homo satisfacere pro pœna temporali debita uni peccato, & non satisfacere simul pro pœna debita aliis peccatis.

Resp. affirmativè. Quia certa pœna temporalis mensura unicuique peccato debita est; & si potest homo, ut revera potest, in statu peccati mortalis satisfacere pro pœna temporali peccati aliàs dimissi, quare non poterit satisfacere pro pœna unius peccati, superstitè integro debito pœna persolvendæ pro alio peccato? Quæ verò in contrarium hic objicit Estius in 4. dist. 15. paragr. 18. tum ex Scripturis, tum ex SS. Patribus, probant dumtaxat hominem in actuali peccato vel formali affectu ac voluntate peccandi, non posse satisfacere, quod fatemur.

Th. 1. p. 301.

Quæres 8. an satisfactio debeat esse personalis, ita ut unus non possit pro alio satisfacere.

Resp. posse unum hominem pro alio satisfacere. Probat evidenter Ecclesiæ fides ac doctrina circa Indulgentias, atque Sanctorum communionem: non enim alio fundamento nixa olim fuit Ecclesia, ut in gratiam Martyrum relaxaret poenitentibus pœnas canonicas, quam quòd persuasum habuit merita Sanctorum eorumque satisfactiones posse aliis, Deo ita indulgente, applicari. Sed de hoc argumento fusiùs ubi de Indulgentiis.

Quæres 9. an teneatur poenitens injunctam à Sacerdote satisfactionem implere.

Resp. affirmativè. Patet ex testimoniis Art. 1. hic relatis. Si enim tenentur Sacerdotes congruam imponere satisfactionem, tenentur haud dubiè & poenitentes eam adimplere.

Quæres 10. an Sacerdos teneatur peccatis congruam & proportionatam imponere poenitentiam.

Resp. affirmativè. *Debent Sacerdotes*, ait Concilium Trid. Sess. 14. cap. 8. *quantum spiritus & prudentia suggererit, pro qualitate criminum & poenitentium facultate, salubres & convenientes satisfactiones injungere; ne, si fortè peccatis committant, & indulgentiis cum poenitentibus agant, levissima quadam opera pro gravissimis delictis injungendo, alienorum peccatorum participes efficiantur. Habeant autem præ oculis, ut satisfactio, quam imponunt, non sit tantum ad nova vitæ custodiam & infirmitatis medicamentum, sed etiam ad prætorum peccatorum vindictam & castigationem.*

Th. 14. Conc. p. 821. B.

Appositè omnino monet Synodus, prudentia opus esse Sacerdoti cum satisfactionem injungit: neque enim ad strictam & litteralem Canonum poenitentialium observantiam ita semper astringitur, quin possit aliquando ab iis, cum expedit, recedere. Audiatur S. Thomas in Supplemento q. 18. art. 4. in corpore. *Pœne, inquit, satisfactorie infligendæ sunt ut medicæ. Sicut autem medicæ in arte determinatæ non omnibus competunt, sed variæ de sunt secundum arbitrium medici, non propriam voluntatem sequentis, sed*

Tournely de Sacram. Poenitentia.

R

scientiam

scientiam medicinæ; ita pœna satisfactoria in Canone determinatæ, non compentunt omnibus, sed variandæ sunt; secundum arbitrium Sacerdotis divino instinctu regulatum. Sicut ergo medicus aliquando prudenter non dat medicinam efficacem quæ ad morbi curationem sufficiat, ne propter debilitatem naturæ maius periculum oriatur; ita Sacerdos divino instinctu motus, non semper totam pœnam quæ uni peccato debetur, iungit, ne infirmus aliquis ex magnitudine pœnæ desperet, & à pœnitentia totaliter recedat.

Quæres ultimò qui sint satisfactionis fructus, seu quæ commoda & utilitas.

Resp. multiplicem esse, præter condonationem seu remissionem pœnæ temporalis, de qua jam adversus Novatores disputavimus. Concilium Trid. Sess. 14. c. 8. de Pœnitentia, fructus illos recenset. Divinam clementiam decet, ait, ne ita nobis absque ulla satisfactione peccata dimittantur, ut, occasione accepta, peccata leviora putantes, velut insarii, & contumeliosi Spiritui sancto, in graviora labamur, thesaurisantes nobis iram in die iræ. Procul dubio enim magnopere à peccato revocant, & quasi fræno quodam coercent hæc satisfactoria pœnæ, cautioreque & vigilantiores in futurum pœnitescentes efficiunt; medentur quoque peccatorum reliquiis; & vitiosos habitus, male vivendo comparatos, contrariis virtutum actionibus tollunt. Neque verò securior ulla via in Ecclesia Dei unquam æstimata fuit ad amovendam imminentem à Domino pœnam, quam ut hæc pœnitentia opera homines cum vero animi dolore frequentent. Accedit ad hæc, quòd dum satisfaciendo patimur pro peccatis, Christo Jesu, qui pro peccatis nostris satisfecit, ex quo omnis nostra sufficientia est, conformes efficiunt certissimam quoque inde arham habentes, quòd si compatimur, & conglorificabimur. Deinde docet Concilium, vim omnem & efficaciam nostræ satisfactionis à Christo ipso derivari. Qui enim ex nobis, tanquam ex nobis, nihil possumus, Christo cooperante qui nos confortat, omnia possumus.

Illi ergo sunt satisfactionis fructus.

1. Ne putemus leviora esse peccata, quæ tam duris & acerbis pœnis emendari debent ac castigari.

2. Pœnæ illæ à peccato revocant, & quasi fræno quodam peccandi licentiam coercent. Nam si citò redires homo ad pristinam beatitudinem, ait S. Augustinus Serm. 278. aliàs 34. de diversis, ludus illi esset peccando cadere in mortem.

3. Peccatores inde cautiore ac vigilantiores in futurum evadunt.

4. Pœnæ illæ satisfactoriæ medentur peccatorum reliquiis, & vitiosos habitus malè vivendo comparatos tollunt.

5. Imminentem à Domino pœnam amovent.

6. Nos Christo capiti nostro qui tot dura & acerba nostri gratia perpeffus est, conformes efficiunt.

7. Ex his pœnitentis laboriosis operibus Confessarius certior fit interni animi doloris. In actione pœnitentiæ, ait S. Augustinus Ench. cap. 65. non tam consideranda est mensura temporis, quam doloris. Cor enim contritum & humilitatum Deus non spernit. Verum quia plerumque dolor alterius cordis occultus est alteri, neque in aliorum notitiam per verba aut quæcunque signa procedit...; reffid constituntur ab his, qui Ecclesiis præfunt, tempora pœnitentiæ, ut fiat satis Ecclesie, in qua remittuntur ipsa peccata; extra eam quippe non remittuntur.

8. De-

8. Denique, satisfactoriæ illæ poenæ sunt in exemplum & ædificationem *Tas p.* Fidelium. *Id agit,* (poenitens) ait S. Augustinus Serm. 351. aliàs Hom. 50. ¹³⁵⁹*C* quod non solum ipsi propter ad recipiendam salutem, sed etiam cæteris ad exemplum: ut si peccatum ejus non solum in gravi ejus malo, sed etiam in tanto scandalo aliorum est, atque hoc expedire utilitati Ecclesiæ videtur Antistiti, in notitia multorum, vel etiam totius plebis agere poenitentiam non recuset.

ARTICULUS III.

De tempore quo impleri debeat satisfactio. An precedere debeat, an sequi absolutionem.

DUplex hic quaestio movetur. Una juris seu dogmatis, altera facti. Prior est, utrum ad integritatem & veritatem sacramentalis absolutionis necesse sit ex natura & institutione Sacramenti, ut prius adimpleta sit & perfecta injuncta satisfactio: posterior, quamquam fuerit eam in rem veteris Ecclesiæ praxis ac disciplina.

Circa primum caput, Petrus de Olma à Sixto IV. damnatus anno 1478; Spalatenfis apostata Lib. 5. de Republica Christiana c. 7. n. 57. Theophilus Brachet in Libro cui titulus, *Verax pacificus*, Censura sacrae Facultatis notatus an. 1644. & alii nonnulli recentiores dogmatistæ, quorum doctrinam proscripsit Alexander VIII. S. P. an. 1690. docent, *executionem poenitentia seu satisfactiois injuncta, necessario ex institutione Christi, ac inviolabili Sacramenti natura, ita prærequiri absolutioni, ut alioquin absolutio non sit valida, nisi hujusmodi satisfactio prius completa fuerit*; atque præsentem Ecclesiæ usum, corruptelam & abusum appellare non pertimescunt. In eum errorem lapsus est Quenellius, propositione 87. inter centum & unam damnatas à Clemente XI. die 8. Sept. an. 1713.

Circa secundum caput, sunt qui existimant absolutionem illam quam olim Ecclesia post expletos poenitentia labores publicis poenitentibus publicè concedebat, canonicam dumtaxat fuisse, & ceremonialem cum Ecclesiæ reconciliationem; hoc est, solutionem à penis canonicis, non verò sacramentalem à peccatis absolutionem. Utrum verò tunc temporis sacramentalis illa absolutio simul concederetur cum canonica, (quamquam secretò) post expletam poenitentiam, res ipsis planè dubia & incerta videtur, quam non putant Veterum monumentis satis clarè posse definiri. Alii è contra cum Morino L. 9. c. 3. & sequentibus, Petavio in Animadversionibus ad S. Epiphanium hæresi 59. pag. 251. existimant, ordinariè post emensum poenitentia stadium, in fine substructionis concessam simul fuisse tùm canonicam, tùm sacramentalem à peccatis absolutionem. His præmissis sit

P R I M A C O N C L U S I O.

Necesse non est ad substantialem integritatem Sacramenti Poenitentiae, ut satisfactio impleatur ante absolutionem; sed perinde est five antecedit, five illam sequatur.

Probatur 1. Quia Ecclesia tùm priorum tùm posteriorum temporum ratam habuit absolutionem datam ante impletam satisfactionem; ergo persuasum semper habuit, ad substantiam seu essentiam absolutionis non pertinere, ut sequatur satisfactionem. Consequens per se manifestum est: Ecclesia quippe nihil potest circa substantias Sacramentorum, nec in illis assignandis errare potest.

Antecedens ostenditur; ac I. certum est, ipsis non refragantibus adversariis, Græcam Ecclesiam à mille & ducentis annis statim post confessionem peccatorum Sacerdoti factam, & poenitentiam ab eo assignatam, poenitentes sacramentaliter absolvere. Istud ex professo demonstrat Morinus Lib. 6. c. 24. ex Græcorum Ritualibus & Scriptoribus.

II. Ecclesiam Latinam saltem à sex sæculis idem observasse, & etiamnum observare, res est usu quotidiano trita & comprobata; Ecclesiam verò ea in re culpare & accusare, quasi corruptelam & abusum induxerit contra Christi institutionem ac naturam Sacramenti Poenitentiae, temeritatis est & audaciz non ferendæ, cujus soli Heretici Ecclesie hostes infensi, rei esse possunt. Etenim Ecclesia, quæ Spiritu sancto semper regitur, non minus sancta est in moribus ac disciplina, quàm infallibilis in fide; & quamquam disciplinam suam circa administrationem Sacramentorum mutare aliquando possit, salva tamen semper remanet illorum substantia, in quam nihil illa potest. Ita Conc. Trid. Sess. 21. cap. 2. ubi ait, *hanc potestatem perpetuam in Ecclesia fuisse, ut in Sacramentorum administratione, salva illorum substantia, ea statueret vel mutaret, quæ suscipientium utilitati, seu ipsorum Sacramentorum venerationi, pro rerum, temporum ac locorum varietate magis expedire judicaret.*

Et Sess. 7. Can. 13. de Sacramentis in genere, anathema dicitur *illis qui dixerint receptos & approbatos Ecclesie Catholice ritus in solemnibus Sacramentorum administratione adhiberi consuetos, aut contemni, aut sine peccato à ministris pro libito omitti, aut in novos alios per quemcunque Ecclesiarum Pastorem mutari posse.* Sacra Facultas Parisiensis huic doctrinæ firmiter adherens, in sua Censura circa jam dictum Librum Theophili Brachet an. 1644. ait, temerarium esse atque erroneum & hereticum, damnare disciplinam & consuetudinem ecclesiasticam ab omnibus Catholicae communionis Ecclesiis receptam, quantumcunque diuturnam, tanquam abusivam, & institutioni Christi atque Evangelicæ doctrinæ contrariam, & negare auctoritatem penes Ecclesiam esse condendi novas leges, & aliud statuendi quàm quod Apostoli instituerunt, circa ea quæ ad regimen ecclesiasticum, sive quæ ad cultum divinum, officium & ceremonias pertinent. Loquitur verò sacra Facultas de consuetudine Ecclesie dandi absolutionem ante expletam satisfactionem, quam consuetudinem auctor prædictus Theophilus Brachet, tanquam abusivam, scandalosam, ac

ac institutioni Christi & naturæ Sacramenti contrariam invecundè damnaverat. Propositiones illæ, ait Censura Parisiensis, quæ afferunt executionem penitentia seu satisfactionis impositæ, necessariæ, & ex institutione Christi ac invariabili naturæ, ita prærequiri absolutioni, ut aliqui absolutio non sit valida, nisi eiusmodi satisfactio prius completa fuerit, temerariæ sunt, & hæreticæ, à Sixto IV. contra Petrum de Osma illiusque sequaces prædamnata, Bulla data an. 1478. atque ad hunc errorem asfruendum abutitur auctor Concilio Tridentino.

Quantum verò spectat ad veterem Ecclesiam, non minùs certum & exploratum est, ipsi ratam & validam fuisse absolutionem à peccatis, quam multis in casibus ante omnem, vel saltem ante condignam satisfactionem perfolutam concedebat. Nemo autem sanus in animum suum induxerit, his in casibus violatam ab Ecclesia fuisse Christi institutionem & naturam Sacramenti, quam nec impunè, imò & incassum violasset, quæcunque tandem supponatur urgens salutis necessitas: Sacramentum quippè aliqua sui parte essentiali mutilum, verum non est, adeoque nullius planè virtutis & efficaciz: *Lex tingendi data est, & forma præscripta*, inquit Tertullianus de Baptismo. Sicut ergo nusquam licet aliter baptizare, quam in aqua & verbis à Christo præscriptis, ita pariter nusquam licitum foret absolutionem concedere ante satisfactionem adimpletam, si & Christi institutio ac natura Sacramenti Poenitentia istud postularet: atqui tamen multis in casibus aliter se gessit vetus Ecclesia.

Pagina
219.D.

I. Cum penitens in vitæ discrimen veniebat ante expletum penitentia tempus, absolvebatur. Ita cautum legimus in Conciliis Nicæno I. generali, Can. 13. Carthaginensi IV. Can. 76. Arausicano I. Can. 3. Epæonensi, Can. 36. Ita jubent SS. Pontifices, Innocentius I. cap. 7. Epistolæ 1. *Si quis*, inquit, *in ægitudine incidit, atque usque ad desperationem devenierit, ei est ante tempus Paschæ relaxandum, ne de sæculo absque communionis discedat*. Et S. Leo Epistola 81. aliàs 91. ad Theodorum cap. 4. *His*, inquit, *qui in tempore necessitatis, & periculi urgentis instantia, præsidium penitentia & mox reconciliationis implorant, nec satisfactio interdicenda est, nec reconciliatio deneganda; quia misericordia Dei nec mensuras possumus ponere, nec tempora definire, apud quem nullas patitur venire moras vera conversio*.

Tom. 12
Cœc. p.
1247.B
Tol. p.
605.

II. Cum periculum erat ne propter dilatam absolutionem penitentes ad Hæreticos vel Schismaticos deficerent. Ita S. Cyprianus Epistola 52. de Libellaticis ait, *Quorum si penitentiam respuamus habentium aliquam fiduciam tolerabilis conscientia, statim cum uxore, cum liberis quos incolentes reservant, in hæresim vel schisma, diabolo invitante, rapiuntur. Quapropter, concludit, opem nostram, medellam nostram vulneratis exhibere debemus*.

Pa. 70.

III. Cum instabat persecutio Tyrannorum, lapsis absolutio & Eucharistia indulgebatur ante expletam penitentiam. Ita S. Cyprianus Epistola 54. *Merito*, inquit, *trabebatur dolentium penitentia tempore longiore, ut infirmis in exitu subveniretur, quamdiu quies & tranquillitas aderat.... At verò nunc non infirmis, sed fortibus pax necessaria est, nec morientibus, sed viventibus communicatio à nobis danda est, ut quos excitamus & hortamur ad prælium, non inermes & nudos relinquamus, sed protectione corporis & sanguinis Christi muniamus*.

Pa. 76.

..Townely de Sacram. Poenitentia.

R 3

IV. Cum

IV. Cùm ipse affligebat hac indulgentia vel plures ad Ecclesiam reversuros esse, vel extinguendum fore schisma, vel aliquid insigne bonum aut faciendum, aut factum jam fuisse. Ita Cornelius S.P. multos Confessores, inter quos erat Maximus Presbyter, à schismate Novatiani ad Ecclesiam redeuntes, nulla imposita poenitentia statim recepit; imò & Maximus Presbyteri gradum restituit. Lege Epistolam 46. inter Cyprianicas, quæ est Cornelii ad S. Cyprianum. Idem S. Pontifex Trophymum, qui ab Ecclesia defecerat multosque secum abduxerat, redeuntem, & quos perverterat reducentem, sine mora suscepit & absolvit. Lege Epistolam 52. S. Cypriani ad Antonianum. Ita pariter S. Cyprianus Epistola 19. Respondens enim ad consultationem Caldonii circa lapsos, qui post calumurgente persecutione iterum tentati Christum confessi fuerant, & extorres facti pro Christo; ait *pacem ipsi esse concedendam, quia posteriori illa confessione delictum abluisse videntur. En opus insigne, exilium scilicet pro Christo, in cuius gratiam vult S. Cyprianus relaxari canonicam poenitentia severitatem, ac pacem indulgeri ante perfectam satisfactionem.*

V. Cùm Martyres datis libellis postulabant ut lapsi poenitentia relaxaretur, ac pax & communio concederetur: quorum libellorum hæc formula legitur apud S. Cyprianum Epistola 16. *Scias nos universis de quibus apud te ratio constiterit, quid post commissum egerint, dedisse pacem. Conqueritur re ipsa aliquando sanctus Doctor, de nimia Martyrum facilitate in hisce libellis promiscuè concedendis: verum in eorum gratiam relaxatam esse poenitentia severitatem, negari non potest.*

VI. Denique, cùm poenitens vehementem & intensum de peccatis suis dolorem demonstrabat; pro magnitudine quippè contritionis temperabatur rigor poenitentia. Ita S. Gregorius Nyssenus Epistola canonica Canone 5. *In iis quoque, inquit, poenitentis voluntate examinata, ut si sit fide digna conversio, non servetur annorum numerus, sed temporis prolixitate rescata, ad Ecclesie restitutionem & boni participationem compendio deducatur.* Ita pariter Concilium Ancyranum Can. 5. *Statuimus, ajunt Patres, ut Episcopi modo conversionis examinato, potestatem habeant vel utendi clementia, vel plius temporis adiciendi. Ante omnia autem & præcedenti vita, & quæ consecuta est, examinetur, & sic eis indulgentia impertiatur.*

Probatur 2. Conclusio auctoritate SS. Pontificum Sixti IV. qui hanc Petri de Olina doctrinam damnavit an. 1478. *Poenitentes non sunt absolvendi, nisi peracta prius poenitentia eis iniuncta, & Alexandri VIII. à quo die 20. Decembris anni 1690. istæ propositiones proscripæ sunt.*

Decima sexta, *Ordinem præmittendi satisfactionem absolutionis induxit, non politia aut institutio Ecclesie, sed ipsa Christi lex & præscriptio, natura rei id ipsum quodammodo disante.*

Decima septima, *Per illam praxim mox absolvendi, ordo poenitentia est inversus.*

Decima octava, *Consuetudo moderna quoad administrationem Sacramenti Poenitentia, etiam si exemplariorum hominum sumentes auctoritas, & multitemporis diuturnitas confirmet, nihilominus ab Ecclesia non habetur pro usu, sed abusu.*

Parem in Theophilo Brachet errorem proferipit sacra Facultas die 23. Junii anni 1644.

Proba-

Probatur denique, quia satisfactio est pars dumtaxat integralis Sacramenti Poenitentiae: at sine parte integrante stat incolumis essentia compositi. Adde quod vel in ipsa contritione & confessione nonnihil poenale occurrit, quod in compensationem aliquam Deo potest offerri pro debito poenae temporalis.

S E C U N D A C O N C L U S I O .

Verisimilius est, quo tempore in usu fuit poenitentia publica, sacramentalem à peccatis absolutionem lege communi & ordinaria datam fuisse post expletam satisfactionem.

Probatur testimoniis præcipuarum Ecclesiarum.

I. Pro Ecclesia Romana testes sunt

Zephyrinus S. Pontifex cujus edictum refert Tertullianus L. de pudicitia c. 219. *Ob. an. 219.*
 1. Audio etiam, inquit Tertullianus, edictum esse propositum, & quidem peremptorium; Pontifex scilicet Maximus, quod est, Episcopus Episcoporum, edixit: *Pagina 555. A.*
 Ego & meretricibus & fornicationis delicta poenitentia sanctis admitto.

Audis poenitentia sanctis; non ergo tantum confessis ac poenitentiam suscipientibus.

Siricius Epistola 1. cap. 3. de Christianis idololatria pollutis, & subinde poenitentibus ait: *Ob. an. 398.*
Tom. 2. Conc. p. 1018. B.
 Si respicientes aliquando fuerint ad lamenta conversi, his, quamdiu vivunt, agenda poenitentia est, & in ultimo fine suo reconciliationis gratia tribuenda; quia (docente Domino) nolumus mortem peccatoris, sed ut convertatur & vivat. Quibus postremis verbis non obscure significat S. Pontifex, reconciliationem illam non ceremonialem dumtaxat & canonicam fuisse, sed etiam verè sacramentalem à peccatis solutionem planè necessariam, ut peccator à morte animæ excitetur & vivat.

Innocentius I. Can. 7. Epistola ad Decentium. Caterum, inquit, deponere a stimando delictorum, Sacerdotis est iudicare, ut attendat ad confessionem poenitentis, & ad fletus atque lacrymas corrigentis; ac nunc debere dimitti, cum videris congruam satisfactionem. *Ob. an. 417. Tom. 2. Conc. p. 1247. D. E.*
 Sequebatur ergo tunc temporis satisfactioem absolutio.

S. Leo idem declarat in Epistola 82. novæ editionis, aliàs 91. ad Theodorum Forojuliensem Episcopum. Mediator Dei & hominum homo Christus Jesus, inquit, hanc Præpositis Ecclesia tradidit potestatem, ut & consentientibus actionem poenitentia darent, & eosdem salubri satisfactione purgatos, ad communionem Sacramentorum per sanuam reconciliationis admitterent. *Ob. an. 461. To. 1. p. 602.*
 Omnem Poenitentia ordinem breviter ac dilucidè hic repræsentat sanctus Leo, confessionem scilicet, poenitentia actionem, reconciliationem, ac denum communionem.

Quod autem reconciliationis nomine intelligat S. Pontifex sacramentalem à peccatis absolutionem, non unam dumtaxat canonicam cum Ecclesia reconciliationem, hæc nobis persuadent. 1. Quia his temporibus utraque significabatur generali reconciliationis vocabulo; nisi velis, quod esset absolutum, vix ac ne vix quidem in veteribus monumentis mentionem fieri sacramentalis absolutionis à peccatis. Ita Concilium Carthaginense IV. anni

Tom. 2. 398. Can. 76. de infirmo sic statuit: *Is qui penitentiam in infirmitate petit, si casu, dum ad eum Sacerdos invitatus venit, oppressus infirmitate obmuerit, vel intransiens versus fuerit, dent testimonium qui eum audierunt, & accipiat penitentiam. Et si continuò creditur moriturus, reconcilietur per manus impositionem, & ori ejus infundatur Eucharistia.* Reconciliatio hæc quam sequitur Eucharistica communio, procul dubio non tantum ceremonialis erat, sed etiam sacramentalis absolutio à peccatis. 2. Quia in eadem Epistola jubet S. Leo, ut penitens qui è vita excessit ante acceptam reconciliationem, mortuus non possit habere, quod vivus non accepit, id est, non fruatur communione ecclesiastica, nec consequenter preces ac sacrificia pro ipso publice in Ecclesia offerantur. *Si autem, inquit, aliquis eorum (penitentium) pro quibus Domino supplicamus, quocunque interceptus obstaculo, à munere indulgentiæ præsentis exciderit, & priusquam ad constituta remedia perveniat, temporalem vitam humana conditione finierit, quod manens in corpore non recepit, consequi exultatione non poterit.* Rationem verò hujusce disciplinæ statim reddit: *Nec necesse est, inquit, nos, eorum qui sic obierint, merita actusque discutere, cum Dominus Deus noster, cuius iudicia nequeunt comprehendere, quod sacerdotale ministerium implere non potuit, suæ iustitiæ reservaverit; ita potestatem suam timere volens, ut hic terror omnibus profit, & quod quibusdam tepidis aut negligentibus accidit, nemo non metuat.* Multum enim utile ac necessarium est, ut peccatorum reatus ante ultimum diem sacerdotali supplicatione solvantur. Quæ sane postrema ratio evidenter innuit, loqui sanctum Leonem de vera & sacramentali absoluteione à peccatis, qua donati non fuerant ii penitentes, qui subito casu oppressi in ipso penitentis cursu extremum diem obierant, & quibus mortuis vult plenam Ecclesiæ communionem denegari, eo quòd illa, dum viverent, privati fuissent.

Hanc severam erga pœnitescentes disciplinam in Ecclesia Romana obtinuisse aliquando, præter mox citatum S. Leonem testatur Gelasius in Concilio Romano, pro absoluteione Miseni Cumani Episcopi; testatur & Concilium Toletanum II. Can. 12. Immutatum nihilominus brevi fuisse, atque cum ejusmodi penitentibus ante perceptam reconciliationem mortuis communicasse Ecclesiam, patet ex IV. Concilio Carthaginensi Can. 79. ex Arelatensi II. Can. 12. ex Vasensi II. Can. 2. ex Toletano XI. Can. 12. ex Innocentio III. & aliis subsequenter Pontificibus.

Denique S. Gregorius Magnus Hom. 26. in Evangelia, *videndum est, inquit, quæ culpa præcesserit, aut quæ sit penitentia secuta post culpam, ut quos omnipotens Deus per compunctionis gratiam vivificat, illos Pastoris sententia absolvat.* Tunc enim vera est absolutio præsentis, cum æterni arbitrium sequitur iudicis.

II. Pro Ecclesia Africana testis est omni exceptione major S. Cyprianus. Epistola 59. ad Fidum: *Legimus, inquit, litteras tuas, frater charissime, quibus significasti de Viflore quodam Presbytero, quòd ei, antequam penitentiam plenam egisset, & Domino Deo, in quem deliquerat, satisfecisset, temerè Therapius Collega noster immaturo tempore & præpostera festinatione pacem dederit.* Quæ res nos satis movet, recessum esse à decreti nostri auctoritate, ut ante legitimum & plenum tempus satisfactionis, & sine petitu & conscientia plebis, nulla infirmitate urgente ac necessitate cogente, pax ei concederetur.

En

En consuetudo Ecclesiae Africanae Decreto Episcoporum firmata, quam a Theopropio Episcopo violatam fuisse conqueritur S. Cyprianus.

Eandem querimoniam saepius instituit, tum adversus Martyres qui plus aequo faciles erant in concedendis indulgentiis libellis, quibus lapsi muniti ab onere poenitentiae liberose & immunes contendebant; tum adversus nonnullos Presbyterorum mollem & remissam disciplinam; tum adversus lapsos ipsos: atque pacem & communionem huiusmodi praeposito & immaturo tempore datam appellat *falsam pacem*, *periculosam dantibus*, & *accipientibus nihil profuturam*. Ita passim in Epistolis 9. 10. 11. 52. 54. & in Tractatu de lapsis, qui totus ferè est de hoc argumento.

Pacem verò illam apud S. Cyprianum, non nudam esse, ac merè ceremonialem canonicam cum Ecclesia reconciliationem, sed adiunctam habere sacramentalem à peccatis absolutionem, certum & exploratum nobis videtur: ea enim pax est, quam Martyres postulabant libellis suis; quam lapsi ardentè exoptabant, cum qua se ad Dominum ituros confidebant, per quam vita concedebatur, & ius erat ad dignam Eucharistiae participationem; uno verbo, pax est quam Sacerdotes auctoritate à Christo his verbis accepta, *Quorum remisistis &c.* concedunt. At illa vera est à peccatis absolutio, quam aut nusquam expressit S. Cyprianus, (quod vix credi potest) aut verbis, quae relata sunt: non enim aliis eam passim designat in Epistolis suis & integro Tractatu de lapsis.

III. Pro Ecclesia Mediolanensi testem damus S. Ambrosium Lib. 2. de Poenit. c. 9. num. 87. Nonnulli, inquit, ideo poscunt poenitentiam, ut statim sibi reddi communionem velint. Hi non tam se solvere cupiunt, quam Sacerdotem ligare: suam enim conscientiam culpam non exuunt, & Sacerdotis induunt. Et cap. 3. dixerat: Quotiescunque peccata donantur, corporis eius Sacramentum sumimus; ut per sanguinem eius fiat peccatorum remissio. Porro certum est Eucharisticam communionem datam non fuisse nisi absoluta & perfecta poenitentia. T. 1. p. 434. E.

IV. Ecclesiae Hispaniae eundem fuisse usum significat S. Pacianus in Epistola 1. ad Sempronianum. Scio, inquit, frater, hanc ipsam poenitentiam veniam non passim omnibus dari; nec antequam aut interpretatio divina voluntatis, aut forsitan visitatio fuerit, relaxari: magno pondere, magnoque libramine, post multos gemitus effusionemque lachrymarum, post totius Ecclesiae preces, ita veniam vera poenitentia non negari. Idem significat Concilium Toletanum III. an. 589. Can. 11. Quoniam, inquit Patres, compertimus per quasdam Hispaniarum Ecclesias, non secundum Canonem, sed sedissimè pro suis peccatis homines agere poenitentiam, ut quotiescunque peccare libuerit, toties à Presbytero se reconciliari exposculent; & ideo pro corrigenda tam execrabili praesumptione id à sancto Concilio iubetur, ut secundum formam Canonum antiquorum denetur poenitentia, hoc est, ut prius eum, quem sui penites faciit, à communione suspensum, faciat inter reliquos poenitentes ad manus impositionem crebro recurrere: expleto autem satisfactionis tempore, sicut sacerdotalis contemplatio probaverit, eum communioni restituat. Bibliot. PP. T. 4 p. 307. D.

V. Non alium fuisse nostrae Gallicanae Ecclesiae usum, colligimus ex S. Basilii p. Eligio Hom. 8. in Cena Domini, ubi sermonem ad publicos poenitentes sic convertit: Nunc ad vos servo noster dirigitur, quos mater Ecclesia quasi non suos recognoscens ob seditatem scelerum vestrorum, dudum à se repulit; modò Tom. 5. Conc. p. 1011. D.

verò

verò, quia Domino per dignos poenitentiae fructus placuistis, mundantes vos (quantum humana fragilitas permittit) ab omni inquinamento carnis & spiritus, per crebra ieiunia & afflictiones corporum, quasi iam fuos ad se revocatis . . . Et licet, fratres charissimi, per divinam gratiam nobis collatam, & per impositionem manuum Episcopalem, credatis vos posse absolvi à peccatorum vestrorum vinculis, quia statim restitumini sacris altaribus, nullus inde tamen debet vitam suam negligere &c. Non potuit sanctus Episcopus clarius designare sacramentalem à peccatis absolutionem, quæ post expletam poenitentiam impendebatur. Idem colligimus etiam ex Gennadio L. de dogmatibus Ecclesiasticis c. 23. aliàs 53. *Quem mortalia, inquit, crimina post Baptismum commissæ premunt, hortor prius publica poenitentia satisfacere, & ita Sacerdoti iudicio reconciliatum communioni sociari, si vult non ad iudicium & condemnationem sui Eucharistiam percipere.*

Eandem fuisse Ecclesiae Græcæ disciplinam, quo tempore vigit poenitentia publica, facile est intelligere ex Epistolis canonicis SS. Petri Alexandrini, Gregorii Taumaturgi, Gregorii Nysseni, Basilii, & Canonibus priorum Conciliorum: quæ disciplina inclinari & mutari cœpit, tum in Græca, tum in Latina Ecclesia, cum usus imponendi publicam poenitentiam paulatim exolevit; citius quidem in Orientali, tardius verò in Occidentali Ecclesia. Post factum enim Nectarii, qui Presbyterum poenitentialem sustulit, in Oriente absolutio dari cœpit etiam ante expletam satisfactionem; in Occidente verò, seculo septimo vel octavo idem usus invehì cœpit: utriusque usus ac disciplinae optime sunt rationes & causæ.

His omnibus momentis adde argumentum ductum ex controversia quæ fuit Catholicos inter ac Montanistas & Novatianos. Scilicet negabant isti, non quidem agendam esse poenitentiam, sed eam agentibus Ecclesiam posse veniam peccatorum indulgere: quibus Orthodoxi merito opponebant, frustraneam esse poenitentiam quæ est sine spe veniæ. *O frustrandæ fraternitatis irrisio, exclamabat S. Cyprianus Epistola 52. versùs finem, à miserorum lamentantium caduca deceptio! à hæretica institutionis inefficax & vana traditio! hortari ad satisfactionis poenitentiam, & subtrahere de satisfactionis medicinam &c.* Constat ergo inter omnes, agendam esse poenitentiam; post illam verò negabant Hæretici veniam ab Ecclesia dari posse, quam soli Deo reservabant: è contra Catholici veniam illam ab Ecclesia concedi propugnabant. Unde sic arguimus: Eam ipsam peccatorum veniam & absolutionem post poenitentiam concedebant Orthodoxi, quam Montanistæ & Novatiani negabant posse ab Ecclesia concedi: atqui venia hæc & absolutio non tantum erat canonica & ceremonialis reconciliatio cum Ecclesia, sed vera coram Deo absolutio à peccatis; ergo veram seu sacramentalem à peccatis absolutionem Catholici conferebant post expletam poenitentiam.

Quæres quo in gradu poenitentiae data fuerit absolutio.

Respondent multi cum Menardo, in notis ad Librum Sacramentorum S. Gregorii pag. 236. datam in fine consistentiæ; alii verò distinguunt inter tempus quod præcessit, & quod subsequutum est Novatianam hæresim; ac existimant, ante istud tempus, cum nondum distincti erant gradus poenitentiae, & participatio Eucharistiae tempore non sejungebatur à sacramentali absolutione, datam hanc fuisse in fine substationis, post expletum Peni-

penitentia carlum; subinde verò postquam penitentes iussi sunt in consistentia subsistere, antequam admitterentur ad participationem Eucharistia, concessam existentiam absolutionem in fine consistentia.

Quæres 2. qua die anni solebant reconciliari penitentes.

Resp. feria quinta majoris hebdomadæ. Ita Innocentius I. Epistola ad Decentium n. 7. *De penitentibus* verò, inquit, qui sive ex gravioribus commissis, sive ex levioribus penitentiam gerunt, si nulla interveniat agritudo, quinta feria ante Pascha eis remittendum Romanæ Ecclesiæ consuetudo demonstrat. Verum in Mediolanensi Ecclesia alia obtinebat consuetudo: penitentes quippe reconciliabat feria sexta majoris hebdomadæ, sicut colligitur ex S. Ambrosio Epistola 26. novæ editionis, ad Marcellinam sororem n. 26. T. 1. p. 1247. D. T. 1. p. 859. B.

Solvuntur Objectiones adversus duplicem Conclusionem.

Objicies 1. contra primam Conclusionem. Pugnat hæc nostra Conclusio cum doctrina SS. Patrum, tum circa necessitatem satisfactionis, tum circa tenipus & modum concedendi absolutionem.

Docent 1. peccatorum absolutionem esse mercedem; satisfactionem verò esse pretium quo redimuntur peccata, debitum expungitur ex peccato contractum, divina placatur ira, ac misericordia conciliatur. Ita Tertullianus, SS. Cyprianus & Ambrosius laudati Art. 1. hujus Quaestionis, ubi de necessitate satisfactionis. Atqui mercedis ratio & natura postulat, ut non detur nisi post solum pretium; pariter debitum non relaxatur, nisi præmissa solutione; ergo est contra naturam absolutionis, quæ est satisfactionis fructus seu merces, ut detur ante persolutam satisfactionem.

Docent 2. esse contra præscriptam à Christo legem, atque institutionem penitentia, ut detur venia peccatorum ante penitentiam seu satisfactionem impletam. Ita imprimis S. Cyprianus Epistola 52. *Scimus*, inquit, *juxta Scripturarum divinarum fidem, auctore & hortatore ipso Deo, & ad agenda penitentiam peccatores redigi, & veniam atque indulgentiam penitentibus non denegari.* Epistola verò 10. invenitur acriori stylo adversus eos qui lapsi pacem & communionem temerè laxabant ante expletam penitentiam. *Ille*, inquit, *contra Evangelii legem, ante aulam penitentiam, ante exomologesim gravissimi atque extremi delicti factam... offerre lapsis pacem & Eucharistiam dare, id est, sanctum Domini corpus prophanare audent.* Et Tractatu de lapsis idem argumentum versans, *Contra Evangelii rigorem, ait, contra Domini ac Dei legem temeritate quorundam laxatur incauti communicatio. Irrita & falsa pax, periculosa dantis, & nihil accipientibus profutura.* Ibid. præposteram hanc & immaturam pacem, appellat novum genus cladis, bellum, persecutionem, injuriam, impietatem que salutem non tribuit, sed impedit. P. 74. P. 23. P. 173.

Docet 3. hanc esse Sacerdotibus observandam legem ac regulam in tribunali Penitentia, ut eos dumtaxat exterius absolvant penitentes, quos præsumere meritò possunt à Deo interius absolvi: *Ut quos omnipotens Deus, ait ante aeternitatem S. Gregorius Hom. 26. in Evangelia, per compunctionis gratiam vivificat, illor Pastoris sententia absolvat.* Tunc enim, pergit S. Pontifex, vera est absolutio presidentis, cum interni, aliàs, æterni arbitrium sequitur iudicis. Idem prorsus docet S. Eligius Hom. 4. *Quos Deus, inquit, invisibiliter absol-*

Biblier. absolvendo, dignos sua reconciliatione iudicat, nos visibiliter reconciliando, per
P. T. officium nostri ministerii absolvimus.

12. pag.
306. D.

Porro iidem SS. Patres affirmant, eos dumtaxat à Deo interiùs absolvi, quos verè ac sincerè de peccatis penitet: cum verò interior ille dolor cognosci non possit nisi ex fructibus penitentiae, inde concludunt neminem absolvendum esse, nisi qui priùs sinceræ conversionis signa dederit, per fletus, jejunia, orationes, aliaque id genus pietatis ac penitentiae exercitia. Audiatur S. Aug. cap. 65. Enchiridii. In actione penitentiae, inquit, ubi tale crimen commissum est ut is qui commisit à Christi etiam corpore separaretur, non tam consideranda est mensura temporis, quam doloris Verum quia plerumque dolor alterius cordis occultus est alteri, neque in aliorum notitiam per verba vel quacunquē alia signa procedit, cum sit coram illo cui dicitur, Gemitus meus à te non est absconditus; velle constituntur ab iis qui Ecclesiae præsunt, tempora penitentiae; ut fiat etiam satis Ecclesiae in qua remittuntur peccata. Et S. Gregorius Magnus L. 6. in primum Regum cap. 2. nu. 33. Signum vera confessionis, inquit, non est in oris confessione, sed in afflictione penitentiae. Tunc, namque benè conversum peccatorem cernimus, cum digna afflictionis austeritate delere nititur, quod loquendo confitetur. Hacigitur regula innixi SS. Patres, jubent explorari priùs conversionem cordis per laboriosa penitentiae opera, quam impendatur beneficium absolutionis.

T. 6. p.
210. E.

T. 3. p.
367. E.

Docet 4. penitentes, qui periculo imminente fuerant absolvi ante emensum penitentiae stadium recuperata sanitate remittendos esse ad eum penitentiae gradum in quo erant cum morbo correpti sunt. Canones eam in rem indicavimus Art. 1. hujus Quaestionis. Porro disciplina hæc non aliud videtur habere fundamentum, quam quòd valde incerta sit & planè nulla absolutio concessa ante perfectam penitentiam.

T. 5. p.
3507. D.

Docent 5. valde dubiam & incertam esse absolutionem quæ datur moribundo, in ipso mortis periculo penitentiam posulanti. Unde? quia nempe non præcessit penitentia. Si quis, ait S. Augustinus Hom. 41. inter 50. nunc 393. positus in ultima necessitate aegritudinis suæ, voluerit accipere penitentiam, & accipit, & mox reconciliatur; & hinc vadit: fateor vobis, non illi negamus quod petis, sed non præsumimus quia benè hinc exit. . . Agens penitentiam ad ultimum, pergit, & reconciliatus, si securus hinc exit, ego non sum securus. Et Sermone 57. de tempore nunc 255. in Append. Datur quidem, inquit, in extremis penitentia, quia non potest denegari: sed auctores tamen esse non possumus, quòd qui sic petierit, mereatur absolvi. . . Et ideo penitentia quæ ab infirmo petitur, infirma est: penitentia quæ à moriente tantum petitur, timore ne ipsa moriatur.

Ab. Ap.
pond p.
418. G.

Resp. nego antecedens.

Ad primam probationem, dico testimonia SS. Patrum intelligenda esse de penitentia, vel quatenus est virtus, vel quatenus est Sacramentum; vel de satisfactioe, quatenus pars est integralis Sacramenti penitentiae: quocunque verò sensu ea intellexeris, nobis favent nedum officium. Namque hoc unum demonstrare illi in animo habent, penitentiam scilicet, seu ut virtus est, seu ut Sacramentum, planè necessariam esse, neque alia conditione aliove pretio Deum veniam indulgere peccatorem, quam vel perfecta cordis conversio, vel sacramentalis absolutione, quæ utraque consequenter

pra-

præmitti debet & præcedere priusquam Deus culpam & poenam æternam relaxet: quæ certè poenitentia hoc etiam modo usurpata, quamdam satisfactionem includit, nempe & conversionem cordis, & oris confessionem: unde non immeritò generatim affirmant SS. Doctores, poenitentiam esse satisfactionem, quæ, cum sit pretium quo peccata redimuntur, præire debet absolutioni, quæ veluti merces est seu fructus illius poenitentia. Si verò intelligantur SS. Patrum testimonia, de satisfactione quatenus est pars integralis Sacramenti Poenitentia, ultro concedimus ejusmodi satisfactionem esse necessariam, & per illam tanquam pretium redimi peccata, ratione nempe poenae temporalis; atque sub illo etiam respectu satisfactionem debere veniæ seu condonationi illius poenae præire: neque enim hanc relaxat Deus, nisi post condignos poenitentia fructus. Cum verò iidem SS. Patres ostendunt, satisfactionem hanc præmittendam esse sacramentali absolutioni, loquuntur illi juxta usum & disciplinam suo tempore receptam, sicut Conclusionem secundam ostendimus, non verò quasi velint hunc ordinem ex institutione Christi & natura Sacramenti necessarium esse.

In forma igitur sic respondemus ad argumentum: Satisfactio est pretium quo redimuntur peccata, quoad poenam temporalem, concedo: quoad culpam & poenam æternam, nego. Ista enim gratis à Deo remittitur, sive per contritionem perfectam, sive per absolutionem sacramentalem. Ergo debet satisfactio præcedere absolutionem, distinguo pariter: absolutionem à poena temporali, concedo: à culpa & poena æterna, nego.

Adsecundam, duo distingui apprimè debent in hisce S. Cypriani testimoniis: primum, quòd sit Deo exhibenda satisfactio; alterum verò, quòd hæc præcedere debeat absolutionem seu reconciliationem. Prius meritò revocat S. Martyr ad legem Christi in Evangelio latam: jure quippe divino ad satisfactionem seu laboriosam poenitentiam obstringimur; unde meritò insurgit citatis in locis adversus lapsos in persecutione, qui propter libellos Martyrum, quibus erant muniti, audacter postulabant omni onere poenitentia liberari, ac statim à lapsu ecclesiasticae communioni restitui: adversus quos gravi oratione probat, juxta Evangelii legem atque vigorem agendam esse poenitentiam; nec ab ea in totum dispensari posse ejusmodi lapsos propter commendationem Martyrum, nisi fortè urgeat periculum mortis. Posterius verò, nempe poenitentiam seu satisfactionem prius absolvendam esse, quàm ejus fructus, nempe absolutio & communio obtineatur, non revocat sanctus Doctor ad legem Christi, aut necessitatem fundatam in institutione & natura Sacramenti, sed ad usum & disciplinam quæ vigeat ea ætate in Ecclesia Africana; siquidem ab illa lege aliquibus in casibus recedi posse, docet idem S. Martyr. Quamquam etsi aperte dixisset, juxta legem Christi ac Evangelii vigorem absolutionis necessariò præmittendam esse satisfactionem, condonari hoc ipsi deberet, ac benignè exponi, pro more SS. Patribus familiari, qui cum usum & disciplinam Ecclesie suæ adversus infractores propugnandam suscipiunt, eam Christi institutioni ac voluntati conformem esse demonstrare conantur. Ita passim sentiunt & loquuntur v. g. de necessitate poenitentia publicæ; de admiscenda aqua vino Eucharistico, de communionem sub duplici specie, de trina immersione baptismali: & aliis hujus generis benè multis, quæ ad disciplinam, non ad substantiam seu essentiam Sacramentorum pertinent.

Ad tertiam: Quæ Conclusionem nostram docuimus minimè aduersantur huic SS. Patrum regulæ. Neminem quippe absolunt, aut saltem absolvere debent æqui ac prudentes Sacerdotes, nisi quem debite præparatum, adeoque interius contritum ac penitentem meritò præsumunt, cujus quidem iudicii certitudinem tum ex confessione penitentis, tum ex aliis signis eliciunt. Reuera olim diuturna probatio & penitentia præmittenda erat, exusu & disciplina tunc temporis vulgata, insignum & probationem veræ conversionis; at nusquam exultimavit Ecclesia, ad substantiam absolutionis sacramentalis pertinere, ut subsequatur satisfactionem: siquidem, ut jam diximus, multis in casibus prius absolutionem concedebat, quàm omnino impleta fuisset satisfactio.

Ad quartam & quintam eadem est planè responsio. Remittebat Ecclesia penitentes qui in infirmitate absoluti fuerant, ad explendam satisfactionem, si convaluissent: non quòd planè nullam iudicaret illam absolutionem, ad quid enim illam concessisset? sed quòd disciplina horum temporum illud exigebat, ad exemplum & terrorem aliorum. Suspecta pariter & dubia visa fuit absolutio data moribundis, qui eam in mortis periculo dumtaxat postulaverant, non quòd absolute nulla foret, si eos ex animo verè peniteret, (*desperat enim de clementia Dei, ait Celestinus S.P. qui eum ad subveniendum morienti sufficere, vel in momento posse non credit*) sed quòd valde incerta & dubia videatur interior eorum hominum conversio, quos, ait S. Cyprianus Epistola 52. *non delicti penitentia, sed mortis urgentis admonitio cogare compellit.*

Objicies 2. contra secundam Conclusionem: Absolutio illa quæ olim concessa legitur post expletos penitentia labores, canonica dumtaxat & ceremonialis erat reconciliatio cum Ecclesia, non verò sacramentalis absolutio à peccatis. Probatur 1. Quia sacramentalis absolutio peccata dimittit, non verò supponit dimissa: atqui absolutio illa quæ dabatur olim post penitentiam, non dimittebat sed dimissa supponebat peccata, quia nempe supponebat penitentiam & satisfactionem, per quam peccata redimi ac dimitti assuerunt SS. Patres Art. 1. hujus Quaestionis laudati.

Confirmatur exemplo Lazari, quod sæpius proponunt SS. Patres. Sicut enim ille ad vitam revocatus jam fuerat, cum à Christo Discipulis solvendus traditus fuit; ita quoque jam vivit homo spirituali animæ vita per remissionem peccatorum, cum ab Ecclesia exterius absolvitur.

II. Absolutio quæ supponit Eucharistiæ perceptionem, sacramentalis non est, sed purè ceremonialis & canonica: atqui finalis illa absolutio quæ concedebatur expleto penitentia tempore, supponebat Eucharistiæ perceptionem. Patet istud ex iis Conciliorum Canonibus quibus statuitur ut penitentes, qui in periculo mortis absoluti fuerant & Eucharistia donati, si forte convaluissent, remitterentur ad perficiendam penitentiam, qua absoluta reconciliarentur per manus impositionem. Ita Concilium Carthaginense IV. Can. 76. *Is qui penitentiam in infirmitate petit, si casu dumadeum*
To. 2. Sacerdos invitatus venit, oppressus infirmitate obmutuerit, vel in phrenesim
Conc. p. Conc. p. versus fuerit, deest testimonium qui eum audierunt, & accipiat poenitentiam. Et
1205. E. si continuo creditur moriturus, reconciliatur per manus impositionem, & infundatur ori ejus Eucharistia. Si supervixerit, admonetur à supradictis sa-
cribus

fibus, petitioni sua satisfactum, & subdatur statulis penitentia legibus. Canonem verò 78. Penitentes qui in infirmitate viaticum Eucharistia acceperint, ibid. p. non se credant absolutos sine manus impositione, si supervixerint. Et Concilium Arausicanum l. Can. 3. de iisdem penitentibus ait: Si supervixerint, sicut in ordine penitentium, & offensis necessariis penitentia fructibus, legitimam communionem cum reconciliatoria manus impositione percipiunt. 1106. h. To. 3. Conc. 3. 1448. D.

III. Sacramentalis absolutio à solis Episcopis & Presbyteris dispensari potest: atqui absolutio illa quæ expletos penitentia laboresolum sequebatur, non à solis Episcopis & Presbyteris, verum etiam à Clero inferiori, & à Diaconis ipsis dispensabatur. Inde gravis querimonia S. Cypriani adversus eos qui nondum, inquit Epistola 10. exomologesi facta, nondum manu ab Episcopo & Clero impos-

ta, lapsis immiatio tempore Eucharistiam concedeabant.

Relp. nego ant.

Ad primam probationem, dist. min. absolutio quæ sequebatur satisfactio- nem supponebat peccata dimissa, aliquando, cum nimirum perfecta cha- ritate informata erat penitentia, concedo: semper, nego. Quin non sine voto absolutionis subsecuturæ dimittebantur peccata, etiam cum perfecta aderat charitas.

Distinguo pariter hanc propositionem: per satisfactioem dimittuntur peccata, quoad penam temporalem, concedo, quoad culpam, iterum distingo: dispositivè, concedo: formaliter vel effectivè, nego.

Ad exemplum Lazari jam Art. 2. Questionis secundæ respondimus. Eò quippe unicè tendit exemplum illud, ut pateat debere penitentes inchoata quadam vita spiritali per excitantem gratiam vivere priusquam absolvantur.

Ad secundam, dist. pariter min. absolutio quæ dabatur post expletam penitentiam, supponebat Eucharistia perceptionem, nec erat sacramentalis, aliquibus in casibus, in eo præsertim qui in Objectione exponitur, concedo: semper & communis ac ordinaria lege, de qua loquitur Conclusio nostra, nego.

Ad tertiam, dico absolutionem illam quæ sequebatur penitentiam, & ce- remoniale fuisse simul & sacramentale: quatenus ceremonialis & cano- nica erat cum Ecclesia reconciliatio, poterat à Clero inferiori & à Diaconis dispensari; perinde ac illa manus impositio, quæ in Ordinatione Sacerdotum & Diaconorum, à Clero adhibetur, verè sacramentalis non est, sed ce- remonialis dumtaxat: quatenus verò absolutio illa sacramentalis erat, ab Episcopo vel Presbytero sive publicè, sive privatim conferebatur.

Obijcies 3. testimonium Sozomeni L. 7. Hist. cap. 16. ubi loquens de Presbytero Penitentiario ejusque officio, ad quem, inquit, accedentes ii qui deliquerant, actus suos confitebantur. Ille verò pro censuræ delicto, quid aut facere singulos, aut luere oporteret, penæ loco indicens, absolovebat confitentes, à se ipsis penas criminum exacturos. En absolutio sacramentalis data ante satisfactioem, quæ injuncta fuerat, adimpletam. Deinde postquam descripsit, quoritu ageretur penitentia publica, clarè significat, aliam finalem absolutionem fuisse dumtaxat relaxationem à penis canonicis: Ubi verò, pergit Historicus, præstitutus dies advenit, tanquam debito quodam persoluto, à pœna commissi sceleris liberatur, & reliquo Ecclesiæ populo sociatur. Hunc autem usum in Ecclesia Romana ad sua usque tempora observatum fuisse.

P. 726. D.

P. 727. B.

ibid. fuisse ibidem testatur: *Hac*, inquit, *Episcopi Urbis Romæ, iam inde ab ultima vetustate ad nostram usque ætatem custodiunt.* Florebat autem Sozomenus an. 439. Non potuit clarius designari utraque absolutio, una sacramentalis quæ præcedebat satisfactionem; altera non sacramentalis, sed canonica & ceremonialis quæ sequebatur, & clausula erat rotius penitentia.

Resp. hac in parte hallucinatum fuisse Sozomenum, cujus certè auctoritas præponderare non debet tot insignibus testimoniis quæ inter probationes Conclusionis descripsimus. Et verò manifestè aberravit Historicus ille, cum supposuit in Romana Ecclesia, perinde ac Constantinopolitana, institutum ab initio fuisse Presbyterum Penitentiarium, excipiendis penitentium confessionibus præfectum: rectè enim observat Valesius in notis ad istud Sozomeni caput, nullam prorsus illius Penitentiarium mentionem extare apud vetera Ecclesiæ Romanæ monumenta.

Q U Æ S T I O O C T A V A .

De disciplina veteris Ecclesiæ circa penitentiam: seu de penitentia publica.

TOta ferè historica est Quæstio præsens, de qua legi poterit eruditum Opus P. Morini. Ad quinque verò Articulos generatim revocabimus quæ hic dicenda nobis sunt.

In primo quæremus quodnam temporis spatium præfixum olim fuerit agendæ penitentia, tum à Christo ad Montanum, tum à Montano ad schisma & hæresim Novati & Novatiani, tum ab ortu hæresis Novatianæ ad quartum & posteriora sæcula.

In secundo, varios penitentia publicæ gradus seu stationes strictim percurramus.

Intertio, expendemus quænam peccata obnoxia fuerint penitentia publicæ: an omnia mortalia, an sola canonica; an publica, an etiam occulta.

In quarto, agemus de personis penitentia publicæ olim addici solitis.

In quinto denique, quæremus an sæpius imposita fuerit iisdem personis publica penitentia.

A R T I C U L U S P R I M U S .

De tempore quod olim præfixum fuit agendæ penitentia publicæ, tum à Christo ad Montanum; tum à Montano ad schisma & hæresim Novatianam, tum ab hæresi Novatiana ad quartum & posteriora sæcula.

DUo hic tanquam certa & apud omnes explorata supponimus: primum, Veteres peccata in tres classes distribuisse, nempe gravissima, vulgò canonica dicta, gravia, & levia, quibus æquas & proportionatas imponebant pœnas; alterum, penitentiam publicam in Ecclesia diu viguisse, cujus quod præfinitum fuerit tempus præsentī Articulo inquiremus.

P R I M A C O N C L U S I O .

A nascente Ecclesia ad Montani hæresim quæ circa medium secundum sæculum caput extulit, nullum certum tempus peragendæ penitentiaæ legitur præfixum: brevius illud fuisse conjicimus. Mor. L.
46.9. p.
182.

I. exemplo Apostoli qui Corinthium incestuosum Ecclesiæ restituit, antequam nondum, vel ad summum vix expleto. Namque secundam inter & primam ad Corinthios Epistolam, nonnisi annus intercessit: intra verò illud spatium temporis, & penitentiaæ addictus fuit ille incestuosus, & communioni restitutus.

II. ex historia juvenis illius qui cum per plures annos dux latronum factus fuisset, ab Apostolo S. Joanne ad penitentiam adductus est, & breviter tempore in communionem Ecclesiæ ab eodem receptus. Historiam ex Clemente Alexandrino refert Eusebius L. 3. c. 23.

III. ex Libro Pastoris, qui tanto apud Veteres in loco fuit: in eo quippe frequens occurrit penitentiaæ mentio, nullum verò tempus legitur ipsi peragendæ præfixum ac determinatum. P. 92. C.
109.

IV. ex Eusebio L. 5. c. ultimo, ubi narrans historiam conversionis & penitentiaæ Natalis Episcopi, significat illum ad pedes Zephirini provolutum, sacco indutum ac conspersam cinere, ita sletibus suis Ecclesiam commovisse, ut statim absolutus & communioni redditus fuerit, absque diuturniori penitentiaæ afflictione. P. 197.

V. denique, ex Tertulliano qui etsi necessitatem penitentiaæ pluribus commendat in Libro hæc de re integro, nusquam tamen præfixi alicujus temporis, unius aut plurium annorum, meminit.

Neque est quod opponas Canonem 24. Apostolicum, & concionem S. Petri apud S. Clementem Alexandrinum Lib. 6. ante medium, ubi certum tempus assignatur percurrendæ penitentiaæ.

Namque nemo tam rudis & incruditus ignorat Canones illos Apostolorum non esse, sed ex veteribus Conciliis collectos, sub ementito Apostolorum nomine: pariter concionem illam S. Petri planè fictam & suppositiciam esse.

S E C U N D A C O N C L U S I O .

A Montano ad hæresim Novatianam, etsi in specie nullum determinatum sit à Patribus agendæ penitentiaæ tempus, paulò tamen diuturnum illud fuit; & severius cum penitentibus agere tum cepit Ecclesia. Mor. L.
46. 10.
p. 185.

Prior pars Conclusionis patet ex silentio tum Cornelii S. P. in suo Romano, tum S. Cypriani in suo Carthaginensi Concilio in causa lapsorum: nullum etenim his in Conciliis præfixum legitur tempus, quo necesse fuerit lapsos in laboribus penitentiaæ detineri.

Posterior verò pars, nempe tempus illud paulò fuisse longius quam antea, & Ecclesiam tum demum incepisse agere severius cum lapsis,

Probat ex causa lapsorum qui libellis Martyrum muniti, vel nulla, vel

Ievissima acta poenitentia reconciliari postulabant, adversus quos, sicut & Presbyteros in concedenda ipsis venia faciliores, graviter invehitur S. Cyprianus. Eorum verò occasione duplex emissum est Decretum: prius provisorium, quo nempe provisum fuit, ut lapsi ejusmodi pœn& communio concederetur, siurgeret mortis periculum; alterum verò peremptorium, quo statutum fuit, ut sinulum esset mortis periculum, lapsi plenam agerent poenitentiam. Hujus Decreti meminit S. Cyprianus Epistola 52. ad Antonianum. *Cum data esset, inquit, facultas in animum conveniendi.... Scripturis diu ex utraque parte prolatis, temperamentum salubri moderatione libravimus, ut nec in totum spes communicationis & pacis lapsis denegaretur.... sed traheretur diu poenitentia, & rogaretur dolenter paterna clementia.* Severior ergo tunc temporis esse cepit disciplina poenitentia, ut nempe Montanistis & Novatianis eriperetur locus inculcandi & arguendi, ut solebant, nimiam Catholicorum in concedenda lapsis venia indulgentiam & facilitatem. Certi tamen erant casus expositi superius Art. 3. Qu. 7. in quibus disciplinæ suæ rigorem temperabat Ecclesia, ac lapsos poenitentes communioni suæ sine mora restituebat.

T E R T I A C O N C L U S I O.

Post Novatum severissima fuit Ecclesiæ circa poenitentes disciplina, in quatuor solemnes gradus, sctum, auditionem, substationem, & consistentiam distincta; atque præfinitum ejus per plures annos, pro conditione criminum, peragendæ tempus.

Probatur ex SS. Gregorio Thaumaturgo, Basilio, Gregorio Nysseno & aliis bene multis veteribus monumentis, quibus aperta sit mentio illorum graduum poenitentia. De illis agit Morinus L. 6. c. 1. 2. & seq.

Si verò quæras quo præcisè tempore distributa sit poenitentia in illos artificiales gradus?

Respondeo verisimile esse gradus illos institutos non fuisse ante medium tertii sæculi, sed circa tempus hæresis Novatianæ. Ratio est, quia illius distributionis poenitentia in quatuor gradus mentio apud Veteres non occurrit ante istud tempus. Omnium primus gradus illos expressit S. Gregorius Thaumaturgus Episcopus Neocæsariensis creatus anno 240. & mortuus an. 265. in Epistola Canonica Can. 11. cujus verba inferius referemus.

Scio Morinum L. 6. c. 1. n. 9. contendere Canonem illum 11. supposititium esse, aliena manu isti Epistolæ insertum. Verum etsi id daremus Morino, quod tamen non concedimus, an propterea suppositicia & falsa dicenda foret integra S. Doctoris Epistola? minimè certè. Atqui tamen in aliis ejusdem Epistolæ Canonibus mentio fit eorundem graduum poenitentia: Canone nimirum 7. & 8. auditionis; Canone 9. substationis & consistentia: quin & sctus subscturè indicatur Canone 8. ubi domorum invalores ne auditione quidem dignos esse pronuntiat, quod certè de statione sctus non immeritò intelligi potest; neque enim omni proclius poenitentia privandos illos esse voluit sanctus Doctor.

His adde, Concilium Ancyranum, quod annis circiter 40. aut 50. celebratum est post scriptam illam Epistolam, gradus illos recensere, non tantum

quam à se primùm inductos ac recentes, sed jam receptos & in usu positos. Ita similiter de illis loquuntur subsequentes Scriptores. Verisimile igitur est gradus illos non ante medium tertiū seculi inductosuisse, sed circa tempus hæresis Novatianæ.

Quæres, an in Oriente citius quàm in Occidente vigerint illæ distinctiones penitentium stationes.

Resp. affirmativè. Nam apud Scriptores Græcos prius quàm apud Latinos eorum graduum occurrit mentio. Apud S. Gregorium Thaumaturgum tertio seculo; apud Ancyranos Patres, S. Basilium, S. Gregorium Nyssenum quarto seculo: apud verò Latinos Scriptores sexto seculo; in septima nimirum Epistola Felicis III. S. Pontificis ad universos Episcopos, gradus illi primò recensentur: quamquam negari non possit, quin ante illud æmpus publica penitentia in usu fuerit apud Latinos.

Mer. L.
6. c. 22.
367.

QUARTA CONCLUSIO.

In Ecclesia Orientali post quartum seculum, in Occidentali verò post septimum, multum remissa est disciplina prior, ac ferè abrogatæ videntur solemnes penitentia publicæ stationes.

Mer. L.
6. c. 22.
p. 415.

Prior pars quæ est de Ecclesia Orientali,

Probat 1. ex facto Nectarii de quo superius: abrogavit enim in Ecclesia Constantinopolitana cum Penitentiario disciplinam publicæ penitentia, seu solemnes illius stationes; aut saltem extinxit usum publicæ penitentia pro peccatis occultis, quam nonnulli penitentes, sive ex consilio, sive ex mandato illius Penitentiarii subibant. Penitentiam enim publicam pro peccatis omnino publicis aliquamdiu adhuc viguisse in Oriente post Nectarium, diximus suprâ, ubi solvebamus objectiones petitas ex SS. Patribus contra necessitatem confessionis: unde non sine consilio diximus in Conclusionem, ferè abrogatas videri solemnes penitentia stationes; quæ particula ferè, indicat non omnino ac totaliter extinctum statim penitentia publicæ ritum.

Probat 2. ex Liturgiis, Canonibus & Libris ritualibus qui à quarto seculo ad hæc ulque tempora prodierunt apud Græcos: altum enim apud hæc monumenta silentium de publica penitentia peccatis occultis imponenda. Non tamen propterea penitus oblitterata est apud Græcos penarum canonicarum severitas; secretò enim eas imponunt, quæ sunt à Canonibus præscriptæ. Ita colligimus ex Libro penitentiali Joannis Jejunatoris, qui labente sexto seculo creatus est Patriarcha Constantinopolitanus. Ita pariter testatur eruditus P. Goarius in suis notis ad Euchologium Græcorum, ubi sic loquitur: *Sacerdotes sedentes, penitentes pariter sedentes* (pro antiquo Latini more) *pro exomologesi audiunt: si leves & venia dignas penitentis culpas deprehenderint, nullam adhibens absolutionem; sed de pio devotoque quodam opere exercendo monitum amicè remittunt: si levisfima . . . detegunt, illa in Nemesanone iuxta seposito examinant, censurarumque distinctione, prout legunt, cuncta subiiciunt, & tandem penitentibendè precantur . . . Publica verò illa penitentia nulli licet amplius imponatur, (relaxato nimirum apud eos antiquo Canonum rigore à Nectariis, & deinde Joannis Jejunatoris mississimi in de-*

P. 678.
col. 1.

linquentes animi, tempora, & levioribus penis compensato) aliquos tamen confessione expiatis à sacra communione per annum vel plures quandoque arcent. Ita Goarius.

Ex quibus patet, ex quatuor gradibus poenitentiae tres extinctos fuisse à tempore Nectarii, nempe fletum, auditionem, & substrationem, sola retenta consistentia, seu separatione ab Eucharistica communione per aliquot annos, ubi gravissimum est commissum scelus.

Secunda pars fuse demonstratur à Morino L.6. cap. 27. ex Libris poenitentialibus qui à septimo saeculo in Latina Ecclesia prodierunt, apud quos nulla mentio poenitentiae publicae pro occultis peccatis; nulla illarum solemnium stationum, in quas distributa hucusque fuerat poenitentia; nulla pariter impositionis manuum ac sollemnis ritus quo dimittebantur poenitentes. Huic immutationi occasionem de disse videtur Theodorus Cantuariensis Archiepiscopus, qui cum origine Graecus foret, Graecorum disciplinam inivit in suo poenitentiali Libello. Post undecimum saeculum videtur planè abrogata poenitentia publica, cum nempe licitum fuit vel eleemosynis, vel expeditione Terrae sanctae, vel spontanea flagellatione poenas canonicas redimere. Has omnes immutatae disciplinae causas expendit Morinus L. 10. c. 16. 17. 18. 19. & seq.

ARTICULUS II.

De variis poenitentia publicae gradibus seu stationibus.

Quatuor fuere solennes poenitentiae gradus seu stationes, scilicet, fletus, auditio, substratio, & consistentia, de quibus sigillatim & stricte hic dicendum.

De fletu.

Quæres 1. quæ fuerit fletus seu flentium statio.

Resp. flentes appellatos fuisse eos poenitentes qui stabant extra portam Orationis, & ab ingredientibus & egredientibus cum lachrymis & precum subsidium exposculabant; & peccati condonationem. *Fletus*, ait S. Gregorius Thaumaturgus Can. 11. Epistolæ Canonicae, *est extra portam orationis, ubi peccatorem flantem oportet fideles ingredientibus orare, ut pro se precentur.* Idem ait S. Basilii Can. 56. Inde patet fletus stationem collocatam fuisse extra omnem Ecclesiae ambitum.

Edit. Paris. 1662. p. 41. Edit. vet. T. 2. p. 775. C. To. 1. Conc. p. 1462. E.

Quæres 2. an hyemantes, de quibus loquitur Canon 17. Ancyranus, (*Eos, inquit, qui rationis expertia animantia inferunt, & qui leprosi sunt vel fuerunt, iussit Synodus inter hyemantes orare,*) iidem sint cum flentibus.

Respondet Illustrissimus Albaspinaeus in notis ad Concilium Ancyranum, præter locum flentibus in atrio seu domo Ecclesiae adjacente destinatum, aliquos nefandos peccatores, quales mox citato Canone notantur, fuisse extra omne tectum sub dio omnibus aeris incommodis obnoxios, quos indiguisse videtur Tertullianus Lib. de pudicitia cap. 4. his verbis, *Reliquas autem libidinum furias impias, & in corpora & in sexus nostra iurata natura, non modò limine, verum omni Ecclesiae tecto submovemus, quia non sunt delicta, sed monstra.*

P. 557. B.

Respond-

Respondent alii, *hyemantes* esse arreptitios seu energumenos immundis spiritibus vexatos.

Respondet Morinus L. 6. c. 2. inter *hyemantes* orare, nihil esse aliud quam in fletu, atque ab omni Ecclesiæ ambitu semotum sub dio aerisque tempestatibus expositum.

Quæres 3. quid agerent penitentes in statione fletus.

Resp. hac in statione lugubri habitu indutos, cilicio & cinere sordidatos penitentes, ad hoc unum intentos præsertim fuisse, ut Fidelium ingredientium & egredientium vota captarent, eosque deprecarentur ut pro se apud Ecclesiam intercedere dignarentur.

Quæres 4. quo temporis spatio definiretur statio fletuum.

Resp. pro diversa criminis gravitate brevius vel longius fuisse hujus, ut & aliarum, stationis tempus. Qui sua sponte interfecit, ait Canon 56. S. Basilii, & postea penitentia ductus est, viginti annis Sacramento non communicabit. Viginti autem anni sic in eo dispensabuntur. Debet quatuor annis *stare stans* extra fores oratorii, & fideles ingredientibus rogans ut pro eo precentur, *Edig. ver. T. 2. p. 775* suam iniquitatem pronuntians. Post quatuor autem annos inter auditores recipietur, & quinque annis cum ipsis egredietur. Septem autem annis cum iis qui in substatione orant egredietur. In quatuor autem annis solum stabit cum fidelibus, sed non erit oblationis particeps: iis autem expletis erit Sacramentorum particeps.

De auditione.

Quæres 1. quæ fuerit statio auditionis, seu audientium.

Resp. penitentes audientes fuisse illos qui stabant intra portam, in loco qui *narthex* dicitur, & divinas Scripturas, communisque doctrinæ explanationem audiebant, & postea cum Catechumenis exibat. *Auditio*, ait Canon 11. jam citatus S. Greg. Thaumaturgi, est intra portam in porticu... *P. 41. B.* ubi oportet eum qui peccavit, stare usque ad Catechumenos, & illinc egredi. Audiens enim Scripturas & doctrinam eficiatur, & precatione indignus censeatur. Inde colliges, hoc unum penitentibus in auditionis statione versantibus permissum fuisse, ut conciones sacras, lectionem Scripturæ, Psalmorum cantus audirent, quibus peractis exire tenebantur.

Quæres 2. quid significet in mox citato Canone, *stare usque ad Catechumenos*.

Resp. sensum esse, audientibus penitentibus fuisse licitum stare in loco designato Catechumenis, usque ad Missam Catechumenorum dictam, quæ cum incipiebat, exeundum ipsis erat. Missa verò Catechumenorum complectebatur preces & expiationes quibus illi purgabantur, & quibus interesse non licebat penitentibus qui dicebantur audientes.

Quæres 4. quot hominum genera poterant versari in statione auditionis?

Resp. ea in statione admissos Ethnicos, Judæos, Hæreticos, Schismaticos, primi generis Catechumenos, & audientes penitentes: his quippe omnibus, cum ad Ecclesiam sese recipiebant, hic locus assignabatur, iisque omnibus Psalmorum cantum, sacra Scripturæ lectionem & conciones Episcoporum audire licebat. Ita statuit Canon 84. Concilii Carthaginensis IV. *Episcopus*, inquit, nullum prohibeat ingredi Ecclesiam, & audire Verbum Dei, *sive Gentilem, sive Hæreticum, sive Judæum, usque ad Missam Catechumenorum.* *Tn. 1. Conc. p. 1206. D.*

De substratione.

Subtractio erat statio in qua penitentes substrati & genuflexi stabant, humili ac demisso habitu, variisque penis ac laboribus exercebantur & castigabantur. Severissima fuit hæc statio, unde apud Veteres absolute penitentia vocatur.

Quæres quo in loco essent penitentes substrati.

Resp. eos fuisse intra Templi ambitum, à portis Ecclesie usque ad ambonem, id est, ad locum illum, ex quo Epistola & Evangelium legebantur.

Frequentes supra substratos fiebant manus impositiones, & orationes fundebantur: cum Catechumenis exhibant, quando sacrificium offerebatur. Legge Morinum L. 6. c. 8. & seq.

De consistentia.

Quæres 1. quæ fuerit statio consistentie.

Resp. eam fuisse in qua penitentes cum Fidelibus in Ecclesia consistebant, nec cum Catechumenis exire compellebantur. Inde dicta consistentia, seu precum participatio, communio; quia nempe licebat eo in gradu adesse cum Fidelibus Sacrificio & precibus: aliquando dicitur excommunicatio minor; quia ejusmodi penitentes nondum admittebantur ad sacram mensam.

Quæres 2. quis fuerit specialis locus consistentium.

Resp. assignatum illis fuisse locum ab ambonem ad sanctuarium: verum utrum à Fidelibus separati fuerint, vix affirmari potest, cum ea de re fileant Veteres.

Quæres 3. quid observatum fuerit in gradu consistentie.

Resp. sola excepta Eucharistie communione, qua privabantur qui consistentes dicebantur, cetera omnia ipsis communia fuisse cum aliis Fidelibus extra ordinem penitentium positis.

ARTICULUS III.

De peccatis quæ publica penitentia addita olim fuerunt.

Quæstio est utrum omnia peccata mortalia, an verò sola gravissima, dicta vulgò canonica, quòd Canones nominatim certas ipsis penas imponerent, fuerint obnoxia penitentia publicæ. Rursus quæstio est, utrum illa canonica peccata si occulta fuissent, eidem penæ necessariò & vi Canonis subijci debuerint; an verò cum publica dumtaxat erant. Peccatum verò dici potest publicum duobus modis: primo, cum ad Judicem Ecclesiasticum delatum est, ac per idoneos testes probatum; secundò, cum multis quidem scandalo & offensioni fuit, nihilominus juridicè ad tribunal & forum externum Ecclesie delatum nec probatum est: quam peccati publici distinctionem expressè agnovit S. Augustinus Sermone 35 r.

T. 4. p. 1359. alias Hom. 50. inter 50. c. 4.

Sunt inter Theologos qui existimant omnia indiscriminatim mortalia peccata

cata legibus pœnitentiæ publicæ obnoxia olim fuisse: alii è contra, sola canonica seu gravissima, nempe idololatriam, homicidium, & adulterium, eorumque species manifestas, sive publica, sive occulta illa fuissent, huic legi subjacuisse contendunt: alii denique id concedunt quidem de publicis peccatis, de occultis verò negant. Quid verisimilius nobis videatur duplici Conclusione aperiemus.

P R I M A C O N C L U S I O.

Omnia moralia peccata nusquam subdita fuere legi pœnitentiæ publicæ, sed canonica dumtaxat, nempe idololatria, homicidium & adulterium, eorumque species manifestæ, quibus successu temporis nonnulla alia addita fuerunt.

Tria hæc canonica peccata eorumque species manifestas, ac subinde nonnulla alia legi pœnitentiæ publicæ obnoxia fuisse, res est apud omnes certa, quæ vix indiget probatione. Lege Morinum L. 5. c. 4. & 5. Tota igitur præfens questio eò divolvitur, an nempe omnia indiscriminatim mortalia peccata huic pœnæ subdita olim fuerint.

Probatur itaque 1. Conclusio nostra; Quia neque veteres Scriptorum qui tertio Ecclesiæ sæculo floruerunt, Tertullianus, S. Cyprianus, Origenes, S. Gregorius Thaumaturgus, neque Concilia, quæ initio quarti sæculi celebrata sunt, alia peccata præter tria gravissima, idololatriam, homicidium, & adulterium, eorumque species manifestas, publicæ pœnitentiæ addicunt. Non alia profectò occurrent legenti Canones octoginta & unum Concilii Elibertani ann. 304. duos supra viginti quinque Ancyranos, quatuordecim Neocæsarienses eodem anno. Et Concilium Toletanum I. an. 442. Can. 2. *Pœnitentem, inquit, dicimus de eo, qui post Baptismum, aut pro homicidio, aut pro diversis criminibus, gravissimisque peccatis publicam pœnitentiam gerens, sub cæstio, divino fuerit reconciliatus altario.* Tom. 1. Conc. p. 1123. E.

Probat 2. quia Veteres aperte significant ab ista lege pœnitentiæ publicæ libera fuisse nonnulla mortalia peccata. Ita

Concilium Neocæsariense Can. 4. excipit peccatum cogitatione dumtaxat, non opere externo commissum. *Si quis, inquit, mulierem concupiscens proposuerit cum ea decumbere, & cogitatio eius non pervenit ad effectum, appareat quòd gratia Dei liberatus est.* A quo? non à culpa & quidem mortali; *Qui enim viderit mulierem ad concupiscendum eam, inquit Christus Matt. 5. v. 28. jam mactatus est eam in corde suo.* Non etiam ab omni prorsus pœna seu pœnitentiâ; omnes siquidem lethale peccatum per pœnitentiam debet expiari. Liberatus ergo ille dicitur, tum quia peccatum opere externo non consummavit; tum quia luctuose ac publicæ pœnitentiæ subijci non debuit, sicut debuisset, si crimen opere perfecisset.

Concilium Laodicænum Can. 7. Hæreticos recipit sine pœnitentiâ, per solam fidei professionem & chrismatis unctionem. Synodus Nicæna Can. 8. Catharos seu Novatianos admittit per manus impositionem, eosque in suagradu remanere permittit.

S. Basiliius Epistolæ ad Amphilochem Can. 14. non aliud ab usurariis po-

Edit. statul, quàm ut deposito avaritiæ studio, in pauperes effundant quod per
ves. T. *2. p. 765.* *B.* *usuras compararunt: imò eos ad Sacerdotium posse promoveri declarat. Qui*
usuras, inquit, accepit, si in insulam lucrum in pauperes consumere voluerit, &
ab omni avaritiæ morbo deinceps liberari, ad Sacerdotium admitti poterit. Nulla
hic mentio poenitentiae publicae: tali peccato imposita legitur.

Ibid. p. *771. A.* Canone 30. observat antiquos Canones nullas in raptore penas decrevisse.
De his autem qui rapiunt, inquit, Canonem quidem antiquum non habemus;
sed propriam sententiam proferimus, ut ipsi, & qui cum eis rapiunt, tribus an-
nis sint extra orationes. Pariter Canone 61. furtum; 64. perjurium; 66. sepul-
chrorum effossiores; 80. polygamiam, quod crimen matrimoniales contractus
supra tetragamiam interpretatur Balzamo, ad publicam poenitentiam damnat.
Non omnia igitur indiscriminatim mortalia peccata huic poenae obnoxia erant;
aliàs quid necesse fuisset ista nominatim designare?

Ibid. p. *776. C.* *778. B.* Canone denique 34. mulieres adulteras à percurrentibus gradibus poeni-
tentiae publicae dispensat, ne forte veniant apud maritos in suspicionem pa-
trati sceleris, atque in discrimen vitae adducantur; Adulterio, inquit, pos-
lutas mulieres, & consentientes ob pietatem, vel quomodocumque convictas, pu-
blicare quidem Patres nostri prohibuerunt, ne convictis mortis causam praebeamus:
 eas autem stare sine communionis jussu, donec impleatur tempus poeni-
tentiae.

T. 1. p. *951. A.* *Ibid. C.* Sanctus pariter Gregorius Nyssenus in Epistola canonica ad Letojum
Canone 6. observat nullas publicas penas à Canonibus assignatas fuisse avar-
itiae, usurae, furto. Altera, inquit, idololatriæ species (sic enim divinus Ap-
ostolus avaritiam appellat) nescio quomodo absque ulla poenae medela à Pa-
tribus praetermissa sit . . . quo sit ut hic morbus valde in Ecclesia redundet.
Per poenam autem necesse hic intelligere poenitentiam publicam: neque enim
exiliumandum, Veteres in ea mente fuisse, avaritiæ peccatum sine poenitentia
saltem privatim expleta dimitti posse.

P. 560. *B.* Tertullianus in Libro de pudicitia, non obscure insinuat apud Catholicos
gravissima dumtaxat peccata poenitentiae publicae addicta fuisse; alia verò,
quæ mediocria vocat, quamquam plerumque mortalia, statim cum gaudio
emendationis, hoc est, absque luctuosa poenitentia, dimissa. Sic loquitur c.
7. juxta drachmæ quoque exemplum, etiam intra domum Dei Ecclesiam, li-
cet esse aliqua delicta pro ipsius drachmæ modulo ac pondere mediocria, quæ
ibidem delitescunt, mox ibidem & reperta, statim ibidem cum gaudio emen-
dationis transguntur &c. Mediocria verò illa peccata, ut vocat, ex numero
sunt eorum quæ recenset cap. 19. inter quæ sanè nonnulla mortalia sunt:
P. 572. *B.* *Cui enim, inquit, non accidit aut irasci inique & ultra solis occasum, aut ma-*
nium immittere, aut facile maledicere, aut temerè jurare, aut fidem pacti de-
struere, aut verecundia, aut necessitate mentiri? In negotiis, in officiis, in qua-
estu, in visu, in auditu quanta tentamus, ut si nulla sit venia illorum,
nemini salus competat? Illis igitur delictis, etiam cum lethifera sunt, veniam
post actam poenitentiam indulgendam esse contendit adversus Montanistas
Tertullianus, illa tamen secernit à tribus gravissimis sceleribus quæ recenset
L. de Pudicitia c. 5. & 12.

Probat 3. ex S. Angustino pluribus in locis.

Epistola 22. aliàs 64. ad Aurelium Episcopum, testatur ætate sua in Ecclesia

Car-

Carthaginensi comestationes & ebrietates quæ etiam ad Martyrum sepulchra, falsæ pietatis animo, à rudiori plebe committebantur, nullis publicis penis repressas & castigatas fuisse. *Vas electionis* Apostolus ait: Non in comestationibus & ebrietatibus, non in cubilibus & impudiciis, non in contentione & dolo. Horum ergo trium, cubilia & impudicitia tam magnum crimen putantur, ut nemo dignus non modo Ecclesiastico ministerio, sed ipsa etiam Sacramentorum communione videatur, qui se isto peccato maculavit. Et restet omnino. Sed quare solum? Comestationes enim & ebrietates ita concessæ & licite putantur, ut in honorem etiam beatissimorum Martyrum, non solum per dies solemnes, (quod ipsum quis non lugendum videat?...) sed etiam quotidie celebrentur. Quæ scditas si tantum flagitiosa, & non etiam sacrilega esset, quibuscunque viribus sustentandam putaremur.

Sermone 352. aliàs Hom. 27. inter 50. postquam tres poenitentia specles enumeravit, cap. 3. clarè ac disertè significat non omnia, sed certa quædam gravissima delicta luctuosa ac publicæ poenitentia obnoxia fuisse. Restat, inquit, poenitentia tertium genus.... Est poenitentia gravior atque luctuosior, in qua propriè vocantur in Ecclesia poenitentes, remoti etiam à Sacramento altaris participandi, ne accipiendo indignè, iudicium sibi manducent & bibant. Illa ergo poenitentia luctuosa est. Grave vulnus est: adulterium fortè commissum est, fortè homicidium, fortè aliquod sacrilegium: gravis res, grave vulnus, lethale, mortiferum, sed omnipotens medicus &c.

Sermone 392. aliàs Hom. 49. inter 50. quæ est ad conjugatos, cap. 5. distinguit inter adulterium virorum cognitum, & incognitum, atque pro utroque poenitentiam agendam esse docet; publicam nempe pro publico, secretam verò pro secreto. Scio, inquit, quia sapientes amant me in hoc. *Ad id. p. 130. f.* communione se cohæant, qui sciunt quia novi peccata ipsorum; ne de cancellis proficiantur. En notum ac publicum peccatum propter quod de cancellis, hoc est, de sacra mensa rejiciendi qui eorum rei sunt. Quorum autem, pergit sanctus Doctor, nescio, hos coram Deo convenio. Agant etiam ipsi poenitentiam, & deinceps ab immunditia abstineant fornicationum. *ibid. p. 130. f.*

Sermone 350. aliàs Hom. 50. inter 50. cap. 4. enumerata rursus triplici poenitentia specie, relinquit iudicio Episcopi vel Sacerdotis, ut discernant quænam peccata damanda sint & punienda poena publica. Non omnia igitur indiscriminatim huic poenæ subdita erant. Verba S. Doctoris Conclusionè secunda referemus. *ibid. p. 135. f.*

Libro de fide & operibus cap. 16. conceptis verbis tria distinguit peccatorum genera quibus convenientem assignat poenam; nempe levia seu venialia, quæ Oratione Dominica & aliis pietatis officiis sanantur; mortalia, quæ duplicis sunt ordinis, gravissima scilicet, quæ luctuosa seu publica, & alia mortalia quidem, sed non ita gravia, quæ non luctuosa seu publica & solenni poenitentia castigabantur. Audiatur sanctus Doctor. Nisi essent quedam ita gravia, ut etiam excommunicatione plectenda sint, non diceret Apostolus, Congregatis vobis & meo spiritu, tradere eiusmodi hominem satanae ad interitum carnis.... Item nisi essent quedam non ea humilitate poenitentia sananda, qualis in Ecclesia datur eis, qui propriè poenitentes vocantur, sed quibusdam correctionum medicamentis, non diceret ipse Dominus, Corripe eum inter te & ipsum solum.... Postremo, nisi essent quedam sine quibus hac vita non

agitur, non quotidianam medelam poneret in Oratione quam docuit, ut dicamus, *Dimitte nobis debita nostra*. Correctionum autem medicamenta, de quibus hic Augustinus, non pertinent dumtaxat ad correctionem fraternam, ut putat Auctor Libri *De frequente communione*; sed ad eas penas, quas Ecclesia virtute clavium sibi à Christo concessa, imponit. Agitenim sanctus Doctor ad versus falsam eorum confidentiam, qui praeſumebant se quibuscunque peccatis implicatos, salutem assecuturos, modò credant in Christum, & Sacramenta percipiant. *Qui homines*, inquit cap. 27. ita tolerandi sunt, ut tamen erga eos non negligatur Ecclesiastica disciplina.

Ibid. p.
192. D.

Denique Lib. 83. quaestionum q. 26. de variis peccatis variaque penitentia iis debita sic loquitur: *Alia sunt peccata infirmitatis, alia imperitiae, alia malitiae. Infirmitas contraria est virtuti; imperitia contraria est sapientiae; malitia contraria est bonitati. Quisquis igitur novit quid sit virtus & sapientia Dei, potest existimare quae sunt peccata venialia; & quisquis novit quid sit bonitas Dei, potest existimare quibus peccatis certa poena debeatur & hic & in futuro saeculo. Quibus bene tractatis, probabiliter judicare potest, qui non sint cogendi ad penitentiam luctuosam & lamentabilem, quamvis peccata fateantur; & quibus nulla omnino speranda sit salus, nisi sacrificium Deo obluerint spiritum contribulatum per penitentiam.*

Ibid. p.
7. B.

Non omnes igitur, juxta sanctum Doctorem, qui peccata fatentur, aut ignorantiae, aut infirmitatis, inter quae plura esse mortalia nemo inficias ibit, cogebantur ad penitentiam luctuosam & lamentabilem, hoc esse publicum; sed judicio & prudentiae vel Episcopi, vel Sacerdotis relinquit sanctus Doctor, ut assignet poenam unicuique peccato congruam & convenientem. Si verò mos tunc fuisset omnia indiscriminatim mortalia subjiciendi penitentiae publicae, an, rogo, deliberationi & consilio locus relictus fuisset?

Probatur 4. ex sancto Paciano in Paranesi ad penitentiam, ubi conceptis verbis asserit, non omnia peccata publicae penitentiae obnoxia fuisse. *Ne quis existimet*, inquit, propter innumera delicta, quorum fraudibus nullus immunis est, me omne hominum genus indiscreta poenitendi lege constringere. Deinde exponit quae nam peccata ita publicè castigari oporteat, ea scilicet quae Apostoli, inquit, in suo Concilio Jerosolymitano assignarunt, nempe idololatriam, homicidium, & adulterium. *Cetera verò*, pergit, *contrariis bonis operibus sananda sunt...* Tenacitas, humanitas; convitium, satisfactio; tristitia, iucunditas; asperitas, levitas; gravitas, levitas; bonestas, perversitas; & quaecunque contrariis emendata proficiunt. Inter illa porro nonnulla esse mortalia peccata, nullus dubitat Orthodoxus; ista tamen eximit S. Pacianus à lege poenitentiae publicae.

Biblioth.
P. P. To.
4. pag.
315. r.

Ibid. H.

Probatur 5. ex S. Leone Epistola 2. aliàs 92. ad Rusticum Narbonensem, ubi secretam à publica penitentiam distinguens, huic idololatriam, homicidium & adulterium subjicit; alteri verò usum immolatoriorum. Sic enim de iis qui inter Paganos vixerant, ac de modo quo recipiendi in Ecclesiam forent loquitur: *Si convitio solo gentilitium*, inquit, *& escis immolatis usi sunt*, possunt ieiuniis, & manus impositione purgari, ut deinceps ab idololatriis abstinenter Sacramentorum Christi possint esse participes. Si autem idola adoraverint, aut homicidiis vel fornicationibus contaminati sunt, ad communionem eos, nisi per penitentiam publicam non oportet admitti. Opponit eo loci S. Pontifex

To. I. p.
412.

et iuxta publicam poenitentiam quæ puniendi erant ejusmodi peccatores, stricta illa gravissima peccata commississent, alteri poenitentia ipsi subeunda, si tantum idolothyta manducassent, quod certe peccatum grave est ac mortale, siquidem privatione sacrae mensæ puniebatur.

Omitto hic referre testimonium S. Chrysostomi ex Homilia in S. Philogonium: constat enim ejus ætate, post decretum Nestarii, multum remissam & inclinatam fuisse disciplinam poenitentia; neque diffidentur adversarii, cum quibus hic nobis res est, tunc temporis sola publica peccata publicis poenis castigata fuisse.

Hic adjungi potest grave incommodum quod ex adversa sententia sequi videtur. Quippe cum poenitentia publica semel tantum imponeretur, ut posset ostendimus, si quis ob unum mortale peccatum v. g. superbia vel iracundia, semel inter publicos poenitentes visus fuisset, & postea in eadem, vel etiam graviora & canonica crimina fuisset prolapsus, liber factus à jugo poenitentia publicæ iterum subeunda, vel nullam, vel privatam saltem subire debuisset: at primum Novatianam redolet hæresim, & pugnat cum fide Ecclesiæ, quæ secundo & sæpius peccantibus nec poenitentiam, nec veniam poenitentibus denegat. Alterum verò pugnat cum priori disciplinae severitate, quæ non permittebat gravissimorum peccatorum reos his temporibus ad privatam dumtaxat damnari poenitentiam; unde melior utcumque fuisset illorum conditio qui post semel actam poenitentiam publicam, rursus in graviora peccata prolapsi essent, præ aliis, qui non ita gravia perpetrassent: isti quippe poenis publicis addicti fuissent, à quibus alii immunes erant, sola privata poenitentia castigati.

S E C U N D A C O N C L U S I O.

Peccata canonica omnino occulta, quæ sunt vel nullo teste, vel solo complice, poenitentia publicæ subdita non fuisse ex necessitate & vi Canonum, sed ex consilio dumtaxat Sacerdotis, aut voluntate poenitentis: non ita si vel omnino publica, hoc est delata & probata apud Judicem Ecclesiasticum, vel saltem semipublicæ, id est cum scandalo multorum patrata fuissent; ista enim publica poena castigari oportebat, cum hoc tamen discrimine, quòd qui convicti fuissent rei, si renuissent se poenitentia legibus subjicere, vi & excommunicatione cogerentur; alii verò monitis & præcepto Sacerdotis, ac denegatione absolutionis sacramentalis compelli dumtaxat poterant, non aperta communionis & Eucharistiæ privatione.

Triplex hic statuitur peccantium ordo. Primus, eorum qui secretò omnino peccant, ac sine scandalo. Secundus, eorum qui ita publicè peccant, ut juridicè deferantur ad tribunal Ecclesiæ, atque rei convincuntur. Tertius, eorum qui cum scandalo multorum peccant quidem, sed nec deferuntur, nec probantur rei, quorum idcirco peccata semipublica vocamus. Quæ fuerit verus Ecclesiæ disciplina circa illos omnes peccatores, paucis exponit Conclusio, per partes singulas hic sigillatim demonstranda.

Primo, peccata omnino occulta ex necessitate & vi Canonis non fuisse obnoxia poenitentia publicæ,

Proba-

Probatur 1. ex Canone 34. Epistolæ S. Basilii ad Amphilochoium, ubi mulieres adulteras dispensat ab illa lege poenitentiae publicæ. Canonis verba Conclusionem prima laudavimus.

Idem colligimus ex Canone 6. Epistolæ S. Gregorii Nysseni ad Letojum, ubi de furto occulto sic statuit: *Quis latenti ablatione sibi alienum usurpat, si deinde per enuntiationem peccatum suum Sacerdoti aperuerit, vitii studio in contrarium mutato, aegritudinem curabit largiendo quæ habet, pauperibus. Nulla hic mentio poenitentiae publicæ.*

Idem ex Can. 4. Concilii Neocæsariensis Conclusionem prima laudato: peccatum enim cogitatione sola commissum liberum declarat ab obligatione subeundæ poenitentiae publicæ.

Idem ex Concilio Vascensi l. an. 442. Can. 8. *Si Episcopus, inquit, se tantum alieni sceleris conscius novit, quamdiu probare non potest, nihil proferat; sed cum ipso ad compunctionem eius secretis correctionibus elaboret.... illo, quamdiu probari nihil potest, in communionem omnium.... permanente.*

Probatur 2. Quia Veteres non aliam ferè causam & rationem reddunt cur ad publicam poenitentiam nonnulli cogèrentur, quàm quòd publicè & cum multorum scandalo peccassent. Ita

Concilium Carthaginense III. an. 397. Can. 32. *Cuiuscunque, inquit, poenitentis publicum & vulgatissimum crimen est, quod universa Ecclesia noverit, ante absidem manus ei imponatur.*

S. Augustinus Serm. 351. aliàs Hom. 50. inter 50. *Si peccatum eius, inquit, non solum in gravi eius malo, sed etiam in tanto scandalo est aliorum, atque hoc expedire utilitati Ecclesiæ videatur Antistiti, in notitia multorum, vel etiam totius plebis agere poenitentiam non recuset.*

Sermone 82. aliàs 16. de verbis Domini c. 7. Ergo, inquit, corripienda sunt *vid. p.* coram omnibus, quæ peccantur coram omnibus: ipsa verò corripienda sunt secretiùs, quæ peccantur secretiùs. Et cap. 8. sic pergit: *Novit nescio quem homicidam Episcopus, & alius illum nemo novit. Ego volo publicè corripere, at tu quæris inscribere. Prorsus nec prodo, nec negligo: corripio in secreto; pono ante oculos Dei iudicium; terreo cruentam conscientiam; persuadeo poenitentiam. Hac charitate præditi esse debemus.... Sunt homines adulteri in domibus suis, in secreto peccant, aliquando nobis produntur ab uxoribus suis plerumque zelantibus, aliquando maritorum salutem querentibus, nos non prodimus palam, sed in secreto arguimus. Ubi contingit malum, ibi moriatur malum.*

S. Cæsarius Arelatensis Hom. 1. in Quadragesima post enumerata nonnulla gravia peccata sic pergit: *Hæc & eiusmodi commissa expiari penitus communi & mediocri, licet secreta satisfactione non possunt; sed gravi causa, graviore & acrioris & publicas curas requirunt, ut qui cum plurimorum afflictione se perdidit, simili modo cum plurimorum edificatione se redimat. Idem repetit Hom. 8.*

S. Eligius Hom. 16. in fine. *Vos præterea, inquit, fratres mei, alloquimur, quos publica actio criminalis publicam cogit agere poenitentiam.*

Superfluum foret subsequentiū atatum proferre testimonia: non diffidentur enim, quos hic impugnamus, Theologi, à septimo sæculo multum immutatam fuisse poenitentiae disciplinam; atque ubique ferè obtinuisse, ut publicis peccatis publica, occultis verò occulta imponeretur poenitentia. *Discretio*

Obiit
an. 643.
Flor.
an. 499.
Bibl. et.
P. P. To.
8. pag.
819. G.
Obiit
an. 666.
Bibl. et.
P. P. To.
12. pag.
321. G.

cretio servanda inter poenitentes, ait Concilium II. Remense an. 813. Can. 31. *Tom. p. Conc. p. 1357. C.*
qui publicè, & qui absconsè poenitere debent.

Secundus peccantium ordo illorum est qui publicè atque cum scandalo multorum peccant, qui vel deferuntur ad tribunal Ecclesiæ, vel spontè confitentur. Nos, ait S. Augustinus citato jam Sermone 351. seu Hom. 50. inter 50. à communione prohibere quemquam non possumus... nisi aut spontè *Tom. 5. p. 1339. F.*
confessum, aut in aliquo sive seculari, sive Ecclesiastico iudicio nominatum atque convictum. Ejusmodi publicos poenitentes pœnis canonicis ac publicis coercendi jus & auctoritatem semper habuit & etiamnum habet Ecclesiæ, cujus usum & exercitium prudentiæ Episcoporum reliquit Concilium Trid. Sess. 24. de reformatione cap. 8. *Tom. 14. Conc. p. 884. E.*
Apostolus monet, inquit, publicè peccantes palam esse corripiendos. Quando igitur ab aliquo publicè & in multorum conspectu crimen commissum fuerit, unde alios scandalo offensus commotosque fuisse non sit dubitandum, huc condignam pro modo culpæ poenitentiam publicè iniungi oportet, ut quos exemplo suo ad malos mores provocavit, suæ emendationis testimonio ad rectam revocet vitam. Episcopus tamen publica hoc poenitentia genus in aliquod secretum poterit commutare, quando ita magis iudicaverit expedire. Cum igitur occurrunt ejusmodi peccatores publici, nihil inconsulto Episcopo moliantur inferiores Pastores; nihil zelo præpostero faciant, unde turbari possit Ecclesiæ pax ac recepta disciplina. Ita sapienter provisum est à Concilio Rothomagensi an. 1074. capitulo 8. *Tom. 10. Conc. p. 312. B.*
Ne quis, inquit, Presbyter, vel Monachus publicè peccantem criminali peccato ad poenitentiam, nisi iubente Episcopo, suscipiat. Occultè peccantem, consistentem quidem suscipiat; sed poenitentiam, non nisi eam quam Episcopus determinaverit, iniungat: sic tamen ut iure confessionis secreto peccantis persona nulli detegatur.

Ejusmodi publicè peccantes, si delati & convicti fuissent apud Iudicem Ecclesiasticum, vi & excommunicatione, aliquando etiam seculari auctoritate compulsos fuisse ad agendam publicam poenitentiam, demonstrat multis testimoniis Morinus L. 7. c. 4. & 5.

Tertius peccantium ordo illorum est, qui cum scandalo multorum peccant quidem, sed nec deferuntur, nec criminis patrati convincuntur apud Iudicem Ecclesiasticum. Ejusmodi peccantium meminit S. Augustinus citato jam sæpius Serm. 351. aliàs Hom. 50. inter 50. *Tom. 5. p. 1359. E.*
Plerique boni Christiani, inquit, propterea tacent, & sufferunt aliorum peccata quæ noverunt, quis documentis sæpè deservunt, & ea quæ ipsi sciunt, Iudicibus Ecclesiasticis probare non possunt. Quamvis enim vera sint quadam, non tamen Iudici facile credenda sunt, nisi certis indicibus demonstrantur. Nos verò à communione prohibere quemquam non possumus, (quamvis hæc prohibitio nondum sit mortalis, sed medicinalis) nisi aut spontè confessum, aut in aliquo sive seculari, sive Ecclesiastico iudicio nominatum atque convictum.

Hos peccatores, sive planè occulti fuissent, sive multis cogniti, sed nec delati nec convicti, aliquando poenitentiam publicam subijisse ex consilio vel etiam ex præcepto Sacerdotis, aut ex pietate, patet ex Origene Hom. 2. in Psalm. 37. ubi postquam monuit cautè eligendum esse Sacerdotem, qui Te prius eruditum medicum probaverit & misericordem, sic pergit: *Tom. 1. p. 293. F.*
Sed quid ille dixerit, si quid consilii dederit, facias & sequaris. Si intellexeris & prævideris talem esse languorem tuum, qui in conventu totius Ecclesiæ exponi debeat,

debeat, & curari, ex quo fortassis & ceteri edificari poterunt, & tu ipse facile sanari, multa hoc deliberatione & satis periti medici illius consilio procurandum est.

Patet etiam ex historia Penitentiarii quem abrogavit Nestarius de qua Socrates L. 5. c. 19. & Sozomenus L. 7. c. 16. illius enim officium erat dijudicare quamnam peccata poenitentiae publicae subijcienda forent, vel non.

Idem planè insinuat S. Augustinus paulò antea citatus Sermon. 351. seu Hom. 50. inter 50.

Idem & S. Cæsarius Arelatensis Hom. 1. inter 14. quas publici juris fecit doctissimus Baluzius. Ille, inquit, qui poenitentiam publicè accepit, poterat eam secretius agere; sed credo considerans multitudinem peccatorum suorum videt se contra tam gravia peccata solum non posse sufficere, ideo adiutorium totius populi cupit expetere. En poenitentia publica spontè ac libere animo pietatis suscepta, aliquando ex consilio etiam prudentis Sacerdotis.

Idem denique patet exemplis eorum qui vel nullo crimine declarato, sed ex majori pietatis fervore, vel alicujus planè occulti peccati rei spontè se publicis poenitentibus adjungebant. Ita Rex Hispaniarum Wamba, de quo in Concilio Toletano XII. Gaudentius Valerianensis Episcopus, de quo in Concilio XIII. Toletano, Potamius Bracarensis, de quo in Toletano X. Genebaldus Laudunensis Episcopus, de quo Hincmarus Remensis in vita S. Remigii; Fabiola illustris matrona, de qua S. Hieronymus Epistola 30. quæ est Fabiolæ Epitaphium &c. Vide Morinum L. 5. c. 7.

Soluntur Objectiones adversus primam Conclusionem.

Objicies 1. Tertullianus non aliam pro omnibus peccatis mortalibus agnovit, quàm publicam poenitentiam. Omnibus ergo delictis, inquit cap. 4. Lib. de Poenitentia, seu carne, seu spiritu, seu factis, seu voluntate commissis, qui poenam per iudicium destinavit, idem & veniam per poenitentiam spondit.

Hanc verò poenitentiam luctuosam & publicam fuisse, Patet 1. ex characteribus & notis quibus illam describit cap. 9. De ipso quoque habitu atque victu mand. s. sacco & cineri incubare, corpus sordibus obscurare, animum moribus deficere... Jejunis preces alere, ingemiscere, lachrymari, & mugire dies ac noctes ad Dominum Deum suum; Presbyteris ad- volvi, & charis Dei adgeniculari, omnibus fratribus legationes deprecationis sua infundere &c. Cap. verò 10. ait à plerisque hoc opus (poenitentiae) su- gi, ut publicationem sui; aut de die in diem differri, quòd pudoris magis mo- miores sint, quàm salutis. Hæc autem omnia in unam dumtaxat poeniten- tiam publicam cadere nemo non intelligit.

Patet 2. quia poenitentiam illam semel tantum agendam esse sæpius declarat Tertullianus, quod certè publicæ proprium fuit. Hoc enim dico, ait cap. 5. poenitentiam qua per Dei gratiam ostensa est & indicta nobis, in gratiam nos Dominus revocat, semel cognitam atque susceptam, nunquam posthac itera- tione delicti resignare oportere. Et cap. 7. Collocavit in vestibulo poenitentiam secundam, qua pulsantibus patefaciat; sed iam semel, quia semel secunda, sed amplius nunquam, quia proximè frustra.

Ratio.

Rationes porro quibus adducitur Tertullianus, ut velit semel dumtaxat ad poenitentiam esse confugiendum, aperte demonstrant eum loqui de poenitentiam omnibus planè mortalibus peccatis necessaria; omnibus enim mortalibus peccatis rationes illæ conveniunt. Nempe

I. Quòd ignorantia in prætextum & excusationem obtendi amplius non possit.

II. Quòd qui iterum peccat & poenitentia indiget, videtur timorem Dei abjecisse. Nam, inquit, si idcirco te deliquisse poenituerat, quia Domini capereas timere, cur quod metus gratia gessisti, rescindere maluisti, nisi quia metueres desististi?

III. Quòd Deum contemnit, qui post cognitam & receptam ejus gratiam, eum iterum offendit. Despicit, inquit, qui bonorum ac malorum intellectum à Deo consecutus, quod intelligis faciendum, quodque jam fugis, resumens, Dei dono injuriam facis.

IV. Denique, quòd dæmonem Deo anteponit. Non leviter peccas in Domino, inquit, qui cum amulo ejus diabolo poenitentia renuntiasset, & hoc nomine illum Domino subiecisset, rursus eundem regressu suo erigit.... ac diabolus Deo præponit. Comparisonem enim videtur exegisse, qui utrumque cognoverit, & iudicatio pronuntiasse eum meliorem, cuius se rursus esse maluerit. En rationes quas capite 5. exponit Tertullianus, ut ostendat semel agendam esse poenitentiam; quæ cum ad omnia mortalia peccata ex æquo pertineant, ostendere videntur, mentem hujus auctoris fuisse, pro quocunque mortali peccato unicam dumtaxat esse oportere poenitentiam, adeoque publicam.

Resptotum Tertulliani Librum de Poenitentia in duas veluti partes generatim esse distinguendum, quarum prima incipit à cap. 1. ad 7. altera à 7. ad finem usque.

In priori, de publica poenitentia non agit, sed de poenitentia dumtaxat universim & absolute sumpta, prout est virtus omnibus post Baptismum lapsis omnino necessaria ad veniam peccatorum obtinendam. Hoc esse sum institutum declarat 1. ipse Tertullianus cap. 4. De bono poenitentia, inquit, enumerando diffusa, & per hoc magno eloquio committenda materia est. 2. ibidem affirmat poenitentiam, de qua loquitur, à Deo esse præceptam. Bonum est poenitere, an non? ait. Quid revoleis, Deus precipit. 3. poenitentiam hanc non tantum baptisatis, sed etiam, & quidem præcipue, ipsis Catechumenis ad Baptismum anhelantibus planè necessariam esse affirmat c. 6. Quidquid ergo, inquit, mediocritas nostra ad poenitentiam semel capessendam & perpetuo continendam suggerere conata est, omnes quidem deditos Domino spectat.... sed præcipue Novitulis istis (id est Catechumenis) imminet, qui cum maxime incipiunt divinis sermonibus aures rigare, quique catuli infantie adhuc recentis, nec perfectis luminibus incerta repetant, & dicunt quidem pristinis renuntiare, & poenitentiam assument, sed includere eam negligunt. Porro nemo non videt, poenitentiam quam Deus precipit, ad quam Catechumeni ipsi tenentur, quæ omnibus planè delictis seu carne seu spiritu commissis necessaria est, non esse publicam illam ac solemnem, quæ olim graviorum criminum reis post Baptismum imponebatur; neque enim talem poenitentiam omnibus delictis imponendam esse Deus mandavit: neque pariter ad eam teneri possunt nondum baptisati; hac enim poenitentia

P. 111.

Ibid.

Ibid. D.

Pagina 123. A.

Ibid. B.

Pagina 124. A.

ria sacramentalis erat, hoc est sacramentalem complectebatur absolutionem, cujus procul dubio incapaces sunt Catechumeni nondum baptisati. Igitur poenitentia illa, de qua Tertullianus c. 1. usque ad 7. est dumtaxat virtus *universis hominibus qui se mortali peccato inquinassent, quovis tempore ad gratiam & iustitiam assequendam necessaria, illis etiam qui Baptismi Sacramento ablui petivissent*, ait Conc. Trid. Sess. 14. cap. 1. *ut nempe perverſitate abiecta & emendata, tantam Dei offensionem cum peccati odio, & pio animi dolore detestarentur.*

Ta. 14.
Cm. p.
815. E

At Tertullianus, inquit, contendit poenitentiam illam unam esse, & semel dumtaxat capeſſendam, quod proprium fuit poenitentiae publicae.

Resp. unam dici à Tertulliano poenitentiam, respectu tum Catechumenorum, tum baptisatorum, non ex desperatione indulgentiae, quasi aut Catechumenis, si in Catechumenatu, aut baptisatis, si post Baptismum saepius peccassent, nullus amplius, iteratae poenitentiae locus fuerit relictus; sed unam appellat ex rigore disciplinae & amore innocentiae, quia nempe optaret ut & Catechumeni & baptisati ita sanctè & castè semper viverent, ut unico dumtaxat, non saepius iterato poenitentiae remedio indigerent; quod ut efficiat, adducit rationes suprà memoratas. Hunc verò esse Tertulliani sensum probare videntur quae de Catechumenis ibid. cap. 6. scribit, eos scilicet postquam inter Baptismi Candidatos nomen suum dedissent, peccare amplius non debere. nec iterata poenitentia indigere. Nemo, inquit, *sibi aduletur quia inter Auditorum tyrocinia deputatur, quasi eo etiam nunc sibi delinquere liceat. Dominum simul cognoveris, timeas: simul inspexeris, reverearis...* Non ideo abluimur, ut delinquere desinamus; sed quia desimus. Cum igitur poenitentiam hanc unam dixit Tertullianus, etiam respectu Catechumenorum, sensus illius non est, semel dumtaxat ipsis patere aditum ad poenitentiam expressè enim cap. 7. ait *Drum collocasse in vestibulo poenitentiam secundam, quae pulsantibus pateſcat*; sed sensus est, optimum esse ac optandum maxime; ut unica dumtaxat indigeant poenitentia: non ergo exprimit quod absolute sua aetate fieret, sed quod optabat ut fieret. In illa igitur priori parte Libri sui, poenitentiam in se quatenus virtus est generatim considerat; ejusque effectus, vim, efficaciam, ac necessitatem extollit.

Pagina
125. A.

In posteriori verò parte quae incipit à cap. 7. revera adumbrat poenitentiam publicam qualis tunc vigeat, eamque pro disciplina hujus temporis, unam appellat, & semel capeſſendam dicit. Proclive etenim fuit, ut postquam prioribus capitibus egit de poenitentia universim sumpta, in posterioribus speciem ejus magis notam & manifestam explicaret, ut scilicet (quod unum volebat) proposita ejus severitate Catechumenos terreret, & à gravioribus peccatis avocaret. An verò omnia prorsus lethalia peccata huic poenitentiae luctuosa subicerentur, an sola canonica, non affirmat, nec etiam negat eo in Libro Tertullianus, quia ad institutum suum non pertinebat: unde quis fuerit Ecclesiae tunc temporis usus, quae disciplina, cognosci melius potest ex Libro ejusdem Tertulliani de pudicitia, ubi licet Montanista factus, Catholicae Ecclesiae mores representans aperte innuit, non omnibus planè mortalibus, sed gravioribus dumtaxat peccatis apud Catholicos publicam injunctam fuisse poenitentiam. Lege caput 7. & 12. Libri de pudicitia.

Pag. 11. Objicies 2. testimonium S. Cypriani ex Epistola 9. ubi sic loquitur: *Cum*

in

in minoribus peccatis agant peccatores poenitentiam iusto tempore, & secundum disciplinae ordinem ad exomologesim veniant, & per manus impositionem Episcopi & Cleri sus communicationis accipiant, nunc crudo tempore.... ad communicationem admittuntur &c. Minora illa peccata, in mente S. Cypriani, haud dubiè sunt mortalia quidem, sed non ita gravia, quæ nihilominus poenitentia publicæ lex communis addicebat: unde iusta S. Martyris ex postulatio adversus eos qui gravissimi idololatriæ peccati rei, poenitentiam hanc detrectabant.

Resp. minora illa peccata, de quibus S. Cyprianus, non esse mortalia quælibet, sed canonica & gravia, quamvis comparatione facta ad idololatriam, quæ omnium peccatorum gravissimum est, minora dici possint. Seipsum exponit sanctus Doctor Epistola 11. Nam, inquit, cum in minoribus delictis, quæ non in Dominum committuntur, poenitentia agatur iusto tempore... quanto magis in his gravissimis & extremis delictis? Agit scilicet S. Martyr in hac utraque Epistola, de iis qui in persecutione Deciana idolis sacrificaverant, quique statim, nulla prius peracta poenitentia, Ecclesiæ reconciliari postulabant, ob Martyrum libellos quibus erant muniti: illos premit sanctus Doctor ac confutat exemplo aliorum, qui etsi minora peccata commisissent (comparatè ad idololatrias) iusto tamen tempore poenitentiam agebant: minora autem illa peccata, ut vocat, in se absolute gravia erant, & de numero eorum quæ Canones graviori pœna puniebant.

Obijcies 3. auctoritatem S. Augustini multis in locis. Lib. de Symbolo ad Catechumenos c. 7. sic loquitur: Propter omnia peccata Baptismus inventus est: propter levia, sine quibus esse non possumus, oratio inventa. Quid habet oratio? Dimitte nobis debita nostra &c. Semel abluitur Baptismate, quotidie abluitur oratione. Sed nolite illa committere pro quibus necesse est ut a Christi corpore separemini, quod absit à vobis. Illi enim quos videtis agere poenitentiam, scelera commiserunt... inde agunt poenitentiam. Nam si levia peccata ipsorum essent, ad hæc quotidiana oratio delenda sufficeret. Ergo tribus modis dimittuntur peccata in Ecclesia, in Baptismate, in oratione, in humilitate majoris poenitentia. Ex quibus verbis sic arguitur. Qui tribus tantum modis asserit peccata dimitti in Ecclesia, scilicet Baptismate, oratione, & humilitate majoris poenitentia, censet peccata, quæ duobus prioribus remediis non curantur, tertio tantum expiari posse, nimirum humilitate majoris poenitentia: atqui peccata mortalia post Baptismum, neque Baptismate, neque Oratione Dominica curantur; ergo humilitate majoris poenitentia.

Resp. sub illo tertio genere remedii quo curantur peccata, S. Augustinum comprehendere poenitentiam sive publicam, sive secretam, pro conditione & natura delicti. Quamquam autem publicam citato in loco potius designet quàm privatam, non inde tamen inferri debet, non aliam publicam pro omnibus mortalibus peccatis ipsi cognitam & probatam fuisse; scopus enim ipsius exigebat ut publicæ potius, quàm privatæ poenitentia faceret mentionem. Ad Catechumenos enim sermonem dirigit, quos à peccando detertere conatur, proposita severitate luctuosæ poenitentia, quam subibant illi; qui propriè vocantur in Ecclesia penitentes: hanc etenim illi dumtaxat cognoscebant, quæ palam & coram omnibus peragebatur. Illam verò non nisi gravius seu canonicis peccatis injunctam

Tournely de Sacram. Poenitentia.

T

fuisse,

Pa. 14.

To. 6. p. 154. G.

Ibid. p.
155.A. fuisse, testatur vel in hoc ipso citato loco S. Augustinus, *Illiquos videtis*, inquit, *agere poenitentiam, scelera commiserunt, aut adulteria, aut aliqua facta immania*. Qui ergo non scelera, non facta immania, sed tamen mortalia peccata commiserant, secreta poenitentia ea. expiare & purgare tenebantur.

Instabis 1. Idem S. Augustinus Serm. 352. aliàs Hom. 27. inter 50. quæ tota est de utilitate poenitentia, rursus triplicem dumtaxat agnoscit poenitentiam: primam, Competentium & ad Baptismum venire cupientium: secundam, quotidianam pro venialibus; & tertiam pro cæteris mortalibus peccatis omnino publicam. *Restat*, inquit, *30. poenitentia tertium genus... Est poenitentia gravior atque luctuosior, in qua proprie vocantur in Ecclesia poenitentes, remoti etiam à Sacramento altaris participandi.*

Resp. huic luctuosæ & graviori poenitentia non alia quàm gravissima delicta obnoxia fuisse, vel ipso teste S. Augustino in Homilia citata. Post laudata etenim verba sic pergit: *illa vero poenitentia luctuosa est. Grave vulnus est: adulterium forte commissum est, forte homicidium, forte aliquod sacrilegium; gravis res, grave vulnus, lethale, mortiferum, sed omnipotens medicus &c.* En crimina, quæ poenitentia illi luctuosæ addicta fuisse testatur sanctus Doctor: alia igitur mortalia, quamquam non ita gravia, altera poena, non publica nec ita gravi expiabantur.

Instabis 2. Serm. 351. seu Hom. 50. inter 50. rursus idem tractans argumentum, triplicem enumerat poenitentiam. Cap. 1. exponit poenitentiam antebaptismalem: cap. 3. poenitentiam in Oratione Dominica pro venialibus peccatis repositam: cap. verò 4. tertiam sic explicat. *Tertia est actio poenitentia, qua pro illis peccatis subeunda est qua Legis Decalogus continet, & de quibus Apostolus ait: Quoniam qui talia agunt, regnum Dei non possidebunt.* Hanc verò tertiam poenitentiam fuisse publicam, clarè ostendit ibidem S. Augustinus. *In notitia*, inquit, *multorum vel totius plebis poenitentiam agere non recuset &c.* Ex quibus sic arguitur: Omnia peccata quæ Decalogus continet, & de quibus Apostolus ait, *Quoniam qui talia agunt regnum Dei non possidebunt*, subijciebantur illi tertie poenitentia, de qua loquitur cap. 4. atqui omnia peccata mortalia sunt ejusmodi, atque poenitentia illa tertia, de qua loquitur, erat publica; ergo omnia peccata mortalia subijciebantur poenitentia publicæ.

Resp. nego min. argumenti pro secunda illius parte, nimirum tertiam illam poenitentiam, de qua loquitur S. Augustinus, esse solam publicam, quæ si non aliam agnoverit. Loquitur scilicet de poenitentia, quæ virtute clavium agit in Ecclesia, & quam nonnulli eo prætextu detrectabant, quòd te per solam in Christum fidem salvandos fore præsumerent. Hunc esse S. Doctoris scopum declarant manifestè ipsius verba, *Quis*, inquit, *tam mortiferis vinculis peccatorum detrectat; aut differt, aut dubitat confugere ad ipsas claves Ecclesie, quibus solvatur in terra ut sit solutus in Cælo; & audeat sibi post hanc vitam, quia tantum Christianus dicitur, salutem aliquam polliceri?* Porro poenitentia illa quam virtute clavium imponebat Ecclesia, modò publica, modò erat secreta, pro conditione peccatorum, ac prudentis Episcopi judicio. Unde in eadem Hom. vult sanctus Doctor, ut quos delicti sui penitet, *Veniam ad Antistites Ecclesie, & ab ipsis satisfactionis sue modum accipiant, atque etiam in conspectu multorum vel etiam totius plebis poenitent-*

Ibid. p.
159.C.

sentiam agere non recusent, si ita expedire visum fuerit Antistiti; qui etiam secretam penam injungebat, cum aliam non exigebat aut delicti, aut ipsius personae ratio.

Instabis 3. Penitentia illa publica est, in qua penitens per Ecclesiasticam disciplinam separatur à sacra mensa: atqui taliserat penitentiae debita omnibus mortalibus peccatis, teste eodem S. Doctore c. 4. mox citatæ Homiliae. *Ab ipsa mente*, inquit, *talis sententia proferatur, ut se indignum hominem participatione corporis & sanguinis Domini, ut qui separati à regno Caelorum timet per ultimam sententiam summi Judicis, per Ecclesiasticam disciplinam à Sacramento caelestis panis interim separetur.* Ibid. p. 135 6. G.

Resp. dist. maj. Poenitentia illa publica est, in qua penitens separatur à sacra mensa per Ecclesiasticam disciplinam in foro externo & contentioso Ecclesiae; hoc est, per sententiam Judicis Ecclesiastici excommunicationi majori, vel minori subjicitur, concedo: in qua per Ecclesiasticam disciplinam separatur à sacra mensa in foro conscientiae, spontè obtemperando consilio vel praecepto Sacerdotis, nego. Hac enim semper viguit & viget etiamnum disciplina, ut nullus reus peccati mortalis accedat ad sacramentum, nisi prius Sacramento Poenitentiae purgatus fuerit. Quin multis in casibus tenentur Sacerdotes denegare aut differre lapsis absolutionem, eosque ab Eucharistia arcere, donec emendationis signa & dignos penitentiae fructus dederint: an propterea penitentia hæc publica dici potest? minime: quia scilicet totum istud in foro conscientiae ac secretæ poenitentiae tribunali peragitur. Non aliud profectò volebat S. Augustinus citato loco, ubi peccatores admonet ut seipsos judicent, atque indignos pronuntient Eucharistia, priusquam per Ecclesiasticam disciplinam ab illa arceantur. *In hac ergo poenitentia, inquit, maiorem quisque in se severitatem debet exercere; ut à se ipso judicatus, non iudicetur à Domino.... Ascendat itaque homo adversum se tribunal mentis suae &c.* Ibid. E.

Instabis 4. Qui olim ab Eucharistiae participatione arcebantur, sive in foro externo, sive in foro conscientiae, illi inter penitentes, quidicebantur Consistentes, versabantur: sed qui ea in statione erant, nonne censebantur publicam agere penitentiam?

Resp. dist. min. Qui erant in statione consistentiae post emensos tres alios penitentiae gradus, ii censebantur publicam agere penitentiam, concedo: qui simpliciter erant in statione consistentiae, sive ex pietatis majoris sensu, sive ex consilio aut praecepto Sacerdotis in foro conscientiae, neque tres alios penitentiae gradus percurrerant, nego. Itaque consistentia quæ quarta olim fuit penitentium publicorum statio, penitentiae publicæ naturam & conditionem non inquebat, nisi respectu eorum qui alios gradus percurrerant: propriè etenim apud Veteres, imprimis S. Basilium Can. 22. substratio penitentia vocabatur; consistentia vero finis erat & clausula totius penitentiae; & qui eo in gradu versabantur, permixti erant cum cæteris Fidelibus, nec publicæ penitentiae addicti eo præcisè censebantur, quòd Eucharistiam non participarent. Pater hoc tum ex factò Nestarii, quietsi publicam sustulerit penitentiam, (saltem pro occultis) non tamen prohibuit, quin à sacra mensa removerentur per aliquot dies, qui certis mortalibus peccatis inquinati erant, præsertim cum ex inveterato habitu peccabant;

tum ex S. Basilio qui citato antea Can. 34. mulieres adulteras eximit quidem à lege poenitentia publicæ, ne forte veniant apud maritos in suspitionem criminis; verum eas ad consistentiam amandat; consistentia ergo propriè non erat poenitentia publicæ, sed ejus finis: tum ex eo quòd Clerici majores privabantur aliquando communione Eucharistica, nec tamen publicæ poenitentia subiciebantur, ut ex infra dicendis patebit: tum denique ex S. Chrysostomo, qui Hom. in sanctum Philogonium, conqueritur nonnullos recedere à sacra mensa, eo prætèxtu quòd vereantur habere conscientiam peccatis inquinatam, eosque adhortatur ut deposita peccatorum sarcina, ac brevi aliquorum dierum præmissa poenitentia, sacre communionis fiant participes; quos certè in consistentia fuisse dicere possumus; minime verò in poenitentia publicæ. *Neque mihi quisquam dixeris, ait sanctus Doctor n. 4. Vereor habere conscientiam peccatis oppletam &c. sufficit enim horum quinque dierum tempus, si sobrius fueris, si attentus, si vigilaveris . . . Tu nunc quibus rebus provocasti Deum, per has rursus facito propitium. Provocasti illum pecuniarum rapina, per easdem illum reconcilia &c. Hæc non egent multis diebus, annisve, sed solo animi proposito & unico die perficiuntur.*

Te. 1. p.
498. C.

Id. p.
499. A.

Te. 8. S.
Aug. in
App. p.
78. D.
Morin.
L. 5. c.
1. n. 10.

Obijcies 4. auctoritatem Gennadii Massiliensis Presbyteri ex Lib. de Ecclesiasticis dogmatibus c. 23. aliàs 53. ubi sic loquitur: *Quem mortalia crimina post Baptismum commissa premunt, hortor prius publicæ poenitentia satisfacere, & ita Sacerdotis iudicio reconciliatum communioni sociari, si vult non ad iudicium & condemnationem sui Eucharistiam percipere.*

Resp. Gennadium pro more hujus ætatis (florebat ille an. 494.) per mortalia, intelligere capitalia seu canonica peccata. Siquidem ibidem loquens de peccatore qui peccandi voluntatem exuerat, ait satis esse ad hoc ut particeps fiat Eucharistia, si confessione, lachrymis & orationibus pro peccatis satisfecerit; non ait, si poenitentiam publicam egerit. Sic loquitur: *Quotidie Eucharistia communionem percipere, nec laudo, nec vitupero. Omnibus tamen Dominicis diebus communicandum suadeo, & hortor, si tamen mens in affectu peccandi non sit. . . Et ideo quamvis quis peccato mordeatur, peccandi non habet de cetero voluntatem, & communicaturus satisfaciat lachrymis & orationibus, & confidens de Domini miseratione qui peccata pie confessioni donare consuevit, accedat ad Eucharistiam intrepidus & securus. Et interjectis iis quæ in Objectione relata sunt, sic pergit: Sed & secreta satisfactione solvi mortalia crimina non negamus; sed mutato prius seculari habitu, & confesso religionis studio, per viam correctionem. Hæc verò secreta satisfactio pro capitalibus, seu, ut vocat, mortalibus, in monasterio peragenda, æquiparatur publicæ poenitentia.*

Obijci hic solet & S. Cæsarius Arelatensis Hom. 1. in Quadragesima; & S. Eligius Hom. 8. verum cum eorum testimonia specialem non contingant difficultatem distinctam ab iis quæ ex S. Augustino mox relata sunt, eodem prorsus modo solvi debent, loquii scilicet utrumque Doctorem de peccatis gravioribus seu canonicis, quæ cum multorum scandalo commissa sunt. Recole quæ ex utroque Scriptore laudavimus hic Conclusionem secundam.

Solum.

Solvuntur Objectiones adversus secundam Conclusionem.

Objicies 1. Veteres Canones quibus publica gravissimis peccatis imponitur poenitentia, non distinguunt inter publica & occulta peccata; ergo &c. Ita Illustrissimus Albalpinus in Canonem 32. Concilii III. Carthaginensis, Morinus L. 5. c. 9.

Resp. 1. nego ant. Canones enim quos laudavimus inter Conclusionis nostræ probationes, apertè eximunt à lege poenitentiz publicæ peccata omnino occulta.

Resp. 2. nego consequentiam. Necesse enim absolute non fuit ut Canones distinguerent inter publica & occulta peccata: tùm quia Canones breves sunt agendorum regulæ, quæ omnes exceptiones continere non possunt: tùm quia usus ac communis interpretatio sufficiebat huic faciendæ discretioni. Sicut et si Canones non distinguant inter gravitatem poenæ publicæ quæ infligebatur peccatis illis sive publicis sive occultis, certum est graviores deberi publicis, quàm occultis: tùm denique quia cùm eadem poenæ secretò subeundæ forent occultis capitalium criminum reis, quæ publicis, idcirco Canones multi non distinguunt inter publica & occulta peccata, cùm penas illas decernunt: sola enim dempta publicatione seu solemnitate, occultus v. g. adulter vel homicida easdem penas secretò tenebatur solvere, quas publicus, publicè.

Instabis 1. Canones in decernenda pro gravioribus delictis poenitentia publica, attendunt non tantùm ad scandalum, sed etiam ad gravitatem eorum. Ita Canon 19. Concilii Eliberitani, *Episcopi, Presbyteri, & Diaconi*, inquit, *si in ministerio positi detecti fuerint quod sint machati, placui, & propter scandalum, & propter nefandum crimen, nec in fine communionem accipere*. Ergo cùm crimen occultum grave erat, poenitentia publica ex Canonum præscripto puniebatur.

Tom. 1.
Conc. p.
973. A.

Resp. distingo ant. Canones in decernenda pro gravioribus peccatis poenitentia publica attendunt etiam ad gravitatem peccati, junctam simul cum scandalò, concedo: ad gravitatem solam, ubi nullum est scandalum, nego. In Canone citato gravitas peccati adjunctum habet scandalum & offensionem publicam; loquitur enim de crimine quod detectum fuit, hoc est, cognitum seu publicum, sive rei, sive complicitis confessione, sive alia quacunque via.

Instabis 2. S. Basilii Canone 22. peccato occulto publicam assignat poenitentiam. *Qui*, inquit, *mulierem vel vi, vel clam à se vitiatam habet, necesse est fornicationis pœnas imponere: est autem in quatuor annis præfinitum fornicatoribus supplicium. Oportet autem eos anno primo à precibus expelli, & ipsos p. 769. deslere ad fores Ecclesiæ; secundò autem, ad auditionem admitti; tertio, admitti ad poenitentiam; quarto, ad congregationem cum populo, abstinentes ab oblatione, deinde eis permitti boni communionem*.

Ed. var.
Tom. 1.
p. 769.
A. B.

Resp. eo in Canone loqui S. Basilium de homine qui mulierem quidem vel vi, vel clam oppressit, sed quam apud se ut raptor detinet, cujus idcirco crimen aliquo pacto in notitiam publicam venit: quòd si planè occultum supponas fuisse crimen istud, iidem poenis secretò subijciendum erat, quibus publicum, sola dempta solemnitate.

Tournely de Sacram. Poenitentia.

T 3

Infra.

Inflabis 3. Canones Ancyran 16. 21. 23. 25. publicam poenitentiam imponunt iis criminibus quæ certè nullo teste ac planè secretò committi solent: talis est v.g. nefandus cum brutis coitus.

Resp. ejusdemodi horrenda crimina vel detecta fuisse & cognita; vel si planè occulta, iisdem poenis secretò castigata fuisse, quas Canones præscribunt.

Inflabis 4. Canones poenitentiam publicam imponunt iis criminibus quæ necesse est occulta planè fuisse, non publica; aliàs capitali supplicio in eorum reos animadversum fuisset: tale est v.g. homicidium.

Resp. 1. nego ant. Quippè cum poenitentiam publicam Canones homicidis imponunt, supponunt quidem publicum esse crimen, sed quod vel ad Judices sæculares delatum non fuerat, vel non satis probatum, aut saltem à Principe jam condonatum, quæ venia seu emissio primis temporibus faciliè obtinebatur, sive numerata Principi & parti laesa pecunia, sive Episcoporum apud Principes intercessione: de qua re legi potest Epistola S. Augustini 153. aliàs 54. ad Macedonium; sive immunitate Ecclesiæ, ad quam tanquam ad asyllum reus confugerat, unde non poterat retrahi, nisi prius data à Magistratibus fide, de futura rei incolumitate. Ita Conc. Remense an. 630. c. 7. Cum verò homicidia legum civilium severitatem evaserat, ab Ecclesia severiori poenitentia puniebatur, juxta normam à Canonibus præscriptam.

Resp. 2. si crimen homicidii occultum omninò supponatur, illud per poenitentiam minimè cognitum & divulgatum fuisse: tùm quia eadem poenæ planè diversis assignabantur peccatis: tùm quia multi animo pietatis iisdem poenis se libere subiciebant: tùm denique quia medicinalis Ecclesiæ sententia trahi non poterat apud Judices sæculares, in probationem patrati sceleris.

Inflabis 5. Mitior ac levior imponitur à Canonibus poenæ, (quamquam publica) iis qui spontè crimen suum confitentur, quàm iis qui rei probantur & convincuntur. Ita Canon 76. Eliberitanus; 61. S. Basilii; 18. S. Gregorii Thaumaturgi: atqui peccatum quod quis spontè confitetur, prout opponitur illi de quo quis convincitur, est planè occultum; ergo &c.

Resp. nego min. Peccatum enim de quo citati Canones, tale est, ut probari possit & convinci ejus reus, licet de facto non probetur nec convincatur, defectu testis vel delatoris: peccatum autem ejusmodi haud dubiè non est omninò secretum & occultum, sed saltem semipublicum; qui verò ejusdemodi peccatum reus se ipsum accusabat, ac spontè poenam Canonibus decretam subibat, iste mitius puniebatur, quia spontanea hæc confessio sinceram ejus contritionem ac conversionem denotabat, in cujus gratiam Episcopi nonnihil de poenarum severitate à Canonibus determinata relaxabant. Itarem exponit S. Gregorius Nyssenus in Epistola ad Letojum Canone 4. *Qui, inquit, ex se ipso ad sua proferenda peccata impulsus est, eo quòd sua spontè occultorum accusator esse voluerit, ut qui jam affectioni medicinam adhibere caperit, & signum mutationis in id quòd est melius ostenderit, in mitioribus poenis versatur. Qui autem in malo deprehensus est, vel propter suspicionem, vel accusationem libenter convictus est, longius illi conversionis tempus datur, ut ipse perfectè purgatus, sic ad Sacramentorum communionem admittatur.*

Inflabis 6. Canones propter ea ipsa crimina Laicos damnant ad poenitentiam publicam, propter quæ Clericos deponunt: atqui deponunt Clericos propter crimina occulta; ergo &c.

Major certa est ex Concilio Rothomagenſi. Pro tanto, inquit, habetur Sacerdotem ab officio removere, pro quanto Laicum à Communionem Eccleſiæ ceſſare. Nam unde Laici excommunicantur, inde Presbyteri ab officio aliarum ſubmoventur.

Et in Conventu Piſtenſi ſub Carolo Calvo, Can. 20. De ſalica uſu ſeculares homines vitam perdunt, inde Clerici Eccleſiaſticum gradum amittunt.

Minor probatur ex Can. 76. Concilii Eliberitani. Si quis, inquit, Diaconum ſe permiſerit ordinari, & poſtea fuerit detectus in crimine mortis quod aliquando commiſerit; ſi ſpontè fuerit confeſſus, placuit eum, aſſa legitima penitentia, poſt triennium accipere communionem. Quòd ſi alius eum detexerit, poſt quinquentium, aſſa penitentia, accipere laicam communionem.

Ex Can. 9. Concilii Neocaſarienſis. Si Presbyter, inquit, qui corpore prius peccaverat, promotus fuerit, & ſe ante ordinationem peccaſſe confeſſus fuerit, ne offerat manens in aliis propter aliud eius bonæ vitæ ſtudium &c.

Idem colligitur ex Can. 10. Concilii Nicæni. Quicumque, ait, ex iis qui laſi ſunt, vel per ignorantiam, vel ſcientibus iis qui promoverunt, ordinati ſunt, hoc Eccleſiaſtico Canon non præiudicat: ii enim cogniti deponuntur.

Idem quoque ex Can. 4. Concilii Valentini, cuius occasione refertur Decretum Concilii Toletani X. de Potamio Bracarenſi Episcopo qui propter occultum crimen deſiſtus eſt.

Denique idem patet ex S. Proſpero, L. 2. de vitâ contemplativa c. 7. Hi, inquit, qui in aliquo gradu Eccleſiaſtico conſtituti aliquod occultè crimen admittunt, ipſe ſe vana perſuaſione decipiunt, ſi eis videtur propterea communicari & officium ſuum implere debere, quòd homines occultatione ſui criminis fallunt. Exceptis enim peccatis, quæ tam parva ſunt ut caveri non poſſint, pro quibus expiandis quotidie Deo clamamus, & dicimur, Dimitte nobis &c. illa crimina carveantur, quæ publicata ſuos auctores faciunt humano damnari iudicio.

Reſp. 1. nego maj. quia nec Concilium Rothomagenſe, nec Conventus Piſtenſis, quorum laudatur auctoritas, ajunt Laicos ad penitentiam damnari, propter illa crimina propter quæ Clerici deponuntur: imò potius ajunt, propter ea ipſa crimina deponi Clericos, propter quæ Laici excommunicantur: atqui Laici non excommunicantur propter peccata omnino occulta; ergo nec Clerici propter eadem deponuntur. Unde:

Reſp. 2. nego min. Ea quippè Clericorum peccata, de quibus citati Canones, planè occulta non ſupponuntur, ſed talia ſunt, ut probari poſſint, quinam ex Clericis illorum rei fuerint, ſive ex aliorum teſtimonio, ſive propria & ſpontanea Clericorum illorum confeſſione. Canon Eliberitanus loquitur de crimine Diaconi, quod aliquis detexerit. Huiusmodi ergo erat ut poſſet detegi; non igitur planè ſecretum erat ac occultum. Canon Neocaſarienſis agit de crimine, quod ſpontè Presbyter confeſſus eſt, quod ſi occultum planè remanſerit, nec illius reus convinci poſſit, jubet Canon ut in ſuo gradu permaneat. Quòd ſi, inquit, ipſe (Presbyter) de ſe non fuerit confeſſus, & argui manifeſtè nequivit, poteſtatis ſuæ iudicio relinquatur. Canon pariter Nicænus agit de crimine cognito; Concilium autem Valentinum de crimine occulto quidem Potamii Episcopi, ſed quod ipſe publicum fecerat per Epistolam, & propter quod ſpontè penitentia publica ſe ſubjecit. S. Proſper vult quidem Clericos qui occultorum peccatorum mortalium rei

sunt, spontè & in foro conscientia debere abstinere ab officio suo & à sacra communione; non enim licitum est cum conscientia peccati alicujus mortalitatis, aut Ordinis sacri munia exercere, aut sacra mensa assidere: verùm sanctus Doctor non ait, ejusmodi Clericos per sententiam Judicis Ecclesiastici & in foro externo suspendendos esse à functionibus sui Ordinis, frustra igitur nobis hic opponitur.

Pagina 117. B. Objicies 2. Si occultorum peccatorum rei poenitentia publica ex præscripto Canonum subijciendi olim non fuissent, ad quid illi prætextus pudoris, verecundia, timoris, fortunæ, quibus illi ab agenda poenitentia retrahebantur, quam, ut loquitur Tertullianus L. de Poenitentia c. 10. *ut sui publicationem refugiebant?* Quorum tot vehementes SS. Patrum conciones, quibus ejusmodi occultos peccatores adhortantur, ut præpostero illo pudore ac timore deposito, audacter prodeant in conspectum Ecclesiæ? Nec illis profectò peccatorum excusationibus, nec adhortationibus SS. Patrum locus fuisset, si non supponatur communem tunc temporis fuisse usum Ecclesiæ, ut peccatores occulti publica damnarentur poenitentia.

Ita porro passim Veteres.

Pagina 117. B. Tertullianus de Poenit. c. 10. *Plerosque, inquit, hoc opus, ut publicationem sui aut suffugere, aut de die in diem differre præsumo, pudoris magis memores quam salutis: Veluti illi qui in partibus verecundioribus corporis contracta vexatione, conscientiam medentium vitant, & ita cum erubescencia sua pereunt.*

Ta. 2. p. 434. E. f. S. Ambrosius L. 2. de Poenit. c. 9. *Plerique, inquit, futuri supplicii metu peccatorum suorum conscii, poenitentiam petunt; & cum acceperunt, publica publicationis vocantur pudore. Et cap. 10. An testes precatonis & conscios refugis, cum si homini satisfaciendum sit, multos necesse est ambias, obsecres ut dignentur intervenire? ... Hoc ergo in Ecclesia facere fastidis, ut Deo supplices, ut patrocini tibi ad Deum obsecrandum sancta plebs requiras, ubi nihil est quod pudori esse debeat, nisi non fieri.* Similia passim legere est apud SS. Pacianum & Eligium.

Resp. 1. peccatores illos planè occultos non fuisse, sed aliqua via cognitos & apertos, quamquam nec delatos ad Judicem Ecclesiasticum, nec reos convictos. Prætextus verò quos illi obtendebant, ut publicam refugerent poenitentiam, rectè non probant occultum planè fuisse eorum crimen: quamquam enim multis cognitum supponatur, non tamen toti Ecclesiæ innotescebat; atque inde pudor ac verecundia qua prohibebantur ne in conspectu totius Ecclesiæ poenitentiam agentes crimen apertè proderent. Præterea verò ex illo pudore & verecundia malè inferitur publicam fuisse poenitentiam quam illi peccatores refugiebant: nonne multos etiamnum verecundia & pudor detinet, ne secretò etiam & in aurem Sacerdotis confiteantur?

Resp. 2. SS. Patres meritò ad poenitentiam publicam hortari peccatores graviorum criminum, quamquam occultorum, reos, pro usu & disciplina suo tempore recepta; quòd nempè persuasum haberent, efficacius esse illud poenitentia genus, tum expiandis præteritis peccatis, tum novis præcavendis. At inde inferre poenitentiam hujusmodi Ecclesiastica lege necessariò subeundam fuisse pro peccatis etiam occultis, perinde est ac si quis inferret, observantiam consiliorum planè necessariam esse ad salutem, quia Concionatores sacri ad eam Fideles quantum possunt incitant & adhor.

adhortantur. Accedit quòd SS. Patres plerumque in citatis locis & aliis hujusmodi, simpliciter adhortantur peccatores ad penitentiam ministerio claviu Ecclesiae peragendam, quæ certè penitentia omnino necessaria est, non tantum pro gravioribus & publicis, sed etiam pro omnibus plane mortalibus delictis.

Institabz 1. S. Ambrosius L. 1. de Penit. cap. 16. de occultis peccatis penitentiz publicæ subditis loquitur. *Si quis igitur, inquit, ocella crimina habens, propter Christum tamen studiosè penitentiam egerit . . . Volo veniam reus speret, & petat eam lachrymis, petat gemitibus, petat populi totius fletibus; ut ignoscatur, obsecret; & cum secundo & tertio dilata fuerit ejus communitio, credat remissius se supplicasse.* Ta. 2. p. 414. A.

Resp. ex adducto S. Ambrosii testimonio hoc unum inferri dumtaxat posse, scilicet occultos peccatores sponte & ex majoris pietatis sensu, seu, ut loquitur sanctus Doctor, *studiosè propter Christum*, aliquando publicam subisse penitentiam; imò & ad illam in foro conscientiz ex consilio vel præcepto Sacerdotis interdum adductos fuisse, ultro concedimus: at vi Canonum & Ecclesiastica lege huic obstrictos necessariò fuisse, negamus; neque contrarium evincit quod ait sanctus Doctor, *Volo veniam reus speret, & petat eam lachrymis &c.* Istud enim, volo, refertur ad id quod directè & data opera eo in Libro demonstrandum suscepit adversus Novatianos, nempe veniam penitentia sanctis concedendam esse, atque frustra dari penitentiam, quæ caret spe veniæ. Non verò refertur ad penitentiam publicam, quasi peccata occulta necessariò huic esse subijcienda statuerit sanctus Doctor; alias sequeretur omnia prorsus mortalia eidem penæ fuisse addicta, quod ipsemet negat Morinus.

Institabz 2. S. Augustinus Serm. 392. aliàs Hom. 49. inter 50. conceptis verbis asserit non sufficere occultam penitentiam pro adulterio secreto. *Qui, inquit, post uxores vestras vos illicito concubitu maculastis . . . agite penitentiam, qualis agitur in Ecclesia, ut pro vobis oret Ecclesia. Nemo sibi dicat, Occultè ago, apud Deum ago; novis Deus qui mihi ignoscat, quia in corde ago . . . Frustramus Evangelium Dei, frustramus verba Christi.* Ta. 5. p. 1504. E.

Resp. nego ant. Sanctus enim Doctor eò loci non agit de penitentia quatenus publica, vel secreta est, sed generatim de illa, quæ virtute claviu in Ecclesia peragitur: eos scilicet impugnat, qui putabant filii satis esse, sicoram Deo & in occulto penitentiam agerent, prætermisso Ecclesiæ ministerio. Ergo, rectè concludit sanctus Doctor citato in loco, *sine causa dictum est, quæ solveritis in terra, soluta erunt in Cælo. Ergo sine causa sunt claves date Ecclesie Dei? Frustramus Evangelium &c.* Ibid.

Obijcies 3. Innocentium I. in Epistola 2. ad Victricium Rothomagensem cap. 12. ubi occultum peccatum eidem penæ publicæ subijcit, cui publicum. *Quæ Christo, inquit, spiritualiter nupserunt, & velari à Sacerdote meruerunt; si postea vel publicè corruperint, vel se clanculo corruperint, non eas admittendas esse ad agendam penitentiam, nisi it, cui se iunxerant, de sæculo recesserint. Evidens est, inquit Morinus L. 5. c. 10. n. 7. Innocentio sermonem esse de penitentia publica, cum de crimine publico, nuptiis scilicet inceffis agat . . .* Tom. 2. Conc. 4. 1252. D.

atqui tamen eadem ratione agendum esse statuit cum Monialibus quæ se clanculo corruperint.

Resp.

Resp. 1. summam responsionis Innocentii non spectare modum poenitentiae, an publica, an secreta esse deberet, sed simpliciter ipsam poenitentiam, ad quam agendam ejusmodi Moniales matrimonio conjunctas admitti prius non debere mandat, quam è vivis excesserit is cum quo fuerant conjunctae. Interrogatus scilicet fuerat à Vidricio, an quando Moniales illae secreto corruptae fuerant, expectanda foret mors consilii criminis, ut illae ad poenitentiam admitterentur, sicut expectatur, cum publica nuptiarum figura cohonestatae fuerant: & respondet S. Pontifex, in utraque corruptionis specie mortem complicitis expectandam esse.

Resp. 2. Et si daremus loqui S. Pontificem de poenitentia publica, non tamen concederemus crimen illarum Monialium, quas ait clanculo corruptas, omnino fuisse occultum. Ex ipso etenim contextu patet, Moniales illas clam nupsisse quidem, hoc est, non observatis Ecclesiae ceremoniis: nuptiae autem illae, quamquam hoc sensu clandestinae forent, prout nempe opponuntur matrimonio in facie Ecclesiae contrafacto, non tamen penitus occultae erant, sed multis cognitae; adeoque non sine scandalo & offensione publica, & idcirco obnoxiae legi poenitentiae publicae.

Objicies 4. Cum aetate S. Leonis irrepressisset abusus publicè confitendi peccata occulta, repressit quidem S. Pontifex abusum illum confessionis publicae, Epistola 136. aliàs 80. at intactum & integrum servavit usum poenitentiae publicae pro peccatis occultis.

Resp. S. Leonem de una dumtaxat confessione publica peccati occulti egisse, de hac quippe una agebatur; de poenitentia verò publica peccatoribus omnino occultis imponenda vel non imponenda, silet S. Pontifex: quamquam ratio quam adducit ibidem, ut improbet confessionem publicam peccati occulti, adversum ipsammet poenitentiam publicam pro iisdem occultis peccatis contorqueri non immerito potest. Hae porro rationes sunt, quod nimium multi à poenitentia remediis arcentur, dum aut erubescunt, aut metuunt inimicis suis sua fastidire ferari, quibus possunt legum severitate percelli... Tunc enim demum plures, ait ibid. S. Leo, ad poenitentiam poterunt provocari, si populi auribus, non publicetur conscientia confitentis.

Quae Morinus L. 5. de Poenitentia cap. 10. opponit ex SS. Isidoro & Eligio, & cap. 12. ex Tertulliano & S. Paciano, & cap. 13. ex S. Cypriano, & cap. 14. ex Origene, si attentè considerentur, hoc unum demonstrant, quod verum est, de omnibus planè mortalibus agendam esse veram ac sinceram poenitentiam, eaque clavibus Ecclesiae subijcienda esse, ut à Deo condonentur: poenitentiam verò illam semper esse debere publicam non affirmant citati Scriptores, sed pro conditione delictorum, modò publicam, modò secretam esse, prout prudens judicaverit Sacerdos; aliàs ex iisdem testimoniis efficeret, omnia indiscriminatim peccata mortalia poenitentiae publicae ex Canonum praescripto subiecta antiquitus fuisse, quod tamen negat ipse Morinus eodem L. 5. c. 1. & 2. & cap. 31. n. 2. Peccata mortalia minus gravis,

P. 144.
C.

inquit, eodem planè modo curabat, (Ecclesia) quo nunc universa ferè mortalia curare solet. Illorum enim peccatorum curatio Sacerdotis erat arbitrio commissa, nec à Canonibus in specie praecipita. Et infra: Peccatorum hoc genus, quantum diligenter legendo & inquirendo consequi potui, eodem planè modo ab Ecclesia curatum & punitum est, quo ab annis quadringentis ad hunc usque diem

diem omnia ferè mortalia peccata legimus ex Doctorum Scholasticorum preceptis, & Ecclesie approbata praxi curata fuisse. Ita Morinus,

ARTICULUS IV.

De personis penitentia publica olim obnoxii. An majores Clerici hac lege astricti aliquando fuerint.

LAICOS cujusunque dignitatis, etiam imperialis, penitentia publica lege adstrictos fuisse, cum exigebat peccatorum quæ commiserant, ratio, patet famosis exemplis Imperatorum Philippi, de quo Eusebius L. 6. Hist. c. 34. & Theodosii, de quo S. Ambrosius.

Clericos pariter inferiores, sicut & Monachos ac Moniales eandem subisse sortem ostendit Morinus L. 6. c. 13.

De folis igitur majoribus Clericis hic movetur controversia: atque ut statim omnis amoveatur equivocatio, monemus per penitentiam publicam nos non aliam intelligere, quam luctuosam illam ac solemnem, quæ in tertio præsertim gradu, quid dicebatur *substratio*, peragebatur, in quo penitentes cinere conspersi, induti sacco ac planè lugubri habitu, variis laboribus ac penis exercebantur in conspectu totius Ecclesie, frequent manu impositioni Episcoporum & Cleri substrati. Si quis alium modum penitentia publicæ hinc fingeret, à scopo nostræ quæstionis aberraret. Quapropter vana & inutilis nobis videtur distinctio nonnullorum, inter publicam penitentiam & manu impositionem, quique Clericos publicæ penitentia subji-ciunt, non impositioni manuum. Ut quid enim ab ista immunes illi fuissent, non verò ab altera? Siquidem quidquid de decoris ac verecundia, quidquid duri esse poterat, non ab impositione manuum, sed ab humili & abjecto substrationis, seu substratorum statu oriebatur.

Circa controversiam istam, quæ tota historica est, ac facti, ut dicitur, concordēs non sunt Theologi.

Morinus L. 4. c. 12. contendit tribus primis sæculis eandem fuisse Clericorum majorum, ac Laicorum conditionem in subeunda publica penitentia: post tertium verò sæculum, privatim & in secessu illos Clericos penitentiam egisse, relicta nihilominus libertate, ut qui vellent ex pietate ac religione, eam publicè peragerent.

E contra contendit Illustrissimus & doctissimus Albaspinæus, Observatione 6. & 7. in Optatum, ubi non aliam quàm depositionis poenam ac laicam communionem majoribus Clericis graviorum peccatorum reis, impositam fuisse ostendere conatur.

Sunt inter recentiores, quibus placet distinguere inter publicam penitentiam, & manus impositionem quæ frequenter fiebat supra penitentes: priori quidem, non verò posteriori obnoxios olim fuisse Clericos majores illi existimant. Cum Illustrissimo Albaspinæo sit

P. Alexander,
Ta. 9.
Hist. Eccl. dist.
ser. 11.
p. 441.

CONCLUSIO.

Nec tribus primis sæculis, nec sequentibus, majores Clerici poenitentiae publicae subditi fuere.

Probatur 1. argumento negativo, quia nempe nullum satis firmum profertur à Morino hujusce disciplinae ex veteribus monumentis argumentum.

Tom. 1.
Canc. p.
30. &
169.

Non 1. ex Canonibus Apostolicis 28. 29. & 61. siquidem nulla in illis poenitentiae publicae Clericis injuncta occurrit mentio. Canon 28. deponit Episcopum & excommunicat, qui per pecunias dignitatem suam confectus est. Canon 29. segregat ac deponit Episcopum qui usus est saecularibus Principibus ut Ecclesiam obtineret: segregatio verò illa nihil erat aliud præter depositionem ab officio, & laicam communionem ad quam mandabantur qui depositi fuerant Episcopi. Denique Canon 61. ait quidem Clericum, qui Christum ex timore mortis negavit, deponendum esse, & postquam poenitentiam egerit ut laicum recipiendum; verum non ait poenitentiam illam esse laicam atque solennem quae publice in Ecclesia peragebatur. Adde Canones illos falso Apostolis adscribi.

15. p.
978. D.

Non 2. ex Canone 76. Concilii Eliberitani. Namque 1. observat Illustrissimus Albaspinaeus, in Concilio Eliberitano, Ancyrano, Neocaesariensi & aliis antiquioribus, nullam planè fieri mentionem Episcoporum & Presbyterorum, ubi de imponenda poenitentia publica. 2. citatus Canon loquitur dumtaxat de Diaconis: at conscribi non immerito potest, vel eos ab illa Synodo annumeratos non fuisse inter Clericos majores, vel à privilegio Episcoporum & Presbyterorum exclusos illos fuisse. 3. citatus Canon ait quidem, Diaconum, qui sponte crimen est confessus, acta legitima poenitentia debere post triennium accipere communionem; at poenitentiam illam publicam esse, non ait. Nec refert quòd Canon non distinguat: namque usus ipse ac praxis recepta satis distinguebat.

164. p.
973. A.

Non ex Canone 20. ejusdem Synodi, ubi de Clerico usurario dicitur: *Placuit eum degradari & abstinere*. Namque istud *abstinere*, vel non innuit penam distinctam à degradatione, vel solam ad tempus privationem Eucharistiae.

Non ex historia Natalis Episcopi, qui poenitentis habitu sese ad pedes Zephirini Pontificis abiecit apud Eusebium L. 5. Hist. cap. ultimo. Namque nulla Ecclesiastica lege atque sententia compulsus, id fecit, sed ex summo pietatis ardore, & instinctu planè celesti, ut ex tota narrationis serie facile intelligitur: quæ verò Deo sic inspirante ac singulariter movente fiunt, in jus ac legis necessitatem trahi non possunt.

P. 122.
D.

Non ex Tertulliano L. de Poenitentia cap. 4. ubi suo exemplo ceteros ad poenitentiam, quam describit, invitat & adhortatur: *Eam, inquit, tu peccator mei similis, imò me minor . . . Ita invade, ita amplexare, ut naufragus alicujus tabula fidem*. Namque non constat Tertullianum, qui Presbyter erat, publicam ex Canone poenitentiam egisse: ad poenitentiam igitur alios suo exemplo generatim invitat & adhortatur, quam omnino necessariam esse ostendit lapsis post Baptismum.

Non

Non ex Epistolis S. Cypriani 19. 52. 59. 64. & 68.

Epistola 19. interrogatus à Caldonio utrum lapsi qui sacrificaverant, sed penitentiam egerant, & Christum subinde constanter confessi fuerant, admittendi forent ad pacem, responderet eos omnes, *cum maculam primam posteriori virtute deleverint, jacere ultra sub disbolo prostratos non debere*: quibus verbis alludit haud dubiè sanctus Doctor ad publicam penitentiam, in qua penitentes prostrati jacebant humili & abjecto habitu; atque in gràtiam confessionis eorum, & lapsorum, censet remittendam ipsis esse publicam penitentiam, cui subijciendi fuissent, *si priorem maculam posteriore virtute non delevisent*. Porro inter illos lapsos erat Felix, qui referente Caldonio in sua ad S. Cyprianum Epistola, *Presbyterium sub Decimo administrabat*: nulla verò facta illius Presbyteri à ceteris distinctione pronuntiat sanctus Doctor, eos omnes non debere amplius substratos jacere; ergo censet eos omnes debuisse jacere substratos, nisi priorem maculam posteriore virtute delevisent.

Verùm quis fuerit ille Felix, an simplex Laicus, an Presbyter, incertum planè est. Neque enim conveniunt eruditi de sensu horum verborum, *Presbyterium administrabat*. Alii volunt idem esse ac Vicarii partes agebat; alii, Presbyteris administrabat; alii, quod serè in idem recidit, totius Presbyterii velut scriba & notarius erat, seu aliquod ejusmodi temporale ministerium toti Presbyterorum collegio impendebat. Ex sensu autem verborum illorum planè dubio & incerto, nihil videtur firmum ac certum erui posse.

Epistola 52. ait quidem Trophymum redeuntem ad Ecclesiam susceptum, & exauditas ejus preces, eo quòd multos secum reduxisset: at impositam ipsi fuisse penitentiam publicam minimè affirmat S. Cyprianus; imò verò impositam non fuisse subindicat, cum ait eum *admissum ut laicum*, id est communionem laicam donatum. Idem planè refert Cornelius S. Pontifex in sua ad Fabium Epistola, de altero quodam Episcopo, *qui stibiliter*, inquit, *lamentatus & exomologesim patefaciens, universo populo pro eo rogante in communionem ut laicus receptus est*. Porro depositio ac communio laica in Clericis locum tenebat penitentia publicæ: propter quæ enim crimina Laici ad penitentiam amandabantur, Clerici deponabantur & in sortem laicorum redegebantur.

Epistola 59. conqueritur de Therapio, eo quòd Victori Presbytero, antequam penitentiam plenam egisset, & Domino Deo in quem deliquerat satisfecisset, temerè pacem restituisset: at plenam illam penitentiam fuisse publicam & solemnem Laicis communem, non asserit S. Cyprianus.

Epistola 64. non aliud de Fortunatiano dicit, quàm quòd post gravem ejus lapsum, non debuisset Episcopatum retinere, sed potius per lachrymas & orationes satisfacere: verùm quid inde pro penitentia publica Clericis olim ex lege ac præscripto Canonum imposita? nihil profectò.

Denique Epistola 68. non alius est sensus quàm 52. jam expositus: ait enim tantum, Basilidem Episcopum deposito Episcopatu, ad penitentiam conversum, satis sibi gratulari, si vellaica communionem frueretur: quæ sanè verba significant non aliam quàm depositionis & laicæ communionis penam illi Episcopo impositam fuisse.

Quæ ex Optato, Concilio Arelatenfì II. cap. 29. & Aurelianensì I. Can. 72. & ex S. Prospero L. 2. de vita contemplativa c. 7. congerit hic Morinus, viden-

videntur extraneum esse: testimonia enim hæc auctorum sunt qui post tertium sæculum vixere, quo tempore non amplius Clericis maioribus impositam fuisse poenitentiam publicam fatetur vel ipse Morinus, nisi forte animo pietatis eam ipsi exposulassent, quod unum ex mox citatis auctoribus inferri potest.

Probatur 2. argumento positivo.

Ex Optato Milevitano L. 2. contra Donatistas, ubi inter cætera eos graviter reprehendit, quod rem hæcenus in Ecclesia inusitatam ac planè insolentem perfectissent, nempe quod Episcopos & Presbyteros publicæ poenitentia addixissent. *A vobis*, inquit n. 26. *occisi sunt in honoribus Dei Sacerdotes. Multis notum est & probatum, persecutionis tempore Episcopos aliquos, inertia à confessione nominis Dei delapsos iburificasse, & tamen nullus eorum qui evaserunt, aut manum lapsis imposuit, aut ut genua figerent, imperavit. Et scitis vos hodie post unitatem, quod à nullo factum est post iburificationem.* Audis à nullo factum est? Teste igitur Optato, Scriptore quarti

P. 47.

Fl. an.
370.

sæculi, nullus ad suamque ætatem Clericos majores ad poenitentiam publicam adegerat.

P. 10.

Et L. 1. n. 24. refert Melchiadis S. Pontificis, & octodecim Episcoporum sententiam, qua proscriptus est Donatus eo quod confessus esset, *se rebaptisasse, & Episcopis lapsis manum imposuisse, quod alienum est ab Ecclesia.*

Hanc porro manus impositionem non tantum ordinatoriam fuisse, sed etiam in poenitentiam, ostendit Albaspinus Observatione 6. in Optatum; tum quia Donatistas arguit Optatus, quod Clericos poenitentia publicæ addixissent; tum quia cum Donatistæ Cæciliano criminis verterent, quod Ordinationem accepisset à traditore Librorum sacrorum, & ipse Cæcilianus ad retundendam calumniam, subicere se voluisset secundæ Ordinationi, Purpureus Donatista, *solita malitia fretus*, ait Optatus Lib. 1. exclamavit: *Exeat huc quasi imponatur illi manus in Episcopatu, & quassetur illi caput de poenitentia.*

P. 16.

Ta. 1.
P. 407.

Idem habemus ex S. Leone Epistola 2. aliàs 92. ubi sic loquitur: *Alienum est à consuetudine Ecclesiastica, ut qui in Presbyterali honore, aut in Diaconii gradu fuerint consecrati, ii pro crimine aliquo suo, per manus impositionem remedium accipiant poenitendi: quod sine dubio ex Apostolica traditione descendit. . . Huiusmodi lapsis, ad promerendam misericordiam Dei, privata est expetenda secessio, ubi illis satisfactio, si fuerit digna, sit etiam fructuosa.* Teste igitur S. Leone, alienum est à consuetudine Ecclesiastica, & contrarium Apostolicæ traditioni, ut majores Clerici cogantur ad publicam poenitentiam. Quis autem credat per tria sæcula Ecclesiam id observasse?

S. Hieronymus Epistola 93. aliàs 48. Sabino Diacono virginum corruptore consulit, ut poenitentiam agat in Monasterio, non in conspectu totius Ecclesiæ simul cum Laicis. *Hortatus sum*, inquit, *ut ageres poenitentiam, & in cilicio & cinere volutaberis, ut solitudinem peteres, ut viveres in Monasterio, ut Dei misericordiam fugibus lacrymis implorares.*

T. 4. p. 2.
P. 758.

S. Augustinus Lib. 1. de Baptismo contra Donatistas c. 2. testatur etiam Clericis ad Ecclesiam, ex qua defecerant, redeuntibus, *manus inter Laicos*

T. 9. p. non imponi.

Bo. B. C.

S. Prosper L. 3. de vita contemplativa c. 7. ait quidem, nonnullos Clericos sponte

sponte & animo pietatis excommunicationis *sententiam in seipso ferre*, & ab officio *segregatos vitam tanquam mortuam separatos agere*: sed non ait, eos lege Ecclesiastica coactos ad publicam poenitentiam.

Concilium Carthaginense V. an. 398. Can. 11. sic statuit. *Confirmatum est, Te. 2. ut si quando Presbyteri vel Diaconi in aliqua gravius culpa convicti fuerint, quos Conc. p. eos à ministerio necesse fuerit removeri, non eis manus, tanquam poenitentibus, vel 1217. C. tanquam fidelibus, Laicis, imponatur.*

Idem colligere est ex Concilio Toletano IV. Can. 29. ann. 633. Tam constans fuit & ubique recepta hæc Ecclesiæ disciplina, ut dispensatione vel Tom. 2. luti ac speciali decreto opus fuerit, ad publicam poenitentiam non denegandam Clericis eam ex pietatis sensu expositulantibus. Eò unicè tendunt Can. 4. Concilii I. Arausiaci an. 441. Concilium Arelatense II an. 457. Canon 12. Concilii primi Aurelianensis ann. 511. Canon 10. Concilii Toletani XIII. occasione Gaudentii Valerientis Episcopi; S. Prosper L. 2. de vita contemplativa c. 7. Burchardus c. 57. Conc. p. 1714.

Nonnullas congruentes rationes ex gradu & dignitate majorum Clericorum proponit Albaspinus Observatione 6. in Optatum, quæ eo facilius hic omittimus, quod attendenti statim occurrant.

Dices. Felix III. S. Pontifex qui viginti duobus annis sedit post S. Leonem, Epistola 7. convenientem & quidem publicam imponit poenitentiam Presbyteris & Diaconis qui se rebaptisari permiserunt, *Quos, inquit, in poenitentia (si respiciunt) facere conveniet usque ad diem sui exitus.*

Resp. nego. ant. Poenitentia quippe illa privata fuit, non publica. Patet 1. ex oppositione illius cum poenitentia minorum Clericorum & Monachorum, quam per gradus singulos distinctam esse debere, adeoque & publicam ibidem præscribit S. Pontifex. Patet 2. ex verbis illius, *Quia, inquit, Dominus atque Salvator clementissimus est, & neminem vult perire, usque ad exitum sui diem in poenitentia (si respiciunt) facere conveniet; nec orationi non modo Fidelium, sed ne Catechumenorum omnimodis interesse, quibus communio laica tantum in morte reddenda est. Quam rem diligentius explorare vel facere probatissimi Sacerdotis cura debet.* En qualem poenitentiam imponit S. Pontifex Clericis maioribus, quam nempe sub oculis probatissimi Sacerdotis adimpleant, non publicè & in conspectu Ecclesiæ totius. To. 4. Conc. p. 1076. C. Ibid.

ARTICULUS V.

De unitate poenitentia publica.

Duplex esse potest propositæ quæstionis sensus.

I. an qui post actam semel de gravius peccatis poenitentiam, si in alia mortalia quidem, sed non ita gravia incidissent, admitterentur ad poenitentiam secretò perficiendam.

II. an qui post publicam poenitentiam, in eadem, aut etiam graviora incidissent peccata, iterum publica aut saltem secreta poenitentia purgantur.

Negat Morinus Lib. 5. c. 27. 28. & 29. *Antiqui vero Scholastici*, ait cap. P. 317. 29. n. 4. (quibus nonnulli & recentioribus suffragantur) *primæ Ecclesiæ præ. A.*

xim ex usu temporis sui metientes, docuerunt.... antiquitus crimina post actam publicè poenitentiam iterantibus, non esse quidem per aliam publicam poenitentiam subeuntum, sed per privatam. Quia autem crimen iteratum vel propter solam iterationem gravior est, ideo dicebant opera laboriosa in hac privata poenitentia impositione difficiliora & duriora, quam in poenitentia publica esse iniungenda.

PRIMA CONCLUSIO.

Qui publica poenitentia propter gravissima peccata perfuncti, in alia mortalia quidem, sed minus gravia incidebant, secreta poenitentia expiabantur.

Probat. Quia ex dictis, sola peccata canonica ex præscripto Canonum obnoxia fuere poenitentia publicæ; ergo alia mortalia secreta poenitentia expiabantur. Eadem porro videtur esse conditio peccatorum illorum, sive antecederent, sive sequerentur publicam de gravioribus peccatis jam adimpletam poenitentiam; ergo iis qui post actam de gravioribus seu canonicis peccatis poenitentiam, in alia non ita gravia labeantur, secreta imponebatur poenitentia.

SECUNDA CONCLUSIO.

Publica poenitentia semel tantum olim concedebatur: qui verò post illam semel adimpletam in eadem, aut etiam graviora peccata incidebant, non omnino desperati, & ab omni spe veniæ dejecti jacebant, sed toto vitæ suæ tempore à sacra mensa exclusi, secreta poenitentia castigabantur, & in fine tantum veniam & absolutionem obtinebant.

P. 123. Prima pars Conclusionis multis Veterum testimoniis demonstratur à Morino.

Ex Tertulliano L. de Poenit. cap. 5. *Hoc dico, inquit, poenitentiam que per Dei gratiam offensa & indicta nobis, in gratiam nos Domino revocat, semel cognitam atque susceptam, nunquam post hac iteratione delicti resignare oportere.*

P. 126. Idem repetit cap. 7. verba superius laudavimus ad Questionem 7. Art. 3. in responsione ad Objectiones Conclusionis primæ, ubi quo sensu unam dixerit & semel subeundam poenitentiam Tertullianus, exposuimus.

T. 1. p. 436. D. Ex S. Ambrosio L. 2. de Poenit. c. 10. *Merito, inquit, reprehenduntur qui sæpius agendam poenitentiam putant, quia luxuriantur in Christo. Nam si verè agerent poenitentiam, iterandam postea non putarent, quia sicut unum Baptisma, ita una Poenitentia, quæ tamen publicè agitur: nam quotidiani nos debet poenitere peccati &c.*

T. 1. p. 109. D. Ex Origene Hom. 15. in caput 25. Levitici. *In gravioribus criminibus, inquit, semel tantum, vel rarò poenitentia locus conceditur.* Sulpicantur multi, particulam hanc, rarò, irrepsisse aliena manu in textum Origenis, quia in Manuscriptis octingentorum & sexcentorum annorum non extat, & à Magistro L. 4. dist. 14. textus idem sine illa particula legitur.

T. 2. p. 326. C. Ex S. Augustino Epistola 153. aliàs 54. ad Macedonum. *In tantum hominum aliquando iniquitas progreditur, ait, ut etiam post actam poenitentiam, post*

post altaris reconciliationem, vel similia vel graviora committat. Et quamvis eis in Ecclesia locus humilissima penitentia non concedatur, Deus tamen super eos sue patientie non obliviscitur. Et infra. Quamvis ergo caute salubriterque provisum sit, ut locus illius humilissima penitentia semel in Ecclesia concedatur, ne medicina valis minus utilis esset egrotis, qua tantò magis salubris est, quanto minus contemptibilis fuerit; quis tamen audeant dicere Deo: Quare huic hominì, qui post primam penitentiam rursus se laqueis iniquitatis obstrinxit, adhuc iterum parcia?

Secunda pars probatur.

1. ex S. Augustino mox citata Epistola, ubi ex professo refellit eos qui ex denegata ulteriori penitentia publica iterum reis graviorum criminum, interebant aut ipsis desperandum esse, aut laxandam ad omne facinus licentiam. *Aut date nobis, inquit apud S. Doctorem, iterum penitendi locum, aut nos desperatos permittite, ut faciamus quicquid libuerit.* Docet ibi sanctus Doctor, Deum super ejusmodi homines patientie suae non oblivisci; docet bona penitentiae opera ipsis profutura. *Dicite, interrogabant iidem homines, utrum nobis aliquid prosit ad vitam futuram, si voluptatum blandimenta contempserimus. . . si ad castigandum corpus multa etiam licita negaverimus &c.* Quis nostrum ita desipuit, respondet S. Augustinus, ut his hominibus dicat, *Nihil ista vobis proderunt in posterum. . . Avertat Deus immanem sacrilegamque dementia.* Attendebat igitur Ecclesia ad penitentiam privatam illorum, quibus ad publicam amplius aditus non patebat; neque ab omni spe consequendae veniae exclusi jacebant, quamquam in fine dumtaxat vitae eam consequerentur.

Probatur 2. ex Siricio S. Pontifice Epistola 1. ad Himerium Tarraconensem Episcopum cap. 5. à quo consultus fuerat qua ratione agendum foret cum iis qui post actam penitentiam, tanquam canes ac lues ad vomitus pristinos & ad volutabra redeunt: sic respondet S. Pontifex. *De quibus, quia iam suffragium non habent penitendi, (nempe publicè) id duximus decernendum, ut sola intra Ecclesiam Fidelibus oratione iungantur, sacrae mysteriorum celebritati, quamvis non mereantur, intersint: à Dominica autem mensa convivio segregentur, ut hac saltem districtione correpti, & ipsi in se sua errata castigent, & aliis exemplum tribuant, quatenus ab obsecanis cupiditatibus retrahantur.* Quibus tamen (quoniam carnali fragilitate ceciderunt) Viatico munere cum ad Dominum ceperint proficisci, per communionis gratiam Volumus subveniri. *Quam formam & circa mulieres, quae se post penitentiam talibus pollutionibus devinxerunt, servandam esse censemus.* Tria sunt in isto Siricii decreto observanda. 1. ejusmodi relapsis non amplius apertum esse penitendi suffragium, (nempe publicè) de sola quippe ista solemni penitentia erat quaestio. 2. illos pro desperatis habendos non esse, sed debere eos in se sua errata castigare: en privata penitentia. 3. eos in fine vitae reconciliandos esse, quae tria nostra continet Conclusio.

Dices 1. cum Petavio in notis ad herefim 59. S. Epiphani: Si hujusmodi relapsis patuisset in Ecclesia locus secretae penitentiae, longè melior fuisset eorum conditio, quam aliorum, qui semel tantum lapsi fuerant; secreta enim illa penitentia levior ac mitior erat publica: atqui, inquit Petavius, nemo tam vecors erit, qui humanius cum illis actum putet, qui in eadem sepiùs incurrissent, quam cum iis qui semel ea commississent.

Tournely de Sacram. Penitentiae.

V

Resp.

Resp. nego sequelam antecedentis. Melior quidem fuisset eorum relapsio-
rum conditio, si post penitentiam certo temporis spatio definitam veniam
& absolutionem assecuti fuissent; at toto vitæ tempore penitentiam agere
illi tenebantur, à participatione sacre mensæ remoti, quod viro verè Chri-
stiano durissimum ac gravissimum certè videri debet, nec nisi in fine vitæ
sue veniam & absolutionem illi obtinebant. Loquitur verò Petavius in hy-
pothesi quam refellit, alicujus Scriptoris, qui putabat ejusmodi relapsis &
penitentiam & absolutionem concessam privatim fuisse, eo ferè modo quo
jam fit. Hanc hypothese[m] spectasse Petavium, suadent ejus verba. *Etenim,*
P. 238. *inquit, si graviorum delictorum consciis citra publicam illam, quam antea su-*
secepissent, penitentiam; emergere, & ad communionem pacemque reverti al-
terius ac private beneficio potuerint, nonne melior illorum, quam ceterorum
conditio fuit?

Dices 2. Si privata penitentia locus fuisset post publicam semel pera-
tam, ad quid objecto illa quam mox citata Epistola apud S. Augustinum
nonnulli proponunt?

Resp. ita objecisse viros illos rudes, sive quòd existimarent fieri non
posse ut sine publica penitentia venia peccatorum à Deo obtineatur;
vel quòd inutilem putarent privatam illam penitentiam, cujus tam tar-
dus erat fructus, quem nimirum nonnisi in fine vitæ assequi poterant.

Dices 3. Concilium Neocesarens[e] Can. 2. sic statuit: *Mulier si duobus*
Tam, 1. *fratribus nupserit, abiciatur usque ad mortem. Verumtamen in exitu, propter*
Conc. p. *miserordiam, si promiserit quòd facta incolumis, huius conjunctionis vincula*
1484. D. *dissolvat, fructum penitentia[m] consequatur.* Igitur ante vitæ exitum peniten-
tia illa non imponebatur.

Resp. penitentia[n] nomine integrum designari Sacramentum Penitentia[e],
praesertim verò prout veniam & absolutionem peccatorum continet, quæ
nonnisi in fine vitæ aliquibus in casibus ad rigorem disciplinae concedebatur.

Q U Æ S T I O N O N A.

De forma Sacramenti Penitentia, seu de absolutione.

Forma Sacramenti Penitentia postea est in verbis quibus Sacerdos ju-
ridicè penitentem absolvit à peccatis.

Tria circa formam Penitentia[e] seu absolutionem discutienda nobis
sunt capita.

Primum, utrum forma sacramentalis absolutionis deprecatoria vel ab-
soluta esse debeat; & qualis olim fuerit usurpata ab Ecclesia, sive Græ-
ca, sive Latina.

Secundum, utrum sacramentalis absolutio quorundam criminum reis
denegata olim fuerit, aut sit deneganda, vel saltem ad aliquod tem-
pus protrahenda.

Tertium nonnullas alias continet Scholasticorum dissolvendas quæstio-
nes circa sacramentalem absolutionem.

ARTICULUS PRIMUS.

Utrum forma sacramentalis absolutionis deprecatoria vel absoluta esse debeat; & qualis olim usurpata fuerit ab Ecclesia, tum Græca, tum Latina.

TRiplex potissimum modus est quo enuntiari potest & exprimi forma absolutionis: nempe vel modo deprecativo, *Quæsumus, Domine, absolue*: vel modo imperativo; *Absolvatur*, qui modus, ubi de ministro Sacramentorum agitur, ad deprecativum reducitur; neque enim homo Deo imperat: vel denique modo indicativo, *Absolute te*.

Duplex verò hic occurrit quæstio, una juris, altera facti.

Quæstio juris seu dogmatis est, an ex institutione Christi ac natura Sacramenti Pœnitentiæ, necesse sit formam absolutionis esse deprecatoriam, vel absolutam.

Quæstio facti est, qualem Ecclesia, tum Græca tum Latina, formam olim usurpaverit aut etiamnum usurpet, an deprecatoriam, an absolutam. Circa utramque quæstionem non consentiunt Theologi.

Circa primam, fuere tempore S. Thomæ, hoc est decimo sæculo, qui putabant formam absolutionis verbis indicativis prolatam, nullam planè esse, sed deprecatoriam illam esse oportere. Adversus illos scripsit S. Thomas Opusculum vigesimum secundum, ubi contendit formam illam debere esse indicativam & absolutam, quia scilicet alio modo exprimi non potest actus judicialis, qualis est absolutio; atque contrariam opinionem temerariam esse, præsumptuosam, ferè erroneam pronuntiat. Alii mediam veluti viam tenent, sentiuntque, ex institutione quidem Christi formam absolutionis actum esse judicalem, sed eam perinde exprimi posse contendunt verbis sive deprecatoriis, sive absolutis; atque Christum modum hunc non determinasse, sed Ecclesiæ suæ determinandum reliquisse, cujus proinde determinatio legis vim habet, quam violare sine periculo nullius & irriti Sacramenti, nemo potest. Ita sentiebat sæculo decimo tertio Franciscus Mayronis in 4. dist. 14. qu. 1. Ita Morinus Lib. 8. de Pœnit. cap. 8. ad quem videtur accedere Estius in 4. dist. 15. parag. 3.

Circa secundam, quæ facti est, quæstionem, non minor dissensio.

I. Sunt qui solam formam deprecativam ad annos aliquot supra millesimum viguisse asserunt. Ita referunt nonnulli apud S. Th. Opusculo 22. Ita Morinus L. 8. c. 8. & sequentibus. Ubi addit, ineunte sæculo duodecimo, formæ antiquæ deprecatoriæ additam absolutam; tandem ad ultimum sæculo tertio decimo indicativam ita prævaluisse, ut sola in usu fuerit. Cujus mutationis causam hanc fuisse suspicatur, quòd cum multi Theologi tunc temporis docerent hominem per contritionem perfectam prius justificari, quam absolvari à Sacerdote, convenientius visum fuit, si Sacerdos modo indicativo diceret, *Absolute te*, id est, juxta illos, *Declaro te absolutum*, quam modo deprecativo, *Deus te absolvat*; quippe pro re jam concessa Deus non rogatur, sed pro futura.

II. Alii è contra cum S. Thoma & cæteris Scholasticis, hac occupati sententia, actum judicalem, qualis est absolutio, non posse verbis deprecativis

validè pronuntiari, existimarunt formulam absolutionis semper fuisse indicativam: quamquam, ut ait Morinus, nullo id testimonio duodecimo sæculo antiquiore probare possent; imò & fateri cogerentur, sicut fatetur Goarius, in antiquis Ritualibus ac Libris Sacramentorum, non aliam, quàm deprecatoriam deprehendi.

III. itaque sentiunt alii, formam deprecatoriam obtinuisse in Ecclesia Latina usque ad duodecimum sæculum, quo ineunte indicativa adungi cepit deprecativa.

De usu quoque Ecclesie Græcæ antiquo & præsentī controversitur. Morinus Lib. 8. cap. 12. existimat usum formæ deprecatoriae semper fuisse, & etiamnum extare apud Græcos; ex altera tamen parte Arcudius Lib. 4. de Penit. c. 3. & cum ipso Goarius in notis ad Euchologium Græcorum p. 673. quamquam fateatur in antiquis & recentioribus Græcorum Ritualibus non aliam formam exprimi quàm deprecativam, semper nihilominus indicativam obtinuisse his verbis expressam, *Habeo te absolventem*, & etiamnum in usu esse, nonnullis recentiorum testimoniis ostendunt. His præmissis, sit

P R I M A C O N C L U S I O.

Forma sacramentalis absolutionis ex institutione Christi ac natura Sacramenti, debet esse actus Judicii: quibus autem verbis exprimi debeat, an deprecatoriis, an absolutis, sua institutione Christus non determinavit, sed Ecclesie suæ reliquit determinandum: unde perinde est ad substantiam Sacramenti, si vel deprecatoria, vel indicativa sit forma absolutionis, prout Ecclesie placuerit eam figere ac determinare, cujus determinationi omnino standum est ac obsequendum.

Prima pars Conclusionis probatur ex modo loquendi Christi, cùm Apostolis contulit ligandi & solvendi peccatores auctoritatem, Matth. 16. v. 19. *Quodcunque ligaveris super terram, erit ligatum & in cælis; & quodcunque solveris super terram, erit solutum & in cælis.* Joan. 20. v. 23. *Quorum remiseritis peccata, remittuntur eis; & quorum retinueritis, retenta sunt,* in quibus verbis tota Ecclesie Traditio intellexit contineri veram & juridicam auctoritatem dimittendi peccata. Unde merito Conc. Trid. Sess. 14. cap. 6. ait: *Quamvis absolutio Sacerdotis alieni beneficii sit dispensatio, tamen non est solum nudum ministerium vel annuntiandi Evangelium, vel declarandi remissa esse peccata, sed ad instar actus judicialis, quo ab ipso, velut à Judice, sententia pronuntiatur.* Et Cam. 9. *Si quis dixerit, absolutionem sacramentalem Sacerdotis non esse actum judiciale... anathema sit.* Plura de hoc ipso argumento jam diximus ad Quæstionem secundam hujus Tractatus, Art. 2.

Secunda pars ostenditur.

I. ex vario Ecclesie usu ac praxi; patebit enim ex dicendis hæc Conclusio tertiam, Ecclesiam modò deprecativa, modò absoluta absolutionis formulam usam fuisse: atqui si intellexisset alterutram à Christo Domino præscriptam ac determinatam fuisse, haud debè summa cura & religione illam constanter retinuisset, quemadmodum retinuit formam Baptismi & Eucharistiae, quam Christus expressè determinavit. Sua igitur praxi satis declaravit Ecclesia,

clesia, sibi à Christo datam libertatem determinandi verba quibus absolutionis formula enuntianda est.

II. Natura actus judicialis ex se ac necessario non exigit, praesertim in ministro Penitentiae, ut modo absoluto & indicativo exprimitur, ita ut deprecatorius planè sit insufficiens & invalidus. Namque 1. Sacerdos non propria neque suprema, sed precaria & ministeriali auctoritate iudicium exercet in tribunali Poenitentiae; adeoque tacitam saltem orationem fundit, qua divinam invocatur virtutem, ac precatur, ut ratum habeat quod ipse facit. 2. quia in pronuntianda excommunicatione actus iudicii pariter exercetur: at consentiunt omnes, posse illam aliis, quàm indicativis verbis pronuntiare. 3. ex eo præcisè quod Christus Apostolis eorumque successoribus dedit potestatem absolvendi à peccatis, necesse non sequitur potestatem hanc exerceri debere per verba absoluta & indicativa: siquidem Matth. 10. Marci 13. & Lucæ 10. dedit Christus iisdem Apostolis potestatem efficiendi spiritus immundos, infirmitates curandi &c. quæ omnia ferè semper deprecatori illi operabantur. 4. Arcudius ipse L. 4. de Penit. cap. 3. quamquam velit absolutionis formam sic à Christo institutam esse, ut deprecatoria nulla esse videatur, antea tamen agnoverat absolute valere posse talem formam. Quia, inquit, possemus sic ratiocinari: Qui deprecatur alteri culpam à supremo Iudice, sanè indicat se quidem quod ad se spectat, eam remittere, cupere verò, ut etiam summus Iudex idem velit facere, & idcirco deprecatur. Igitur potest fieri absolutio deprecative. . . . Qui enim dicit; Remitte ei, condona ei, non secus est; ac si diceret, Ego quidem remitto & ignosco delictis eius, sed maiestatem tuam etiam deprecor, ut per me velis Domine, remittere. Idem planè asserit Goarius in notis ad Euchologium. Forma, inquit, huius Sacramenti, etsi deprecativa, non excludit, imò continet actionem ministri, sicque ad indicativam potest reduci: quemadmodum & indicativa Dei misericordiam penitenti necessariam expostulat implicitè. Qui ergo dicit, Dimitte, condona, subintelligit, per me . . . Et infra: In prædictis orationibus iudiciaria quoque potestas exerceri à Sacerdote super penitente orante, satis significatur. Ita Goarius.

Et verò tunc Sacerdos actum iudicii exercet per absolutionem, quamquam modo deprecativo enuntiata, cum eam non pronuntiat, nisi iudicando absolvendum esse penitentem, suamque apud Deum ratam & acceptam fore orationem.

SECUNDA CONCLUSIO.

Forma sacramentalis absolutionis indicativa qua jamdudum utitur Occidentalis Ecclesia, his verbis exprimitur, *Ego te absolvo à peccatis tuis, in nomine Patris &c.* Hæc conveniens est, optima, sola apud nos essentialis & necessaria.

I. ea forma à quingentis ad minùs annis uti Latinam Ecclesiam probate videntur S. Thomas Opusculo 23. aliàs 22. c. 1. *Communis est consuetudo, inquit, talis forma utentium, cui aliquem contrariari non pareat presumptionis est.* Et cap. 2. *Magistros Parisienses communi sententia declarasse, absque his verbis, Ego te absolvo, absolutionem non esse per solam deprecativam orationem.* Tourneley de Sacram. Penitentiae.

Morin.
p. 529.

Mar-
rens, T.
2. p. 33.

Igitur ætate S. Thomæ vixit ista forma absolutionis indicativa: neque de illa tanquam usu recenti inducta loquitur; imò potius existimare videtur, nullam aliam unquam obtinuisse; in quo quidem factō facile fuit S. Doctorem falli, cum omnia non perlustrasset antiquorum monumenta, quorum copiam non habebat: inde saltem manifestum illud est, ætate ipsius formam hanc vulgatam ac communem fuisse. Nec verò dissimulat Morinus L. 8. c. 8. num. 1. se in uno aut altero antiquo Rituali formam hanc deprecativæ admixtam legisse. Addit recentior Scriptor eruditus, P. Martene Ordinis Benedictini, L. 1. de antiquis Ecclesiæ ritibus cap. 6. art. 5. in quatuor antiquitate planè venerandis Ritualibus manu scriptis formam hanc indicativam deprehendi, nempe in Pontificali Egberti Eboracensis Episcopi, literis saxonice per elegantem scripto; in Anglicano, cujus character non gentos circiter annos refert; in Cellonenſi vetustissimo, & Remensi S. Remigii literis longobardicis exarato: ex quibus non inferimus quidem, quod visum est S. Thomæ, Arcudio, Goario & aliis nonnullis, solam formam indicativam ex Traditione Christi promanasse, ac solam tanquam essentialē observatam fuisse; solis enim conjecturis id augurantur, nullo paxi testimonio quod duodecimum sæculum antecedit, ait Morinus loco mox citato: sed inde saltem efficiunt, jam ante S. Thomam cognitam & usurpatam fuisse formam indicativam, quæ tandem ita prævaluit, ut eam solam tanquam essentialē ac necessariam retinuerit Occidentalis Ecclesiæ.

Narrat enim Franciscus Mayronis, qui obiit an. 1325. in 4. dist. 14. q. 1. in Provincia Provinciæ nonnullos adhuc ætate sua deprecativæ formulæ absolutionis ulos fuisse, ac improbatos; & quamquam contendat auctor ille, absolute valere posse formam illam, quia tamen, inquit, sacramentalia sunt stricti iuris, ideo non debent immutari. Ulus ergo contrarius jam invaluerat versus medium sæculum decimum tertium.

T. 14.
Canc. p.
316. E.

P. 186.
col. 1. C.

Unde Concilium Trid. Sess. 14. cap. 3. ait. *Docet sancta Synodus, Sacramenti Pœnitentiæ formam in qua præcipue vis sita est, in illis ministris verbis positam esse, Ego te absolvo &c. quibus quidem de Ecclesiæ sanctæ more, preces quædam laudabiliter adiunguntur, ad ipsius tamen formæ essentialē nequaquam spectant, neque ad ipsius Sacramenti administrationem sunt necessaria.* Idem antea dixerat Concilium Florentinum in Decreto. Ad hanc Concilii auctoritatem non satis attendisse videtur Estius, cum in 4. dist. 14. paragr. 3. querens quid sentiendum sit de ista forma, *Deus te absolvat &c.* ait quidem multis insufficientem illam videri, cum sit tantum deprecatoria, quorum sententia securior est & revera probabilior, tamen si, addit ibi. *non nitatur irrefragabili ratione vel auctoritate.* Quæ enim, amabo, maior desiderari potest auctoritas, quàm Concilii Tridentini declarantis formam Sacramenti Pœnitentiæ positam esse in his verbis, *Ego te absolvo &c.* & preces ad ejus essentialē non pertinere?

II. formam indicativam convenientem esse & optimam nemo jurē negaverit, cum ad usum judicialis aptius exprimitur per formam absolutam, quàm per deprecatoriam. Sola igitur forma indicativa his verbis expressa, *Ego te absolvo &c.* apud nos essentialis est ac necessaria, à qua recedere nulli fas est, si Sacramentum ratum & validum perficere voluerit.

Quæ hic opponi possunt adversus modum illum absolutum & indicati-

vum

vum absolventi à peccatis, jam proposuimus & solvimus initio hujus Tractatus, cum ostendimus veram esse in Sacerdotibus auctoritatem, non tantum declarandi remissa esse peccata, sed ea verè remittendi.

Dices: Forma quæ ex Christi institutione invalida non est, non potest ab Ecclesia invalida reddi & nulla; nihil enim potest Ecclesia in substantiam Sacramentorum: atqui forma deprecatoria ex Christi institutione non est invalida, ex dictis; ergo &c.

Resp. dist. maj. Si Christus hanc Ecclesiæ suæ libertatem non reliquit, ut eligat quem judicaverit aptiorem modum exprimendi formam Sacramenti Poenitentiae, concedo. Si libertatem hanc Ecclesiæ reliquit, quæ certas quasdam apponere potest conditiones quibus inhabiles reddantur vel ministri, vel Fideles, ad dispensanda, vel recipienda Sacramenta, nego. Vide quæ ad simile argumentum supra respondimus, ubi de confessione per Litteras, & absolutione absentibus data disseruimus Conclusionem primam & tertiam. Appositè ad Objectionem hic propositam Morinus L. 8. c. 8. n. 2. ait, *non tantum Concilia aut Pontificum decreta leges absolventis peccatoribus præscribere posse, quarum prævaricatio irritam facit absolutionem; sed etiam id posse consuetudinem, Pontifice non improbante, secundum responsa prudentum legitime inductam.*

Quæres 1. quænam verba absolute sint essentialia in forma sacramentalis absolutionis; an ista sola, *Ego te absolvo*, an etiam quæ sequuntur, à peccatis tuis, in nomine Patris &c.

Resp. 1. Florentinum & Trid. Concilium, postquam declaravit formam Sacramenti Poenitentiae positam esse in istis verbis, *Ego te absolvo*, addere, &c. qua loquendi ratione non obscure significat, etiam alia quæ de more Ecclesiæ adjunguntur, ad illam pertinere; quamquam non definiat an sint essentialia vel non, de quibus disputant inter se Theologi.

Resp. 2. consentire maximam Theologorum partem, duo hæc dumtaxat verba esse essentialia, *te absolvo*. Namque 1. pronomen, *Ego*, sufficienter includitur in verbo, *absolvo*. 2. ista verba, à peccatis tuis, satis quoque determinata intelliguntur & per confessionem poenitentis, & per actionem ministri absolventis. 3. expressio seu invocatio SS. Trinitatis non videtur essentialis, cum nec ex verbis Christi, nec ex Traditione inferri possit ista necessitas. Non ita certè est in Baptismo: expressè quippè dixit Christus, *Ue baptizantes in nomine Patris, & Filii, & Spiritus sancti.*

Quæres 2. an valeret ista forma, *Ego tibi peccata tua dimitto.*

Respondet Estius valere: quia sicut dictum est, *Quodcumque solveritis*; ita dictum, *Quorum remisistis peccata*. Nihilominus S. Thomas docet, usitatum formam esse aptiorem, quia magis accommodata est verbis quibus Christus potestatem clavium Apostolis suis concessit Matth. 16. v. 18.

Quæres 3. quid sentiendum sit de istis formulis absolventi, *Remittuntur tibi peccata tua*; vel, *absolvaris seu absolvaris à me*, vel, *absolvatur talis*.

Respondet idem Estius in 4. dist. 14. parag. 3. vulgò Theologis ratas videri has absolventi formulas, quia necesse non est ut in isto Sacramento persona ministri verbo primæ personæ exprimat, sed sufficit, si actus ipsius judicialis enuntietur. Addit ibidem, ab omnibus hujus Sacramenti ministris diligenter observandum, ut in ejus administratione à laudabili consuetudine

sua Ecclesiae non recedant, atque imprimis abstineant ab additionibus superfluis, ineptis, vitiosis, aut erroris occasionem praebentibus.

T E R T I A C O N C L U S I O .

Forma deprecativa sacramentalis absolutionis fuit in usu apud Latinos usque ad saeculum duodecimum, quo ineunte forma indicativa deprecatoriae accessit; donec tandem adulto saeculo decimo tertio sola indicativa in Occidente prevaluit.

Cum praefens Conclusio tota sit de facto historico, non ratiociniis nec conjecturis, sed apertis testimoniis demonstrari debet, ac reipsa demonstratur a
 P. 519. Morino L. 8. c. 8. 9. 10. & 11. Quotquot, inquit ille c. 8. n. 1. haftenus legi, aut re-
 B. laudi auctori antiquitatis Ecclesiasticae monumenta, ad annum usque ducentimum su-
 pramilleimum, testantur formulam ordinariam absolutionis sive reconciliationis
 poenitentium fuisse deprecatoriam... Nonnulli Scholastici, pergit ibidem, antiqui
 ibid. C. & recentiores, hanc formulam rationibus scholasticis improbarunt, sed nullus mi-
 hi lectus est, qui improbationem auctoritate saeculo adnotato antiquiore fulciret.
 Recentiores ipsi, qui antiquae Patrum & Conciliorum lectioni prioribus diligentius
 incumbunt, licet aliquando generaliter & verbo tenuis praxis hodierna rationem
 praecipuam ab antiqua consuetudine repetant, id tamen dixisse contenti, nullo testi-
 monio demonstrant. Ita Morinus.

Probat autem primam Conclusionis partem

1. testimonii SS. Patrum qui affirmant poenitentes per orationes Sacerdotum
 absolvi. Ita sanctus Ambrosius L. 3. de Spiritu sancto c. 8. *Homines*, inquit, *in*
remissionem peccatorum ministerium suum exhibent, non ius alicuius potestatis
 T. 1. p. *exercent. Neque enim in suo, sed in Patris, & Filii, & Spiritus sancti nomine*
 691. F. *peccata dimittuntur. Ipsi rogant, divinitus donat.*

Sanctus Hieronymus in Psal. 28. ad ista verba, *Vox Domini intercedentis flam-*
 T. 1. p. *ma. Quotidie*, inquit, *in unoquoque nostrum flammam libidinis per confessionem, &*
 192. *gratiam Spiritus sancti intercedit; id est, per orationem Sacerdotis facti cessare.*

S. Augustinus L. 3. de Baptismo c. 6. *Manus impositio*, inquit, (quae supra pe-
 T. 9. p. *nitentes fieri solebat) non sicut Baptismus repeti non potest. Quid enim est aliud,*
 117. B. *nisi oratio super hominem?*

S. Leo Epist. 82. alias 91. *Indulgentia Dei*, inquit, *nisi supplicationibus Sacerdotum*
 T. 1. p. *nequit obtineri. Et postea. Multum utile ac necessarium est, ut peccatorum reatus ante*
 605. *ultimum diem Sacerdotali supplicatione solvatur. Plura vide apud Morinum.*

Probat 2. idem Morinus cap. 9. Lib. 8. testimoniis eorum qui duodeci-
 mo labente, vel decimo tertio ineunte saeculo vixere, quique sua aetate
 formulam absolutionis deprecatoriam fuisse referunt. Ita Scriptor quem re-
 fellit S. Thomas Opusculo 23. alias 22. *Vix annis triginta elapsi sunt*, inquit cap.
 T. 1. p. *5. citati Opusculi, cum omnes sola forma deprecatoria uterentur.* Cui S. Thomas
 453. col. *ibidem nihil aliud respondet praeter istud, cum nimirum de omnibus testi-*
 1. B. *monium perhibere non posse, qui omnes non vidit; sed certum esse, quoniam*
 ibid. C. *sunt mille ducenti anni & amplius, quod dictum est Petro, Quodcumque solveritis*
&c. Similiter eidem Scriptori obijcienti auctoritatem Guillelmi Altissiodo-
rensis, Guillelmi Parisiensis Episcopi, & Hugonis Cardinalis, reponit fun-
ctus

Etus Doctor cap. 2. sibi de eorum sententia non constare, *Sed & si*, pergit, *ita senserunt, numquid eorum opinio præjudicare poterit verbis Domini dicentis, Quodcunque solveris &c?* Numquid etiam si nunc viverent, præjudicare possent communi sententiae Magistrorum Parisiis regentium, qui contrarium sentiunt, decernentes absque his verbis, Ego te absolvo, absolutionem non esse per solam deprecativam orationem? Nid. p. 450. D.

Ex his patet S. Thomam absolutè factum non negasse, ex quo arguebat Scriptor quem refellit, quamquam rem aliter se habuisse non obicure insinuet: quantum verò roboris habeat ratio quam repetit ex verbis Christi, *Quodcunque solveris &c.* patet ex dictis hic Conclusionem prima.

Idem probat Morinus ex Petro Cantore Parisiensi, qui floruit circa an. 1200. in Academia Parisiensi. In Summa quippè de Sacramentis, & animæ consiliis, quæ asservatur manuscripta in Bibliotheca Victorina fol. 248. non aliam quàm deprecativam absolutionis formam exhibet.

Idem ex Guillelmo Parisiensi, qui vivebat circa an. 1230. cap. 19. de Sacramento Poenitentiae, ubi referens varium modum quo absolviunt Judices seculares, & Ecclesiastici in foro poenitentiae, sic loquitur. *Non more Judicum forinsecorum pronuntiat Confessor, Absolvimus te, non condemnamus; sed magis orationem facit super eum, ut Deus absolutionem & remissionem atque gratiam sanctificationis tribuas.* Edit. Paris. 1674. T. 1. p. 499. col. 1. C.

Idem denique ostendit ex Francisco Mayronis, qui obiit an. 1325. in 4. diff. 14. q. 1. quam auctoritatem antea Conclusionem secunda laudavimus.

Dices: Formula sacramentalis absolutionis nunquam rata esse potuit iis expressa verbis quæ non pertinent ad ejus essentiam: atqui, definiente Concilio Tridentino Sess. 14. cap. 3. preces quæ formæ indicativæ adjunguntur non pertinent ad essentiam absolutionis; ergo &c.

Resp. dist. maj. quæ non pertinent nec unquam pertinuerunt ad essentiam absolutionis, concedo: & pertinuerunt, quamdiu scilicet Ecclesia, pro libertate sibi à Christo data, verbis deprecatoriis prolatam absolutionem probavit & ratam habuit, nego. Dist. pariter min. Preces non pertinent ad essentiam absolutionis, ex quo declaravit Ecclesia eas non amplius pertinere, concedo: nusquam pertinuerunt, nego. Solutio patet ex Conclusionem prima, & illustrari ac confirmari facile potest exemplo Matrimonii, quod ante prohibitionem Ecclesiæ latam in Concilio Tridentino ratum erat clam contractum, absque præsentia Parochi & testium: at post illam prohibitionem nullum amplius est. Quid ita? quia nempe, ut diximus, hoc juris habet Ecclesia, ut in administratione Sacramentorum, eorum præsertim quorum materia in re morali consistit, possit certas leges ac conditiones apponere, quarum ommissio reddat inhabiles vel ministros ad conferenda, vel Fideles ad percipienda Sacramenta.

Secunda Conclusionis pars, nempe formæ deprecatoris accessisse indicativam, hoc est, utramque simul coadjunctam fuisse sæculo duodecimo, probat idem Morinus ex Alexandro Alensi 4. parte Summæ membro 2. art. 2. ubi utriusque formæ mentionem facit; ex S. Bonaventura in 4. dist. 18. parte 1. art. 2. q. 1. ex Auctore quem refellit S. Th. Opusculo 22. jam citato: capite enim 3. refert quòd niteretur ille quamdam fingere absolutionem quæ est oratio absolutionem Dei impetrans, cui addebat indicativam ista verba. T. 109. 452. col. 1. B.

Ego

Ego te absolvo. Hujus quidem additionis causam ac rationem hanc fuisse conjicit Morinus L. 8. c. 9. n. 27. quod multis durum visum fuerit, ab extremo in extremum de repente ferri; ideo mediam hanc sententiam amplexi sunt, cuiusdam scilicet formae quae deprecatoriae simul erat & indicativa.

Tertia denique pars certa est ex S. Thoma, qui obiit an. 1274. Opusculo 23. al. 22. ubi testatur formam indicativam in usu esse apud omnes: atque ab eo tempore constanter & quidem sola deprehenditur in omnibus ferè Libris Ritualibus ac Theologis qui de hoc argumento scripserunt.

Q U A R T A C O N C L U S I O.

Valuit & etiamnum valet apud Græcos forma sacramentalis absolutionis verbis deprecativis expressa.

Probat Morinus L. 8. c. 12. pluribus momentis. Hæc pauca nobis hic sufficient.

I. Quotquot extant Græcorum Libri Rituales veteres & recentiores, non aliam continent quam deprecatoriam formam absolutionis sacramentalis, quæ incipit ab his verbis apud Goarium, *Domine Jesu Christe fili Dei vivi, relaxa, remitte, condona peccata &c.* Solis oculis opusest ut hujusce argumenti deprehendatur veritas. Lege Euchologium Græcorum; lege Libros Pœnitentiales quos ad calcem Operis de Pœnitentia describit Morinus; nec aliam quam deprecatoriam formulam absolutionis deprehendes. Goarius quidem duas refert formas indicativas; sed eas à Latinis ad Græcos postremis temporibus missas esse non dissimulat.

II. Quotquot extant alicujus nominis Scriptores Græci, Joannes Jejunator dictus, S. Germanus Patriarcha Constantinopolitanus, de forma indicativa ne verbum quidem, de deprecatoria sæpius sermonem faciunt.

III. Hanc esse hodiernam Græcorum praxim aperte significat Clemens VIII. in instructione super Ritibus Græcorum, quam edidit an. 1595. *In casu necessitatis*, inquit, *Presbyteri Græci Catholici possunt Latinos absolvere. Utantur forma absolutionis in generali Concilio Florentino præscripta; & postea, si voluerint, dicant orationem illam deprecativam, quam pro forma huiusmodi absolutionis dicere tantum consueverunt.* Igitur, teste Clemente VIII. Græci formam tantum deprecativam usurpare consueverunt. Jubet quidem S. Pontifex, ut cum Græci in casu necessitatis Latinos absolvunt, utantur forma Latinorum, hoc est, indicativa; at non idem injungit cum Græci Græcos absolvunt, quo satis innuit se pro nulla non habere ejusmodi formam deprecatoriam qua Græci in Græcis absolvendis utuntur.

IV. Denique, velipse Arcudius L. 4. de Pœnit. cap. 3. ingenuè fatetur non aliam in omnibus Græcorum Euchologiis formam absolutionis deprehendi, quam deprecatoriam; & postquam omnem movit lapidem, ut Græcam cum Latina Ecclesia hac in parte conciliet, fingit quamdam indicativam formam his verbis expressam, *Habeo te absolutum*, apud Græcos usum antiquo obtinere. Verum ibidem fatetur, formam illam non extare in Euchologio, quamvis frequens sit & in ore multorum Confessariorum; quod ut probet, nonnulla refert testimonia: verum cum recentiorum sint, nec ulla publica

& au-

& authentica auctoritate comprobentur, parvi ponderis sunt apud Eruditos.

Formam verò illam deprecatoriam apud Græcos esse validam constat, tum quia quoties cum illis habita est controversia, aut inita pax, nusquam ipsis objecerunt Latini, quòd legitimam non haberent absolutionis formam; tum quia Clemens VIII. in citata instructione, non declaravit irritam illam formam deprecatoriam qua Græci erga suos utuntur.

ARTICULUS II

Utrum sacramentalis absolutio quorundam criminum reis denegata olim fuerit, aut sit deneganda.

Questio movetur tum de sanis ac bene valentibus, qui poenitentiam aut postulaverant, aut peregerant; tum de infirmis qui in infirmitate dumtaxat ad remedium poenitentiae confugiunt, de quibus separatim dicendum.

Utrum sanis aliquorum gravissimorum criminum reis, poenitentiam agentibus aut ea defunctis, sacramentalis absolutio denegata olim fuerit.

Denegatam ab Ecclesia Romana idololatriæ & homicidis affirmat Tertulianus, cui nonnulli suffragantur, imprimis Petavius in notis ad S. Epiphanium, hæresi 59. ubi ait, *tam comperta & explorata doctrina nullo alio repugnare, quam qui antiquitatis Ecclesiastica minus periti veteris Ecclesiæ formam hodiernis ritibus institutisque metuntur.* Idem sentit P. Martene L. de antiquis Ecclesiæ ritibus cap. 6. art. 2. Denegatam pariter adulteris ab aliquot Africæ Episcopis testatur S. Cyprianus Epistola 52. Denegatam ab Ecclesia Hispanica certis criminibus probant Morinus L. 9. c. 19. Albaspinus in notis ad Concilium Eliberitanum, & alii non pauci. Denegatam in Galliis ultimo supplicio afficiendis, usque ad annum 1396. quo Carolus VI. Francorum Rex consuetudinem hanc speciali Edicto abrogavit, probat nonnullis exemplis mox citatur P. Martene, eodem Libro & capite n. 6. De his hæc est nostra sententia.

CONCLUSIO.

Sanis gravissimorum criminum reis, poenitentiam agentibus aut ea perfactis, nusquam denegata est sacramentalis absolutio ab Ecclesiis Orientalibus, neque à Romana, Carthaginensi, Hispanica & aliis illustrioribus.

Observa Conclusionem loqui de iis qui poenitentiam agunt, aut egerunt; existisse enim aliquos Africæ Episcopos qui non tantum pacem seu absolutionem, verum etiam poenitentiam ipsam denegarunt adulteris, testatur S. Cyprianus Epistola 52. ad Antonianum, *Apud Antecessores nostros, inquit, quidam de Episcopis istic in Provincia nostra dandam pacem moribus non putaverunt; & in totum poenitentia locum contra adulteris clauservunt.* Singulare profectò fuit istud severitatis exemplum in his Africæ Episcopis, *cujus vestigium vix alibi reperias;* testatur enim Innocentius I. in Epistola ad Exuperium, *priori consuetudine, quamquam duriori, concessam nihilominus poenitentiam*

tiam iis, qui eam postularent: at in hoc saltem cohaerebat setum hac austeritas Africanorum disciplina, quod simul & poenitentiam & ejus fructum ejusmodi adulteris denegaret, eoque uni divino Judicio relinqueret. Fuisse vero Ecclesiam aliquam quae poenitentiam concederet, & poenitentiam agentibus, aut ea perfunctis pacem & absolutionem recufaret, adduci non possumus ut existimemus, adeo contraria videtur disciplina hac communi & ab omnibus Ecclesiis comprobato huic axiomati adversus Montanistas & Novatianos, nempe, *Frustra est poenitentia quae caret venia*; ut loquitur sanctus Cyprianus Epistola eadem § 2. *Scimus iuxta Scripturarum divinarum fidem, veniam atque indulgentiam poenitentibus non denegari*. Probandum igitur nobis incumbit, nullam Ecclesiam, (his paucis exceptis Africae Episcopis) aut locum poenitentiae, aut poenitentibus, tametsi gravissimorum peccatorum reis, veniam & absolutionem denegasse; posterius enim ex priori recte sequitur & inferitur, nempe non esse denegatam veniam, quibus non est denegata poenitentia: porro nullis denegatam esse contendimus. Itaque

Probatur 1. de Ecclesiis Orientalibus, tum negativo, tum positivo argumento. Negativo quidem, quia nullum profertur exemplum, nullum testimonium, quo pateat aut poenitentia functis graviorum criminum reis veniam aliquando fuisse denegatam. Positiva momenta colligit Morinus L. 4. c. 9. n. 6. & L. 9. c. 21. integro. Tum ex historia juvenis illius quem conversum Ecclesiae restituit S. Joannes apud Eusebium L. 3. Hist. c. 23. Tum ex cap. 12. Constitutionum S. Clementis; tum ex S. Irenzo L. 1. c. 9. ubi mulieres à Marco seductae in Ecclesiam acta poenitentia recipiuntur: tum ex Clemente Alexandrino L. 2. Stromatum, & Libro 2. Pastoris, mandato quarto, quae testimonia maxima ex parte jam laudavimus supra ad Qu. 9. Art. 1. ubi ostendimus mitiorem fuisse poenitentiae disciplinam à nascente Ecclesia ad haeresim Montani.

Probatur 2. de Ecclesia Romana.

Ob. an. 239. Ex Zephirino S. Pontifice, cujus hoc solenne Decretum refert Tertullianus L. de pudicitia c. 1. *Ego & ecclesia & fornicationis delicta poenitentia suis dimittit*; quo sane Decreto non novam inexit disciplinam, sed veterem confirmavit Ecclesiae Romanae doctrinam adversus crudele Montanistarum dogma.

Pagina 555. B.

Idem S. Pontifex, referente Eusebio L. 5. c. 27. Natalium Episcopum crimen haereseos cum lachrymis ejurantem, & ad pedes suos provolutum, ad pacem & communionem Ecclesiae admisit.

Probatur etiam ex Clero Romano in Epistola ad S. Cyprianum, inter Cyprianicas § 1. ubi in causa lapsorum qui propter libellos Martyrum reconciliari statim postulabant, sic decernit: *Quorum vita suae finem urgens exitus dilationem non potest ferre, acta poenitentia, & professio frequenter suorum delatione factorum, si lachrymis, si gemitibus, si fletibus, dolentis ac verè poenitentis animi signa prodiderint, cum spem vivendi secundum hominem nulla substat, ita demum cuncte & sollicitè subveniri*.

P. 4. 46.

Idem colligere est ex SS. Pontificibus Innocentio I. & Coelestino, quorum verba paulò post referemus.

Probatur 3. de Ecclesia Carthaginensi, ex S. Cypriano multis in locis, praefertim verò Epistola § 2. quae est ad Antonianum, ubi sic ait: *Miror quosdam sic obstinatos, ut dandam non putent lapsis poenitentiam*, (Novatianos intelligit)

P. 4. 72. P. 4. 74.

ant

aut penitentibus existiment veniam denegandam....Neminem putamus à fructu satisfactionis & spe pacis arcendum; cum sciamus iuxta Scripturarum divinarum fidem, auctore & hortatore ipso Deo, & ad agendam penitentiam peccatores redigi, & veniam atque indulgentiam penitentibus non denegari.

Ibidem occasione mollesissimi negotii quod habuit cum lapsis, qui in gratiam Martyrum, quorum habebant commendatitias Litteras, statim Ecclesiæ restitui postulabant, multa dicit, quæ praxim & disciplinam Ecclesiæ Africanæ, quam hic tuemur, demonstrant. Namque 1. refert & approbat Decretum Cleri Romani, de quo mox diximus. 2. refert Decretum peremptorium Concilii totius Africæ, quo duo extrema damnantur; ex una parte crudelitatis Novatorum, qui pacem etiam penitentia functis denegabant; & ex altera, temeritas quorundam Sacerdotum, qui lapsis nullam agentibus penitentiam immaturo ac præpostero tempore communionem laxabant. 3. circa medium ejusdem Epistolæ approbat factum Cornelii & Pontificis, qui Trophimum cum multis aliis ad Ecclesiam redeuntem suscepit. 4. monet Antonianum, ut faciles aures non accomodet iis quæ vel de seipso, vel de Cornelio circumferuntur, v.g. quòd pacem petentibus denegat. Nam, inquit, si qui infirmitate occupantur, illis, sicut placuit, in periculo subveniuntur. 5. refert decretum quo statutum fuit ut examinatis singulorum causis, libellatici interim admitterentur, sacrificatis verò in exitu subveniretur. 6. denique inter rationes varias, quibus illam, quam lapsis concedebat, indulgentiam tuetur ac confirmat, exemplum proferit indulgentiæ, quæ mœchis concedebatur; Nam, inquit, & mœchis à nobis penitentia temporis conceditur, & pax datur. Nihil his testimoniis disertius proferri potest pro usu & disciplina Ecclesiæ Africanæ.

Propter 4. de ipsa Ecclesia Hispanica. Quamquam enim in multis Canonibus Concilii Eliberitani legamus, communionem etiam in fine denegari aliquorum criminum reis, in nullo tamen, quod apprimè observandum, reperies denegatam penitentiam copiam: imò potius expressè Can. 21. cavetur, ne Hæreticis ad Ecclesiam redeuntibus, claudatur janua penitentiam: Si quis, inquit, de Catholica Ecclesia ad hæresim transitum fecerit, rursusque reverti, placuit, huic penitentiam non esse denegandam, eo quòd cognoveris peccatum suum &c.

Porro jam observavimus, communionem Ecclesiarum sententia contra Montanistas & Novatianos receptissimum istud fuisse dogma, ut quibus non negabatur penitentia, pax & absolutio non negaretur, sic a, ut par est, perfecti fuissent; ergo cum in Concilio Eliberitano, cujus maxime severa fuit & austerà disciplina, nulli quantumvis reo gravissimorum criminum denegetur penitentia, nulli quoque pacem seu absolutionem à peccatis, quæ fructus est penitentia, denegatam esse meritò contendimus; adeoque per communionem illam, quam dicta Synodus frequenter denegat, cogimur aliud intelligere, quam sacramentalem à peccatis absolutionem, sicut ex solutione Objectionum mox patebit.

Solvuntur Objectiones.

Objicies 1. testimonium Tertulliani in Lib. de pudicitia c. 5. ubi aperte significat,

Pa. 69.

Pa. 70.

Pa. 71.

Tom. 1.
Conc. p.
973. B.

fiat, sedente S. Pontifice Zephirino, idololatriis & homicidis veniam omnino fuisse denegatam; ac novo decreto mœchis & adulteris tum primum indultam: quam discretionem carpit Tertullianus, atque mœchos perinde ac idololatrias & homicidas ab omni veniæ spe arcendos esse contendit. *Quid agis*, inquit, *molliſſima & humaniſſima diſciplina*? *Aut omnibus eis hoc eſſe debebis*, *Beati enim paſifici*; aut ſi non omnibus, noſtra eſſe. Idololatram quidem & homicidam ſemel damnas, mœchum verò de medio excipis? idololatram ſucceſſorem, homicidam antecellorem, utriuſque collegam? Et cap. ultimo. *Quæcumque*, inquit, *auctoritas*, *quæcumque ratio mœcho & fornicatori pacem Eccleſiaſticam reddit*, *eadem debet & homicidæ & idololatræ poenitentibus ſubvenire*.

Pagina
975.C

Ex quo Tertulliani teſtimonio duo hæc videntur ſequi. Primum, ante Zephirinum mœchis & adulteris, perinde ac idololatriis & homicidis, veniam fuiſſe denegatam: alterum, ſedente Zephirino mœchis & adulteris jure novo datam eſſe veniam, retenta erga idololatrias & homicidas priori ſeveritate.

Reſp. duo hæc falſa eſſe, quæ à Tertulliano, poſtquam ad Montaniſtas deſecit, Eccleſiæ Romanæ falſò, pro more Hæreticorum imputantur. Nec alium hic teſtem dabimus, quàm Tertullianum ipſum cùm adhuc Orthodoxus eſſet, ac doctrinam Catholicæ Eccleſiæ candidè repræſentaret. Suſpicatur quidem Morinus L. 9. c. 20. n. 12. Zephirinum de ſeveritate Canonum erga mœchos aliquid, erga verò idololatrias & homicidas nihil plane remiſiſſe, quod Tertulliano ſuz texendæ calumniæ forſan locum dare potuit. Verùm neque id ex Decreto Summi illius Pontificis inferre nec eſſe: nihil enim ille innovavit, ſed priorem Eccleſiæ ſuz diſciplinam ac doctrinam confirmavit, hoc ſuo ſolemni Decreto, *Ego & mœchie & fornicationis delicta poenitentia ſunctis dimitto*.

Si verò quaras cauſam cur de mœchis & fornicatoribus loquatur S. Pontifex, non verò de idololatriis & homicidis: reſpondebo hanc eſſe, quod nempe de illis haud dubiè conſultus tantùm fuerat, non de aliis; occaſione ſcilicet illorum Episcoporum Africæ, qui, referente S. Cypriano Epistoia citatâ 52. *mœchis in totum poenitentia locum clauſerunt*, quos ſuo Decreto indirecè vellicat S. Pontifex, declarans non quidem novam, ſed veterem Eccleſiæ ſuz praxim & diſciplinam.

Falſò igitur Tertullianus in citato Libro de pudicitia ſupponit ab Eccleſia Romana, ante Zephirinum, mœchis perinde ac idololatriis & homicidis denegatam fuiſſe pacem; ſubinde verò, relaxata diſciplina, eam datam mœchis. Namque ipſemet Tertullianus in Libro de Poenitentia Catholicæ Eccleſiæ adhuc addiſtus, ejuſque fidem ac doctrinam repræſentans affirmat cap. 4. *omnibus delictis, ſeu carnis, ſeu ſpiritus, ſeu facti, ſeu voluntate commiſſis, Deum veniam per poenitentiam ſponſendiſſe*. Et cap. 8. idololatrias & mœchos ad poenitentiam agendam ac veniam ſperandam invitat. *Offendiſti, inquit, ſed reconciliari adhuc potes. Habes eni ſatiſfactias...* Id ſi dubitas, *revolve quæ Spiritus Eccleſiæ dicat &c.* Profert deinde ex Scripturis exempla idololatrarum & fornicatorum quibus poenitentibus venia indulgetur. Quin & in ipſo de pudicitia Libro cap. 3. ſui quaſi oblitus, referens argumentum quo Catholici probant mœchis acta poenitentia dandam eſſe veniam, aperte ſignificat, illorum mentem ac praxim fuiſſe, non tantùm mœchis, ſed etiam idololatriis & homicidis eadem conditione concedendam eſſe.

Argu.

Pagina
112.D.

Pagina
116.C.

Argumentum enim istud hac triplici constabat propositione. 1. *De omni crimine agenda est poenitentia.* 2. *Omni potens danda est post poenitentiam* Pagina 556.D.
venia, aliàs frustra esset poenitentia. 3. *Aliàs venia concedenda facultas est*
penes Ecclesiam. Secundam verò propositionem rectè sequi ex prima in
 sententia Orthodoxorum, non dissimulat Tertullianus, *Merito*, inquit,
ita opponunt, quoniam huius quoque poenitentiae fructum, id est veniam, in Pagina 557.A.
sua potestate usurpaverunt.

Igitur, vel ipso fatente Tertulliano, Ecclesia, quæ sibi arrogat pote-
 statem dandi veniam peccatorum poenitentia functis, merito & poenitentiam
 imponit, & post poenitentiam omnibus delictis veniam indulget. Atqui ea sem-
 per fuit Ecclesiæ Romanæ & Catholicæ fides; ergo merito & poenitentiam lapsis
 semper imposuit, & ea perfunctis veniam & indulgentiam concessit; ergo cum
 Zephirinus Pontifex declaravit se mœchis poenitentia functis peccata dimit-
 tere, nihil novi edixit, sed quod ab antiquo semper fuerat in sua Ecclesia ob-
 servatum, renovavit, confirmavit, & opposuit nimium severæ nonnullorum
 Episcoporum Africæ disciplinæ: deceptus ergo est Tertullianus, ac
 Romanæ Ecclesiæ imposuit, cum ex illo Decreto visus est inferre discrim-
 en quoddam à Zephirino inductum fuisse, inter idololatras, homicidas,
 & mœchos; ac prioribus semper ab ipso denegatam veniam, posterioribus
 verò subinde novo jure ac ex molliore disciplina laxatam fuisse: omni-
 bus etenim poenitentia functis æqualiter eam concessit. Et certè non refert
 Tertullianus, à Zephirino locum poenitentiae ereptum fuisse idololatriæ &
 homicidiis: (nequidem Montanistæ hunc ipsis eripiebant, quamquam ejus
 fructum à solo Deo, non ab Ecclesia sperandum esse contenderent) at
 illud certum & inconcussum semper fuit apud omnes Catholicos, sicut
 jam diximus, nusquam veniam denegandam iis qui impositam poeniten-
 tiam adimpleverant. In fumos igitur evanescit totum illud argumen-
 tum, quod Tertullianus in falsa hypothesi substruit.

His adde 1. quòd præsenferit ipsemet Tertullianus, sibi à Catholicis obji-
 ciendam fore sententiæ suæ mutationem & inconstantiam; siquidem in Li-
 bro de pudicitia contrarium dixit, quæ scripserat in Lib. de Poenitentia. Pagina 556.B.
Erit igitur, inquit initio Libri de pudicitia, hæc adversus Phrygicos titulus, ad-
versus mea quoque sententia retro penes illos societatem, quo magis hoc mihi notam
levitatis obsestent. 2. in citato de pudicitia Libro nonnulla imponit Ortho-
 doxis, quæ omnium consensu falsa sunt: quale istud est imprimis quod cap.
 22. supponit, nempe Martyres libellis suis seu Litteris commendatitiis abso-
 lutè ac decretoriè pacem & indulgentiam concessisse lapsis.

Non ita est profectò: exorabant illi quidem, & apud Ecclesiam interce-
 debant, ut lapsis relaxaretur poenitentia, & communio redderetur; at
 absoluta & decretoria auctoritate illam non concedebant. Frustrà ergo
 sunt ista Tertulliani verba, imò & orthodoxam doctrinam circa indulgentias
 impetunt, *Sufficiat Martyris propria delicta purgasse. Ingrati vel superbi est in* Pagina 575.B.
alios quoque spargere, quod pro magno fueris consecutus. Quis alienam mortem
sua solvi, nisi solus Dei filius? Falsum ibidem supponit, & errat Tertul-
 lianus; falsò supponit Martyres sua morte veluti pretium redemptionis
 offerre pro aliis: hoc enim soli Christo proprium est; neque unquam id
 sibi arrogarunt Martyres. Errat verò, cum existimat Ecclesiam in gratiam
 Marty-

Martyrum non posse lapsis poenitentiam relaxare, & cum iis agere indulgentius. Cleri Romani testimonium, quod hic proferri solet, simul mox solvetur cum iis quæ ex S. Cypriano proponemus.

Obijcies 2. S. Cyprianus multis in locis testatur in Ecclesia Africana lapsis etiam poenitentibus pacem fuisse denegatam, quam severitatem ex parte mitigat erga illos qui libellos à Martyribus obtinuerant, erga verò ceteros, integram conservat: Epistola enim 14. in editione Anglicana 19. in causa illorum lapsorum sic provisorio decreto statuit, *ut qui libellum à Martyribus acceperunt, & auxilio eorum adjuvari apud Dominum in delictis suis possunt, si premi infirmitate aliqua & periculo ceperint, exomologesi facta, & manu eis à vobis in poenitentiam imposita, cum pace à Martyribus sibi promissa ad Dominum remittantur: ceteri verò qui nullo libello à Martyribus accepto invidiam faciunt, quoniam non paucorum, nec Ecclesie, nec unius Provincia, sed totius Ecclesie hæc causa est, expectent ante de Domini protectione Ecclesia ipsius publicam pacem.* Idem repetit Epistola 52. ad Antonianum: idem quoque statuerat Clerus Romanus Epistola ad S. Cyprianum inter Cyprianicas 31. Ex his verò sic arguitur: Qui provisorio decreto statuit lapsis in infirmitate positis, propter libellos seu commendationem Martyrum subvenendum esse ac communionem concedendam, ceteros verò remittendos esse donec Ecclesie pax reddita fuerit, isclare innuit ejusmodi lapsis pacem concessam antea non fuisse, nec à se adhuc concedendam, nisi muniti forent Martyrum libellis: si enim antea communi ac recepta disciplina lapsis ejusmodi poenitentibus pax indulta fuisset, neque novo illo decreto provisorio fuisset opus, neque ab eo excipiendi illi qui libellos Martyrum non acceperant, sed antiquæ dumtaxat ac receptæ disciplinæ standum fuisset.

Resp. nego ant. Ad probationem distinguo sequelam majoris. Innuit ejusmodi lapsis pacem antea concessam non fuisse, nisi plenam egissent poenitentiam, concedo: si plenam egissent, nego. Itaque eò loci S. Cyprianus de duobus lapsorum ordinibus statuit, 1. de iis qui libellos à Martyribus obtinuerant, quibus sibi statim à lapsu pacem esse restituendam, absque præmissa ulla canonica poenitentia, seditiosè contendebant. 2. de illis qui nullos habebant hujusmodi libellos.

Circa priores provisorio decreto statuit, ut si premi infirmitate ceperant & urgeret eorum exitus, ipsis pax & communio concederetur: si verò nulum urgeret periculum, plenam agerent poenitentiam. Provisorium autem istud decretum nihil novi inducebat, sed receptum usum ac disciplinam antiquam, occasione illorum lapsorum, confirmavit: pax nempe in fine semper data est eam postulantibus, saltem si nomine pacis sacramentalem intelligas absolutionem. De Eucharistica etenim communione non eadem fuit ratio: iis quippe qui in infirmitate dumtaxat positi poenitentiam & reconciliationem postulabant, concessa quidem fuit peccatorum venia, denegata verò Eucharistica communio & perfectissima reconciliatio cum Ecclesia, ut ex dicendis modò patebit. In gratiam ergo Martyrum qui pro lapsis exorabant, in fine ante actam plenam poenitentiam concedebatur & absolutio sacramentalis à peccatis, & Eucharistica communio; ceteris verò sacramentalis dumtaxat absolutio à peccatis: erga posteriores verò lapsos, qui nullos habebant Martyrum libellos, hoc unum statuit S. Cyprianus, ut expectent publi-

cam

cam Ecclesiae pacem, interim verò communi ac receptae disciplinae subjaceant; id est, agant poenitentiam. Quid verò erga eoldem foret observandum, si venissent in periculum mortis, ibi non declarat S. Doctor, quia necesse non videbatur, cum hæc, ut diximus, communis foret omnium Fidelium conditio, ut in fine reciperent poenitentiam & pacem, seu absolutionem à peccatis: cum isto tantum discrimine quod mox diximus.

Non aliam esse S. Cypriani mentem intelliget quisquis oculos converterit ad statum controversiae quæ inter ipsum Clerum Romanum & lapsos fuit. Scilicet, sæviente Decii persecutione, in qua Fabianus R. P. martyr occubuerat, antequam electus fuisset Cornelius ejus successor, lapsi Martyrum carceres circuibant, ut importunis suis precibus ab illis libellos seu commendatitias Epistolas extorquerent, quibus muniti se ab omni agenda poenitentia liberos & immunes esse debere, non sine tumultu ac confusione postulabant. Horum libellorum hæc erat formula, quam refert S. Cyprianus Epistola 16. *Universi Confessores Cypriano Papæ, salutem. Scias nos universis, de quibus apud te ratio constiterit, quid post commissum egerint, pacem dedisse; & hanc formam per te & aliis Episcopis innotescere volumus.* Adversus hanc Martyrum præposteram indulgentiam totis viribus infurrexit ipse Martyr Cyprianus, datis ad illos litteris, quibus eos admonet ut cautiore sint ac prudentiores in concedendis ejusmodi libellis, quibus totus ecclesiasticæ disciplinae nervus dissolvitur. Lege Epistolam decimam quæ est ad Martyres. Hunc autem fuisse controversiæ statum apertè declarat S. Cyprianus Epistola 14. quæ est ad Clerum Romanum. *Cum comperissem, inquit, eos, qui sacrilegis contractibus manus suas atque ora maculassent, vel nefandis libellis nihilominus conscientiam polluisent, ex ambore ad Martyres passim, Confessores quoque importuna & gratiosa deprecatione corrumpere, ut sine ullo discrimine atque examine singulorum, darentur quotidie libellorum milia contra Evangelii legem, litteras feci quibus Martyres & Confessores consilio meo quantum possem ad dominica præcepta revocarem. Graviori stylo audaciam lapsorum reprimit S. Doctor passim in Epistolis, & Tractatu integro de lapsis.*

Interim hæc simul cùm Clero R. statuit ac firmavit.

I. Fiduciario seu provisorio Decreto voluit lapsis infirmis & jam morituris pacem & communionem concedi. Extat Decretum illud tùm in Epistola 14. S. Cypriani, tùm in Epistola Cleri R. ad S. Cyprianum.

II. Libellaticos admitti, non verò sacrificatos. Libellatici illi erant qui, sæviente persecutione, offerebant Magistratibus libellum supplicem, quo numerata pecunia postulabant se liberos fieri ab obligatione & lege thesiodolii adolendi. Ejusmodi libellaticos ad pacem facilius admittendos esse quàm sacrificatos, hoc est eos qui sacrificaverant idolis, jubet S. Doctor Epistola 52. quia longè gravius est istorum, quàm aliorum crimen.

III. Peremptorio Decreto statuit ut lapsi condignam agerent poenitentiam. *Persecutione sopita, inquit Epistola 52. tùm data esset facultas in unum conveniendi.... convenimus, & Scripturis diu ex utraque parte prolati, temporamentum salubri moderatione libravimus, ut nec in totum spes communicationis & pacis lapsis denegaretur, (sicut faciebant Novatiani) nec tamen rursus censura evangelica solveretur, ut ad communicationem temerè profilirent,*

Tournely de Sacram. Poenitentiae.

X

sed

sed traheretur diu penitentia, & rogaretur dolenter paterna clementia, & ex-
 minarentur cause, & voluntates, & necessitates singulorum.

Verum, inquis, ad quid proderant ejusmodi lapsis libelli Martyrum,
 si à canonica poenitentia immunes non erant?

Resp. ad hoc profuisse, ut mitius & indulgentius cum illis ageretur,
 remissa paululum in eorum gratiam disciplinæ prioris severitate.

At, inquires iterum, Clerus Romanus in Epistola ad S. Cyprianum inter
 probationes Conclusionis citata, statuit ut lapsis in infirmitate positis pax con-
 cederetur, acta prius poenitentia: ad quid verò Decretum hujusmodi, si con-
 suetudo semper fuisset dandi pacem lapsis poenitentiam agentibus? Innuit er-
 go suo Decreto Clerus Romanus, priorem disciplinam contrariam fuisse.

Resp. Clerum Romanum nihil novistatuisse, sed antiquam dumtaxat praxim
 & disciplinam renovasse & confirmasse erga lapsos, ut illis nimirum poenitentia
 defunctis pax daretur: quæ renovatio & confirmatio antiquæ doctrinæ ac disci-
 plinæ necessaria tunc fuit, ad reprimendam Novatianam crudelitatem.

Objicies 3. Patet ex multis Canonibus vetustissimi Concilii Eliberitani,
 Hispanicam Ecclesiam nonnullis sceleribus ex rigore disciplinæ veniam &
 absolutionem etiam in fine denegasse. Can. 1. *Placuit*, ait Synodus, *ut qui-*
Tom. 1. Conc. 1. 969. *cunque post fidem Baptismi salutaris adultæ ætate ad templum idoli idololatra-*
turus accesserit, & fecerit, quod est crimen capitale, nec in fine eum debere
ad communionem suspicere. Eadem severitate puniuntur certæ quædam pec-
 cata Canonibus 2. 3. 6. 7. 73. 75.

Resp. nego ant. Ex dictis enim inter probationes Conclusionis nostræ, Pa-
 tres Eliberitani nulli copiam poenitentia denegarunt: at constans illud fuit
 Catholicorum omnium dogma, pacem & veniam esse concedendam iis
 qui poenitentiam impositam peregrissent; aliàs frustra fuisset, ut ipsi disputan-
 tes ad versus Montanistas & Novatianos sepius urgebant, poenitentia. Verisimi-
 le igitur non videtur, Patres Eliberitanos sacramentalem à peccatis absolutio-
 nem lapsis poenitentia defunctis denegasse: necesse igitur est ut per communio-
 nem illam, quam aliquando etiam in fine vitæ nonnullis peccatoribus dene-
 gant, quidpiam aliud à sacramentali absolutione distinctum intelligamus.

Itaque meritò per illam communionem intelligimus, vel Eucharistia par-
 ticipationem, vel solemnem, canonicam, ac ceremonialem cum Ecclesia
 reconciliationem: utroque enim modo communionem apud Veteres u-
 surpari res videtur certa & explorata.

I. Communionis nomine participationem Eucharistia, à qua nonnulli
 peccatores excludebantur, intellexisse Patres Eliberitanos suaderi potest,
 tum ex Can. 3. dicti Concilii, ubi dicitur: *Si post poenitentiam machati fuerint,*
ibid. p. 975. A. *ulterius eis non esse dandam communionem, ne luisse de Dominica communione vi-*
deantur. Dominica verò communio videtur esse participatio Eucharistia.
ibid. p. 975. E. Tum ex Can. 47. ubi adversus adulterum relapsum dicitur: *Placuit ulte-*
rius quoniam non edere de communione pacis, vel ut legunt alii, *edere de commu-*
nicione panis, quæ lectio adhuc clarius designat communionem Eucharisti-
 cam. Tum ex Can. 37. ubi energumenis prohibetur, *Ne lucernas publicè*
ibid. p. 974. E. *accendant: si facere contra interdictum voluerint, abstineant à communione:*
 qui certè modus loquendi imperativus, *abstineant à communione,* non sacra-
 mentalem à peccatis absolutionem indigitar, sed communionem Eucharisti-
 cam,

eam, cum crimen illud tantum non sit, ut privatione sacramentalis absolutionis debeat puniri. Tum denique ex Can. 32. ubi Diaconis potestatem facit in casu necessitatis *conferendi lapsis communionem*: at ista sacramentalis non fuit à peccatis absolutio, sed vel Eucharistia, vel solemnisaecceremonialis reconciliatio cum Ecclesia. Communionis quoque nomine intellexisse Veteres Eucharistiae participationem, manifestum est ex S. Cypriano Epistola 54. *Communicatio à nobis danda est, inquit, ut quos excommunicamus ad praelium, non snermes ac nudos relinquamus, sed protectione corporis & sanguinis Christi muniamus.* Denique subsequencia Concilia iisdem planè verbis nonnullos ex citatis Canones Eliberitanos renovant & adoptant, ea profectò a tate, qua certum est negatam non fuisse sacramentalem à peccatis absolutionem. Per communionem igitur intelligunt illi aliquid distinctum ab illa absolutione. Ita Concilium Moguntiacense sub Stephano V. S.P. an. 888. capitulo 26. & Concilium Colonienſe an. 887. Can. 6.

Pag. 76.

Tom. 9.
Canc. p.
411. D.
C. 198.
E.

II. Nominè communionis intellexisse interdum Veteres solemnem, canonicam ac ceremonialem reconciliationem cum Ecclesia per impositionem manus, constat ex Can. 3. Concilii I. Arausiacani cujus hæc verba sunt. *Qui recedunt de corpore, penitentia accepta, placuit sine reconciliatoria manus impositione eis communicari, quod morientis sufficit consolationi, secundum definitiones Patrum, qui huiusmodi communionem congruenter viaticum nominaverunt.* Duplex eo in Canone distincta communio continetur: una quæ viaticum appellatur, sacramentalis nempe absolutio à peccatis, sine qua nullus ex hac vita discedere permittebatur; altera verò quæ dicitur *reconciliatoria manus impositio*, seu sollemnis ac canonica & ceremonialis reconciliatio cum Ecclesia, qua nonnulli peccatores, ad exemplum & terrorem cæterorum aliquando privabantur. Idem patet ex Canone 78. Concilii IV. Carthaginensis. *Penitentes, inquit, qui in infirmitate viaticum Eucharistiae acceperint, non se credant absolutos sine manus impositione, si supervixerint.* Alterutra, vel utraque, si volueris, communionis specie nonnullos peccatores privavit Synodus Eliberitana, citatis Canonibus, non verò sacramentali à peccatis absolutione: eo ferè modo quo apud nos ultimo supplicio afficiendis denegatur Eucharistia, non verò sacramentalis absolutio à peccatis.

Tom. 1.
Canc. p.
1448. D.Tom. 1.
Canc. p.
1106. B.

Instabis 1. Eadem communio nonnullis negatur à Patribus Eliberitani, quæ conceditur aliis post penitentiam: atqui communio quæ conceditur post penitentiam, est sacramentalis absolutio à peccatis; ergo &c.

Resp. eam quidem denegari communionem nonnullis criminum reis, quæ conceditur aliis post actam penitentiam, sed non omnium: denegatur etenim Eucharistica communio & canonica reconciliatio, quæ aliis conceditur, sed non denegatur sacramentalis absolutio; & quamquam Synodus aperte inter illa non distinguat, distinguendum tamen esse suadent quæ antea diximus.

Instabis 2. Ætate Concilii Eliberitani sacramentalis absolutio tempore non separabatur à communione Eucharistica, & reconciliatoria manus impositione; ergo una denegata, & altera quoque denegata censeretur debet.

Resp. distingo ant. non separabatur ordinariè, cum nempe penitentes post expletum penitentiae tempus absolvebantur, & communioni restituebantur, concedo: in aliquibus casibus, in quibus major videbatur exercenda severitas, v.g. cum penitentes in discrimen vite adducebantur ante ex-

pletam poenitentiam, nego. Eo enim in casu sacramentaliter absoluebantur; quod morientium consolationi sufficiebat, ait Canon Arausicanus laudatus; sed vel Eucharistia, vel reconciliatoria & solemnī impositione manus privabantur.

In tabis 3. Quibus pax & communio denegata est à Concilio Eliberitano, nulla legitur imposita poenitentia: at verisimile non est concessam sacramentalem absolutionem iis quibus nequidem copia poenitentiae data legitur.

Resp. poenitentiam nulli quantumvis graviorum criminum reo denegatam à Patribus Eliberitanis, nisi velis eos ipsis Montanistis crudeliores & severiores fuisse, quod absurdum est fingere. Illi etenim Hæretici neminem ab agenda poenitentia excluderant, quamquam veniam à solo Deo haberi posse contenderent: etsi igitur expressè non legamus in citatis antea Canonibus Eliberitanis, concessam esse poenitentiam iis quibus communio in fine denegatur, concessam tamen fuisse certissimum cuique esse debet vel ex Canone 22. citato inter probationes Conclusionis.

In tabis 4. Si usu & praxi communi cuilibet petenti poenitentiam concessissent Patres Eliberitani, quare peculiari illo Canone 22. statuunt, ne denegetur Hæreticis ad Ecclesiam redeuntibus? Exceptio quippè illa videtur contrarium in aliis gravioribus peccatis usum indigitare; & ut vulgò dicitur, exceptio firmat regulam.

Resp. id peculiari Canone cautum fuisse adversus severam aliquot Africæ Episcoporum disciplinam, de qua superius initio hujus Conclusionis diximus.

Opponunt hic nonnulli testimonium Innocentii I. verum loquitur Summus ille Pontifex de infirmis, qui nulla acta poenitentiae, in fine vitæ reconciliari postulant, de quibus mox dicturi sumus.

Utrum infirmis poenitentiam & absolutionem in fine vitæ petentibus denegata aliquando fuerit, aut sit deneganda sacramentalis absolutio à peccatis.

Duplex hic proponitur quaestio, una facti, altera juris: nempe, an olim denegata fuerit ejusmodi infirmis absolutio peccatorum, quod ad factum pertinet; vel etiam sit deneganda, quod ad jus seu dogma spectat.

Denegatam fuisse primis sæculis ad finem usque persecutionum, & consequenter ferè ad annum usque quo celebrata est Nicæna Synodus, contendit Morinus L. 10. c. 1. 2. & 3. non esse tamen denegandam probat ibidem cap. 4. & sequentibus.

Observandum autem, inter moribundos ejusmodi alios esse qui præ morbi violentia inchoatam perficere non possunt confessionem; alios qui subito obmutescunt, nec voce possunt confiteri, sed nutu dumtaxat vel aliquo signo suum testantur, aut saltem testati sunt desiderium; alios verò qui tanta vi morbi subito corripiuntur, ut planè stupefacti & omni sensu destituti, nec vocè nec ullo signo suum de peccatis dolorem significare possint: & inter istos, sunt nonnulli probatæ cognitæ pietatis; alii verò peccatores publici denunciati & excommunicati; alii qui in ipso criminis actu omnem vocis & sensus usum amiserunt. De his omnibus quaeritur, sitne ipsis concedenda sacramentalis absolutio.

PRIMA CONCLUSIO.

Infirmis in ultimo vitæ discrimine constitutis, ac poenitentiam & sacramentalem à peccatis absolutionem petentibus, prioribus sacralis non denegavit Ecclesia.

Probatur 1. argumento negativo: quia nullum satis certum & exploratum hujus austeræ disciplinæ profertur ex veteri Ecclesia monumentum. Patebit hujus argumenti vis ex solutione Objectionum.

Probatur 2. ex Concilio Nicæno generali primo Can. 13. ubi generalem istam circa infirmos legem antiquam jubet observari. *De his*, inquit, *qui ad exitum veniunt, etiam nunc lex antiqua regularisque servabitur; ita ut si quis egreditur e corpore, ultimo & maxime necessario viatico minime privetur. Quid si desperatus, & consecutus communionem, oblationisque participes sacculus, iterum convalescerit, sit inter eos qui communionem orationis tantummodo consequuntur. Generaliter autem omni cuilibet in exitu posito, & poscenti sibi communionis gratiam tribui, Episcopus probabiliter, seu, ut, vertunt alii, postquam probaverit, dare debet.*

Tom. 1.
Conc. N.
42. D.

Non novam hic legem ac disciplinam inducit Canon Nicænus, sed antiquam & communem renovat ac confirmat, *Lex antiqua regularisque servabitur*, inquit &c.

At, inquit Morinus L. 10. cap. 3. Canon citatus loquitur dumtaxat de infirmis qui dum sani erant poenitentiam inchoaverant, nec præ infirmitate potuerant perficere, quibus morientibus concessam esse more antiquo veniam peccatorum certum est; de aliis verò infirmis qui in infirmitate dumtaxat poenitentiam & communionem postulant, Canon ille non loquitur. Probat autem Morinus, quia prioribus Canonibus Concilium manifestè agit de poenitentibus qui nempe sani poenitentiam susceperant; ergo & Canone citato 13. de iisdem in infirmitate positis loquitur: particula enim adverbiativa, *scilicet*, qua utitur Canon ille, satis innuit hunc ipsum Canonem ad priores referri.

Verum infirma planè videtur Morini conjectura. Quamquam enim verum sit, Concilium prioribus Canonibus agere de poenitentibus qui dum sani erant poenitentiam se subjecerant, non minus verum ac certum nobis videtur, Canone 13. non tantum de illis, sed & de aliis loqui poenitentibus, qui nempe in extrema necessitate ad remedium poenitentiae primum confugiunt. Postquam enim priori parte statuit de poenitentibus primi ordinis, in altera generalem circa alios quosunque veniam in exitu postulantes legem, & quidem antiquam, confirmat & renovat his verbis citatis, *Generaliter autem cuilibet in exitu posito & poscenti sibi communionis gratiam tribui, Episcopus dare debet*. Inutilis ergo evadit observatio Morini circa particulam adverbiativam *scilicet*. Fatetur enim Canonem illum 13. ad priores in prima sui parte referri; in secunda verò generatim de omni Christiano, qui in extremo vitæ periculo poenitentiam & veniam peccatorum postulat, sive eam tum primum postulet, sive antea postulasset ac poenitentiam inchoasset, loqui Canonem citatum contendimus.

Tr. 14.
Conc. N.
820. C.

Probatur 3. ex Concilio Tridentino Sess. 14. cap. 7. ubi occasione refer-

Tournely de Sacram. Poenitentia.

X 3

vatio-

vationis casum sic loquitur: *Piè admodum, ne hac ipsa occasione aliquis peccat, in eadem Ecclesia Dei custoditum semper fuit, ut nulla sit reservatio in articulo mortis: atque ideo omnes Sacerdotes quoslibet poenitentes à quibuslibet peccatis & censuris absolvere possint.* Audis pronuntiantem Synodum, in Ecclesia Dei custoditum semper fuisse, ut nulla sit reservatio in articulo mortis, ne scilicet quis ea occasione pereat. Non excipit Synodus tria priora Ecclesiastica, sed indefinite pro omni tempore loquitur, *semper.*

Probatur 4. ex Innocentio I. in Epistola ad Exuperium, unde adversarii Conclusionem nostram potissimum impugnant. Consultus ab illo Episcopo, quid de his observari oporteat qui post Baptismum omnitempore incontinentia & voluptatibus dediti, in extremo vite suae poenitentiam simul & reconciliationem communionis exposcunt. Respondet S. Pontifex his verbis: *De his observatio prior duxor, posterior, interveniente misericordia, inclinatio est. Nam consuetudo prior tenet, ut concederetur eis poenitentia, sed communio negaretur.* Quid eò loci communionis nomine intelligat Innocentius, dicemus in solutione Objectionum. Interim verò testatur S. Pontifex, ejusmodi infirmis datam esse poenitentiam; quo nomine Sacramentum nostrum haud dubiè intellexit, cujus præcipua vis in absolutione posita est. Et verò ex dictis antea saepius constat, poenitentiam ad veniam & absolutionem, tanquam ad finem, semper fuisse ordinatam, cum frustra sit poenitentia, quæ caret venia.

Probatur 5. ex Cœlestino S. Pontifice in 2. Epistola ad Episcopos Galliae cap. 2. ubi insurgens adversus abusum nonnullorum qui absolutionem moribundis denegabant, ait *se tantam impietatem exhorrescere, qua morienti mors additur, ejusque anima occiditur.* Verba sequentia mox referemus: at verisimile non est impietatem hanc, ut vocat, observatam aliquando ab Ecclesia Dei fuisse.

Probatur denique ex veteri disciplina circa infirmos poenitentes: ii nempe absolutione donabantur & Eucharistia; si tamen convalescent, remittebantur ad poenitentiam. Ita statuunt

Concilium Nicænum Can. 13. hic citato.

Concilium Carthaginense IV. an. 398. Can. 78. ubi postquam Can. 76. & 77. statuit morituro poenitenti dandam esse reconciliationem; & infundendam ori ejus Eucharistiam; addit Can. 76. *Si supervixerit, subdatur statuti poenitentiae legibus.* Et Canone 78. *Poenitentes, inquit, qui in infirmitate Viaticum Eucharistia acceperint, non se credunt absolutos sine manus impositione, si supervixerint.*

Concilium Arausicanum I. an. 441. Can. 3. de iisdem poenitentibus ait: *Si supervixerint, stent in ordine poenitentium, & obsequiis necessariis poenitentiae fruantur.* *His, legitimam communionem cum reconciliatoria manus impositione percipiant.* Concilium Epaonense an. 517. Can. 36. *Si cui, inquit, forsitan discrimen mortis imminet, damnationis constituta tempora relaxentur. Quod si egrotum accepto viatico revalescere fortasse contingit, statuti temporis spatia observare conveniet.*

Idem præcipit S. Gregorius Nyssenus Can. 2. Epistolæ ad Letojum. *In hora, inquit, sui excessus à vita, apostata poenitens Sacramenti communionis erit particeps. Sin autem contigerit, ut is præter spem vivat, in eodem rursus vivet iudicio mysticorum Sacramentorum ad vite exitum usque expertus.* Ex his itaque

itaque omnibus testimoniis patet perpetuam hanc fuisse Ecclesiae mentem ac praxim, ut morituris poenitentiam & veniam petentibus subveniretur per sacramentalem à peccatis absolutionem.

S E C U N D A C O N C L U S I O.

Infirmis, qui inchoatam confessionem subita vi morbi oppressi perficere non possunt, vel aliqua dumtaxat doloris signa dederunt, concedenda est absolutio sacramentalis; iis verò deneganda, qui vel sunt peccatores publici ab Ecclesia excommunicati, vel in ipso criminis actu vocis & sensuum usum amittunt, nec ullo signo animi dolorem possunt testari; iis verò concedenda, qui inopinato casu oppressi, & omni vocis & sensuum usu privati sunt, si aliunde viri Catholici ac probatæ vitæ habeantur.

Probatur prima pars, testimoniis in probationem Conclusionis primæ jam relatis, quibus adhuc major lux & confirmatio ex mox dicendis accedet.

Probatur secunda pars, nempe iis concedendam esse sacramentalem absolutionem, qui aut voce aut aliquo alio dato signo eam exoptare cognoscuntur. Ita

Concilium Carthaginense III. an. 397. c. 34. *Ægrotantes, inquit, si per se res pondere non possunt, cum voluntatis eorum testimonium hi qui sui sunt, peticulo proprio dixerint, baptisentur.*

Concilium Carthaginense IV. an. 398. c. 76. It. inquit, *qui poenitentiam in infirmitate petiit, si casu, dum ad eum Sacerdos invitatus venit, oppressus infirmitate obmutuerit, vel in phrenesim versus fuerit, dent testimonium qui eum audierant, & accipiat poenitentiam. Et si continuò creditur moriturus, reconcilietur per manus impositionem, & infundatur ori eius Eucharistia.*

Concilium Arausicanum I. an. 441. Can. 12. *Subito obmutescens, inquit, prout status ejus est, baptizari aut poenitentiam accipere potest, si voluntatis aut praterite testimonium aliorum verbis habet, aut presentis in suo nutu.*

Idem colligere est ex Can. 36. Concilii Epaonensis an. 517.

Idem ex Concilio Toletano XII. anno 681. cap. 2. cujus hæc verba sunt: *Multos sæpe compeximus, & in salute positos, ultimum desiderantes poenitentiae fructum, & rursus nimietate agnitionis, ita loquendi & sentiendi naturale perdidisse officium, ut nulla illis cura salutis suæ videretur inesse, nullo etiam præstigio devotivis noscerentur desiderio anhelare: quorum tamen casibus fraternitas condolens, ita talium necessitates in fide suscepit sua, ut ultimis illis tribuatur viaticum; scilicet ne sine fructu poenitentia videantur transire à seculo.*

Idem statuerunt SS. Pontifices, quorum tres solum hic appellabimus, nempe Innocentium I. Coelestinum & S. Leonem.

Innocentius I. Conclusionem primam citatus, Epistola 3. quæ est ad Exuperium Tolosanum Episcopum, ab eo rogatus quid observari debeat de illis qui post Baptismum omni tempore incontinentiæ voluptatibus dediti, in extremo vite sine poenitentiam simul & reconciliationem possulant, sic respondet: *De his observatio prior, durior; posterior, interveniente misericordia, inclinatio est. Nam consuetudo prior tenuit, ut concederetur eis poenitentia, sed communicatio negaretur. Nam cum illis temporibus crebra persecutiones essent,*

ne communionis concessa facilitas homines de reconciliatione securos non revocaret à lapsu, negata merito communio est, concessa poenitentia, ne totum poenitus negaretur; & daviorem remissionem fecit temporis ratio. Sed postquam Dominus noster pacem Ecclesiis suis reddidit, iam terrore depulso communionem dari absentibus placuit, & propter Domini misericordiam quasi viaticum profecturis, & ne Novatiani haeretici negantis veniam asperitatem & duritiam sequi videamur. Tribuitur ergo cum poenitentia extrema communio, ut homines huiusmodi, vel in supremis suis poenitentes, miserante Salvatore nostro à perpetuo exitio vindicentur. Hæc Innocentius I. Qualis verò fuerit illa communio quam ait olim denegatam, & quam ipse jubet ne amplius denegetur, dicemus cum solvemus Objectionem quæ ex hoc ipso Innocentii loco desumitur.

Ob. an. Celestinus in Epistola 2. quæ est ad Episcopos Provinciae Viennensis & Narbonensis, insurgit adversus eos qui morientibus ac poenitentiam postulanti denegabant absolutionem. Agnovimus, inquit, poenitentiam morientibus denegari, nec illorum desiderii annui, qui obitus sui tempore hoc animæ suæ cupiunt remedio subveniri. Horremus, fateor, tanta impietatis aliquem reperiri, ut de Dei pietate desperet, quasi non possit ad se quovis tempore concurrenti succurrere, & periclitantem sub onere peccatorem hominem, pondere, quo se expediri desiderat, liberare. Quid hoc rogo aliud est, quam morientis mortem addere, eiusque animam sua crudelitate, ne absoluta esse possit, occidere? &c. Tum nonnullis adductis Scripturæ testimoniis quibus declarat

Deus se nolle peccatoris mortem &c. sic pergit & concludit S. P. Desperat de misericordia Dei, qui eum ad subveniendum morienti sufficere, vel in momento posse non credit.... Vera ergo ad Deum conversio in ultimis positurum mente potius est estimanda, quam tempore.... cum ergo sit Dominus cordis infector, quovis tempore non est deneganda poenitentis postulanti.

S. Leo Epistola 83. alias 91. His, inquit, qui in tempore infirmitatis, & in periculi urgentis instantia, presidium poenitentiae, & mox reconciliationis implorant, nec satisfactio interdicenda est, nec reconciliatio deneganda: quia misericordiae Dei hac mensuras possumus ponere, nec tempora definire, apud quem nullas patitur venia moras vera conversio. Et paulò infra, postquam adhortatus est peccatores ut conversionem suam non differant ad ultimam usque vitae periodum, sic pergit: Verum, etiam talium necessitati ita auxiliandum est, ut & actio illis poenitentiae, & communionis gratia, si eam amisso vocis officio per indicia integri sensus postulant, non negetur. At si aliqua agitudine ita fuerint aggravati, ut quod paulò antè postebant, sub praesentia Sacerdotis significare non valeant, testimonia eis fidelium circumstantium prodesse debebunt, ut simul & poenitentiae & reconciliationis beneficium consequantur.

Idem planè statuit Paulus V. in suo Rituali. Si inter confitendum, inquit, vel etiam antequam incipiat confiteri, vox & loquela agrum deficiat, nuntius & signis conetur peccata poenitentis cognoscere, quibus utcumque vel in genere vel in specie cognitis, vel etiam si confitendi desiderium sive per se, sive per alios ostenditur, absolvendus est.

Tertia pars Conclusionis probatur. Quia publici peccatores ab Ecclesia ejectioni & excommunicati Sacramentorum participes fieri non possunt, quamdiu

Tertia
pars
Conclu-
sionis.

dū non præsuntur mutata eorum voluntas; atque peccatorum, de quibus nostra Conclusio, non præsuntur mutata voluntas. Idem planè de iis iudicandum, qui in ipso criminis actu v.g. duelli, adulterii &c. omni intercluso vocis & sensuum usu nullo prorsus signo suum de peccatis dolorem declarare possunt. Quapropter sacra Facultas Parisiensis istam Amadzi Guimenii doctrinam proscripsit anno 1665. die 3. Febr. Quod si fortè dicebat Auctor, actualiter peccando subitò destituatur sensibus, ut non possit humanitus loquendo atteri, respondeo, tunc non esse præsumentum attritum, atque adeo nec absolvendum docent communiter. Sed ego sub predicta conditione vix illum regulariter sine absolutione dimitterem, quia rarissimè evenit, ut tam subitò sensibus quis, dum actu peccat, destituatur, ita ut vicinus mortis non velis suæ salutis consulere per aliquam attritionem. Hinc inferes, iis qui in duello lethali ter vulnerantur, ac prius omnem rationis & sensuum usum interceptum habent, quàm aliquod doloris signum dare possint, denegandam sacramentalem absolutionem & Christianam sepulturam, si eo in statu ex hac vita decesserint. Ita statutum fuit à Conc. Trid. Sess. 25. cap. 19. & à Clero Gallicano an. 1653.

Circa quartam Conclusionis partem, an nempe sacramentalis absolutio sit concedenda iis, qui subita vi morbi oppressi, nec voce nec ullo signo suum de peccatis dolorem testari possunt, quos tamen constat viros esse Catholicos, fidei & probæ pietatis, diversa fuit, vel ipsa S. Augustini aetate, ut & nunc est, Theologorum sententia & praxis.

Quarta pars conclusio-
nis.

Prima sententia, quam à multis annis, ait Morinus Lib. 10. de Penit. cap. 10. num. 4. sequitur Theologorum pars maxima, negat eo in casu dandam esse absolutionem. Ratio præcipua hujus sententiæ petitur ex defectu materiz sensibilis, sine qua stare non potest sacramentalis absolutio.

Accedit Judicium sacre Facultatis Parisiensis, quæ die 3. Februarii anno 1665. proscripsit istam propositionem excerptam ex Libro Amadzi Guimenii, *Talis infirmus qui amisit loquelam vel usum rationis, si bene vivebat ut bonus & fidelis, & frequentabat confessionem & communionem, quamvis non petierit Sacramenta, quia ex insperato talia acciderunt, debet præsupponi contritus, & faciente aliquo confessionem generalem pro eo, sicut fit in populo, Sacerdos faciat absolutionem ab omni sententia & peccato.* En ipsa nostræ Conclusionis hypothesi, quam improbat sacra Facultas. Adversus sententiam hanc miro zelo insurgit Morinus, L. 10. de Penit. cap. 10. quam præpos-
stera appellat, & instar prodigii vult haberi posse; adeo vel primis humani-
tatis ac Christianæ pietatis elementis contraria ipsi videtur.

P. 741.
n. 4.

Secunda igitur sententia, quam totis viribus amplectitur & probat Morinus, existimat tali moribundo, cujus cognita est fides, ac probata vitæ planè christianæ ratio, dandam esse sacramentalem absolutionem, etiam si nec voce nec ullo signo eam postulaverit. Nonnullos post Dianam parte 3. Resolutionum moralium, Tractatu 3. de absolutione moribundi, Resolutione 8. hujus opinionis defensores laudat Theologos, Homobonum in examine Ecclesiæ, parte 1. Tractatu 7. cap. 18. qu. 84. ubi refert factum Clementis VIII. S. Pontificis, qui cum vidisset quemdam ex fabrica divi Petri præcipitem ruentem, absolutionem ei dedit, sub hac forma, *Si es capax, absolvo te à peccatis tuis*: Mollèsum in Summâ Tomo 1. Tractatu 7. cap. 5. n. 48.

n. 48. qui etiam laudat Salmeronem; Antonium de Litteratis, in Summa edita Romæ cum approbatione Magistrifacri Palatii an. 1611. parte 1. c. 35. n. 7. & alios nonnullos.

Probat Morinus ibidem auctoritate Sacerdotalis Romani Venetiis excusæ anno 1560. apud Joannem Varicum & socios, folio 62. cujus hæc verba sunt: *Talis infirmus aut iam amisit loquelam, vel usum rationis; puta, quia phreneticus; aut non: in primo casu, si bene vivebat, ut bonus fidelis, & frequentabat confessionem, & communionem, & huiusmodi, quamvis non petierit Sacramenta, quia ex imperato talia acciderunt; vel etiamsi malus & obstinatus diu perseverans in peccatis est, & deum non confessus, si petiit Sacerdotem ut confiteretur, ostendit se facere velle omnia quæ debet, & interea factus est mutus, vel phreneticus, & periculum est in mora, debet præsupponi contritus, & faciente aliquo confessionem generalem pro eo, sicut fit in populo, Sacerdos faciat absolutionem ab omni sententia, & peccato, & potest intrinsece circumstantibus aliquid pro eo faciendum, vel hæredibus aut congnatis pro ejus anima, si volunt acceptare: deinde debet dari ei Eucharistia, quamvis non sit confessus.* Hæc Morinus ex Sacerdotali Romano, quæ si vera sunt ægenuina, (neque enim nobis datum est Librum ipsum videre) eam ipsam referunt sententiam ipsam ferè verbis expressam, quam in Amadæo Guimenio censura notavit sacra Parisiensis Facultas.

Probat rursus eodem cap. 10. Libri 10. ex Statutis synodalibus Ecclesiæ Lemovicensis excusis ann. 1620. cap. 21. Addere potuisset & auctoritatem hic jam laudatam Concilii XII. Toletani cap. 2. loquitur enim Synodus de illo homine qui quidem cum sanus esset ultimum desiderabat penitentia fructum, sed qui præ infirmitate ita linguæ & aliorum sensuum usu destitutus est, ut nullo videatur salutis desiderio generi.

Verum præcipuum hujus sententiæ præsidium ac firmamentum petit ejusdem Libri cap. 6. ex auctoritate sancti Augustini in Libro I. de adultertinis conjugii cap. 26. ubi ait I. *Catechumens in hujus vita ultimo constitutus* (sunt verba S. Doctoris) *si morbo seu casu aliquo sic oppressi sint, ut quamvis adhuc vivant, petere tamen sibi Baptismum, vel ad interrogata respondere non possint, profit eis quod eorum in fide christiana nota voluntas est, ut eo modo baptisentur, quomodo baptisantur infantes, quorum voluntas nulla adhuc patuit.* Rationem adducit sanctus Doctor ibid. *Quia nempe, inquit, non solum incredibile est, nec in fine vitæ huius baptisari Catechumenum velle; verum etiamsi voluntas ejus incerta est, (aliqui legunt, intellecta) multo satius est nolenti dare, quam volenti negare, ubi velis an nolis sic non apparet, ut tamen creditibilis sit eum, si posset, velle se potius fuisse dicturum ea Sacramenta percipere, sine quibus jam credidit non se oportere de corpore exire.*

ibid. p. 11. Non tantum ejusmodi Catechumenos S. Augustinus vult baptisandos esse, sed etiam & illos qui adulterina consortia retinent. Ego, inquit cap. 28. non solum alios Catechumenos, verum etiam ipsos qui viventium coniugiis copulati retinent adulterina consortia, cum salvos corpore non admittamus ad Baptismum, tamen si desperati fuerint, nec pro se respondere poterint, baptisandos puto, ut etiam hoc peccatum cum cæteris lavacro regenerationis ablatur Rationem statim subjicit, *Quis enim, inquit, novit utrum fortassis adulterina carnis illecebra usque ad Baptismum statuerant detineri? Si autem* ab il.

- ab illa desperatione recreati potuerint vivere, aut facient quod statuerunt, aut edocli obtemperabunt, aut de contemptoribus fiet quod fieri etiam de baptisatis talibus debet.

III. Docet ibidem S. Augustinus, eandem rationem esse reconciliationis, quæ & Baptismi: *Quæ autem, inquit, Baptismatis, eadem reconciliationis est causa, si forte penitentem finiendæ vitæ periculum præoccupaverit. Nec ipsos enim ex hac vita sine arrha suæ pacis exire velle debet mater Ecclesia. Ita secundam hanc sententiam & auctoritate suâ & rationum momentis demonstrat S. Augustinus.* ibid. E.

IV. denique, non dissimulat sanctus Doctor, fuisse aliquos suâ ætate in opinione & praxi contraria, qui *timidiùs agunt, inquit, & memores istorum Domini verborum, Nolite sanctum dare canibus, non audent baptizare eos qui pro se respondere nequiverint, ne forte contrarium gerant voluntatis arbitrium.* Horum sententiam & praxim damnandam non esse pro sua modestia & æquitate pronuntiat ibidem S. Augustinus: *Satis quippe in talibus, inquit, respiciendum est illud Apostoli, ubi dicit: Unusquisque nostrum pro se rationem reddet Deo. Non ergo amplius invicem iudicemus.* ibid. p. 403. D.

Ad hanc S. Doctoris auctoritatem hoc unum reponunt primæ sententiæ patroni, nempe supponere S. Augustinum præcessisse ex parte Catechumeni vel penitentis signum aliquod, quo suum desiderium seu voluntatem in Baptismum vel absolutionem demonstraverint. *Profit eis, ait cap. 26. citato sanctus Doctor, quod eorum in fide christiana jam nota voluntas est, Et postea: Si voluntas ejus intellecta est &c.* ibid. C.

Verim alii regerunt, ajuntque solis oculis opus esse ut perspicuum fiat legenti, hypothesim à S. Doctore adductam esse hominis casu aliquo sic oppressi, ut nec petere Baptismum aut reconciliationem possit, nec ad interrogata respondere, cōferè modo quo infantes, qui baptizantur, nullum propriæ voluntatis indicium proferunt; hominis denique in eo statu constituti, ubi incertum est, ac non apparet an velit, an nolit; quæ certè hypothesi non videtur admittere signum aliquod exterius, quo fuerit illius moribundi manifestata voluntas. Cum igitur sanctus Doctor ait: *Profit eis quod eorum in fide christiana jam nota voluntas est;* manifestum est eum loqui de voluntate quæ sit nota, non aliquo speciali signo in hac subita, qua opprimitur, infirmitate, sed quæ sit nota ex vi status seu conditionis hominis catechumeni vel penitentis; qui certè status ac conditio sufficiens ratio est præsumendi velle hominem in his angustiis aut baptizari, aut per absolutionem reconciliari. Mihi legunt aliqui in textu Augustiniano citato, *Etiamsi voluntas ejus intellecta est.* Omnino legendum, *Etiamsi voluntas ejus incerta est,* sicut ipsa contextus series aperte demonstrat; aliàs, non tantum planè obscura, sed absurda foret S. Doctoris sententia: hunc enim sensum redderet, *Etiamsi intellecta est hominis illius voluntas, quod nempe nolit aut baptizari aut reconciliari, tamen satius est nolenti dare, quam volenti negare;* quasi vellet Augustinus baptizandum esse hominem hunc, etiam si constaret aperte eum alienam habere à Baptismo suscipiendo voluntatem, quod sanè per absurdum esset: quanto igitur rectior & planior videtur sensus, si legamus, *Etiamsi voluntas ejus incerta est; tamen (hoc pendente dubio) multo satius est nolenti dare, quam volenti negare.*

Ad momenta verò prioris & oppositæ sententiæ.

Respondent ad primum, 1. in hoc extremæ necessitatis casu non ita subtiliter ac morosè inquirendum, quænam sit sensibilibus materia Sacramenti. Cum enim quæstio hæc tota sit scholastica, & alii aliam assignent sensibilem materiam; hoc stante dubio non debet moribundus ille, cujus nota est fides ac probitas christiana, propter diffidiam hæc scholasticam, sine absolutione dimitti, dicente S. Leone Epistola 83. aliàs 91. ad Theodorum For-Juliensem cap. 3. *multum utile ac necessarium esse, ut peccatorum reatus ante ultimum diem sacerdotali supplicatione solvatur.* Unde scitè observat Melchior Canus parte 6. Relezione de Pœnitentia, *in praxi huius Sacramenti habendam esse potius rationem eorum quæ ad mores & salutem animarum pertinent, quàm ad Metaphysicam, sive speculativas quæstiones.*

To. 1. p. 605.

Morin. p. 740. col. 2. B.

Ibid. p. 741. col. 1. A.

Addunt 2. Ecclesiæ testimonium de vita huius hominis fidelis christiana piè ac sanctè peracta, longè certius esse petitionis seu desiderii ipsius argumentum, quàm unius aut alterius hominis de impio publico reconciliationem petente, testificatio: illius enim conditio seu nota probitas ratio sufficiens est & præsumptio idonea, inquit Morinus, *ad reconciliationem ipsi conferendam. Viri enim pii & Catholici Ecclesiæ cultores constantissimi, absolutionem, omniaque Ecclesiæ Sacramenta ardentè concupiscere semper præsumendi sunt, donec eorum voluntas mutata, & impia facta aliquo argumento demonstretur.* Quòd si propter aliquod signum exterius à moribundo factum, (quod plerumque valde æquivocum esse potest) dandam esse absolutionem Scholastici docent; longè potiori ratione videtur danda viro Catholico probatæ fidei ac pietatis: præsumptio enim in his fundata certior videtur.

Ad Censuram verò sacræ Facultatis, respondent duo in adducta propositione contineri: primum, moribundum illum fidelem & probum omni rationis & sensuum usu destitutum, absolvendum esse; alterum est veluti ratio & fundamentum huiusce praxis, *quianempe*, dicebat auctor, *ex insperato talia acciderunt, & debet ille præsupponi contritior.* Primum dicunt esse verum, neque etiam obiectum esse Censuræ sacræ Facultatis: sed alterum, ex quo sequitur, (quod etiam contendit auctor ille) & quod damnavit sacræ Facultas, nempe cuicumque peccatori quamvis noto & publico, etiam actu peccanti, qui nullum omnino doloris sui signum dedit, concedi debere absolutionem, eo quòd, ait Guimenius, *rariissime evenit, ut tam citò sensibus quis, dum actu peccat, destituatur, ita ut vicinus mortis non velis suæ salutis consulere per aliquam attritionem:* quæ certè ratio cum eò generatim tendat, ut probet omni peccatori moribundo promiscuè laxandam esse absolutionem, merito proscripta fuit adducta auctoris propositio. Verùm observa, generatim tantum esse damnatam, *Doctrina huius propositionis*, ait Censura, *universim & absolute sumpta est in praxi periculosa;* quibus verbis existimant defensores secundæ sententiæ, damnari dumtaxat generalem huius auctoris rationem, qua utitur ut velit in praxi quemlibet moribundum indistinctè absolvendum esse, non verò specialem casum de quo loquitur Conclusio. Plura lege, si vacat, de ista quæstione apud Morinum loco citato. Hæc nobis ex utraque parte exposuisse sufficiat.

Solvuntur Objectiones.

Objicies 1. testimonium S. Cypriani ex Epistola 52. ad Antonianum, ubi de infirmis qui in infirmitate dumtaxat poenitentiam & reconciliationem postulabant, sic ab Ecclesia Carthagenensi decretum fuisse refert. *Idcirco, frater charissime, poenitentiam non agentes nec dolorem delictorum suorum toto corde & manifesta lamentationis suae professione testantes, prohibendos omnino consuevimus à spe communicationis & pacis, si in infirmitate atque in periculo ceperint deprecari; quia rogare illos non delicti poenitentia, sed mortis urgentis admonitio compellit, nec dignus est in morte accipere solatium, qui se non cogitavit esse moriturum.* Quòd autem nomine pacis & communicationis intelligat sanctus Doctor sacramentalem à peccatis absolutionem, his momentis suadetur. P. 71.

I. Quia nullis aliis terminis utitur passim ut eam exprimat; & si vel communionem Eucharisticam, vel solemnem dumtaxat cum Ecclesia reconciliationem his terminis à sancto Doctore, per exclusionem absolutionis sacramentalis, designatam fuisse dixeris, necesse est agnoscas nunquam ab illo designatam fuisse sacramentalem absolutionem: non alia enim apud ipsum reperies verba quibus eam expresse rit.

II. Eadem est pax quam denegat infirmis non poenitentibus, & quam concedit poenitentia defunctis: at qui postremam hanc esse sacramentalem à peccatis absolutionem nemo jure negaverit.

III. Ætate S. Cypriani non sejungebatur tempore communio Eucharistica à sacramentali absolutione, sicut facile est intelligere ex Epistolis ejusdem S. Doctoris 10. 11. & 54. ergo cui denegabatur Eucharistica communio, denegata quoque fuit sacramentalis absolutio.

IV. Infirmi, de quibus hic S. Cyprianus, verè impenitentes erant, qui nullum de peccatis dolorem suum testantur: at verisimile non videtur, impenitentibus datam à sancto Doctore peccatorum veniam. Eò tendit ratio quam adducit, quia rogare illos non delicti poenitentia, sed mortis urgentis admonitio compellit.

V. Si omnibus infirmis poenitentiam & pacem in infirmitate dumtaxat petentibus consuetudo communis fuisset dandi sacramentalem absolutionem, quare speciali ac provisorio decreto statuisset S. Cyprianus, eam dandam esse lapsis qui habebant libellos Martyrum; & quæ fuisset eorum prærogativa, si omnibus indistinctè pax concessa fuisset? De illo provisorio Decreto diximus paulò antea.

Confirmatur hocce S. Cypriani testimonium, Canone ultimo Concilii I. Arelatensis. *De his, inquit, qui apostatant, & nunquam se ad Ecclesiam re-præsentant, nec quidem poenitentiam agere querunt, & postea infirmitate ar-* Tom. 3.
Conc. p. 1429. C.
pti petunt communionem, placuit eis non dandam communionem, nisi revaluerint & egerint fructus dignos poenitentia.

Resp. per communicationem & pacem S. Cyprianum citata Epistola 52. intelligere vel participationem Eucharistia, vel solemnem & canonicam reconciliationem cum Ecclesia, qua privandos esse hujusmodi infirmos ex rigore disciplina decrevit. Hoc quoque sensu apud Veteres usurpari nomen com-

communione & pacis, paulò antè demonstravimus: relege. Et verò ejusmodi infirmis denegatam non fuisse poenitentiam expressè observat Innocentius I. at nulli denegata unquam fuit peccatorum venia, cui concessa est poenitentia. Nomine verò poenitentia, ut jam antea pramonuimus, non tantum intelligi debet satisfactio, cujus sanè incapaces sunt infirmi; quamdiu premit infirmitas, sed potissimum Sacramentum Poenitentia constans suis partibus essentialibus.

Ad primam itaque probationem respondeo, revera apud S. Cyprianum voces istas *communione, pacis, reconciliationis*, usurpari promiscuè ad significandam & sacramentalem à peccatis veniam, & Eucharisticam communionem, & reconciliationem canonicam cum Ecclesia; sed appositè & accommodatè ad subjectam materiam & loci circumstantias, modò una sine altera debet assumi, modò omnes simul. Nisi ita distinxeris, rem absurdissimam affinges S. Doctori, nempe eum dedisse Diaconis facultatem absolvendi sacramentaliter à peccatis; non enim aliis utitur terminis, quàm consuetis, *pacis, communionis &c.* Cum igitur legimus infirmis, de quibus loquitur, concedi poenitentiam, illico cogitare debemus, pacem, quæ illis denegatur, sacramentalem non esse à peccatis absolutionem, sed vel Eucharistiam, vel canonicam cum Ecclesia reconciliationem.

Ad secundam, dico eandem quidem, sed non omnem pacem denegari infirmis, quæ conceditur sanis poenitentia defunctis: isti enim non tantum sacramentalis absolutio à peccatis concedebatur, sed etiam Eucharistica communio, & perfecta seu canonica reconciliatio cum Ecclesia; alii verò, concessa sola sacramentali absolutione; *quæ morientis consolationi sufficit*, ait Concilium Arausicanum I. Can. 3. antea citato, denegabatur Eucharistia, & sollemnis reconciliatio cum Ecclesia per manus impositionem.

Ad tertiam; Ætate S. Cypriani ordinariè non sejungebatur tempore Eucharistia participatio à sacramentali absolutione, & poenitentibus, post emensum poenitentia stadium, utraque simul communi & ordinaria lege conferebatur: at in certis casibus, præsertim verò infirmitatis, una tempore sejungebatur ab altera, sicut manifestè patet ex Can. 78. Concilii IV. Carthaginensis antea citato; & idem judicandum de re nostra præsentis. ac de absolutione, quæ ordinaria quidem lege sequebatur olim impletam satisfactionem, sed in aliquibus casibus antecedebar.

Ad quartam: Æquivocatio latet in hac voce *impenitentes*: si enim significat, infirmos, de quibus loquitur S. Cyprianus, antea dum sani erant, poenitentiam non egisse, hoc sensu vocari possunt *impenitentes*, quod sanè unum innuere vult sanctus Doctor: si verò significat ejusmodi infirmos nequidem premente infirmitate poenitere de vita sua præterita, hoc sensu *impenitentes* dici non possunt, siquidem testatur S. Cyprianus, eos in *periculo deprecari*, quod sanè sine aliquo doloris & poenitentia interiori sensu non facerent; & quamvis mortis urgentis periculum occasio fuerit hinc excitanda poenitentia, motivum tamen ipsius supernaturale aliquod fuisse necesse est, aliàs nequidem concedi ipsis debuisset, virtute & auctoritate clavium, poenitentia sacramentalis, quam tamen concessam fuisse testatur Innocentius I. Ita exponenda sunt citata hæc S. Doctoris verba; *quia rogare illos non debuit poenitentia, sed mortis urgentis admonitio compellit*. Hoc est.

est, non poenitentia, quæ præcesserit, rogare illos compellit, siquidem nullam supponuntur egisse, sed ea saltem poenitentia, quam tum primum, occasione mortis urgentis, auxilio divinae gratiae excitati in se concipiunt.

Ad quintam, patet solutio ex dictis antea, ubi de poenitentibus sanis diximus, in responsione ad secundam Objectionem ex S. Cypriano. Consule quæ ibi dicta sunt.

Obijcies 2. S. Leo Epistola 91. ad Theodorum Foro-Juliensem, cum poenitentibus sine absolutione sacramentali defunctis negat esse communicandum, negat eorum memoriam esse faciendam inter Missarum solemnias &c. verba S. Pontificis superius relata sunt ad septimam Quaestionem, Art. 3. Conclusione secunda. Supponit igitur Summus Pontifex, nonnullos gravissimos peccatores, qui in infirmitate dumtaxat poenitentiam efflagitabant, dimissos ex hac vita fuisse sine sacramentali absolutione.

Resp. nego consequentiam; ad rem enim nostram appositum non videtur hocce S. Leonis testimonium. Agimus hic de iis qui in infirmitate dumtaxat ad poenitentiam confugiunt, & S. Leo loquitur de illis qui poenitentiam, dum sani erant, inchoaverunt quidem, sed casu quodam improvviso ex hac vita erepti, eam nec perficere, nec consequenter sacramentalem absolutionem, quæ expleta dumtaxat satisfactione solebat, concedi, potuerant percipere. Eo igitur beneficio privati illi fuerant, non quidem ex sententia Ecclesiae, sed subita morte: cum illis tamen noluit quidem aliquando Romana Ecclesia communicare; verum aliter communicabant, ut patet imprimis ex Canone 79. Concilii IV. Carthaginensis, in quo dicitur: *Poenitentes qui attentè leges poenitentiae exequuntur, si casu in itinere vel mari mortui fuerint, ubi eis subveniri non possit, memoria eorum & orationibus & oblationibus commendetur.* Idem statuit Concilium Arelatense II. Can. 12. Valsense II. Can. 2. Toletanum XI. Can. 12. Hoc unum igitur ex citato S. Leonis testimonio inferri merito potest, ut loco mox indicato diximus, nempe, 'lege ordinaria sacramentalem absolutionem datam fuisse post expletam poenitentiam.

Obijcies 3. testimonium Innocentii I. in Epistola ad Exuperium Tolosanum Conclusione prima & secunda hic relatum. *Consuetudo, inquit, prior tenuit, ut concederetur eis poenitentia, sed communio negaretur.* Innocentium verò per communionem intelligere absolutionem à peccatis, nulla vel levissima est dubitandi ratio, ait Morinus Lib. 10. cap. 1. n. 10. I. Quia ait communionem illam tandem concessam fuisse, ne Ecclesia asperitatem Novatianorum sequi videretur: at Novatiani negabant posse ab Ecclesia indulgeri peccatorum veniam.

II. Quia hanc communionem vocat *reconciliationem*, quo nomine solet designari sacramentalis absolutio.

III. Ait communionem illam à perpetuo exitio vindicare, quod rectè cadit in sacramentalem absolutionem, quæ planè necessaria est.

IV. Testatur Innocentius, veterem disciplinam duriorē fuisse: at durior non fuisset, si vel Eucharistiam tantum, vel solemnem & canonicam cum Ecclesia reconciliationem denegasset; subsequētibz temporibus denegata quoque est Eucharistia, & etiamnum apud nos denegatur ultimo supplicio afficiendis.

V. Ratio prioris severitatis, juxta Innocentium, hæc fuit, ne facilitas veniret

Tom. 3.
Canc. 7.
1206. B.

Tom. 1.
Canc. 9.
1255. C.

venit homines de sua reconciliatione securos faceret: hæc porro ratio locum habet præsertim si supponatur denegata sacramentalis absolutio, quæ vera est reconciliatio cum Deo.

VI. denique quia his temporibus non separabatur tempore sacramentalis absolutio ab Eucharistia, & utraque vel denegabatur, vel concedebatur.

Resp. ut supra ad testimonium S. Cypriani, Innocentium intellexisse vel Eucharisticam participationem, vel canonicam cum Ecclesia reconciliationem, quam prior disciplina ex severitate aliquibus denegavit; non verò sacramentalem à peccatis absolutionem. Ratio nostra est, quòd asserat S. Pontifex datam semper hujusmodi infirmis penitentiam: at frustra illa est, si non sequatur *venia* seu absolutio. Vide superius dicta. Momenta verò quæ hic opponuntur satis firmæ non videntur, ut ab explicatione data recedere nos cogant.

Non primum: Namque Novatiani non tantum sacramentalem absolutionem negabant lapsis, sed & Eucharistiam & reconciliationem cum Ecclesia. Ne igitur vel tantillum videatur Ecclesia imitari Novatianorum crudelitatem, jussit Innocentius priorem disciplinæ severitatem mitigari, atque omni penitentiam & veniam postulanti in mortis urgentis periculo concedendam esse, simul cum Eucharistica communione.

Non secundum. Certum quippe est, *reconciliationis* nomine Veteres non raro intellexisse canonicam & ceremonialem cum Ecclesia reconciliationem; quæ fiebat per manus impositionem. Vide quæ supra in hoc 2. Articulo diximus, in solutione Objectionum, ad tertiam quæ tota repetebatur ex Canonibus Elibertanis.

Non tertium: Solent enim Veteres, Innocentius imprimis & S. Augustinus, hanc Eucharistiæ vim & efficaciam tribuere, ut à perpetuo vindicaret excidio, propter abundantiam gratiæ quam celestis ille cibus communicat; unde visi sunt aliquando affirmare, eam ipsis parvulis planè ad salutem necessariam esse. Quò verò sensu id dixerint, exposuimus ubi de Sacramento Eucharistiæ.

Non quartum: Loquitur enim Innocentius de disciplina suo tempore recepta, neque potuit ille sine dono prophetiæ augurari quænam postea inducenda foret. Adde quòd hic sermo sit de illis qui communi ac recepta disciplina removebantur à communione Eucharistica; severitas verò quæ apud nos exercetur erga reos ultimo supplicio afficiendos, casus est singularis, ac specialis Ecclesiæ Gallicanæ disciplina.

Non quintum: Ratio enim hæc Innocentii locum habet etiam cum negatur vel Eucharistica communio, vel absoluta & perfecta reconciliatio cum Ecclesia, ut attendenti patebit.

Non sextum: Diximus enim non semel, ordinariè quidem non fuisse tempore sejunctam sacramentalem absolutionem ab Eucharistica communione; verum in certis casibus necessitatis & infirmitatis sejunctam fuisse.

Objicies 4. adversus tertiam Conclusionis partem. Sanctus Augustinus Lib. 1. de adulterinis conjugii Conclusionem secunda hic laudato, docet & Catechumenis & penitentibus etsi flagitiosè viventibus, subito morbo oppressis subveniendum esse per Baptismum & reconciliationem, hac tunc ducta ratione, quòd nemo novit, inquit, *utrum adulterina carnis illecebra usque ad Baptismum statueris detineri; atque in dubio satius sit nolenti dare, quam*

re, quam recusare volenti: atqui eadem ratio probat in casu etiam nostræ Conclusionis dandam esse absolutionem.

Resp. nego min. Status enim seu conditio ipsa Catechumeni vel penitentis sufficientem locum suppeditat præsumendi, nolle ejusmodi Catechumenos vel penitentes in perdita vita sua ad finem usque permanere; aliàs incassum & catachumenatus, & penitentia labores sustinerent: at nihil est in nostra hypothæsi unde possit talis haberi præsumptio. Peccator enim, de quo loquimur, nulla pietatis Christianæ officia supponitur exercere, inveterato peccandi habitu irretitus, scandalosus, vel etiam in actu ipso peccati ita morbo corripitur, ut nullum penitus doloris sui signum dare possit: quoigitur fundamento subnixæ esse posset absolutio quam auctor antea citatus contendit ipsi conferendam esse?

ARTICULUS III.

Proponuntur ac solvuntur aliæ nonnullæ quæstiones circa absolutionem dandam vel protrahendam.

QUÆRES 1. quandonam debeat Sacerdos absolvere penitentem.

Resp. Cum Sacerdos in tribunali Penitentia judex sit ac medicus animarum, penitentem absolvere non debet, nisi cum prudenter judicat ratam fore in Cælis sententiam quam Sacerdos in terris pronuntiat. Tunc enim vera est absolutio præsentis, ait S. Gregorius Magnus, cum æterni sequitur arbitrium judicis. Prudenter autem æstimare potest approbandam in Cælis absolutionem, cum penitens verum ac sincerum habet de peccatis dolorem cum firmo non amplius peccandi proposito, atque congruam agit de præteritis peccatis penitentia. Tom. 1. p. 1555.

QUÆRES 2. an toties laxanda sit absolutio, quoties homo crimen confitetur & absolvi postulat.

Resp. negativè. Causæ pensandæ sunt, ait idem S. Gregorius Magnus, & videndum quæ penitentia secuta sit post culpam. Quoniam comperimus, ajunt Patres Concilii Toletani III. Cap. 11. per quasdam Hispaniarum Ecclesias non secundum Canones, sed sædissimè pro suis peccatis agere penitentiam, ut quotiescunque peccare libuerit, toties à Presbyteris se reconciliari exposculent, ideo pro coercenda tam execrabilis præsumptione, id à sancto Concilio jubetur, ut secundum formam Canonum antiquorum detur penitentia. To. 5. Conc. p. 1011. D.

Et Patres Concilii Lateranensis II. anno 1139. Can. 22. Inter cætera, inquirunt, unum est quod sanctam maximè perturbat Ecclesiam, falsa videlicet penitentia, confratres nostros & Presbyteros admonemus, ne falsis penitentibus Laicorum animas decipi, & in infernum petrahi patiantur. Falsam autem penitentiam esse constat, cum spretis pluribus, de uno solo penitentia agitur: aut cum sic agitur de uno, ut non discatur ab alio. . . . Falsa etiam sit penitentia, cum penitens ab officio vel curiali vel negotiali non recedit, quod sine peccato agi nulla ratione prævalet: aut si odium in corde gessetur, aut si offenso cuilibet non satisfiat, aut si offendentis offensum non indulgeat, aut si arma quis contra iustitiam gerat. To. 10. Conc. p. 1007.

Adversus mollem hanc & præposteram nonnullorum Sacerdotum in concedenda lapsis venia facilitatem miro zelo insurgit S. Cyprianus, quam, *Journely de Sacram. Penitentia.* Y. post

post tyrannorum crudelitatem, veluti novam persecutionem Ecclesiae non minus perniciosam traducit. Emergit, inquit Tractatu de lapsis, novum genus cladis, & quasi parum persecutionis procella saevierit, accessit ad cumulum sub misericordiae titulo malum fallens & blanda perniciēs. Contra Evangelii vigorem, contra Domini ac Dei legem temeritatis quorundam laxatur incautis communicatio: irrita & falsa pax, periculosa dantibus, & accipientibus nihil profutura.... Operiuntur morientium vulnera: & plaga lethalis altis & profundis visceribus infixā, dissimulato dolore contegitur.... Non est illa pax, sed bellum: nec Ecclesiae iungitur, qui ab Evangelio separatur. Quid iniuriam beneficium vocant? Quid impietatem vocabulo pietatis appellant? Quid eis qui flere fugiunt & rogare Dominum suum debent, intercepta penitentia lamentatione communicare se simulant? Hoc sunt eiusmodi lapsi, quod grando frugibus; quod urbidum fidus arboribus; quod armentis pestilens vastitas; quod navigiis saeva tempestas.... Non concedis pacem facilitas ista, sed tollis; nec communicationem tribuis, sed impedit ad salutem.

Non absimili zelo eundem abusum reprimit Clerus Romanus in Epistola quae 31. est inter Cyprianicas. Absit, inquiebat, ab Ecclesia Romana vigorem suum tam profana facilitate dimittere, & nervos severitatis eversa fidei maiestate dissolvere... ut nova per misericordiam falsam vulnera veteribus transgressionis vulneribus imprimantur, ut miseris ad everisionem maiorem eripiantur & penitentia. Ubi enim indulgentiae poterit medicina proficere, si etiam ipse medicus intercepta penitentia indulget periculis; si tantummodo operis vulnus, nec finis necessaria temporis remedia obducere cicatricem? Hoc non est curare, sed, si dicere verum volumus, occidere.

Jamdiu antea in falsis prophetis falsam hanc & mollem indulgentiam damnaverat Ezechiel c. 13. Vae, inquit v. 3. prophetis in spiritibus, qui sequuntur spiritum suum, & nihil vident... dicentes pax, & non est pax. Et v. 18. Vae qui consunt pulvillo sub cubito manus, & faciunt cervicalia sub capite universae aetatis ad capiendas animas; & cum caperent animas populi mei, vivificabant animas eorum, & violabant me apud populum meum propter pugillum hordei & fragmen panis, ut interficerent animas, quae non moriuntur, & vivificarent animas, quae non vivunt, mentientes populo meo credenti mendaciis. Et Jeremias c. v. 14. Curabant contritionem filiae populi mei cum ignominia dicentes, Pax, pax, & non erat pax... quam obrem cadent inter ruentes.

Quæres 3. an graviter peccent Sacerdotes, qui promiscuè ac indiscriminatim absolvunt eos omnes qui peccata confitentur, ac se de illis dolere verbo declarant?

Resp. affirmativè: patet ex mox dictis responsio. Peccant illi in Deum, cujus Sacramenta violant indigna & sacrilega administratione: peccant in Ecclesiam, violata & conculcata ejus disciplina: peccant in poenitentes ipsos, tùm majori, quam, ex facilitate veniæ, concipiunt ad peccandum licentia; tùm falsa illa securitate ac fiducia qua se verè absolutos confidunt, cum tamen ligati adhuc sint; tùm denique cordis obduratione ac impenitentia finali, quæ ex perniciosa illa securitate ac fiducia ut plurimum sequitur.

Quæres 4. quæ sint cavenda Sacerdoti, ut ministerium suum debite ut oportet adimpleat in tribunali Penitentiae.

Resp. cavendam ipsi esse, 1. imperitiam. Si enim cæcus cæcum duxerit,ambo

ambo in foveam cadent. Sacerdos, ut sapius dictum est, iudicis ac medici partes sustinet in tribuiali Poenitentiae: necesse igitur est, ut tanquam iudex cognoscat leges, Canones, ac disciplinam Ecclesiae quae circa varia peccatorum genera observari debet: tanquam medicus, necesse est ut apprimesciat quibus potissimum remediis animorum nostrorum morbi sanandi sunt; quae industria & arte extricanda & in apertum educenda impedita & intricata nonnullorum conscientia. 1. cavenda ipsi est negligentia, ne forte ministerii ardua difficultate territus, explorare negligat vias omnes & aditus quibus cor poenitentis commovere, & ad sincerum de peccatis dolorem adducere valeat. 3. naturalis quaedam compassio & indulgentia, qua proclives sumus ad indulgentiam eorum delictorum quibus nos ipsi forte sumus obnoxii. Tota Sacerdotis compassio ex charitate fluere debet, & ex amore salutis poenitentis: alias falsa est ac noxia plurimum compassio & indulgentia, ac crudelitas magis, quam indulgentia est. 4. timor mundanus, ne forte remissius agat Sacerdos cum viris potentibus; atque, ut eorum gratiam ac favorem capteret, sese illorum desideriis accommodet, falsisque interpretationibus & legem inflectat, & pervicaces eorum voluntates molli assentatione dissimulet. 5. denique: cavendum maximè à laxiorum opinionum licentia, quae non legi Dei, non Ecclesiae disciplinae, sed cupiditati ac morum depravationi plurimum favent.

Quaerit 5. quibus in casibus teneatur Sacerdos absolutionem differre. Resp. generatim denegandam ac differendam esse absolutionem, iis quos Sacerdos cautus ac prudens iudicat indignos esse, quam non tantum sine fructu, sed etiam graviter peccando perciperent: id verò multis in casibus occurrit.

I. Cum poenitens ignorat praecipua fidei Christianae mysteria, quorum explicita fides necessaria est, v.g. Trinitatis, Incarnationis: pariter cum ignorat mandata Dei & Ecclesiae. Unde meritò Innocentius I. S. Pontifex tanquam scandalosam & perniciosam in praxi damnavit propositionem istam; *Absolutionis capax est homo, quantumvis labores ignorantia mysteriorum fidei; & etiam si per negligentiam, etiam culpabilem, nesciat mysterium sanctae Trinitatis & Incarnationis Domini nostri Jesu Christi.* Ita quoque Clerus Gallianus ann. 1700.

*Recueil
des Bul-
lets, p.
497. n.
64.*

II. Cum poenitens quas in corde gerit occultas cum proximo inimicitias non vult deponere: dicente ipsemet Christo Matth. 5. v. 24. *Vade prius reconciliari fratri tuo.* Quapropter Concilium Lateranense II. Can. 22. iam laudato ait, *falsam esse poenitentiam, si poenitens odium in corde gerit, aut si offensus cuilibet non satisficiat, aut si offendentis offensum non indulgeat.*

III. Cum poenitens recusat aut differt restituere vel samam proximi, quam laesi, aut rem alienam quam subripuit: *Non enim dimittitur peccatum,* ait S. Augustinus Epistola 153. alias 54. *nisi restituatur ablatum.*

IV. Cum poenitens ex inveterato habitu in eadem peccata semper relabitur: quo in casu praesumi non debet verum ac sincerum habere de peccatis dolorem, ac firmum vitae melioris incundae propositum. Neque obstat quòd obtestetur se de peccatis dolere: siquidem toties idem jam obtestatus fuit absque ulla subsequente emendatione, ut necesse planè sit per aliquod tempus explorare, an sincera sit & firma ejus voluntas. Neque verò alio consilio tot ac tam diuturnis laboribus Ecclesia olim poenitentes exercebat,

*T. 2. p.
331.*

Recueil
des Bul-
les, p.
496, n.
10.

antequam absolverentur, quàm ut exploraret, an vera & sincera foret eorum vitæ conversio, ac plena, quantum humana fragilitas patitur, divinæ justitiæ perfoluta satisfactio: neque verò quisquam nostrum esset, qui in privatis alicujus momenti negotiis, iis fidem tam facile habere vellet, quicquam toties violassent. Merito igitur ab Innocentio XI. proscripta fuit ista propositio, *Penitenti habenti consuetudinem peccandi contra legem Dei, naturæ, aut Ecclesiæ, esse emendationis spes nulla appareat: nec est neganda, nec deferenda absolutio, dummodo ore proferat se dolere & proponere emendationem.* Meminerint igitur Sacerdotes, se alieni beneficii dispensatores esse, quod proinde nonnisi ex voluntate Christi, ac legibus ab ipso vel ejus sponsa Ecclesia præscriptis dispensandum ipsis est, non in destructionem, sed in salutem & ædificationem animarum. Meminerint & ipsi penitentes, se reos esse, atque ad Sacerdotestantum ad Christum, cujus vices gerunt, accedere; non ergo animo contentioso, sed docili, submisso, parato ab ea omnia facienda & sustinenda quæ prudens injunxerit Sacerdos.

ib. n. 61.

V. Cum penitens versatur in proxima peccandi occasione, nec eam deferere vult, sive occasio proxima sit ad peccandum indeterminatè ac generatim, sive ad peccandum determinatè hac vel illa actione: v.g. non magis absolvendus ille est sciens se, quoties ludit, blasphemare, vel decipere, nec tamen vellet abstinere à ludo, quàm ille qui sciret se determinatè blasphemare. Unde Innocentius XI. damnavit propositionem istam, *Potest aliquando absolvi, qui in proxima peccandi occasione versatur, quam potest & non vult omittere: quin imò directè & ex proposito eam quarit, aut ei se ingerit.* Occasionem verò peccandi proximam appellamus, illud omne quod moraliter certam & indubitatam subministrat peccandi causam, sive per se in peccatum inducat, sive ejus occasione ita ad peccandum homo allicitur, ut certè certius in his circumstantiis sit peccaturus. Sic v.g. absolvendus non est qui eam domum, vel eos frequentat cum quibus peccare consuevit; qui concubinam apud se retinet, vel tabellas obscenas, quibus impurus amor excitatur: qui officium, vel artes illas exercet, quas nonnisi peccando hæcenus exercuit. Legat & assidue relegat Sacerdos qui excipiendis confessionibus destitutus est, eximias eam in rem S. Caroli Instructiones.

VI. Cum datum publicum scandalum non reparatur ab usurariis, v.g. & publicis concubinariis.

VII. denique, cum penitens recusat ea exercere pietatis officia, quæ Sacerdos tanquam salutifera remedia injunxit: eo quippe in casu præsumitur verum ac sincerum non habere recuperandæ sanitatis animæ desiderium.

In his igitur adductis casibus quantumvis penitens asserat se de peccatis dolere, neganda tamen absolutio, quia valdè dubius ac incertus est ille dolor, ac consequenter dubia & incerta Sacramenti materia. Porro in Sacramentis conficiendis vel conferendis uti non licet materia dubia, præsertim cum haberi potest certa. Quapropter Innocentius XI. anno 1679. & post ipsum Clerus Gallicanus in Censura anni 1700. istam proscribere propositionem, *Non est illicitum in Sacramentis sequi opinionem probabilem de valore Sacramenti,*

lib. 4. p.
489. n. 1.

Quæres 6. an debeat Sacerdos penitentem de peccatis quæ non declarantur interrogare.

Resp.

Resp. cum Sacerdotis sit poenitentem, quantum potest sublevare, necesse est omnino ut certis in casibus eum interroget circa peccata quae suspicari prudenter potest a poenitente non declarari, ex ignorantia, vel inadvertentia, aut, ut plurimum contingit, ex verecundia & pudore. *Debet Sacerdos*, ait S. Thomas in 4. dist. 19. *scrutari conscientiam peccatoris in confessione, quasi medicus vulnus, & index causam; quia frequenter quae pro confusione confitentis sacerdotis, interrogatus revelat*. Caveat autem diligenter Sacerdos, ut de iis tantum peccatis interroget, quae communia esse possunt statui seu conditioni poenitentium; ut turpia, modestis, non turpibus & obscenis verbis exprimat; ut animo curioso secreta familiarum non inquirat. *Non fiat explicita interrogatio*, ait S. Thomas loco mox citato, *de peccatis, nisi de illis, quae omnibus manifesta sunt: de aliis autem ad inventionibus peccatorum ista debet à longinquo fieri interrogatio, ut si commisit, dicat, si non commisit, non adiscat*.

Quaerens 7. an vitiosa foret ista absolvendi forma, *Absolve te ab omnibus peccatis tuis confessis & obliis, de quibus verè es contritus*.

Resp. quod etsi haec verba formam Sacramenti non reddant invalidam, siquidem integer perseverat ipsius sensus, superflua tamen illa sint, & omitenda; quia nempe in ipsa Sacramenti institutione sufficienter continentur ac praesupponuntur.

Quaerens 8. quid sentiendum sit de absolutione quae datur sub aliqua conditione: v.g. *Te absolvo si habeo potestatem absolvendi*; vel, *si tu es verè poenitens*; vel, *si restituveris alienum, aut tale aliquid feceris*.

Resp. 1. absolutionem datam sub conditione de praeterito vel de praesenti, ratam quidem esse ac validam; sed planè inutilem ac otiosam hanc conditionem, quae necessario praesupponi semper debet: neque enim Sacerdos absolveret, nisi haberet potestatem absolvendi; nec poenitens absolutionis fructum perciperet, nisi haberet requisitas dotes seu condiciones. Cum igitur prima conditio reddat ministrum incertum & dubium an administra verit, secunda verò poenitentem an receperit Sacramentum, utraque omitti debet.

Resp. 2. absolutionem datam sub conditione de futuro planè nullam esse ac invalidam: quia actus de praesenti cum conditione de futuro contingenti non est validus, sed solum instar promissionis ejusdem; velut si quis dicat, *Do tibi si feceris*: at hujusmodi promissio in Sacramento Poenitentiae locum non habet. Ratio à priori haec est, quia sola intentio ministerii absoluta, est efficax de praesenti: sicut enim propositio conditionalis ut sic, nihil ponit in re; ita voluntas conditionata, quamdiu talis est, suspensa manet & nihil operatur. Si ergo quando materia & forma Sacramenti ponitur, intentio ministerii non est absoluta, vel non aequivalet absoluta, non potest tunc Sacramentum perficere.

Dices 1. Sacramentum Poenitentiae ad instar Judicii fuit institutum: in Judiciis autem valet absolutio aut alia sententia lata sub conditione de futuro.

Resp. Quamquam Sacramentum Poenitentiae ad instar Judicii sit institutum, non tamen sequitur in omnibus formam Judicii civilis ac forensis; alioquin non posset idem esse accusator, testis, & reus: neque ipsi reo se excusanti credendum foret; neque essentialiter opus esset sententiam absolutionis.

ni ferri verbis ore prolatis & reo praesente, quia in Iudicio civilis sententia potest ferri scripto, & circa absentem. Qualis autem sit institutio Sacramenti Poenitentiae, ex praxi Ecclesiae & unanimi Doctorum sensu iudicandum est potius, quam ex sola proportionem cum Iudicio & foro externo.

Dices 2. Matrimonium initum per consensum & verba de praesenti sub conditione de futuro, valet impleta conditione; quidni & absolutio sacramentalis?

Resp. 1. antecedens à multis negari Theologis, de quo argumento in Tractatu de Matrimonio dicemus.

Resp. 2. nego consequentiam: in his etenim quae sunt institutionis divinae, & pendent à libera Christi instituentis voluntate, non alia querenda ratio quam Christi voluntas. Sic autem instituit Sacramentum Poenitentiae, ut absolutio data sub conditione de futuro non valeat; è contra sic instituit Sacramentum Matrimonii, ut contrahentium consensus datus sub conditione de futuro sufficiat ad validum Sacramentum.

Quaes 9. an valeat ista absolvendi ratio & forma, *absolve te auctoritate Episcopi, vel S. Pontificis, vel Ecclesiae.*

Resp. non valere; quia Sacerdos auctoritate, virtute & merito Christi, non Episcopi, non S. Pontificis, non Ecclesiae, absolvit: quod satis significat ipse Sacerdos cum juxta morem Ecclesiae ait, *Dominus noster Jesus Christus qui est Summus Pontifex te absolvat, & ego auctoritate &c.*

Queres denique: an valida foret absolutio à pluribus simul Sacerdotibus data.

Resp. validam fore, si praecesserit pluribus facta confessio. Nulla quippe satisfirma ratio videtur, cur nulla illa foret absolutio: neque eo in casu multiplex foret Poenitentiae Sacramentum, sed unicum ad eundem effectum ordinatum, & unam eandemque habens materiam, cui multiplex forma adaptaretur. Sicut quando Sacerdotes recenter inaugurati eandem cum Episcopo consecrant hostiam, non multiplex est Eucharistiae Sacramentum, licet forma consecrationis à pluribus proferatur supra unam & eandem materiam.

QUAESTIO DECIMA.

De ministro Sacramenti Poenitentiae.

Circa ministrum Poenitentiae ista sunt totidem Articulis expendenda.

I. quis sit à Christo Domino institutus Sacramenti Poenitentiae minister.

II. an ut valida sit absolutio, praeter Ordinis potestatem requiratur in ministerio jurisdictionis.

III. an necesse sit Sacerdotem esse ab Episcopo approbatum, ut valide absolvat.

IV. quis possit absolvere à casibus reservatis.

Quis sit à Christo institutus Sacramenti Poenitentiae minister idoneus.

Inter articulos Joannis Wiclef damnatos in Concilio Constantiensi, iste recensetur, *Laicum, si vir frangi fuerit, clavium potestatem à Christo accepisse*. Inde est quòd Martinus V. voluit eos, qui suspecti errant erroris Wiclef, interrogari num crederent, quòd *Christianus, ultra contritionem cordis, habita copia Sacerdotis idonei, teneatur de necessitate salutis confiteri Sacerdoti, & non Laico seu Laicis, quantumcunque bonis & devotis*. To. 12.
Croc p.
169. b.

Waldenses, teste Reinero L. 5. existimabant bonum Laicum, non verò malum Sacerdotem habere potestatem absolvendi.

Palavicinus Lib. 12. Hist. Concilii Trid. cap. 10. inter articulos Novatorum qui à Patribus expensi & damnati sunt, hunc refert, *Sacerdotes non habere potestatem ligandi & solvendi, nisi Spiritus sancti gratia & charitate sint praediti; & non eos solos esse ministros absolutiois, sed omnibus & singulis Christianis esse dictum: Quaecunque solveritis &c. quorum verborum virtute absolvere possunt peccata*. Non tamen apud ipsos omnes promiscuè Laici ministerium verbi aut Sacramentorum exercent, sed soli Ministri, tanquam delegati à tota communitate seu societate, cui potestas seu auctoritas ministerii concredita fuit. To. 1. p.
315.

Morinus L. 8. de Penit. c. 23. existimat Diaconis olim concessum fuisse, & audire penitentes confitentes, & eos sacramentaliter absolvere, cum vel urgebat necessitas, vel nullus aderat Episcopus vel Sacerdos.

CONCLUSIO.

Soli Episcopi & Sacerdotes habent à Christo derivatam absolvendi à peccatis auctoritatem: non Diaconi, non Laici.

Probatur primò: quia ipsis solis dixit Christus Joan. 20. v. 21. *Accipite Spiritum sanctum, quorum remiseritis peccata, remittuntur eis; & quorum retinueritis, retenta sunt*. Quo tam insigni facto, ait Concilium Trid. Sess. 14. c. 1. & verbis tam perspicuis potestatem remittendi & retinendi peccata, ad reconciliandos Fideles post-Baptismum lapsos, Apostolis & eorum legitimis successoribus fuisse communicatam, universorum Patrum consensus semper intellexit. Et cap. 6. ejusdem Sess. Circa ministrum, inquit, huius Sacramenti, declarat sancta Synodus, falsas esse & à veritate Evangelii penitus alienas doctrinas omnes, quae ad alios quosvis homines, prater Episcopos & Sacerdotes, clavium ministerium perniciose extendunt, putantes verba illa Domini, Quaecunque alligaveritis super terram &c. ad omnes Fideles indifferenter & promiscuè, contra institutionem huius Sacramenti, ita fuisse dicta, ut quivis potestatem habeat remittendi peccata. Idem definit Can. 10. Idem jam definierat Concilium Constantiense adversus Wiclef, contra quem extat Decretalis Martini V. ubi inter cetera dicit, quòd nec beata Virgo Deipara hanc habuerit potestatem, (nempe absolvendi à peccatis) propterea quòd ea potestas nec sanctitatem requirat, nec ab ea dependeat. To. 14.
Croc. p.
816. A.

Ibid. p.
819. C.

Probatur 2. ex constanti & perpetua SS. Patrum Traditione.

T. 2. p. 394. B. S. Ambrosius L. 1. de Penit. c. 2. loquens de potestate absolvendi à peccatis, *ius hoc, inquit, solis permiffum est sacerdotibus.*

T. 2. p. 516. D. S. Basilius in Regulis brevioribus ait, peccata necessariò aperienda esse iis quibus credita est dispensatio mysteriorum Dei, quos ait esse Sacerdotes.

T. 1. p. 605. S. Leo Epistola 91. ait divinitus esse ordinatum, ut indulgentia Dei non nisi supplicationibus Sacerdotum obtineri possit. Plura hic missa facimus SS. Patrum testimonia, præsertim cum initio hujus Tractatus abundè istud fidei dei nostræ caput vindicatum sit, cum Novatianos impugnabamus.

Solvuntur Objectiones.

P. 25. Obijcies 1. auctoritatem S. Cypriani Epistola 12. quæ est ad Presbyteros & Diaconos Ecclesiæ Carthaginensis, in qua sic loquitur: *Quoniam video facultatem venientem ad vos nondum esse, & iam æstatem cepisse, quod tempus infirmitatibus assiduæ & gravibus infestatur, occurrendum puto fratribus nostris; ut qui libellos à Martyribus acceperunt, & prerogativa eorum apud Deum adiuvare possunt, si incommodo aliquo & infirmitatis periculo occupati fuerint, non expectata presentia nostra, apud Presbyterum quemque presentem, vel si Presbyter repertus non fuerit, & urgere exitus ceperit, apud Diaconum quoque exomologesim facere delicti sui possint; ut manu eis in penitentiam imposita, veniant ad Dominum cum pace, quam dari Martyres Litteris ad nos facili desideraverunt.* Tria eo in loco Diaconus permittit S. Cyprianus, in casu necessitatis. 1. ut exomologesim, hoc est confessionem lapsum excipiant. 2. ut eis imponant manus in penitentiam. 3. ut pacem eis concedant, quam pro ipsis postulaverant Martyres, & cum qua ad Dominum ire possunt; quæ cæterè tria videntur demonstrare, S. Doctorem Diaconus potestatem fecisse sacramentaliter absolvendi à peccatis.

Respondent nonnulli, absolutionem illam sacramentalem à Diacono quidem, non tanquam à veris ministris, sed interpretibus & internuntiis dumtaxat, nomine Episcopo rum vel Sacerdotum, delatam fuisse, pro more tunc recepto deferendi ad absentes penitentes absolutionem, quod exemplo illustri Serapionis apud Eusebium L. 6. cap. 44. confirmari posse contendunt. Id verò eo verisimilius esse putant, quòd inter Martyres carceribus detentos, multi forent Episcopi & Sacerdotes, qui lapsum votis annuentes pacem eis concesserant, sicut testantur iidem Martyres apud S. Cyprianum Epistola 16.

Respondent alii, nihil esse incitato S. Cypriani testimonio undè necesse sit inferre, pacem illam, cujus conferendæ potestatem facit Diaconus, veram fuisse sacramentalem à peccatis absolutionem.

Non ex voce exomologesim. Namque et si diffiteri non possumus, hac voce sæpius apud Veteres significari sacramentalem confessionem peccatorum, nemo tamen negaverit, quia sæpiissime quoque usurpetur ad significandam tum ipsam integram penitentiam, tum actionem illam solemnem, qua penitentes dimittebantur à stadio penitentiae, & Ecclesiæ reconciliabantur; quo sensu usurpatur ab ipso met S. Cypriano Epistolis 11. & 61. tum etiam ad declarationem illam qua penitens affirmabat se penitentia imposita desin-

tum

etiam fuisse. Triplici verò isto sensu à S. Doctore nomen *exomologeseis* usurpari, cum permittit poenitentibus, ut in necessitate eam apud Diaconos faciant, non verò prout significat sacramentalem peccatorum confessionem; inde patet vel maximè, quòd ejusmodi *exomologeseis* lequatur poenitentiam; at confessio peccatorum eam præcedit, non sequitur. Intelligit igitur vel declarationem adimpletæ poenitentia, vel canonicam & ceremonialem cum Ecclesia reconciliationem, cujus conferendæ in absentia Episcopi vel Sacerdotis licentiam facit Diaconis: vel si placeat per illam *exomologeseim* intellexisse S. Cyprianum confessionem peccatorum, pugnaciter non renuemus, modò velis eam sacramentalem non fuisse, hoc est ordinatam ad sacramentalem absolutionem per Diaconos conferendam, sed in signum dumtaxat poenitentia, humilitatis ac majoris pietatis factam esse.

Non ex manus impositione, quam vult fieri à Diaconis supra poenitentes: quis enim ignorat illam, teste S. Augustino, fuisse dumtaxat orationem? Quis ignorat à Clero etiam inferiori manus illas fuisse impositas?

Non denique ex pace quam ait à Diaconis posse dari. Quamquam enim factamur pacis hujus nomine S. Cyprianum intellexisse tum sacramentalem absolutionem à peccatis; tum canonicam & ceremonialem reconciliationem cum Ecclesia, quæ clausula erat totius poenitentia, attamen constat ex dictis superius, aliquibus in casibus datam esse vel solam sacramentalem absolutionem sine ceremoniali & reconciliatoria manus impositione, ut constat ex Can. 3. Concilii I. Arausiaci; vel solam reconciliatoriam manus impositionem sine sacramentali absolutione, ut in casu quem proponit S. Cyprianus, nempe cum urget mortis periculum, nec adest copia Episcopi vel Sacerdotis.

In fabis 1. S. Cyprianus permittit Diaconis, ut idem faciant quod fecisset Episcopus vel Sacerdos si adfuisset, & quidem iisdem planè verbis: atqui Episcopus & Sacerdos sacramentalem à peccatis absolutionem dedisset: ergo &c.

Resp. dist. maj. Permittit Diaconis ut idem faciant quod Episcopus vel Sacerdos fecisset, modò non excedat eorum potestatem, concedo: si excedat, nego. Porro sacramentaliter absolvere à peccatis excedit potestatem Diaconis à Christo concessam. Cum igitur S. Cyprianus iisdem verbis utitur ut exprimat pacem quam dedisset Episcopus vel Sacerdos, & cujus conferendæ licentiam tribuit Diaconis in casu necessitatis, exponi debet accommodatè & appositè ad potestatem Diaconorum; ita ut pacis illius nomine intelligatur, vel canonica & ceremonialis reconciliatio cum Ecclesia, quæ restituebatur iis participanda Eucharistia, vel ipsam Eucharistiam: uno verbo, hoc pacis nomine, quam vult à Diaconis posse concedi, intelligit id omne quod poterant Diaconi ex usu Ecclesie ac Christi ordinatione: sicut eum de Episcopis & Sacerdotibus loquitur, intelligi quoque debet non tantum ceremonialis & canonica reconciliatio cum Ecclesia, & Eucharistia, verum etiam & sacramentalis absolutio à peccatis.

In fabis 2. Hanc pacem Diaconi conferebant pacem, quam lapsi postulabant, quam Martyres ipsis concesserant per suos libellos, cum qua illi poenitentes cum pace ad Dominum ire poterant: atqui pax ejusmodi est sacramentalis absolutio à peccatis; ergo &c.

Resp. dist. maj. Hanc pacem Diaconi conferebant, quam lapsi postulabant, sed non omnem, concedo: omnem, nego. Conferebant enim eam quam

quam poterant pacem, non verò omnem quam lapsi illi poenitentes efflagitabant. Accommodatè igitur, ut diximus, ad conditionem Diaconorum debet intelligi quæ fuerit pax ab illis data.

Obijcies 2. nonnulla Veterum testimonia in gratiam Diaconorum.

*Temp. 1.
Conc. p.
974. B.* Concilium Eliberitanum Can. 32. *Apud Presbyterum, inquit, si quis gravi lapsu in ruinam mortis inciderit, placuit poenitentiam agere non debere, sed potius apud Episcopum: cogente tamen infirmitate, necesse est Presbyterum communionem præstare debere, & Diaconum, si ei iusseris Sacerdos.*

*Pagina
1036. D.* Alcuinus L. de divinis Officiis, in capite de Jejunio, *Si necessitas, inquit, evenerit, & Presbyter non fuerit præsens, Diaconus suscipiat poenitentem, ac det sanctam communionem.* Eadem verbaleuntur in antiquo Ordine Romano.

*Tr. 10.
Conc. p.
1792. E.* Concilium Eboracense an. 1194. *Decrevimus etiam, inquit, ut nonnisi summa & gravi urgente necessitate Diaconus baptiset, vel corpus Christi cuiquam eroget, vel poenitentiam consentienti imponat.*

*Tr. 11.
Conc. p.
94. E.* Concilium Londinense an. 1200. *Non liceat, inquit cap. 3. Diaconis baptizare vel poenitentiam imponere, nisi duplici necessitate: videlicet quia Sacerdos non potest, vel absens, vel auctoritate non vult, & mors imminet puero vel ægro.*

Odo Episcopus Parisiensis, ejusdem temporis auctor, in Statutis synodalibus statuto 56. *Prohibemus, inquit, districte, ne Diaconi ullo modo audiant confessiones, nisi in arctissima necessitate: claves enim non habent, nec possunt absolvere.*

Petrus Cantor in Summa fol. 205. dubitat, num possit S. Pontifex ad tempus Diacono delegare potestatem clavium.

*Pagina
1710.* Denique Caput, Fures. Extra. De furtis. 5. *Decretalium titulo 18. Fures, inquit, & latrones, si in furando & depredando occiduntur, visum est pro eis non esse orandum; sed si comprehensi aut vulnerati Presbytero vel Diacono confessi fuerint, communionem eis non negamus.*

Resp. ad singula testimonia.

Concilium Eliberitanum communionis nomine intelligit vel canonicam cum Ecclesia reconciliationem, vel Eucharisticam communionem. Vide quæ superius dicta sunt.

Alcuinus per susceptionem poenitentium intelligit externam eorum cum Ecclesia reconciliationem: jure quippè ordinario pertinebat ad Episcopos, aut Sacerdotes, solemmiter reconciliare poenitentes; in casu verò necessitatis, id Diaconis permittebatur: at Diaconis unquam concessam esse facultatem absolventi à peccatis, expressè negat ipse Alcuinus. *Claves enim regni caelestis, ait, solis Episcopis vel Presbyteris tradita sunt.* Et Synodus Pictaviensis an. 1286. hunc abulum Diaconorum, tanquam erroneum proferibit cap. 5. *Abusum, inquit, erroneum qui in nostra Diocesi ex perniciosa ignorantia inolevit, eradicari volentes, inhibemus, ne Diaconi confessiones audiant, & ne in foro poenitentiali absolvant: cum certum & indubitatum sit ipsos absolvere non posse, cum claves non habeant, quæ in solo sacerdotali Ordine conferuntur.*

*To. 17.
Conc. p.
1140. B.*

Concilia Eboracense, Londinense, & Odo Parisiensis concedunt quidem Diaconis, ut in extrema necessitate confessiones excipiant, & imponant poenitentiam; at jus absolventi sacramentaliter à peccatis minimè concedunt. Mirum autem videri non debet, si data sit aliquando Diaconis

nis

nis facultas audiendi confessiones moribundi, cum & Laicus hoc etiam possit, docente S. Thoma in Supplemento q. 8. art. 2.

Petrus Cantor non dubitat an Diaconi solvere; sed, an ligare possint, usum clavium habere, generales confessiones audire, Missam ad tempus celebrare & ex delegatione S. Pontificis; quod dubium non solvit, quamvis ibidem asserat potestatem clavium solis Sacerdotibus competere.

In citato capite Juris Canonici error irrepit: non enim legi debet, *Presbytero vel Diacono*; sed, *Presbytero & Deo*, sicut legitur in Can. 31. Concilii Triburiensis, ex quo istud Caput *Fures*, desumptum fuisse notatur.

Obijcies 3. Potest Sacerdos esse minister extraordinarius Sacramenti Confirmationis: quidni pariter Diaconus Sacramenti Poenitentiae?

Resp. in rebushujusmodi quae pendent à voluntate libera Christi instituentis, paritatem ab uno ad alterum ductam non valere. Ratio autem disparitatis hæc potest afferri, quòd nempe character Episcopalis necessarius sit dumtaxat in ministro ordinario Confirmationis, non verò in ministro extraordinario: character verò sacerdotalis sit omnino necessarius ad conferendam sacramentalem à peccatis absolutionem.

Obijcies 4. S. Jacobus Epistolæ 5. v. 16. ait: *Confitemini alterutrum peccata vestra*. Ergo Laici ipsi confessionem excipere possunt, quanto magis Diaconi?

Resp. sensum S. Jacobi esse, ut omnes candidè fateamur nostra peccata, ea non dissimulemus, non excusemus; ut nempe pro nobis invicem apud Deum oremus. De sacramentali verò peccatorum confessione non est quòd teneamur textum hunc interpretari; aliàs non tantum Diaconi, sed & quilibet Laicus posset sacramentalem excipere peccatorum confessionem. Non desunt quidem exempla confessionis factæ Laicis, ut ostendit Morinus L. 8. c. 24. sed eam sacramentalem fuisse negamus: ex pietate enim, humilitate, ac majoris poenitentiae sensu nonnulli aliquando Laicis sua confessi sunt peccata.

A R T I C U L U S II.

An præter Ordinis potestatem requiratur in Sacerdote jurisdictio, ut validè absolvat.

Potestas Ordinis ea est quæ confertur per Ordinationem, his verbis, *Accipite Spiritum sanctum, quorum remisistis peccata &c.*

Potestas jurisdictionis est potestas regendi & gubernandi plebem subiectam. Duplex est: una ordinaria, quæ ex Officio; altera delegata, quæ ex commissione habetur. Prior convenit iis omnibus quibus ex Officio & titulo Beneficii incumbit animarum cura, tales sunt SS. Pontifices, Episcopi, Parochi &c. Queritur igitur, utrum præter Ordinis potestatem, quæ omnibus Sacerdotibus communis est, requiratur jurisdictio in certas personas, sive ordinaria, sive delegata, ut earum confessionem validè excipere possit Sacerdos, & absolutionem dare.

C O N C L U S I O.

Præter Ordinis potestatem requiritur in Sacerdote, ut validè absolvat, jurisdictionis à priori potestate distincta.

Probat ex Concilio Tridentino Sess. 14. c. 7. *Quoniam igitur, inquit, natura & ratio Judicii illud exposcit, ut sententia in subditos dumtaxat feratur, per suum semper in Ecclesia Dei fuit, & verissimum esse Synodus hæc confirmat, nullius momenti absolutionem eam esse debere, quam Sacerdos in eum profert, in quem ordinariam aut subdelegatam non habet jurisdictionem.*

Circa quem Concilii locum hæc observari debent.

I. Quod hic à Concilio declaratur, tam esse certum ac exploratum, ut de illo nulla unquam excitata fuerit in Ecclesia disputatio. Est verò cuique in veteri Ecclesiæ disciplina vel tantisper versato notum est, sine Episcopi licentia Sacerdotes non potuisse aut poenitentiam imponere, aut absolutionem impertiri, vel alia etiam sui Ministerii officia exercere. Vide S. Ignatium in Epistola ad Smyrnaeos, Tertullianum Lib. de Baptismo cap. 17. Conc. Eliber. Can. 32. Carthaginense III. c. 32.

II. Supponere Concilium esse aliquos Sacerdotes, qui nec ordinariam, nec delegatam habent potestatem jurisdictionis: unde sequitur talem potestatem omnino distinctam esse à potestate Ordinis, quæ æqualis est in omnibus Sacerdotibus. Jam dixerat Concilium Florentinum in Decreto, *Ministrum Sacramenti Poenitentiae esse Sacerdotem habentem auctoritatem absolvendi, ordinariam, vel ex commissione Superioris*: at istud inutile prorsus fuisset addere, si omnibus Sacerdotibus vi ordinationis suæ jurisdictionis concederetur necessaria ad validè absolvendum.

III. Hanc potestatem jurisdictionis necessariam esse constat, vel ex ipsa conditione Judicii, quod ferri non potest nisi in subditos, in quos jurisdictionis exerceri potest.

IV. Absolutionem datam à Sacerdote non habente jurisdictionem ordinariam aut delegatam, nullam & invalidam esse: tenet, ut loquitur Concilium, *nullius momenti*: nullus enim major est defectus, quam potestatis, in eo qui juridicè agit. Id jam definierat an. 1215. Synodus generalis Lateranensis famoso Can. 21. *Omnis utriusque sexus*. Ibi enim mandat, *ut omnis utriusque sexus fidelis saltem semel in anno confiteatur peccata sua proprio Sacerdoti: quod si volueris alieno Sacerdoti confiteri, licentiam prius postulare debeat & obtemperare à proprio Sacerdote, cum aliter ille ipse non possit absolvere, vel ligare*, quibus certè ultimis verbis significat Synodus, jurisdictionem, quam tunc temporis, ut supra observavimus, vel conferebant Parochi, vel saltem quam non conferebant Episcopi nisi de consensu Parochorum, jurisdictionem, inquam, illam planè necessariam esse in Sacerdote ut validè absolvat.

Solvuntur Objectiones.

Obijciunt I. Quilibet Sacerdos accepit in Ordinatione suam potestatem absolvendi à peccatis, sicut & consecrandi corpus Christi; ergo nihil ultra requiritur. Resp.

Resp. dist. ant. Accepit potestatem absolvendi à peccatis, radicalem, inchoatam, & ex parte principii activi, concedo: completam, & ex parte principii passivi, nego. Neque enim censetur potestas illa ultimò completa, nisi accedente jurisdictione & assignatis subditis in quos exerceri illa possit. Eo fere modo quo si quis esset à Rege Judex institutus, nec ipsi assignaret subditos quorum lites dirimeret, sed Provincie Gubernatoribus curam hanc demanderet, ut nempe certos subditos huic Judici assignarent, certè Judex ille accepisset à Rege potestatem judicandi inchoatam, quæ completa non evaderet, nisi cum Provincie Gubernator subditos ipsi designasset. Ita res se habet in Sacramento Poenitentiae. Quilibet Sacerdos accipit à Christo in Ordinatione sua auctoritatem absolvendi à peccatis inchoatam & incompletam dumtaxat, quia Christus ipse subditos cuilibet Sacerdoti non assignavit, sed hoc Ecclesie curæ ac providentiæ commisit: potestas ergo illa completa non evadit, nisi cum Superiores Ecclesiastici cuilibet Sacerdoti subditos assignant, in quos jus dicere possint.

Instabis 1. Eam Sacerdotes accipiunt in Ordinatione sua potestatem absolvendi, quam acceperunt ipsi Apostoli: atqui Apostoli, vi verborum istorum, *Accipite Spiritum sanctum, quorum remiseritis &c.*, absque ulla ul-
teriori jurisdictione completam habuerunt potestatem absolvendi à pec-
catis; ergo &c. Joan. 20. 23.

Resp. nego min. Namque speciali missione opus habuere Apostoli, quam revera acceperunt his verbis, *Sicut misit me Pater, & ego mitto vos &c.* Ergo præ-
ter auctoritatem his verbis comprehensam, *Quorum remiseritis peccata*, indi-
gent Sacerdotes missione, hoc est jurisdictione: quamquam satis accurata non
est quoad omnia paritas Apostolorum cum aliis omnibus Sacerdotibus. ibid. 4. 11.

Instabis 2. Eam potestatem in Ordinatione sua acceperunt Sacerdotes, quæ essentialis est ut exerceatur Judicium: atqui jurisdictio est essentialis; ergo acceperunt jurisdictionem necessariam.

Resp. dist. maj. eam radicalem, incompletam & inchoatam saltem acceperunt potestatem quæ essentialis est, concedo: completam, nego. Completa enim non est jurisdictio, nisi cum assignantur subditi. Etsi acceperint Sacerdotes in Ordinatione sua jurisdictionem inchoatam, & ex parte principii activi, non tamen illam completam acceperunt, quasi nihil amplius in ipsis desideretur: necesse enim est, ut dixi sæpius, ipsis assignari subditos, in quos judicium seu sententiam pronuntiare valeant.

Instabis 3. Subditi in quos Sacerdos quilibet potest auctoritatem suam exercere, sunt omnes Christiani qui sua volunt confiteri peccata, & se subijcere clavibus Ecclesie.

Resp. omnem & quemlibet Fidelem posse quidem esse subditum in quem Sacerdos quilibet inchoatam saltem habet auctoritatem, quæ completa fit ubi accedit auctoritas Ecclesie, quæ tales Fideles his & illis Sacerdotibus subijcit: hanc etenim subordinationem exigit recta regiminis Ecclesiastici ratio & disciplina.

Instabis 4. Sequitur inde, Sacerdotes ab Ecclesia suam habere absolvendi facultatem, non à Christo; quod sanè per absurdum esse demonstrant verba hæc, *Accipite Spiritum sanctum, quorum remiseritis peccata &c.*

Resp. nego sequelam. Sequitur enim dumtaxat, Ecclesiam assignare subditos;

eo ferè modo quo in exemplo paulò antè adducto, Provinciae Gubernator non confert Judicii auctoritatem judicandi, quam supponitur acceptam habere à Rege; sed ipsi certos assignat subditos, in quos potestatem illam hic & nunc valeat exercere.

.Objicies 2. Sine potestate jurisdictionis distinctæ à potestate Ordinis potest quilibet Sacerdos in mortis articulo absolvere quemlibet poenitentem.

II. Potest absolvere eum poenitentem qui inculpabiliter ignorat illum qui absolvit non habere requisitam jurisdictionem.

III. Potest absolvere eum qui venialia dumtaxat confitetur, vel etiam mortalia peccata jam dimissa.

IV. Qui titulum Beneficii coloratum dumtaxat habet, verè jurisdictionem non obtinet, attamen validè absolvit.

V. Sine tali jurisdictione validè absolvuntur peregrini, viatores, vagabundi, &c.

Resp. ad primum, in casu mortis Ecclesiam cuilibet Sacerdoti concedere necessariam jurisdictionem: nulla etenim eo in casu reservatio est, ait Concilium Trid. Sess. 14. Can. 7.

Ad secundum, falsum est quod supponitur; nullus enim major est defectus, quàm potestatis: quantumvis igitur poenitens inculpabiliter ignoret Sacerdotem non habere jurisdictionem, non valet ab illo data absolutio sicut non valeret, si existimaret illum esse Sacerdotem, & tamen non esset.

Ad tertium, eo in casu censetur tacito quodam consensu Ecclesia sufficientem dare jurisdictionem; quia nempe nulla lege tenetur poenitens ad confessionem sacramentalem venialium, aut etiam mortalium peccatorum quæ jam dimissa sunt.

Ad quartum, cum error communis faciat jus, ut dicitur; qui titulum Beneficii dumtaxat coloratum habet, sufficienti jurisdictione instructus censetur.

Ad quintum, concedit Ecclesia in ejusmodi vagabundos & peregrinos cuilibet Sacerdoti approbato jurisdictionem.

A R T I C U L U S III.

De approbatione Episcopi necessaria in Sacerdote, ut validè absolvat.

QUÆSTIO hic est de approbatione Episcopi necessaria Sacerdotibus, tam Secularibus quàm Regularibus, ut validè excipiant secularium confessiones: Regulares enim privilegiati seu exempti non indigent approbatione Episcoporum, ut suorum Regularium confessiones audiant; sed sufficit ut sint à suis Superioribus admissi & approbati.

Approbatio autem Episcopi nihil aliud est, quàm testimonium jurisdictionis quo Episcopus fidem facit, se ad confessiones in sua Dicecesi audiendas talem Sacerdotem approbasse & deputasse. Suprà, cum de proprio Sacerdote, occasione Canonis *Utrumque sexus*, diximus, observatum fuit, Concilii Lateranensis aetate approbationem distinctam fuisse à jurisdictione; illam à Parochis, ita consentientibus Episcopis, datam fuisse; illam verò ab Episcopis.

pis. At postea, præsertim verò in Concilio Tridentino, mutata est disciplina, & jurisdictionis ab Episcopi approbatione amplius non distinguitur; sed eo ipso Episcopus jurisdictionem confert, quo approbat. Hoc posito, sit

C O N C L U S I O.

Nullus Sacerdos, sive Regularis sive Secularis, potest validè absolvere, nisi habeat aut parochiale Beneficium, aut sit ab Episcopo approbatus.

Probatur ex Concilio Tridentino Sess. 23. de reformatione cap. 15. *De-
cernit sancta Synodus, nullum, etiam Regularem, posse confessiones secularium, etiam
am Sacerdotum, audire, nec ad id idoneum reputari, nisi aut parochiale Benefi-
cium, aut ab Episcopis per examen, si illis videbitur esse necessarium, aut
aliis idoneis indicetur, & approbationem, quæ gratis detur, obtineat: privi-
legiis & consuetudine quacunque, etiam immemorabili, non obstantibus. Qui-
bus postremis verbis revocat Synodus ea omnia SS. Pontificum privilegia, quibus indulgent Regularibus facultatem audiendi Fidelium confessiones, non petita nec obtenta Episcoporum licentia & approbatione.* De-
Te. 14.
Conc. p.
369. E.

Illud verò Concilii statutum in Gallia promulgatum ac receptum fuisse, testantur tùm plurima Concilia particularia in executionem hujusce Decreti celebrata, Rothomagensis, an. 1581. Burdigalensis an. 1583. Aquisgranensis an. 1585. Tolosanum an. 1590. Narbonense an. 1609. Tùm Clerus Gallicanus in Comitibus generalibus an. 1625. 1635. 1645. Nullus ita sit temerarius, ajunt Patres Gallicani, ut ingerat se audiendis confessionibus, quin ad id facultatem scripto traditam ab Episcopo aut eius Vicario generali obtinuerit. Et Religiosi, quamvis exempti ab illius jurisdictione, excipere non poterunt confessiones, quin prius examen subierint, ab eoque aut eius Vicario generali approbati fuerint, ex quorum nutu pendebit ut indefinitam aut ad tempus solam facultatem concedant.

Inde est quòd Pius IV. S. P. in Bulla quæ incipit, *In Principis Apostolorum*, data an. 1565. omnia & singula privilegia Regularibus concessa revocat ad terminos Concilii Trid. Omnia illa & singula, inquit, privilegia, exemptiones, immunitates, facultates, dispensationes, indulta, confessionalia, Mare magnum, & alia gratia in his omnibus & singulis, in quibus illa statuta & decretis Concilii Tridentini contrariantur, ipso iure revocata, cassata & annullata, ac ad ipsius Concilii terminos atque limites restricta sint & esse censeantur. Bullar.
Rom.
T. 1. p.
101.

Urbanus pariter VIII. S. P. in Bulla quæ incipit, *Cum sicut accipimus*, an. 1628. sic pronuntiat. Omnia & singula indulta huiusmodi audiendi secularium confessiones, absque Ordinarii examine & approbatione, quibusvis Collegiis, Capitulis, Apostolica auctoritate... concessa, tenore præsentium cassamus, revocamus, tollimus, abrogamus & annullamus. B. T. 4.
p. 103.

Probatur 2. ex Censura quæ tùm Clerus Gallicanus in Comitibus generalibus an. 1656. tùm Alexander VII. S. P. an. 1659. confixere Propositiones illas à quibusdam Regularibus Andegavensibus propagatas.

Prima hæcerat: *Concilium Tridentinum non obligat Regulares in Gallia ad obtinendas approbationes ab Episcopis, ut secularium confessiones audire possint; neque ex illius Concilii auctoritate privilegia Regularium restringi possunt.* Nov.
Mem. du
Clergé,
T. 1. p.
658.

sunt, cum in Gallia receptum non sit praterquam in decisionibus Fidei. Neque etiam Bulla Pii IV. pro confirmatione illius Concilii promulgata. Propositio ista, ait Censura, est falsa, temeraria, scandalosa, in haresim & schisma inducens, sacro Concilio Tridentino & Sedi Apostolica injuriosa.

Ibid. Secunda propositio hæc erat: Ubi Concilium Tridentinum est receptum, non possunt Episcopi restringere vel limitare approbationes quas Regularibus concedunt ad confessiones audiendas, neque illas ulla ex causa revocare. Quinimò Ordinum mendicantium Religiosi ad eas approbationes obtinendas non tenentur; & si ab Episcopis Religiosi non approbantur, resectio illa tantumdem valet, ac si approbatio concessa fuisset. Propositio hæc, ait Censura, complexè accepta est falsa, temeraria, scandalosa & erronea.

Ibid. Tertia propositio: Regulares Ordinum mendicantium semel approbati ab uno Episcopo ad confessiones audiendas in sua Diocesi, habentur pro approbatis in aliis Diocesium, nec novæ Episcoporum indigent approbatione. Regulares habent potestatem absolvendi seculares à peccatis Episcopo reservatis, etiamsi ab Episcopo auctoritas illa ipsis indulta non fuerit. Propositio hæc, ait Censura, quoad primam partem, est falsa, & saluti animarum perniciofa: quoad secundam partem est falsa, auctoritati Episcoporum & Sedi Apostolica injuriosa.

Idem S. Pontifex Alexander VII. sequentes propositiones damnavit Decreto dato die 24. Sept. an. 1665.

Recueil des Bulles s'p. 458. Duodecima, Mendicantes possunt absolvere à casibus Episcopis reservatis, non obtenta ad id Episcoporum facultate.

Ibid. Decima tertia, Satisfacit præcepto annuæ confessionis, qui constituitur Regulari Episcopo presentato, sed ab eo iniuste reprobato.

Ibid. p. 463. Et in altero Decreto dato die 18. Martii an. 1666. damnavit istam propositionem, Regulares possunt in foro conscientie uti privilegiis suis quæ sunt expressè revocata per Concilium Tridentinum.

Clerus Gallicanus in Comitibus generalibus an. 1655. declarat, nullam esse occasionem in qua S. Pontifex Regulares non mittat ad Episcopos, ut ab iis accipiant facultatem audiendi Fidelium confessiones: quam facultatem non habent nisi re ipsa sint ab Episcopis approbati. Hinc est quòd cum Innocentius X. approbasset Decretum sacre Congregationis Interpretum Concilii Tridentini, quo statuebatur, Archiepiscopum Burdigalensem non posse prohibere Regularibus habentibus privilegia Apostolica, quin à Dominica Palmarum usque ad Dominicam in albis inclusivè administrare valeant secularibus personis Sacramentum confessionis, hinc, inquam, est quòd Clerus Gallicanus reclamaverit adversus tale Decretum, scripta eam in rem ad S. Pontificem Innocentium X. Epistola die 16. Decemb. an. 1645.

Ex quibus inferes, derogatum fuisse iis omnibus SS. Pontificum Constitutionibus quibus indulgent Regularibus facultatem audiendi confessiones Fidelium, non petita nec obtenta Episcoporum licentia. Sic derogatum est Clementinæ, Dudum, editæ in Concilio Viennensi, per quam satis erat Mendicantibus petere approbationem ab Episcopo, quæ si recusaretur, ipso facto concessa habebatur. Derogatum pariter Bullæ Leonis X. approbatæ in Concilio Lateranensi (octo dumtaxat reclamantibus Episcopis) qua dicitur, eos qui Regularibus presentatis, admissis, vel etiam indebitè recusatis, continentur, satisfacere Canonis, Utriusque sexus. Ista, inquam, clausula, vel etiam inde-

indebitè recusatis, planè revocata censetur, perinde ac similisquæ extat in Extravaganti Benedicti XI. quæ incipit, *Inter cunctas*. Namque Concilium Tridentinum jubet ut Regulares habeant approbationem Episcopi: qui autem (quamquam si velis indebitè) recusantur, eam non habent. Quàm multis verò dissidiis & incommodis viam aperiret dicta clausula, si obtineret, nemo non intelligit: quotquot enim repulsam ab Episcopo paterentur, semper possent obtendere: & se indebitè fuisse recusatos. Idem dicendum de Constitutione Clementis X. an. 1670. quæ videtur nonnulla continere contraria iuribus Episcoporum indanda vel limitanda, aut etiam revocanda approbatione, sive secularibus, sive regularibus Presbyteris data. Unde ad postulationem Cleri Gallicani Senatus Decreto cautum est die 27. Sept. an. 1670. *ne quis Bullam hanc imprimere, divendere, & distribuere audeat*. Et altero Sanctoris Consilii Edicto statutum fuit, ut posthabito Senatus Burdigalensis Decreto, Mandata Episcopi Agennensis, quibus edixerat an. 1666. & 1668. nullum Regularem sine sua approbatione posse in sua Diocesi confessiones audire, & absolvere à reservatis, suum robur habent. Ibidem statuit Rex, Episcopos non teneri ad reddendam rationem recusatae suæ approbationis.

Probatur 3. ex declaratione Regularium data Eminentissimo Cardinali Richelæo die 19. Februarii an. 1633. quæ profitentur, tam suo quam aliorum Galliarum Regularium nomine, necessariam sibi esse Episcoporum approbationem ad valide excipiendas Fidelium confessiones, quam revocare ad nutum illi possunt.

Quæres 1. cuiusnam Episcopi necessaria sit approbatio: an penitentis, an Sacerdotis, an verò loci in quo Sacerdos confessiones excipit.

Resp. illius Episcopi necessariam esse approbationem, in cuius Diocesi Sacerdos audit confessiones. Ab illo enim debet approbâri, à quo jurisdictionem accipit: atqui jurisdictionem accipit ab Episcopo loci in quo audit confessiones.

Quæres 2. an necesse sit approbationem scripto dari.

Resp. ad valorem absolutionis indifferens esse, sive voce, sive scripto detur approbatio. Tutius tamen est ac convenientius, ut scripto detur, cum sit hæc approbatio publicum testimonium probitatis & peritiæ Sacerdotis.

Quæres 3. utrum necesse sit approbationi præire examen.

Resp. illud ex arbitrio Episcopi omnino pendere.

A R T I C U L U S IV.

De absolutione à casibus reservatis.

Quæres 1. an sit penes S. Pontificem & Episcopos facultas sibi reservandi quædam peccata, à quibus non possint absolvere inferiores Sacerdotes, quamvis approbati ad confessiones audiendas.

Resp. affirmativè. Ita Concilium Tridentinum Sess. 14. c. 7. *Magnopere*, inquit, *ad Christiani populi disciplinam pertinere sanctissimis Patribus nostris visum est, ut atrociora quadam & graviora crimina non à quibusvis, sed à summis dumtaxat Sacerdotibus absolverentur. Unde merito Pontifices Maximi pro suprema potestate sibi in Ecclesia tradita, causas aliquas criminum*

Tournely de Sacram. Poenitentia.

Z

num

T. 14.
Conc. p.
820. A.

num graves suos potuerunt peculiari iudicio reservare. Neque dubit. est, quando omnia, quæ à Deo sunt, ordinata sunt, quin hoc idem Episcopi, omnibus, in sua cuique Diocesi, in edificationem tamen, non in destructionem, liceat, pro illis in subditos tradita supra reliquos inferiores Sacerdotes auctoritate, præsertim quoad illa, quibus excommunicationis censura annexa est. Hanc autem delictorum reservationem consonum est divinæ auctoritati, non tantum in externa politia, sed etiam coram Deo vim habere. Doctrinam hanc Can. 11. definit eadem Synodus.

Quæres 2. quis possit absolvere à casibus reservatis.

Resp. 1. eos qui reservarunt, aut inferioribus Sacerdotibus facultatem concesserunt absolvi ab illis reservatis.

Resp. 2. in articulo mortis nullam esse reservationem. Ita Concilium Tridentinum loco mox citato.

Resp. 3. Episcopum absolvere posse à casibus reservatis S. Pontifici eos qui ob legitimum impedimentum, sive temporale, sive spiritale, non possunt S. adire Pontificem. Colligitur ex cap. *Mulieres*. Cap. *Ea nescitur*. Cap. *Quamvis*. Quibus in locis licet fiat tantum mentio excommunicationis ob percussione Clerici, tamen eadem regula ad casus omnes S. Pontifici reservatos extendi solet.

Resp. 4. posse Episcopum absolvere à casibus reservatis S. Pontifici, si occulti sint. Ita Concilium Trid. Sess. 14. de reformatione cap. 6. *Liceat*, inquit, *Episcopis in irregularitatibus omnibus & suspensionibus, ex delicto occulto provenientibus. . . & in quibuscunque casibus occultis, etiam Sedi Apostolicæ reservatis, delinquentes quoscunque sibi subditos, in Diocesi sua per se ipsos, aut Vicarium ad id specialiter deputatum, in foro conscientie gratis absolvere, imposita penitentia salutari.*

Quæres 3. an Regulares privilegiati possint absolvere à casibus Episcopo reservatis, non accepta prius ab eo speciali licentia.

Resp. non posse. Patet ex dictis hic Articulo 3. non possunt enim regulares & seculares Sacerdotes valide absolvere, nisi jurisdictionem habeant ab Episcopis & approbationem: at quando casus aliqui reservantur ab Episcopo, jurisdictionem aliis censetur auferre erga tales casus.

Quæres 4. an Superior teneatur consentire penitenti per se vel per alium postulanti facultatem ut ab inferiori Sacerdote approbato absolvetur à reservatis.

Resp. vulgò teneri, quia juxta S. Th. in 4. dist. 17. q. 3. art. 3. quæstiuncula 4. ad 6. peccat Superior qui difficilem se præbet in hac concedenda facultate. Rationem adducit S. Doctor: *Quia multi sunt adeo infirmi, quod potius sine confessione morerentur, quam ut tale peccatum tali Sacerdoti constentur.* Et sane jurisdictio data non est Superiori propter auctoritatem vel utilitatem ipsius, sed propter bonum penitentis; seu, ut loquitur Concilium Tridentinum, non est data in destructionem, sed in ædificationem.

Quæres 5. an qui confessus Sacerdoti habenti potestatem absolvi à reservatis, omisit ex oblivione confiteri reservata peccata, teneatur postmodum illa tanquam reservata confiteri.

Resp. affirmative, quia satisfactum non fuit intentioni reservantis, ut scilicet peccata hujusmodi subicerentur Superiori, vel habenti jurisdictionem ab eo.

Quod

Quòd sitamen intendisset Superior, vel alter habens potestatem, tollere reservationem, jam satis esset alteri Sacerdoti confiteri. Quo sensu communiter admittunt omnes, eum, qui tempore Jubilei omisit aliqua peccata reservata ex oblivione, non teneri ea postmodum confiteri tanquam reservata: sive quia S. Pontifex tollit tunc omnem reservationem, sive quia Sacerdos absolvens virtute Jubilei intendit tollere omnem reservationem.

Quæres 6. an qui Superiori vel habenti facultatem invalidè confessus est, teneatur iterum sua peccata tanquam reservata confiteri.

Resp. 1. non teneri, si confessus est Superiori qui reservavit. Nam ut Superior tollat reservationem, non requiritur confessio valida, sed sufficit ut eam velit tollere reservationem.

Resp. 2. teneri, si tantum confessus sit habenti potestatem delegatam. Nam habens hujusmodi potestatem potest solummodo absolvere sacramentaliter, & non extra Sacramentum; unde si extra Sacramentum tollere velit reservationem, nihil operatur: at non absolvit sacramentaliter, quando poenitens invalidè confessus est.

Quæres 7. utrum Fidelis possit in aliena Diœcesi absolvi à casibus quos proprius ejus Episcopus sibi reservavit.

Resp. affirmativè. Ratio est, tum quia reservatio non afficit Presbyterum, sed poenitentem; tum quia sequitur ille loci in quo confitetur disciplinam & leges: unde si confitatur in aliena Diœcesi, in qua peccatum aliquod sit Episcopo reservatum, quod tamen reservatum non sit in sua Diœcesi, tenetur adire Superiorem aut aliquem ab eo delegatum, à quo possit absolvi. Observa tamen, quòd si poenitens in fraudem legis ac disciplinæ quæ in sua Diœcesi viget, ad aliam eo animo tenderet ut possit facilius absolvi, reverà non absolveretur, ac graviter peccaret; nemini quippe sua fraus debet patrocinari.

QUÆSTIO UNDECIMA.

De effectibus Sacramenti Poenitentia.

Quæ pertinent ad effectus Poenitentia quatuor quæstionibus exponit S. Th. scilicet 86. 87. 88. & 89. tertiz partis; quæ sequentibus Articulis hic prosequemur.

In 1. agemus de effectu Poenitentia quoad peccata mortalia.

In 2. de effectibus Poenitentia quoad peccata venialia.

In 3. de virtutum & meritorum recuperatione, seu per Poenitentiam reviviscentia.

In 4. de reditu peccatorum per Poenitentiam dimissorum.

A R T I C U L U S P R I M U S.

De effectu Poenitentia quoad peccata mortalia.

Quæres 1. utrum aliquod sit tam enorme peccatum mortale, quod non possit per Poenitentiam deleri.

Z 2 Resp.

Resp. negativè. Patet ex dictis initio hujus Tractatus. Ratio est, inquit S. Th. quia quòd aliquod peccatum non possit deleri per Pœnitentiam, contingere potest dupliciter: vel quòd aliquis de peccato pœnitentiam agere non possit; vel quòd peccatum non possit deleri per Pœnitentiam. Neutrum dici potest. Non primum: sic enim tolleretur arbitrii nostri libertas, & virtus gratiæ. Non secundum: quia repugnat divinæ misericordiæ, de qua dicitur Joëlis 2. v. 23. *Benignus & misericors est, patiens & multa misericordie.*

Quæres 2. utrum peccatum mortale remitti possit absque pœnitentia.

Resp. 1. nunquam remitti posse absque pœnitentia, quatenus virtus est includens odium & detestationem vitæ prioris, & propositum futuræ melioris, *Nisi pœnitentiam egeritis, omnes simul peribitis*, ait Christus Luc. 13. v. 3.

Resp. 2. remitti posse per contritionem perfectam absque Sacramento recepto, sed non sine ordine ad illud. Vide quæ suprà dicta sunt, ubi de contritione perfecta.

Quæres 3. utrum pœnitentia necessaria ad remissionem peccati mortalis debeat esse formalis, an verò virtualis sufficiat.

Resp. sufficere virtualem, quia sufficit amor Dei super omnia, ex motivo perfectæ charitatis: sed amor ille est virtualis pœnitentia, ergo &c.

Quæres 4. utrum unum peccatum mortale remitti possit per pœnitentiam sine alio.

Resp. negativè, quia non tollitur unum peccatum, nisi per inherentem gratiam sanctificantem: atqui hæc compati non potest cum actuali peccato: aliàs fieri posset ut quis simul esset in gratia, & damnatione; simul penam æternam propter peccatum, & gloriam æternam propter gratiam mereretur: at id videtur planè absurdum & impossibile, *Nihil enim damnationis est iis qui sunt in Christo Jesu.*

Rom. 8.
v. 1.

Quæres 5. utrum remissio peccati mortalis sit omnino gratuita.

Resp. affirmativè. Ratio est, quia peccatum mortale secum importat privationem gratiæ; igitur non potest remitti sine gratia: at hæc planè gratuita est; in homine quippe peccato mortali infectio nihil est quod gratiam promereri possit.

Quæres 6. an remissa culpa mortali semper tollantur omnes peccati reliquie.

Resp. negativè. Sicut enim post Baptismum remanet adhuc fomes peccati & concupiscentia, ita post dimissam per pœnitentiam culpam mortalem, læpissimè remanet certa quædam animæ dispositio, seu habitus & infirmitas, qua inclinatur adhuc ad similes actus peccaminosos, quæ inclinatio & infirmitas, quamdiu in actum non erumpit, culpæ non imputatur.

Quæres 7. utrum remissio culpæ sit effectus pœnitentiæ quatenus est virtus, vel quatenus est Sacramentum.

Resp. effectum esse utriusque, principalius tamen pœnitentiæ quatenus est Sacramentum. Ratio est, quia pœnitentia quatenus est virtus, scilicet tantum tanquam dispositio prævia ad Sacramentum, vel ut pars materialis Sacramenti: atqui Sacramentum principalius agit, ex opere scilicet operato, tanquam instrumentum Christi efficax & operativum gratiæ sanctificantis.

ARTICULUS II

De effectu Poenitentia quoad peccata venialia.

QUÆRES 1. utrum peccata venialia remitti possint absque poenitentia vel formali vel virtuali.

Resp. negativè. Quia peccatum veniale est vera offensâ Dei; ergo remitti non potest sine voluntaria ejus retractatione saltem virtuali. Nec sufficit, inquit S. Thomas, habitualis displicentia, quæ habetur per habitum charitatis vel virtutis poenitentia, quia sic charitas non compateretur peccatum veniale, quod patet esse falsum.

QUÆRES 2. utrum hæc virtualis poenitentia necessaria ad remissionem venialium, debeat esse perfecta contritio, vel sufficiat attritio ex motivo supernaturali elicitâ.

Resp. sufficere attritionem. Ratio est, quia peccata venialia debent per poenitentiam facilius remitti, quàm mortalia; sunt enim minora quovis peccato mortali, & qui est Dei amicus facilius veniam à levi culpa debet obtinere, quàm qui est inimicus Dei: atqui si ad eorum remissionem necessaria foret perfecta contritio, difficilius remitterentur venialia, quàm mortalia. Hinc est quòd S. Augustinus sapiens doceat, peccata venialia deleri per solam Orationem Dominicam.

QUÆRES 3. utrum peccata venialia remittantur per Sacramenta.

Resp. affirmativè: sunt enim Sacramenta causæ effectrices gratia, per quam remittuntur venialia peccata perinde ac mortalia. Hinc iustorum pia praxis, qui etsi sola habeant venialia peccata, sese clavibus Ecclesiæ subjiciunt per sacramentalem confessionem.

QUÆRES 4. utrum Sacramentalia remittant peccata venialia, etiam ex opere operato.

Resp. i. ex dictis antea, ubi de Sacramentis generatim sumptis, per Sacramentalia Theologos intelligere res quasdam, vel sacras actiones ab Ecclesia institutas, quibus remissio peccatorum venialium tribui solet, non quidem ex opere operato, quia nulla est Christi promissio, qua effectus aliquis spiritalis sit infallibiliter annexus hujusmodi Sacramentalibus; sed ex opere operantis, nempe Ecclesiæ fide, oratione, ac pietate illius, qui Sacramentalibus utitur.

QUÆRES 5. utrum veniale peccatum conjunctum in eodem homine cum peccato mortali, remitti possit sive quoad culpam, sive quoad penam sine illo.

Resp. nihîl obstarè. Nam ut remittatur peccatum veniale, sufficit & necessaria dumtaxat est illius detestatio: atqui potest aliquis sincerè detestari peccatum veniale, etiam si non remittatur ei mortale. Sic potest v.g. aliquis, cum se preparat ad confessionem omnium suorum peccatorum, sincero dolore affici, ac verè detestari cum aliquo Dei amore tum peccata venialia, tum mortalia: atqui tunc possunt remitti venialia, non remisiss mortalibus, quia nempe attritio sola sufficit pro venialium remissione, ad remissionem verò mortalium præter attritionem requiritur confessio.

ARTICULUS III.

De virtutum & meritorum reviviscencia per poenitentiam.

Observandum est, triplex vulgò distingui à Theologis operum genus: alia scilicet sunt mortifera, alia mortua, alia mortificata.

Mortifera opera ea sunt, quæ mortem animæ afferunt; qualia sunt peccata mortalia.

Mortua, sunt morales & honestæ actiones quas homo elicit in statu peccati mortalis: cum enim illæ actiones careant habituali gratia seu charitate, quæ vita est animæ, idcirco dicuntur opera mortua; italia sunt omnia opera facta in peccato mortali.

Mortificata verò opera illa dicuntur, quæ facta sunt ab homine iusto, priusquam lapsus foret in peccatum mortale, quo huiusmodi operibus vita omnis interclusa fuit.

Non hic agitur de mortiferis operibus; certum quippe est illa reviviscere non posse, quæ vitæ sunt incapacia: neque etiam de operibus mortuis; quod enim nusquam vixit, reviviscere non potest: atqui opera mortua nunquam vixerunt, quia facta sunt extra gratiam sanctificantem seu vivificantem. De solis igitur operibus mortificatis hic movetur quaestio, utrum nempe illa per poenitentiam subsequentem reviviscant, non quidem quasi iterum accipiant suum esse, quod in actione positum est, ac jam desit; sed quoad suum effectum, seu jus illud quod contulerant suo auctori ad condignè obtinendam à Deo vitam æternam.

Dux sunt ea de re opiniones. Prima negans, veterum scilicet quorumdam Theologorum, quorum meminit S. Thomas hic art. 5. in corpore. Secunda affirmans, quæ communis est apud Theologos.

CONCLUSIO.

Bona iustorum opera, & merita virtutum, per peccatum mortificata, beneficio poenitentiae subsequentis reparantur ac reviviscunt.

Probat 1. ex Scriptura, Joelis 2. Postquam v. 12. Deus dixit: *Convertimini ad me in ieiunio, fletu, & planctu &c.* v. 25. inter beneficia quæ daturus illis est in mercedem conversionis hæc recensentur: *Reddam vobis annos, quos comedis locustas, bruchus, & rubigo, & eruca.* Quæ verba S. Hieronymus exponit de restitutione bonorum spiritualium quæ per peccata deperdita fuerant.

Galatarum 3. postquam Apostolus v. 1. Galatas objurgavit, eo quòd Judaïsantibus facilius crederent, sic pergit v. 3. *Sic stulti estis, ut cum spiritu caperitis, nunc carne consummimini? Tanta passi estis sine causa? si tamen sine causa, quibus verbis Apostolus Galatas multa primùm pro Christo passos, deinde in Judaïsimum prolapsos objurgat, & monet inutiles omninò fore omnes illas, quas pro Christo sustinuerunt afflictiones, nisi ad saniores mentem redeant & agant poenitentiam.* Supponit igitur Apostolus illis ad saniores

norem mentem reverfis ac poenitentibus utiles futuras præteritas illas afflictiones.

Hebræorum 6. v. 10. *Non enim iniustus Deus, ut obliviscatur operis vestri, & dilectionis quam ostendistis in nomine ipsius, qui ministrastis sanctis, & ministratis.* Quo loco, etiamsi de operibus mortificatis speciatim ac præcisè non loquatur Apostolus, sed universim de bonis Hebræorum fidelium operibus, quæ erga sanctos exercuerant, tamen cum satis probabile sit, aliquos ex iis per peccatum à gratia excidisse, sicut inferri potest ex præcedentibus; idcirco colligi potest loqui Apostolum, tum de bonis eorum operibus factis in gratia, tum de iis quæ per veram poenitentiam subinde reparata fuerunt. Hunc locum sic intellexisse videtur Conc. Trid. Sess. 6. cap. 16. ubi ait: *Iustificatis hominibus sive acceptam gratiam perpetuò conservaverint, sive amissam recuperaverint, proponenda inter alia, hæc verba Apostoli: Non enim iniustus Deus, ut obliviscatur operis vestri.*

T. 11.
Cm. p.
763. C.

Probatur 2. ex SS. Patribus.

S. Ambrosius L. 1. in Lucam n. 33. *Vide, inquit, quam bonus Deus, & facilis indulgere peccatis: non solum ablata restituit, sed etiam inspirata concedit.*

T. 1. p.
1195.

S. Hieronymus in caput 3. ad Galatas: *Quicumque, inquit, ob fidem Christi laboraverit, & postea lapsus fuerit in peccatum, sicut prius dicitur passus fuisse sine causa, dum peccat; sic rursus non perdet ea, si ad pristinam fidem & ad antiquum studium revertatur.*

D. E.
T. 4. par.
1. p. 251.

S. Chrysostomus in eandem locum dicit, quod non frustra laboravit peccator, si revocet animum, & agat poenitentiam.

Edic.
Comm.
pagin.
1000.

Probatur 3. ratione theologica.

Prima, quia juxta Conc. Trid. Sess. 6. cap. 16. & Can. 32. tres dumtaxat conditiones requiruntur, ut opera nostra meritoria sint. ac suum præmium consequantur: prima est, ut sint opera hominis iustificati. Secunda, ut facta sint in Deo, id est, gratia & auxilio Dei. Tertia, ut homo, qui ea fecit, tandem in gratia decedat, sive acceptam gratiam perpetuò conservaverit, sive reparata velit amissam. Atqui hæ conditiones reperiuntur in meritis mortificatis, post actam poenitentiam: certum quippe est merita nostra, antequam per peccatum mortificentur, duas priores habere conditiones; tertiam verò à poenitentia mutantur, per quam habitualis gratia conceditur homini, qui in ea finaliter perseverare potest.

T. 14.
Cm. p.
761. &
768.

Secundæ ratio est, quia circa bona hominis opera plùs virium non habet culpa, quàm gratia; ergo si per culpam mortificantur, necesse est ut per gratiam, quæ & ipsam culpam perimit, denudò excitentur ac reviviscant.

Quæres, an merita in eodem perfectionis gradu, in quo primùm fuerant, reparentur ac reviviscant.

Resp. cum S. Thoma, præcedentia merita reparari ac reviviscere pro majori vel minori perfectione, seu intensione poenitentia subsecquentis. *Contingit, ait sanctus Doctor s. p. q. 89. art. 2. intensiorem motus poenitentis quandoque proportionatam esse maiori gratia, quàm illa, à qua exciderat per peccatum: quandoque autem equali; quandoque verò minori. Et idcirco poenitens quandoque resurgit in maiori gratia, quandoque autem in equali, quandoque etiam in minori.* Et in resp. ad 2. Poenitentia, inquit, quantum est de se, habet virtutem reparandi defectus ad perfectum, & etiam promovendi in ulteriorem statum: sed hoc quandoque impeditur

ex parte hominis, qui remissus movetur in Deum, & defflationem peccati. Et art. 5. ad 3. Qui per poenitentiam resurgit in minore charitate, consequetur quidem primum essentiale, secundum quantitatem charitatis in qua invenitur. Habebit tamen gaudium majus de operibus in prima charitate factis, quam de operibus, qua in secunda fecit, quod pertinet ad primum accidentale. Quibus verbis declarat sanctus Doctor, eum, qui a peccatis resurgit per charitatem minorem ea, quam antea habuerit, primum quidem essentiale beatitudinis reportaturum, sed in primum prioris charitatis majoris, majus ipsi gaudium accidentale concedendum fore.

Dices 1. Ezechielis 18. v. 24. Si averteris se iustus a iustitia sua, & fecerit iniquitatem, omnes iustitiae ejus, quas fecerat, non recordabuntur. Ergo, &c.

Resp. loqui Prophetam de illo iusto, qui a iustitia excidit, & in peccato moritur; addit enim, In pravicatione qua pravicatus est, & in peccato suo, quod peccavit, in ipsis morietur.

Dices 2. Peccata semel dimissa non reviviscunt quoad poenam, per peccatum denovo commissum; ergo neque bona opera per peccatum mortificata reviviscunt quoad meritum, per poenitentiam.

Resp. nego consequens. Ratio disparitatis est, quia quod peccata semel dimissa non redeant, neque quoad culpam, neque quoad poenam, species quaedam est iustitiae, quia pro illis per applicationem meritorum Christi satisfactum fuit: at quod bona opera, valore suo per peccatum amisso, suam primam vim recuperent, expura Dei misericordia & liberalitate profluit, quae nobis manifestatur ex Scripturis. 2. Peccata sunt quaedam debita, quibus homo iustitiae divinae sit debitor, quae quidem in justificatione ipsi a Deo relaxata fuere: cum vero aliquis per sua peccata Deum offendit, ipsi quidem denovo sit debitor, sed veteribus debitis dimissis iterum non obligatur.

Quaes 1. quo jure bona opera iusti lapsi mortificata reviviscant per poenitentiam.

Resp. tria spectanda esse in reviviscencia bonorum operum. 1. id quod eam antecedit, nempe gratia sanctificans. 2. id quod eam sequitur, nempe retributio praemii. 3. id quod eam comitatur, nempe acceptatio divina, qua vult ut ea merita mortificata reviviscant.

Dico igitur 1. reviviscenciam illam spectatam ratione gratiae sanctificantis, quae praecedit, esse planè gratuitam; quia sanctificans illa gratia est gratuita.

Dico 2. si spectetur reviviscencia meritorum, ratione praemii quod eam sequitur, nempe ratione retributionis gloriae, eam ex titulo iustitiae deberi, quia gloria est merces & corona iustitiae.

Dico 3. si spectetur reviviscencia formaliter, seu ratione acceptationis divinae, eam gratuitam esse & ex mera Dei liberalitate. Non tenebatur enim Deus illa opera acceptare ad gloriam: potuisset enim absque ulla iniustitia sub hac conditione promittere praemium nostris ex gratia meritis, si videlicet in gratia perseveraremus, neque postea ullum committeremus peccatum; igitur titulo fidelitatis Dei & liberalitatis reviviscunt illa opera.

Quaes 2. utrum gratia sanctificans ac virtutes infusae per peccatum amissae, per poenitentiam redeant,

Resp.

Resp. affirmativè. Id patet ex locis suprà citatis Scripturæ, tum quia quidquid tam gratiæ sanctificantis, quam juris ad gloriam aliquando fuit iusto titulo ab homine acquisitum, & postea per peccatum mortale deperditum, ei de suo peccato debitè penitenti restituitur à Deo.

Dices 1. Nunquam redit semel amissa innocentia, ut docet S.Th. 3. p. qu. 89. art. 3. in corpore; ergo nec amissa gratia.

Resp. nego consequens. Innocentia enim non est gratia nudè & simpliciter sumpta, sed est gratia nunquam interrupta, seu non amissa: atqui impossibile est eum qui semel amisit gratiam, hanc nunquam amisisse.

Dices iterum: Virginitas semel amissa nunquam recuperatur, juxta S. Hieronymum.

Resp. dist. ant. Nunquam recuperatur, quoad materiale, concedo: nam violata semel carnis integritas, non reparatur. Quoad formale, nempe propositum abstinendi ab omni voluptate venerea, nego. Cum autem S. Hieronymus scribit, Deum non posse suscitare virginem lapsam, mens ipsius est, Deum efficere non posse ut virgo, quæ lapsa est, lapsa non sit. Consule S.Th. 1. p. qu. 25. art. 4. ad 3. & 2. 2. q. 152. art. 1. in corpore & art. 3. ad 3.

Dices 3. Adamus non recuperavit iustitiam originalem.

Resp. dist. ant. Iustitiam originalem connotativè sumptam, prout includit perfectam subjectionem appetitus inferioris parti superiori, concedo: entitativè sumptam, prout est ipsa met gratia sanctificans, nego.

ARTICULUS IV.

De reditu peccatorum per poenitentiam dimissorum.

Questio est, utrum quemadmodum bona opera per peccatum mortificata reviviscunt per poenitentiam, ita quoque peccata per poenitentiam dimissa, redeant per subsequenta peccata.

Hujus autem questionis triplex sensus esse potest.

Primus, an peccata semel dimissa eadem numero redeant quoad actum.

Secundus, an redeant secundum genus vel speciem.

Tertius, an redeant secundum reatum atque maculam, ita ut nempe propter illud novum peccatum à Deo imputentur ad mortem æternam, pèrinde ac si dimissa nusquam fuissent.

Certum est 1. peccata semel dimissa nunquam redire eadem numero quoad actum; neque divina, neque humana virtute. Non divina, quia Deus auctor peccati non potest esse: non humana, quia fieri non potest naturaliter regressus à privatione ad eandem numero formam.

Certum est 2. peccata semel dimissa posse redire eadem secundum genus vel speciem: nam justificatione non reddit hominem impeccabilem, nec donum perseverantiae infallibiliter annexum est gratiæ justificanti.

Tota ergo difficultas est de reditu peccatorum dimissorum quantum ad maculam & reatum.

Duobus verò modis dici possunt peccata redire quoad culpam. 1. ita ut redeant simpliciter, 2. ita ut redeant secundum quid.

Simpliciter redire dicuntur, si ad novum peccatum redeat alia numero macula.

macula ejusdem conditionis cum macula peccati mortalis per poenitentiam antea deleti; si redeat alius numero reatus, ejusdem quoque conditionis cum reatu peccati prioris dimissi, ita ut peccatum sequens poenitentiam non solum inducat maculam & reatum sibi proprium, sed etiam reducat antiquum, perinde ac si semper perseverasset, nec per poenitentiam deletus fuisset.

Redire autem dicuntur secundum quid, si peccatum sequens poenitentiam gravius fiat, tam quoad maculam, quam quoad reatum, propter praecedentia quae remissa fuerunt.

Circa quam difficultatem tres sunt praesertim Theologorum opiniones.

Prima absolute affirmat, per quodlibet peccatum mortale peccata per poenitentiam dimissa redire.

Secunda vult ea quidem redire simpliciter, non per quodlibet peccatum, sed tantum per aliquod ex quatuor istis, scilicet, per fraternum odium, apostasiam a fide, contemptum confessionis, & dolorem de concepta poenitentia, unde istud distichon.

*Frater odit, apostata fit, spernitque sateri.**

Poenitusse piget, pristina culpa redit.

Tertia contendit non redire simpliciter peccata, sed tantum secundum quid, modo exposito. Itaque sit

CONCLUSIO.

Peccata per poenitentiam dimissa non redeunt simpliciter, seu formaliter, sed tantum secundum quid ac virtualiter.

Prima pars probatur 1. ex Scripturis, in quibus cum mentio sit remissionis peccatorum, nulla legitur conditio de futuro apposita, v. g. si perseveremus in iustitia. Sic Ezechielis 18. v. 30. simpliciter dicitur: *Convertimini & agite poenitentiam ab omnibus iniquitatibus vestris, & non erit vobis in ruinam iniquitas.* At si redirent illae iniquitates secundum reatum, essent in ruinam.

Id patet etiam ex singulari modo quo mundatio a peccatis in sacris Litteris describitur: v. g. cor poenitentis dicitur mundum creati, & poenitens dicitur dealbari supra nivem, Psal. 50. Isaia 1. quibus certe verbis Scriptura innuit, nihil esse in homine justificato unde redire possint, & imputari eadem peccata dimissa.

Probatur 2. ex SS. Patribus.

S. Hieronymus in caput 18. Ezechielis ait iustum antea peccatorem non gravari antiquis suis peccatis.

S. Prosper Lib. Responsionum ejus ad capitula objectionum Gallorum, Responsione ad secundam objectionem sic loquitur: *Qui recedit a Christo, & alienus a gratia finit hanc vitam, quid nisi in perditionem cadit? Sed non in id quod remissum est, recidit, nec in originali peccato damnabitur.*

Mitto alios.

Probatur 3. rationibus theologicis.

Prima est, quia non videtur divinae iustitiae consentaneum, ut quod semel punitum a Deo est, iterum ab eodem puniatur. Porro peccata dimissa puniuntur.

T. 3. p.
826.

Ps. 106.
B. C.

punita fuere in iplo Christo, qui in se omnium nostrum iniquitates portavit; neque eas nobis dimisit Deus, nisi propter merita passionum Christi nobis applicata.

Secunda: Remittere peccatum, est ipsum non amplius imputare ad vindictam, juxta illud, *Beati quorum remisse sunt iniquitates, &, Beatus vir cui non imputavit Dominus peccatum.* Ergo ubi vera est remissio alicujus peccati, non amplius potest illud imputari: atqui peccata verè remittuntur per sinceram penitentiam; ergo &c.

Tertia, quia sine penitentia sunt dona Dei, ut ait Apostolus Rom. 11. ergo non revocat veniam semel concessam, nec imputat ad penam peccatum antea dimissum.

Quarta: Absolutè & sine ulla de futuro conditione penitens in Sacramento Penitentiae absolvitur ab omni peccato; ergo non redeunt illa: unde non imponitur lex iterum confitendi & subjiciendi clavibus Ecclesiae peccata jam dimissa.

Secunda Conclusionis pars probatur.

I. Quicumque post acceptam remissionem peccatorum iterum mortaliter peccat, is in piores damnationis statum recidit, qui erat effectus prioris peccati; & sicut relapsus in priorem morbum periculosior est, ita quoque culpa posterior gravior quodammodo fit priori.

II. Redire censentur illa peccata, ratione ingratitudeis qua gratia primùm acceptæ parum memor homo videtur.

III. ratione subtractionis singularium & abundantium auxiliorum, quæ Deus novis peccatis offensus ita deinceps denegat, ut in graviora peccata subinde homo prolabatur.

Solvuntur Objectiones.

Obijcies 1. Exodi 32. v. 14. Deus placatus precibus Moysis dimittit populo idololatriæ peccatum: nihilominus v. 34. testatur se ulturum peccatum illud; ergo redeunt peccata dimissa.

Resp. nego ant. Namque eò loci dicitur quidem Deus cohibuisse iræ suæ impetum, ne universam Hebræorum gentem disperderet, sicut colligitur ex v. 10. in quo Deus Moysen sic colloquitur: *Dimitte me, ut irascatur furor meus contra eos, & deleam eos.* Et postea v. 14. addit: *Placatusque est Dominus ne faceret malum quod locutus fuerat adversus populum suum;* quæ verba significant Deum repressisse quidem paratum toti populo exitium, sed peccatum dimissum fuisse non significant: unde v. 35. dicitur: *Percussit ergo Dominus populum pro reatu vituli.*

Obijcies 2. Scriptura testatur peccata dimissa redire in memoriam Dei: Lib. 3. Regum cap. 17. v. 18. Sareptana mulier Eliam sic alloquitur: *Quid mihi & tibi, vir Dei ingressus es ad me ut rememorarentur iniquitates meæ.* Item Psal. 78. v. 8. *Ne memineris iniquitatum nostrarum antiquarum.* Psal. 108. v. 14. *In memoriam redeat iniquitas patrum ejus in conspectu Domini.*

Resp. ea Scripturæ testimonia commodè exponi posse, vel de peccatis solum commissis, sed nondum dimissis; vel de dimissis ratione culpæ duntaxat, non ratione pænæ, quæ superstes remanet culpa dimissa.

Obji-

Obijces 3. parabolam quæ habetur c. 18. S. Matth. v. 32. in qua Dominus à servo crudeli in conferum suum debitum repetit quod remiserat; deinde v. 35. addit Christus, *Sic & Pater mentis vestris faciet vobis, si non remiseritis unusquisque fratri suo de cordibus vestris*. Ergo peccatorum debita licet extincta, redeunt odio fraterno.

Confirmatur 1. auctoritate S. Augustini Serm. 83. aliis 10. de verbis Domini c. 6. sub finem, ubi sic loquitur: *Dicit enim Deus, Dimittite, & dimittetur tibi.... Nam si non dimiseris, revocabo te; & quicquid tibi dimiseram, replicabo tibi. Non enim mentitur veritas; non fallit, aut fallitur Christus, qui subiecit dicens, Sic & vobis faciet Pater vester qui in Cælis est.*

Confirmatur 2. ex S. Gregorio Magno L. 4. Dialog. c. ultimo, ubi postquam retulit parabolam, sic concludit: *Ex quibus dictis constat, inquit, quia si hoc quod in nos delinquitur, ex corde non dimittimus; & illud rursus à nobis exigatur, quod nobis jam per penitentiam dimissum fuisse gaudebamus.*

Resp. nego consequens. Parabola sensus non aliò tendit, quam ut intelligamus teneri nos condonare omnem injuriam quam proximus nobis intulit; adeo ut nullam ab æterno Patre veniam sit accepturus, quisquis erga inimicum suum implacatum gerit animum: unde quod dicitur, Dominus ab immiti servo debitum remissum repetit, ornamentum quoddam est parabola. Videlicet in parabolis, non secus ac humano corpore, duo sunt partium genera, quedam ad usum, aliz ad ornamentum: priores necessariz sunt, aliz adjectivæ. In presenti parabola, Rex, duo servi, remissio decem millium talentorum, debitum centum denariorum cujus solutionem durius exigebat servus, partes sunt necessariz parabola; cætera verò adjecta sunt ornatus gratia, ut optimè observat Maldonatus in hunc locum: quæ quidem observatio rectè notanda est, quia multum confert ad explicandam variaz Scripturæ testimonia, & ad solvendas difficultates quæ in aliis theologicis argumentis occurrunt.

Et sanè quod S. Augustinus Lib. 16. de civitate Dei c. 2. sub finem egregiè dicit, in prophetis historiis, quemadmodum in cythis, non omnia resonare, sed nervos dumtaxat, idipsum nos de parabolis affirmare possumus.

Ad auctoritatem SS. Augustini & Gregorii reponi potest, peccata semel remissa per subsequens peccatum virtualiter redire, non verò formaliter. Scilicet peccatum quod veniam subsequitur ingrati animi labem involvit, & eo quidem turpiorem quo plura peccata condonata sunt. Huc accedit quod immemorem acceptæ veniæ peccatorem in tot & tanta scelera nunquam labi patitur ultrix divina justitia, ut tam reus evadat, ac si peccatorum criminum veniam assecutus non fuisset.

Instabis, S. Augustinus L. 1. de Baptismo contra Donat. c. 12. expressè docet odio fraterno redire peccata dimissa, sic loquitur: *Nam redire dimissa peccata ubi fraterna charitas non est, apertissime Dominus in Evangelio de illo servo docet.*

Resp. dist. ant. Peccata dimissa apparenter, concedo: verè dimissa, nego. Nam S. Augustinus eò loci loquitur de homine qui odio fraterno æstans ad Baptismum accedit, cui homini peccata dimitti ait, in actu primo scilicet, & quoad exteriorem apparentiam, quia Baptismus remittit peccata, id est vim habet ea ex se remittendi, quamquam fieri possit per accidens, ut ea non remittat, quan-

quando nempe subiectum non est dispositum, seu quando ad Baptismum homo fictus accedit. Qui verò cum odio fraterno baptizandus venit, dubio procul cum ficto peccatorum dolore venit ad Sacramentum, *Quomodo ergo Spiritus sanctus disciplina effugiet fictum, si in isto ficto remissionem operatus est peccatorum?* inquit S. Augustinus de Simone mago, initio prædicti cap. 12. Cum igitur huic fratris inimico Baptismus non contulerit veram remissionem peccatorum, verè dicti non possunt redire peccata; quod enim verè redit, verè abiisse debuit. Quo itaque sensu redeunt? hoc nimirum, quòd quidquid ille fictus post Baptismum peccat, antecedentibus ejus peccatis adjungitur, & ipsi ad damnum simul imputatur.

Hæc explicatio lucem affert obscuris S. Augustini verbis, ita in fine capitis citati loquentis: *Nec tamen illud quod nondum confero dimiserat, impedivit Dominum ejus, quo minus in illo tempore accipiendæ rationis, dimitteret ei omnia quæ debebat. Sed quid profuit, quandoquidem in caput ejus propter odiorum perseverantiam,* (nota hæc duas voculas, quæ exprimunt odium fraternum in baptizando & baptizato, adeoque pessimam in illis dispositionem) *rursus omnia continuò replicata sunt? Sic non impeditur Baptismi gratia, quo minus omnia peccata dimittat,* (intellige quantum in se est) *etiam si odium fraternum in ejus, cui dimittuntur, animo perseveret; quia peccatum odii fraterni non impedit valorem Baptismi, nec characterem ejus, sed fructum, idest, sanctificationem.*

Instabis 2. S. Augustinus cap. 13. ejusdem Lib. loquens de illo homine qui flagrans odio fratrem suscipit Baptismum, sic Donatistas interrogat: *Quid ergo dicimus? Dimittuntur peccata huic homini, an non dimittuntur? Propter quod volunt, eligant. Si enim dimittuntur, continuò redeunt: Evangelium loquitur, Veritas clamat.*

Resp. hæc verba S. Augustini, quamvis paulò duriora, eadem solutione mitiganda esse, qua antecedentia. Scilicet hoc unum vult sanctus Doctor: Si conceditur peccata illius hominis Baptismo dimitti, hoc sensu concedimus, quatenus Baptismi virtus potest ea dimittere independentè à probitate ministrantis, non tamen actu dimittere, propter indispositionem recipientis. Nisi ita exponas S. Augustinum, eum sibi contrarium fateri necesse erit.

Instabis 3. Idem sanctus Augustinus cap. 12. docet schismaticos Baptismum percipientes transire à tenebris peccatorum ad lucem Baptismi, quæ peccatorum tenebris dispellitur, & illicò post Baptismum recidere in priores tenebras. *Oculiquidem ejus, inquit, in tenebris perpetuò diriguntur, sed non potest lux nisi perfundere transentem. Si hoc ergo dixerint, hoc etiam in eis intelligant fieri, qui extra Ecclesiæ communionem, sed tamen Baptismate Ecclesiæ baptizantur, quod ubicumque fuerit, sanctum est per se ipsum; Et ideo non est eorum qui se separant: valet tamen & apud eos hæcenus, ut per ejus lucem transeant ad dissensionis suæ tenebras continuò redeuntibus peccatis, quæ Baptismatis sanctitas in illo temporis puncto dimiserat, tanquam redeunte obscuritate quam lux in transitu excusserat.* Atqui dum homo è tenebris egrediens lucem ingreditur, verè & physicè tenebras excutit, non apparenter tantum; ergo pariter homo baptizatus accipit remissionem peccatorum, licèt redeant eadem peccata.

Resp. dist. maj. Docet in hypothesidata, non concessa, concedo: absolute, nego. Scilicet sanctus Augustinus eò loci probat ad versus Donatistas, non esse

esse denuo baptizandos eos qui à schismate revertuntur ad Ecclesiam, & huic dilemmati à Donatistis cap. 11. proposito satisfaciunt. Vel hi qui in Ecclesia Donati baptizantur, veniam in baptismo consequuntur peccatorum, vel non: si prius, ergo Spiritus sanctus per quem peccata dimittuntur, est apud Donatistas: si posterius, ergo nec est verus baptismus apud schismaticos, quem tamen verum agnoscunt Catholici. Huic dilemmati ut respondeat S. Augustinus, exemplum proponit Simonis magi, & petit cap. 12. quid si Simon ille fictus accessit ad Baptismum, an ei peccata fuerint dimissa, vel non? Sed quia Donatistae poterant dicere, fuisse dimissa, probat S. Augustinus non potuisse dimitti ficto. Item quia Donatistae poterant fateri peccata Simoni non fuisse dimissa, colligit non idcirco Simonem baptizandum fuisse, & addit, *Fateantur vero Baptismo Christi baptizari posse hominem, & tamen cor ejus in malitia vel sacrilegio perseverans, peccatorum abolitionem non finire fieri.* Inferius autem hanc Donatistarum responsionem proponit: *Si autem dixerint, in illo quis fidei accessit, per sanctam vim tanti Sacramenti dimissa quidem illi esse peccata in ipso temporis puncto, sed per fictionem ipsius rediisse sicut fit cum quisque à tenebris per lucem transit ad tenebras;* & juxta hanc Donatistarum hypotheseos concludit S. Augustinus eos fateri debere Baptisma à schismaticis susceptum, in ipso Baptismatis momento tenebras peccatorum expellere, sed eos in schismate permanentes iterum recidere in tenebras priorum peccatorum. Vides S. Augustinum argumentari non ex propria mente, sed ex responsione Donatistarum:

T. 4. p.

1220. E.

Instabis ultimò: Idem S. Augustinus in Psal. 108. docet, præterita Judæ peccata rediisse. *Si ergo, inquit, Judas teneret illud ad quod vocatus est, nullomodo ad eum vel sua præterita, vel parentum iniquitas pertineret: quia ergo non tenuit adoptionem in familia Dei, sed iniquitatem vetustis generis potius elegit, rediit iniquitas patrum ejus in conspectu Domini, ut in eo etiam ipsa puniretur; & peccatum matris ejus non est in eo deletum.*

Resp: dist. ant. redierunt quoad poenam, concedo; nam S. Augustinus expressè loquitur de punitione: quoad culpam, nego; nam Judas malorum parentum pessimus filius, paterni sceleris poenas tulit, dum vestigia ejus sequutus est: nec enim aliter Deus in filiis parentum iniquitates placuit, nisi dum filii paternos mores æmulantur, ut docet S. Augustinus ibidem.

QUÆSTIO ULTIMA.

De Indulgentiis.

Omnis de indulgentiis disputatio ad hæc capita revocatur.

- I. de nomine ac natura indulgentiarum.
- II. de potestate & usu perpetuo Ecclesiæ in concedendis indulgentiis.
- III. de fundamento indulgentiarum, seu Ecclesiæ thesauro.
- IV. de valore indulgentiarum.
- V. de iis à quibus concedi possunt indulgentiæ.
- VI. de iis quibus illæ dispensari possunt, ac prodesse.
- VII. de dispositionibus præ requisitis ad lucrandas indulgentias.
- VIII. de causis propter quas dari possunt indulgentiæ.
- IX. de variis indulgentiarum speciebus.

ARTI-

ARTICULUS PRIMUS.

De nomine, definitione, ac natura indulgentiarum.

Generatim indulgentiæ nomen significat juris alicujus remissionem, relaxationem. Hic propriè sumitur pro relaxatione pœnæ temporalis quæ luenda superest post condonatum culpæ ac pœnæ æternæ reatum.

Definitur indulgentia, *Remissio pœnæ temporalis quæ post culpam & pœnam æternam condonata luenda superest, extra Sacramentum ab eo data qui potestatem habet dispensandi spirituales Ecclesiæ thesaurum.*

Dicitur 1. *remissio pœnæ temporalis*, ut distinguatur à culpa, & pœnæ æternæ, quæ per indulgentias non relaxantur.

Dicitur 2. *extra Sacramentum*: ut distinguatur ab ea remissione pœnæ quæ fit virtute Sacramenti Pœnitentiæ.

Dicitur 3. *ab eo qui habet potestatem dispensandi thesaurum Ecclesiæ*; ut assignetur proprius indulgentiarum minister, SS. Pontifices nimirum & Episcopi.

Circa naturam verò indulgentiarum, hæc est communis ferè doctrina.

PRIMA CONCLUSIO.

Indulgentiæ, nec culpæ, nec æternæ pœnæ reatum tollunt.

Probatur 1. Quia culpa & pœnæ æterna non remittuntur, nisi aut per Sacramentum, aut per contritionem perfectam extra Sacramentum: at indulgentia nec Sacramentum est, nec perfecta contritio: 2. Quia mortale peccatum non dimittitur, nisi per infusionem gratiæ; sed Ecclesiæ potestatem non habet infundendi gratiam, nec instituendi Sacramenta. 3. denique, quia Ecclesiæ ligandi ac solvendi potestate utitur per modum judicii: at indulgentiæ non conceduntur per modum judicii.

Dices: Nonnulli è SS. Pontificibus in suis indulgentiarum diplomatis ajunt se *absolvere à peccatis*.

Resp. clausulam hanc sic intelligendam ac interpretandam esse, quòd cum indulgentiæ aut supponant Sacramentum Pœnitentiæ quo peccata remittuntur, aut ad illud excitent ac ducant, aliquo sensu, indirectè scilicet aut præsuppositivè, dicuntur absolvere à peccatis.

SECUNDA CONCLUSIO.

Indulgentiæ remittunt pœnam temporalem, aut injunctam, aut per Canones injungendam.

Probatur 1. Quia in pluribus indulgentiarum diplomatis clausula hæc, *de injunctis*, expressè legitur; in aliis verò suppleri debet ac subintelligi, juxta regulam Juris, *Favores sunt ampliandi, & odia restringenda*, & indulgentia ad pœnas sive injunctas, sive injungendas generatim extendenda. 2. Indulgen-

dulgentiæ veteres quæ lapsis ingratiam Martyrum concedebantur, non tantum relaxabant penas à Sacerdote injunctas, sed etiam à jure seu Canone injungendas. 3. Si indulgentiæ hodiernæ eximerent dumtaxat à debito poenarum, quæ in Sacramento Poenitentiae injunctæ sunt, vix jam alicujus forent emolumenti, adeo leves sunt, comparatæ ad veteres, poenæ quæ jam imponuntur. 4. Ex Juris effato, ubi majus conceditur, minus concessum pariter videtur; atqui majus est remittere poenas injunctas, quàm injungendas; illæ quippe duplici titulo debentur, scilicet & reatu poenæ culpam consequente, & præcepto Sacerdotis. 5. denique, potestas clavium, in qua fundatur indulgentia, generalis est ac indistincta, *Quacunque solueritis, erunt soluta*. Ergo potestas illa se extendit ad penas non tantum injunctas, sed injungendas.

Mat. 16.
O. 18.
Obje-
ctiones.

Dices 1. Supremum est, Poenitentiae tribunal, nec ullus est in terris qui penam à Sacerdote in tribunali Poenitentiae impositam solvere possit.

Resp. dist. ant. Nullus est qui penam hanc solvere possit, directè, Sacerdotis sententiam vel irritando, vel ab ea dispensando, concedo: indirectè, tollendo debitum & reatum poenæ temporalis per indulgentias, nego: eo ferè modo quo si quis multam pecuniariam decreto Senatus alicui impositam ex liberalitate de suo solveret, indirectè debitorem à lege per superiorem Judicem imposita liberaret, non emendando Superioris sententiam, in quam nihil Juris & auctoritatis habet, sed debitum solvendo.

Instabis 1. Inde sequitur, poenitentem non teneri ad eam poenam sustinendam quam Sacerdos in tribunali Poenitentiae imposit.

Bellar.
L. 1. de
indul-
cap. 8.

Resp. nego. conseq. multis de causis, 1. Quia licet poenitentia illa vindictivæ non foret ad emendationem præteriti, attamen medicinalis foret in remedio futuri: à poenis autem medicinalibus non dispensat Ecclesia, quia omnino necessariae sunt reprimendis cupiditatibus & afferenda salute. 2. Quia poenitentia illa meritoria foret. 3. Quia homo semper dubius ac incertus est an omnem indulgentiarum fructum perceperit. 4. Quia aliter disciplinæ Ecclesiasticæ nervus dissolveretur. 5. denique, in diplomatibus indulgentiarum vulgò hæc conditio apponitur, *injuncta salutari poenitentia*.

Instabis 2. Sequitur etiam, indulgentias in præsentī Ecclesiæ statu ferè inutilis esse, quia cum non amplius vigeant Canones poenitentiales, ac leviores jam imponi soleant poenitentiae, ad quid necessariae sunt indulgentiae?

Resp. nego. apt. Imò inde potius concludi debet, eò magis nobis utiles ac necessariae esse indulgentias ad supplendos scilicet poenitentiae nostræ defectus: leviores enim illæ satisfactiones impares sunt divinæ placandæ justitiæ; indulgentiarum igitur subsidium nobis maximè necessarium est.

Dices 2. Non dimittitur nisi quod debitum est: atqui nemo debitor est poenitentiae per Canones injungendæ, tribus, vel septem, vel pluribus annis, quia Canones illi jam abrogati sunt, & in desuetudinem abierunt.

Resp. dist. min. Nemo debitor est, poenitentiae per Canones injungendæ, quantum ad modum & ordinem quo veteres Canones poenitentiam agendam præscribebant, percurrendo nempe celebres illas stationes, de quibus antea diximus, concedo: quantum ad substantiam & finem congruæ & peccatis proportionatæ poenitentiae, nego. Cum enim incertum planè sit quæ poenæ mensura, quæ magnitudo, acerbitas & diuturnitas peccatis lethalibus etiam dimissis in Judicio divino debita sit, idcirco eò totis viribus nitendum

dum semper, ut poenitentia & medicina vulnere inflicto minor non sit; quia verò pro humana infirmitate vix parescimus tot poenitentiis perfolvendis, idcirco pia mater Ecclesia illarum defectum supplet per indulgentias, ne fortè graves ac longè acerbiores in Purgatorio solvere teneamur.

Dices 3. Dantur indulgentiæ decem & viginti millium annorum: atqui poenitentia decem & viginti millium annorum nec injuncta sunt, nec possunt injungi.

Resp. 1. fictitias ac fabulosas esse hujusmodi indulgentias, judicio Gersonis, Dominici Soto, Estii, Maldonati, Bellarmini L. 2. de indulg. cap. 20. *Non solebant enim*, ait Bellarminus L. 1. c. 9. *indulgentias concedere, nisi tot annorum, quot annorum poenitentia injungebantur: poenitentia verò non solebant injungi nisi unius, duorum, trium, quinque, septem, decem, viginti annorum, aut ad summum per totam vitam, quæ ultra centum annos porrigi non solet.* T. 2. p. 450. C

Resp. 2. tam abnormes indulgentias, etsi supponerentur datæ, responderet numero annorum quibus unumquodque peccatum publica poenitentia castigari olim debebat, quiquidem numerus arithmetica proportionem servata in immensum crescebat. V. g. adulterii & homicidii crimen semel commissum per annos viginti puniebatur; iteratum, per annos quadraginta: & ita proportionem eadem sive erga idem scelus, sive erga alia scelera semper observata, in immensum crescebat numerus annorum poenitentia; ac consequenter primis Ecclesiæ sæculis millenorum annorum indulgentiis opus fuisset ad redimendum poenitentia tempus. Cum ergo ista computanda poenitentia ratio Veteribus incognita planè fuerit, nec videamus concessam primis sæculis tot millium annorum indulgentiam, concludendum est, & fictas esse illas indulgentias, & poenitentiam post gravissima scelera necessariam, non tam tempore quàm fervore charitatis metiendam esse. Vide Bellarm. L. 1. de Indulg. c. 9.

T E R T I A C O N C L U S I O.

Indulgentiæ liberant hominem à poena temporali, non solum coram Ecclesia, sed etiam coram Deo.

Probatur I. ex verbis Christi Matth. 16. *Quaecumque solveritis super terram, erunt soluta & in caelis.* Unde S. Paulus ait, quidquid incestuoso Corinthio donavit, se in persona Christi donasse.

II. Humanæ satisfactiones, ex probatis superius, vim & efficaciam habent coram Deo: cur & non relaxatio poenæ temporalis quæ per indulgentias conceditur?

III. Si indulgentia valeret dumtaxat coram Ecclesia, & non coram Deo, plus noceret, quàm prodesset, & Ecclesia filios suos in re maximi momenti decipere videretur: eximeret enim illos à poena hujus vitæ mitissima, & remitteret ad poenas gravissimas Purgatorii: atqui tamen Concilium Trid. decreto de indulg. declarat eas maxime salutares esse, eosque anathemate ferit, qui antinutiles esse asserunt, vel eas concedendi in Ecclesia potestatem esse negant. T. 14. Conc. p. 918. A.

IV. Non possent concedi indulgentiæ pro defunctis; quippe qui non ligantur jam Ecclesiæ præceptis, neque aut ipsi disciplina indigent, aut aliis exemplo esse possunt.

Tournely de Sacram. Poenitentia.

A 2

V. Non

- V. Non alia mente Martyres olim libellos indulgentiae lapsis concedebant, quàm ut etiam coram Deo à penis in altera vita luendis liberarentur : ut cum pace à Martyribus sibi promissa ad Dominum remittantur, ait S. Cyprianus Epistola 14. qui Tract. de lapsis agnoscit merita Martyrum, & opera iustorum plurimum valere apud Deum: unde Tertullianus Montanista factus Lib. de pudic. cap. 22. Martyres sugillabat, quòd sibi assumerent potestatem dimittendi per sua merita penas divinæ iustitiæ debitas. Sufficiat Martyri, dicebat, propria delicta purgasse: ingratis & superbiis, in alios quoque spargere, quod pro magno fueris consecutus. Supponit igitur Tertullianus, tametsi damnet, hanc fuisse suo tempore Ecclesiæ fidem, posse Fideles meritis SS. Martyrum apud Deum juvari.
- P. 1575. B. *ciat Martyri, dicebat, propria delicta purgasse: ingratis & superbiis, in alios quoque spargere, quod pro magno fueris consecutus.*

VI. denique Sixtus IV. S. P. Constitutione quæ incipit, *Licet ea*, istam Petri Oxiomenis sententiam proscripsit, *Romanus Pontifex Purgatorii penam remittere non potest.* Et Leo X. in Bulla contra articulos Lutheri, hunc inter alios perstringit, *Indulgentiæ his, qui veraciter eas consequuntur, non valent ad remissionem pena pro peccatis actualibus debita apud divinam iustitiam.*

To. 14. Cmc. p. 396. n. 14.

QUARTA CONCLUSIO

Indulgentiæ propriè est absolutio iudicialis, habens annexam solutionem ex thesauro.

I. est absolutio iudicialis fundata in potestate clavium. Quæcumque solveritis super terram, erunt soluta & in cælis. Generalis est & absoluta sententia.

Id ostendunt SS. Pontifices. Alexander III. in Epistola ad Episcopum Cantuariensem ait, neminem posse indulgentias concedere, nisi propriis subditis. Rationem statim reddit: *Quia non potest nisi proprius iudex absolvere vel ligare.* Martinus V. in Conc. Constantiensi concedens indulgentiam plenariam, dicit *absolutionem plenariam* concedere; & Gregorius VII. in multis Epistolis indulgentiam tribuens, ut plurimum muritur verbo *absolutionis*.

Ratio est, quia non alia de causa indulgentiæ mortuis concedi non possunt nisi per modum suffragii, quàm quòd Ecclesiæ clavibus ac iurisdictioni subiecti amplius non sint; ergo indulgentiæ quæ vivis conceduntur, veram & iudiciariam supponunt & arguunt eas concedendi potestatem.

II. potestatem hanc veram esse solutionem ex thesauro Ecclesiæ, asserit Clemens VI. in Extravag. *Unigenitus*. Et ratio aperta videtur; quia videlicet iudex quatenus iudex satisfacere debet iustitiæ, ejusque jura illa custodire: sed Ecclesiæ Prelati sunt à Deo iudices constituti in dispensatione indulgentiarum; ergo debent iustitiæ satisfacere; ergo non possunt arbitrio suo absque ulla compensatione condonare penam temporalem, sed necesse est ut aliquid solvant ex communi Ecclesiæ thesauro ad æqualitatem.

Objectiones. Dices 1. Absolutio iudicialis supponit causæ cognitionem: sed indulgentia hanc causæ cognitionem non supponit nec requirit, quia sæpius datur in communi iis omnibus qui hoc vel illud executi fuerint.

Resp. dist. maj. Absolutio iudicialis particularis, quæ fertur secundum allegata & probata, causæ cognitionem requirit, concedo: absolutio generalis

neralis seu communis & conditionata, quales sunt indulgentiæ generales, nego. Prior absolutio dicitur sententia *ab homine*: posterior à *summo*. Prior privatæ causæ cognitionem exigit; ad posteriorem verò sufficit iusta & legitima causa communem ac generalem concedendi indulgentiam.

Dices 2. Si concessio indulgentiarum involvit iurisdictionem, & fiat per modum absolutionis, sequitur S. Pontificem fructum indulgentiæ percipere non posse, quia nullum Superiorem habet, nec seipsum absolvere potest; nemo quippe suimetipsius iudex est, aut in semetipsum iurisdictionem potest exercere.

Resp. S. Pontificem posse ab alio, cui potestatem faciat, indulgentiam percipere; quemadmodum potest ab alio sacramentaliter à peccatis absolvi.

QUINTA CONCLUSIO.

Indulgentiæ ab omni pœna temporali & laboriosis pœnitentiæ operibus vix unquam hominem penitus eximunt.

Probat I. exemplo Corinthii incestuosi cui Apostolus 2. Corinth. 2. v. 10. residuum quod supererat pœnæ luendæ non remisit, nisi postquam pœnitentiam unius anni peregisset.

II. S. Cyprianus graviter eos redarguit, qui Libellaticis, antequam pœnitentiam egissent, indulgentiam, seu pacem & communionem temerè laxabant, quam pro ipsis exposulaverant Martyres. *Contra Evangelii vigorem*, ait Tract. de lapsis, *contra Domini ac Dei legem temeritate quorundam laxatur incauti communicatio. Irrita & falsa pax, periculosa dentibus, & accipientibus nihil profutura.* Et Epistola 10. Peto, inquit alloquens Martyres occasione Libellaticorum, ut eos, quos ipsi videtis, quos nostis, quorum P. 174. pœnitentiam satisfactioni proximam conspiciatis, designetis nominatim libello, & sic ad nos fidei ac disciplinæ congruentes litteras dirigatis. Observe verba hæc, pœnitentiam satisfactioni proximam, id est quæ æqualitatem accedat. P. 146

III. Bonifacius VIII. Extravag. *Antiquorum*, docet unumquemque plus mereri, & efficacius consequi indulgentias, qui Basilicas ipsas Apostolorum Extra-
va.com.
p. 344. amplius & devotius frequentat. Ergo, iudice Bonifacio, maior vel minor percipitur fructus indulgentiarum, pro majori vel minori pœnitentis fervore, pietate ac devotione. Idem declarat Innoc. IV. in caput, *Quod autem. De pœnitentiis*, ubi ait: Licet generaliter fiat indulgentia propter laborem, propter devotionem & propter pericula, tamen unus plus alio habet intrinsecam à Prelato constitutam, secundum quod plus devotus est, vel plus laborat, vel maioribus periculis se exponit. Et Gregorius VII. Lincolnienfi Episcopo indulgentiam peccatorum roganti, ea lege concessit, ut pœnitentiam pro viribus ageret. Si tamen, inquit, bonis operibus inherendo, commissos excessus plangendo quantum valueris, corporis tui habitaculum Deo mundum templum exhibueris. Ad quæ verba Baronius ibid. ait, *Sedis Apostolicæ indulgentias illis communicari, qui, quantum suppetunt vires, bene operari non prætermittunt,* Ayud
Baron.
l. 11. p.
427. n.
63. non autem ignavis, otiosis, ac negligentia torpescuntibus.

IV. Doctrinam hanc confirmat usus & praxis veteris Ecclesiae, quæ pro majori poenitentium in bonis operibus exercendis cura & ardore, benignius ac remissiuscum ipsis agebat. Ita Concilium generale primum Nicaenum Can. 12. Ancyranum Can. 5. &c.

V. S. Antoninus l. p. tit. 10. c. 3. ait, eorum qui utilitatem indulgentiarum extollunt mentem non esse, ut velint eas prodesse absque laboriosis poenitentiarum operibus. *Nec credunt, inquit, quod propter has indulgentias generales minus teneantur agere poenitentiam in hac vita, & hoc dictum satis videtur concordare aequitati, ut notat Innocentius.*

LHC. 3. VI. Ecclesia eximere non potest ab onere agendæ poenitentiae quæ jure di-
v. 3. vino necessaria est: *Facite fructus dignos poenitentiae. Nisi poenitentiam ege-*
ib. 13. *ritis, omnes peribitis.* Poenæ autem satisfactoriæ non tantum sunt in vindictam
13. præteriti peccati, sed etiam in remedium futuri; indulgentiæ autem eximere non possunt à poenitentia medicinali quæ omnino necessaria est frandis cupiditatibus & asserenda æterna salute.

VII. denique, plurima sunt oppositæ sententiæ absurda & incommoda. Primum est, hodiernas indulgentias veteribus longè dissimiles fore: istæ quippe, ut mox vidimus, congruam exigebant poenitentiam; nostræ verò, aut nullam aut levissimam: secundum, facilius in gratiam recipi qui peccaverunt post Baptismum, quam qui ante Baptismum: tertium, majorem fore vim indulgentiarum, quam Sacramenti Poenitentiae, siquidem raro admodum contingit totam penam temporalem in Sacramento Poenitentiae dimitti: quartum, si Fidelium vulgo id semel persuasum foret, beneficio indulgentiarum sine bonis operibus ac congrua poenitentia, omne penæ temporalis debitum extingui, quis non videat inde torporem, negligentiam, atque adeo ipsa peccata foværi, enervari Ecclesiae disciplinam, & ipsa met indulgentias contemptui fore obnoxias, Hæreticis verò amplum nobis insultandi campum aperiri?

Obje- Dices 1. Non alia de causa indulgentiæ plenariæ vel plenissimæ dicuntur,
tiones, quam quòd omnem penitus temporalem penam ex se ipsis remittant.

Resp. dist. ant. quantum Ecclesiae claves se extendere possunt, concedo: secus, nego. Auctor Glossæ in Extravagantem *Antiquorum*, quæ est Bonifacii VIII. explicat quid sit indulgentia plenissima. *Dico, inquit, Papam interpretatum fuisse in Consistorio, me presente, hanc indulgentiam adeo plenam prout clavum potestas se extendit.* Non ergo plenaria idcirco dicitur indulgentia, quòd omnem absolutè ac semper penæ temporalis luendæ reatum tollat, sed quòd de satisfactione debita imminuat, pro majori vel minori poenitentium fervore ac pietate, quæ revera tanta interdum esse potest, ut omnis pœna remittatur; at istud tam rarum est, ut in jus & exemplum trahi non possit. Et verò certa quædam est penæ mensura Judicio Dei definita, & nobis incognita; neque potestas clavium eò se potest extendere, ut omnem penitus tollat Deo satisfaciendi necessitatem, quæ juris est divini. Plenariam quidem indulgentiam, quantum est ex se, offert Ecclesia; sed non quilibet plenariam semper assequitur, sed proportionem servata uniuscujusque dispositionis.

Dices 2. Cum licitum fuit, duodecimo nimirum sæculo, poenitentiis redimere dato militiæ sacræ nomine pro recuperanda terra sancta, nonne tunc absque ullo penali opere omnis pena temporalis beneficio indulgentiarum remittebatur?

Resp.

Resp. non ita esse: quoniam serio attenderit ad operosa expeditionis pericula, ad expensas, longissimi itineris molestias, dimissa bona, patriam, parentes, amicos, & quidquid charum fuit, facile iudicabit, ne tunc quidem poenae totius temporalis indulgentias factam esse relaxationem, cum totalis duris operibus ac exercitiis poena hæc compensaretur.

Neque est quod te moveant abusus qui aliquando irrepserunt in dispensandis indulgentiis turpis lucri causa, pudendo commercio & nundinatione: namque abusus illos semper damnavit ac repressit Ecclesia; neque verò natura indulgentiarum ex privata nonnullorum agendi ratione æstimanda est, sed ex immotis Ecclesiae regulis ejusque infallibili iudicio.

ARTICULUS II.

De potestate ac usu Ecclesiae perpetuo in concedendis indulgentiis.

Lutherus initium suæ ab Ecclesia defectionis sumpsit à doctrina indulgentiarum; & à reprehensione abusus, progressus est ad reprehensionem ipsarum indulgentiarum: invidia scilicet percitus quòd Leo X. provinciam publicandis indulgentiis Dominicanis demandasset, non suis Augustinianis, eas pias esse Ecclesiae fraudes primò dixit; tùm non Ecclesiae fraudes, sed meras Pontificum imposturas, Fidelibus noxias, nedum utiles ac salutare, quibus illi deluduntur falsa spe consequendi remissionem poenae temporalis, quæ non ab Ecclesia, sed à solo Deo remitti potest, cum sit iustitiæ divinæ debita. Lutherum secuti sunt Zuinglius & Calvinus.

Quantùm verò ad usum indulgentiarum, insinuat Maldonatus nonnullos Scholasticos existimasse usum indulgentiarum non ante sexcentos annos in Ecclesia obtinuisse; seu; ut contendit Kemnitius, quadringentis dumtaxat annis ante millesimum ducentesium. Verùm error ille inde nascitur, quòd non satis distinguant inter modum concedendi sub certis conditionibus & operibus indulgentias, qui sæculo duodecimo usurpabatur, & simplicem indulgentiarum usum, qui Ecclesiae ipsi coævus est: certum quippe est concessas fuisse indulgentias à Paschali II. Urbano II. Sergio III. & potissimum à Leone III. qui sedit annis quadringentis ante millesimum ducentesium à Kemnitio notatum. Et certè Valdenses primi fuere indulgentiarum hostes; Valdenses autem mundo apparuere circa annum Domini millesimum centesimum septuagesimum: quomodo igitur stare potest quod affirmat Kemnitius, indulgentiarum usum incipisse anno millesimo ducentesimo?

CONCLUSIO.

Ecclesia accepit à Christo potestatem conferendi indulgentias, qua constanter ac perpetuò usa fuit.

Probatur ex Scripturis. Matth. 18. v. 18. *Quaecumque solveritis super terram, erunt soluta & in caelo.* Nihil excipit Christus: non culpam, quæ in Sacramento, non temporalem poenam, quæ extra Sacramentum dimittitur. Joan. 20. v. 23. *Accipite Spiritum sanctum; quorum remiseritis peccata;*

Tournely de Sacram. Poenitentiae.

Aa 3

remitt.

1. potestatem conferendi indulgentias à Christo Ecclesiae concessam esse, atque huiusmodi potestate divinitus sibi tradita antiquissimis etiam temporibus illam usum fuisse. 2. indulgentiarum usum christiano populo maxime salutarem, & sacrorum Conciliorum auctoritate probatum in Ecclesia retinendum esse, eosque anathemate damnandos, qui aut inutiles esse asserunt, vel eas concedendi in Ecclesia potestatem esse negant. 3. in his tamen concedendis moderationem, iuxta veterem & probatam in Ecclesia consuetudinem, adhibendam esse; ne nimia facilitate Ecclesiastica disciplina enervetur. 4. abusus qui in his irrepserunt, & quorum occasione insigne hoc indulgentiarum nomen ab Hæreticis blasphematur, emendandos ac corrigendos esse. 5. prævosque usus omnes prohibe consequendis, unde plurima in christiano populo abusu causa fluxit, omnino abolendos esse. Ceteros verò qui ex superstitione, ignorantia, irreverentia, aut aliunde quomodocumque proveniunt, ab Episcopis colligi, & in prima Synodo provinciali ab illis referri debere. Atque hæc Synodus Tridentina, quibus certè nihil accuratius, sapientius nihil ac cautius in præsenticausa proferri potest.

Dices 1. Exemplum Corinthii incestuosi nihil causam nostram hic juvat: tum quia non legimus ipsi à S. Paulo certam penam mensuram ac speciem impositam fuisse; tum quia debitam penam ille per annum integrum jam dederat, unde nihil erat quod ipsi condonari ac remitti posset; tum denique quia nondum ille à culpa fuerat absolutus, sed una cum reconciliatione seu absolutione & culpa & pena condonata: ipsi fuit.

Resp: ad primum: licet incertum sit quæ mensura & species penæ Corinthio illi fuerit à sancto Paulo assignata, attamen aliquam, & quidem gravissimam, qualis est traditio *saiana* in interitum carnis, impositam fuisse constat, cum iussit sanctus Paulus eum separari à cætu Fidelium, & admoneri ut penitentiam ageret.

Ad secundum: distinguo: debitam penam per annum integrum dederat, sed non integram, quam debebat, concedo: integram, & quam ad æqualitatem gravitatis delicti debebat, nego. Quapropter S. Paulus quod supererat penæ relaxavit, & quidem in persona Christi, ne fortè abundantiori trisita absorberetur. Ex quo illud discimus, ait sanctus Joannes Chrysostomus Hom. 4. in 2. ad Cor. non ex scelerum tantum natura, sed ex eorum etiam animo atque affectione indicendam esse penitentiam.

Ad tertium: 1. jam absolutus à culpa coram Deo fuerat Corinthius, tum acerbitate penæ quam sustinuerat, tum vehementia doloris ac contritionis; quam absolutionem postea sacramentaliter ministerio Sacerdotis est affectus. 2. planè indifferens est ac extraneum, sive indulgentia sequatur absolutionem, sive antecedit, sive comitetur & cum illa conjuncta sit.

Dices 2. Hoc unum ex Conciliis ac SS. Patribus hic colligi meritò potest, penam scilicet peccatis debitam remissam ab Ecclesia tunc fuisse, cum virtute perfectæ contritionis jam à Deo remissa præsumebatur.

Resp: dist. cum remissa præsumebatur virtute contritionis; in ordine ad indulgentiam, & ex illius, totiusque satisfactionis adimplendæ voto seu desiderio, concedo: sine ordine ad indulgentiam, & ullo penitentis adimplendæ voto seu desiderio, nego. Quemadmodum igitur Sacerdos verè absolvit à culpa, quæ per contritionem perfectam in Sacramento jam remissa:

videtur, ita & à pena verè absolvit, licet non absolvat, nisi moraliter certum sit penam à Deo remittendam per indulgentiam, vel propter ipsius votum jam remissam esse.

Dices 3. Indulgentiæ nostræ generales sunt, ac certis quibusdam conditionibus seu operibus à Summis Pontificibus sic colligantur, ut iis omnis nihil profint: atqui hujusmodi indulgentiarum usus antiquior non videtur undecimo sæculo, ut probat Morinus L. 10. de Penit. c. 19. & 20.

Resp. 1. indulgentias sive generales sint, sive privatz, ejusdem essentia ac conditionis; nec aliud inter eas discrimen occurrere, quàm nieri accidentale, quale est inter poenitentiam privatam & publicam. 2. nostra etiam ætate nonnullas esse indulgentias quæ ad omnes omnino Christianos non pertinent, sed ad certas Congregationes & Fraternitates. 3. primæ etiam sæculis indulgentiarum fructum à certis conditionibus seu pietatis operibus dependentem fuisse, quibus neglectis & omissis, cassæ & inutilis erat indulgentia. Diversitas autem illa & varietas operum quæ injungebantur, naturam ipsam indulgentiarum non mutat: quamquam ergo indulgentiarum nostrarum formæ non videatur sæculo undecimo antiquior, sicut contendit Morinus, attamen indulgentiæ ipsæ in se consideratæ, quatenus sunt relaxationes penæ temporalis peccatis debitæ, & à Christo ipso suam vim & originem trahunt, ab Ecclesia semper usurpatæ fuere, & eadem ubique sunt quantum ad naturam & substantiam.

Dices 4. Ecclesia dispensare non potest à jure divino: atqui dispensaret à jure divino, si penas temporales justitiæ divinæ debitas relaxaret.

Resp. dist. maj. Ecclesia ex se se ac propria auctoritate independentem à Christo non potest dispensare, concedo: nomine & auctoritate Christi, nego. *Quod donavi, si quid donavi, propter vos in persona Christi, ait Apostolus.*

ARTICULUS III.

De fundamento indulgentiarum, seu Ecclesiæ thesauro.

Thesaurus Ecclesiæ hic appellatur per metaphoram, cumulus seu collectio divitiarum, seu bonorum spiritualium, quorum dispensatio Ecclesiæ credita est. Thesaurum appellat, tum Clemens VI. S. P. Extravag. *Unigenitus*. an. 1350. & Synodus Trid. Sess. 21. de reform. c. 9.

Duo quaruntur: primum, an sit in Ecclesia thesaurus ex meritis Christi & Sanctorum. Secundum, quomodo Sanctorum merita ad thesaurum illum concurrant: an via solutionis & satisfactionis, an tantum via suffragii, intercessionis & impetrationis.

Dissentiunt circa caput istud inter se Theologi: revera etenim modus ille quo merita Sanctorum ad thesaurum pertineat, definitus non est ac fide certus; è contra, eadem fide tenendum, Ecclesiæ thesaurum ex meritis Christi constare, quia certum est datam Ecclesiæ potestatem concedendi indulgentias. Solus Franciscus Mayronis Franciscanus in 4. dist. 19. q. 2. in dubium revocare visus est, num thesaurus Ecclesiæ ex superfluentibus Christi meritis ac satisfactionibus coalescat.

P R I M A C O N C L U S I O.

Fide catholica certum est, thesaurum Ecclesie præcipuè ac primariò coalescere ex meritis & satisfactionibus Christi infinitis ac superabundantibus.

Probatur: quia fide catholica certum est, Christum esse Deum & hominem esse propitiationem ac redemptionem pro omnibus. 1. Joan. 2. v. 2. Coloss. 2. v. 14. ac consequenter merita ipsius & satisfactiones infiniti ac supereffluentis valoris esse ac meriti, in quo indulgentiarum thesaurum fundari declarat Clemens VI. Const. laudata *Unigenitus*. titulo *De pœnit. & remiss.* In ara crucis, inquit, innocens immolatus, non guttam sanguinis modicam, quæ tamen propter unionem ad Verbum pro redemptione totius generis humani sufficisset: sed copiosè velut quoddam profluviū noscitur effudisse. *Extrav. comm. p. 352*
Quantum ergo exinde, ut nec supervacua, inanis aut superflua tanta effusionis miseratione redderetur, thesaurum militanti Ecclesie acquisivissit? ... Quem quidem thesaurum non in sudario repositum, non in agro absconditum, sed per B. Petrum calis clavigerum, eiusque successores suos in terris vicarios commissit Fidelibus salubriter dispensandum.

Dices cum Mayronio: Christo cumulatissimè tantum præmium redditum fuit, quantum meruit.

Respondet Maldonatus, sententiam hanc hæresi proximam esse: tūm quia si de præmio essentiali intelligatur, vi unionis hypostaticæ Christo debitum fuit ac connaturale; si verò de præmio accidentali, exaltatione scilicet nominis, Ecclesie dilatatione &c. adhuc falsa & erronea videtur sententia: merita etenim & satisfactiones Christi valoris ac pretii sunt infiniti, quæ semper excedunt quodcumque præmium accidentale. *Tract. de Indulg. 2. q. generalis p. 371.*

S E C U N D A C O N C L U S I O.

Sanctorum merita & satisfactiones aliquo modo etiam pertinent ad thesaurum Ecclesie.

Probatur I. ex articulo Symboli de communione Sanctorum. Quid enim aliud est ista communio? quam bonorum operum ac meritum societas & communicatio, ut quod ab uno agitur, ad alios quodam jure pertineat: membra scilicet ejusdem corporis sese mutuò juvant. Ecclesia, inquit S. Ambrosii. L. 1. de Officiis c. 29. in commune orat, in commune operatur. *Tract. p. 38. C.*

II. Certum est ex Scripturis, Deum Sanctorum precibus moveri & excitari ad condonandas debitas pœnas. Pepercit Loth propter fidem Abraham: pepercit Israelitis propter Moysen: pepercisset Sodomitis, si vel decem viri iusti Sodomis extitissent.

III. Justos inter quos vivimus, suis precibus posse pœnæ mitigationem seu relaxationem obtinere, demonstrat famolum exemplum Martyrum tempore S. Cypriani.

IV. Ex ipsa jam laudata Clementis Extravagante *Unigenitus*, ubi sic loquitur. *Ad cuius quidem thesauri cumulum beata Dei genitricis, omnium electo-* *Extrav. comm. p. 351.*

rum à primo iusto usque ad ultimum merita adminiculum præstare noscuntur: de cuius consumptione seu minutione non est aliquatenus providendum, tam propter infinita Christi merita, quam pro eo quod quoad plures ex eius applicatione trahuntur ad iustitiam, tanto magis accrescit ipsorum cumulus meritorum.

Dixi in Conclusionem, merita Sanctorum quodammodo pertinere ad Ecclesiam thesaurum. Merita Sanctorum, ait Gamachus noster disput. de indulgent. To. 3. p. 806. qui plus passi sunt, quam meruerant, aut debebant secundum iustitiam divinam, saltem secundario & per accidens, licet non essentialiter reponantur in illo Ecclesie thesauro.

Dices: Christi satisfactio infinita est, nec exhausti unquam potest: sola igitur sufficit omni debito penæ temporalis extinguendo; adeoque satisfactiones Sanctorum non solum inutiles sunt & otiosæ, sed quodammodo Christo injuriosæ.

Resp. nego consequentiam: inutiles non esse, nec Christo injuriosas, imò planè necessarias, privatas nostras satisfactiones, supra ex professo probavi. Non enim coronabitur nisi qui legitime certaverit, ait Apostolus 2. ad Timot. 2. Quare igitur Sanctorum merita & satisfactiones aut quidquam detraherent meritis Christi, aut inutiles forent ad ditandum Ecclesie thesaurum? Eas meritis Christi non adiungimus, quasi merita Christi non sufficerent, absit; sed ut illæ otiosæ non sint, ut Sancti hoc honore gaudeant, imò ut & vis ac efficacia meritorum Christi magis eluceat & commendetur, utpotè quæ ipsis etiam Sanctorum bonis operibus, ut nobis aliquid mereantur, virtutem & efficaciam insuunt ac communicant. Itaque Sanctorum merita cum meritis Christi conjuncta, non sunt quid majoris pretii & estimationis, quam merita Christi sola à meritis Sanctorum separata. Quemadmodum causæ secundæ quibus Deus utitur in hac regenda rerum universitate, conjunctæ cum omnipotentia divina non sunt quid intensivè majus aut potentius, quam ipsa omnipotentia sine illis spectata, quibus certè Deus utitur, non ex aliqua necessitate aut indigentia, sed ex libera sua voluntate; ita pariter Ecclesia duce Christo, utitur ad commodum nostrum superabundantibus Sanctorum satisfactionibus, non quòd absolute ac essentialiter nobis necessariae sint, (quibus Christus abundè sufficit) sed quia sic expedire judicavit propter ipsum etiam, ut diximus, honorem Sanctorum, & commendationem meritorum Christi.

Inhabis 1. Majestate Christi indignum videtur, in eodem thesauro reponere superabundantes & infinitas satisfactiones Christi, cum momentaneis levibusque Sanctorum passionibus.

Resp. 1. indignum non fuit majestate Dei, uniri hypostaticè cum humana natura in una Verbi persona; cur indignum foret majestate Christi in eodem thesauro reponi merita ipsius cum meritis Sanctorum, maxinè cum tota ipsorum virtus à Christo tanquam à fonte profluat?

2. Non eodem loco & pretio habemus merita Christi, & Sanctorum: scimus hæc finita esse, illa verò infinita; hæc secundario dumtaxat & per accidens ad thesaurum Ecclesie concurrere, alia verò primario & essentialiter.

3. Scriptura nonnulla exempla suppeditat rerum quæ uniuntur, tametsi aut natura, aut dignitate longè dispares sint. Exodi 14. v. 3. Israeliticis dicitur: *ardidisse Domino, & Moysi servus ejus.* L. 4. Reg. c. 19. v. 34. Deus ait: *Prote-*

gam urbem hanc, & salvoabo eam propter me, & propter David servum meum. Act. 15. Apostoli in Concilio Hierosolymitano congregati ajunt: *Visum est Spiritui sancto & nobis.* S. Paulus 1. Cor. 3. se Christi *adjuvorem* fecti; & *Salvatoris* officium vendicat, 1. Cor. 9. & *illuminatorem* omnium hominum se dicit, Ephes. 3. An porro ea omnia eodem titulo ac sensu sibi cum Christo communia esse usquam somniavit Apostolus? non certè.

Instabis 2. Vix explicari potest modus quo passiones Sanctorum nobis per indulgentias applicantur: an simul cum meritis Christi; an scorsim: an partim ex meritis Christi, partim verò ex meritis Sanctorum.

Resp. inutiles prorsus & otiosas videri hujuscemodi quaestiones, quæ definiri certò non possunt. Certum est thesaurum Ecclesiæ componi ex passionibus Christi & Sanctorum. Certum est satisfactiones Christi, licet infinitas, finito modo nobis applicari; adeoque siquæ ulla injuria posse aliquid addi ex satisfactionibus Sanctorum: Quomodo verò ista distribuatur; & quantum ex parte Christi, quantum verò ex parte Sanctorum excerpatur, ut nobis applicetur; quis novit?

T E R T I A C O N C L U S I O.

Merita & passiones Sanctorum ad Ecclesiæ thesaurum concurrunt ac pertinent, non modò via suffragii & impetrationis, sed etiam solutionis.

Probatur 1. Quia eorum passiones seu satisfactiones, qui plus solvunt, quàm debent, aliis ad penæ temporalis relaxationem seu compensationem via solutionis prodesse possunt: atqui benè multi sunt inter Sanctos, qui suis satisfactionibus ac bonis operibus plus solvunt pro temporali penâ, quàm reipsa debeant, ac mereantur eorum peccata. An non B. Virgo plus passa est hac in mortali vita, quàm debuerit, quandoquidem nulli omnino peccato, seu originali, seu actuali, obnoxia fuit? An non plus quàm debuit passus est Joannes Baptista in utero materno sanctificatus, qui tam piè & austerè vixit, ut ne levi quidein macula vitam suam aspergeret? Annon Apostoli, totaque Martyres plura dura & acerba sustinuerunt, quàm eorum noxæ mererentur? De seipso Job dicebat cap. 6. *Utinam appenderentur peccata mea quibus iram merui, & calamitas, quam patior, in statera: quasi arena maris hæc gravior apparebit.* Et Apostolus 2. Cor. 11. v. 23. *Plus ego, ait, in laboribus plurimis, in carceribus abundantius, in plagis supra modum, in mortibus frequenter.* 1. Cor. 4. v. 4. *Nihil mihi conscius sum.* At statim addit: *Non in hoc iustificatus sum;* id est, plenam, ac certam fidem non habeo, me justum esse: nam quis seipsum perfectè novit? *Delicta quis intelligit?* Pl. 18. & ideo seipsum Paulus non judicat.

Idem Apostolus 2. Cor. 12. v. 15. dicebat: *Ego lubentissimè impendam, & superimpendar ipse pro vobis.* Et 2. ad Timoth. 2. v. 10. *Omnia sustineo propter electos.* Et ad Coloss. 1. v. 24. *Gaudeo in passionibus pro vobis, & adimpleo eaque desunt (seu quæ super sunt) passionum Christi in carne mea pro corpore eius, quod est Ecclesia.* Passiones suas eo omni modo Fidelibus impertiri ac communicare desiderabat Apostolus, quo fieri poterat; *impendam & superimpendar.* At communicari poterant solvendo pro illis penam temporalem, cujus illi debitores erant.

To. 1. p.
764. G.

2. Martyres, qui *digni habiti sunt pro nomine Christi contumeliam pati*; haud dubie ultra mensuram poenae peccatis eorum debita, passi sunt; unde pro iis non orat Ecclesia, sed illis scipsum potius commendat. *Injuriam enim facit Martyri, qui orat pro Martyre*, ait Aug. Serm. 159. aliis 17. de verbis Apostoli. Ergo quod in ipsis meritorum ac passionum redundat, communicari aliis potest.

3. Clemens VI. laudata Extravag. *Unigenitus*, in thesauro Ecclesiae recondit merita Christi & Sanctorum, neque distinguit inter modum quo nobis profunt, vel solutionis, vel tantum suffragii & impetrationis: merita autem Christi via solutionis nobis per indulgentias applicari, nemo est qui dubitet; quamquam in gradu valde dispari, ut diximus.

Recusit
des Bui-
les, p.
21.

4. Denique, S. Pius V. inter alias multas, istam quoque Baji propositio- nem n. 60. proscriptit, *Per passiones Sanctorum in indulgentiis communicatas non proprie redimuntur nostra delicta; sed per communionem charitatis nobis eorum passiones impartiuntur, ut digni simus qui pretio sanguinis Christi à pe- nis pro peccatis debitis liberemur.*

Solvuntur Objectiones.

Obijcies 1. Omnes Sancti plenam & plenissimam laborum suorum mercedem receperunt. Lucæ 6. v. 38. Matth. 19. v. 29. Ergo nihil ipsis superest quod alius via solutionis impendere possint.

Resp. dist. ant. plenam mercedem receperunt, quatenus opera eorum meritoria erant, concedo: quatenus satisfactoria, nego. Unum scilicet & idem opus bonum simul & meritorium est, quia fit ex charitate; & satisfactorium, quia penale. V. g. eleemosyna delet peccatum, quod satisfactorium est. Tob. 4. *Eleemosyna ab omni peccato, & à morte liberat.* Et Ecclesiastici 3. *Sicut aqua extinguit ignem, ita eleemosyna extinguit peccatum*, & tamen eadem eleemosyna, quia est opus bonum & Deo gratum, meritoria est vitæ æternæ. Matth. 25. *Percipite regnum quod vobis paratum est ab origine mundi: esurivi enim, & dedistis mihi manducare.* Idem dicendum de jejuniis, quod satisfactorium est, quia penale, & simul meritorium, cum fit ex charitate: & certe qui pro alio jejunat, non minus meretur, quam si jejunaret pro seipso; & ita hoc suo jejuniis & satisfacit pro alio, & meretur pro se ipso. Itaque bona Sanctorum opera quatenus meritoria, plenam ac plenissimam mercedem consequuntur; quatenus verò satisfactoria, plus aliquando poenarum divinae justitiæ solvunt, quam debeant: ac consequenter, quæ in iis superabundant ac superfluent, nobis per indulgentias applicantur ad remissionem poenæ temporalis. De hac distinctione operis meritorii & satisfactorii, lege Bellarminum Lib. 1. de Indulg. cap. 2.

To. 2. p.
438.

Instabis. Vita æterna bonis operibus rependitur, non tantum ut premium amoris & meritorum, sed etiam ut merces laboris & satisfactionum.

Resp. dist. Sed etiam ut merces laboris & satisfactionum, tam ratione gloriæ, quam poenæ temporalis, quam plurimorum Sanctorum passiones longè superant & excedunt, concedo: quam non superant, nec excedunt, nego. Solutio patet ex dictis: indulgentiæ quippe exurgunt ex superfluentibus Sanctorum meritis ac satisfactionibus.

Obji-

Obijcies 2. Quidquid passi sunt ac fecerunt Sancti, pati ac facere debuerunt. *Cum feceritis omnia, quae praecepta sunt... dicite... quod debuimus facere, fecimus.* Lucæ 17. Ergo nihil ipsi residuum superest, quod aliis conferre possint; maxime cum non sint condignae passionibus huius temporis ad futuram gloriam quae revelabitur in nobis, ait Apostolus Rom. 8. v. 18.

Resp. ad primum, Christum eò loci loqui de praeceptis Decalogi, quae servare tenemur, & cum ea servamus, gloriamus nobis non est, quia non nisi ex auxilio divinæ gratiae planè gratuito ea observavimus. Verùm præter observationem praeceptorum quae est ad meritum, nonne plura sunt alia, quae ex consilio observare possumus, quae sunt non tantum ad meritum, sed & ad satisfactionem? ex istis autem non nihil, proportionè servata ad poenam debitam, redimans esse potest, quod aliis conferatur.

Ad secundum: non sunt condignae passionibus huius temporis leves ac momentaneae, si conferantur cum aeterna gloria ad eam promerendam, maxime si spectentur in se abique divina promissione & auxilio gratiae Dei; possunt tamen cum eadem gratia condignum habere meritum ad satisfaciendum, etiam ultra debitum.

Obijcies 3. Si Sancti pro nobis mererentur remissionem poenae temporalis, mereri etiam nobis possent primam gratiam; quia, inquit Maldonatus, idcirco poenae remissionem nobis promerentur, quia sunt in gratia: quidni ergo & primam gratiam promereri nobis possunt?

Resp. causam hanc esse, quia gratia non est proxima & formalis ratio, cur Sancti satisfacere pro nobis possint ad temporalis poenae relaxationem; aliis Sanctus quilibet gratia instructus, cuius tamen merita & passionibus non excedunt debitum poenae ab illo persolvendae, posset nos liberare à pena illa temporali persolvenda, quod falsum est. Ratio igitur formalis, proxima & immediata est ipsa superfluentia, seu redundantia meritorum ac satisfactionum in Sanctis, ad quam materialiter tantum ac praesuppositivè se habet gratia sanctificans habitualis.

Obijcies 4. Opera bona, quantumlibet excedant mensuram delictorum, condignum esse non possunt pretium alienae satisfactionis, nisi ex distincta & formali intentione operantis; alioquin, ait idem Maldonatus, illorum etiam opera qui pro se satisfaciunt, nos habent superflua ac redundantes satisfactiones, aliis quoque prodesse, imò unus pro aliis omnibus posset, etiam non cogitando, satisfacere, quod videtur absurdum: atqui non ea fuit Sanctorum mens ac intentio cum bonis operibus incumbant, ut satisfacerent pro aliis; praesua enim humilitate ac modestia vix se pares putabant satisfaciendo pro levioribus etiam culpis.

Resp. nego ant. ejusque probationes quae sophisticae sunt ex ignorantia Elenchi. 1. falsò supponitur necessariam esse in Sanctis expressam & formalem intentionem satisfaciendi pro aliis: sufficit enim generalis intentio, qua volunt aliis quantum possunt prodesse, juxta mentem ac intentionem Ecclesiae, quae sub capite suo Christo per indulgentias Sanctorum superfluas satisfactiones nobis sub certis conditionibus & operibus applicat. 2. falsò supponitur, aut eos Sanctos, quorum satisfactiones non redundant, aut unum pro aliis omnibus satisfacere posse: sapius etenim hic dictum fuit, indulgentias fundamentum habere, primario & essentialiter in meritis Christi infinitis; secundario verò ac per accidens in superfluis Sanctorum meritis ac satisfactionibus.

Obijcies

Obijcies. Sequitur ex nostra sententia, indulgentias defunctis prodesse non posse, quia non amplius illi clavibus ac jurisdictioni Ecclesiae subjacent.

Resp. dist. ant. prodesse non posse via solutionis, concedo: via suffragii & impetrationis, nego.

ARTICULUS IV.

De valore indulgentiarum.

Valoris nomine non hic intelligitur aut pretium, aut utilitas indulgentiarum, sed validitas dumtaxat; ac quaeritur qua certa regula dignosci possit ratas ac validas esse indulgentias. Alii sic questionem proponunt, *An indulgentiae tantum valeant, quantum sonant*, clave, utajunt, non errante.

CONCLUSIO.

Tantum valent indulgentiae, quantum sonant, clave non errante: id est; si concurrant quatuor istae conditiones; ex parte dantis, auctoritas, & causa legitima; ex parte accipientis, charitas, & executio eorum quae in Litteris indulgentiarum praecipiuntur.

I. Necessaria est in dante auctoritas: nullus quippe, ut fert axioma Juris, major est defectus, quam potestatis.

II. Requiritur causa justa & legitima ad concedendas indulgentias: Summi etenim Pontifices & Episcopi dispensatores dumtaxat sunt ac ministri, non absoluti domini bonorum Ecclesiae; quapropter ad mentem & intentionem Christi, & juxta regulas legitime dispensationis, bona illa communicanda sunt Fidelibus.

III. Necessariam esse in suscipiente gratiam & charitatem constat; quia non remittitur poena, nisi prius remissa & sublata culpa.

IV. Requiritur etiam executio operis per Bullas indulgentiarum injuncti, quia sub illa conditione illae conceduntur. Quartam istam conditionem omittit S. Thomas in 4. dist. 20. q. 1. art. 3. ubi docet *indulgentias tantum valere, quantum sonant*; modò ex parte dantis sit auctoritas, ex parte recipientis charitas, & ex parte causae pietas. Idcirco verò executionis operis injuncti mentionem non facit sanctus Doctor, quia absolute necessarium non videtur ut novum opus injungatur, quandoquidem in favore operis praeteriti indulgentia concedi potest. Sed de his mox recurret amplior dicendi locus.

ARTICULUS V.

De iis à quibus dari possunt indulgentiae.

Quaes. 1. ad quem proprio jure pertineat publicas, solennes, ac plenarias indulgentias conferre.

Resp. ad Summum Pontificem, jure tum divino, tum canonico. 1. quia Petros

Petro dictum est: *Tibi dabo claves regni Caelorum. Quodcumque solveris in terra, erit solutum & in Caelo. Pisce oves meas.* Jure quippè divino S. Pontifex Petri successor jurisdictionem habet in universa Ecclesia, & primatum supra ceteros Episcopos; adeoque ad ipsum quasi innato jure pertinet publica Ecclesiarum bona Fidelibus per solemnes ac publicas indulgentias dispensare. 2. jure canonico potestas illi asserta & confirmata fuit in Concilio Lateranensi sub Innocentio III. Can. 62. qui refertur cap. *Cum eo*. Extra. De poenitentia, & remissionibus. Unde in Concilio Constantiensi suspectus de hæresi interrogari debet, *Utrum credas quòd Papa omnibus Christianis verè contritis ac confessis ex causa pia & iusta concedere possit indulgentias in remissionem peccatorum.* T. 11. Conc. p. 270.

Dices: Indulgentiæ universales ac plenariæ dicuntur, quæ ad omnes spectant, & omnibus dantur: at quàm multi sunt quibus ipsæ non dantur?

Resp. indulgentiæ universales ac plenariæ dici, quia omnibus offeruntur Christianis Fidelibus, licet non omnibus dentur seu applicentur, sive quia eas rejiciunt, sive quia indigni sunt quibus applicentur.

Quæres 2. an Archiepiscopi & Episcopi jus habeant conferendi indulgentias.

Resp. affirmativè, jure tum divino tum ecclesiastico. 1. jure divino, quia jurisdictionis potestatem immediatè à Christo acceperunt Joan. 2. *Quaecumque solveritis super terram erunt soluta & in Cælis.* Act. 2. *Attendite vobis & universo gregi, in quo Spiritus sanctus posuit vos Episcopos regere Ecclesiam Dei quam acquisistis sanguine suo.* 2. jure canonico: constat enim ex Canonibus antè laudatis Concilii generalis I. Nicæni, Ancyran, & aliorum, factam Episcopis potestatem mitius & indulgentiis agendi cum poenitentibus, pro majori eorum studio ac fervore in obeundis laboriosis poenitentis operibus. Olim amplior erat illa potestas, ut patet ex S. Cypriano; postea restricta fuit ad annum pro Dedicatione Ecclesiæ, & ad dies quadraginta pro aliis temporibus. Ita statutum fuit in Concilio Lateranensi IV. jam citato, Can. 62. qui Canon, interprete Sylvestro, qui Innocentium IV. laudat, & Fagnano, intelligendus est de solis indulgentiis quæ publico ac solempni ritu conferuntur, non de iis quas Episcopi justis de causis in foro poenitentis largiri possunt. Non tantum autem jure suo possunt Episcopi conferre indulgentias, sed etiam nullæ in eorum Diocesi publicari possunt, nisi de illorum licentia. Ita multis Conciliorum Decretis statutum est: Camerac. an. 1567. Rothomag. an. 1581. Turon. an. 1583. Narbon. an. 1609. & à Clero Gallicano in Comitibus generalibus anni 1625. T. 11. Conc. p. 216.

Quæres 3. an Archiepiscopi easdem in sua Provincia, quas Episcopus in sua Diocesi, concedere possint indulgentias.

Resp. affirmativè, in iis saltem locis in quibus recepta est invecsta per Decretales disciplina. Probatur ex Cap. *Nostro*, quod est Honorii III. eodem titulo, *De poenit. & remiss.* Lib. 5. Decretalium. At, inquires, Archiepiscopus jurisdictionem non habet in Dioceses suorum suffraganeorum, nisi in cursu visitationis, aut in casu appellationis: porro indulgentias concedere, est actus jurisdictionis. Decret. p. 1875.

Resp. non habere quidem jurisdictionem ordinariam nisi in hoc duplici casu; habere tamen extraordinariam, quantum ad indulgentias concedendas, à jure canonico.

Quæres

Quæres 4. an Archiepiscopi extra suam Provinciâ, & Episcopi extra suam Diocesim jus habeant conferendi indulgentias.

Resp. negativè, defectu scilicet jurisdictionis. Ita respondet S. P. Alexander III. scribens ad Cantuariensem Episcopum, Cap. *Quod autem*. titulo, *De pœnit. & remiss.* Quod autem consulisti, ait S. P. *utrum remissiones que sunt in Dedicacionibus Ecclesiarum, aut conferentibus ad edificacionem ponuntur, aliis profunt, quam iis qui remittentibus subsunt: hoc volumus tuam fraternitatem tenere, quod cum à non suo iudice ligari nullus valeat vel absolvi, remissiones predictas prodesse illis tantummodò arbitramur, quibus, ut profunt, proprii iudices specialiter indulserunt.*

Quæres 5. an Abbates, Presbyteri, aliique inferiores ministri publicas & solennes indulgentias dare possint, sine speciali commissione.

Resp. negativè: quia jure canonico eo jure privantur. Cap. *Accedentibus*. Lib. 4. Decret. titulo, *De excessibus praelatorum*, arguuntur Abbates qui suis finibus non contenti, manus ad ea quæ sunt Episcopalis dignitatis extendunt, de causis matrimonialibus cognoscendo, injungendo publicas poenitentias, concedendo etiam Litteras indulgentiarum. *Presenti decreto firmiter prohibemus*, ajunt Patres Conc. IV. Later. Can. 60. *ne quis Abbatum ad talia se præsumas extendere, nisi fortè quisquam eorum speciali concessione, vel alia legitima causa super huiusmodi valeat se tueri.*

Dices 1. Abbates jurisdictionem habent in suos Religiosos: quin & Præpositi Ordinum religiosorum extraneos participes aliquando faciunt meritum & satisfactionum Ordinum suorum.

Resp. 1. Abbates habere quidem in suos Religiosos jurisdictionem, quantum ad disciplinam monasticam; sed eò se non extendit ut publicas & solennes indulgentias largiri possint. 2. Dico communicationem illam meritum vel satisfactionum, quas Præpositi Ordinum religiosorum concedere solent, veri nominis indulgentiam non esse. 1. quia illi Præpositi nullam jurisdictionem habent in externos, ut eos à debito poenæ temporalis persolvenda absolvere valide possint. 2. quia illa meritum communicatio à poenâ in foro poenitentiae iuncta per sacerdotem, liberare non potest. 3. quia non fit virtute clavium ex thesauro Ecclesiae. 4. denique, quia communicatio hæc fit per modum impetrationis seu orationis; quomodo etiam Fideles pro se invicem orant, ac pro aliis aliquo modo satisfacere & gratias promereri dicuntur, non via solutionis, sed suffragii & impetrationis.

Dices 2. Simples Presbyteri in foro poenitentiae ab aliqua poenâ temporalis parte liberant; ergo &c.

Resp. eam tantum poenæ relaxationem veram esse indulgentiam, quæ fit in foro externo, minuendo scilicet poenam temporalem à jure, vel ab homine impositam: talis autem non est ea relaxatio quæ fit in tribunali Poenitentiae; quandoquidem, ait Bellar. L. 1. de indulg. cap. 11. quod minus (Sacerdotes) injungunt, expiandum erit poenitenti vel in hac vita per opera poenalia spontè assumpta, vel in Purgatorio.

In fabis 1. Sacerdotes virtute clavium jurisdictionem exercent in tribunali Poenitentiae.

Resp. dist. jurisdictionem exercent in foro interno & secreto Poenitentiae, concedo: in foro externo & publico Ecclesiae, nego. Porro facul-

facultas concedendi indulgentias pertinet ad forum externum Ecclesiae :
Instabis 2. Martyres olim indulgentias lapsis concedebant , inter quos
haud dubiè aliqui erant Sacerdotes simplices , & aliqui Laici.

Resp. dist. ant. indulgentias concedebant , precibus & intercessionem apud
Episcopos , concedo : auctoritate ac jurisdictione , nego .

Quæres 6. an ad solemnes & publicas indulgentias conferendas necessaria
sit potestas Ordinis seu characteris ; an sufficiat potestas jurisdictionis .

Resp. sufficere potestatem jurisdictionis . Patet ex usu & praxi Ecclesiae ,
quæ Episcopis electis & nondum consecratis permittit indulgentias confer-
re , quia fruuntur illi etiam non consecrati jurisdictione in suos .

Dices 1. Indulgentia , ex dictis , est vera absolutio : sed ad absolven-
dum requiritur potestas Ordinis .

Resp. dist. maj. est absolutio à pœna temporali extra Sacramentum , con-
cedo : à culpa & pœna aeterna , nego . Dist. pariter min. ad absolvendum
à culpa & pœna aeterna requiritur potestas Ordinis , concedo : ad absol-
vendum à pœna temporali extra Sacramentum , nego .

Dices 2. Facultas concedendi indulgentias pertinet ad potestatem cla-
vium ; ista autem clavium potestas non tantum est jurisdictionis , sed
etiam Ordinis .

Resp. dist. ant. pertinet ad potestatem clavium inadæquatam & partia-
lem , ratione jurisdictionis , concedo : adæquatam & totalem , ratione
etiam Ordinis , nego .

Instabis : Indulgentiæ valent coram Deo ad relaxationem pœnæ tem-
poralis ; ergo valent in foro interno poenitentiae , adeoque possunt non
tantum potestatem jurisdictionis , sed etiam Ordinis .

Resp. dist. seq. ut applicentur indulgentiæ , concedo : ut dentur seu of-
ferantur , nego . Ut igitur applicetur indulgentiæ fructus , atque cum hæc ap-
plicatio jungitur cum absolutione sacramentali , necessaria quidem est po-
testas Ordinis ; ut verò dentur seu offerantur , requiritur tantum potestas
jurisdictionis : multis quippè offeruntur , quibus non applicantur , quia in-
dignos se præbent quibus applicantur .

ARTICULUS VI.

*De iis quibus indulgentia concedi possunt : an tantum vivis , an
etiam mortuis .*

DE viventibus nulla hic controversia , & quæ hætenus à nobis de indul-
gentiis dicta sunt , viventes spectant , non alios . De solis igitur de-
functis movetur hic quæstio . Duobus autem modis solemnes ac publicæ in-
dulgentiæ conferri & applicari possunt : per modum scilicet judicii & abso-
lutionis , aut suffragii , seu subsidii cujusdam ecclesiastici : utroque modo
eas mortuis dari posse negant Lutherani & Calvinistæ .

P R I M A C O N C L U S I O.

Indulgentiæ mortuis concedi non possunt per modum iudicii & absolutionis.

Ratio aperta est, quia Ecclesia iudicium exercere non potest in eos qui ejus clavibus & jurisdictioni non subjacent: atqui tales sunt mortui; ergo &c. Hinc est quod cum SS. Pontifices indulgentias ad mortuos extendunt ordinariè clausulam istam addunt, *per modum suffragii*. Ita Alexander VI. Clemens VII. Julius III. & Gregorius XIII. de indictione Jubilæi; & Leo X. in Epistola ad Cajetanum, quam laudat Eftius in 4. dist. 20. paragr. 11. expressè meminit indulgentiarum, quæ conceduntur per modum iudicii, & suffragii.

Major in 4. dist. 20. q. 2. ait sacram Facultatem Parisiensem se præsentè damnasle istam Joan. Angeli propositionem, *Anime in Purgatorio detenta sunt de jurisdictione Papæ: quam suspectam, scandalosam, & nullatenus publicè prædicandam esse*, declarat sacra Parisiensis Facultas.

Dices: Ecclesia nonnunquam mortuos vel absolvit vel damnat; ergo jurisdictionem in eos exercet.

Resp. Ecclesiam mortuos vel absolvere vel damnare, cum nempe declarat errore facti aut damnatum fuisse innocentem, cujus memoriam cum laude & honore restituit; aut absolutum reum, quem publicis privat Fidelium suffragiis. *Excommunicatio vel absolutio defunctorum*, ait Bellarminus L. 1. de indulg. c. 14. *est potius declaratio sententiæ, quæ ferenda fuisset, si meritum eorum non latuisset, quàm novæ aliqua pœna, quæ ad animas ipsas pertingat.*

Tom. 2.
p. 264.
col. 2.

S E C U N D A C O N C L U S I O.

Mortuis conceduntur indulgentiæ per modum suffragii.

Nomine suffragii, ait Eftius in 4. dist. 20. paragr. 11. intelligimus auxilium seu subsidium ecclesiasticum, quod tribus potissimum modis conferri potest; vel merendo per opera, vel impetrando per orationes, vel satisfaciendo per passionem. *Indulgentia autem ut talis*, pergit Eftius, *cum propriè dispenset passionem sanctorum, non cuiuscumque suffragii ecclesiastici, sed satisfactorii rationem habet*. Satisfactio autem hic est debiti solutio, cum nempe aliquis pœnam subit ac sustinet pro alio, cui illa debetur.

Probatur Conclusio.

I. Quia certum est ex hîde, animas Fidelium defunctorum quæ in Purgatorio detinentur, viventium suffragiis & incruento Missæ sacrificio juvari posse. Doctrina est Concilii Trid. Sess. 25. decreto de Purgat. Sess. 6. de justific. Can. 30. & Sess. 22. de sacrificio Missæ cap. 2. Porro si mortui bonis viventium operibus, elemosynis, precibus, jejuniis juvari possunt per modum impetrationis, quidni etiam per modum satisfactionis & solutionis? Nonne inter viventes unus pro alio satisfactoria opera potest offerre & applicare? Ergo & viventes idem erga defunctos præstare possunt: eadem enim est ratio utriusque satisfactionis, unio scilicet quæ intercedit inter membra ejusdem

dem corporis eodem vinculo fidei & charitatis copulata. Quippe qui degunt in Purgatorio Fideles, ejusdem nobiscum Ecclesie membra sunt: membra autem ejusdem corporis mutuò sibi auxilium & opem ferunt. Quo sensu intelligi potest quod ait Apostolus, *Adimpleo ea quæ defunctis passionum cbristi in carne mea pro corpore ejus, quod est Ecclesia.* Coloss. 1. v. 24.

II. S. Thomas in 4. dist. 20. & in Supplemento qu. 91. c. 10. docet indulgentias directæ ac primariò viventibus concedi, mortuis verò indirectæ ac secundariò. Ratio hæc ipsi est, quia vivens facit id pro quo indulgentia datur, quod mortui facere non possunt; unde illis indirectæ ac primariò indulgentiæ valere non possunt, sed tantum secundariò ac indirectæ, quando vivens pro iis facit quod est indulgentiæ causa.

Eodem sensu Gamachus noster disp. de indulg. c. 11. ait; *indulgentias per modum suffragii dari hoc sensu, quia non tribuuntur ipsis defunctis directæ, sed potius indirectæ ac mediatè per homines viventes quibus conceditur, ut pro defunctis illas obtineant, isque applicent, si velint: quemadmodum & possent suas satisfactiones privatas illis communicare, unde & hoc vocatur per modum suffragii.* T. 3. p. 840. col. 2. B.

III. denique certum est perpetuo ac constanti usu incruentum Missæ sacrificium pro defunctis in Ecclesia Dei oblatum semper fuisse. Vel ipsa Tertulliani ætate pro defunctis orabat Ecclesia: *Pro defunctis*, ait L. de corona militis c. 3. *pro natalitii oblatione annuam facimus.* Et S. Augustinus Lib. 9. Confess. c. 12. testatur pro matre sua Monica oblatum fuisse sacrificium pretii nostri. Et Serm. 172. aliàs 32. de verbis Apostoli n. 2. *Orationibus*, inquit, *sanctæ Ecclesiæ, & sacrificio salutari, & elemosynis quæ pro eorum spiritibus erogantur, non est dubitandum mortuos adjuvari, ut cum iis misericordius agatur à Domino, quàm eorum peccata meruerunt, hoc enim à Patribus traditum universa observant Ecclesia..... Non omnino ambigendum est, ista prodesse defunctis; sed talibus qui ita vixerunt ante mortem, ut possint hæc utilis esse post mortem..... Non ergo mortui novæ merita comparantur..... sed eorum precedentibus consequentia ista redduntur.* Pa. 101. T. 1. p. 168. E. T. 1. p. 827. E. r. id. p. 828. A.
 Judice igitur S. Augustino, universa Ecclesia pro defunctis orationes fundit & sacrificium offert. Porro, ut idem S. Doctor affirmat Epistola 54. aliàs 118. n. 6. *Si quid tota per orbem frequentat Ecclesia, quin ita faciendum sit disputare, insolentissima audacia est.* T. 1. p. 121. C.

Dices: Nemo mereri potest pro alio, seu meritum suum alteri communicare; ergo nec suas satisfactiones offerre.

Resp. nego consequ. Disparitas est, quod meritum & gratia sit aliquid personale, quod requiritur ut homo disponatur formaliter & intrinsecus ad placendum Deo, & habendam internam seu inhærentem sanctitatem, sine qua non posset gloriam & beatitudinem æternam obtinere; satisfactio verò, quamquam hoc sensu personalis sit, quia ab homine solvitur, potest tamen prodesse non tantum illi qui eam exhibet, sed etiam alteri in cujus gratiam offertur. Deinde cum satisfactio simpliciter sit pœnæ solutio, non confert homini realem sanctitatem & bonitatem internam, ut patet exemplo defunctorum, qui ob illas satisfactiones sibi applicatas, meliores seu sanctiores non evadunt.

Quæres 1. quod titulo defunctis profint indulgentiæ: an iustitiæ, an misericordiæ dumtaxat divini; an ex condigno, an ex congruo?

Bb 2

Resp.

Resp. verisimilius esse illas prodesse non ex iustitia, neque ex condigno, sed ex benignitate Dei ac liberali & misericordi ejus acceptance; adeoque tantum de congruo. 1. quia nullam habemus certam & fixam Dei eam in rem promissionem, nullum pactum. 2. incertum est utrum viventes pro viventibus de condigno satisfacere possint, licet communi vinculo fidei ac charitatis inter se mutuò colligentur. Ratio est, quia nullibi obstrixit se Deus ut hanc satisfactionum inter viventes mutuam communicationem ex iustitia ratam haberet. 3. licet id de viventibus daremus, non eadem tamen ratio habenda foret de mortuis, propter longè diversum pœnarum genus, quæ hac in vita sustinentur & aliis applicantur, ab iis quas ferunt in Purgatorio animæ defunctorum: quapropter non videtur Deus teneri ex iustitia vitæ hujus satisfactiones admittere pro remissione pœnarum Purgatorii. Si verò id fiat, ut certò fieri credimus, ex benignitate ac misericordia Dei, non ex iustitia fieri, videtur longè probabilius. Inde duo colliges.

Primum, incertum planè esse quæ mensura pœnæ Purgatorii relaxentur defunctis per indulgentias: tum quia incertus est gradus fervoris ac pietatis, quo viventes pro mortuis satisfaciunt; tum quia incertus pariter est gradus charitatis in quo iustus mortuus est, qui tamen regula est applicationis quæ ipsi sit satisfactionum viventium. Ergo incerta est omnino mensura pœnæ quæ mortuis beneficio indulgentiarum remittitur.

Alterum est, certò statui non posse an illæ animæ, pro quibus indulgentiæ concessæ sunt, fuerint à Purgatorio liberatæ, ita ut pro illis orandum amplius non sit, aut sacrificium offerendum. Quapropter Maldonatus Tract. de indulg. q. 6. improbat istam indulgentias conferendi formam, *Qui hoc vel illud fecerit, liberabit unam animam de Purgatorio*. Quia, inquit, *ne-
mo scit, quantum debeat pœnarum anima illa, quæ liberanda est, ut indicari possit, satis esse illud suffragium ad liberandam illam*. Altaria igitur quæ privilegiata dicuntur, istud non habent annexum privilegium, ut cum in ipsis Missæ sacrificium in gratiam & levamen alicujus defuncti offertur, illum statim à Purgatorio liberent ac cœlo reddant. Quis enim certò definiat, quod ab una pendet Dei voluntate? Esto major quædam indulgentia his altaribus auctoritate Pontificia annexa fuerit; quis tamen sit certus ac fixus illius effectus, planè ignoramus.

Quæres 2. an ut valeant indulgentiæ pro mortuis, aliquæ conditiones requirantur.

Resp. requiri ex parte conferentis, auctoritatè, & causam legitimam; ex parte eorum qui suffragia sua pro defunctis offerunt, executionem eorum quæ præscripta sunt; & ex parte defunctorum, quibus indulgentia confertur, charitatem, ac certam meritorum præteritorum mensuram.

I. Auctoritatem in conferendis indulgentiis necessariam esse, eamque in Summo Pontifice ut in Capite Ecclesiæ potissimum residere, communis est sententia.

II. Cum indulgentiæ viventibus dantur, causa legitima requiritur: quantum magis ubi agitur de mortuis? *Neque enim*, ait S. Thomas jam citata q. 71. art. 10. Supplementi, *Praelatus Ecclesiæ potest pro suo arbitrio animas à Purgatorio liberare, quia ad hoc ut indulgentiæ valeant, requiritur causa conveniens indulgentias faciendi*; scq., ut ait in 4. dist. 45. q. 2. *non quantum volue-*

voluerit Pontifex defunctis potest concedere remissionem, sed quantum ratio postulat. Atque explodit quod ridiculè nonnulli asserbant, posse S. Pontificem totum evacuare Purgatorium. Non sufficit autem pro causa, inquit Bellar. L. 1. de indulg. c. 14. utilitas illarum animarum, vel gloria Dei ^{722 p.} ^{458. D.} quæ redimeret ex animarum illarum liberatione: nam si ista sufficerent, Christus ipse, & pater ac misericors, iam omnes animas liberasset. Itaque requiritur causa aliqua particularis pertinet ad honorem Dei, & Ecclesiae utilitatem, sicut de indulgentiis pro viventibus dicemus; ita ut S. Pontifex arbitretur gratiorem esse Deo rem illam, cuius gratia indulgentia conceduntur, quam executionem iustitiae, quæ exercetur in expiandis animabus Purgatorii.

III. Ex parte viventium qui sua pro defunctis offerunt suffragia, requiritur tunc pia & prompta executio eorum quæ in Litteris indulgentiarum imperantur; tum status gratiæ sanctificantis: si enim viventibus gratia hæc necessaria est, ut fructum indulgentiarum ipsi percipiant, (non enim remittitur poena temporalis, nisi remissa culpa) quidni etiam ut mortuis ipsum conferant & applicent? Ita constat ex Rescripto Innocentii XII. qui testatur Innocentium X. Alexandrum VII. & Innocentium XI. certas indulgentias concessisse Fidelibus utriusque sexus ~~verè poenitentibus & confessis~~, quas possent applicare per modum suffragii animabus Fidelium qui ex hac vita pie ac sanctè migrarunt.

IV. Ex parte defunctorum requiritur, in mente ac sententia Cajetani, Tract. de indulg. q. 5. ut defunctus non solum sit in statu gratiæ, sed etiam, ut dum viveret, fuerit devotus clavium Ecclesiae, mortuolque suffragiis juvare studuerit, & pro suis peccatis satisfacere non neglexerit. Verùm sententiam hanc rejecit Eslinus & Bellarminus, rati statum gratiæ sufficere ut defuncti indulgentiarum effectum percipiant. Pro utraque parte laudatur sanctus Augustinus: verùm utraque sententia videtur hac via conciliari posse, nempe ut qui defuncti sunt in statu gratiæ, beneficio indulgentiarum solatium aliquod ac refrigerium percipiant, uberius tamen pro majori eorum charitate ac fervore, quo dum viverent poenitentiae operibus ac virtutum exercitio incubuere.

Quæres 3. an indulgentiæ profint tantum illis pro quibus in particulari offeruntur, an omnibus in communi defunctis in Purgatorio detentis.

Præpositivus, referente S. Thoma in 4. dist. 45. q. 2. art. 4. dicebat suffragia Ecclesiae semper prodesse Fidelibus defunctis in communi, & illis quidem magis qui liberationi propinquiore erant: quod illustrabat exemplo lucernæ, quæ si accendatur in Aula Regis pro ipso Rege, non ipsi tamen soli lucet, sed omnibus qui adsunt, & illis quidem magis, qui oculos habent vegetiores: item exemplo libri qui coram Rege legitur, ex quo non minore fructum percipiunt alii qui adsunt, quam Rex ipse; & nonnulli fortè majorem.

Verùm communis Doctorum sententia est, ait Bellarm. Lib. 1. de indulg. c. 14. tam suffragia, quam indulgentias prodesse omnibus defunctis, quoad gaudium quoddam accidentale; charitas enim facit omnia communia hoc sensu, quod omnes qui sunt præditi charitate gaudent de bonis aliorum, ac si propria essent: sed quoad satisfactionem & liberationem à poenis, suffragia Ecclesiae communia prodesse omnibus in communi; sed suffragia particularia, & indulgentias, quæ pro certis animabus suscipiuntur, non prodesse nisi illis, quibus ex intentione viventium applicantur.

TALL.
458. G.
H.

ARTICULUS VII.

De dispositionibus necessariis ad lucrandas indulgentias.

Dubium non est quin executio injuncti operis per Bullam indulgentiarum, necessaria sit: at queritur quo animi affectu opus illud perfici debeat. Estius in 4. dist. 20. paragr. 8. tria tempora distinguit: primum, quo indulgentia publicatur: secundum, quo fit opus pro consequenda indulgentia: tertium, quo quis eam actu consequi vult. Primus status est peccati; secundus, poenitentiz; tertius, gratiz.

Dico igitur 1. necessarium non esse statum gratiz, quo tempore indulgentiz publicantur, ut illarum fructus postea percipi valeat: nullo enim jure, *Te. 1. p.* nulla ratione probari id potest; nisi forte, ait Bellarm. L. 1. de indulg. c. 13. *454. G.* idem sit tempus publicationis & perceptionis: ut cum in sacello Pontificio dantur indulgentia omnibus qui divinis Officiis in eo loco interfuerunt.

Dico 2. quo tempore indulgentia conceditur, & ultimum perficitur opus injunctum, necessarium esse statum gratiz sanctificantis: quia, ut saepius dictum fuit, non remittitur pena temporalis, nisi condonata prius ac expuncta per sanctificantem gratiam culpa & pena aeterna. Ea ipsa de causa status gratiz etiam requiritur, quando ultimum adimpletur opus injunctum, quia nempe eo dumtaxat instanti indulgentia suum sortitur effectum.

Dico 3. ut opera injuncta valeant ad finem indulgentiz, optandum quidem, at necessarium non esse gratiz sanctificantis statum; sed sufficere quod fiant animo religioso ac poenitenti ab omni affectu lethalis peccati alieno. Ratio est 1. quia veteres indulgentiz primis Ecclesie saeculis concedebantur ante absolutionem sacramentalem, & consequenter ante perceptam gratiam sanctificantem, cum nempe poenitentes sese laboriosis operibus preparabant & exercebant. 2. preces, jejunia, eleemosynarum laudem & pretium habent, etiam cum in statu peccati mortalis sunt, sed animo poenitenti; disponunt enim hominem ad justitiam, & ad conciliandam Dei amicitiam.

Dico 4. eum qui in statu peccati mortalis versatur, cujus affectum retinet, non posse opus injunctum utiliter ad finem indulgentiz adimplere: quia nemo in statu & affectu peccati mortalis mereri potest ac Deo satisfacere.

Quæres 1. an confessio sacramentalis necessaria sit, ut opera per indulgentias injuncta utilia sint.

Resp. negativè. Sicut enim, ex mox dictis, necessarius non est status gratiz sanctificantis; ita nec ad hoc videtur necessaria confessio, nisi forte illa unum fuerit ex injunctis operibus formaliter expressum: ut in Extravag. *Vigenius*, & in Constitutionibus Clementis VII. Julii III. & Gregorii XIII. ubi clausula hæc expressè inserta legitur, *verè poenitensibus ac confessis*. Est tamen necessaria confessio priusquam effectus indulgentiz percipiatur, tanquam medium, quo status gratiz recuperatur, sine quo, ex dictis, indulgentiz fructus non potest percipi.

Quæres 2. an præter statum gratiz requiratur proportio operis satisfactorum cum indulgentia plenaria, & propositum satisfaciendi.

Resp. affirmativè; cujus responsionis causas & fundamenta exposuimus hic.

Art. 1.

Art. 1. Conclusionem tertia. Scilicet indulgentiæ vix unquam hominem eximunt ab omni poena, & debito agendæ poenitentiae; quin & ipsemet indulgentiæ majorem vel minorem effectum producant, pro majori vel minori poenitentis pia dispositione: atque cum satisfactiones nostræ pares sint, quæ gravitati ac mensuræ delictorum respondeant, necessariæ nobis sunt indulgentiæ ad supplendum poenitentiae nostræ defectum; non ergo excludunt propositum satisfaciendi quantum humana patitur infirmitas. At si ita est, iniquis, inutilis & otiosa erit indulgentia; siquidem qui solvit totum quod debet, gratia & remissione non indiget. Falsa proclius conclusio, quia homo infirmus par non est solvendo id omne quod divinæ justitiæ debet, qualecunque tandem sit ejus propositum satisfaciendi; quapropter & laborare debet quantum pro viribus potest, ut Deo satisfaciatur: quia verò infirmus est ac in multis deficit, necesse est, ut in subsidium & supplementum suæ satisfactionis, ad beneficium indulgentiarum recurrat.

Quæres 3. an qui opus aliquod ex injunctis fecit cum affectu peccati mortalis, & postea contritus coram Deo reconciliatur, lucretur indulgentiam.

Resp. eo in casu necesse esse, ut quæ cum affectu lethalis peccati facta sunt opera bona, rursum in statu gratiæ sanctificantur: quod si fieri rursum illa non possunt, à Sacerdote mutanda sunt in alia quæ fieri possint; secus non obtinetur fructus indulgentiæ: neque enim prodesse possunt ac vivere, quæ mortua sunt; aliunde verò, nisi totum quod injungitur, impleatur, nihil obtinetur.

Quæres 4. an qui præ infirmitate intra tempus præscriptum opera injuncta exequi non potuit, postea illa exequi licite possit.

Resp. affirmative: hanc enim Sacerdotibus facultatem conferunt Litteræ indulgentiarum, ut infirmis, aut alia legitima causa impeditis, aut differant indulgentias, aut etiam quædam ex injunctis operibus in alia convertant.

A R T I C U L U S V I I I .

De causis propter quas dari possunt indulgentiæ.

DE causa finali seu motivo indulgentiarum potissimum hic agitur. Causa verò generalis omnium indulgentiarum, est ut cedant in utilitatem Ecclesiæ, & gloriam Dei.

Quæres 1. an valeant indulgentiæ sine justa & legitima causa.

Resp. non valere: quia S. Pontifex, & Episcopi ministri sunt dñatæ dispensatoris & economi bonorum Ecclesiæ, non domini. 1. Cor. 4. fidelis autem dispensatoris potestas absoluta non est, sed subordinata voluntati domini; ac dissipator ille haberi debet, non dispensator, qui contra domini sui voluntatem ac nulla de causa bona ejus diffundit ac disperdit nulla scilicet est, sed irrita dispensatio quæ fit sine causa. Indulgentias sine causa justa concessas, *indiscretas ac superfluas* appellat Concilium Lateran. IV. Can. 62. Clemens VI. Extravag. *Unigenitus*, declarat ea conditione Petro ejusque successoribus thesaurum Ecclesiæ concedendum fuisse, ut eum propriis rationabilibusque causis dispensent. Martinus V. in Constitutione post Concilium Constantiense, vult de hæresi suspectum interrogari, *Utrum credat quod Papa omnibus Christianis verè contritis & confessis ex causa pia & iusta possit concedere indulgentias in remissionem peccatorum.*

Extravag.
p. 351.
n. 70.
T. 12.
Canc. p.
270.

Quæres 2. quæ sit iusta & legitima causa concedendi indulgentias.

Resp. cum Maldonato q. 4. de indulg. generatim causam illam considerari, vel in poenitente, vel extra poenitentem.

1. Causa iusta in poenitente est. 1. ista generalis, ut *cunctorum Fidelium augeatur devotio, fides splendeat, spes vigeat, charitas vehementius augeatur*. Ita Clemens VI. Extra v. g. *Unigenitus*. 2. magnitudo doloris, & acerbitas tristitia in poenitente, ob diutius dilatam ejus cum Ecclesia reconciliationem: quo motu ductus Apostolus, voluit Corinthiis in cessus eorum post anni unius poenitentiam communioni restitui, *ne forte*, inquit 2. Cor. 2. *abundantiori tristitia absorbeatur*. Tertia causa fuit, periculum mortis, quo urgente poenitentibus pax & communio dabatur, ut supra ex S. Cypriano non lemel vidimus. Quarta, ardens studium exequendi poenitentiam injunctam, cujus intuitu contritum interdum fuit poenitentis tempus. Quinta, difficultas exequendi injunctam poenitentiam, seu propter longinquum iter, seu propter infirmitatem. Ita Concilium Triburiense anno 895. executionem poenitentiarum quam Can. 54. homicidæ voluntario imposuerat, Can. 56. sic temperat: *Licetum sit ei, terti. inferiam, & quint. am atque sabbatum redimere uno denario, vel pretio denarii, sive tres pauperes pro nomine Domini pascendo*.

Tam. p.
Conc. p.
465.

II. Causa iusta extra poenitentem ad concedendas indulgentias multiplex esse potest ad publicum Ecclesie bonum, & Dei honorem: Infidelium v. g. conversio; hæreses extirpatio; pax & tranquillitas Reipublicæ christianæ; bellum sacrum ad recuperandam terram sanctam; Basilicarum constructio; pauperum, viduarum, ministrorum Ecclesie sustentatio &c.

Quæres 3. an ad justam causam conferendi indulgentiam requiratur proportio aliqua operis injuncti cum indulgentia, ita ut pro majori indulgentia major causa requiratur; an verò possit pro opere minimo dari indulgentia maxima.

Resp. 1. consentire omnes, ad justam indulgentiæ causam non requiri ut opus injunctum sit æquivalens seu ad æqualitatem cum pena debita; aliàs inutilis foret indulgentia, nec remissio foret, sed commutatio vel redemptio.

Resp. 2. duashic esse oppositas opiniones. Prima existimat vel minimam causam sufficere ad indulgentiam, modò pia sit; hoc est non detur pro malo opere, vel pro opere merè temporali, aut pro opere vano & nihil ad divinam gloriam conferente, sed pro quocumque opere quod ad honorem Dei vel Ecclesie utilitatem cedat, quamquam sit levissimum ac tenuissimum. Altera sententia, quam Bellarminus *communior* & *verior* esse agnoscit, L. 1. de indulg. cap. 12. eorum est, qui ad justam causam requirunt aliquod non solum pium & utile, sed etiam quod proportionem habeat cum indulgentia; ita ut non sit ratum, si detur pro causa levissima indulgentia maxima.

Tam. p.
463. C.

Sententiam hanc, quam sequimur, his momentis probat Bellarminus. 1. Abusus quidam videtur esse vocabulorum, requirere ad indulgentiam causam justam, & opus levissimum admittere: quomodo enim iusta causa dici potest, quæ nullam habeat proportionem cum effectu? 2. Non solum infidelis dispensator dicitur, qui nulla de causa donat bona domini sui, sed etiam qui pro minima profudit, ac prodigit thesauros pretiosos domini sui. 3. Si pro quacumque pia causa concessæ indulgentiæ ratæ forent, nullæ unquam dici possent superflue & indifferetæ, cum semper sit in promptu aliqua pia causa quæ allegari possit. 4. Non est dissimilis indulgentiæ largitio dispensationi votorum: in votis autem conveniunt omnes, non posse dispensari nisi pro maxima causa, quæ magis Deo placet.

ceat, quàm voti executio. 5. denique, si vera foret opposita sententia, posset S. Pontifex in momento liberare animas omnes Purgatorii, quia dici posset non deesse causam piam, quandoquidem ad gloriam Dei pertinet, ut tot animæ citissime ad cælos evolent, ubi perpetuò Deum laudabunt.

Hanc sententiam ut quodammodo temperet Bellarminus, & cum opposita conciliet, nonnulla excipit.

I. ad causam justam ut plurimum duo requiri, 1. finem aliquem pium ac Deo gratum, cujus assecutio magis Deo placeat; quàm penitentialis satisfactio. quæ per indulgentiam relaxatur. 2. opus aliquod, per quod revera finis ille probabiliter obtineri possit: nam si finis quidem valde placeat Deo; sed per opus injunctum nullo modo valeat obtineri, non videtur justa causa obtinendæ indulgentiæ. V.g. si detur indulgentia plenaria iis, qui semel recitaverint Orationem dominicam pro conversione Hæreticorum, causa justa non videbitur, nec opus proportionatum quantitati indulgentiæ.

II. ad proportionem causæ cum indulgentia, non requiri ut opus injunctum sit in se valde meritorium vel satisfactorium, vel difficile ac laboriosum; (quamvis hæc tamen spectari debeant) sed ut sit medium aptum atque utile ad consequendum finem, cujus gratia conceditur indulgentia. Itaque fieri potest ut per opus in se leve ac facile magna indulgentia acquiri possit, quia opus illud in se leve ac facile, medium est ad finem Deo gratissimum assequendum. Talis est v. g. assistentia illa præ foribus Basilicæ S. Petri Romæ; dum S. Pontifex solemniter ceremônia populo benedicit: frequentia etenim populi ea in circumstantia, medium est aptum & utile ad protestationem fidei de Capite Ecclesiæ. Similiter nonnullæ indulgentiæ conceduntur iis qui certa die ad aliquam Basilicam seu Eadem sacramanimo religionis ac pietatis accedunt: opus quidem in se leve, ne laboriosum; attamen attentis circumstantiis, proportionatum fini indulgentiarum, nempe ad cultum alicujus Sancti, ad incrementum pietatis &c.

Observat Maldonatus de indulg. q. 4. penitentiam quæ præscribitur in indulgentiis, semper ex se estimari non debere, sed ex fine propter quem imponitur. Nam, inquit, *fieri potest, ut melius agat penitentiam qui se juncturus erat et integrum annum, dato uno aureo nummo ad redimendos captivos, aut ad defendendam Ecclesiam ab hostibus, quod indulgentiis præscribitur; quàm si jejunasset totum annum.* Non quòd non sit facilius unum aureum dare, quàm jejunare totum annum; sed quòd propter presentem necessitatem & alias circumstantias, pluri est dare unum aureum, quàm jejunare. P. 378. A.

III. excipit Bellarminus, non eodem modo judicandum esse de causa indulgentiæ, cum datur alicui particulari, & cum datur multis in communem. In priori casu oportet ut opus injunctum illi soli, sit proportionatum fini, cujus gratia datur indulgentia: in secundo casu, necesse non est ut opus singulorum, sed tantum ut opus omnium simul proportionatum sit fini; atque hinc accidere potest, ut indulgentia maxima sit iustissima, etiamsi opus injunctum singulis videatur leve. V. gr. si necesse sit ædificari Basilicam vel Xenodochium, & detur indulgentia septem vel decem annorum, vel etiam plenaria, conferentibus certam auri summam: si respiciatur opus singulorum, videbitur causa injusta; sed tamen si tota summa ab omnibus collata confideretur, jam erit justa causa, quia poterit illis sumptibus ædificari Basilica vel Xenodochium, quæ ædificatio gratior Deo erit & utilior Ecclesiæ, quàm peni-

poenentialis satisfactio, quæ per indulgentiam relaxatur. Confirmari potest ista exceptio auctoritate S. Th. in Supplemento q. 25. art. 2. ad 3.

IV. denique Bellarminus excipit, plerumque in causa iusta duo contineri, finem, & media ad finem; & contingere aliquando solum finem sufficere sine ullis mediis, id est sine aliquo opere adjuncto, quando videlicet finis non pendet ab aliquo opere, & per se sufficit ad indulgentiam iustam efficiendam. Sic in articulo mortis hominibus de Ecclesia benè meritis dantur aliquando indulgentiæ, absque ullo adjuncto opere; quia videtur causa esse satis iusta, ipsa necessitas extrema conjuncta cum meritis præcedentibus.

Objectiones. Dices 1. Ex communi effato, Indulgentiæ tantum valent, quantum sonant.

Resp. effatum illud intelligendum esse, suppositis conditionibus ad veram indulgentiam requisitis, quas antea exposuimus; seu, ut ajunt nonnulli, *clavem non errante*, id est, quando superioribus ecclesiasticis, ad quos pertinet indulgentias dispensare, per obreptionem impositum non fuit.

Dices 2. Necessitas operis proportionati quantitati indulgentiæ, derogatiis indulgentiis, quæ plenariæ dicuntur, ex eo quòd nimirum ex se ipsis omnem remittant penam temporalem.

Resp. indulgentias plenarias appellari, ex parte dantis, qui quantum est ex se, seu, ut ait Bonifacius VIII. referente Glossatore in Extravag. *Antiquorum*, pro ut *clavium potestas se extendit*. Plenarias quidem offert indulgentias S. Pontifex, sed eum ea semper tacite lego, ut sit ex parte recipientis dispositio proportionata ad plenariam indulgentiam obtinendam: quilibet enim Fidelis effectum indulgentiarum consequitur, pro mensura suæ dispositionis; quo modo etiam Sacramenta ipsa nobis gratiam conferunt majorem vel minorem, pro majori vel minori suscipientium præparatione seu dispositione.

Dices 2. Si necesse sit causam indulgentiarum ipsis respondere, perpetua erit Fidelium anxietas & sollicitudo, an iusta & conveniens fuerit concessa indulgentiæ causa.

Resp. non majorem esse debere anxietatem circa legitimam indulgentiarum causam, quam circa veritatem seu validitatem Sacramentorum; par enim est ratio: atque tamdiu debent inferiores præsumere æquissimum fuisse Superiorum judicium, quamdiu non deprehenditur in contrarium error manifestus.

Dices 3. Vera omnium indulgentiarum causa est thesaurus meritorum Christi, non verò præcisè opus adjunctum ad obtinendam indulgentiam: porro thesaurus ille, cum sit infinitus, omnem indulgentiarum quantumvis largam & effusam distributionem superat.

Resp. merita Christi causam esse meritoriam ac primariam indulgentiarum, auctoritatem verò Ecclesiæ causam esse proximam, quæ nobis applicat ea Christi merita: non applicantur verò nisi positis ex parte nostræ debitæ conditionibus, de quibus antea diximus.

A R T I C U L U S IX.

De variis indulgentiarum speciebus.

Multiplex distinguitur species indulgentiarum: alia est plenaria, & alia partialis.

I. Plenariam communiter appellant eam quæ totam penam remittit. Estius in 4. dist. 20. paragr. 10. eam dicit, *cujus cavis est, ut plenam is qui sit præparatus excipere*

cipere queat peccatorum remissionem. Cohærenter ad ea quæ superius dicta sunt, indulgentia plenaria est pœnæ temporalis relaxatio, quæ tam perfecta est, quàm potest esse vi clavium. Maldonatus de indulg. q. 4. observat, solitos non fuisse Veteres ante bellum sacrum contra Turcas, Hierosolymitanos, & Albigenes, plenarias ac generales hujusmodi concedere indulgentias; sed specialiter, imò sigillatim causa cognita huic vel illi, qui hoc vel illud fecisset. Fatetur vel Bellarminus L. 1. de indulg. c. 12. *Veteres parçissimos fuisse in indulgentiis conferendis.* Absit tamen ut quis improbet usum illum indulgentiæ plenariæ, qui jamdiu in Ecclesia obtinet, & cujus tam illustre extat exemplum in Conciliis Lateranensi & Claromontano, in gratiam eorum qui suis impensis arma susciperent & Hierosolymam tenderent, vel cum certo militum numero quadraginta dies pugnassent contra Albigenes.

II. Indulgentia partialis ea dicitur, quæ partem dumtaxat pœnæ temporalis remittit, & ad certum numerum dierum, vel annorum condonatæ penitentia restringitur. Alludit scilicet forma illa indulgentiarum tot dierum vel annorum, ad veterem disciplinam, quando vi Canonum penitentialium agenda erat penitentia per tot dies vel annos: unde indulgentiæ tot dierum vel annorum significant dumtaxat remissionem penitentia quæ peragenda fuisset tot diebus vel annis, secundum Canones penitentiales. Unde scitè observat Estius in 4. dist. 20. paragr. 10. dies illos vel annos referendos non esse ad pœnam luendam in Purgatorio, quasi v. g. quadraginta dierum indulgentia, tollat pœnam quadraginta dierum futuri sæculi; sed ad penitentiam in hoc sæculo pro peccatis secundum Canones debitam. Ex quibus facile intelligere est, dies & annos indulgentiarum primario ac per se referri ad pœnam in præsentis sæculo exsolvendam, secundario autem & indirectè seu consequenter, ad pœnam purgatorii; quia omnis indulgentia minuendo pœnam ab Ecclesia injunctam, minuit etiam partem penitentia, quæ eidem in altera vita secundum mensuram soli Deo cognitam respondet.

III. Alia est indulgentia quam Jubilæum appellant, ad instar magni apud Judæos anni Jubilæi de quo c. 25. & 27. Levitici, & c. postremo Numer. Dicebatur annus remissionis, quia quolibet recurrente an. 50. magna fiebat remissio; bona divendita suis primis dominis restituebantur, servi libertate donabantur, cessabant labores agriculturæ, quiescebat tellus, non arabatur, non serebatur, sed ex frugibus anni superioris, quas Dominus triplo plures suppeditabat, omnes sustentari commodè poterant. Ad normam hujus veteris Jubilæi, institutus est Jubilæus Christianorum, quem Bonifacius VIII. an. 1300. centesimo quocumque anno recurrente, celebrandum voluit; Clemens verò VI. an. 1350. ad annum quinquagesimum reduxit. Post Clementem Urbanus VI. an. 1389. statuit Jubilæum concedendum esse quocumque recurrente an. 33. in memoriam annorum 33. quos vulgò creditur Christus egisse in terris: a tramen Constitutio Clementis observata fuit tum an. 1400. à Bonifacio IX. tum ann. 1450. à Nicolao V. usque ad Paulum II. qui an. 1470. Jubilæum reduxit ad annum quemlibet vigesimum quintum recurrentem; quam legem confirmavit Sixtus IV. anno 1473. & nunc Ecclesia observat.

IV. Indulgentia plenaria Jubilæi, præter pœnæ temporalis relaxationem, quæ omnibus indulgentiis propria est, aliqua continet privilegia, quibus non gaudent indulgentiæ plenariæ: v. g. potestate eligendi quemlibet confessorium ex approbatis, qui possint ab omni bus etiam reservatis peccatis & censuris absolvo-

re, votaque omnia, excepto voto religionis & castitatis perpetuæ, in alia opera commutare.

VI. Indulgentia ad instar Jubilæi ea dicitur, quam SS. Pontifices extra annum vigesimum quintum recurrentem solent aliquibus gravibus de causis concedere, cum iisdem privilegiis quibus gaudent indulgentiæ Jubilæi.

VI. Aliæ sunt indulgentiæ personales, quæ certis personis conceduntur; aliæ temporales, quæ ad certum ac definitum tempus limitantur, v.g. viginti quatuor horarum, unius aut alterius hebdomadæ, vel anni integri, ut in Jubilæis aliæ verò perpetuæ, quæ alligatæ sunt certis locis, ut Ecclesiis, vel Altaribus, vel quibusdam rebus mobilibus v.g. grani benedictis, imaginibus, rosariis &c. quæ indulgentiæ reales idcirco à nonnullis appellantur.

Γαμαχæus noster, de indulg. c. 6. obliervat indulgentias perpetuas *reducendas esse ac contrabendas ad annos viginti, propter regulam 57. Cancellariæ Romanæ, in qua habetur indulgentiam absolutè concessam alicui Ecclesiæ pro tali die cuiuslibet anni futuri, restringendam esse ad viginti annos. Aliqui ajunt, distas indulgentias communiter extendi ad proximum Jubilæum, quo scilicet omnes plenariæ remissiones suspenduntur, etiam si perpetuæ illæ ac perennes fuerint.*

Indulgentiam perpetuam quæ nullo spatio temporis limitata est, toties quisquis lucrari potest, quoties rem adjunctam exequitur eo quo par est animo religionis ac pietatis. V.g. qui sæpius Basilicam Apostolorum Romæ visitat, annexam huic visitationi indulgentiam quadraginta dierum consequitur: non ita est de indulgentiis temporalibus, quas semel tantum quis lucrari potest. Ita S. Th. in 4. dist. 20. q. 3. art. 3. quæstiuncula 2. ad 4. *Quando, inquit, ad determinatum tempus datur, ut cum dicitur: Quicumque vadit ad Ecclesiam talem usque ad tale tempus, habeat tantum de indulgentia; intelligitur, semel tantum. Sed si in aliqua Ecclesia sit indulgentia perennis, sicut in Ecclesia divi Petri, quadraginta dierum, tunc quoties vadit aliquis, toties indulgentiam consequitur.*

Sunt inter nostros nonnulli, qui in hujusmodi realibus indulgentiis, quæ grani benedictis, imaginibus, rosariis &c. non aliam vim inesse putant, quàm quæ libellis Martyrum olim competeabat; nempe ut Episcopos & Sacerdos excitarent ad indulgentiam lapsis, si benè affecti forent, concedendam. Verùm aliquis ad amplius in rebus hujuscemodi ad mentem SS. Pontificum inesse, Fidelibus persuasum videtur. Ex verò si potest Ecclesia huic vel illi operi, hoc vel isto modo faciendo indulgentiam annexere, quare non poterit facere ut idem beneficium ab aliojus signi & symboli gestatione dependeat, cum ea ipsa lege ac conditione, qua visitantibus Ecclesiis indulgentia confertur; hoc est, ut quæ necessaria sunt pietatis ac penitentis opera non omittantur? Cæterùm graviter aberrant rudes & imperiti Christiani, qui aliter indulgentiarum fructus se assequi posse arbitrantur. Quapropter seriò monendi sunt ac docendi, ne fortè in hujuscemodi rebus mobilibus benedictis vim plùs æquo tribuant, ac fiduciam ultra modum collocent, sed studeant potissimum, totisque viribus elaborent, ut dignos faciant fructus penitentis.

Hic locus esset agendi de Purgatorio: verùm argumentum istud attigimus Tom. 1. de Deo ac divinis attributis à pag. 328. ad pag. 305.

Atque hæc dicta sint de Penitentia, in quibus exponendis, si quid nobis incautis minùs sanum ac rectum excidisse deprehendatur, pro non dicto ac revocato habemus.

PRÆLECTIONES
THEOLOGICÆ

D E

SACRAMENTO


EXTREMÆ UNCTIONIS,

Quas in Scholis Sorbonicis habuit

HONORATUS TOURNELY

SACRÆ FACULTATIS PARISIENSIS

*Doct̃or, Socius Sorbonicus, Regius, & Eme-
ritus Professor, Sacrosanctæ Capellæ Regiæ Palatii
Parisiensis Canonicus.*





PRÆLECTIONES THEOLOGICÆ DE SACRAMENTO EXTREMÆ UNCTIONIS.

PXPOSITIS iis quæ ad Sacramentum Penitentia pertinet, ordo & recta methodus à nobis postulare videtur, ut de Sacramento Extremæ unctionis, quod Penitentia supplementum est, perfectio & consummatio, controversa instituat. *Usus est sanctæ synodo, ajunt Patres Tridentini, præcedenti doctrinæ de Penitentia adungere ea quæ sequuntur de Sacramento Extremæ unctionis: quod non modò penitentia, sed & totius christianæ vitæ, quæ perpetua penitentia esse debet, consummativum existimatum est à Patribus.* *sess. 14. de Sacramen- to Extremæ unctionis in præmio.*

Quatuor autem Questionibus totam nostram præsentem disputationem absolvemus.

Prima erit de nomine, definitione unctionis extremæ; & an verum sit Legitimum Evangelicæ Sacramentum.

Secunda, de causis, materia, forma, auctore & ministro.

Tertia, de subiecto cui administrari debet Sacramentum Extremæ unctionis.

Quarta denique, de effectibus & proprietatibus, necessitate nimirum, & iteratione unctionis extremæ. Quibus ut viam præmuniamus, Canones Concilii Tridentini de unctione extrema, statim ante oculos more nostro ponimus.

Canones Concilii Tridentini de Sacramento Extremæ unctionis.

Can. 1. *Si quis dixerit, Extremam unctionem non esse verè & propriè Sacramentum à Christo Domino nostro institutum, & à beato Jacobo Apostolo promulgatum; sed ritum tantum acceptum à Patribus, aut figmentum humanum, anathema sit.*

Can. 2. *Si quis dixerit, Sacram infirmorum unctionem non conferre gratiam, nec remittere peccata, nec alleviare infirmos; sed iam cessasse, quasi olim tantum fuerit gratia curationum; anathema sit.*

Can. 3. *Si quis dixerit, Extremæ unctionis ritum, & usum, quem observat sancta Romana Ecclesia, repugnare sententiæ beati Jacobi Apostoli, ideoque eum mutandum, posseque à Christianis absque peccato contemni; anathema sit.*

Can. 4. *Si quis dixerit, Presbyteros Ecclesia, quos beatus Jacobus adducendos esse*

esse ad infirmum inungendum hortatur; non esse Sacerdotes ab Episcopo ordinatos, sed aetate seniores in quavis communitate; ob idque proprium Extrema unctionis ministrum non esse solum Sacerdotem; anathema sit.

Q U Æ S T I O P R I M A .

De nomine, definitione Extrema unctionis, & an verum sit Legis novæ Sacramentum.

A R T I C U L U S P R I M U S .

De nomine ac definitione Sacramenti Extrema unctionis.

Dicitur 1. communi & trita appellatione Extrema unctio; tùm quia infirmis in exitu, seu extremo vitæ periculo constitutis soleat administrari, unde etiam Sacramentum exeuntium dictum, asserit Conc. Trid. Sess. 14. c. 3. Tùm quia cum multæ sint in Ecclesia unctiones, hæc ordine postrema est. Prima enim unctio, Catechumenorum est, quos Sacerdos antequam baptiset, ungit in pectore, & inter scapulas, idque oleo simplici benedictio: secunda, qua idem baptisatus ungitur chrismate in summo vertice: tertia, qua ab Episcopo ungitur in fronte, qui confirmatur: quarta, qua eodem chrismate Sacerdotum manus, Episcoporum verò & caput & manus in sua Ordinatione inunguntur: quinta, qua, juxta Innocentium III. Principes sæculares in humero vel brachio ungitur, non quidem chrismate, sed oleo tantùm: sexta, quæ adhibetur in altaris, templi & calicis consecratione, ut legimus apud eundem Innocentium: postrema denique, quæ infirmis exeuntibus datur in præsidium ac tutamen contra dæmonis impetus. Nam etsi, ait Conc. Trid. Sess. 14. *adversarius noster occasiones per omnem vitam quarat, & capiet, ut devorare animas nostras quoquo modo possit; nullum tamen tempus est, quo vehementius ille omnes sue versutia nervos intendant, ad perdendos nos penitus, & a fiducia etiam, si possit, divinae misericordiae deturbandos, quam cum impendere nobis exitum vitæ perspicit.* Refert Bedæ Venerabilis, scribens in c. 6. S. Marci & 8. S. Lucæ, energumenos olim sacri dei unctiōe curari solitos. Pariter corpora mortuorum inuncta fuisse, colligimus ex Evangelio Marci 16. & aliis veteribus monumentis. At inter illas omnes unctiones, sola Confirmatio, uti hæc nostra Extrema, inter Sacramenta novæ Legis numerantur: reliquæ, vel tantùm Sacramentalia quædam sunt, vel nudæ ceremoniæ, ait Estius in 4. dist. 23. paragr. 1.

Dicitur 2. à Grecis In Euchologio: *oleum sanctum, ἔλαιον ἁγίον*, quia nempe precibus & Ecclesiæ benedictione sanctū effectum est, & homines unctiōe reddit sanctos. Passim etiam dicitur, *ἱεροῦ δαίμων, oleum cum oratione*; compositis ad invicem, *ἡρώης & δαίμων*, vocibus, eo quod oratio hujus olei unctiōnem semper comitetur, juxta verba S. Jacobi c. 5. Epistolæ v. 14. *Infirmatur quis in vobis inducat Presbiteros Ecclesiæ, & orent super eum, ungentes eum oleo in nomine Domini, & oratio fidei salvabit infirmum &c.* His etiam de causis à Latinis passim appellatur, *oleum benedictionis, oleum sanctum, olei sacraei unctio, Sacramentum sacrae unctiōis &c.*

Dicitur 3. à subjecto cui ministratur, unctio infirmorum: quia, inquit Conc. Trid. Sess. 14. c. 3. *infirmis est adhibenda, illis, præsertim, qui tam periculosè decumbunt, ut in exitu vitæ constituti esse videantur.*

Dici-

Dicitur 4. ab eodem Concilio, non modò *penitentia*, sed & *totius Christianæ vite*, quæ perpetua penitentia esse debet, consummatorum Sacramentum. Ibid. p. 821. B.

Atque inde factum conijcimus, ut Græci posteriorum temporum penitentes satisfactionis loco, quamvis benè valentes, non aliter inungant, quàm infirmos, adhibita etiam Sacramenti forma, ait Arcudius, quem abulū valdè ille improbat L. 5. de Extrema unctione c. 3. Hunc pariter represserat Innocentius IV. Epistola ad Episcopum Tusculanum an. 1254. Nullis, inquit, per Sacerdotes vel Confessores, pro satisfactione penitentis, unctio aliqua solummodo infungatur. Pa. 488. col. 1. C. To. 11. Conc. p. 613. n. 9

Goarius in notis ad Euchologium Græcorum, quamquam hunc Græcorum usum non approbet, contendit nihilominus hanc penitentium unctionem ab illis pro mera haberi ceremonia, non pro vero Sacramento Extremæ unctionis. Pa. 432. c. 1. n. 3.

Definiri autem potest Extrema unctio, Sacramentum unctionis infirmorum à Christo Domino institutum ad sanitatem mentis & corporis precibus Sacerdotum obtinendam, per infusionem gratiæ sanctificantis, & sanationem morborum, ubi salutis animarum expedit. Continet hæc definitio omnes hujus Sacramenti partes & condiciones necessarias, de quibus sigillatim in decursu hujus Tractatus.

ARTICULUS II.

An Extrema unctio sit verum & propriè dictum Legis novæ Sacramentum; & demonstrari illud possit tum ex Scripturis, tum ex usu ac traditione Ecclesiæ.

UNctionem extremam verum esse Legis novæ Sacramentum uno suffragio negant Novatores Lutherani & Calvinistæ, quorum ea in parte errores indicat ac refellit Synodus Trid. Sess. 14. c. 3. his verbis: *Quare nulla ratione audiendi sunt, qui contra tam apertam & dilucidam Apostoli Jacobi sententiam, docent hanc unctionem vel signum esse humanum, vel ritum à Patribus acceptum, nec mandatum Dei, nec promissionem gratiæ habentem: & qui illam jam cessasse asserunt, quasi ad gratiam curationum dumtaxat in primitivâ Ecclesiâ referenda esset: & qui dicunt, ritum & usum, quem sancta Romana Ecclesiâ in huius Sacramenti administratione observat, Jacobi Apostoli sententiæ repugnare, atque adeo in aliud commutandum esse; & denique qui hanc Extremam unctionem à fidelibus sine peccato contemnere posse affirmant &c.*

Ta. 14.
Conc. p.
823. A.

Dallæus Calvinista duobus libris evertere conatus est omnia argumenta quibus Catholici demonstrant, tum ex Scripturis, tum ex usu continuo ac perpetua Ecclesiæ traditione, Unctionem extremam esse verum novæ Legis Sacramentum. Duplex verò potissimum laudatur ex Scripturis testimonium pro Sacramento Extremæ unctionis.

Primum ex cap. 6. S. Marci ubi de Apostolis v. 12. 13. & 14. dicitur: *Et exeuntes predicabant ut penitentiam agerent: & demonia multa ejiciebant, & ungebant oleo multos egros, & sanabant.*

Alterum ex c. 5. Epistolæ S. Jacobi v. 14. 15. & 16. Infirmatur, inquit, quis in vobis? Inducat Presbyteros Ecclesiæ, & orent super eum ungentes eum oleo in nomine Domini, & oratio fidei salvabit infirmum, & alleviabit eum Dominus; & si in peccatis sit, remittentur ei.

Novatores unam & eandem esse contendunt unctionem in hoc utroque testimonio, ut inde scilicet inferant, non magis ex verbis S. Jacobi, quàm S.

Tournely de Sacram. Extremæ unctionis,

Cc

Marci

Marci Sacramentum nostrum extendi posse, cum utrobique hæc unctio ad solam pertineat morborum corporis curationem.

Circa primum ex S. Marco testimonium concordēs sunt nostri Theologi, an scilicet unctio qua Apostoli infirmos ungebant & curabant illa, ipsa fuerit unctio sacramentalis de qua disputamus. Negant Hugo Victorinus, Magister Alensis, Bonaventura, Cajetanus, Bellarminus, Estius & alii, qui nullam ex dicto testimonio probationem ducunt in gratiam catholici dogmatis. Affirmat è contra Catharinus scribens contra Cajetanum, quem dura ac severa perstringit censura, cum ait: *eum fundatissimam Ecclesiam & Sanctorum doctrinam evertere; sed nihil inde lucrari, quam pro gloria, quam forte appetit ex novitatibus, infamiam & confusionem.* Non ita procul dubio in hominem involasset Catharinus, nisi ipsum quoque S. Jacobi textum infirmare & Catholicis eriperetentasset Cajetanus. Maldonato pariter, tum quest. 1. de Sacramento

Pa. 381. Extremæ unctionis, tum Commentario in caput 6. S. Marci, multum displicet eorum Theologorum opinio, qui verba S. Marci aliò pertinere volunt quam

Pa. 771. ad Sacramentum Unctionis extremæ. *Qui hic, inquit ille, citato Commentario, de Sacramento Extremæ unctionis agi negat, ad tollendum omnino hoc Sacra-*

col. 1. C. *mentum, aut malignè, si Hereticus; aut imprudenter, si Catholicus est, gradum facit.*

Petrus Sua vis in sua Concilii Tridentini Historia scribit, in prima Decreti Tridentini idealis forma Patres dixisse, *Sacramentum Extremæ unctionis institutum à Christo fuisse.* Marci 6. Verum cum unus è Theologis (Jodocus Ravestein Lovanienfis Theologus) Patres monuisset, Apostolos, quo tempore infirmos oleo unxisse à Marco narratur, nondum fuisse Sacerdotes ordinatos, quibus Ecclesia scilicet Romana in ultima demum Cœna collatum à Christo docet Sacerdotii Ordinem, visum è absurdum & à ratione alienum, simul semelque & ministratum ab eis tali tempore unctionem Sacramentum affirmare, & hanc ipsam unctionem negare ab aliis, quam à Sacerdotibus, ministrari posse. Quapropter, pergit ille, immutato vocabulo, institutum, scriptum postea fuit, insinuatum.

T. 2. p. 344. & 349. Narrationem hanc falsi accusat, & incredibilem esse contendit Cardinalis Palavicinus L. 12. Historiæ Conc. Trid. cap. 12, n. 11. & 12. Primò falsi accusat, quia, inquit, ex Actis liquidum est, quòd in Congregatione Theologorum habita de hoc argumento diebus 21. & 22. Octobris, hoc est ferè per mensem ante Congregationem alteram, in qua confectum est ac digestum caput illud, Theologorum non unicus, sed plures è Theologis monuerunt insinuatam fuisse unctionem nostram atque figuratam apud Marcum, non institutam. Deinde incredibilem esse putat Sua vis narrationem, eò quòd verisimile non sit, Concilium voluisse definire aliquem articulum, non consentientibus antiquis Patribus, sed ad stipulantibus dumtaxat paucis, iisque non primæ ætatis, neque præcipuè auctoritatis; ac repugnantibus è Schola præcipuis, Hugone à S. Victore, Petro Lombardo, Alexandro Alensi, S. Bonaventura, imò & S. Thoma, qui omnes contendunt apud S. Marcum mentionem non esse de Sacramento Unctionis extremæ; quique consequenter ex verbis illius argumentum non petunt ad hoc Sacramentum comprobandum.

Itaque alii Theologi mediam quamdam inveniunt sententiam, nempe unctionem, de qua S. Marcus, typum ac figuram fuisse Sacramenti nostri, quod idcirco insinuatum seu adumbratum dicunt, non verò institutum Marci 6. capite; à S. verò Jacobo Fidelibus commendatum ac promulgatum fuisse. Ita

Patres

Patres Tridentini Sess. 14. c. 1. Bellarminus de Sacramento Extremæ unctionis c. 2. Estius tùm in loca difficiliora Scripturæ, ad caput 6. S. Marci, tùm in 4. Sententiarum dist. 23. parag. 2. & alii inter recentiores. Itaque sit

PRIMA CONCLUSIO.

Demonstratur ex Scripturis, unctionem extremam esse verè & propriè Sacramentum, apud S. Marcum quidem insinuatam, per Sanctum autem Jacobum Fidelibus commendatam, ac promulgatam.

Prima pars Conclusionis, nempe per unctionem illam, de qua S. Marcus, quæ Apostoli ægrotos ungebant & sanabant à morbis corporum, insinuatam dumtaxat seu adumbratam fuisse, non verò institutum Sacramentum unctionis extremæ.

Probatur 1. auctoritate jam citata Concilii Trident. Sess. 14. cap. 1. ubi expressis verbis ait, *insinuatam esse sacram hanc unctionem infirmorum, tanquam verè ac propriè Sacramentum novæ testamenti, à Christo Domino nostro, apud Marcum quidem insinuatam, per Jacobum autem Apostolum ac Domini fratrem, Fidelibus commendatam, ac promulgatam; quæ nostræ sunt Conclusionis verba. Dicitur autem insinuari, ait hic Bellarminus cap. 2. de Sacramento Extremæ unctionis, id quod non expressè proponitur, sed adumbratur & obscurè indicatur per aliud tanquam signum & symbolum. Appositè verò unctionem olei voluit Christus ab Apostolis usurpari, tùm in sanandis infirmis, tùm ut Sacramentum nostrum adumbraretur, quod nempe folerent Judæi ut & manuum impositionem precibus pro aliquo susceptis adjungere, ita & olei unctionem infirmis adhibere, quæ in spem certam erigerentur restituendæ sanitatis: erat enim apud ipsos oleum gaudii & spei symbolum.* Ta. 14.
Conc. p.
822. B.
T. 3. p.
483. E.

Probatur 2. quia unctio de qua S. Marcus non aliò pertinere videtur, quàm ad curationem morborum corporis de qua S. Matth. cap. 10. v. 1. *Convocatis duodecim discipulis suis dedit illis (Christus) potestatem spirituum immundorum, ut eicerent eos, & curarent omnem languorem, & omnem infirmitatem.* Et v. 8. Christum inducit, dum eos dimittit, ita præcipientem: *Infirmos curate, mortuos suscite, leprosos mundate, demones ejicite.* Similiare fert & S. Lucas cap. 9. v. 1. 2. & 6. Quis autem non videat eam morborum curationem referendam esse ad potestatem edendorum miraculorum tunc temporis planè Apostolis necessariam ad fidem sibi conciliandam, & primordia Ecclesiæ dilatanda? Nihil verò his in locis de unctione sacramentali; nihil de gratia spirituali ipsi annexa; nihil de oratione Sacerdotum, quæ omnia distinctè enumerat S. Jacobus.

Frustra reponit Maldonatus, Commentario in caput 6. S. Marci, quod si oleum istud solum fuisset medicamentum, non verò Sacramentum, non debuisse ab Apostolis certa & communi lege adhiberi: tum quia oleum opportuna non est omnibus morbis curandis medicina: tum quia Apostoli medicamenti uti non debuere; non enim medicinam, sed Evangelium profitebantur, & sufficiebat ipsis donum miraculorum: tum quia hic sanandi modus per unctionem, obscurare poterat vim miraculi, & persuadere Judæis, virtutem naturalem olei tribuendam esse sanitatis restitutionem. Frustra, inquam,

CC 2 hxc

hæc reponit Maldonatus, neque enim quisquam est tam stupidus, qui credat adhibitum fuisse ab Apostolis oleum, velut medicamentum, cujus vi naturali sanarentur ægroti, sed velut symbolum curationis, quam supernaturali Christi virtute operabantur: atque tantum abest ut modus hic sanandi morbos miraculi vim obscuraret, quin potius illustrabat. Quis enim nescit, non solere naturali olei virtute morbos, præsertim graves & acutos, statim sanari? At, regerit Maldonatus, quid opus erat oleo tanquam signo & symbolo, cum sequita statim sanitas fideret? Quasi ignoret Maldonatus, & Apostolos & Christum ipsum ejusmodi signa sensibilia solitos usurpare cum miracula operabantur. Sic Christus hominem surdum & mutum curaturus, in ejus aures digitos immisit, & linguam ejus saliva tetigit, ut his signis hominis mentem erigeret in spem certam miraculi: nimirum his significabat fore, ut vi sua ac nutu aures ejus aperirentur, & lingua solveretur. An verò propterea obscuratum dici debet his externis signis Christi miraculum? minimè profectò.

Probatur 3. rationibus quas hic exponit Bellarminus.

Prima est, quia unctio illa, qua utebantur Apostoli, referebatur solum aut præcipuè ad curationem morbi corporalis; Sacramenta verò per se ad animam pertinent, ad corpus per accidens, aut certè secundariò.

Secunda, Apostoliceo tempore nondum erant Sacerdotes.

Pagin. Respondet Maldonatus in Tractatu de Sacramento Unctionis extremæ q. 1.
ibi. D. Christum anticipatione quadam Apostolos fecisse hujus Sacramenti ministros, sicut & Baptismi. Verùm mera est hæc conjectura nullo fundamento nixa: neque par videtur ratio Baptismi & Unctionis extremæ, propter disparem utriusque Sacramenti necessitatem.

ibi. E. Respondet præterea, non constare quonam tempore Apostoli fuerint à Christo ordinati Sacerdotes. Nam, inquit, quod plerique Theologorum dicunt, illos fuisse ordinatos in Cæna, tantum est opinio, & nescio quàm probabilis, saltem non est necessaria. Verùm pugnat aperte hæc responsio cum Synodo Tridentina Sess. 22. cap. 1. ubi ait Apostolos à Christo Sacerdote institutos in ultima Cæna. Hanc esse Ecclesiæ Romanæ sententiam asseruit plenis Comitibus Synodi Jodocus Ravestein Lovaniensis Theologus, ut antea ex Petro Suavi audivimus.

Tertia, Apostoli tunc promiscuè ungebant quoslibet ægrotos, ut cæcos, claudos, &c. at Sacramentum unctionis non datur nisi iis qui decumbunt cum periculo vitæ.

Quarta, Apostoli tunc cum inungerent, non quærebant, essentne baptisati qui inungendi erant, & omnino probabile est multos ab eis inunctos qui infideles erant: atqui tamen sine Baptismo nihil profunt Sacramenta cætera; nec dari possunt aut debent nisi baptisatis sine peccato.

ibi. Respondet Maldonatus, Christum præcepisse ut illis ægrotis nondum baptisatis, adhiberetur hoc Sacramentum, ut miraculo curationis repentinæ crederent Evangelio. Addit, quod nullum Sacramentum detur nisi baptisatis, non esse ius divinum apertum, sed ecclesiasticam disciplinam. Verùm gratis id supponit, non probat Maldonatus.

Secunda pars Conclusionis, nempe ex cap. 5. S. Jacobi rectè probari Extremam unctionem esse verum Legis novæ Sacramentum, à Christo qui-

dem institutum, & à S. Jacobo commendatum Fidelibus ac promulgatum.

Probatur ex ipso textu S. Jacobi ex cap. 5. ipsius Epistolæ jam citato. *Infirmatur, inquit, quis in vobis? inducat Presbyteros Ecclesiæ, & orent super eum, ungentes eum oleo in nomine Domini, & oratio fidei salvabit infirmum, & alleviabit eum Dominus: & si in peccatis sit, remittentur ei.*

Habemus eo in testimonio expressas omnes veri & propriè dicti Sacramenti novæ Legis dotes ac conditiones.

Primò, signum sensibile in unctione, & oratione, quarum hæc, formæ, illa verò, materiz rationem habet.

Respondent Novatores 1. unctionem illam ad solam curationem morborum corporis pertinuisse, cum sit eadem cum ea de qua S. Marcus c. 6.

Verum negamus eandem esse unctionem: negamus unctionem, de qua S. Jacobus, ad unam dumtaxat corporis sanitatem pertinere; expressè siquidem Apostolus mentionem facit remissionis peccatorum, de qua siluit S. Marcus.

Respondent 2. non consentire inter se nostros Theologos, quale debeat esse oleum ut sit materia sufficiens Sacramenti: an simplex sufficiat, an necesse sit illud fuisse ab Episcopo consecratum.

Verum hæc nostrorum discordia Sacramento non nocet; omnes enim agnoscunt, oleum esse materiam Sacramenti, & Unctionem extremam esse verum Sacramentum. Hac igitur lite seposita, stat firma & inconcussa dignitas unctionis infirmorum.

Respondent 3. non magis colligi posse ex eo quòd Apostoli oleo inungebant & sanabant ægros, unctionem esse materiam Sacramenti quod vocatur Unctio infirmorum, quàm ex eo quòd Christus luto & sputo sanavit cæcum, luto & sputo fuisse veri alicujus Sacramenti materiam.

Verum tam manifesta est disparitas, ut mirum sit eam ab adversariis non deprehendi. Namque neque jussit Christus ut Apostoli eorumque successores luto & sputo uterentur, sicut jussit ut oleo inungerent infirmos, interprete ipso S. Jacobo: neque luto & sputo annexam voluit gratiam, qua remitterentur peccata; sicut testatur idem S. Jacobus, annexam esse Unctioni infirmorum: neque aliquam formam, vel ministros assignavit Christus in usurpando luto & sputo, sicut assignavit in Unctione infirmis adhibenda.

Respondent 4. unctionis ceremoniam, extra donum curationis, partim ab Hæreticis, partim ab Ethnicis originem ducere. Namque Ethnicis, *corpus lavant frigentis, & ungent*, ait Virgilius: & Valentiniani Hæretici omnium primi usi sunt ceremonia unctionis, referente S. Irenæo L. 1. c. 21. alijs 18.

Verum quàm hæc misera sint, nemo non videt. Tum quia & Ethnicis & Hæretici aquam quoque adhibebant in suis mysteriis: an rectè inde concludi poterit aquam non debere esse materiam Baptismi? Quæ absurditas? Tum quia Ethnicis, de quibus Poeta, & Valentiniani, de quibus S. Irenæus, loquuntur de unctione qua ungebantur mortui, S. verò Jacobus de ea qua ungi debent infirmi. Tum quia Hæretici ritibus quos ab Ecclesia acceperunt, admiscunt multa profana & sacrilega, quæ nihil omnino habent commune cum nostris Sacramentis.

Secundò habemus formam Sacramenti Unctionis extremæ, nempe orationem, *Orent super eum.*

Respondent 1. Novatores, nondum satis apud nostros theologos esse constitutum;

tum, an forma de peccatoria sit omnino necessaria, an sufficeret indicativa. Verum quid refert, qualis sit illa forma, de qua nos postea, modò hoc affequamur, quod volumus, sanctum Jacobum aliquid assignare quod formæ rationem habeat.

Respondent 2. totum hujus unctionis effectum à S. Jacobo tribui orationi fidei: *Et oratio fidei*, inquit, *salvabit infirmum*. At si vellet esse Sacramentum, effectum hunc tribueret unctioni & orationi simpliciter.

Verum falsò supponitur effectum hunc non adscribi ipsimet Sacramento, seu visibili symbolo, unctioni nimirum & orationi: siquidem expressè ait S. Jacobus, *Ungentes eum in nomine Domini*; & hanc unctionem factam in nomine Domini appellat immediatè post, *orationem fidei*: non quidem subjektivè respectu ministri, quasi necessaria sit in eo fides ut verè perficiat Sacramentum; sed objectivè, quia continet fidei objectum, & in fide totius Ecclesie operatur Sacramentum, quomodo dixit S. Augustinus Tract. 80. in

T. 3. par. Joan. *Accedit verbum ad elementum, & fit Sacramentum*; quod verbum fidei operari dicit, *non quia dicitur, sed quia creditur*.

1. pag. 503. C

Tertiò, signum illud sensibile esse perpetuum & constans in Religione christiana, patet, cum quia semper retentum fuit; tum quia infirmis adhibendum esse hanc unctionem jubet S. Jacobus: at semper futuri sunt infirmi inter mortales.

Atque hinc concidit ad versariorum responsio, qui volunt unctionem, de qua S. Jacobus, signum fuisse temporale ac transiens, initiis Ecclesie accommodatum. Ita quidem fuit ea unctio, qua virtute divina infirmis sanitas corporis reddebatur non sine stupendo miraculo, de qua loquitur S. Marcus c. 6. Verum unctio infirmorum, de qua S. Jacobus, perpetua & constans esse debuit, cum sit ad eum spirituale gratiæ effectum ordinata, quo semper indigent homines, maxime ubi morbis gravantur & exercentur, non sine manifesto mortis periculo.

Quartò, habemus annexam unctioni infirmorum gratiæ promissionem: *Et si in peccatis sit, remittentur ei*. Quo præsertim titulo distinguitur unctio Jacobæa, ab illa de qua S. Marcus.

Respondent 1. Novatores, S. Jacobum etiam sanitatem corporis assignare tanquam effectum proprium unctionis: *Oratio fidei salvabit infirmum, & alleviabit eum Dominus*, inquit. At nequidem inter nos consentientes sumus, quisnam ex duobus illis, sit præcipuus unctionis effectus, an sanitas corporis, an peccatorum remissio, an utraque simul.

Verum communis est nostrorum sententia, sanitatem corporis non esse præcipuum effectum Sacramenti, sed remissionem peccatorum: illam enim directe ac primariò respicit & operatur Sacramentum, illam verò secundariò, si nempe salutis animæ expediat.

Respondent 2. unctionem, de qua S. Jacobus, non absolutè, sed conditionatè dumtaxat polliceri remissionem peccatorum; hoc enim sonant ista verba, *Et si in peccatis sit, remittentur ei*. At Sacramentum absolutè, non conditionatè effectum operatur.

Verum 1. dici potest, nec immeritò, Sacramenta effectum gratiæ operari conditionatè, non quidem ex parte ipsius Sacramenti, sed ex parte subiecti percipientis Sacramentum, hominis scilicet, qui nisi sit legitime præpara-

sus

tus gratiam non percipit, non quidem defectu virtutis in Sacramento, sed debita præparationis in homine: conditio ergo illa, de qua S. Jacobus, si qua sit, tota est ex parte hominis, sine peccata habeat. At, (quæ secunda nostra responsio est) cum difficile admodum sit, hominem esse tam purum, ut nullas nequidem veniales habeat noxas, consequenter particula *si* in textu S. Jacobi, non denotat conditionem rei dubiæ, sed concessionem rei certæ, ait Estius in 4. dist. 23. parag. 4. quo sensu idem S. Jacobus cap. 1. lxx Epistolæ v. 5. ait: *Si quis vestrum indiget sapientia*, id est, *cum unusquisque vestrum indigeat sapientia*. Pa. 187. E. Pariter sensus verborum istorum, *Et si in peccatis fuerit, remittentur ei*, est, *Et cum in peccatis, aut peccatorum reliquiis sit, remittentur ei*. Eodem modo explicanda est particula *si*, 2. ad Thessalonicenses 1. v. 6. *Si tamen iustum est apud Deum, retribuere tribulationem iis qui vos conturbant*, hoc est, *Si quidem iustum est &c.* Vide Estium in hunc locum. Est. in Ep. Pa. 740. s. 2.

Respondent 3. effectum Sacramenti semper esse certum & infallibilem, si nullus sit obex ex parte suscipientis: at experientia constat, non omnes qui unguntur oleo infirmorum, consequi sanitatem corporis.

Verum recte id debet intelligi de effectu principali, nempe remissione peccatorum, non verò de sanitate corporea, quæ tantum est effectus secundarius, & quidem non absolute, sed conditionatè promissus, si nempe salutis animæ expediat.

Quintò, habemus hujus Sacramenti ministros, *Inducat*, ait S. Jacobus, *Presbyteros Ecclesiæ*.

Frustra cavillantur hic Novatores, per *Presbyteros* intelligendos esse seniores Ecclesiæ. 1. quia certum est passim in novo Fœdere Sacerdotis seu Presbyteri nomen dignitatè & officium designare. 2. in ipsa sententia Novatorum, per Presbyteros non potuit S. Jacobus seniores intelligere; siquidem contendunt illi, Apostolum loqui de sola curatione morborum corporis miraculosa per unctionem: at certum est donum miraculorum non omnibus promissuè senioribus concessum fuisse.

Frustra pariter opponunt, S. Jacobum numero plurali dicere Presbyteros, cum nos ipsi unum sufficere asseramus.

Namque quis non videt esse enallagen numeri, ac indefinitum pro definito supponere? *Inducat Presbyteros*, id est, aliquem ex Presbyteris: quomodo dicimur peccata nostra confiteri Presbyteris; hoc est alicui ex Presbyteris.

Sextò denique habemus designatum subiectum hujus Extremæ unctionis, infirmos scilicet, *Infirmatur quis in vobis*, ait S. Jacobus.

At vos Catholicos, inquit Novatores, ungitis solos moribundos.

Verum imponunt illi nobis. Quamvis enim soleat administrari Unctio extrema iis qui sunt in exitu seu extremæ vitæ periculo, & jam morituri creduntur; administratur etiam & aliis qui gravi morbo decumbunt, ex quo non nunquam convalescunt. Ita docet Conc. Trid. Sess. 14. cap. 3. antea citato. Ita pariter Catechismus Romanus, sed de his inferius.

Haftenus exposuimus argumenta quæ ex Scripturis colligunt Orthodoxi, ut probent Extremam unctionem esse verum Sacramentum: adjunximus Novatorum responsiones & objectiones, ut unico conspectu videas quam firmum sit dogma catholicum, ac le via & infirma momenta quibus impugnatur. Superest ut ostendamus, non minùs certò probari dogma nostrum ex usu perpetuo ac constanti Ecclesiæ Traditione..

S E C U N D A C O N C L U S I O.

Extremam unctionem verum esse ac propriè dictum Legis Evangelicæ Sacramentum, demonstratur ex usu perpetuo ac constanti Ecclesiæ Traditione.

Animus nobis non est singulas Ecclesiæ ætates percurrere, atque ex iustis omnes appellare dogmatis quod hic defendimus: sufficit nobis nonnullos ex prioribus sæculis proferre, quales sunt

T. 1. p. 68 C. Origenes Hom. 2. in Leviticum, inter varios modos quibus in Lege Christi remittuntur peccata, enumerat Pœnitentiam & unctionem infirmorum. *Est adhuc & septima, inquit, licet dura & laboriosa per pœnitentiam remissio peccatorum, cum lavat peccator in lacrymis stratum suum, & sunt ei lacrymæ sue panes die ac nocte, & cum non erubescit Sacerdoti Domini indicare peccatum suum, & querere medicinam, secundum eum qui ait; Dixi, pronuntiabo adversum me iniquitatem meam Domino, & tu remisisti impietatem cordis mei. In quo impletur & illud quod Apostolus dicit: Si quis autem infirmatur, vocet Presbyteros Ecclesiæ, & imponent ei manus, ungentes eum oleo in nomine Domini &c.* Duo hic simul conjungit Sacramenta Origenes, Pœnitentiam scilicet, & unctionem infirmorum, quod ista nimirum semper habita sit tanquam perfectio & consummatio Pœnitentiæ; perinde ac Confirmatio dicta est consummatio atque perfectio Baptismi. Atque inde fluxit Græcorum praxis, qui pœnitentes jam absolutos, in supplementum satisfactionis inungunt.

Edit. post r. r. 1. pag. 384. E. S. Joannes Chrysostomus L. 3. de Sacerdotio, de potestate Sacerdotum in relaxandis peccatis hæc habet: *Neque enim tantum cum nos regenerant; sed etiam post regenerationem admissa peccata condonare possunt. Nam infirmatur, inquit, quis in vobis? advocet Presbyteros Ecclesiæ &c.* Quæ verba ex Epistola S. Jacobi de prompta sunt, quibus nostrum astringit unctionis extreme Sacramentum.

T. 1. p. 114. B. C. Innocentius I. S. P. in Epistola ad Decentium, à quo de multis consultus fuerat, hæc respondet quæ sunt ad nostrum institutum: *Sanè quoniam de hoc, sicuti de cæteris, consulere voluit dilectio tua, adiecit etiam filius meus Celsinus Diaconus in Epistola sua, esse à tua dilectione positum illud, quod in B. Apostoli Jacobi Epistola conscriptum est: Si infirmus aliquis in vobis est, vocet Presbyteros, & orent super eum, ungentes eum oleo in nomine Domini..... & si peccata fecit remittet ei. Quod non est dubium, de Fidelibus ægrotantibus accipi vel intelligi debere, qui sancto oleo chrisomatis perungi possunt, quo ab Episcopo confecto, non solum Sacerdotibus, sed omnibus uti Christianis licet in sua aut suorum necessitate inungendo. Cæterum illud superfluum videmus adiectum, ut de Episcopo ambigatur, quod Presbyteris licere non dubium est. Nam idcirco de Presbyteris dictum est, quia Episcopi occupationibus aliis impediti, ad omnes languidos ire non possunt. Cæterum si Episcopus aut potest, aut dignum ducit, aliquem à se visitandum, & benedicere & tangere chrisma: sine cunctatione potest, cuius est ipsum chrisma conficere. Nam pœnitentibus istud infundi non potest, quia genus est Sacramenti. Nam quibus reliqua Sacramenta negantur, quomodo unum genus putatur posse concedi? Hæc Innocentius, in quibus observa 1. verba S. Jacobi superius relata, de Fidelibus ægrotantibus intelligi debere, atque unctionem illam esse genus Sacramenti; hoc*

est inter nostra Sacramenta recenseri. Neque moveri quisquam debet quòd Innocentius dicat, *Santo oleo chrismatis infirmos ungi posse*; cum tamen nostrum oleum infirmorum simplex sit, non chrisma. Quis enim tam peregrinus in versandis Veterum Scriptis nesciat chrisma generatim sumi pro unctione olei, sive simplicis sive compositi? Vel unus S. Cyprianus testis est in Epistola 70. ad Januarium: *Ungiquoque necesse est, inquit, eum qui baptisatus sit, ut accepto chrismate, id est, unctione, esse unctus Dei, & habere in se gratiam Christi possit.* Observa 1. unctionem hanc ab Episcopis & à Presbyteris posse administrari. 3. & ipsos Fideles eadem uti posse in sua aut suorum necessitate: eadem, inquam materialiter, non formaliter sumpta quatenus Sacramentum est. Scilicet sicut Fideles eorum temporum solebant ad morbos curandos aquam baptismalem admovere, ita & oleo per Episcopum benedicto se inungere. Interrogatus verò Innocentius an hoc liceret, respondebit licere. 4. observare Sacramentum unctionis infirmorum iis poenitentibus denegari ab Innocentio, quibus cate- ra, pro disciplina huius temporis denegabantur Sacramenta: atque inde cor- riji potest promanasse usum denegandi unctionem extremam reis qui capite plectuntur: quòd nempe publicam illi subeant poenitentiam.

S. Augustinus in speculo S. Jacobi ea ipsa verba commemorat ex quibus Catholici Extremæ unctionis Sacramentum demonstrant.

Laudatur ex eodem S. Doctore testimonium ex sermone ipsius 215. de tem- pore: verum reiectus ille est in postrema editione Operum S. Augustini in Ap- pendicem, ubi extat n. 265. & tribuitur Casario. In eo hæc leguntur. *Quoties aliqua infirmitas supervenerit, corpus & sanguinem Christi ille qui aegrotat, accipiat; & inde corpusculum suum ungat, ut illud quod scriptum est implea-*

tur in eo, infirmatur aliquis, & alia S. Jacobi verba. S. Gregorius Magnus in Sacramentario, data opera modum & formam præscribit qua oleum ab Episcopo benedici, & infirmis administrari debet, hancque præscribit Orationem ab Episcopo vel Sacerdote fundendam, qua Deum precatur, ut mittere dignetur sanctum Angelum suum, qui sanulum suum in angustiis & necessitatibus laborantem consolationibus suis attollat, qui- bus & de præsentibus consequatur auxilia, & æterna remedia comprehendat.

Quæ hætenus laudavimus testimonia sunt tertii, quarti, quinti & sexti sæ- culi, ex quibus evidenter demonstratur, unctionem infirmorum semper in usu, atque tanquam verum Sacramentum, cui annexa est gratiæ promissio, à Fidelibus habitam fuisse.

Fidem hanc confirmavit ac definivit Conc. Trid. Sess. 14. quatuor Canonibus. Primusest: *Si quis dixerit, Extremam unctionem non esse verè & propriè Sacramentum à Christo Domino nostro institutum, & à B. Jacobo Apostolo promulgatum, sed ritum tantum acceptum à Patribus, aut signum huma- num, anathema sit.*

Secundus: *Si quis dixerit, sacram infirmorum unctionem non conferre gra- tiam, nec remittere peccata, nec alleviare infirmos, sed jam cessasse, quasi olim tantum fuerit gratia curationum, anathema sit.*

Tertius: *Si quis dixerit, Extrema unctionis ritum & usum, quem obser- vat sancta Romana Ecclesia, repugnare sententia B. Jacobi Apostoli, ideoque enu- mutandum, posseque à Christianis absque peccato contemni, anathema sit.*

Quartus: *Si quis dixerit, Presbyteros Ecclesiæ, quos B. Jacobus adducen- dos esse ad infirmum inungendum hortatur, non esse Sacerdotes ab Episcopo ordi-*

Edic.
Rigalt.
119.

Te. 3.
par. 1.
p. 113. F

Te. 3.
App. p.
437. C.

Te. 35.
237. C.

Te. 14.
Cenc. p.
826.

ordinatos, sed ætate seniores in quavis communitate, ob idque proprium Extremæ unctionis ministrum non esse solum Sacerdotem, anathema sit.

Objectiones
Dallæi.

Obijcit Dallæus 1. Nulla unctionis infirmorum occurrit mentio in omnibus, qui plurimi supersunt, secundi & tertii sæculi libris, in quibus tamen accuratè explicantur quæcunque pertinent ad Sacramenta nostra.

II. Veteres ex priorum sæculorum Scriptores, dum piorum mortes describunt, eos oleo inunctos fuisse non commemorant.

III. Pœnitentibus in exitu nulli Veterum, ad novum sæculum, Extremam unctionem vel negasse, vel concessisse leguntur, quibus tamen Eucharistiam alii quidem, ut vetustissimi, negant; alii, ut qui anno 325. & deinceps vixerunt, concedunt.

IV. Vel ipsa discordia & dissensio nostrorum Theologorum, tum circa auctorem, tum circa materiam & formam, tum circa effectus unctionis extremæ, persuadere videtur, eam pro vero & propriè dicto non haberi Sacramento.

Resp. argumenta illa negativa nihil momenti ac ponderis habere, ubi suppetunt alia positiva, quæ rem demonstrant.

Ad primum itaque dico, falsò prorsus supponere Dallæum, apud nullum Scriptorem tertii sæculi occurrere mentionem unctionis infirmorum. Nonne Origenes tertio floruit Ecclesiæ sæculo? At ille loco à nobis citato, de nostra unctione apertè loquitur, & quidem non tanquam de re aliquo recentius inducto, sed ab ipso Apostolo Jacobo, cujus verba refert, commendato. Neque verò quisquam mirari debet, quod ex Scriptoris secundii & tertii sæculi frequentiores non appellaverimus: namque nemo nescit plurima eorum temporum monumenta ad nos usque non pervenisse, & in iis quæ supersunt, non omnia Religionis nostræ capita, non omnes ritus exponi. V. gr. Auctor Constitutionum Apostolicarum, qui vulgò dicitur esse Clemens Romanus, Auctor librorum de Ecclesiastica Hierarchia, qui Dionysius Areopagita à multis dicitur, non meminere Eucharistiæ quæ infirmis in exitu dabatur: an inde meritò concludet aliquis, datam non fuisse morientibus Eucharistiam? Idem quoque dicendum de silentio Veterum circa Extremam unctionem.

Ad secundum: dico pariter, ex illo silentio nihil concludi posse, nisi pariter concludas morientibus datam non esse Eucharistiam, cum neque Eusebius, neque Gregorius uterque Nazianzenus & Nyssenus, neque Ambrosius, Sulpitius, Metaphrastes, Hieronymus, & alii qui piorum mortes describunt, referant iis in exitu datum esse Viaticum, quod dandum esse præceperat Concilium Nicænum generale I. Can. 13. Imò neque in vitâ S. Bernardi, cujus tamen ætate in usu fuisse unctionem infirmorum non negant adversarii, invita, inquam, S. Bernardi non legimus eum oleo infirmorum inunctum fuisse, quamquam ex vita S. Malachie manifestum sit, summo apud S. Doctorem in pretio fuisse Sacramentum nostrum. Si verò causas rogaveris hujusce silentii; istas potissimum habe. 1. Scriptores, ea quæ communia & maximè vulgata sunt & usu quotidiano trita, ut plurimum omittere. 2. Cum Extrema unctio sit perfectio atque consummatio Pœnitentiæ, ea delibutos & inunctos præsupponimus, qui intra Pœnitentiæ gemitus ac labores ex hac vita discessisse memorantur. 3. Cum illud Sacramentum non sit absolute necessarium, & aliunde plures eorum, quorum exitus narratur, subita morte rapti fuerint,

fuerint, non est quòd sollicitè adeoqueramus, cur de tali Unctione frequens non occurrat mentio in historiis quæ sanctorum virorum vitam & mortem nobis describunt.

Ad tertium eadem est responsio.

Ad quartum: istæ Theologorum nostrorum dissensiones ac discordiæ Sacramenti substantiam & existentiam non attingunt, sed liberas dumtaxat questiones, in quibus salva fide, potest quilibet quod magis placuerit sentire; ac sic animo comparatus esse debet, ut & sine pertinacia refellat, & sine iracundia refellatur.

QUÆSTIO SECUNDA.

De causis, hoc est, materia, forma, auctore, & ministro Sacramenti Unctionis extremæ.

ARTICULUS PRIMUS.

De materia Sacramenti Extremæ unctionis.

Duplicem distinguunt Theologi materiam Unctionis extremæ, remotam, quæ est oleum; & proximam, quæ unctio dicitur, seu olei usus & applicatio. De utraque hic distinctè agemus.

De materia remota Sacramenti Extremæ unctionis.

Quæres 1. quænam sit materia remota Unctionis extremæ.

Resp. esse oleum: Ita enim expresse significat S. Jacobus Epistola citata: *Unctes, inquit, eum oleo in nomine Domini.* Ita perpetuus Ecclesiæ usus ac constans Traditio. Ex Apostolica Traditione per manus accepta Ecclesia intellexit, ait Conc. Trid. Sess. 14. c. 1. materiam huius Sacramenti esse oleum ab Episcopo benedictum: nam unctio aptissime Spiritus sancti gratiam, qua invisibiliter anima aegrotantis inungitur, representat. Et Catechismus Concilii parte 2. agens de Unctione extrema, *Esus, inquit n. 9. elementum sive materia, quemadmodum Concilia, ac præcipue Tridentinum decrevit, est oleum ab Episcopo consecratum; liquor scilicet non ex quo virgini & crassa natura, sed ex olearum bacis tantummodo expressus. Aptissime autem hac materia illud significat, quod vi Sacramenti interius in anima efficitur: nam ut oleum ad mitigandos corporis dolores magnopere proficit; ita Sacramenti virtus animæ tristitiam ac dolorem minuit. Oleum præterea sanitatem restituit, hilaritatem offert, & lumini tanquam pabulum præbet: tum vero ad recreandas defatigati corporis vires maxime accommodatum est. Quæ omnia, quid in aegroti divina virtute per huius Sacramenti administrationem efficiatur, declarant.*

S. Th. in Supplem. q. 29. art. 4. in corp. hanc quoque congruam huiusce materiarationem profert: *Spiritalis, inquit, sanatio quæ in fine adhibetur, debet esse perfecta, quia post eam alia non relinquitur; & lenis, ut spes quæ exeuntibus est maxime necessaria, non frangatur, sed foveatur. Oleum autem lenitivum est, & penetrativum usque ad intima, & etiam diffusivum; & ideo quantum ad utrumque prædictorum: est conveniens materia huius Sacramenti.*

Quæres

Quæres 2. quale debeat esse oleum infirmorum: an ex olivis expressum; an simplex, an compositum ex balsamo aliisque aromatibus; an ab Episcopo consecratum.

Resp. ad primum, oleum illud ex olivis expressum esse debere, quod solum propriè oleum nuncupatur; sicut sola elementaris aqua simpliciter aqua dicitur.

Resp. ad secundum, oleum illud debere esse simplex, absque ulla admixtione: quia illius admixtionis nulla prorsus fit mentio apud Auctores Ecclesiasticos. Nec obstat quòd Innocentius I. Epistola ad Decentium illud vocaverit *chrisma*: hoc quippè nomine, sicut jam observavimus, quamlibet unctionem generatim designavit. Duplex igitur oleum est in usu Ecclesiæ: aliud, quod balsamo conficitur, & vocatur oleum, aut unctio principalis, quo solentungi, qui baptizantur, in vertice, & qui confirmantur, in fronte, & qui ordinantur, in manibus: aliud est simplex, quamquam ab Episcopo per benedictionem sacratum, quo unguntur Catechumeni in pectore & scapulis, & ægroti in sedibus sensuum, & energumèni ungi quoque solebant: unde vocatum est oleum Catechumenorum, aut infirmorum.

Resp. ad tertium, ex communi omnium Theologorum sententia, jure ac præcepto saltem Ecclesiastico necesse esse ut oleum infirmorum sit ab Episcopo consecratum seu benedictum, ita quippè docet constant ac perpetua Tradiitio. *Consecratur autem oleum*, inquit Estius in 4. dist. 23. paragr. 8. *ad significandum, quòd non sumpsit natura, sed Spiritus sancti virtute morbis animæ medetur. Per Episcopum verò fit ea consecratio, ut significetur omnem virtutem Sacramentorum derivari ex merito Christi, cuius personam præcipuè gerit Episcopus.*

Utrum verò benedictio hujusmodi non tantum necessitate præcepti, sed etiam Sacramenti omninò requiratur, disputant inter se Theologi. Negant Cajetanus, Maldonatus, Sanbovius &c. affirmant Bellarminus, Estius &c. quorum ista sunt gravissima momenta.

Ibid. p. 40. I. Hæc verba S. Jacobi, *Ungentes eum oleo in nomine Domini. Hoc est, inquit Beda in hunc locum, oleo consecrato in nomine Domini.*

II. Concilia Florentinum & Tridentinum conceptis verbis docent, materiam hujus Sacramenti esse oleum ab Episcopo benedictum; quod de materia essentiali haud dubie debet intelligi.

III. Non alia de causa Veteres benedictionem hanc olei exigunt & commendant, quam quòd intelligerent eam omninò pertinere ad substantiam Sacramenti. Inde communiter ab Auctoribus Ecclesiasticis post Innocentium I. appellatur *oleum sanctum, sacrum, consecratum, benedictum.*

His nihilominus momentis, alii, qui negatè sequuntur partem, respondent. Ad primū, his verbis S. Jacobi, *Ungentes eum oleo in nomine Domini*, non significari benedictionem; sed hoc unum, nempe unctionē illam fieri debere vice & auctoritate Christi, ita ut verba hæc, *in nomine Domini*, referantur non ad oleum, sed ad actum ungendi: quam interpretationē adducit & ipse quoque citatus Beda.

Ad secundum, Concilia Florentinum & Tridentinum, ajunt quidem materiam hujus Sacramenti esse oleum per Episcopum benedictum; sed non ajunt benedictionem illam esse essentialē: necessariam illam tantum indicant, non assignato genere necessitatis, quam quæstionem permittunt disputationibus Theologorum.

Ad

Ad tertium, eadem est responsio. Neque enim quidquid Traditio commendat tanquam necessarium in perficiendis Sacramentis, idcirco pertinere dici debet ad substantiam Sacramenti, ut patet exemplo aquæ vino eucharistico permiscendæ, de qua tota Traditio nientionem facit, quæ nihilominus absolute non requiritur ad validam Calicis eucharistici consecrationem.

Quæres 3. à quo debeat necessariò consecrari oleum infirmorum.

Etià in 4. dist. 23. paragr. 9. in eam videtur propendere sententiam, à solo Episcopo posse validè oleum consecrari. Unde, inquit, non apparet hac in re Pontificem posse dispensare.

Pa. 192.

c. 1. B.

Si usum & consuetudinem Latinæ Ecclesiæ consulamus, certum est 1. solis Episcopis reservatam esse facultatem benedicendi seu consecrandi oleum infirmorum; atque simplicibus Presbyteris nusquam concessam illam fuisse. Si verò ad necessitatem attendamus hujus consecrationis, varia est sententia: qui enim existimant eam pertinere ad substantiam Sacramenti, consequenter necessariò exigunt Episcopale ministerium; quia verò negant à simplici Presbytero factam benedictionem sufficere arbitrantur.

Certum 2. apud Græcos simplices Presbyteros benedicere oleum infirmorum. Ita videre est in Euchologio, ubi describitur Officium olei sancti. Ita Goarius in suis notis pa. 436. ubi sic loquitur. Cum sacerdotalis sit ministerii agrotos oleo sacro linire, usu consentiente factum est, ut non à Græcis Pontificibus, sed à Sacerdotibus consecratum, & quoties urget necessitas renovatum, & recens benedictum huic Sacramento conferendo proferatur. Non diffidendum tamen, primigenia potestatis huius sacri olei consecrandi signum exhibere Pontifices Græcos, cum feria quinta magna solemnitate precum & ritus apparatu, semel illud in anno sanctificanti. At cum in caeremoniali astantium unctione eodem tempore consumatur (cuncti namque ad sacram synaxim accessuri in peccatorum expiationem sese ungendo offerunt, & Pontifex ipse primus omnium Oeconomi manus suscipit unctionem, & reliquos deinceps ipse ungit) facultatem illud denuo consecrandi privato cuicumque Parocho, ipsi Pontifices taciti ex antiquo more videntur remittere. Hæc Goarius, qui ibidem refert à Clemente VIII. non improbatum fuisse illum Græcorum Presbyterorum usum, in ea instructione, quam ad Episcopos Latinos direxit, titulo, circa oleum sanctum infirmorum, ubi sic loquitur: Non sunt cogendi Presbyteri Græci, olea sancta præter chrismam, ab Episcopis Latinis Diocesanis accipere: cum ejusmodi olea ab eis, in ipsa oleorum & Sacramentorum exhibitione, ex veteri ritu conficiantur, & benedicantur.

N. 11;

ib. co. 2.

Refert quoque ibidem n. 29. Neophyti Rhodini in sua Synopsi vernacula, jussu Sacræ Congregationis de propaganda fide approbata, ejusque impensis Romæ edita, testimonium his verbis: Materia Sacramenti Extremæ unctionis est oleum olivæ expressum, à Pontifice, vel à Sacerdotibus, qui præsentés fuerint, juxta Ecclesiæ morem benedictum.

Pa. 437.

col. 1.

Quæres 4. an si oleum balsamo aliisque aromatibus esset admixtum, sufficiens & idonea foret materia Extremæ unctionis.

Resp. affirmativè, modò ea admixtione non mutetur olei natura; non licet tamen uti tali oleo seu chrismate.

Quæres 5. quid sit faciendum, cum deficit oleum ab Episcopo feria quinta benedicendum, propter frequentem usum & administrationem hujus Sacramenti.

Resp. posse Sacerdotem oleum non consecratum miscere cum consecrato; ex il-

la enim unione, quod non fuit consecratum consecrationem quamdam contrahit, non quidem ratione physici contactus, sed ex indulgentia Ecclesie, quæ voluit preces Episcopi qui consecravit oleum, extendantur quoque ad illud quod admiscetur jam consecrato: eodem modo quo aqua non benedicta superaddita aquæ benedictæ, censetur acquirere benedictionem. Ita S. Th. Opusculo 65. ex cap. *Quod in dubiis, De consecratione Ecclesie*, his verbis: *Non negamus, quin oleum non consecratum consecrato possit oleo commisceri*. Ita Rituale Parisiense Eminent. Card. Noallii. *Si fortè, inquit, infra annum aliquo modo deficiat (oleum infirmorum) ut sufficere non posse videatur, neque aliud benedictum haberi queat, modicum oleum non benedictum in minori quantitate in illud infundi poterit.*

De materia proxima Sacramenti Extreme unctionis.

Quæres 1. quæ sit materia proxima Sacramenti Extreme unctionis.

Resp. esse unctionem ipsam, seu usum & applicationem olei: in Sacramenti quippè quæ in usu posita sunt, materia proxima est usus seu applicatio materiz remotæ.

Quæres 2. quæ corporis partes inungi debeant.

Resp. non unum & eundem esse Ecclesiarum usum ac praxim.

P. 399. Arcudius L. 5. de *Extrema unctione* c. 7. ait, *Sacerdoti Græcos ungere col. 2. A frontem, mentum, ambas genas, deinde pectus, tum manus, idque ex utraque parte, postremò pedes.*

Nid. C. Simeon Thessalonicensis in Libro de Sacramentis, ibidem ab Arcudio laudatus ait: *Ungit Sacerdos oleo ad modum crucis, ipsius (ægrî) frontem ob contentas in ea cogitationes. Faciem quoque inungit, propter sensum organa: postremò manus à pravis cogitationibus & operibus eum expians, sanctique oleo & signo crucis muniens, & perfectè sanctificans.* Nulla hic mentio unctionis pectoris ac pedum.

Apud Latinos non una est praxis ac disciplina.

S. Gregorius in suo Sacramentario apud Menardum p. 253. præscribit, ut quinque sensus corporis, id est in superciliis oculorum, & in naribus deintus, & in narum summitate sive exteriùs, & in labiis exteriùs, & in manibus exteriùs, id est, de foris. In omnibus ergo his membris crucem faciant de oleo sacro dicentes: *In nomine Patris, & Filii, & Spiritus sancti. Hoc enim faciant, ut si in quinque sensibus mentis & corporis aliqua macula inest, hac medicina Dei sanetur.* Menardus in suis notis in hunc S. Gregorii locum pag. 336. describit varios veteres Codices, quibus aliarum partium unctio præscribitur. Codex Abbatis Rotaldi unctioni quoque sensuum adjungit unctionem colli, pectoris & scapularum. Vetus Anglicanum Pontificale præscribit unctiones colli, scapularum, pectoris, pedum umbilici. Codex P. 351. Remigio Rhemensis addit utriusque temporis unctionem. *Ungatur, inquit, à Sacerdote, vel pluribus Sacerdotibus, de oleo sanctificato, facientibus cruces singulis in dextro tempore & sinistro, non in fronte, nec in vertice.*

Ob. 29. Albertus Magnus in 4. dist. 23. art. 16. in corpore, ait, *diversarum Ecclesiarum & Ordinum diversum esse usum. Quia in quibusdam Ecclesiis unguuntur loca plura, in quibusdam pauciora.* Et in solutione argumentorum, ad P. 522. secundum, *In quibusdam, inquit, Ecclesiis unguuntur tantum extremitates, ut*

os, &

os, & nares, & oculi & aures; quia in illis sunt organa quinque sensuum: tamen alii præter hæc ungiunt scapulas, & pectus, & renes, in quibus est delectatio veneriorum.

Eugenius IV. S. P. in Decreto pro institutione Armenorum, præter quinque sensus, renes inungi jubet. Hoc Sacramentum, inquit, nisi infirmo, de cuius morte timetur, dari non debet: qui in his locis ungendus est, in oculis propter visum, T. 11.
Canc. p.
138. C. in auribus propter auditum, in naribus propter odoratum, in ore propter gustum vel locutionem, in manibus propter tactum, in pedibus propter gressum, in renibus propter delectationem ibidem vigentem. Duas postremas unctiones, in feminis præsertim, à pluribus Ecclesiis omitti, honestatis & pudoris causa, nonnulli observant.

In Rituali Parisiensi jam citato ita præscribitur, Quinque corporis partes præcipue ungi debent, quas veluti sensuum instrumenta homini natura tribuit: nempe oculi, aures, nares, os, & manus; at tamen pedes etiam & pectus ungenda sunt. P. 104. In femininarum unctione, tangat tantum Sacerdos partem pectoris superiorem; manus verò, quæ reliquis infirmis interius ungi debent, Presbyteris exterius ungantur.

Quæres 3. an plures unctiones sint necessariæ; an unica sufficiat ad Sacramenti substantiam.

Resp. varias in partes hic Theologos abire. Multi arbitrantur quinque sensuum unctiones omnino esse necessarias ad veritatem substantialem Sacramenti: alii putant perinde esse, siue plures, siue unica fiat, licet fateantur quinque sensuum unctiones pertinere ad integritatem & maiorem expressionem effectus hujus Sacramenti. Videtur hæc postrema sententia magis esse ad mentem & praxim Ecclesiæ, quæ in casu necessitatis, ubi præ mortis instantis periculo omnes unctiones perfici non possunt, permittit unicam fieri. Ita Rituale Mechliniense ab Academia Lovaniensi approbatum anno 1588. statuit, in morbis contagiosis, & peste grassante, ut periculum vigetur, sufficere inungi sensus organum magis ad unctionem expositum aut detectum. In Codice Remigio-Rhemensi, ubi legitur ritus abbreviatus conferendi hujus Sacramenti, unius pariter unctionis fit mentio. Ac ne aliunde plura ducamus argumenta, in ipso Rituali Parisiensi dicitur: Si non possit super infirmum fieri nisi unica unctio, ungatur oculus, vel aliud sensuum organum, & cæteris precibus prætermisissis dicatur, Per istam sacri olei unctionem, & suam piissimam misericordiam indulgeat tibi Deus quidquid peccasti per sensus. P. 104.

Adde & S. Jacobum simpliciter unctionis mentionem facere, non plurimum, & variam esse Ecclesiarum praxim ac disciplinam, quam cum non improbet Ecclesia universa, non obscure subindicat sibi verum videri Sacramentum unctionis extremæ, siue pluribus, siue unica perficiatur unctione: quamquam, si nulla obset necessitas, nusquam liceat eas omittere quæ sunt in usu Ecclesiæ in qua quisque vivit. Adde denique, idem hic esse dicendum de multiplici unctione, ac de triplici immersione in Baptismo quæ essentialis non est.

Quando verò contingit infirmum esse aliquo membro mutilatum, inungi debet pars membro amputato magis proxima. Ita Rituale Parisiense. In cæcis autem aut surdis à natiuitate, inquit, non fiat unctio oculorum, aut aurium, nec verba iis sensibus respondentia proferantur.

ARTICULUS II.

De forma Sacramenti Extreme unctionis.

Quæres 1. an sit hujus Sacramenti aliqua forma.

Resp. affirmativè. Colligitur manifestè ex laudato sapientius textu S. Jacobi, *Orens super eum, ungentes eum oleo in nomine Domini*. Contrariam nonnullorum sui temporis sententiam præsumptuosam & erroneam appellat S. Th. in Supplem. q. 29. art. 7. Et ratio est, quia, inquit ibidem S. Doctor, *omne Sacramentum efficit significando: significatio autem materia non determinatur ad effectum determinatum, cum ad multa se habere possit, nisi per formam verborum: & ideo in omnibus Sacramentis novæ Legis, quæ efficiunt quod figurant, oportet esse res & verba*.

Pagin. Maldonatus hic q. 1. quamquam existimet formam nostri Sacramenti in his
387. A. verbis S. Jacobi contineri, *ungentes in nomine Domini*, contendit nihilominus,

Pagin. quod alias observavimus, Sacramentorum formas verbis necessariò non constare: quia forma, inquit, est id omne per quod exprimitur significans materia; 385. E. aliàs, pergit ille, in Sacramento Matrimonii nulla esset forma, quia non sunt certa verba, quam consecutionem Maldonati falsa esse ostendunt ea quæ dicemus in Tractatu de Matrimonio.

Quæres 2. qualis olim fuerit, aut jam sit usurpanda forma Unctionis extremæ; an absoluta, an deprecatoria, an utraque simul.

Ref. in quibusdâ Ritualibus modo absoluto; in aliis deprecativo; in nonnullis partim absoluto, partim deprecativo enuntiarî formam hujus Sacramenti.

Dico igitur 1. aliquando modo absoluto & indicativo expressam fuisse formam Unctionis extremæ. Referunt enim S. Thomas, S. Bona Ventura, Paludanus, Richardus, Durandus & Gabriel, formam Ambrosianam, Mediolani suo tempore usu receptam, fuisse absolutam, his nempe verbis. *Ungo te oleo sanctificato, in nomine Patris, & Filii, & Spiritus sancti; ut more militis uncti preparatus ad certamen, aereas possis superare potestates*.

Similis forma legitur in Codice Tiliano seu Sagiensi: *Ungo caput tuum oleo sanctificato, in nomine Patris, & Filii, & Spiritus sancti, ut more militis uncti, &c.*

Similis pariter in Codice Remigio-Rhemeni, & in Codice Ratoldi quem
Te. l. p. repræsentat Doctissimus Menardus in notis ad Librum Sacramentorum S. Gregorii pag. 337. & in Ritualibus Sueffionensi, Catalaunensi, Ambianensi, quorum editio, ait alter Benedictinus Pater Martene L. 1. de antiquis Ecclesiæ ritibus cap. 7. art. 3. n. 9. *secundum ducentos attigis annos*. Non ab similes sunt illæ formæ, quas Gregorius Cassander ad hymnum in unctione infirmorum, qui incipit, *Christe coelestis*, ait selegisse, quarum prima est. *Ungo te oleo sancto, in nomine Patris, & Filii, & Spiritus sancti, obsecrans misericordiam tuam &c.* Deinde secundam commemorat; In alio, inquit, per vetusto Codice lego singulis unctionibus hæc verba præmitti solere. *N. In nomine Patris, & Filii, & Spiritus sancti accipe sanitatem. In pedum vero unctione, hoc modo. N. In nomine Domini nostri Jesu Christi, surge & ambula in pace*. De tertia autem subjicit: *Alibi inter ceteras hanc formam reperi, In nomine Patris, & Filii & Spiritus sancti accipe sanitatem; hæc unctio per signum sanctæ crucis, & per oleum sanctificatum, & per donum Spiritus sancti fiat tibi ad sanitatem*.

Ardu-

Arcudius L. 3. de Extrema unctione cap. 5. laudat Sacramentale Venerorum approbatum à Leone decimo, in quo hæc refertur forma, *Un-* P. 195.
col. 2. 12
go te oleo sancto, ut hac unctione protectus, fortiter stare valeas adversus va-
rias catervas, in nomine Patris, & Filii, & Spiritus sancti. Et in Codice an-
tiquo Halitgarii qui vixit circa annum Domini 820. pergit Arcudius, talis
reperiatur forma: Ungo te oleo sanctificato, ut mors militum, & preparatus
ad lustramen æreas possis superare catervas &c.

Refert Albertus Magnus in 3. dist. 23. art. 4. se oculis lustrasse antiquissi- T. 16.
p. 114.
 mos Germaniæ Rituales Libros, & in iis se deprehendisse formam Sa-
 cramenti Extremæ unctionis merè indicativam, quem ritum, inquit,
 Germani Gregorianum vocabant.

Dico 2. formæ absolutæ seu indicativæ admixtam aliquando fuisse dè-
 precatariam apud Latinos. Talis ista fuit quæ refertur in Libro Sacramen-
 torum S. Gregorii apud Menardum pag. 252. *Inungo te de oleo sancto, in no-*
mine Patris, & Filii, & Spiritus sancti: ut non lateas in te spiritus immundus,
neque in membris, neque in medullis, neque in ulla compagine membrorum: sed
in te habites virtus Christi altissimi, & Spiritus sancti; quatenus per huius ope-
rationem mysterii, & per hanc sacra olei unctionem, atque nostram deprecation-
em, virtute sanctæ Trinitatis medicatus, sive fatus, pristinam & immelsior-
em recipere merearis sanitatem. Per eundem &c. Hanc nihilominus formam
 in exemplum formæ indicativæ assignat Menardus in notis ad hunc locum
 pag. 332. Olim, inquit, forma huius Sacramenti fuit indicativa, ut hic appa-
 ret: (quamvis hic appelletur oratio, sed improprie; verè etenim oratio non est) &
 clarè constat etiam ex Codicibus manuscriptis Ratoldi, & Tiliæno Monasterii
 S. Remigii, & Manuali excuso Ecclesiæ Snessionensis, quæ indicativam habent,
 deprecatoriam ignorant. Ita Menardus.

Dico 3. apud Græcos semper, apud Latinos verò multis abhinc sæculis solam
 formam deprecatoriam Sacramenti Extremæ unctionis in usu fuisse & esse.

Arcudius loco antea citato refert non aliam apud Græcos formam esse huius
 Sacramenti, quàm deprecatoriam, quæ legitur in Euchologio, in Officio
 olei sancti, & incipit ab his verbis, pag. 417. *Pater sancte, animarum &*
corporum medico &c. Nostræ Latine quoad sensum respondet. Non aliam
 referant Scriptores Græci, Gabriel Philadelphiz Metropolitæ in Opere de
 septem Sacramentis, *Forma*, inquit, *huius Sacramenti sunt verba, quæ à Sa-*
cerdotibus super agros annuntiantur, quæ quidem vim habent dimittendi pec-
cata, sanandique morbos eorum qui Sacramentum certa fide suscipiunt. Et Neo-
 phytus Rhodinus jam citatus, in sua Synopsi vernacula sic habet: *Forma Ex-*
trema unctionis est oratio illa quam dicis Sacerdos, cum infirmum ungit.

Eandem formam verbis deprecatoriis expressam multis abhinc sæculis
 apud Latinos usurpari patet. 1. ex Rituali Monastico simul & Ecclesiastico
 Gemeticensi, lexcentorum annorum & supra, in quo hæc extat forma:
Per istam unctionem, & suam piissimam misericordiam, indulgeat tibi Domi- Jumie.
5.
nus quidquid peccasti per visum &c. quam formam habent omnes Ritua-
 les Libri qui quatuor abhinc sæculis in usu sunt. 2. ex S. Thomæ & aliis non-
 nullis Scholasticis, qui sæculo decimo tertio usu tam constanti confirmatam
 videbant formam deprecatoriam, ut absolutam quasi insufficientem rejice-
 rent ac improbarent. 3. Eugenius IV. S. P. eandem refert in Decreto seu

Tournely de Sacram. Extrema unctione.

Dd

instru.

instructiōe Armenorum. 4. denique, Conc. Trid. Sess. 14. cap. 1. ait formam hujus Sacramenti esse illa verba, *Per istam unctionem &c.*

Quæres 3. an forma deprecatoria conveniens sit ac retinenda.

Resp. affirmativè. Demonstrant adducta mox momenta, & præcipuè auctoritas S. Jacobi, qui orationis mentionem facit. *Orent, inquit, super eum, ungentes oleo.* Et verò verba quibus illa forma coalescit, aptissimè exprimunt tum Sacramentum, (*per istam unctionem*) tum divinam virtutem quæ in Sacramento operatur, *& suam piissimam misericordiam*; tum effectum Sacramenti, nempe remissionem peccatorum, *indulgeat tibi Deus quidquid peccasti per visum.*

Neque dicas, per formam deprecatoriam non posse, ut oportet, exprimi certum Sacramenti effectum; quippè non semper efficax est oratio.

Namque 1. oratio quidem extra Sacramentum, seu quæ non est forma Sacramenti, non potest certum exprimere effectum; at id potest oratio quæ forma est Sacramenti, cui voluit Christus vim & efficaciam certam sua institutione conferre. 2. Satis est ad vim & efficaciam Sacramenti, quòd ex se, & in actu primo, ut vocant, certum effectum producere valeat: contingere enim potest, ut propter malam subjecti dispositionem effectum actu non assequatur, quod certè per accidens est respectu ipsius Sacramenti. 3. S. Th. Suppl. qu. 29. art. 8. in corp. docet, *Extremam unctionem non habere alium effectum qui semper ex operatione ministri consequatur, omnibus quæ sunt de essentia Sacramenti ritè peractis, sicut character in Baptismo & Confirmatione, & transubstantiatio in Eucharistia, & remissio peccati in Penitentia, existente contritione, quæ est de essentia Sacramenti Penitentia, non autem de essentia huius Sacramenti: & ideo in hoc Sacramento non potest esse forma indicativi modis, sicut in prædictis Sacramentis.*

Neque dicas rursus, per formam deprecatoriam neque intentionem, neque actionem ministri exprimi.

Namque rectè utraque exprimitur per ipsum actum quo Sacerdos in nomine Domini ungit infirmum.

Si verò quæras, quanam verba in forma adducta sint omnino essentialia: an omnia, analiqua, & quæ. Respondebo ista dumtaxat essentialia videri, *Per istam unctionem indulgeat tibi Deus*: cætera ad majorem expressionem referuntur. Probatur. Quia per hæc exprimuntur actus, causa principalis, subjectum, & effectus. Actus quidem, *per istam unctionem*: causa principalis, *Deus*: subjectum, *tibi*: effectus, *indulgeat*. Misericordia Dei includitur in Verbo *indulgeat*, ut & quod significatur verbis istis, *quidquid peccasti*; nam Deus indulget peccatori: caveat tamen Sacerdos, ne ulla ex præscriptis verba omitat.

Quæres 4. quid sentiendum sit de forma absoluta & indicativa quam diximus in usu olim fuisse; an valida & legitima fuerit.

S. Thomas Albertum Magnum impugnans, eam putat insufficientem & invalidam. Verum, cum pace tanti Doctoris, ipsi hac in parte consentire non possumus: verisimile quippè non videtur, eam in usu & praxi toleratam fuisse Sacramenti formam, quæ nulla foret, invalida & illegitima, & quæ consequenter posita, Fideles vero Sacramento Extremæ unctionis privati fuissent. At patet ex citatis antea testimoniis, in pluribus Ecclesiis formam absolutam & indicativam obtinuisse. Inde est quòd formam hanc pro nulla & invalida non habeant, nec Richardus De media villa in 4. dist. 23. art. 1. qu. 4.

ubi dumtaxat ait formam deprecativam esse convenientiorem, ob textum S. Jacobi: neque eam rejicit in responsione ad 2. Nec S. Bonaventura in responsione ad 2. cum ait: *Obicitur, quod non est eadem forma. Dicendum quod secundum id quod est necessarium & essentiale Sacramento, eandem oportet esse; sed forma verbi non est necessaria ratione vocis exterioris, sed prout est expressiva verbi interioris.* Nec Durandus eadem dist. 23. q. 3. ubi utramque formam problematicè defendit. Postquam enim asseruit formam deprecativam, tandem subiungit: *Et si quis vellet tenere quod forma indicativa, quæ dicitur usus fuisse D. Ambrosius qui fuit de primitivis Doctoribus, posset responderi ad rationes alterius partis: B. enim Jacobus loquens de oratione, fortè non intendit de forma Sacramenti, sed de supplicatione qua fit per orationem præcedentem, aut sequentem, per quam apud Deum sublevaratur infirmus, & ei commendatur.* Nec Paludanus in 4. dist. 23. q. 1. Si aliqua Ecclesiæ, inquit, habeat solam formam indicativæ modi, sicut Ambrosiana, tempore saltem Ambrosii, ut dicitur, non est dicendum quod nihil sit actum. Nec Aureolus pariter qui in 4. dist. 23. ar. 1. docet, formam Extremæ unctionis posse esse indicativam. Tom. 5. pa. 308. col. 2. A
Ed. August. 1566 p. 359.
Tom. 2. pa. 159. col. 1. C

Quare non valet responsio Petri Ledesmi c. 3. de forma hujus Sacramenti, cum ait hanc formam indicativam esse tantum quoddam præambulum ad Sacramentum Extremæ unctionis.

Namque citati Theologi, ait eruditus P. Menardus in notis ad Librum Sacramentorum S. Gregorii pag. 333. cum hac scripserunt, non erant adeo stupidi ut ignorarent, si præter formam indicativam aliam haberet deprecatoriam Ambrosiana Ecclesiæ. Præterea, ut nemo dixerit, cum quis infundens aquam proferit hæc verba, *Ego te baptizo &c.* hanc formam esse præambulam ad Baptismi Sacramentum; ita absurdum est dicere, cum ungitur ægrotus oleo sanctificato, & proferuntur hæc verba, *Ungo te &c.* ejusmodi formam esse quid præambulam ad Extremam unctionem..... Neque hæc doctrina adversatur Concilio Tridentino, cum ait Sess. 14. cap. 1. formam esse illa verba, *Per istam unctionem &c.* Nam Concilium deprecatoriam non ita astruit, ut rejiciat indicativam, quam olim in usu fuisse luce meridiana clarius est: ut nec ita astruit illa verba, *Per istam unctionem*, ut destruat formam Græcorum, quæ licet deprecatoria sit, ejusmodi verba non tamen agnoscit. Ita Hugo Menardus.

Ex quibus consequens est, ut dicamus validam olim fuisse formam unctionis extremæ modo absoluto & indicativo expressam: adeoque Christum institutione sua hoc unum voluisse, ut forma hujus Sacramenti idonea foret ad exprimendum ejus effectum; Ecclesiæ verò libertati permisisse, determinare modum, sive indicativum, sive deprecatorium, quo exprimi deberet illa forma: quam viam explicandi ac simul conciliandi formam Sacramenti Confirmationis in utraque Ecclesiæ, Latina & Græca, diversam amplexi sumus in nostro Tractatu de Sacramento Confirmationis.

Eandem viam hic sequitur Maldonatus, de Extremæ unctione qu. 1. *Non fuit, inquit, propositum Christo aut Apostolis, ut certam aut immutabilem verborum formam nobis prescriberent, sed tantum ut exponerent effectum Sacramenti, qui per formam explicandus erat.* Similiter Eritius in 4. dist. 23. paragr. 10. *Nihil vetat, inquit, ejusdem Sacramenti formam nunc enuntiativæ, nunc deprecativæ vel optativæ recitari.* Pagina 386. A.
P. 197. col. 1. D

A R T I C U L U S I I I.

De anſtoſa Sacramenti Extremæ unctionis.

NOVatores Lutherani & Calviniſtæ qui Extremam unctionem è numero Sacramentorum novæ Legis expungunt, conſequenter negant eam ullatenus à Chriſto fuiſſe inſtitutam; niſi ad tempus, & ad unam corporis ſanitatē reſtituendam.

Inter noſtros Magiſter Sententiarum L. 4. diſt. 23. aſſerit unctionem inſirmorum eſſe ab Apoſtoliſ inſtitutam, non à Chriſto. S. Bonaventura, in eandem diſtinctionem q. 2. & Hugo à S. Victore, docent Spiritum ſanctum per Apoſtoliſ Sacramentum hoc inſtituiſſe. Iſtam aliquorum è noſtris opinionem adverſus nos contorquent novi Dogmatiſtæ, utprobenſ noſtram Extremam unctionem verum non eſſe ac propriè dictum Sacramentum, vel ipſo judicio Magiſtri, S. Bonaventuræ & Hugoniſ Victoriſ, cùm non ſit, iis pronuntiantibus, à Chriſto inſtitutum.

Verim protervè abutuntur illi horum Theologorum ſententia: nullus quipè eorum negavit Extremæ unctioni dignitatē ac rationē veri Sacramenti; & cùm aſſerant eam ab Apoſtoliſ fuiſſe inſtitutam, non à Chriſto, loquuntur de inſtitutione immediata, non mediata: agnoscunt etenim ex inſtinctu Spiritus ſancti, & poteſtate à Chriſto primo omnium Sacramentorum parente derivatā, eos egiſſe, quod certè eſt agnoſcere unctionem eſſe à Chriſto, ſi non immediate, mediatè ſaltem inſtitutam: qua in opinione nihil eſt quod fidei catholice adverſetur. Quamquam enim longè probabilius nobis videatur, ſicut oſtendimus in Tractatu de Sacramentis in genere, Chriſtum immediate per ſeipſum omnia novæ Legis Sacramenta inſtituiſſe; non eſt tamen id fide certum ac definitum, ſed in controverſia & diſputatione adhuc verſatur.

Quæſitaque 1. an Chriſtus inſtituerit Sacramentum Extremæ unctionis.

Reſp. affirmative. Patet ex Concilio Tridentino, tùm Seſſ. 7. Can. 1. quo anathemate damnat eos qui dicunt Sacramenta novæ Legis non fuiſſe omnia à Jeſu Chriſto Domino noſtro inſtituta. Tùm Seſſ. 14. ubi ex profeſſo de noſtro Sacramento ait cap. 1. *Inſtituta eſt autem ſacra hæc unctio inſirmorum, tanquam verè & propriè Sacramentum novi Teſtamenti, à Chriſto Domino noſtro, apud Marcum quidem inſtitutum, per Jacobum autem Apoſtolam ac Domini fratrem, fidelibus commendatum, ac promulgatum.* Et Can. 1. *ſi quis dixerit, Extremam unctionem non eſſe verè & propriè Sacramentum à Chriſto Domino noſtro inſtitutum, & à B. Jacobo Apoſtolo promulgatum... anathema ſit.* Non ait Synodus, (quod obſerva) à ſancto Jacobo inſtitutum, ſed promulgatum dumtaxat Sacramentum Extremæ unctionis, quo certè innuit Chriſtum immediate per ſe Sacramentum hoc inſtituiſſe. Hoc ipſum autem etiam neceſſaria ratio convincit, ait hic Eſtius in 4. diſt. 23. paragr. 3. *excedit enim Apoſtolicam omnemque humanam poteſtatem facultas inſtituendi Sacramenti; quia non poteſt homo promittere Deum tali ſigno adhibito gratiam daturum, niſi cognita prius voluntate atque ordinatione divina.* Vide alia momenta quæ adducit ibidem mox laudatus Theologus, & quæ nos etiam expoſuimus ubi de Sacramentis in genere diſſerebamus.

Quæſtes 2. quo tempore ſit à Chriſto inſtitutum Sacramentum unctionis inſirmorum.

Reſp.

Resp. diversas esse Theologorum sententias. Magister, S. Bonaventura, & alii nonnulli existimant hoc Sacramentum post Christi in cælum Ascensionem, ab Apostolis ex peculiari revelatione Spiritus sancti fuisse institutum. Alii institutum volunt Marci 6. cap. cum nempe Apostoli acceperunt à Christo facultatem ungendi & sanandi infirmos: laudantur pro ea sententia Victor Antiochenus in caput 6. S. Marci; Beda Venerabilis in eundem locum; Jonas Aurelianensis L. 3. de Institutione laicali c. 14. Theophilactus, Occumenius ad citatum caput 6. S. Marci. Alii denique, & quidem nostro iudicio verisimilius, putant institutum post Resurrectionem Christi à mortuis, tum cum Apostolis concessit ligandi atque solvendi auctoritatem. Cum enim Extrema unctio sit perfectio ac consummatio penitentiae, eo ipso tempore videtur instituta, quo Sacramentum ipsum Pœnitentie. *Hi enim dies qui inter Resurrectionem Domini Ascensionemque fluxerunt, ait S. Leo sermone primo de Ascensione, non otioso transierunt decursu, sed magna in eis confirmata sunt Sacramenta, magna revelata mysteria.*

To. 1. p.
322. f. 2.

A R T I C U L U S IV.

De ministro Sacramenti Extremæ unctionis.

QUÆRES I. quis sit hujus Sacramenti minister.

Resp. ex verbis S. Jacobi toties laudatis, plantum fieri, Sacerdotes seu Presbyteros esse hujus Sacramenti ministros. *Infirmatur quis in vobis? inquit, inducat Presbyteros Ecclesie &c.*

Presbyterorum autem nomine, non seniores è populo seu societate christiana intelligi debere, sicut nostris placet Novatoribus, sed eos qui dignitate seu Ordinatione sua ad Episcopalem vel Sacerdotalem gradum evecti sunt, demonstrat Estius in hunc locum. Tum quia vix unquam in Scriptura novi Testamenti vox ista, Presbyter, nomen est ætatis: passim verò aut populi Magistratus eo vocabulo designantur, ut in Evangelio, & interdum in Actis Apostolorum; aut ii significatur Presbyterorum nomine, qui ad Episcopalem aut Sacerdotalem functionem Ordinatione sua promoti sunt. Tum quia series ipsa contextus Apostoli hoc evincit. 1. non simpliciter Presbyteri dicuntur, sed Presbyteri Ecclesie. 2. qui iubentur orare super infirmum. 3. quia per eos unctio facienda præscribitur in nomine Domini. 4. denique, quia per eorum ministerium remissio peccatorum obtinenda promittitur. Quæ omnia rectè cadunt in Presbyteros dignitate & ordinatione, non autem in eos qui tantum ob ætatem ita dicuntur: aliàs, ut rectè observat idem Estius in 4. dist. 23. paragr. 11. cum etiam ætate juvenes Ecclesiis præficerentur aliquando, ut Timotheus Episcopus ab Apostolo constitutus, absurdum omnino foret hoc Extremæ unctionis & orationis munus ad solos seniores remittere, eoque privare juniores Episcopos & Sacerdotes.

Est. ib.
Ep. p.
1142.
col. 1.

P. 293.
col. 2. &

Non aliam hic esse nominis Presbyterorum interpretationem demonstrant tum SS. Patres quotquot istum S. Jacobi textum expoliare, tum usus constans ac perpetuus Ecclesie, quæ non ab aliis quam à Sacerdotibus Sacramentum hoc administrari permisit, tum denique ipsum Concilium Tridentinum Sess. 14. cap. 3. ubi de ministro hujus Sacramenti sic loquitur: *Jam verò, quod attinet ad præscriptionem eorum qui & suscipere, & ministrare*

To. 14.
Conc. p.
812.

Tournely de Sacram. Extremæ unctionis.

Dd 3 hoc

hoc Sacramentum debent, haud obscure fuit illud etiam in verbis prædictis (S. Jacobi) traditum. Nam & ostenditur illic, proprios huius Sacramenti ministros esse Ecclesie Presbyteros: quo nomine, eo loco, non alate seniores, aut primores in populo intelligendi veniunt, sed aut Episcopi, aut Sacerdotes ab ipsis rite ordinati per impositionem manuum Presbyteris. Et Can. 4. Si quis dixerit, Presbyteros Ecclesie quos B. Jacobus adducendos esse ad infirmum inungendum hortatur, non esse Sacerdotes ab Episcopo ordinatos, sed atate seniores in quacvis communitate, ob idque proprium Extremæ unctionis ministrum non esse solum Sacerdotem, anathema sit.

Ex dictis duo inferes. 1. nomen Presbyterorum hic ad solum Episcopum non contrahi, sed ad simplices extendi Sacerdotes. 2. ipsos non excludi Episcopos; quidquid enim potest simplex Sacerdos, potiori jure potest & Episcopus.

Dices: Innocentius I. in Epistola ad Decentium videtur declarare posse à quibuslibet Laicis ministrari Sacramentum unctionis infirmorum. Quod non est dubium, inquit, de fidelibus aegrotantibus accipi vel intelligi debere, qui sancto oleo chrismatis perungi possunt, quo ab Episcopo confecto, non solum Sacerdotibus, sed omnibus uti Christianis licet in sua aut suorum necessitate inungendo.

Respondent aliqui, Innocentium non loqui de ministro, sed de subiecto seu percipiente Sacramentum Extremæ unctionis; ac verbum istud postremum, *inungendo*, passivè non activè esse intelligendum; ita ut sensus S. Pontificis iste sit, unctionem illam non à solis Sacerdotibus percipi debere, sed ab omnibus Fidelibus christianis per ministerium Sacerdotum. Ita Janſenius Gandavensis in caput 6. S. Marci. Verùm aliis displicet hæc responsio, quia, inquit, dubium non moverat Decentius utrum liceret singulis Christianis recipere unctionem; sed utrum ipsimet uti possent oleo per Episcopum benedicto, seipsos eo inungendo in suis aut suorum necessitate.

Respondent alii, Innocentium unicuique Christiano permittere in casu necessitatis, deficiente Sacerdote, seipsum aut alios isto infirmorum oleo inungere, quod eo in casu verum non est Sacramentum, sed pius dumtaxat aliquis ritus, qui propter desiderium Sacramenti, utcumque ejus vices ex pietate suscipientis supplet: quomodo, inquit, deficiente aqua naturali, licet baptizare in vino, aut alio liquore; quomodo etiam permittitur, absente Sacerdote, exomologesim facere apud Diaconum, vel apud Laicum. Id verò permittitur, non quasi Baptismus in vino valeat, aut quasi potestas sit penes Diaconum, vel etiam penes Laicum absolvendi à peccatis; sed ut minister Baptismi, vel etiam baptisandus faciat quod ex parte sua est, & ut penitens faciat etiam quod in se est.

Verum neque hæc responsio aliis videtur idonea, quia supponit falsum, nempe licere in vino baptizare, licere Diacono vel Laico sacramentaliter confiteri & ab eo absolvi; hæc quippè nusquam licent. Non enim licet alia uti materia ad baptisandum, quam aqua naturali; neque licet formam Baptismi applicate, quando vinum, aut alius liquor infunditur. Pariter non licet absolvi à Diacono vel Laico. Potest quidem aliquis ex humilis ac demissi animi sensu sua peccata Diacono vel Laico confiteri; sed non licet Diacono vel Laico verba sacramentalia absolutionis proferre. Prius permittit S. Thomas in Supplemento q. 8. art. 2. ad 1. non potterius. Itaque

Respondent alii, & nostro quidem judicio aptius, permitti ab Innocen-
tio

rio cuilibet Christiano, ut occurrente necessitate, tum se, tum alios hoc oleo ungere possit, pia devotione affectus erga rem sacram & Episcopali benedictione consecratam, per quam speret medelam consequi; ita tamen ut nullum conficiat Sacramentum, sed sit tantum, ut antea diximus, materialiter non formaliter unctio infirmorum sacramentalis: quomodo solent Fideles uti aqua benedicta, aliisque rebus consecratis; quomodo etiam oleo per Episcopum benedicto multos olim usos fuisse historia proditum est, ut constat de Machario apud Palladium Historiz Lausiace c. 20. de Eutychio Constantinopolitano apud Eustathium Presbyterum in ejus vita; de Mario Abbate apud Gregorium Turonensem in vitis Patrum c. 14. n. 2. Refert enim cum *quar-
tis, tertianis febribus infuso benedicti olei liquore* mederi solitum fuisse. Pagina
1210. B.

Plura extant alia similia exempla quæ omittimus.

Quæres 2. an quilibet Sacerdos sit minister idoneus hujus Sacramenti.

Resp. 1. si sermo sit de administratione valida, quemlibet Sacerdotem esse ministrum idoneum: quia ad validam hujus Sacramenti administrationem sufficit potestas Ordinis, nec requiritur potestas jurisdictionis.

Resp. 2. si sermo sit de administratione licita, constantum Sacerdotes esse ministros legitimos, qui vel ordinariam vel delegatam habent jurisdictionem.

An verò deficiente Sacerdote qui talem habeat jurisdictionem, possit in casu extremæ necessitatis Sacramentum hoc licite à quovis alio, etiam Religioso, conferri, dubitatur. Negat Navarrus in Manuali c. 27. n. 101. Affirmant Soto Sylvius & alii quamplures, & quidem merito: tum quia cum Ecclesia suis decretis, v.g. Clementina prima *De privilegiis*, Clementina *Dudum, de sepul-
turis*, prohibuit Religiosis sub poena excommunicationis, ne in jura & officia Parochorum involarent, voluit dumtaxat audaciam & temeritatem cohibere eorum, qui prætextu suorum privilegiorum existimabant sibi licitum esse munia Parochorum exercere, quasi jure ordinario; non verò prohibere voluit ut absente quolibet alio Sacerdote, in casu necessitatis possent infirmo jam morituro subvenire, conferendo ipsi Sacramentum Extremæ unctionis. Tum quia S. Carolus in Concilio Mediolanensi V. ita præscribit: *Si
porro is (Parochus) impeditus, aut aliàs in mora est, mortisque periculum in-
stat, hoc Sacramentum Sacerdos alius administret.* To. 15.
Canc. p.
190. D.

Quæres 3. quot necessarii sint Sacerdotes ad conferendam unctionem infirmorum.

Resp. 1. absolute unum sufficere. Ita S. Th. L. 4. c. Gentes cap. 78. *Sitamen,
inquit, unus solus Presbyter adfit, intelligitur hoc Sacramentum perficere in
virtute totius Ecclesie, cujus minister existit, & cujus personam gerit.* To. 14.
p. 777.
col. 2. B.

Et Alexander III. S. P. cap. *Quasivivi*. De verborum significatione, ait, quòd Sacerdos uno presente Clerico & etiam solus potest infirmum ungere.

Ante ipsum Innocentius I. in Epistola ad Decentium, declarat Episcopum esse ministrum hujus Sacramenti, nec tamen exigit ut collegam advocet.

Denique non defunt exempla Sacramenti hujus ab uno dumtaxat Presbytero vel Episcopo administrati, ut constat ex vita S. Engendi, Ex Everhelmo in vita S. Popponis: ex Prudentio Tricassino, qui solus inunxit beatam Mauram.

Neque obstat quòd S. Jacobus numero plurali dicat, *inducat Presbyteros*. Jam enim obler va vimus post Estium, esse enallagen numeri, atque sensum esse aliquem ex Presbyteris; quomodo dicimur peccata confiteri Presbyteris,

Ed 4 hoc.

To. 14.
p. 777.
col. 2. B.

Decr. p.
191. B.

Tom. 2.
Canc. p.
1248.

hoc est alicui Presbytero. Plura exempla similis locutionis suppeditat S. Augustinus L. 3. de consensu Evangelistarum cap. 16.

Resp. 2. in Ecclesia Græca septem adhiberi Sacerdotes in ministrando Sacramento Unctionis extremæ, ita præscribit Euchologium. Ita Arcudius L. 5. c. 3. *Septem autem numero Presbyteros, ait, Græcorum Ecclesia exigit, siue propter septem peccata mortalia, siue quia septenarius numerus in sacra Scriptura valde commendatur, & non caret mysterio: quin Jubilæum in se complectitur. Dicerem etiam propter septem corporis partes quas ungunt.*

Simcon Thessalonicensis istas illius numeri rationes & causas adducit. *Septem, inquit, esse vocandos Sacerdotes consuetudine traditum est: quod fieri arbitror propter dona septem Spiritus, quæ apud Isaiam enumerantur; vel propter illos septem antiquæ Legis Sacerdotes, qui divino iussu circumuehentes urbem Hierico, septies tubis cocinerunt, atque mœnia diruerunt: ut etiam hic septem Sacerdotes urbem, duraque mœnia altitudinum peccati demoliantur: Vel etiam tanquam mortua existentis anima, ut supra puerum illius Sunamitidis, admirationem Prophete, sapius orent Sacerdotes, & eam suscitent, prout sanè exci-tavit puerum Eliseus septies reuersus, septies item precatus &c.*

Resp. 3. in Ecclesia quoque Latina plures aliquando Sacerdotes advocatos fuisse in ministranda infirmis Unctione. Ita colligimus ex Libro Sacramentorum S. Gregorii p. 253. apud Menardum. *Multi enim Sacerdotes, inquit, infirmos pertu-gent insuper in quinque sensus. Favent Codices Rotaldi, Tilianus, Remigio-Rhemenfis; Scriptor vitæ Caroli Magni, qui refert eum oleo sancto inunctum fuisse ab Episcopis; Scriptor vitæ S. Olvaldi; Siple Thomas L. 4. c. Gentes c. 73. ubi sic loquitur: Quia hoc Sacramentum perfecta curationis effectum habet, & in eo requiritur copia gratiæ, competit huic Sacramento quod multi Sacerdotes inter-sint, & quod oratio totius Ecclesiæ effectum huius Sacramenti copadiuget.*

Colligimus denique ex testimonio Reyneri, qui refert Valdenses Sacramen-tum Unctionis ob multas rationes reprobasse, atque imprimis propter plures Sacerdotes ibi necessarios: quod nempe abusus irrepisset, ut plures illi qui pro more advocabantur Sacerdotes, pretium exigenter; unde promana-verat in vulgus hæc falsa opinio, Sacramentum istud duntaxat divitum esse, qui sufficerent solvendo pretio quod plures illi exigebant ministri: quam eorum tūtpem rapacitatem & avaritiam reprehendere Odo Parisiensis in synodalibus Constitutionibus, Synodus Andegavenfis an. 1283. Rhemenfis & Trecentis initio sæculi decimi quinti, & Senonenfis an. 1524.

Quæres 4. quot modis Unctio illa extrema à pluribus Sacerdotibus ministraretur.

Resp. pluribus. Aliquando unus olcum applicabat, altero formæ verba pronuntiant, ut in Libro Sacrament. S. Gregorii ex Codice Menardi, ex Codice Rotaldi unde colligit ipse Menardus, ritum hunc favere opinioni eorum qui dicunt validum esse Baptismum, si uno verba proferente, alter mergat, aut aquam infundat. Sed immerito ita colligit Menardus; alia enim est ratio Baptismi, alia huius Sacramenti. Aliquando singuli ungebant easdem omnes corporis partes, & ungendo formam proferebant, ut in Codice Tiliiano & Remigio-Rhemenfi: quo casu non multiplex, sed unum erat Sacramentum ex illis omnibus unctionibus resultans. Aliquando unus unam partem, alter alteram ungebat, ut in Euchologio Græcorum: quisque enim ex septem Sacerdotibus legitur ungere distinctum organum vel membrum.

QUÆ.

QUÆSTIO TERTIA.

De subiecto cui administrari debet Sacramentum Extremæ unctionis.

QUAES. 1. quibus sit administranda Extrema unctio.

Reſp. ex textu S. Jacobi minimè obſcurum eſſe, quibus hoc Sacramentum ſit impetendum; ait enim: *Infirmatur quis in vobis? inducat Presbyteros Eccleſiæ, & orent ſuper eum, ungentes eum oleo; & oratio ſidèſalvabit infirmum.* Solis igitur infirmis dandam eſſe Extremam unctionem perſuaſum ſemper habuit, & praxi ſua confirmavit Eccleſia Occidentalis.

Non ita Orientalis, quæ ſanos ac corpore vegetos inungit, perinde ac infirmos; adeo ut, ait Arcudius L. 5. de Extrema unctione cap. ultimo, *modò non pudeat paſſim Græcorum Presbyteros hoc oleum inſtar Sacramenti ex imperitiâ benevolentius adminiſtrare.* Et antea cap. 4. relatis auctoribus Græcis qui contendunt Sacramentum illud peccatoribus, tum ſanis tum infirmis adminiſtrari poſſe, ſubiungit: *Favet multum nominatis auctoribus auctoritas Euchologii, in quo non tantum ægrotus, ſed etiam ſanus qui ſit ungendus introduciſtur. Færet etiam præſens Græcorum conſuetudo, quæ quidem viget non in aliquo angulo Græciæ, ſed ubique paſſim, quam eandem veſinet huc noſtra ætate Ruſciæ, univerſaque Moſcovia.* Ejusdem Græcorum uſus meminit Goarius in ſuis notis ad Euchologium, ſicut indicant ejus verba ſuperius relata, ubi de materia remota Extremæ unctionis; & ipſe pariter Leo Allatius L. 3. de conſenſione Eccleſiæ Occidentalis & Orientalis c. 16. n. 3. *Non tantum, inquit, infirmos, ſed ſanos quoſque homines Extrema unctione, & ſapius Græci inungunt.*

Hanc eſſe Græcorum praxim certum eſt ac exploratum apud omnes: ſed an illa unctio qua ſanos paſſim inungunt, ab illis pro vero noſtro habeatur Sacramento, non ita certum & extra controverſiam poſitum videtur. Affirmat Arcudius, qui idcirco contra hunc Sacramenti abuſum vehementer inſurgit: contra negat Goarius, moleſtè ferens quòd Arcudius ſuos propter eam unctionem durius exagitet, quæ mera videtur eſſe apud ipſos ceremonia, non verum noſtrum Sacramentum, quæ Goarii ſententia eò magis nobis arridet, quòd audivimus antea ex Innocentio I. noſtro etiam Latinos oleo per Episcopum ſanctificatos uſos fuiſſe ad morbos depellendos: nec tamen ſuſpicari poſſumus, in ea unctione fuiſſe verum noſtrum Sacramentum. Deinde vix intelligimus, quomodo Græci à Latinis nuſquam reſprehenſi ea in parte fuerint, ſi pro certo habuiſſent unctionem illam, quam ſanis promiſcùe ac ſapius adhibeant, eſſe verum noſtrum Sacramentum: ſiquidem noſtris Latinis fuit ſemper perſuaſum, ſolos infirmos, juxta mentem & verba S. Jacobi, ac praxim Eccleſiæ conſtantem, ea unctione eſſe inſinuendos. Innocentius etenim IV. in Epistoſola ad Tuſculanum Episcopum abſolutè & ſimpliciter non reprehendit Græcos, quòd peccatores ſanos inungerent, ſed quòd in ſatiſfactionem poenitentiz ſolam imperarent unctionem, qui certè abuſus erat, & diſciplinæ relaxatio manifeſta.

Neque dicas I. nec S. Jacobum, nec Conc. Trid. cum aſſerunt infirmos ungentes eſſe, ſanos excludere.

Namque ubi designatur Sacramenti alicujus ſpeciale ſubjectum, aliud omne excludi cenſetur, præſertim cum nullo alio exemplo & facto contra-

Tournely de Sacram. Extremæ unctionis,

Dd 5 rio

*Tr. 11.
Conc. p.
613. a. 6.*

rio potest ostendi, alteri quàm designato subiecto datum esse Sacramentum. Atqui & à S. Jacobo, & à Conc. Trid. & à tota Traditione Latinæ Ecclesiæ homo infirmus designatur tanquam proprium hujus Sacramenti subiectum; & aliunde nullo exemplo potest ostendi, Latinam Ecclesiam hoc Sacramentum sanis ac benè valentibus administrasse; ergo ita homo infirmus designatur subiectum proprium illius, ut excludi censeatur sanus.

Nec dicas 1. in praxi Græcorum adesse materiam & formam, & ministrum Sacramenti.

Namque pariter & in ritu quo Hæreticos ad Ecclesiam redeuntes olim Græci recipiebant, aderat materia, forma, & minister Confirmationis: nec tamen erat verum ac proprium Sacramentum quod dicitur Confirmatio. Quid ita? quia non erat idem operandi modus, non eadem mens atque intentio, tum conferentium, tum percipientium eam exteriorum ceremoniam. Idem jam dici debet in presenti negotio.

Nec denique dicas, unctionem illam quæ sanis adhibetur, à Græcis ipsis Sacramentum appellari.

Namque aut decepti sunt errore facti, vel etiam errore juris, recentiores illi Græci; aut dicendum ab illis improprio & latiori sensu unctionem hanc Sacramentum appellari.

Quæres 2. quibus infirmis administranda sit Extrema unctio: an illis tantum qui jam jam morituri sunt; an illis etiam qui gravi morbo decumbunt, de quorum morte timetur, quamquam non ita proxima sit.

Resp. utriusque posse ac debere administrari.

Ac primò quidem infirmis in exitu seu in extremis positis dandum esse istud Sacramentum, demonstrat tum praxis Ecclesiæ continuæ; tum vel ipsa Extremæ unctionis, & Sacramenti exeuntium appellatio; tum auctoritas Conc. Trid. Sess.

To. 14. 14.c. 3. *Declaratur*, ait Synodus, *esse hanc unctionem infirmis adhibendam, illis verò*
 Conc. p. 811. *præsertim, qui tam periculose decumbunt, ut in exitu vite constituti videantur: unde Sacramentum exeuntium nuncupatur.* Tum denique status ipse moribundi, qui majori indiget gratiæ auxilio quo præmuniri possit contra tentationes demonis, quæ tunc urgent vehementius. *Nullum enim tempus est*, ait eadem Synodus

ibid. A. *in præfatione de Sacramento Extremæ unctionis, quo vehementius ille omnes sue perisusie nervos intendat ad perdendos nos penitus, & à fiduciæ etiam si possit, divinæ misericordiæ deturbandos, quàm cum impendere nobis exitum vite perspicit.*

Secundò, aliis pariter infirmis qui periculose decumbunt, & de quorum morte timetur, quàmquam non ita proxima videatur, administrandum esse, demonstrat

1. auctoritas Conciliorum Florentini, & Tridentini. Florentium in Decreto ait, *subiectum huius Sacramenti esse infirmum, de cuius morte timetur.* Tridentin. loco mox citato, ait, *hanc unctionem infirmis adhibendam; illis verò præsertim qui videntur esse in exitu, quæ particula præsertim, innuit aliis quoque infirmis, qui nondum sunt in exitu adhiberi posse.*

Demonstrat 2. praxis antiqua Ecclesiæ, quæ ex his tribus colligitur argumentis, tum quòd Unctio ante Viaticum, quod non nisi mente integra, & corpore non deficiente suscipi debet, ministraretur. In Rituali Parisiensi Eminentissimi Card. Noallii præscribitur, *ut quoties cum oleo infirmorum Viaticum ad egrotum deferretur, antequam exierit Viaticum sumat, inungatur à Sacerdote.* Tum quòd unctio per septem dies repeteretur, id quod erga desperatos & penè sensu carentes obler-

vari

vari non potuisset. Tùm denique quòd aliqui in Ecclesia, aut sedentes, sive genuflexi, hoc Sacramentum suscepisse referantur. Horum trium varia exempla & probationes ex veteribus monumentis suppeditat eruditus P. Martenne Benedictinus L. 1. de antiquis Ecclesiæ ritibus c. 7. art. 2. quæ si doctissimo alioquin Estdio perspecta fuissent, non scripsisset haud dubiè in 4. dist. 23. parag. 13. perpetuo more Ecclesiæ, *Extremam unctionem post Viaticum corporis Domini administratam fuisse.*

Pa. 194.
col. 1. h.

Eodem articulo n. 9. & 10. idem P. Martenne observat duabus maximè de causis factum esse ut sæculo decimo tertio immutata fuerit hæc disciplina, atque solis infirmis extremum spiritum agentibus data sit nostra Unctio. Nempe 1. falsa persuasio quæ nonnullos vulgi animo inuaserat, non amplius post *suscep-* *Marten-*
ptam infirmorum Unctionem licere convalescentibus ad opus coniugale reverti, cap- *Te. 2. p.*
nes comedere &c. Altera differendæ Unctionis occasio fuit avaritia, & capi- *110. &*
ditas ministrorum, qui plura exigebant ab ungendis; adeo ut vix aliquando *seq.*
pauperes huius Sacramenti participes fieri contingeret.

Demonstrant 3. statuta Conciliorum. Rhemensis an. 1583. Cavendum, ait, ne mors Unctionem præveniat, vel morbo invalescente semimortuus non sentiat.

Te. 19.

Burdigalense an. 1583. tit. 12. Tamen, inquit, non eo usque differendam est, dum aeger omnibus penè sensibus destitutus sit.

Conc. p.
898. C.

Bituricensis an. 1584. tit. 28. Can. 1. Administretur, inquit, tempestivè à Sacerdote Extrema unctio olei sancti, ita ut Christianus mente adhuc integra Sacramenti efficaciam agnoscere possit.

Ibid. p.
957. C.
1097.

Idem antea decreverat Concilium Mediolanense I. sub sancto Carolo: Extremæ unctionis Sacramentum, ait, curet Parochus, ut aegroto, dum integrus est sensibus, adhibeatur.

Ibid. p.
264. D.

Idem constat ex Lib. 6. Capitularium Caroli magni cap. 75. ibi enim dicitur sufficere ad ungendum infirmum, si infirmitate depressus ille sit, nondum vitæ perspecto. Idem ex Concilio Aquilgranatenf. II. an. 836. Can. 5. ubi præcipitur Sacerdoti ungere eum quem depressum infirmitate noverit, etiam si nondum urgentem vitæ illius finem perspexerit. Concilium pariter Moguntinum an. 1549. c. 34. requirit dumtaxat ut infirmus sit in mortis periculo.

Te. 1.
Capit.
p. 934.
Te. 7.
Conc. p.
1611. D.

Inde est quòd Catechismus Concilii Trid. par. 2. de Sacramento Extremæ unctionis n. 18. asserat gravissimè peccare eos qui illud tempus aegroti ungendi obsequare solent, cum iam omni salutis spe amissa, vitæ & sensibus carere incipiat. Constat enim ad uberiorem Sacramenti gratiam percipiendam plurimum valere, si aegrotus, cum in eo adhuc integratus & ratio viget, hædemque, & religiosam animi voluntatem afferre potest, sacro oleo leniatur. Hæc omnia profectò monumenta ostendunt manifestè, quàm impudens sit Calvini calumnia dum scripsit Lib. 4. Instit. cap. 19. n. 21. nos non infirmos, sed semimortuos cadavera nostra pinguedine inficere, cum iam anima in primoribus labris laborat.

Te. 14.
Conc. p.
679. D.

Pa. 541.

IV. Idem evincit tùm manifesta ratio quam mox exposuit Catechismus Romanus, tùm & effectus Sacramenti. Namque alter ex effectibus Unctionis infirmorum, est restitutio corporeæ sanitatis; ergo potest conferri quando nondum desperata est sanitatis restauratio; aliàs frustra conferretur ad hunc effectum consequendum homini jamjam morituro; quia Sacramentum non operatur hunc effectum per modum miraculi, sed operatur illum virtute ordinaria supernaturali, quæ naturales causas adjuvat.

Ex

Ex his inferes 1. non esse expectandam ultimam vitæ periodum, qua homo extremum agit spiritum, ut inungatur, sed præoccupandum esse istud tempus, cum adhuc infirmus integris est sensibus, Recte Synodus Lingonensis an. 1404. *Quia, inquit, hoc Sacramentum tunc datur cum infirmitas mortalis videtur, propterea frequenter infirmi aliqui mortem dubitantes illud recusant recipere, vel differunt quantum possunt, & in tantum quod morte præventi recedunt absque Sacramenti receptione. Idcirco debent per omnes honestas vias induci ad recipiendum, & debet eis dici, quod si recusent vel differant recipere, ex eo quod contemnant Sacramentum, peccant mortaliter & graviter; & licet dicant, quod non faciant ex contemptu, debet tamen dubitari ne malignus Spiritus eos extrahens in extremo decipiat. Dicendum est iam eis, quod non debent dubitare quod per receptionem hujus Sacramenti veniat mors, verum potius veniet utraque sanitas mentis & corporis, si deo & digne recipiant.*

Inferes 2. infirmis, quilevi aliqua laborant infirmitate, ex qua morstimeri probabiliter non possit, dandam non esse Unctionem extremam.

Inferes 3. neceam dandam esse infantibus baptizatis, in quibus nullum est peccatum; est enim istud Sacramentum ad expungenda peccata destinatum, *Et si in peccatis fuerit, ait S. Jacobus, dimittentur ei.*

Inferes 4. nec dandam iis qui cum sano sint corpore, vel probabile, vel certum vitæ periculum adeunt; v. g. qui mare transmissuri sunt, aut prælium commissuri, aut capite plectendi: quamvis enim illi omnes egeant præparatione ad mortem, non tamen pro illis, sed pro solis ægrotantibus institutum esse hoc Sacramentum constat ex S. Jacobo, ait hic Estius in 4. dist. 23. paragr. 13. Idem docet Catechismus Romanus. Ratio est, tum quia in illis infirmitas mentis non significatur infirmitate corporis, cum exhibeatur hoc Sacramentum tanquam medicina utriusque, ita ut animæ curatio per curationem corporis significetur, tum quia institutio respicit id quod ordinarium est, nempe homines de morte periclitantes esse infirmos, non sanos. Unde Synodus Carnotensis anno 1526. prohibet *Extremam unctionem dari adultis sanis, quia eis nihil prodesset, cum sit Sacramentum pro infirmis solis institutum.* Jam citatus P. Martenne L. 1. de ritibus c. 7. ar. 1. singularem esse causam ait, cur reis ultimo supplicio afficiendis non detur Extrema unctio, quia nempe, inquit, publicis peccatoribus ac penitentibus illud denegabant antiqui, ut patet ex Innocentio I. Epistola ad Decentium. *Nam penitentibus, inquit, istud infundi non potest, quia genus est Sacramenti. Nam quibus reliqua sacramenta negantur, quomodo unum genus putatur posse concedi?*

To. 1. p. 203.

Inferes 4. adhibendam esse Unctionem amentibus, furiosis, & arreptitiis, si dum sana mente erant, signa sinceræ ad Deum conversionis ostenderint, maxime si antea Sacramentum exoptassent ac postulassent: si tamen ejusmodi amentes & furiosi nulla haberent lucida inter valla, neque posset ipsis unctio administrari sine evidenti periculo irreverentia, satius foret eo in casu illos non inungi, cum Sacramentum hoc non sit absolute necessarium ad salutem.

Inferes 5. non esse denegandam iis Christianis qui subita vi morbi oppressi omnifensu destituuntur, nec suum de peccatis dolorem, ac Sacramenti desiderium significare possunt; eorum quippe perspecta pietas ac fides videtur non obscurum esse argumentum desiderii eorum, quod, si possent, demonstrarent. Vide quæ diximus in Tractatu de Pœnitentia, ubi de absolvendis ejusmodi moribundis loquebamur.

Infe-

Inferes denique, eam Unctionem non esse denegandam senibus qui præ decrepita senectute, quamvis nulla urgente infirmitate, in dies morituri creduntur; ipsa enim gravis & annosa senectus infirmitas est morti proxima. Ita jubet Concilium Mediolanense IV. sub S. Carolo titulo 6. secunda partis. *Parochus, inquit, Extremæ unctionis Sacramentum sicut his ministrare debet, adultis scilicet periculose agrotantibus, propeque moribundis, senio confectis, etiam non agrotis, in diem morituris; ita istis ne ministret, nempe pueris rationis usucipientibus, mulieribus in partu laborantibus, ad bellum proficiscentibus, navigantibus, peregrinantibus, & iis qui mox ultimo supplicio mulandi sunt.*

T. 14.
Conc. p.
457. B.

QUESTIO ULTIMA.

De effectibus, & proprietatibus Unctionis extremæ, necessitate nimirum & iteratione.

ARTICULUS I.

De effectibus Extremæ unctionis.

Effectus Sacramenti Unctionis extremæ exponit Synodus Trid. Sess. 14. c. 2. his verbis. *Res porro, & effectus huius Sacramenti illis verbis explicatur (S. Jacobi) Et oratio fidei salvabit infirmum, & alleviabit eum Dominus; & si in peccatis sit, dimittentur ei. Res etenim hæc gratia est Spiritus sancti, cuius unctio delicta, si quæ sint adhuc expianda, ac peccati reliquias abstergit, & agroti animam alleviat & confirmat, magnam in eo divina misericordia fiduciam excitando: quia infirmus sublevatus, & morbi incommoda ac labores levius fert, & temptationibus demonis, calcantiò insidiantis, facilius resistit; & sanitatem corporis interdum, ubi salutis animæ expedit, consequitur.*

T. 14.
Conc. p.
821.

Ex quo testimonio Concilii habes, effectum primarium ad quem primò ac directè institutum est Sacramentum unctionis infirmorum, esse gratiam sanctificantem, in ordine ad fines aliquos & effectus proprios huius Sacramenti, quos omnino esse quatuor ex eodem textu colligimus: nempe, remissionem peccatorum; absterisionem reliquiarum peccati, infirmi alleviationem seu levamen contra tedium, torporem, & incommoda infirmitatis; denique sanitatis corporeæ restitutionem. De his sic generatim expressis faciliè consentiunt inter se omnes Catholici Theologi, verùm in exponendo unoquoque effectu, nonnihil discrepant atque dissentiunt.

Quæresitaque 1. an Sacramentum Extremæ unctionis peccata per se ac directè, an verò per accedens dumtaxat remittat.

Resp. 1. Dominicus Soto in 4. dist. 23. q. 1. art. 1. cum aliis nonnullis Thomistis in ea esse opinione, per Unctionem extremam primariò, directè, ac per se, ut dicitur, non dimitti peccata quoad culpam, sed per accedens dumtaxat; quia gratia sanctificans quam infundit, compati non potest cum peccatis, præsertim lethaliibus. Nomine igitur peccatorum, intelligit ille reliquias peccatorum; hoc est, ut ipse loquitur, *vestigia & cicatrices, quæ sunt pravae habitudines, puta pronitas & proclivitas ad malum, & ineptitudo, torpor, languor & debilitas ad bonum operandum.* Intelligit etiam penam peccatis, quamquam ratione culpæ dimissis, debitam. Observa obiter:

obiter, nullum ex tali opinione sequi in praxi detrimentum salutis animæ; si quidem Sacramentum saltem per accidens remittit peccata hominibene præparato: parum verò refert quoad praxim, ad bonum & salutem spiritualem hominis, quod disputent Theologi, an Sacramentum primariò & per se, vel tantum per accidens effectum illum producat, modò illum homo percipiat.

Resp. 2. Sacramentum Extremæ unctionis per se ac primariò, seu vi suæ institutionis, remittere peccata.

Pater, rùm ex verbis S. Jacobi, *Si in peccatis fuerit, remittentur ei*. Tum ex Concilio Tridentino mox citato, *Res hujus Sacramenti est gratia, inquit, Spiritus sancti, cuius unctio delicta, si quæ sint adhuc expianda, abstergit*. Tum ex forma ipsius Sacramenti, *Per istam unctionem, ac piissimam suam misericordiam, indulgeat tibi Deus quidquid peccasti per visum &c.* Tum ex SS. Patribus antea citatis, qui unctionem infirmorum recensent inter Sacramenta quæ peccata dimittunt. At 1. nomine peccatorum hic intelligi debent peccata propriè dicta ratione culpæ, non verò tantum ratione pœnæ, vel aliarum reliquiarum quæ ex peccato sequuntur. Ratio est, quia in usu Scripturæ, à quo sine causa gravi recedere non licet, peccatorum nomine vera intelliguntur quoad culpam peccata. 2. Citata mox testimonia intelligi debent, non tantum de dimissione per accidens, sed quæ sit propria, seu ex ipsa institutione hujus Sacramenti, alios frustra hunc effectum assignarent & adscriberent Extremæ unctioni, siquidem certum est alia etiam Sacramenta, quæ vivo- rum dicuntur, per accidens remittere peccata.

Necte moveat quòd S. Jacobus conditionatè loquatur, *si in peccatis sit*. Namque 1. jam supra observavimus cum Estio, particulam *si* non semper significare conditionem rei incertæ, sed concessionem rei certæ & indubitatæ. 2. Dici potest non immeritò Apostolum particulam *si* apposuisse: cum enim nostrum Sacramentum destinatum sit ad delenda etiam peccata mortalia, quæ superesse possunt, vel etiam non superesse, idcirco dicit Apostolus, *si in peccatis sit*: innuens quòd si nullum sit in homine, cum Sacramentum istud percipit, peccatum mortale, tunc unctio, & gratiam auget, & venialia expungit, & reliquias abstergit peccati.

Quæres 2. an remissio peccati sit primarius effectus hujus Sacramenti.

Resp. affirmativè. Quia Sacramenta ad bonum spirituale supernaturale primariò ac per se ordinantur.

Quæres 3. an simplex sit ille primarius effectus: hoc est in una peccatorum remissione consistat; an in aliis duobus qui pariter ad bonum animæ spirituale ordinantur, nempe absterfione reliquiarum peccati, & allevatione infirmi.

P. 128.
col. 1. A.
B.

Respondet Estius in 4. dist. 23. paragr. 4. hunc primarium effectum non esse simplicem, sed ex pluribus aggregatum, ex isto nimirum & duobus sequentibus: quod *sans*, inquit, & ratio institutionis ejus requirit, & verba Concilii Tridentini indicant, quibus dicitur rem hujus Sacramenti esse gratiam Spiritus sancti, cuius unctio delicta & peccati reliquias abstergit, & ægroti animam alleviat &c. Hinc etiam generaliter mentis sanationem tanquam effectum, Extremæ unctioni tribuit Concilium Florentinum.

Quæres 4. quænam peccata per se ac primariò dimittat nostrum Sacramentum: an venialia tantum, an etiam mortalia.

Resp. non consentire ea de re inter se Theologos. Estius loco mox citato, cum

cum multis aliis Thomistis, sola venialia, è contra Bellarminus, Maldonatus & alii etiam mortalia peccata directe ac per se à Sacramento Extremæ unctionis dimitti existimant, quæ postrema sententia vero magis proxima nobis videtur. Tùm quia generatim & indefinite pronuntiat S. Jacobus, *Si in peccatis sit, remittentur ei*. Et Conc. Trid. *delicta, si quæ sint adhuc expianda, abstergit*. Tùm quia forma ipsa Sacramenti indefinite quoque ait, *quidquid peccasti per visum &c.* & aliunde SS. Patres, cum de effectui hujus Sacramenti loquuntur, non distinguunt inter peccata venialia & mortalia. Nomen verò peccatorum & delictorum, mortalia, non minùs, quam venialia intelliguntur; inò & potiori jure. Quæ autem sint illa mortalia peccata in quæ vim suam exerit nostrum Sacramentum, explicat Bellarminus hicc. 8. ea nempe quæ interdum remaneant post omnia alia Sacramenta. *Potest enim fieri, inquit, ut quis post confessionem & communionem in peccatum mortale incidat, & ignoret se eo peccato teneri; unde non poterit illud nova confessione expiare: potest etiam fieri ut confessionem & communionem non ritè peregerit, & hoc ipsum ignoret. Ista igitur sunt vera reliquia, quæ hoc Sacramento tolluntur, nisi quis ponat obicem.* Hoc ipsum docere videtur S. Th. Lib. 4. contra Gent. cap. 73. his verbis. *Contingit quoddam homo omnium peccatorum quæ commisit notitiam vel memoriam non habet, ut possit per penitentiam singula expurgare, à quibus oportet hominem in suo exitu per hoc Sacramentum mundari.* Et in Supplemento q. 30. art. 1. *Si invenit peccatum aliquod, inquit, vel mortale, vel veniale, quoad culpam tollit ipsum, dummodo non ponatur obex ex parte recipientis.* Denique S. Carolus Borromæus in Instructione de Extrema unctione sic loquitur: *Potest fieri, ut ignorante eo qui commisit, vel non valente confiteri, peccatum mortale remaneat: in quo delendo ita hoc Sacramento juvatur, ut fieri possit eum per hoc Sacramentum salvari, qui alioqui fuisset damnandus.*

To. 3. p. 489.

T. 14. p. 776. col. 1. E.

Ad. Mel. Eccl. T. 1. p. 449. col. 1.

Dices: Ex communi Theologorum sententia duo tantùm sunt Sacramenta mortuorum, quæ nempe mortuis per lethale peccatum vitam gratiæ restituant, Baptismus scilicet & Pœnitentia: cætera, inter quæ Extrema unctio, sunt Sacramenta vivorum, quæ per accidens tantùm dimittunt peccata mortalia, infundendo gratiam quæ cum illis compati non potest.

Respondet Sanbovius Tractatu de Sacramento Extremæ unctionis disp. 5. art. 1. duo quidem esse tantùm Sacramenta, quæ ex prima intentione suæ institutionis peccata mortalia dimittant, & quæ idcirco propriè vocantur Sacramenta mortuorum, Baptismus scilicet & Pœnitentia: at Extremæ unctionis esse proprium, ut ex secunda intentione suæ institutionis peccata expuret. Verùm quænam sit illa secunda intentio institutionis hujus Sacramenti, & quò tandem spectet ejus primaria intentio, non satis explicat ille Theologus, ac videtur ejus responsio recidere in aliam, quam ipse tamen non admittit, nempe istud Sacramentum per se ac primariò remittere venialia, secundariò ac per accidens, mortalia: nisi velit hoc sensu ex secunda dumtaxat intentione suæ institutionis, sacram unctionem remittere mortalia peccata, quòd sit instituta tanquam supplementum, perfectio ac consummatio pœnitentiæ.

Resp. itaque, in tribus maxime distingui Extremam unctionem ab aliis duobus, mortuorum, ut dicitur, Sacramentis. 1. Quia Baptismus & Pœnitentia ex sua institutione ac ordinaria lege, supponunt in subiecto seu homine pec-

ne peccatum mortale, sive originale, sive actuale; est enim hæc necessaria horum Sacramentorum materia, circa quam occupatur eorum efficacia: at Extrema unctio non supponit absolute & necessario peccatum aliquod mortale; unde S. Jacobus particulam conditionalem *si*, adhibuit, ut innueret, adhuc Sacramentum nostrum virtutem suam exere, etsi nullum sit in homine cui datur, lethale peccatum. 2. Baptismus & Penitentia in hunc finem sunt à Christo instituta Sacramenta, ut illis homo sanus utatur in decursu vite sue: at Extrema unctio pro infirmis in exitu positis, seu de quorum vita multum timetur, instituta fuit; atque hoc postulabat, inquit Maldonatus Tractatu de Extrema unctione q. 2. analogia & natura Sacramenti. *Hæbent enim*, inquit, *Christiani tria Sacramenta: Baptismum, per quem generantur & nascuntur in Christo: Penitentiam, per quam resuscitantur Deo, qui mortui erant peccato, postquam in Christo nati erant: Unctionem extremam, per quam quasi per medicinam, qui fuerant jam suscitati per penitentiam, sed habebant aliquod reliquum peccatorum, quasi morbum, curantur.* 3. Quia Baptismus & Penitentia non supponunt ante se alia Sacramenta, per quæ deleatur peccatum mortale, sive originale, sive actuale: at Extrema unctio ea supponit ante se Sacramenta, atque in Penitentia dumtaxat subsidium & defectum venit, ea reliqua peccata delens quæ per Penitentiam deleta non sunt.

At, inquires, ~~nonne Extrema unctio datur post absolutionem sacramentali~~ lem? Supponit igitur peccata remissa; non remittit. Ita certè, si verè remissa sunt, ea non remittit Extrema unctio: at si non sunt remissa, aut si post illa, novum aliquod commissum est peccatum, Extrema unctio vi sua illud dimittit, si homo sit, ut oportet, contritus: qua in contritione includitur semper votum seu desiderium subijciendi per Penitentiam clavibus Ecclesiæ tale peccatum, si cognosceretur; atque ad hoc præcipuè instituta est Extrema unctio.

Quæres 5. quænam sit secundus Extremæ unctionis effectus.

Resp. ex citato textu Concilii Trid. secundum illum effectum in eo esse positum, ut abstergat reliquias peccati; hoc est, penam temporalem, pravas dispositiones ad peccatum, animi torporem, debilitatem, atque ineptitudinem ex originali vel actuali peccato proveniente, qua fit ut homo non ita sit promptus ac expeditus ad intuenda & meditanda cælestia. Unde S. Augustinus L. ultimo de Trinitate c. 27. alloquens animam suam, *Quæ*, inquit, *causa est, cur acie fixa lucem illam incommutabilem videre non possis, nisi infirmus es? Et quid tibi iam fecit, nisi iniquitas?*

Si verò quæsieris an omnes illas peccati reliquias ita abstergat Extremæ unctionis gratia, ut nullæ remaneant.

Respondebo 1. esse Theologos qui asserunt eas (si debita præcesserit dispositio) abstergi in ipso exitu, non verò cum homo convalescit: quandoquidem, experientia teste, superlunt ferè in plerisque iidem pravi habitus, eadem infirmitas, idem languor.

Resp. 2. cum Estio, eas omnes reliquias non abstergi, cum in hac mortali vita fieri id non possit; sed saltem hoc efficit Sacramenti gratia, *ut debilitata ac repressæ, minus impediunt ægrotum ab earum rerum cogitatione, qua ad ipsius salutem pertinent.*

Quæres 6. quænam sit tertius Extremæ unctionis.

Resp. esse alleviationem animæ ægrotantis, qua confirmatur, magnam in eo divi-

P. 389.
A.

T. 8. p.
1002. G.

p. 288.
col. 1. C.

divinæ misericordiæ fiduciam excitando: qua & incommoda morbile vius ferat, & in spem melioris vitæ quadam interna consolatione perfusus erigatur, & diaboli calcaneo insidiantis tentationibus facilius resistat. Ita colligitur ex jam citatis verbis S. Jacobi & Concilii Tridentini.

Quæres 7. an sanitas corporis sit quoque effectus hujus Sacramenti, & quo modo producat: an ex opere operato, an verò ex opere operantis.

Resp. ad primum, affirmativè. *Et oratio fidei salvabit infirmum*, ait S. Jacobus. *Sanitatem corporis interdum, ubi saluti animæ expedit, consequitur*, ait Conc. Trid. Quæ verba, *ubi saluti animæ expedit*, ostendunt, non absolutum, sed conditionatum esse istum effectum. Alii & aliam conditionem apponunt, *nisi tam gravis sit morbus, ut ordo naturalis, quem Deus invertere ac mutare non tenetur, exigat talis infirmum mortem*, qua duplici conditione supposita, facile erit intelligere cur virtute & efficacia nostri Sacramenti non semper convallescant infirmi.

Ad secundum, Estius respondet Extremam unctionem non operari sanitatem corporis ex opere operato, sed ex opere operantis; unde concludit, respectu hujus effectus sacram unctionem non tam Sacramentum esse, quam ali-
P. 189.
col. 2. B.

quid sacramentale, *cujusmodi est*, inquit, *asperio aqua benedicta, &c.* Alii respondent, quoties virtute Extremæ unctionis recuperatur sanitas, eam ex opere operato produci: ex quo minimè sequitur, quod aliqui opponant, nempe sanitatem quæ producit ex opere operato, debere semper à Sacramento produci in homine qui cum debita dispositione illud percipit. Namque cum effectus iste conditionatus sit, non absolutus, secundarius, non primarius, necesse non est ut semper sequatur ex Sacramento, ubi nullus est obex ex parte susipientis; sed satis est quòd ubi ponitur propter Sacramentum, virtute illius, hoc est ex opere operato ponatur. Quamquam verò contingat sæpius sanitatem restitui via naturali, per remedia naturalia, non idcirco deprimenda virtus Sacramenti, quæ remedia ipsa naturalia adjuvat & ad felicem perducit exitum.

ARTICULUS II

De proprietatibus Extremæ unctionis, necessitate, & iteratione.

Quæres 1. an & quando necessaria sit Sacramenti Extremæ unctionis perceptio, an necessitate mediæ, aut præcepti divini vel ecclesiastici dumtaxat.

Resp. 1. certum esse apud omnes Theologos, Sacramentum istud non esse necessarium absolute, & necessitate, ut vocant, mediæ, ad salutem æternam consequendam. Ratio est, quia lege ordinaria supponit gratiam justificantem jam infusam per Sacramentum Pœnitentiæ, cujus perfectio est ac consummatio.

Resp. 2. Estius in 4. dist. 23. par. 15. cum aliis nonnullis docere, nullo præcepto aut divino aut ecclesiastico teneri Fideles ad percipiendum nostrum Sacramentum; (modò absit omnis contemptus) ac consequenter verba S. Jacobi, *Infirmum quis in vobis &c.* interpretatur illè, non de præcepto, sed consilio & adhortatione.

Resp. 3. Fideles, dum gravis & periculosa premit infirmitas, jure ac præcepto tum divino, tum ecclesiastico, teneri sacram infirmorum unctionem percipere.

Prior pars probatur, tum ex laudatis sæpius S. Jacobi verbis, quæ gratiæ & sine fundamento ad merum consilium seu exhortationem inflectuntur:
verba

verba enim hæc, *inducat Presbyteros*, imperantis sunt ac præcipientis, non consulentis tantum & adhortantis. Tum ex ipso effectu primario hujus Sacramenti, qui certè maximè necessarius est in lucra illa extrema quam infirmus à dæmone sustinendam habet: tunc enim necesse est vegetiorem esse animum, & magis ad caelestia erectum; tunc omnia mundana desideria exuenda & deponenda; tunc maximè (si unquam) anhelandum ad intimam cum Deo unionem, Apostolo dicente, *Cupio dissolvi & esse cum Christo*. Tum ex comparatione hujus Sacramenti cum Sacramento Confirmationis: sicut enim peccaret laud dubiè contra jus ac mandatum divinum, qui imminente persecutione, cum necesse est fidem intrepido animo sustineri ac defendi, non curaret de percipiendo Confirmationis Sacramento; ita pariter & ille qui in periculo vitæ constitutus, non confugeret ad Unctionem sacram, cujus vi præmuniri debet adversus ultimos, sed graviores dæmonis impetus. Tum denique ex Conc. Trid. Sess. 14. cap. 3. ubi ait nulla ratione audiendos esse quid docent Unctionem hanc *nec mandatum Dei, nec promissionem gratia habere... & à fidelibus sine peccato contemni posse*. Supponit igitur Synodus, esse Dei mandatum de sacra Unctione percipienda, nec posse sine gravi peccato contemni, quod expressè definit Can. 3. ejusdem Sessionis. Porro qui recusaret, vel non curaret percipere sacram illam Unctionem, si non animo, saltem facto ipso censetur illam negligere, contemnere, ac parvi facere officium ad quem illa destinatur; quæ certè animi dispositio pessima est, ac verum involvit contemptum.

To. 14.
Conc. p.
823. A.

Id. p.
666. E.

To. 7.
Conc. p.
1283.

Unde Patres Concilii Colonienſis an. 1549. *Ecclesiastica sepultura eos privandos esse decernunt, qui infirmitatis suæ tempore unctionem sacram respuerint, ac contempserint*. Denique videtur hæc mens atque doctrina Concilii Cabilonenſis II. an. 813. Can. 48. *Secundum B. Apostoli Jacobi, inquit, documentam, cui etiam documenta Patrum consentiunt, infirmi oleo quod ab Episcopis benedicuntur, à Presbyteris ungi debent*.

Altera pars, præcepto nimirum ecclesiastico teneri Fideles periculosè decumbentes sacram infirmorum Unctionem percipere, probatur: tum quia Ecclesia jubet ac vult id omne à suis observari, quod est jure ac præcepto divino necessarium: tum quia de facto summa semper cura & sollicitudine commendavit istud Sacramentum, sicut facile est ostendere veteribus monumentis, ex Origene, Chrysostomo, Augustino, Innocentio I. Gregorio I. antea laudatis, quæ eadem sollicitudo ad subsequentes quoque ætates promanavit.

Narrat S. Bernardus in vita S. Malachie Hybernorum Pontificis, cum gravi dolore affectum fuisset, quòd mulier quædam, ad quam vocatus fuerat, exisset è vivis, antequam sacro oleo perungi potuisset. Quæ fuerit S. Caroli ea de re sollicitudo, patet ex Concilio Mediolanensi V. parte 1. *Caveat, inquit, Patrobus ne in eo Sacramento ministrando negligentiam, ullamve moræ culpam contrahat. Alioquin si ad illius ministratorem accersitus ire neglexerit, cum rationem Deo reddet, tum pena ab Episcopo graviter plectatur*. Is porro ad omnem huius Sacramenti in tempore administrandi diligentiam, præterquam quòd præcipuè cura sua, quæ sanctæ sollicitudinis plena est, officio valde admodum perpetuo excitetur; proposito etiam sibi exemplo sanctissimi Episcopi Malachie accendatur, qui tam vehementis animi dolore ex eo affectus est quòd culpa sua mulier quædam, Sacramenti huius gratia fraudata, decesserit, ut totam noctem orando, gemendo, lacrymando consumpserit, lacrymarumque rã, quasi maximo imbri, pro oleo sancto, quod non mini-

To. 15.
Conc. p.
150. D.

ministravit, mortuam perfuderit. Manè autem exaudivit Dominus Sanctum suum: ita ut illa è morte tanquam è somno excitata, è lecto sese erigens, Sacramentum hoc ab eo acceperit, ac deinceps à morbo convalesceret. Denique mandatum illud ecclesiasticum probant manifestè omnes Ecclesiarum Rituales Libri, in quibus ritus administrandi hoc Sacramentum præscribitur. Secundum auctoritatem canoniceam, ait Theodorus Cantuariensis Archiepiscopus in suo Penitentiali, ne illis (infirmis) annus pietatis clausa videatur, orationibus & consolationibus ecclesiasticis, sacra unctione oles inuncti secundum statuta SS. Patrum, communione viatici reficiantur.

Quæres 2. an Extrema unctio sepius iterari possit, & ab eodè homine percipi.

Resp. 1. ea de re excitata controversiam sæculo duodecimo, inter Gosfridum Vindocinensem, Yvonem Carnotensem, qui negabant eam posse iterari, & Petrum Cluniacensem, Petrum Lombardum, Hugonem Victorinum, qui affirmabant, quæ posterior sententia sola prevaluit.

Resp. 2. olim etiam in eadem infirmitate eodemque statu positis, per septem dies repetitam fuisse unctionem. Ita fert Liber Sacramentorum S. Gregorii editionis Menardi pag. 253. Deinde communicet eum corpore & sanguine Domini. Et sic faciant illi per septem dies, si necessitas fuerit, tam de communione, quam de alio officio. Eundem ritum à pluribus Ritualibus Libris antiquissimis præscribi observaverunt P. Martene L. 1. de antiquis Ecclesiæ ritibus cap. 7. art. 2. n. 5. pag. 109.

Resp. denique, jam à multis sæculis obtinuisse usum, ut non nisi semel, homini in eadem infirmitate eodemque statu constituto, administraretur Unctio extrema: à qua tamen infirmitate recreatus si postea in aliam aut similem inciderit, potest iterum inungi. Quod si infirmi, ait Conc. Trid. Sess. 14. c. 3. post susceptam hanc unctionem convalescerint, iterum Sacramenti huius subsidio uterari poterunt, cum in aliud simile vitæ discrimen inciderint. Rationem affert S. Th. L. 4. c. Gentes c. 73. Huius Sacramenti inunctio, inquit, ordinatur ad sanandum: Medicina autem sanativa toties iterari debet, quoties infirmitas iteratur.

Te. 15.
Conc. p.
812.
T. 12. p.
777. col.
1. B. C.

Quæres denique, an, & quæ dispositiones requirantur in eo qui sacram percipit Unctionem.

Resp. 1. præviā requiri penitentiam & absolutionem sacramentalem. 2. si quis peccati alicujus mortalis sibi conscius est, quod non potest confiteri, debet de illo dolorem ac contritionem habere, cum voto seu desiderio illud confitendi, ubi facultas fuerit. 3. S. Thomas in Supplemento q. 32. art. 4. requirit actualem devotionem, undè adhuc est unctio cum infirmus est adhuc integris sensibus; aut saltem ea requiritur devotio, quæ præcesserit, nec fuerit revocata, priusquam infirmus ille sensu & ratione fuerit destitutus.

Superesset ut hic diceremus de ceremoniis quæ debent observari in administratione huius Sacramenti; verum de illis consulere quisque debet Librum Ritualem Ecclesiæ cui addictus est; & summa religione ac cura exequi quidquid in eo observandum præscribitur.

Atque hæc sufficiant de Sacramento Extremæ unctionis, in quo exponendo si quid nobis incautis minus sanum aut rectum excidisse deprehendatur, pro non dicto ac revocato habemus.

F I N I S

INDEX



I N D E X

Q U Æ S T I O N U M.

QUÆSTIO PRIMA. De nomine, ac definitione *Extremæ unktionis*; & an verum sit *novæ Legis Sacramentum*. pag. 400
ARTICULUS I. De nomine & definitione *Sacramenti Extremæ unktionis*.
 ibid.

ARTICULUS II. An *Extrema unctio* sit verum & propriè dictum *Legis novæ Sacramentum*; & demonstrari illud possit tum ex *Scripturis*, tum ex usu & traditione *Ecclesiæ*. 401

PRIMA CONCLUSIO. Demonstratur ex *Scripturis*, *Unctionem extremam* esse verè & propriè *Sacramentum*, apud *S. Marcum* quidem insinuatam, per sanctum autem *Jacobum* *Fidelibus* commendatam, ac promulgatam. 403

SECUNDA CONCLUSIO. *Extremam unctionem* veram esse ac propriè dictam *Legis Evangelicæ Sacramentum*; demonstratur ex usu perpetuo ac constanti *Ecclesiæ Traditione*. 408

QUÆSTIO SECUNDA. De causis, hoc est, materia, forma, auctore, & ministro *Sacramenti Unktionis extremæ*. 411

ARTICULUS I. De materia *Sacramenti Extremæ unktionis*. ibid.
 De materia remota *Sacramenti Extremæ unktionis*. ibid.
 De materia proxima *Sacramenti Extremæ unktionis*. 414

ARTICULUS II. De forma *Sacramenti Extremæ unktionis*. 416

ARTICULUS III. De auctore *Sacramenti Extremæ unktionis*. 420

ARTICULUS IV. De ministro *Sacramenti Extremæ unktionis*. 421

QUÆSTIO TERTIA. De subiecto cui administrari debet *Sacramentum Extremæ unktionis*. 425

QUÆSTIO ULTIMA. De effectibus & proprietatibus *Unktionis extremæ*, necessitate nimirum & iteratione. 429

ARTICULUS I. De effectibus *Extremæ unktionis*. ibid.

ARTICULUS II. De proprietatibus *Extremæ unktionis*; necessitate, & iteratione. 433

F I N I S I N D I C I S.



